


J. B. L.





3

C O D E X CANONUM

ECCLESIAE PRIMITIVÆ

V I N D I C A T U S

A C

ILLUSTRATUS.

1637-1708
Autore **GUILIELMO BEVEREGIO**

Ecclesiæ Anglicanæ Presbytero.

S. Athanas. ad ubique Orthodoxos.

Οὐ γὰρ νυνὶ Κανόνες καὶ τύποι ταῖς Ἐκκλησίαις ἐδόθησαν, ἀλλ' ἐκ πατέρων ἡμῶν
καλῶς καὶ βεβαίως παρεδόθησαν. --- ἵν' ἐν μὴ τὰ ἐξ ἀρχαίων μέχρ' ἡμῶν
τηρηθέντα ἐν ταῖς Ἐκκλησίαις ἐν ταῖς νυνὶ ἡμέραις παραπόλη), καὶ τὰ
πιτευθέντα ἡμῶν ζητηθῇ παρ' ἡμῶν, κινήσῃτε ἀδελφοί.

Editio Nova Emendatio.



AMSTÆLODAMI,

Apud **GEORGIUM GALLET**, Bibliopolum.

M. D C. X C V I I

1697

*Scripsit
Guillelmus
Shaftsbury
July 20, 1960.*



REVERENDISSIMO

ECCLÆSIÆ PRIMATIÆ

VINCENTI

D. GUSELME

DEL GUSTO

ARCHEVESCOPO CANTUARIE

PRIMATE

3. Annual of the Old

of the

Regis a Secretarius

AMPLISSIMO RESCIT

Unum

the

in



Apud GEORGIVM CALLET, Bibliopolum

M. D. C. C. C. C.



REVERENDISSIMO
IN
CHRISTO PATRI
ac DOMINO,
D. GUILIELMO
PROVIDENTIA DIVINA
ARCHIEPISCOPO CANTUARIENSI,
TOTIUS ANGLIÆ
PRIMATI ac METROPOLITANO,
ET
Augustissimo Principi CAROLO II.
M. *Britanniæ, Franciæ, & Hiberniæ*
Regi à Secretioribus Consiliis.

AMPLISSIME PRÆSUL,



*Uanta sit Primitivam inter & eam cui
ipse præsides Ecclesiam concordia, ne-
minem in utriusque decretis, ritibusque
vel mediocriter versatum later, nedum*

Epistola Dedicatoria.

Te in iis versatissimum. Tanta nimirum est, ut nihilo fere inter se praterquam tempore distinguantur. Idem enim in utraque regimen, eadem fides; Idem Sacramentorum numerus, eademque eorum administrandi forma: Idem etiam ritus, eadem leges, eadem Festa & jejunia: Omnia denique usque adeo eadem in utraque habentur, constituuntur, prædicantur, ut A N G L I C A N A jure merito P R I M I T I V A nuncupetur Ecclesia, ultimis hisce temporibus rediit.

Hanc, eximiam sane, laudem ac honorem malevoli, quibus ipsa, instar Primitivæ itidem, circumdatur, adversarii Ecclesiæ nostræ invidere solent; sed adimere nunquam poterunt, quamdiu genuina primitivorum Patrum martyrumque monumenta intacta tecta conservantur: utpote è quibus clarissime elucescit. Quod cum istis, quorum depravati mores puram adeo Ecclesiam aversantur, plus nimio constet, pro diversis ipsorum ingeniis, hi quidem

Epistola Dedicatoria.

dem Spuria pro genuinis obtrudere , alii vero ipsa etiam genuina nobis subripere moliuntur : Et inter alia , Canones Apostolorum vulgo appellatos , non tantum non ab Apostolis , verum nec à Primitiva Ecclesia , sed post nescio quot secula editos fuisse contendunt , eo tantum nomine , quòd inter eos & Ecclesie nostrae constitutiones pulchrè adeo conveniat.

Hoc igitur Opusculum , **I N P R I M I S R E V E R E N D E A N T I S T E S ,** *quo vera istorum Canonum , adeoque complurium ex iis qui ab Ecclesia Anglicana hucusque observantur rituum , antiquitas vindicatur , Tuum solius patrociniū ambit , cui benignissima in hanc suam Ecclesiam Dei Optimi Maximi Providentia , summam illius , sub Augustissimo Principe , curam commisit. Neque enim* **V I N D I C I Æ C A N O N U M E C C L E S I Æ P R I M I T I V Æ** *majus aliunde praesidium expectare possunt , quam à Te , qui ad illam ipsam Ecclesiam , Canonicamque ejusdem administrationem*

Epistola Dedicatoria.

vindicandam, omni studio ac virtute totus incumbis.

Et præterea ante oculos positum est, quam insipida & ingrata hujusmodi antiquitatis, Ecclesiastica præsertim, studia hisce diebus videantur: Quibus scilicet nihil fere sapit nisi quod novum est. Ac proinde Operi de antiquissimis Ecclesiæ sanctionibus moribusque contexto, talis necessario querendus & asciscendus est Patronus, qui & ipse antiquis sit moribus, atque ipsam etiam antiquitatem contra gliscentis indies novitatis impetus, & exemplo suo, & auctoritate propugnare queat.

Quapropter cum res ipsæ hic tractatæ tantam desiderent, flagitentque Vindicem, utut rudis ac impolita sit hæc mea de iis dissertatio, humillimus à Te peto, EMINENTISSIME PRÆSUL, ut eam singulari illa qua me soles humanitate comprehendas, & sub nominis Tui splendore

Epistola Dedicatoria.

*in lucem prodire patiaris, tanquam perpetuum
Tuae erga me benevolentiae, meaque vicissim erga Te
observantiae μνημόσυνον.*

*His suppliciter, ut par est, ac demississime
imploratis, veritus ne, si longius excurrat ora-
tio, in publica peccem commoda, nihil præterea
addam, nisi vota precesque ardentissimas, ut qui
Te per varios casus, per tot discrimina sibi constan-
tem, rebusque omnibus, equis iniquis, majorem
præstitit, & jam tandem ad ipsum Sacerdotii api-
cem perduxit, Is etiam consiliis Tuis adstiteret, cœ-
ptisque aspirare pergat; Omnia cujusque generis qui-
bus Te dignatus est dona confirmet, augeatque; Ini-
micos Tuos, ut eosdem atque suos, vel convertat,
vel coerceat; Teque in sui gloriam, in Ecclesie suæ
salutem, in Serenissimi Regis honorem, in regno-
rum ejus pacem, in omnium bonorum gaudium,
salvum perdiu incolumemque conservet; & serò,
verùm aliquando tamen, à Cantuariensi ad Cœ-
lestem*

Epistola Dedicatoria.

*lestem Te thronum transferat. Ita cum omnibus
Ecclesie Anglicanae, Primitivæ, Catholica verè
amantibus, Deum Patrem, in potentissimo uni-
ci ipsius Filii, nostrique Salvatoris JESU CHRISTI
Nomine comprecatur.*


Paternitati Tuæ

Devotissimus,

Guilielmus Beveregius.



P R O O E M I U M.

I.  O Temeritatis delirâ hâc nostrâ ætate deventum est, ut nihil propemodum in ipsâ sit religione Christianâ, quod non vel privatim in dubium, vel in controversiam publice vocetur. Usque adeo ut ea etiam quæ per multa retro secula, & ab ipsis Ecclesiæ primordiis ubique recepta fuerunt dogmata, ritusque, hisce demum nostris diebus in discrimen veniant, & perinde oppugnentur, ac si nos primi essemus Christiani, omnesque majores nostri nudum Christi nomen præ se tulissent, & præterea nihil: vel saltem ac si in gravissimis perpetuo erroribus versati fuissent, quicunque divulgatam in Evangelio fidem antehac amplexi sunt. Nimirum, novissimis hisce temporibus nova jactantur lumina, nova ac majora Spiritus sancti dona simulantur: ideoque novæ credendi, novæ orandi, novæ prædicandi, novæ omnium Ecclesiasticarum administrationum peragendi formulæ finguntur indies, & celebrantur. Et quod absurdissimum est, ipsâ etiam novitate nihil modo antiquius habetur, sed quò quid magis novum est, eò pluribus & magis placet & sollicitius propugnatur. Hinc illæ lachrymæ! Hinc tot horrenda in Ecclesiâ schismata! Dum singuli enim ingeniis, vel petulantibus potius suis plus nimio indulgentes phantasis, novitatibus in religionem invehendis student, omnes, præ infinitâ opinionum diversitate, in contraria scinduntur studia & factiones.

II. Quod si nosmet tandem aliquando recolligamus, resque eâ, quâ par est, animi temperantiâ & æquitate perpendamus, statim patebit, nos qui hanc aliasque circumjacentes modò incolimus regiones, nec primos esse nec solos Christi cultores, sed exiguam tantum partem magni illius corporis cujus caput est Christus: utpote quod summâ Dei misericordiâ in omnes terrarum fines diffusum est, & ab ipsis Apostolorum temporibus semper fuit: adeo ut nulla sit ætas, nec ulla fere regio, quâ non plurimi per eam, quam nos profitemur, fidem cœlorum potiti sunt. Secundum hæc, si prægrande hoc omnium cujusque seculi Christianorum corpus, quod *Catholica sive universa Ecclesia* vulgo appellatur, ut ubique & semper constitutum, attentè perlustremus, certa quædam quasi communia in eo deprehendemus principia, quæ totum percurrunt, omnesque illius partes & sibi invicem & capiti connectunt. E quibus primum, illudque è quo cætera oriuntur, est, *Sacram scripturam, sive vetus novumque Testamentum*, divinitus esse inspiratam. In hoc omnes ubique

Christiani consentiunt, semperque consenserunt; quorum propterea nec societate nec nomine dignus censetur, qui illud negat. Verumenimvero hæc sacra scriptura etiam si in iis, quæ ad cuiusque salutem absolute sunt necessaria, præceptis clarissima sit & omnibus manifesta, quantum tamen ad doctrinam spectat & externam Ecclesiæ disciplinam, et pro ipsâ suâ altitudine non uno eodemque sensu ab omnibus accipitur, sed *divina ejusdem eloquia aliter atque aliter alius atque alius interpretatur, ut pene quot homines sunt, tot illic sententiæ erui posse videantur*: ut observavit olim Vincentius Lirinensis, & ex hæreticis ac schismaticis satis superque constat, qui nempe singuli pravas suas opiniones praxisque è sacris scripturis suo modo interpretatis eliciunt. In hujusmodi itaque rebus si non erandi, nec offendendi certi esse velimus, imprimis procul omni dubio cavendum est, ne privatis nostris aliorumve opinionibus aut conjecturis pertinaces nimis adhæreamus, sed nobiscum potius recolamus, quid universa Ecclesia, vel maxima saltem pars Christianorum de istis senserint, & in eâ acquiescamus sententiâ, in quam Christiani per omnia secula consenserunt. Quemadmodum enim *Omni in re consensus omnium vox natura est*, ut ait Cicero: Sic etiam in hujusmodi rebus *Consensus omnium Christianorum vox Evangelii merito habeatur*. Multa autem sunt, quæ licet in sacris scripturis expresse ac definitè non legantur, communi tamen omnium Christianorum consensione ex iis eruuntur. Exempli gratiâ, *Tres distinctas in sacrosanctâ Trinitate personas venerandas esse, Patrem, Filium, & Spiritum sanctum, hosque singulos verum esse Deum, & tamen unum tantummodo esse Deum: Christum secundum quendam esse, vere Deum, ac verè hominem in unâ eademque personâ*. Hæc & similia quamvis totidem verbis ac syllabis, nec in veteri nec in novo instrumento tradantur, de iis tamen, ut utroque fundatis, inter omnes semper convenit Christianos: demptis tantummodo paucis quibusdam hæreticis, quorum in religione haud major habenda est ratio quam monstrorum in naturâ. Sic etiam *Infantes sacro baptismo ablucendos esse, & Sponsores ad illud Sacramentum adhibendos. Dominicam sive primam per singulas septimanas feriam religiose observandam esse. Passionis, resurrectionis, & ascensionis Domini ad cælum, nec non Spiritus sancti adventus commemorationem per singulos annos peragendam: Ecclesiam ubique per Episcopos à Presbyteris distinctosisque prelatos administrandam esse*. Hæc & alia hujusmodi nusquam in sacris scripturis discretè ac nominatim præcipiuntur; sed nihilominus per nulle & quadringentos ab Apostolis annos in publicum Ecclesiæ usum ubique recepta fuerunt: nec nilam intra illud tempus invenire est Ecclesiam, in ea non consentientem. Adeo ut quasi *communes sint notiones omnium ab origine Christianorum animis insitæ*, non tam ex ullis particularibus sacræ scripturæ locis, quàm ex omnibus: ex generali totius Evangelii scopo & tenore; ex ipsâ religionis in eo stabilitæ naturâ & proposito; atque ex constanti denique Apostolorum traditione, qui Ecclesiasticos hujusmodi ritus, & generales, ut ita loquar, Evangelii interpretationes per universum terrarum orbem unâ cum

Vinc. Lirin.
adv. hæres.
c. 2.

Tuscul.
Quæst. l. i.

cum fide propagârunt. Alioquin enim non credibile, imo vero impossibile prorsus esset, ut tam unanimi consensione, ubique & semper, & ab omnibus reciperentur.

III. Hisce præmissis, primo intuitu patet, quid ex iis consequetur. Cum majorem enim omnibus quam singulis Christianis, & universæ quam particularibus quibuscunque Ecclesiis fidem habendam esse nemo dubitet: Cum plurima etiam sint, in quæ universalis Ecclesia per multa post Apostolos secula consensit: Cum hæc denique universalis Ecclesiæ consensio certissima sit in iis, quibus habeatur, capitibus sacræ scripturæ interpretatio, hinc clarissime constat, quali quantoque usui sint antiqui Patres, alique omnium Ecclesiæ seculorum scriptores, quamque necessariò ab iis consulendi sint, quibus, Ecclesiasticas agitantibus controversias, vel sua salus, vel pax Ecclesiæ cordi est. Si nulla enim veteris Ecclesiæ commentaria, nulla Conciliorum Acta, nulla historiæ Ecclesiasticæ monumenta hodie extarent, quantis in tenebris circa ipsam nostram religionem versaremur? Quam facile esset subtili cuivis hæretico, vel sceleratissimo etiam impostori, pietatis speciem præ se ferenti, verba plerisque dare, eosque in perniciosissimos omnium generum errores inducere? Quis Romanam, aliamve quamcunque, licet corruptissimam Ecclesiam, in iis quæ non diserte in sacris scripturis prohibentur, vitii aut erroris arguere potuisset? Unde enim constaret, annon ea quæ ibi usitantur, ab ipsis Apostolis tradita fuissent, & universalis Ecclesiæ consensu comprobata? Quot denique & quanta cujusque modi incommoda hinc exorirentur? Sed nihil est quod iis enumerandis immoremur, cum inter tot tantasque imperiorum confusiones, Ecclesiarum singularium tumultus, omniumque rerum humanarum perturbationes, sapientissimâ benignissimæque Dei Opt. Max. providentiâ ita comparatum sit, ut ab ipsis Apostolicis usque ad hæc nostra tempora nulla sit ætas, cujus Ecclesiastica nobis monumenta non conservantur. E quibus propterea perfectam universalis Ecclesiæ ideam animo concipere, & pro comperto, certoque habere possumus, quid per omnia secula admissum fuit, & quid rejectum: qui ritus & dogmata obtinuerunt, quæ hæreses & schismata explosa sunt & condemnata. Ex iis denique iisque solis videre licet, de quibus doctrinis disciplinisque inter omnes perpetuò Ecclesias convenit, & de quibus inter eas controversum est: adeoque quid magis, quidque minus necessarium est creditu, & observatu. Quicquid enim de aliis dicendum est, ea saltem in quæ omnes ubique Ecclesiæ consenserunt, non possunt non certissima esse, & necessariò ab omnibus etiamnum retinenda.

IV. Verumenimvero hæc, de quâ loquimur, universalis Ecclesiæ de quibuscunque fidei articulis aut ritibus Ecclesiasticis consensio, non ex uno alterove scriptore, nedum ex uno alterove scriptoris alicujus loco, seorsim à reliquis, sed ex omnibus conjunctim petenda est; vel etiam è maximâ eorum parte qui per omnia, præsertim antiquiora, Ecclesiæ secula aliquid literis mandarunt, & de istis rebus meminerunt. In omnibus

enim societatibus, qualis est Ecclesia, pars major præjudicat minori, & jus integri obtinere solet. *Quod major pars curia, inquit Jus Civile, efficit, pro eo habetur ac si omnes egerint.* Imo quidem hæc inter communes juris illius regulas habetur, *Refertur ad universos, quod publice fit per maiorem partem.* Quod itaque vel à majori parte statuitur, aut affirmatur, illud Ecclesiæ universali jure adscribendum est: multo magis quod conjunctis omnium, vel pene omnium testimoniis munitur. Ad quam quidem classem quam plurima in re Ecclesiasticâ facile redigantur. Etiam si enim singulorum per omnes ætates Christianorum sententias nobis transmissas non habeamus, habemus tamen quod tantidem est. Primo etenim, ubi de universalis Ecclesiæ consensu loquimur, haud necesse est, ut ad plebis etiam sive Laicorum opiniones respiciamus: Illi enim ad iudicium de doctrinâ aut disciplinâ Ecclesiæ ferendum nunquam admissi fuerunt; quippe quos pastorum suorum sententias in omnibus, ut par est, sequi, non præire, semper præsumptum est. Et præterea cum populi Episcoporum suorum electioni antiquitus suffragari, suumque de eligendis testimonium præbere solerent, eo sane in doctrinam eorum & disciplinam se consentire aperte satis ostendebant: adeo ut quæcunque Episcopi cujuscvis fuerit sententia, eadem & populus cui præerat, ductus merito existimetur. Hinc itaque consensionem Ecclesiæ non è populo, sed ex Episcopis eorum, è magistris & Sacerdotibus petendam esse, Vincentius Lirinensis recte olim observavit. *Consensionem quoque itidem sequemur, inquit, si in ipsâ veritate omnium vel certe pene omnium Sacerdotum & magistrorum definitiones sententiaque sectemur.* Et hoc quidem, *universalis scilicet Ecclesia consensionem non ex populo, sed ex Episcopis Clericisque petendam esse,* unum est è plurimis istis dogmatibus, in quæ ipsam universalem Ecclesiam habemus consentientem; utpote quæ de rebus Ecclesiasticis dissertura, plebem raro adesse, nunquam autem sententiam de istis dicere aut suffragium ferre permisit. Neque enim in omnibus quæ unquam de istiusmodi rebus celebrata sunt Conciliis, quempiam è plebe decretis subscripsisse legimus. Omnia vero per singulas ætates communia Ecclesiæ negotia per solos Episcopos & nonnullos subinde Presbyteros, Episcoporum suorum loca tenentes, in Conciliis congregatos transacta sunt. Quæ quidem Concilia si in unâ aliquâ provinciâ, istam solam *Provincialem*; sin ab omnibus conjunctim, vel à majori earum parte celebrata fuerint, *Universalem Ecclesiam* repræsentant: *Per quæ scilicet, ut ait Tertullianus, & altiora queque in commune tractantur, & ipsa representatio totius nominis Christiani magnâ veneratione celebratur.* Hujusmodi autem tam *Provincialia* à singulis provinciis, quam *universalia* ab universâ Ecclesiâ, è quâ cognominantur, celebrata Concilia, eorumque Acta & decreta quamplurima etiamnum extant. Extant etiam satis multa singularium Episcoporum & Presbyterorum commentaria, non quidem omnium, sed eorum tamen qui per singula secula doctissimi fuerunt, & dogmatum, rituumque Ecclesiasticorum callentissimi. E quibus omnibus communes & omnium & singularum Ecclesiarum sententias clarissi-

L. 19. ff. ad.
municip.
L. 160. ff. de
regulis juris.

Vinc. Lirin.
adv. hæref.
c. 3.

Tertull. de
Jejun. c. 13.

clarissime, si quid aliud, videre licet, adeoque certissime colligere quid nobis de istis rebus sentiendum sit. Etiam si enim demus dubium esse, annon alii, qui vel nihil scripserunt, vel quorum scripta non supersunt, aliter fortasse senserint, cum id tamen non constet, & non constare in huiusmodi causis idem plane sit ac non esse, quicquid omnes vel major pars eorum, quorum genuina nobis relicta sunt opera, tanquam in commune docuerunt, pro communi & constanti Ecclesiæ universalis doctrinâ sine dubio habendum est. Præsertim cum ipsa etiam universalis Ecclesia se in eam, quæ in antiquis Conciliorum Patrumque scriptis conservatur, doctrinam consensisse, abunde satis ex eo demonstrarit, quod ista, quibus continetur, scripta, nobis Deo ita disponente, conservarit: aliorum interim, qui aliter senserunt, commentariis tantâ oblivione obrutis, ut vix nomina eorum posteritati transmissa sint. E quibus omnibus breviter & summam præmissis, legitimè concludamus, omnia & Patrum singulorum opuscula, & synodorum tam Provincialium quam universalium Acta & monumenta, quæ hodie extant, huic imprimis, magno sane & eximio, usui nobis esse, quod ex iis pro certo & explorato habeamus, quid Ecclesia universa de necessariis fidei articulis & ritibus Ecclesiasticis semper crediderit & prædicarit, adeoque quid semper in Ecclesiâ credendum & prædicandum sit. Nemini enim dubium esse potest, quin universalis Ecclesiæ fidei moribusque in omnibus, quoad fieri potest, religiose insistere, & tutissimum sit, & summè necessarium.

V. Sed dicat forsitan non nemo, *Patres & seorsim singulos, & conjunctim plures in variis religionis capitibus erravisse; eosque inter se aliquando dissentire, & quidem interdum de rebus magni momenti.* Hæc, fateor, contra antiquos Ecclesiæ Patres eorumque in Ecclesiasticis controversiis dijudicandis auctoritatem non ita pridem objecta fuerunt. Sed utrum vera sint, an falsa non opus est hîc disputemus. Etsi enim verissima esse concedamus, nullum tamen ex iis contra nostram de *vero usu Patrum* sententiam exsculpi potest argumentum. Quippe qui de Patribus non singulis seorsim, sed omnibus conjunctim loquimur. Ac proinde quotquot errores in uno pluribusve deprehensi fuerint, & utcunque etiam in nonnullis, magni fortasse momenti, rebus inter se dissentiant, vel saltem dissentire videantur, nostra tamen sententia firma satis stabilisque manet, quandoquidem multa sunt nihilominus, de quibus inter omnes omnino Patres convenit, plurima in quæ major eorum pars consensit. Quæcunque autem inter eos nonnullis de rebus commotæ fuerint dissensiones, summæ eorum in istis de quibus consentiunt, auctoritati nihil detrahunt: Sed eam potius egregiè confirmant. Ex eo enim, quod in aliis dissenserint, luculentissime constat illos ea de quibus consenserunt, non ex pacto & conventu, non ex inita factione, aut consociatis consiliis, neque ex privatis denique suis ipsorum opinionibus tradidisse, sed nudè & sincerè, tanquam ex communi universalis Ecclesiæ sensu ac traditione. Et quidem ut in aliquibus minus necessariis tam fidei

quam disciplinæ capitibus, aliquantulum inter se diffideant antiqui Patres, plurima tamen summo ab omnibus concentu recepta fuisse, ita perspicuum est, ut oculis judicare possimus. Multa enim videmus ab universali Ecclesiâ in Conciliis vere Oecumenicis definita; multa plurium, multa omnium Ecclesiæ scriptorum consensu, comprobata; multa denique, de quibus mota est controversia. E quorum numero nonnulla à nobis supra commemorata sunt: quibus & alia quamplurima accenseri possunt: Ea præsertim quæ licet in SS. Scripturis non definitè præscripta fuerint, à piissimis nihilominus prudentissimisque Ecclesiæ Anglicanæ reformatoribus retenta sunt.

VI. Enimvero cùm hæc nostra Ecclesia Anglicana per diutinam cum Romanâ communionem consimiles labe contraxerat, quibus necesse erat repurgaretur, qui egregium illud & pernecessarium opus suscipiebant, veriti ne, aliorum instar, ab uno ad alterum extremum ruerent, ea quidem tam dogmata quam cæremonias, quæ Ecclesia Romana de novo pedetentim superinduxerat, è medio tollebant, & penitus, ut par erat, abrogabant: Verumtamen quæcunque ab omnibus ubique Ecclesiis semper credita ac observata fuerant, ea simul abolere, summa illis religio erat. Probe enim sciebant, omnes particulares Ecclesias ad universalem accommodandas esse: siquidem juxta generalem illam & vulgatam Ethicorum regulam, *Turpis est pars omnis toti non congrua*. Hinc itaque primi particularis hujus Ecclesiæ reformatores totam reformationis ab ipsis susceptæ lineam secundum totius sive universæ Ecclesiæ normam dirigebant: ea sola abjicientes, quæ universali Ecclesiæ vel inaudita fuerant; vel rejecta; ea vero religiose admodum retinentes, quæ universalis itidem Ecclesiæ consensu corroborata videbant. Quo factum est, ut licet non cum Romanâ nec cum aliis quibusdam particularibus Ecclesiis ut hodie constitutis, tamen cum universali & Catholicâ Ecclesiâ constantem communionem habeamus: cujus scilicet nostra, ut Deo adfistente primò constituta, & eodem miserante, adhuc conservata, perfecta est idea ac repræsentatio.

VII. Cæterum ne longius à proposito digrediamur, ubi de Ecclesiâ *universali* ejusque consensu verba facimus, potissima sine omni dubio *Primitiva* ratio habenda est: utpote quæ licet pars tantum sit universæ, puriorem tamen sincerio remque fuisse partem inter omnes constat. Idem enim Ecclesiæ, quod rei cuique publicæ, accidit, ut vetustis scilicet in defuetudinem paulatim abeuntibus, nova pro luxuriantibus hominum ingeniis instituta excogitentur. Quod quidem in religione ante omnia cavendum est. Inter omnes enim Christianos convenit, Apostolicam, ut ab ipsis Domini Apostolis divinitus inspiratis constitutam, & ab illis adhuc viventibus administratam, omnium purissimam fuisse ac perfectissimam Ecclesiam. Quin nihil etiam communi Christianorum fidei magis absonum videtur, quam doctrinam aut disciplinam ab Apostolis institutam, à proximis ipsorum successoribus corruptam fuisse, vel quovis modo immutatam. Omnes enim consentunt Apostolos fidissimos fuisse viros, ac proinde nullos sibi in successores ordinare voluisse, nisi quorum fides & integritas ipsis probatissi-

ma

ma effet. Primi itaque Apostolorum successores Ecclesiam, cujus regendæ cura ipsis commissæ est, illibatam haud dubie & incorruptam conservarunt, atque eodem etiam modo suis ipsorum successoribus tradiderunt, hique aliis, & sic deinceps, ut nihil dubii esse possit, quin per duo saltem vel tria ab Apostolis secula, Ecclesia in primitivo suo vigore, atque, ut ita loquar, virginitate floruerit, eodem nimirum statu, quo ab ipsis Apostolis relicta fuit: nisi quod novæ subinde hæreses istis etiam diebus erumperent, quibus Ecclesia exercitata quidem fuit, sed minimè corrupta: haud magis scilicet quàm Ecclesia verè Apostolica ab istis hæresibus depravata fuit, quæ Apostolis adhuc superstitis emergabant. Vix citiùs enim exortæ sunt, quam ab Ecclesiâ Catholicâ rejectæ. Quibus propterea non obstantibus, universa quæ secuta est Ecclesia, *Primitivam* illam pro purissimâ semper habuit, & in omnibus quæ postea coortæ sunt hæresibus refellendis, ad eam tanquam ad aliarum regulam appellavit. Si quis enim aliquid novi vel in doctrinam vel disciplinam Ecclesiæ inducere conatus est, qui ei se opposuerunt tam singulares, quam plures unâ congregati Patres, argumenta sua, ut è SS. Scripturis, sic etiam è primorum Ecclesiæ seculorum dogmatibus & traditionibus petierunt. Hoc in omnibus fere Conciliorum Actis, & Patrum singularium commentariis videre licet, ubicunque videlicet Ecclesiasticæ controversiæ agitantur. Et quidem nihil adhuc rationi magis consentaneum est, nihil etiam magis optandum, quam ut omnes hodiernæ, ubi constitutæ, particulares Ecclesiæ, ad Primitivæ exemplar reformarentur. Hoc enim modo quæcunque posterioribus seculis irrepserunt corruptelæ, foras illicò projicerentur: in pristinum autem vigorem suum restituerentur, quæcunque ad veram Ecclesiæ Christianæ constitutionem requisita sunt.

VIII. Quinetiam nec impossibile cuipiam, nullo præiudicio laboranti, videatur, veteris Ecclesiæ mores ritusque investigare. Ea quippe est, semperque fuit Dei Opt. Max. in Ecclesiam suam benignitas & clementia, ut viros undequaque doctissimos ad res Ecclesiæ conscribendas per singula etiam antiquiora Christianismi secula incitârit, eorumque scripta usque ad hanc nostram ætatem farta testæ conservârît: adeo ut Ecclesiam primitivam accurate in iis delineatam præ oculis semper habeamus, eamque etiam novissimis hæc diebus tanquam præsentem perlustrare, & contemplari possimus. Ne longiùs enim ab Apostolis abeamus, quot, quantaque volumina tribus prioribus post eos seculis elaborata etiamnum extant? *Eusebius Cæsariensis, S. Athanasius Alexandrinus, Hilarius Pictaviensis, Optatus Milevitanus, Cyrillus Hierosolymitanus, Basilius M. Gregorius Nazianzenus & Nyssenus, Epiphanius, Ambrosius Mediolanensis, Hieronymus, Theophilus Alexandrinus, Rufinus, Gaudentius, Aurelius Prudentius, Augustinus Hipponensis, Marius Mercator, Chrysostomus, Severus Sulpicius*, hi omnes alique complures ante quantum à nativitate Christi, quod idem fere est ac tertium ab Apostolis, elapsam seculum claruerunt, resque Ecclesiæ & ætatis quique suæ, posteritati fusè descriptas tradiderunt. Eodem etiam currente seculo præter plurima provincialia, duo ab universali Ecclesiâ celebrata sunt Concilia,

Concilia, primum Nicææ An. Dom. CCCXXV. alterum Constanti-
nopoly, An. Dom. CCCLXXXI. E quibus proinde omnibus istius se-
culi monumentis, inter se collatis, facillimum est cuivis eruere, quid ab
Ecclesiâ tunc temporis ubique receptum erat, adeoque quid ab ipsis Apo-
stolorum temporibus obtinuerat : utpote à quibus ad istud seculum inchoa-
tum, ducenti duntaxat anni plus minus efflaxerant. Omnem autem fidem
excedit, ut quippiam tam exiguo temporis spatio per universum terrarum
orbem propagaretur, quod non aliquo saltem modo ab ipsis Apostolis tra-
ditum ac disseminatum fuerat. Præsertim cum per totum illud spatium uni-
versa Ecclesiâ fere continuis persecutionibus exercitata esset, adeo ut una
congregari & consilia consociare nunquam potuisset, ante An. D. supradic-
tum CCCXXV. Quin isto etiam anno Nicææ congregata, nihil novi
instituit, sed antiquos tantum mores servandos esse decrevit, *ὅτι ἀρχαία*, in-
quit, *ἡν κειμένη*, Syn. Nic. Can. VI. Unde constat totam istius seculi
Ecclesiâ in eam consensisse opinionem, quæ omnes in religione novi-
tates condemnat : ac propterea nihil dubii esse posse, quin longe antea vul-
go & ubique receptum fuisset, quicquid ab universali Ecclesiâ isto seculo
usitatum erat. Quod tamen manifestius adhuc evadet, si vetustiora illa
consulamur monumenta, quæ medio inter Apostolos & Concilium Nicæ-
num tempore edita sunt. In quibus scilicet eadem plane doctrina, eadem-
que disciplina prædicatur, quam ab universâ Ecclesiâ, isto seculo rece-
ptam fuisse patet. Quod ut omnibus constaret, Deus Opt. Max. Ecclesiæ
suæ in terris militanti semper prospiciens, etiam antiquissimos illos commen-
tarios incolumes integrosque nobis servavit. Adeo ut mirificam ejus hæc
in re providentiam nunquam satis admirari possimus : primo quidem quod
tot libri adversis adeo ac turbulentis temporibus à Christianis conscribe-
rentur ; & deinde quod post tot revolutionum labyrinthos usque ad nos-
tram ætatem pervenirent. Etiamnum enim habemus egregia sane opera
Lactantii, *Arnobii*, *Dionysii Alexandrini*, *Gregorii Thaumaturgi*, & *D.*
Cypriani, qui secundo post Apostolos labente seculo, adeoque ante con-
fessum Nicænum claruerunt : Habemus ampla satis volumina ab *Origene*,
Clemente Alexandrino, & *Tertulliano* eodem ineunte seculo conscripta ; Qui-
bus æqualis ætate fuit & *Minutius Felix*. Habemus insuper Ecclesiastica
Irenæi, *Tatiani*, *Theophili Antiocheni*, *Athenagoræ* & *Iustini Martyris* mo-
numenta, proximo post Apostolos seculo elaborata, & aliorum complu-
rium fragmenta Ecclesiastica *Eusebii* historiæ interserta. Habemus denique
veneranda admodum *S. Polycarpi*, *Ignatii* & *Clementis Romani* (fortasse
etiam & *Hermæ*) opuscula, qui omnes cum ipsis Domini Apostolis con-
versati sunt. Adeo ut admirabilem quandam rerum Ecclesiasticarum conti-
nationem seriemque ab ipso Apostolico ad quartum seculum, & sic dein-
ceps, usque ad hæc nostra tempora, à doctissimis cujusque ætatis viris
contextam habeamus, unde perpetuum ac unanimem universalis Ecclesiæ
tam in doctrinâ, quàm disciplina, consensum nobis hodieque haurire li-
cet.

IX. Quantum porro ad externam Ecclesiæ Primitivæ disciplinam spectat, ea, magnâ saltem ex parte, in codicem Canonum qui Apostolorum nomine vulgo nuncupantur, antiquitus collecta fuit. Istos enim Canones ante Concilium Nicænum sancitos editosque fuisse, nemo unquam ante nostram ætatem dubitavit. Quin potius plurimi eos ab ipsis Apostolis, quorum nomen præferunt, constitutos, & à *Clemente Romano*, eorum discipulo scriptos esse arbitrati sunt. Sane omnes fere Græci per mille retro annos & amplius in eam sententiam convenerunt. Nonnulli etiam è Latinis, ut *Franciscus Turrianus*, *Lambertus Gruterus*, *Lindanus*, *Salmeron*, aliique eandem amplexi sunt. Qui modestissimè vero de antiquis hisce Canonibus locuti sunt, eos secundo saltem tertiove æræ Christianæ seculo, adeoque ante Concilium Nicænum, conditos collectosque asseruerunt. Ità è recentioribus senserunt eruditissimi viri *Josephus Scaliger*, *Gabriel Albaspinus*, *Petrus de Marca*, *Henricus Hammondus*, vel, ut semel dicam, omnes ante *Joh. Dallæum*, qui ipsis eos Apostolis abjudicarunt. Neque enim ipse D. *Blondellus* iis eximendus est, quippe qui *Canones qui Apostolorum dicuntur*, circa *An. Dom. CCLXXX. conditos*, diserte affirmavit. Et quamvis *Joh. Dallæus* vir sane doctissimus, & inter suos celeberrimus, aliis omnibus se unum opposuerit, & in tertio de Pseudepigraphis libro, toto contra Canones Apostolorum conscripto, eos non nisi quinto adulto, imo exeunte seculo extitisse, publicarique cæptos esse contenderit, id tamen apud omnes non evicit. Sed post librum istum à clarissimo viro Anno Domini MDCLIII. editum, æque ac antea, media illa apud plerosque adhuc prævaluit sententia, quæ Canones hosce secundo tertiove æræ Christianæ seculo constitutos editosque judicat. Ut de aliis autem, quos plurimos tam è Galliâ, quàm ex Angliâ nostrâ, gravissimos in hac causâ testes, evocare possumus, in præsentī taceamus, duo illustrissimi viri, *Petrus Gunning*, & *Johannes Pearson*, ambo non ita pridem sacrosanctæ Theologiæ in Academiâ Cantabrigiensi Professores, nunc autem Episcopi, ille Ecclesiæ *Eliensis*, hic *Cestrensis*, dignissimi, hanc suam opinionem non tantum verbo sed & scriptis tradiderunt. Ille nimirum in pererudito isto ac omni antiquitate refertissimo de jejuniis Antepaschali opere, quod Anno Domini MDCLXII. anglicè edidit, è quo me, in istâ controversiâ occupatum, plurimum profecisse, lubens gratusque fateor. In isto enim opere vir spectatissimus, ut antiquæ religionis pariter ac doctrinæ exemplar, de secundâ post Apostolos centuriâ verba habens, hæc dicit, *In secundâ annorum centuriâ post ultimum Apostolorum (filiorum thalami) primum laudo Canones Apostolicos dictos, non ita dictos quod ab ipsis Apostolis, sed quod ab Apostolicis Episcopis, (qui haud raro lingua veterum Ἀποστολοι, teste Theodoro, aliisque appellati sunt) ut proximis sive propinquis Apostolorum successoribus conditi fuerint. Quorum primos quinquaginta Canones centuriâ precedenti constitutos fuisse probabile est, ut ultimos triginta quinque hæc sive secundâ centuriâ (si excipiamus solummodo ἀγναφον ἡπίκλημα, sive assumentum ultimo corruptè additum.)* Hæc ille, in libro isto, quem novem post *Dallæanum* de Pseudepigraphis

Blond. A-pol. pro sentent. Hieron. p. 317.

Dall. de Pseudep. l. 3. c. 21. p. 685.

Pag. 40.

graphis publicatum annis, suo nomine dignum emisit. Alter autem, vir egregie itidem, ut omnibus notum est, doctus, & in antiquitate Ecclesiastica exercitatissimus, Canones Apostolorum vulgo dictos à Concilio *Ephesino*, à *Constantino M. Imp.* ab ipsâ Synodo *Nicanâ*, & ante eam ab *Alexandro Ecclesiæ Alexandrinæ* Episcopo laudatos, ac proinde ante primam illam universalem Synodum editos fuisse, fusè doctissimèque contra *Dallæum* demonstravit: in vindiciis scilicet Epistolarum *S. Ignatii*. Quod eximium opus eodem tempore quo Annotationes nostræ in *Pandectas* Græcorum Canonum, hoc est Anno Domini *MDCLXXII.* primum in lucem prodiit, adeoque undevicesimo Anno post divulgatum *Dallæi* librum de Pseudepigraphis Apostolicis. Hi igitur, aliique complures, quos recensere nihil negotii esset, viri undequaque doctissimi, nihil in isto *Dallæi* opusculo invenire potuerunt, quo in ejus de Canonibus Apostolorum opinionem ducerentur: sed posthabitis omnibus illius argumentis, Canones istos non modo ante quintum adultum, verum etiam ante quartum inchoatum seculum, sive ante Concilium *Nicanum* conditos editosque fuisse nobiscum arbitrati sunt. Neque inter omnes illos eruditos viros, qui aliquid hucusque litteris mandarunt, quempiam adhuc videre contigit in *Dallæanam* istam de hisce Canonibus sententiam descendente, præter unicum istum Anonymum scriptorem, qui Observationes in nostras Annotationes nuper edidit. Is autem non modo novitiam istam opinionem amplexus, verum & eandem defendere, atque ita hoc venerandum antiquitatis Ecclesiasticæ monumentum nobis eripere, pro virili parte conatus est.

X. Quandoquidem igitur ad perpetuum Ecclesiæ universalis consensum de quibuscvis fidei articulis ritibusve investigandum, permagni interest, semperque intererit, Ecclesiæ Primitivæ doctrinam ac disciplinam accuratè intelligere, grande nobis operæ pretium visum est, in Canonum istorum, quibus Apostolorum nomen per multa retro secula præfixum fuit, antiquitatem inquirere, & expendere, annon illi Primitivæ ante Concilium *Nicanum* Ecclesiæ disciplinam nobis exhibeant. Quod quidem in Annotationibus primo fecimus, probavimusque librum, quo isti Canones continentur, *Codicem Canonum Ecclesiæ primitivæ* jure merito nuncupari posse. Hocque, ut modo ostendimus, conjunctis doctissimorum quorumque sententiis comprobatur. Siquidem vero eruditus ille, quem supra memoravimus, Observator, hanc, non tam nostram quam communem omnium pene doctorum, sententiam refellere, & novitiam istam à *Dallæo* primo excogitatum adstruere molitus est; hinc totam hanc quæstionem hoc volumine, in tres libros distributo, de integro pertractare necessarium duximus. Et primo quidem in libro antiquos hosce Canones non tantum ante quintum adultum, verum etiam quarto ineunte seculo passim laudatos fuisse, ex indubitatis veterum testimoniis demonstravimus; & quascunque contra testimonia à nobis allata vel ipse *Dallæus*, vel post eum Observator objecit exceptiones, eas omnes plenissimè, ut opinor, solutas dedi. Adeo ut nihil ab erudito Observatore contra Annotationes nostras dictum fuerit, cui hic non respondeatur; nisi quod

quod conjecturam nostram de *Clemente non Romano sed Alexandrino* horum Canonum collectore, ab ejus exceptionibus vindicare omisimus, propterea quod earum infirmitas primo cuivis intuitu satis pateat, quod hæc alia sit quæstio ab eâ quam hic tractamus, & denique quod hanc non tanquam sententiam nostram, sed tanquam probabilem solummodo conjecturam proposuimus, quæ si cuilibet minus placuerit, meliorem ille adinveniat, & nos summâ gratiarum actione beneficium ejus complectemur. Cum clarissimus autem *Dallæus*, ex ipsâ etiam horum Canonum materiâ, contra eorum antiquitatem disputaverit, contenderitque plurima in iis decreta veteri Ecclesiæ incognita fuisse ac inaudita, hinc in secundo libro singulos hujusmodi Canones à doctissimo viro impugnatos defendimus, & nihil in iis constitutum esse probamus, quod non in Primitivæ ante Concilium *Nicanum* Ecclesiæ doctrinam ac disciplinam ad amissum quadret. Summam vero curam in istos Canones intendimus, quorum gratiâ tota collectio oppugnata videtur, in istos scilicet qui de Episcopis, de Metropolitanis & de statis Ecclesiæ jejuniis agunt. De Episcopis, fateor, multi extant eruditissimi tractatus, quibus eos ab ipsis Apostolis supra Presbyteros constitutos fuisse extra dubium efficitur. Sed nihilominus cum *Dallæus* pariter atque Observator stylum suum contra hos canones eo præcipuè exercuisse videatur, quod Episcoporum eminentia ac autoritas toties in iis commemoretur, causæ à me susceptæ ratio postulavit, ut nec istam quæstionem penitus intactam relinquerem. In quâ tamen controversiâ discutiendâ, ut & per totum etiam opus, intra ultimam antiquitatem me continui. Quandoquidem denique doctissimus *Dallæus* de statis Ecclesiæ jejuniis singularem librum edidit, quo eorum antiquitatem, de quâ solâ hic disputamus, elevare conatus est, hinc plura de illis differere coactus fui, quam quæ in unum caput commodè referri poterant. Ac propterea de iis in tertio libro seorsim agimus.

XI. Sed nonnulli, ut ajunt, è fratribus nostris Ecclesiæ in *Galliâ* reformatæ molestè ferunt, quod Ecclesiæ nostræ *Anglicanæ*, reformatæ utique, filii eruditas *Joh. Dallæi* & *µαχαρίτης* lucubrationes impugnaverint. Verum facilis est & prompta responsio. Nos enim contra doctissimum illum virum aliâ de causâ non disputamus, quam ut nostram defendamus Ecclesiam, eam scilicet quæ ab ipso illo *Joh. Dallæo*, dignè ac meretur, sæpe commendata fuit. Præsertim ubi hæc ab eo dicta sunt, *Anglicanam ego Ecclesiam exoticis, pravis, superstitiosis cultibus, erroribusque aut impiis aut periculosis egregie ex scripturarum cælestium normâ purgatam, tot tamque illustribus martyriis probatam, pietate in Deum, in homines caritate, laudatissimisque bonorum operum exemplis abundantem, letissimo doctissimorum ac sapientissimorum virorum proventu jam à reformationis principio ad hodierna usque tempora florentem, equidem eo quo debui loco ac numero habui hætenus, ac dum vivam habeo: Ejus honos, nomen, laudes semper apud me manebunt. Testes meæ hujus de præstantissimâ illâ Ecclesiâ existimationis possum laudare non paucos, neque contemnendos viros, etiam præcipua apud eam & virtutis & dignitatis Antistitem. Itaque qui hæc mente, hoc animo hætenus fui, non potui non judicare*

Dall. de
cult. Latin.
lib. 2. c. 1.

insignem mihi ab iis fieri injuriam, qui mecum sic agant quasi de Britannicâ, vel Ecclesiâ, vel reformatione male sentiam. Hæc ipsissima sunt viri eruditi de nostrâ Ecclesiâ verba. Quæ tamen vera esse aliter probare non possumus, nisi ea quæ alibi dixit, falsa esse demonstramus. Idem enim ille, qui tot tantisque laudibus Ecclesiam nostram, & quidem jure meritissimo, celebravit, aliis in locis contra omnes fere ritus ab eâ receptos ac usitatos, imo contra totam illius disciplinam, ut per Episcopos Presbyteris prælatos administratam, scripsit. Nam crucis signum in baptismo à nobis adhibitum contra luculentissima antiquitatis testimonia a majorum baptismo tribus primis Christianismi seculis abfuisse videri asserit. Genuflexionem in Eucharistiâ excipienda non ante An. Dom. CCC. usurpatam statuit. Interrogationes ac responsiones in baptismo parvulorum absurditatis arguit. Adhæc contra jejunium Quadragesimale, quod per singulos annos ante Pascha, nec non contra ea quæ per singulas septimanas ab Ecclesiâ nostra celebrantur, ille totum, ut cuique notum est, librum conscripsit. Quin idem etiam singulare opus edidit, quo confirmationem meram esse baptismi cærimoniam ac appendicem, eamque à Presbyteris, æque ac ab Episcopis, olim collatam fuisse, atque adhuc conferri posse contendit. Non me latet prudentissimum virum, sanctè coram Domino omnium nostrorum arcanorum conscio affirmare se sanctissima illius (Anglicanæ) ac vere Christianæ Ecclesiæ fidem vel ritus nullo, ne levissimo quidem verbo, in totâ de Confirmationis Sacramento disputatione laceffivisse, vel perstrinxisse, ac ne ullam quidem hujusmodi cogitationem dum illud opus scriberet, ei in mentem venisse. Scio etiam eundem verbis conceptis asseverare, Confirmationem, quâ nunc utitur Ecclesia Anglicana, multo melius ac sapientius, magisque ad Christianismi ingenium constitutam esse, quam quæ in veterum quarti & deinceps seculi libris olim fuisse deprehenditur (quod tamen majus est quam Ecclesia nostra sibimet unquam arrogavit.) Et quidem hæc sancte adeo asserenti plenissimam fidem non adhibere nefas ducimus. Sed nihilominus quæ de hoc ritu scripsit, nostræ Ecclesiæ, utut ab eo laudatæ, planissime adversantur: ut pote quæ cum veteri Ecclesiâ baptismum quidem à Presbyteris, confirmationem vero ab Episcopis solis conferendam esse decrevit, adeoque hanc ab illo apertissimè distinxit. Porro Metropolitanorum jura ab Ecclesiâ nostrâ religiose conservata novitatis infimulat, & Nicænâ ac Antiochenâ Synodis haud vetustiora facit. Quod quàm falsum sit, ex iis, quæ de Metropolitanis in hoc tractatu disseruimus, abunde fatis, ut opinor, constat. Ut alia hic missa faciam, in omnibus fere, quos emisit, libris, in Episcoporum supra Presbyteros eminentiam atque auctoritatem gravissime invehitur, nihil antiquitus discriminis inter Episcopos & Presbyteros fuisse acriter contendit, istumque Episcopatum sic à Presbyteratu, ut hodie sit, & jam olim à tertio Christianismi seculo factum est, distinctum, rem esse non Apostolicam, sed Ecclesiasticam adeoque humanam institutionis, cum Blondello affirmat. Et veritus ut mustea hæc opinio ullam apud eruditos fidem inveniat, si qua auctoritas S. Ignatii Epistolis & Canonibus Apostolorum attribuitur, ambo hæc veneranda antiquitatis Ecclesiasticæ monumenta sum-

Dall. de
cult. Latin.
l. 1. c. 13.
ib. l. 6. c. 1.
ib. l. 1. c. 17.

ib. l. 2. c. 38.

ib. l. 2. c. 3.

Id. de Pseu-
depig. l. 3.
c. 17.

ib. l. 1. c. 10.

mis viribus adortus est ; & sancti quidem *Ignatii* Epistolæ non ante tertii seculi finem , nec Canones Apostolorum ante quintum , illudque adfultum consarcinatos esse asseruit. Quod si hoc commentum verum esset : Si tota Ecclesiæ nostræ per Episcopos administratio mera esset, *Calviniani* instar figmenti, humana inventio atque institutio, nihil erat quod *Dallæus* tantis eam laudibus dignaretur. Nobis sane hæc maxima videtur contumelia, quæ quævis Ecclesiæ onerari potest. Ac proinde nulla est causa, cur fratres nostri molestiâ ex eo afficerentur, quod nos sanctissimam nostram matrem, Ecclesiam *Anglicanam*, ab omnibus hujusmodi indignitatibus, pro suâ quisque parte, tueamur. Ratio potius flagitat, ut nos iniquissime feramus, quod doctissimus *Dallæus* tam sanctam, tam puram, ipso etiam judice, Ecclesiam toties lacerare eniteretur. Illum quidem summo ingenio, præstanti eruditione ac doctrina, nec minori pietate virum fuisse, & de Ecclesiâ reformatâ plurimis in rebus optime meritum, ultrò omnes hic confitemur. Verum id male nos habet, quod ille contra Ecclesiam Rom. disputans, nostram etiam, tanquam iisdem erroribus obnoxiam sub communi Latinorum nomine indiscriminatim oppugnarit, nusquam distinguens inter eosdem ritus ut à Romana, atque à nostra Ecclesiâ usitatos, etiamsi plurimum interesse, bene norit : Id autem pessimè, quod cum fratres nostri Gallicani notissimum haberent, à quot, quantisque domesticis inimicis Anglicana hæc nostra, ab ipsis passim laudatâ, Ecclesiâ ultrocitraque hinc Pontificiis, illinc sectariis premitur, tamen nihilominus ipsi etiam extranei eam unâ comprimere ac debilitare conarentur. Sed agendum procedant. Nulli enim dubitamus, quin Deus Opt. Max. cujus solius præsidio confidimus, Ecclesiam politè adeo è sacris ipsius scripturis juxta perpetuam universalis ipsius Ecclesiæ praxim & consensionem interpretatis reformatam, contra omnes cujusque modi adversariorum impetus ita defenderit, ut juxta fidelissimum Domini promissum, *ipsa inferarum portæ adversus eam nunquam prævalitura sint.*



CODICIS CANONUM ECCLESIAE PRIMITIVÆ

Vindicati ac Illustrati,

LIBER PRIMUS.

CAPUT PRIMUM.

Synopsis.

- | | |
|--|---|
| <p>I. <i>Ecclesia Christiana quare à Domino instituta.</i></p> <p>II. <i>Eadem hodie in Schismata & controversias discerpta, qua ortum plerunque habent ex humani ingenii imbecillitate, quâ ad extrema ruere proclives sumus.</i></p> <p>III. <i>Clarissimum hujus rei documentum in controversiâ de Canonibus Apostolorum. Turriani & Dallæi extrema de iis sententiæ.</i></p> <p>IV. <i>Nostra inter eas media, ab Anonymo Observatore, eo tantum quod in Dallæanam non ad amissionem quadret, impugnata.</i></p> | <p>V. <i>Temeraria Observatoris assertio, Episcopalem auctoritatem Ignatii Epistolis & Canonibus Apostolorum præcipue inniti. Eam aliunde quam ex Ignatii Epistolis satis constare paucis indicatur.</i></p> <p>VI. <i>Eandem auctoritatem ante Canones Apost. juxta nostram sententiam conditos obtinuisse ipse Observator, aliique ejusdem Oppugnatores concedunt. Quam propterea illis inniti, inconsideratissimâ temeritate affirmatur.</i></p> <p>VII. <i>Occasio hujus scribendi tractatus ab Observatore data.</i></p> <p>VIII. <i>Ejusdem scopus ac partitio.</i></p> |
|--|---|



UI primam Ecclesiæ Christianæ institutionem, maturo, ut par est, judicio contemplatur, eamque cum hodierno ipsius statu comparat, satis admirari nequit, quo tandem fato evenerit, ut Ecclesia tantis fundata miraculis, tamque perspicuis ac necessariis instructa præceptis, in tot unquam Schismata dilaceraretur, quot ubique per eam hodie grassari contigit. Enimvero unicus ille fundator hujus Ecclesiæ, Dominus ac servator noster *Jesus Christus*, nihil aliud in eâ constituendâ sibi proposuit, quàm ut homines per eam ad verum Dei cultum, atque ad sempi-

sempiternam adeo felicitàtem dirigeret. Quâ de causâ, licet mors ejus ad nostram salutem promerendam æque valuisset, si proximo post nativitatem ipsius momento, ac si longo post tempore, eam perpeffus esset; nihilo minus in naturâ nostrâ sibi assumptâ triginta circiter annos transegit, priusquam mundo se patefecerit, nec prius adhuc vitam pro nobis deposuit, quam aliud triennium plus minus hic complevisset. Quod temporis spatium cum hominibus in sua ipsorum naturâ versari dignatus est; Partim ut divinam suam potentiam pariter ac doctrinam miraculis confirmaret: partim ut homines veram erga Deum pietatem, & erga se invicem justitiam ac charitatem tam exemplo suo quam præceptis edoceret, eosque certiores faceret, quâ ratione Deum per sua solius merita placatum sibi propitiumque habeant: partim denique ut Ecclesiæ ex humano genere sibi collectæ fundamenta jaceret, quæ postea per universum terrarum orbem propagata, viam hominibus indicaret, quâ ad summam, cujus à naturâ sunt capaces, beatitudinem ascendant: ad quam propterea quicumque in Christianam hanc societatem admissi sunt, unicè aspirare debent; & summis viribus eniti, ut, subactò carnis imperio, se totos observandis Christi præceptis consecrent, atque adeo cœlesti per eum gloriâ potiantur. Et quidem cum inter omnes conveniat Christianos, neminem è cœlo exclusum fore, qui clarissimè promulgatis in Evangelio legibus sincere obtemperaverit, mirum cuiuspiam videatur, si non omnes qui Christi nomen præ se ferunt, hoc unum studeant & prosequantur, ut æternæ istius vitæ ac salutis participes fiant, quam unigenitus Dei filius proprio ipsius sanguine humano generi comparavit.

II. Verum enim vero si sacram hanc Ecclesiam ut ubique gentium hodie constitutam, attentis oculis perlustremus, eam in partes & factiones adeo discerptam videre est, ut parum absit, quin fides à Christo ei concredita, in superfluas ac inanes quæstiunculas tota evanuerit. Multo enim maxima pars eorum qui membra illius se profitentur, susque deque habitis Evangelii mandatis, nihil fere aliud curant aut meditantur, quam ut controversias de religione vel agitandas moveant, vel motas agitent, & huic vel illi earum parti aliquo modo patrocinentur. Quo factum est, ut rescissâ Ecclesiæ unitate, in certas quasdam sectas & diversas disciplinæ formulas se disjungant, quæ singulæ peculiare sibi opiniones habent, de quibus propagandis majori urgentur sollicitudine, quàm de ipso Deo sincerè pieque colendo: idque licet non rarò de re nihili instituuntur, ut parum intersit, an quis ex ingenio suo addat iis vel demat fidem. Hoc saltem extra dubium est, utramque opinionis cujuslibet controversiæ partem, veram esse non posse. Sed quanto una ad rei veritatem accedit, tanto altera ab eâ distet necesse est. Sæpius etiam accidit, ut neutra pars dissidens fidem mereatur. Ea nimirum est humani ingenii pravitas, is animi præceps impetus, ut ad extrema ruere plus nimio proclives simus. Si qua nobis opinio minùs arrideat, ab eâ aliquantulum discedere haud contenti, in contrariam prorsus sententiam præcipites ferimur, quæ vero plurimùm æque abhorret,

ret, atque ea à quâ discessimus. Et ad hanc fere classem pleræque quæstiones Ecclesiasticæ, tanto fervore hisce diebus agitatæ, faciliè reducuntur. Istiusmodi enim sunt, quæ mediâ viâ tutissime dirimantur; sed eâ derelictâ, in extremas utrinque partes vulgo abitur, summo studio ac ingenii acumine propugnatas. Quemadmodum olim etiam in Ecclesiâ accidit. Cùm Nestorius enim duas esse in Christo personas æque ac naturas, divinam scilicet & humanam, impie asseruisset, Eutyches in hæresi istâ opugnandâ exercitatus, in aliam ex adverso ei oppositam delapsus est, duas in Christo incarnato naturas æque ac personas negans. Idem ante oculos nobis etiamnum versatur in omnibus fere controversiis, quibus Ecclesia Christiana hodie sollicitatur. Ex immoderato enim partium studio devicti homines, vix citiùs ex uno se errore expedire possunt, quin protinus in contrarium vacillent: Ut è sexcentis videre licet extremis utrinque opinionibus, ex iis præsertim, quibus Ecclesia Anglicana in medio constituta, ultro citroque exercitatur.

III. Aliis autem, quæ plurima proferri possunt, in præsentî prætermittis, clarissimum hujus rei specimen habemus in controversiâ istâ, quæ hisce meditandis occasionem præbuit. Nimirum *Franciscus Turrianus*, *Jesuita*, Librum singularem edidit, quo probare conatus est, *Canones* vulgo *Apostolorum* dictos, ab ipsis Apostolis constitutos, & à sanctissimo eorum discipulo Clemente Romano literis mandatos, atque in eam quam hodie habemus formam redactos esse. Hanc opinionem vir egregiè doctus, & in Antiquitate, præsertim Ecclesiasticâ, versatissimus, *Johannes Dallæus*, multis, iisque solidissimis argumentis refutavit. Sed quod commune est hominum etiam eruditissimorum fatum, in refellendâ istâ Turriani sententiâ summè occupatus, præ nimio incensi in eam animi ardore, eò tandem devenit, ut omni asseveratione affirmarit, hanc Canonum collectionem non tantum non ab ipsis Apostolis, vel à viris Apostolicis compositam esse, sed ab hæretico nescio quo tenebrione confarcatam, eamque nec ante quintum illudque adulterum à Christo incarnato seculum Ecclesiæ Christianæ innotuisse, & quinto exeunte jam primum extitisse, publicarique cœptam esse. Quod quidem non est à delirâ Turriani opinione tantum recedere, verumetiam in aliam ei ex diametro contrariam sese præcipitare.

IV. Cùm nos itaque Pandectis Canonum edendis operam daremus, inter Annotationes in hosce S. *Apostolorum* vocatos Canones elucubrandas, in veram certamque eorum Antiquitatem inquirere necessarium duximus: & pensculatis utrinque argumentis, mediam inter duas istas extremas, Turrianicam scilicet & Dallæanam, opiniones amplexi sumus. Hos scilicet Canones nec ab ipsis Domini Apostolis *An. Dom. XLV.* ut vult Turrianus, constitutos esse, nec tamen quinto exeunte seculo eos primùm extitisse vel publicari cœptos esse, ut hariolatus est Dallæus, sed medio inter ea tempore, secundo videlicet exeunte, vel tertio saltem ineunte seculo, constitutos pariter editosque fuisse: Quam nostram ut firmiorem redderem opinionem, non solum rationes protuli, quibus fundata est, verum etiam

clarissimi

clarissimi Dallæi argumentis, quæ quovis ei modo repugnare visa sunt, plenissima, ut opinatus sum, responsa dedi. Verum enim vero Anonymus, nescio quis, vir sane haud mediocri eruditione ac Doctrinâ, ægrè ferens tanto viro, quantus ipsi visus est Dallæus, aliquid humani attributum esse, calamum in me propterea strinxit, quod ejus hæc in re opinionem in quæstionem vocaverim. Hanc enim unicam ipse profert rationem, quare *Observationes in Annotationes nostras in Canones S. Apostolorum* edidit, nempe *ut justa tanti viri nomini & famæ solvat parentalia*. Quam etiam ob rem, non me solum sed & undequaque doctissimum, præstantissimumque virum, *Joannem Pearsonium*, nunc Episcopum Cestrensem adortus est, & Dallæum suum ab Ignatianis ejus vindictis vindicare conatus. Quali successu tam eruditum virum opusque impetierit, non meum est disquirere. Nullus enim dubito, quin ipse ille quem Anonymus hic Observator in certamen vocavit, Ignatianas suas vindictas ab omnibus ejus exceptionibus facillimè vindicaverit. Nostram sane de istâ quæstione rogatus sententiam, paucis asserere non vererer, omnes S. Ignatii Epistolas ab eruditissimo earum vindice propugnatas, pro veris ac genuinis Apostolici illius viri scriptis necessario habendas esse, si nihil amplius contra eas in posterum dici possit, quam hucusque dictum fuit. Cum hæc autem controversia ad nos in præsentem non pertineat, eâ fortissimo Ignatii patrono dimissâ, nos interim istas eruditi Anonymi observationes examinabimus, quas in nostras Annotationes in Canones S. Apostolorum edidit.

V. Priùs autem quàm ipsam aggrediar controversiam, non possum non advertere, eruditum nostrum Observatorem perspicaci adeo atque acuto esse ingenio, ut ea etiam è scriptis nostris observare possit, quæ ibi nulla sunt. Observat enim nos stylum idcirco in Dallæum strinxisse, quod *veriti sumus ne prostrata jaceret quam divinam putamus divinitusque institutam Episcoporum supra Presbyteros eminentia & auctoritas, si Epistolis Ignatianis & Apostolicis Canonibus larva detraberetur*, pag. 2. Undenam hoc collegerit, hariolari nequeo. Neque enim vola nec vestigium vani ac inanis hujusmodi metûs in scriptis uspiam nostris apparet. Non equidem diffiteor, quin in agitandâ istâ de ordinis Episcopalis à presbyteratu distinctione, controversiâ magni ponderis merito habenda sit S. Ignatii viri Apostolici & martyris auctoritas, ut clarissimus ejusdem vindex in proœmii sui initio rectissimè observavit. Hinc autem nequaquam sequitur *omnem Episcoporum* *ὑπεροχὴν* S. Ignatii epistolis & Canonibus Apostolicis præcipuè inniti, ut eruditus observator, omnium, ut opinor, mortalium primus somniavit. Quid enim si S. Ignatii Epistolæ in lucem nunquam prodiiissent? nihil universæ Ecclesiæ traditio, nihil perpetua Episcoporum ubique gentium successio, nihil luculentissima aliorum Apostolicorum virorum de hæc re testimonia, nihil denique sacræ scripturæ & divina ipsa S. Apostolorum oracula nos moveant, ut Episcopalem auctoritatem ab ipsis Apostolis derivatam esse, persuasum habeamus? Omnia quæso partium studia, ut prudentem decet virum, deponere, & vetustissima Ecclesiæ monumenta fide sincerâ consule, & dic tandem

dem nobis, quo terrarum loco Ecclesia unquam sine Episcopo Presbyteris præfidente ac imperante, ante delirum hoc nostrum & præcedens seculum, constituta fuit? Cumque nihil certius, nihil apertius esse possit quàm proximâ post ipsos Apostolos ætate Episcopos omnibus locis Ecclesiasticam suam exercuisse potestatem, cuinam, obsecro, eam acceptam retulerunt? Quisnam eos Ecclesiis quibusque primus præposuit? A quo generali Concilio, à quâ provinciali synodo supra Presbyteros constituti sunt? Hancine ipsi auctoritatem sibi arroganter arripuerunt? Quis sanæ mentis, tot Apostolicos viros martyrii coronâ plerisque redimitos, tanti facinoris arguere & condemnare ausus sit? Quis fidiſſimos illos piſſimosque Patres qui mundo huic omnibusque istius cupiditatibus toti renuntiaverant, quique gloriosissimam Christi causam ad necem usque defendere semper parati erant, quis illos, inquam, primam Ecclesiæ disciplinam ab ipso Christo & Apostolis ejus institutam immutare, seque contra ac edocti fuerant, supra fratres suos efferre auctos fuisse opinetur? Omnem sane fidem excedit, ut viri tantâ in Deum Christumque pietate præditi, quantâ primos Ecclesiæ Christianæ præfides fuisse extra dubium est, ullam sibi in Ecclesiâ potestatem arrogare vellent, quam ab ipso Christo & legatis ejus sibi commissam esse nesciebant. Ipsi autem acerrimi paritatis Presbyteranæ propugnatores, negare nunquam potuerunt, sed rei veritate subacti multoties confessi sunt, secundo ineunte vel saltem non adulto à Christi Nativitate seculo, Episcopos Ecclesiasticæ supra Presbyteros auctoritatis compotes fuisse; eosdem tamen piè sanctèque Christum coluisse, nemo inficias eat. Quomodo autem hæc sibi constant, ut primitivi illi Antistites veram erga Christum pietatem colerent, & tamen spretâ disciplinæ formulâ à Christo institutâ, aliam prorsus instituerent, quâ ipsi aliquam in Ecclesiâ ejus potestatem usurparent quam ipse Christus iis denegaverat? Hæc sanè inter sese haudquaquam consistunt: ut necesse sit alterutrum asserere, vel Episcopalem istam auctoritatem ab ipso Christo & Apostolis ejus illis concreditam esse, vel eos omnes sceleratissimos fuisse hypocritas, qui Christi fidem professi, leges ab eo conditas tam projectâ audaciâ violarunt. Quod cum nefas sit de iis vel animo cogitare qui primi fuerunt religionis nostræ assertores, eos omnem quam supra Presbyteros tenuerunt eminentiam ac auctoritatem, ipsis Christi Apostolis acceptam retulisse, non solum confiteamur, sed & profiteamur oportet. Quod clarius adhuc ex eo elucescit, quod iis etiam Apostolicis temporibus, non uno tantum alterove in loco, sed ubicunque disseminata est religio Christiana, Episcopalis ibidem ordo à Presbyteratu distinctus eique prælatus est. In omnibus enim quæ tunc temporis patebant orbis terrarum partibus, *Asiâ* scilicet, *Africâ* & *Europâ*, Ecclesiam Christianam per Episcopos à Presbyteris distinctos, secundo saltem currente seculo, administratam fuisse, antiquissima quæ extant Ecclesiæ monumenta indubium faciunt, nec ipsi insensissimi Episcopalis dignitatis adversarii inficiari unquam potuerunt. Quonam autem pacto evenire potuit, ut omnes usquequaque Ecclesiæ, Hierosolymitana, Romana, Antiochena, Alexandrina, Smyrnenſis, Ephesina, & quæcunque demum

ullibi

ullibi constitutæ sunt, tanto à se invicem locorum intervallo disjunctæ, in unam eandemque disciplinam tam cito conspirarent, nisi eam unà cum fide ab ipsis Apostolis traditam accepissent? Nemo equidem rei tam incredibili ritè perpensæ fidem habeat, nisi ad Dei omnipotentiam confugiat, cui nihil est impossibile. Qui ad eam autem se confert, eo ipso nomine Episcopalem istam auctoritatem divinitus institutam esse confitetur. Quod si quis mentis errore laborans, omnes istos religiosissimos Ecclesiæ præsules, qui eam proximo post Apostolos seculo administrabant, disciplinam ab ipsis in Ecclesiâ relictam funditus evertisse, aliamque ejus loco initâ factione ex proprio ingenio instituisse arbitratus fuerit, is uno ictu, universam condemnabit Ecclesiam, ab eo usque tempore ad hæc nostra secula propagatam, tanquam vitiatam, corruptam, & à disciplinâ per Christum stabilitâ perpetuò degenerantem; imò vero per plusquam trêdecim annorum centurias, nullam prorsus in mundo talem fuisse Ecclesiam, qualis à Christo fundata est, non minus impiè quam palam & aperte affirmabit. Quod quam absurdum sit, & à fide pariter atque à pietate Christianâ alienum, isti viderint, qui melius sese Ecclesiam Christi administrare posse jactitant, quam unquam antehac ab ipsis ejus incunabulis administrata fuit. Nobis non licet esse tantâ prudentiâ, vel tantâ potius insolentiâ præditis. Cum autem in confesso habeamus, secundo saltem post Christum incarnatum seculo, eoque nondum adulto, hoc est ante quinquagesimum post ultimum Apostolorum annum, Episcopos ubique Presbyteris præfuisse, nec unquam demonstrari potuerit, quando, quomodo, vel cujus tandem ope atque auctoritate præterquam Apostolicâ, sacram istam præfecturam primo adepti sunt, eam non fastuosæ primorum Ecclesiæ præsulum martyrumque arrogantiae & ambitioni, sed Apostolicæ potius institutioni meritissimo jure adjudicandam esse censemus; præsertim cum haud obscura ejusdem vestigia in ipsis Apostolorum scriptis etiamnum extent, ut posthæc, Deo volente, demonstraturi sumus.

VI. Quamobrem non opus est, ut vereamur, ne prostrata jaceret Episcoporum supra Presbyteros eminentia ac auctoritas, si Epistolæ ab eo conscriptæ, sancto Ignatio abjudicentur: multo minus si debita Apostolicis Canonibus Antiquitas à nobis asserta iis denegetur. Et istis enim *omnem Episcoporum ἱερωσύνην præcipuè inmiti*, satis mirari nequeo, quâ tandem fronte observator asseruerit. Ipse enim bene novit Blondellum suum aliosque strenuissimos Episcopalis auctoritatis oppugnatores, etiam atque etiam confessos esse, Episcopatum caput extulisse ante An. Dom. CXL. Imo quidem D. Blondellus de tempore, quo Episcopi supra Presbyteros elati sunt, verba faciens, diserte ait, *Nullum momentum illustrius occurrit, in quod insignis illa mutatio commodè conferri posse videatur, quam An. Christi CXXXV.* Blondel. præf. ad Apolog. Quinetiam nec ipse eruditus observator *distinctionem inter Episcopos & Presbyteros natam esse secundo seculo inclinato & ad finem vergente diffiretur*, observat. in poster. vind. part. p. 307. Nostra autem opinio, quam ille tantopere invadit & impugnat, Canones Apostolicos exeunte tantum eodem secundo seculo vel ineunte tertio conditos fuisse statuit. Unde palam

conficitur Episcoporum supra Presbyteros eminentiam, juxta suam ipsius observatoris aliorumque ejus gregalium confessionem prius exortam fuisse, quam Canones Apostolici juxta nostram sententiam constituti essent: ac propterea hos nihil prorsus conferre ad eam stabiliendam, utpote quæ ante eos stabilita fuisse utrinque agnoscitur. Quanam itaque ratione affirmare potuit eruditus observator, omnem Episcoporum *ᾠεγορχῶν* Apostolicis etiam Canonibus præcipuè inniti? Vel suspicari nos veritos esse, ne illa unà cum horum Antiquitate concideret? Si ipse quidem cum Turriano asseruissem, hos e Canones ab ipsis Apostolis sancitos esse, legitimam hoc suspicandi materiam ei præbuissem. Cum autem verbis conceptis è contra affirmassem, eos non ab ipsis Apostolis, sed à primitivâ Ecclesiâ, labente secundo vel tertio surgente seculo, hoc est, post introductam, ut inter omnes convenit, Episcopalem auctoritatem, constitutos fuisse, quis præter unicum hunc nostrum observatorem aperto ore asseverare potuit, *me veritum esse, ne prostrata jaceret Episcoporum supra Presbyteros eminentia atque auctoritas, si Apostolicis Canonibus larva detraberetur?* Quis potius ex hac censoriâ eruditi viri observatione non eliceret, eum isto solum nomine in hosce Canones tanto conatu invehi, quod Episcopi tanquam à Presbyteris distincti in iis toties commemorarentur? Licet enim non nobis, illi tamen omnis Episcoporum *ᾠεγορχῶν* iis etiam præcipue inniti videtur; ac propterea veritus ut Presbyterana paritas cum primitivâ Ecclesiæ disciplinâ consistat, si qua veteri huic monumento fides habeatur, summis eam viribus labefactare enixus est. Quam male autem hoc in negotio operam locavit, nullus dubito quin clarissime evincatur.

VII. Hoc autem ut effectum detur, aliâ hoc in loco procedendum est methodo quam quâ in Annotationibus usi sumus. In iis enim elaborandis, cum nihil minus quam peculiarem integrumve de hoc subjecto tractatum edere, nobis constitutum fuerit, singula Dallæi argumenta discutere, haud operæ pretium duximus. Neque enim loci, propositique ratio id postulabat. Quinetiam multo maxima eorum pars quæ Dallæus contra Canonum Apostolicorum Antiquitatem scripsit, non nostram sed Turrianicam solam de iis sententiam perstringunt: Quibus proinde non opus erat nos responderemus. Cum eruditus autem observator aliquoties affirmet Clarissimum Dallæum Turrianicis occurrendo objectionibus, pleraque etiamnum nostra argumenta refellisse, ejusque responsiones etiamnum valere, nisi à nobis diluantur, hinc necessarium nobis visum est, hanc de Canonum horum Antiquitate quæstionem à capite usque ad calcem pertractare, ut nullus in posterum cavillandi locus supersit.

VIII. Quapropter nostram imprimis de hisce Canonibus sententiam fusius aperiemus, unâ cum argumentis quibus innitur. Deinde, quicquid Doctissimi viri, *Joannes Dallæus* & Anonymus observator, contra ista exceperunt argumenta ad examen revocabimus, & dissolvemus. Secundum hæc omnia discutiemus argumenta, quibus Dallæus contra horum Canonum Antiquitatem militavit, eaque nostram de iis sententiam non attingere, nedum evertere

ARGUMENTA PRO CANONIBUS APOST. 21

evertere demonstrabimus : & quæcunque præterea observator vel pro Dallæanâ vel contra nostram de hâc re opinionem scripsit, ea, suo quodque in loco, prout occurrunt, Deo adstante, diluemus.

C A P U T I I.

Synopsis.

- | | |
|--|--|
| <p>I. <i>Nostra de Canonibus Apost. sententia, eos à Catholicis secundi tertiiqve seculi Synodis sancitos statuens.</i></p> <p>II. <i>Hac sententia duabus observationibus explicatur, quarum prima est, frequentes istis etiam seculis æque ac postea, habitas fuisse Synodos : quibus altiora quæque tractata sunt, quod probatur.</i></p> <p>III. <i>Altera observatio est, nihil in Can. Apost. haberi, quod Ecclesiastica istorum temporum disciplina non exacte respondeat.</i></p> <p>IV. <i>Hinc ergo hi Canones nihil aliud nobis videntur, quam primitivarum Synodorum decreta. Quod de nonnullis eorum certe constat.</i></p> | <p>V. <i>Non ab uno sed à pluribus Conciliis conditi fuerunt. Et à diversis etiam viris collecti. Unde orta est in numero eorum diversitas. Ecclesiastici etiam à nonnullis vocantur, ab aliis Apostolici & Apostolorum. Utriusque nomenclature ratio.</i></p> <p>VI. <i>Synodi primitivæ ex Apostolorum traditionibus controversias determinare, legesque ferre solebant. Hinc Canonibus hisce ab iis sancitis Apostolorum nomen inscriptum.</i></p> <p>VII. <i>Nostra de horum Canonum Antiquitate, quæ sola controversitur, sententia. Hincmarus Rhemensis eandem olim tenuit. Sed Joannes Dallæus aliter sensit : cujus opinio hic discutitur.</i></p> |
|--|--|

I. **P**RIMO itaque quod ad nostram spectat sententiam in Annotationibus assertam, paucis hic expediatur. Omnes enim octoginta quinque Canones Apostolorum vulgo dictos, quos *Franciscus Turrianus* ab ipsis Apostolis ante annum Dom. L. sancitos, *Joannes autem Dallæus* ab Hæretico aliquo impostore post annum Dom. CCCCL. confictos esse affirmavit; nos mediâ insistentes viâ, eos nec ab ipsis Apostolis, nec à quovis Hæretico; nec ante annum L. nec post CCCCL. sed ab Apostolicis Catholicisque viris, secundo, tertiove à Christi nativitate seculo constitutos, publicatosque fuisse contendimus. Non quod singula quæ nunc dierum in iis habentur verba adeo antiqua fuisse censeamus : Nihil enim dubii esse potest, quin hoc, æque ac alia quæcunque Ecclesiæ primitivæ monumenta, nonnullis in locis interpolatum fuerit, & mendis quibusdam, de quibus postea agemus, viriatum. Verum res ipsas in dictis Canonibus comprehensas, à variis Apostolicorum virorum Synodis definitas, & ante tertium finitum se-

22 ARGUMENTA PRO CANONIBUS APOST.

culum in istud quod sub Canonum S. Apostolorum titulo hodie circumfertur, corpus collectas fuisse arbitramur. Usque adeo ut hæc Canonum Antiquissimorum Sylloge nihil aliud nobis videatur, quam *Codex Canonum Ecclesiæ primitivæ*, per quem scilicet Ecclesiastica disciplina, plurimis saltem in locis, ante confessum Nicænum administrata fuit.

II. Ad hanc nostram de Canonibus Apostolicis opinionem dilucidandam, inprimis observetur velim, complures ab ipsâ etiam Apostolorum ætate Synodos passim celebratas fuisse, tribus nimirum primis Christianismi seculis æque ac sequentibus. Cum ipsis enim Apostolis ad determinandam istam, quæ in Ecclesiâ recens natâ exorta erat, de circumcissione & lege Mosaicâ Gentilibus imponendâ, controversiam, in Synodo unâ convenire, & in eâ Canonem sive Ecclesiasticam de istâ re legem sancire visum fuisset, hæc iis præmonstratâ viâ itum est ab omnibus ipsorum successoribus, sive Episcopis, quibus Ecclesiæ ulterius propagandæ regendæque cura commissa fuit. Si qua enim quæstio de fide Christianâ, vel de externâ Ecclesiæ politia ritè instituendâ emerfit, eam Episcopi, Apostolorum more, in Synodis congregati protinus determinare solebant. Ut videre est in gravi istâ de Paschalis celebritatis tempore controversiâ, quâ Ecclesia primitiva diu multumque sollicitata fuit. Ad eam enim dijudicandam, plurima passim ab Episcopis celebrata sunt Concilia, Romanum, Palæstinum, Ponticum, Gallicanum, Oïroenium, aliaque ab Eusebio commemorata, *H. st. Eccles. lib. v. cap. xxiii. xxiv.* Et cum multæ istiusmodi quæstiones istis diebus exortæ essent, frequentes etiam iisdem dirimendis habitas fuisse Synodos, plusquam verisimile est. Ex Tertulliano enim certissimè constat, dicente, *Aguntur præcepta per Gracias illas certis in locis Concilia ex universis Ecclesiis, per quæ & altiora quæque in commune tractantur, & ipsa representatio totius nominis Christiani magnâ veneratione celebratur.* Tertull. de jejun. adv. Psych. cap. xiii. E quibus etiam verbis liquet *altiora quæque* in istis Synodis tractata fuisse. In earum scilicet potestate situm erat, omnia quæ in Ecclesiâ orta sunt, dubia solvere, contentiones componere, Hæreticos & Schismaticos contumaces Ecclesiâ ejicere, particulares ritus ac cæremonias in externo Dei cultu observandas è generalibus sacræ scripturæ axiomatis elicere ac imperare, & Canones denique sive leges Ecclesiasticas condere, juxta quas Episcopi, suam quisque provinciam, administrarent. Hæc erant altiora illa quæ in primitivis Synodis tractata sunt.

III. Ad hæc observatum etiam velim, nihil in Canonibus qui Apostolorum vulgo appellantur decerni, quod moribus ac institutis Ecclesiæ primitivæ non ad amussim quadret. Quicquid enim in iis constituitur secundo tertiove æræ Christianæ seculo observatum fuisse, ex Origene, Clemente Alexandrino, Tertulliano, Cypriano, aliisque istorum temporum scriptoribus, necnon ex Ecclesiasticis historiis abunde constat, ut postea fusius ostensuri sumus. Omnia vero quæ in dictis Canonibus continentur, in sacris scripturis nusquam præscripta leguntur. Quânam itaque ratione in Apostolicam sive primitivam Ecclesiam primò inducta sunt? Furtim & fortuito ea omnia irrepisse,

irrepsisse, nemo, ut opinor, affirmabit. Neque enim credibile est primos Ecclesiæ præfules adeo socordes fuisse & curæ sibi concreditæ negligentes, ut ritus quovis solennes in publicum Dei cultum aut Ecclesiæ regimen induci permitterent, priusquam ipsi consilium de iis iniissent: ac propterea persuasissimum habemus, nihil non disertè in sacris scripturis præceptum aut ab Apostolis traditum in Ecclesiâ primitivâ obtinuisse, quod non prius à Synodis Episcoporum approbatum fuit, ac institutum. Et quandoquidem plurima hujusmodi Concilia istis temporibus passim celebrata essent, plures haud dubie Canones sive regulæ Ecclesiasticæ ab iis constitutæ sunt, haud pauciores scilicet quam ritus, mores, ac ceremoniæ istis diebus observatæ, & nec divinâ nec Apostolicâ auctoritate prius sancitæ.

IV. Quæ cum ita sint, Apostolicos quos vocamus Canones, nihil aliud fuisse existimamus, quam statuta quædam sive decreta Synodorum quæ per tria priora æræ Christianæ secula diversis temporibus, locisque habitæ fuerunt. Quæ sententia eo probabilior redditur, quod pro comperto habeamus, nonnulla eorum, quæ in dictis Canonibus continentur, à primitivis istis Synodis constituta fuisse. Verbi gratiâ. Canone Apostolorum septimo cautum est, ne quis sanctum Paschæ diem ante vernal æquinoctium cum Judæis celebret: Quod idem à plurimis Episcoporum Synodis secundo exeunte seculo celebratis, decretum fuisse, Eusebius memoriæ tradidit, *Hist. Eccles. lib. v. cap. xxiii.* Præterea Canones Apostolici vi. & lxxxi. præcipiunt, ne quis Episcopus, Presbyter aut Diaconus seculares curas, aut publicas administrationes suscipiat: Hoc autem in Concilio Episcoporum ab antecessoribus suis statutum fuisse D. Cyprianus attestatur, *Epist. LXVI.* Idem dicendum est de Canone Apost. LII. quo lapsos resipiscentes ab Ecclesiâ recipiendos esse decernitur, hoc enim à copioso Episcoporum numero in unum conveniente decretum esse, ab eodem asseritur, *Epist. LII. ad Antonian.* Quinetiam Synodus Romana iisdem diebus habitâ idem decrevit, ut ex Eusebio discimus, *Hist. Eccles. lib. vi. cap. xliii.* Ut de aliis sileam, quod in Canonibus Apostolorum XLVI. & XLVII. decernitur de Hæreticorum Baptismo non recipiendo, id multis annis & longâ ætate ante D. Cypriani tempora, à Synodo sub Agrippino habitâ statutum fuisse, ex septuagesimâ tertiâ ejusdem Cypriani Epistolâ, quæ est ad Jubajanum, abunde constat. Unde clarissimè conficitur aliquam saltem horum Canonum partem à primitivis, ut ita loquar, Synodis constitutam esse. Quod autem de parte constat, idem de toto hoc Codice merito statuatur: Omnes nimirum hosce Canones, nec S. Apostolorum præcepta, nec Hæretici cujuspiam fragmenta, sed decreta esse Synodorum, quæ à viris Apostolicis, primis Ecclesiæ seculis celebratæ sunt. Quod nullus dubito, quin extra controversiam esset, si acta omnium extarent Synodorum quæ ante Nicænam habitæ fuerunt.

V. Cum omnia verò istarum Synodorum Acta jampridem perierint, ut cuique notum est, nihil certi definire possumus de loco vel tempore, quo primo editi sunt hi Canones. Hoc tantum ex ipsâ eorum texturâ constare videtur, eos scilicet, non ab unâ omnes, sed à multis Synodis iisque diver-

sis in locis habitis constitutos fuisse, ut in Annotationibus ostendimus. Et præterea ut à variis Conciliis editi, sic à diversis quoque viris collecti nobis videntur, quorum hi plures, illi pauciores, collegerunt, prout eos quærendo investigare poterant. Et hinc est quod in Codice quo usus est Dionysius Exiguus, quinquaginta soli Canones inventi sunt, & ab eodem latinè redditi, cum alii Codices iisdem etiam diebus extantes, octoginta quinque Canones numerarent. Verùm priores L. prius compacti, & reliqui XXXV. istis postea additi videntur. Non secus ac in Codice Canonum Ecclesiæ universæ accidisse liquet: qui primò Ephesinis terminatus Canonibus, postea Chalcedonensibus, Trullanis, Carthaginensibus, aliisque quamplurimis locupletatus & exauctus est. Eodem modo, Codici Canonum Ecclesiæ primitivæ ex L. tantum Canonibus primùm conflato, alios XXXV. postea adjectos fuisse, vero nobis simillimum videtur. Ex quo autem primo collecti sunt, & in Codicem quem præ manibus habemus compacti, hi Ἐκκλησιαστικὸς, illi Ἀποστολικὸς κανόνας, eos nuncuparunt: *Ecclesiastici* quidem vocantur, non tantum à vetustis quibusdam Synodis Patribusque, verum etiam ad calcem Apostolicarum Constitutionum quibus subjungi solent, ubi hi Canones, hunc titulum præ se ferunt Κανόνες Ἐκκλησιαστικοί. Quo nomine jure merito indignantur, eò quod ab Ecclesiasticis Synodis constituti fuerant, quodque veteris Ecclesiæ disciplinam complectuntur. *Apostolici* autem & *S. Apostolorum* Canones idcirco appellantur, quod à viris *Apostolicis* sanciti sunt & publicati; quod *S. Apostolorum* doctrinæ consentanei, & quod ab ipsis denique *Apostolis* traditi crederentur.

VI. Enim vero proximis post Apostolos seculis, quæcunque in Ecclesiâ ortæ sunt controversiæ, de ritibus saltem & externâ Ecclesiæ politiâ, eas omnes ex Apostolorum traditionibus determinare solenne fuit. Ut è magnâ istâ de Paschâ contentione patet, utrâque parte Apostolorum, hâc D. Petri ac Pauli, illâ *Johannis & Philippi* traditiones, ad opinionem suam adstruendam afferente; *Euseb. Eccles. Hist. lib. v. cap. xxiii. xxiv.* Hinc multiplices Apostolorum traditiones istis diebus collectæ sunt. Papias enim, qui mox post Apostolos vixit, ut exactam rerum Ecclesiasticarum scientiam assequeretur, à senioribus, qui cum ipsis Apostolis versati fuerant, se sciscitatum fuisse dicit, quid *Andreas*, quid *Petrus*, quid *Philippus*, quid *Thomas*, quid *Jacobus*, quid *Johannes*, quid *Matthæus*, quid cæteri Domini discipuli dicere soliti essent. Neque enim ex librorum lectione tantam se utilitatem capere posse existimabat, quantam ex hominum adhuc superstitum vivâ voce, apud *Euseb. Hist. Eccl. lib. iii. cap. xxxix.* Sic etiam Clemens Alexandrinus, in libro quem de Paschâ composuit, coactum se affirmavit à familiaribus suis, ut traditiones quas ab Antiquioribus Presbyteris acceperat, scriptas posteris mandaret. *Ibid. lib. vi. cap. xiii.* Tanti istis diebus habitæ erant Apostolorum traditiones. Et quidem nemini dubium esse potest, quin singulæ Ecclesiæ ab ipsis Apostolis fundatæ aliquas ab iis traditiones ac regulas acceperint, in administrationibus Ecclesiasticis perpetuo observandas. Cum progressu autem temporis diversis in locis diversæ etiam sub Apostolo-

rum

rum nomine traditiones producerentur, eò factum est, ut de ipsis etiam traditionibus postea disceptaretur: adeo ut Episcopi in Synodis congregati in hujusmodi traditiones diligenter inquirerent, ut veras ac genuinas à falsis & supposititiis discernent. Quicquid autem ab ipsis Apostolis diserte traditum, vel aliis eorum traditionibus consonum esse post deliberationem in utramque partem factam judicabant, illud sub Apostolorum, ut videtur, nomine aliis commendare ac præcipere solebant. Omnes porro Ecclesiastici de quibus hic agimus Canones, hujusmodi nobis videntur Synodorum primitivarum decreta sive regulæ, quas vel ab ipsis Apostolis traditas, vel aliis ipsorum traditionibus consentaneas esse, à Synodis istis judicatum est. Et hinc imprimis est quod Apostolorum nomen iis inscriptum fuit, si non ab ipsis eorum editoribus vel ab iis qui in unum eos corpus collegerunt, ab aliis saltem exiguo post tempore, qui nescii quo melius, Apostolorum eos traditioni, ut uni omnis primitivæ disciplinæ origini, acceptos retulerunt; utpote qui nihil à primitivis istis Synodis, nisi ex Apostolorum traditionibus vel scriptis, vel non scriptis, decretum fuisse pro certo haberent.

VII. Hæc sunt quæ nostræ de Canonibus Apostolorum dilucidandæ sententiæ necessaria duximus. Nihil autem hic in controversiam vocatur, præter dictorum Canonum Antiquitatem. Nostra enim sententia eos ante finitum tertium æræ Christianæ seculum & conditos fuisse & collectos asserit. Ab hac nostrâ de hisce Canonibus opinione haud multum abludit Hincmarus Rhemenlis, qui octingentos ante annos observavit Apostolorum qui vocantur Canones à primis temporibus traditione viritum Apostolicorum virorum fuisse mentibus commendatos, & partim verbis, partim sensu, ac sparsim diversis quorundam Epistolis pro qualitate causarum & personarum ac temporum inditos, atque exinde, *antequam Episcopi Concilia liberè inciperent celebrare, à devotis quibusque collectos*. Hincmar. Rhem. opusc. cap. xxiv. quibus verbis haud obscurè indigitat hosce Canones ab Episcopis primitivis ex antiquis Apostolorum traditionibus conditos fuisse & commendatos: clarissime autem pronunciat eos collectos fuisse *antequam Episcopi Concilia liberè inciperent celebrare*. Hoc est ante annum Dom. CCCVI. quo Constantinus M. imperare, & Episcopi Concilia liberè celebrare cœperunt. Verum V. Cl. *Johannes Dallæus* huic opinioni se totum opposuit, asseruitque Canones hosce Apostolorum dictos non ante quintum seculum illudque exiens, vel notos fuisse vel confictos. Suam enim de hac re sententiam his verbis concepit, *Denique si de tempore queratur, quo pseudapostolica illa & Apocrypha Canonum collectio facta & edita primum fuerit, apparet ex iis quæ hætenus disputata sunt, eam neque ante quintum seculum aditum innovisse, & quinto exeunte extitisse, publicarique cœptam esse*. Dall. de pseudep. lib. III. cap. XXI. Hanc Dallæi sententiam nos breviter, ut loci ratio postulabat, in Annotationibus refellimus. Sed quandoquidem Anonymus observator eandem ab argumentis nostris vindicare conatus est, eam paulo altius hoc in loco discutietur, & nostram de Canonum horum Antiquitate opinionem vero longe propiorem, imò quidem verissimam esse demonstrabimus.

C A P U T I I I.

Synopsis.

- I. Canonum Apost. *Antiquitas à nobis asserta, ex quarti quintique nondum adulti seculi testimoniis satis probetur, Ea in duas classes reducuntur.*
- II. Egregium S. Athanasii de antiquis Ecclesie Canonibus testimonium. Quod de aliis quam Apostolicis intelligi non posse ostenditur.
- III. Aliud ex ejusdem Patris operibus pro Canonibus Apostolicis petitum argumentum.
- IV. S. Basilius suum etiam testimonium hisce Canonibus Apost. tribuit, in Canonicâ suâ ad Amphilochoium Epistolâ, Canone III. XII. nec non primo.

I. **A**D evertendam Dallæi, & nostram de Antiquitate Canonum Apostolicorum opinionem confirmandam, aliis non opus est Argumentis, quam quæ ex testimonio petuntur. Si enim è genuinis ac idoneis veterum testimoniis probatum dederimus, hos ipsos Canones visos fuisse, commemoratos, & in causis Ecclesiasticis dijudicandis productos ab Antiquis istis Patribus aliisque Ecclesiæ scriptoribus, quos ante quantum seculum vel elapsum vel adultum scripsisse inter omnes convenit, nemini in posterum dubium esse potest, quin ante istud tempus iis confingendis à Dallæo assignatum, & conditi fuerint, & in usum publicum collecti. Ut illud autem demonstremus, quamvis complures loquendi formulas ab Origene, Tertulliano, Clemente Alexandrino, Cypriano, aliisque secundi tertiique seculi scriptoribus usitatas proferre liceat, quæ Canones Apostolorum istis diebus extitisse cognitosque fuisse innuunt; veruntamen iis hic omissis, utpote de quibus commodior postea occurret agendi locus, ea tantum veterum testimonia hic producemus quæ ex quarto quintoque seculo suppeditantur, remque clarissimam & indubiam faciunt. Ista autem in duas classes redigemus: quarum prima ea colliget testimonia quæ hosce Canones sub generali *Canonum* vel *Canonum Antiquorum*, aut *Ecclesiasticorum* nomine citatos fuisse ostendunt. Ad alteram vero classem ista veterum testimonia reducuntur, quæ *Canones Apostolicos*, & *Canones S. Apostolorum* verbis conceptis laudant.

II. Primo itaque asserimus, illos qui S. Apostolorum Canones vulgo appellantur, quarto quintoque nondum adulto nedum elapso seculo, nunc sub *Canonum* in genere, alias sub *Canonum antiquorum*, & *Canonum Ecclesiasticorum* titulo citatos fuisse, idque ab iis qui in Ecclesiâ tunc temporis præsidebant, quos propterea latere non potuit quinam Ecclesiastici Canones suis diebus obtinebant. Ut hoc autem palam fiat, imprimis dignissima sunt quæ observentur S. Athanasii Archiepiscopi Alexandrini verba, qui ἐκκλησιαστικῶν, ut

ut ipse vocat, κανόνων, quibus nimirum Ecclesia tunc dierum administrabatur, mentionem faciens eos non suâ demum ætate sancitos, sed à Patribus Ecclesiæ diu ante traditos fuisse affirmat, & ὁ νῦν, inquit, Κανόνες ἢ τύποι ταῖς ἐκκλησίαις ἐδόθησαν, αἱ δὲ ἐν πατέρων ἡμῶν καλῶς ἢ βεβαίως παρεδόθησαν· εἰ δὲ νῦν ἡ πῖστις ἡρέατο, αἱ δὲ ἐν τῷ κυρίῳ Διὰ τῶν μαθητῶν εἰς ἡμᾶς Διὰβέβηκεν. ἢ ἐν μὴ τὰ ἐξ ἀρχαίων μέχρις ἡμῶν τηρήσονται ἐν ταῖς ἐκκλησίαις ἐν ταῖς νῦν ἡμετέρας παρεπόληται, ἢ τὰ πνευθέντα ἡμῖν ζητηθῇ παρ' ἡμῶν. κινήθητε ἀδελφοί, &c. *Non enim nunc dierum Canones & typi Ecclesiis dati sunt, sed à Patribus nostris pulchrè, firmiterque traditi fuerunt: neque nunc dierum fides cœpit, sed à Domino per discipulos ad nos transiit: Ne igitur quæ à priscis temporibus usque ad nos in Ecclesiis observata fuerunt, hisce diebus pereant; & quæ nobis concedenda sunt à nobis requirantur, moveamini fratres, &c.* Athan. ad ubique Orthodoxos. t. 1. pag. 943. E quibus verbis abunde liquet, S. Athanasii, qui synodo Nicænæ An. Dom. CCCXXV. celebratæ, adfuit, ætate, priscos quosdam in Ecclesiâ Canones obtinuisse, qui longe ante istud seculum constituti fuerant, usque adeo ut unâ cum fide traditi viderentur: nisi quod fides ab ipso Christo per Apostolos, canones vero à viris Apostolicis sanciti fuerant. Neque enim alii quam viri Apostolici quarto ineunte seculo Patres proprie appellari poterant. Canones autem istos à S. Athanasio memoratos, eosdem esse ac quos Apostolorum hodie vocamus, ex oblatâ ei istos commemorandi occasione patet. Enim vero Georgius à Cappadociâ oriundus nomen episcopale à præfæto Ægypti pretio mercatus, ejus jussu per vim in Ecclesiam Alexandrinam immissus est; violenter detruso legitimo illius Ecclesiæ Episcopo Athanasio, licet à nemine nisi forsitan ab hæreticis Arianis accusatus esset, saltem à synodo nondum condemnatus fuerat. Hæc istis temporibus Alexandriæ perpetrata fuisse, S. Athanasius loco superius laudato asserit: ac propterea omnes Orthodoxos ubicunque constitutos hortatur summis viribus eniti ne hæc facinora ulterius progredierentur, sed quoad fieri potuit, corrigerentur, eo quod Veteres Canones à Patribus Ecclesiæ traditi unâ cum fide Apostolicâ nefariis hujusmodi cœptis violati essent. Verum enim vero quicquid S. Athanasius contra veteres Ecclesiæ Canones tunc temporis admissum conqueritur, in nullis quos scimus Antiquioribus præterquam Apostolicis Canonibus prohibitum habemus: In istis autem clarissime. Nimirum S. Athanasius throno detrusus est priusquam vel à populo vel à Presbyteris, vel ab Episcopo quopiam Catholico accusatus, vel causa ejus in Episcoporum Synodo examinata fuerat, contra Canonem Apostolorum LXXIV. quo statutum est, ut Episcopus à viris fide dignis accusatus, ad synodum vocetur, ibique causam dicat priusquam pœna ei statuatur. Quod si dicatur Arianos S. Athanasio crimen intulisse; id quidem verum est, sed eorum testimonium contra Episcopum non admittendum erat; Nam Ariani à Synodo Oecumenicâ hæreseos condemnati fuerant, & hæreticum in testimonium contra Episcopum non admittendum esse, diserte cautum est Can. Apost. LXXV. Præterea observat sanctissimus Pater, Georgium istum Cappadocem thronum Alexandrinum & Episcopalem istam dignitatem pecuniis mercatum & princi-

pum secularium ope consecutum esse: & protinus addit, τὸ δὲ τὰς μὴ ἐκκλησιαστικὰς κανόνας ἀφελούσθαι, τὰ δὲ ἔθνη βλασφημεῖν ἀναγκάζει, ἢ ὑπνοῦσθαι ὅτι μὴ καὶ θεῖον θεσμὸν, ἀλλ' ἐξ ἐμπορίας ἢ πλεονεξίας αἱ καταστάσεις γίνονται. *Id autem & Ecclesiasticos quidem canones violat, & Ethnicos ad blasphemiam cogit, & suspicionem, ut putent, non legibus rituque divino, sed nundinatione & potentia Episcopos constitui.* Ibid. pag. 945. Ecclesiasticos vero Canones hic commemoratos frustra alibi quæstiveris præterquam inter Apostolicos, quorum undetricesimo cautum est, ne quis per pecunias, tricelimo autem, ne quis per principes seculares dignitatem Episcopalem assequatur. Cum sanctus igitur Athanasius hujusmodi Canones à Georgio violatos affirmet, quales nullibi nisi inter Apostolicos, istis saltem diebus, extabant, haud dubitare fas est, quin istos sibi bene cognitos habuerit.

III. Iisdem temporibus S. Athanasius supradictus de Arsenii cæde ab adversariis Arianis accusabatur. Arsenius autem adhuc in Ægypto superstes Schismatis simul ac facti contra Athanasium pœnitentiâ ductus, se postea vivum obtulit, & ad S. Athanasium epistolam conscripsit, quam S. Athanasius suæ de fugâ Apologiæ inferuit. In hac epistolâ Arsenius iste Episcopus Hypselitarum, profitetur se velle τῷ ἐκκλησιαστικῷ κανόνι καὶ τῷ παλαιῷ νόμῳ ὑποτάσσεσθαι, *Ecclesiastico Canoni juxta vetus institutum subjici*, & promittit se in posterum nullo modo communicaturum esse cum Schismaticis, aut cum iis quibus nondum pax esset cum Ecclesiâ catholicâ, additque μήδ' αὖ δίχα γνώμης σου τῆ μητροπόλεως ὁπισκοπέω ὅρον τινα ἐμφέρειν πρὸς ὁπισκοπέων, ἢ πρὸς δόγματ' ἐτέρων κοινῶν ἐκκλησιαστικῶν, ἀλλ' εἴκειν πᾶσι τοῖς πρεσβυτερωμένοις κανόσι. *Neque contra tuam Metropolitanæ episcopi sententiam, ulium de episcopis aut alio quovis communi & ecclesiastico dogmate decretum editurum, sed cessurum omnibus ante constitutis Canonibus.* Nimirum Meletiani Schisma in Ecclesiâ Alexandrinâ fecerant, se ab Archiepiscopo Alexandrino totius Ægyptiacæ dioceseos Primæ separantes. Contra Canonem Apost. XXXIV. decernentem episcopos uniuscujusque gentis nosse oportere eum qui in iis primus est, eumque ut caput existimare, & nihil quod magni sit momenti præter illius sententiam facere. Arsenius itaque civitatis Hypselitarum Episcopus, qui hucusque Meletianorum sectæ se adjunxerat, modo pœnitentiam agens, pollicetur se in posterum Ecclesiastico huic canoni antiquitus instituto puritimum, nihilque quod magni sit momenti, juxta quod in dicto canone præcipitur, præter Athanasii Ecclesiæ Alexandrinæ Primatis sententiam aggressurum. Quod dictum canonem longe ante constitutum, & istis diebus observatum fuisse, clarissime demonstrat.

IV. S. Athanasio nondum denato, S. Basilii M. Cæsareæ Cappadociæ creatus est Episcopus, An. Dom. plus minus CCCLXX. Hic epistolas quasdam ad Amphilo-
λάσσεως

λάσεως ὑποβάλλεσθαι. Diaconus post diaconatum fornicatus, à diaconatu quidem ejicitur: in laicorum autem locum detrusus, à communione non arcebitur: quoniam antiquus est Canon, ut qui à gradu exciderunt, huic soli punitiois generi subjiciantur. Sub antiqui Canonis hic commemorati nomine Apostolicus XXV. haud dubie indigitatur, quippe quo id aperte decernitur his verbis, Ἐπίσκοπος, ἢ πρεσβύτερος, ἢ διάκονος, ὅτι πορνεία, ἢ ὀμιλία, ἢ ὅτι κλοπῇ ἄλλος καθαιρέσθω, καὶ μὴ ἀφορεζέσθω λέγει ὃ ἡ γεγραμμένη ἐκ ἐκδικήσεως δις ὅτι τὸ αὐτό. Episcopus, vel Presbyter, vel diaconus fornicationis, vel perjurii, vel furri convictus, deponatur, & non segregetur: Dicit enim scriptura, Non vindicabis bis in id ipsum. Quin ad hunc itaque canonem S. Basilius in verbis ante citatis respectum habuerit, nemo dubitare potest, quandoquidem nullum alium S. Basilio antiquiorem invenire est canonem, præter unicum hunc Apostolicum, quo hoc decretum legitur. Idem dicendum est de ejusdem doctissimi Patris canone XII. quo ait, τὰς διγάμους παντελῶς ὁ κανὼν τῆς ὑπηρεσίας ἀπέκλῃσε, Digamos canon omnino a ministerio exclusit. Per canonem hic laudatum, Apostolicum XVII. intelligendum esse, Balsamon & Zonaras consentiunt & recte quidem. Dicitur enim canon sic habet, Δυσὶ γάμοις συμπλακείς μετὰ τὸ βάπτισμα, ἢ παλλακίῳ κτησάμενος, καὶ διώδαι εἶναι ἐπίσκοπος, ἢ πρεσβύτερος, ἢ διάκονος, ἢ ὅλως τῶ κατὰ λόγον Ἱερατικῷ. Qui post Baptismum duobus conjugis fuerit implicatus, vel concubinam habuerit, non potest esse Episcopus, vel Presbyter, vel diaconus, vel omnino ex numero Sacerdotali. Hic porro unicus est canon, quem scimus ab Ecclesiâ ante S. Basilii ætatem constitutum, quo Digami ab omni ministerio Ecclesiastico excluduntur; ut nullus super sit dubitandi locus, quin sanctissimus ille Pater ad istum in verbis superius citatis respexerit. Quinetiam diu ante S. Basilii ætatem, tertio scilicet ineunte seculo, hoc ab Ecclesiâ decretum esse, ex Tertulliano constat dicente. Quantum detrahant fidei, quantum obstrepant sanctitati nuptiæ secundæ, disciplina Ecclesiæ & præscriptio Apostoli declarat, cum digamos non finit præstare. Tertull. ad Uxor. lib. I. cap. VII. ubi videre est, eam istis diebus fuisse Ecclesiæ disciplinam, ut duobus conjugis implicatus ad Ecclesiasticam quamlibet prædicationem non proveheretur. Quandoquidem scilicet Apostolus præscripsit, ut Episcopi, Presbyteri & Diaconi unius essent uxoris viri, hinc provisum est & constitutum ab Ecclesiâ ne quis Digamus sacro quovis ministerio fungatur. Omnis autem Ecclesiæ disciplina in canonibus perpetuo stabilita fuit & promulgata. Cum ista itaque Ecclesiæ primitivæ disciplina à Tertulliano memorata in dicto canone Apostolico eoque solo continetur, nemo sub quovis rationis prætextu inficias eat istum Canonem ante Tertulliani ætatem sancitum esse & publicatum. Hisce adjungi potest ejusdem sanctissimi Patris Basilii M Canon primus, quo antiquiorum canonum mentionem facit, hæreticorum baptisma non recipiendum esse statuentium. Ἐκεῖνο ὃ, inquit, ἔκρινον οἱ παλαιοὶ δέχεσθαι βάπτισμα τὸ μηδὲν τῆ πίστεως παρεκβαίνον. Eum autem de vetustis intelligendum esse canonibus, quibus hoc constitutum fuerat, ex istis, quæ ad finem canonis subjungit, verbis elucescit, ubi ait, Εἰ δὲ ἐκεῖνοι φυλάσσωσι τὸ ἡμέτερον βάπτισμα, τῷτο ἡμᾶς μὴ δυσωπέτω καὶ ὃ ἀντιπιδύναται

ἀντιδιδόναι αὐτοῖς ὑπεύθυνοι χάριν ἔσμεν, ἀλλὰ δελεῦν ἀκριβεῖα κανόνων. Quod Sanctus porro Basilius per totum istum canonem de hæreticorum baptismo non admittendo ex antiquis Ecclesiæ statutis prosequitur, id ipsum in Canone Apostolico XLVI. breviter decernitur, his verbis, Ἐπίσκοπον ἢ πρεσβύτερον Αἰρετικῶν δεξαμένης βάπτισμα ἢ θυσίαν, καθαιρεῖσθαι πρὸς αἰσχρομύην. Quod idem & multis ante se annis à synodo Episcoporum sub Agrippino habitâ constitutum fuisse, D. Cyprianus in epistolâ ad Jubajanum de hæreticis baptizandis attestatur. Sed non opus est in proferendis singularium Patrum verbis diutius immoremur, cum plures simul in synodis congregati, huic à nobis assertæ opinioni fidem fecerint, ut è sequentibus fusè apparebit.

C A P U T I V.

Synopsis.

- I. Synodus Nicæna Canones Apost. vidit, quod probatur è Can. Nic. 1. 2. 5. Nonnullos etiam è Canonibus Apost. explicat & confirmat. Ut patet è Canonibus Nicænis 9. & 10. cum Apostolicis 61. & 62. necnon ex Apostolicis 14. & 15. cum Nicænis 15. & 16. collatis.
- II. Canones Antiocheni eadem præcipiunt quæ Apostolici. Eodem etiam ordine plerumque observato, ut ex collatione utriusque collectionis liquet.
- III. Canones Antioch. ex Apostolicis formatos esse, probatur, primo è stylo, qui in Apostolicis simplex est, in Antiochenis copiosus & paraphrasticus.
- IV. Idem probatur è Can. Antioch. 9. Primus gentis cujusque Episcopus non ante quartum seculum dictus est Metropolitanus.
- V. Probatur etiam è Can. Antioch. 20. Mendum in dicto Canone deprehenditur, & emendatur. Quare Synodus Antioch. primam quotannis synodum alio peragendam tempore, quam Nicæna, decrevit.
- VI. Idem probatur è duobus ultimis Can. Antiochenis, de bonis Ecclesiæ. Primitiva Ecclesia nullos nisi ex fidelium oblationibus redditus habuit. Latifundia ei non nisi post Constantinum M. concessa.
- VII. Idem denique probatur ex eo quod Can. Apost. aliorum Canonum nunquam mentionem faciant; Antiocheni sæpe.
- VIII. Quo hac omnia clarius elucescant, inquiritur in Canonum Ant. occasionem. Synodus ista ex Arianis constabat. Baronii aliorumque error ex Julii verbis male intellectis. Paulo ante hanc Synodum S. Athanasius Ecclesiæ Alexandrinæ restitutus, & Paulus C. P. Episcopus creatus est.
- IX. Synodus Antioch. canones suos contra Catholicos designavit. Quod ut occultius fieret, antiquos canones renovavit, usque novos contra S. Athanasium & Paulum CP. inseruit, ut ejus restitutio & hujus creatio invalida redderetur.
- X. Hinc tota canonum Antiochenorum occasio & historia eruitur.

I. **I**N gravissimis Synodorum testimoniis ad astringendam canonum Apostolicorum antiquitatem recitandis, à Nicænâ primâ incipiemus, ut reliquis quibuscunque synodis multis nominibus præferendâ. Prima itaque Synodus Oecumenica Anno Dom. CCCXXV. Constantino M. imperante Nicææ celebrata, in canonibus suis constituendis aliorum sæpe canonum mentionem fecit, qui antea sanciti & eousque in Ecclesiâ observati fuerant : Quod si Canones istos à Synodo Nicænâ memoratos cum iis conferamus, qui in Canonum Apostolicorum collectione hodie circumferuntur, inter hosce vel cæcus illos videat, quos synodus ista commemoravit. Quod ut omnibus palam fiat, magnam canonum Nicænorum partem percurremus. Primus itaque Synodi Nicænæ Canon de Eunuchis agit, statuitque eos qui à medicis in morbo excisi vel à barbaris excisi sunt, in clero retinendos esse : eos autem qui cum sani essent seipsos execuerunt, etiamsi in clero recensiti fuerant, cessare debere, & nullum deinceps talem promovendum esse, juxta quæ in canonibus Apostolicis XXII. & XXIII. constituta sunt : Et postea addit Synodus, *Quemadmodum autem & hoc manifestum est, quod de iis qui de industriâ hoc agunt, & seipsos audent excindere dictum est, ὅτως εἰ πῶς ὑπὸ βαρβάρων ἢ δεσποτῶν εὐνυχοῦσιν, εὐλόγοιτο δὲ ἄλλως ἄξιοι, τὰς τοιαύτας εἰς κλήρον παραστήτω ὁ Κανὼν. Ita si aliqui à barbaris, vel dominis castrati sunt, inveniuntur autem alioqui digni, tales in clerum admittit Canon.* Hinc clarissimè patet Canonem aliquem in Ecclesiâ tunc temporis obtinuisse, quo tales in clerum admissi sunt : qui quidem alius non fuit quam Apostolicus XXI. sic habens. *Εὐνυχὸς εἰ μὴ ἐξ ἐπικρείας ἀνδράπων ἐγένετό τις, ἢ ἐν διαγμῶ ἀφῆρήναι τὰ τῶ ἀνδρῶν, ἢ ὅτως ἐφυ, ἢ ἐστὶ ἄξιος, Ἐπίσκοπος γινέσθω. Eunuchus si quis ex hominum quidem injuriâ factus est, vel in persecutione virilibus privatus, vel sic natus est, & dignus est, Episcopus fiat.* Si talis autem per hunc canonem episcopus fiat, in clerum necessario admittatur, quod ibi decretum esse Synodus Nicæna indicat. Quæ etiam proximo sive secundo Canone affirmat, quod sit *κατὰ τὸ κανόνα τὸ ἐκκλησιαστικόν, contra Canonem Ecclesiasticum*, ut qui à vitâ gentili ad fidem nuper acceperunt & baptizati sunt, ad Episcopatum protinus aut Presbyteratum provehantur. Nimirum est contra Canonem Apostolorum LXXX. id disertè prohibentem his verbis, *τὸ ἐξ ἐθνικῆ βίᾳ προσελθόντα, ἢ βαπτισθέντα, ἢ ἐκ φωνῆς διαγωγῆς, ἢ δικαίῳ ἐστὶ παρ' αὐτὰ παραχειρίζεσθαι ἡπίσκοπον. Eum qui ex vitâ gentili acceperis & baptizatus fueris vel ex improbâ vivendi ratione, non est æquum protinus episcopum fieri.* Quem propterea Canonem Ecclesiasticum Synodo Nicænæ cognitum fuisse extra dubium est. Adhæc eadem universalis synodus de iis sive Clericis sive Laicis agens qui à communione segregantur, Canone quinto dicit, *Κεχρίσται ἡ γνώμη καὶ τὸ κανόνα τὸ διαγραφέντα τὰς ὕψ' ἐτέρων ἀποβληθέντας ὕψ' ἐτέρων μὴ παραστήσῃ. Valeat sententia juxta Canonem qui pronunciat, eos qui ab aliis ejeçti sunt, ab aliis non admittendos esse.* Canon qui hoc pronunciat est Apostolicus XII. his verbis conceptus, *Εἰ τις κληρικὸς, ἢ λαϊκὸς ἀφωρισμῶς, ἢτοι ἀδεκτός, ἀπελθὼν ἐν ἐτέρῳ πόλει δεχθῇ ἄνευ γεγραμμάτων συναπικῶν,*

32 ARGUMENTA PRO CANONIBUS APOST.

κῶν, ἀφωρεζέσθω καὶ ὁ δεξάμενος ἢ ὁ δεχθεὶς. *Si quis Clericus, vel laicus segregatus vel non recipiendus, discedens in alterâ urbe receptus fuerit absque literis commendatitiis, segregetur, & qui recipit, & qui receptus est.* Item Canon Apostolorum XXXII. sic habet, εἰ τις πρεσβύτερος, ἢ διάκονος ἀπὸ ἐπισκόπου γένηται ἀφωρεσμένης, τῶν μὴ ἐξεῖναι παρ' ἐτέρου δεχθῆναι, ἀλλ' ἢ παρὰ τῶ ἀφορεσάντων αὐτόν. *Si quis Presbyter vel Diaconus ab Episcopo sit segregatus, non liceat alii eum suscipere, quam ei qui ipsum segregavit :* Hunc itaque cum priori Canonem Patres Nicæni non modo citant, sed & suâ, universalis nimirum synodi autoritate confirmant. Quod in aliis etiam Canonibus observare est : ulque adeo ut Oecumenicum hoc Concilium in plerisque statutis à se editis non novos procudisse, sed veteres hosce sive Apostolicos Canones explicuisse potius & confirmasse videatur. Quod magis adhuc manifestum apparebit, si alios Canones Apostolicos cum Nicænis comparemus, verbi gratiâ. Canon Apost. LXI. definit, ut si qua adversus fidelem quempiam accusatio intendatur, vel fornicationis, vel adulterii, vel alius cujuscumque prohibitionis actionis & convictus fuerit, is ad Clerum non evehatur : Sed non expresse dicit eos, qui convicti fuerint aut crimina sua confessi, in Clero non recensendos esse, licet manus iis ab Episcopo Canonis istius negligenter impositæ fuissent. Hinc Nicæni Patres Canonem istum ita intelligendum esse pronunciant, ut per eum in Clerum non admittatur, qui vel per suam ipsius confessionem, vel aliorum testimonia istiusmodi criminibus convictus est, etiam si manuum impositionem præter Canonis mentem acceperit. Sic enim edicunt. Εἰ πνεὺς ἀνεξετάσως ἀρρήχθησαν πρεσβύτεροι, ἢ ἀνακληρόμενοι ὡμολόγησαν τὰ ἀμαρτήματα αὐτῶν, ἢ ὁμολογησάντων αὐτῶν, παρὰ κανόνα κινούμενοι οἱ ἄνθρωποι τοῖς τοῖς χεῖρεσσι ὑπὸ πειθείας, τῆς τοῦ κανὼν ἐπιστάτης. *Quicumque citra examinationem promoti sunt Presbyteri, vel examinati sua peccata confessi sunt, eisque confessis præter Canonem moti homines manus imposuerunt, eos Canon non admittit.* Syn. Nic. Can. IX. Aliquis sane Canon clarissime hic explicatur simul & confirmatur. Eundem autem Apostolicum esse superius citatum apparet, primò quòd alius non extet Canon, ad quem ista synodi Nicænæ verba commodè referri possunt. Dictus autem Canon Apost. eodem haud dubiè sensu intelligendus est, quo Nicæni Patres eum interpretantur. Cùm Canon enim præcipiat istos, qui criminibus in eo memoratis tenentur, in Clerum non evehendos esse, is sane præter Canonem motus est, qui talibus manus imponit ; & licet ordinati fuerint, Canon eos non admittit, utpote non Canonice sive præter Canonem ordinatos. Et præterea ut Canon Apost. LXI. à Nicæno IX. sic etiam Canon Apost. LXII. à Nicæno X. explanatur pariter ac constabillitur. Enimvero Canon Apost. LXII. sic habet, Εἰ τις κληρικὸς διὰ φόβον ἀνθρώπων Ἰουδαῖος ἢ Ἑβραῖος ἢ Αἰρετικὸς ἀρνήσεται, εἰ μὴ τὸ ὄνομα τοῦ Χριστοῦ, ἀποβαλέσθω· εἰ δὲ τὸ ὄνομα τοῦ κληρικῶ, καὶ ταπεινώσθω. *Si quis Clericus propter metum hominum Judæi, vel Græci, vel heretici negaverit, si quidem nomen Christi, ejiciatur ; sin nomen Clerici, deponatur.* Decernit itaque Canon ut Clericus qui lapsus est deponatur ; sed de iis qui post lapsum ordinati sunt, nihil expresse statuit. Patres autem

autem Nicæni Canonem istum ita intelligendum esse consentiunt, ut ii etiam, qui prius lapsi sunt & deinde ordinati, deponantur, adeo ut poenam ab Ecclesiastico isto Canone constitutam non effugiant, etiamsi lapsus ordinationem præcellerit. Sic enim edicunt. Ὅσοι προχειρίσθησαν τῶν παραπεπλωκότων καὶ ἄγνοιαν, ἢ καὶ προειδόντων τῶν προχειρισμένων, τὶς τοῦ ἐπὶ προκοπῇ τῷ κανόνι τῷ ἐκκλησιαστικῷ, γνωσθέντες ἵδ' καθαιρῆνται. *Quicumque ex iis qui lapsi sunt, vel per ignorantiam, vel scientibus iis qui promoverunt, ordinati sunt, hoc Ecclesiastico Canoni non præjudicat, ii enim cogniti deponentur.* Syn. Nic. Can. X. Ac si dixissent, cum Ecclesiasticus Canon jubeat eos qui lapsi sunt deponi, de iis intelligendus est, qui ante ordinationem, æque ac de iis qui post lapsi sunt: adeo ut etiamsi lapsus eorum ordinationem antecesserit, hoc nihilominus Ecclesiastico isti Canoni non præjudicat: Nam cum cognitum fuerit eos unquam lapsos fuisse, ex Canonis istius præscripto deponentur: Hoc qui sine præjudicio expendit, dubitare nequit quin supradictus Canon Apostolicus à Patribus Nicænis hoc in loco explicetur. Unde conficitur duos Canones Ecclesiasticos eodem ordine hic confirmari, quo in nostrâ Canonum Apostolicorum sylloge occurrunt. Nimirum Canon Apost. LXI. de Clericis aliorum peccatorum reis Canone Nicæno IX. & Canon Apost. LXII. de Clericis qui lapsi sunt, Canone Nicæno X. Quod quidem vix fieri potuit, nisi Patres Nicæni dictos Canones eodem quo hodie ordine collectos habuissent. Idem observare licet in Canonibus Apost. XIV. & XV. qui nonnullis in locis violati à Nicænis XV. & XVI. instaurantur. Cautum est enim Canone Apost. XIV. ne Episcopus suâ relictâ parochiâ ad aliam transfiliat: & Canone XV. ut si quis Presbyter, aut Diaconus, vel alius quispiam Clericus relictâ suâ ad aliam discesserit parochiam, ibique præter sui Episcopi sententiam manserit, is amplius non celebret, sive Ecclesiastico suo officio amplius non fungatur. Hinc Patres Nicæni primo ajunt, Διὰ τὴν πολλὴν ταραχὴν καὶ τὰς αἰτίας τὰς γινομένας, ἐδόξε παντάπασι παραινεῖσθαι τὴν συνήθειαν τὴν παλαιὰν τὸν κανόνα εὐρεθεῖσαν ἐν ποσὶ μέρεσιν, ὥστε ἀπὸ πόλεως εἰς πόλιν μὴ μεταβαίνειν μήτε ἐπίσκοπον, μήτε πρεσβύτερον, μήτε διάκονον. *Propter multam tumultum & seditiones quæ fiunt, omnino visum est ut consuetudo, quæ præter Canonem nonnullis in locis invenitur, tollatur, ut à civitate ad civitatem nec Episcopus, nec Presbyter, nec Diaconus transeat.* Syn. Nic. Can. XV. Et Canone sequenti sive XVI. iterum de Presbyteris & Diaconis edicunt. Ὅσοι ῥιψοκινδύως, μήτε τὸν φόβον θεοῦ παρὰ ὀφθαλμῶν ἔχοντες, μήτε τὴν ἐκκλησιαστικὸν κανόνα εἰδότες, ἀναχωρήσας τῆς ἐκκλησίας πρεσβύτεροι ἢ διάκονοι, ἢ ὅλως ἐν τῷ κανόνι ἐξεταζόμενοι, ἔποι εὐδαμῶς δεκτοὶ ὀφείλουσιν εἶναι ἐν ἐτέρᾳ ἐκκλησίᾳ ἀλλὰ πᾶσαν αὐτοῖς ἀνάγκην ἐπιτρέψαι χερὶ, ἀναστέφειν εἰς τὰς ἐαυτῶν παροικίας, ἢ ἐπιμύνοντες ἀκοινωνήτας εἶναι παροική. *Quicumque temere & inconsiderate nec Dei timorem præ oculis habentes, nec Ecclesiasticum Canonem scientes, vel Presbyteri vel Diaconi, vel quicumque omnino in Canone recensentur, ab Ecclesia secesserint, ii in Ecclesiâ alienâ nullo modo recipi debent, sed omnino cogendi sunt in suas ipsorum Ecclesias redire, vel si perseverent, eos à communione separatos esse oportet.* Ubi ἀκοινωνήτας εἶναι idem est quod in Canone Apost. XV. dicitur μηκέτι λειτουργ

34 ARGUMENTA PRO CANONIBUS APOST.

γ'εiv, à communionē scilicet Ecclesiasticā sive ab Ecclesiasticis quibuscunque functionibus arceri, ut in Annotationibus ad præsentem Canonem Nic. XVI. observatum est. Cùm eadem itaque, ut cuius patet, in duobus hisce Nicænis canonibus renoventur, quæ in totidem Apostolicis supra memoratis præscripta sunt, cumque Synodus Nicæna utrobique Canonis ante constituti mentionem fecerit, dictos exinde Canones Apostolicos Patribus Nicænis vivos & memoratos fuisse jure merito concludamus.

II. Post primam illam universalem Synodum Nicææ habitam, proximum in hac controversiâ locum Synodus Antiochena sibi vendicat. ista nimirum quæ An. Dom. CCCXLI. sive decimo sexto post Nicænam celebrata, Canones XXV. in Codicem Canonum Ecclesiæ universæ receptos edidit. Hi enim Canones Antiocheni eadem plerunque atque Apostolici, necnon iisdem fere verbis præcipiunt: eodem etiam ordine plurimum observato. Quod prius enim in Apostolicis, idem & in Antiochenis prius decernitur. Enimvero septimo Canone Apostolico cavetur, ne quis sanctæ Paschæ diem ante verum æquinoctium cum Judæis celebret. Ab hoc Canone à Synodo Nicænâ confirmato, Patres Antiocheni suam Canonum editionem incipiunt; Et quæ deinceps fanciunt, cum iis propemodum conveniunt, quæ in Canonum Apostolicorum Collectione consequuntur. Si quis enim Canones Antiochenos & Apostolicos inter se componit, eos sibi invicem hunc in modum respondere inveniet.

<i>Canones</i>	
<i>Antiocheni</i>	<i>Apostolici.</i>
I.	VII.
II.	VIII. IX. X. XI. XII. XIII.
III.	XV. XVI.
IV.	XXVIII.
V.	XXXI.
VI.	XXXII.
VII. VIII.	XXXIII.
IX.	XXXIV.
XIII. XII.	XXXV.
XVII. XVIII.	XXXVI.
XX.	XXXVII.
XXI.	XIV.
XXIII.	LXXVI.
XXIV.	XL.
XXV.	XLI.

Ex hac Antiochenorum Canonum cum Apostolicis collatione patet, duodeviginti è XXV. Canonibus Antiochenis eadem & tractare & præcipere, quæ in Apostolicis constituta sunt: Atque etiam eundem fere ordinem utrobique observatum esse. Dempstisenim tribus Canonibus Antiochenis, nimirum XXI. qui Apostolico XIV. consonat, & XXII. qui eadem statuit atque XIII. quo cum propterea ad Can. Apost. XXXV. refertur, & denique XXIII. qui Apostolico LXXVI. respondet, reliqui omnes eodem prorsus ordine,

ordine, quo pares eorum geminique in Apostolicorum Canonum collectione, constituuntur. Quæ prius enim aut posterius in Antiochenis, ad eundem modum & in Apostolicis decernuntur. Verùm Canones Antiocheni V. VI. VII. VIII. IX. Eadem continuatâ serie in Apostolicis XXXI. XXXII. XXXIII. XXXIV. digeruntur: & proximi tres Canones Apostolici, XXXV. XXXVI. XXXVII. inter Antiochenos sequentes identidem exhibentur. Duo etiam ultimi Antiocheni XXIV. & XXV. Apostolicis XL. & XLI. ad amissim quadrant.

III. Qui hanc inter Apostolicos & Antiochenos Canones consonantiam perpendit, dubitare nequit, quin vel Apostolici ex Antiochenis, vel Antiocheni è contra ex Apostolicis traducti fuerint. Verum enim vero Antiochenos ex Apostolicis, & non è contra, formatos fuisse multa sunt quæ suadent. Primo enim Canones Apostolici stylo simpliciori & priorum seculorum genium magis redolente conscripti sunt quam Antiocheni; ac proinde hi illos satius explicant, suisque, quarti nimirum seculi, moribus ac institutis accommodant. Vix quempiam enim è Canonibus Apostolicis ab Antiochenis recitatum invenias, qui non planior simul atque aliquo modo emendatior ab iis editur. E plurimis quæ adduci possunt exemplis, nos unicum seligemus. Canon Apost. IX. sic habet, Πάντας τὸς εἰσόντας πῆδες, ἢ τῶν χειρῶν ἀκρόντας, μὴ παρεμένοντας δὲ τῇ προσευχῇ, ἢ τῇ ἀγίᾳ μετέληψι, ὡς ἀξίας ἐμποιούντας τῇ ἐκκλησίᾳ, ἀφορίζεσθαι χρή. *Omnes fideles qui ingrediuntur, & scripturas audiunt, in precatatione autem & sacrâ communionem non permanent, ut Ecclesiæ confusionem afferentes, segregari oportet.* Hunc Canonem Patres Antiocheni tantum non verbatim recitant, explicantque hunc in modum, Πάντας τὸς εἰσόντας εἰς τὴν ἐκκλησίαν, ἢ τῶν ἱερῶν χειρῶν ἀκρόντας, μὴ κοινωνούντας δὲ εὐχῇ αἶμα τῷ λαῷ, ἢ ὑποσφερομένους τὴν ἀγίαν μετέληψιν τῆς εὐχαριστίας κατὰ πῖνα ἀξίαν, τέτῳς ὑποβλήτης γίνεσθαι τῇ ἐκκλησίᾳ, ἕως ἂν ἐξομολογησάμενοι ἢ δείξαντες καρπὸς μετάνοίας, ἢ παρακαλέσαντες τυχὲν διωθηῶσι συγχώρησι. *Omnes qui ingrediuntur Ecclesiam, & sacras scripturas audiunt, orationi autem cum populo non communicant, vel sanctam Eucharistia participationem propter aliquam insolentiam avergantur, eos ab Ecclesiâ expelli, donec postquam confessi fuerint, fructusque pœnitentiæ ostenderint, & imploraverint, veniam assequi possint.* Syn. Antioch. Can. II. Nemo non videt Canonem Apostolicum, alioquin obscurum, ita hic interpretatum esse, ut nihil in posterum controversiæ de sensu ejus oriatur. Cum in Apostolico enim Canone simpliciter dicatur, Πάντας τὸς εἰσόντας, in Antiocheno ἐξηγητικῶς additur, εἰς τὴν ἐκκλησίαν, & ante χειρῶν præmittitur ἱερῶν, ut ab aliis scriptis distinguantur. Et verba ista in Can. Apost. μὴ παρεμένοντας δὲ τῇ προσευχῇ, Patres Antiocheni explicant per μὴ κοινωνούντας δὲ τῇ εὐχῇ αἶμα τῷ λαῷ, quod sensum Canonis planiorem reddit. Et quod in Canone Apostolico sequitur ἢ τῇ ἀγίᾳ μετέληψι, cum obscurum sit & difficile intellectu, quid hic per sacram communionem intelligendum sit, & quid sit in eâ non permanere, Patres Antiocheni ita interpretantur, ut per sacram communionem in genere, communio sive participatio sanctæ Eucharistiæ intelligatur, & isti in eâ non permanere judicen-

36 ARGUMENTA PRO CANONIBUS APOST.

tur, qui eam propter aliquam insolentiam averfantur. Quod denique ad pœnam Canonis hujus violatoribus impositam spectat, Canon Apost. eos segregandos esse decernit, sed quandiu huic pœnæ subjiciendi sunt, præcisè non definit: Quapropter Canon Antiochenus eos Ecclesiâ ejectos fore statuit, u'quedum peccatum confessi fuerint, & fructus pœnitentiæ ostenderint, & veniam implorantes, eam ab Ecclesiâ assequi potuerint. Unde constat hanc primam Canonis huius Antiocheni partem, nihil aliud esse quam paraphrasticam quandam Apostolici illius Canonis explicationem. Quod fieri non potuit, nisi Patres Antiocheni Apostolicum istum Canonem probe nossent. Idem videre est & in aliis plerisque Canonibus Antiochenis, utpote quibus Apostolici non recitantur modo, sed & dilucide explicantur, ut cuivis eos ulterius comparanti solis luce clarius apparebit.

IV. Adhæc Canones Antiochenos ex Apostolicis productos fuisse à Canone nono cum Apostolico XXXIV. collato facillimè conficiatur. Canon enim Apostolicus hæc habet, τὰς ἐπισκόπους ἐκάςθ' ἑθνὸς εἶδέναι καὶ τὸ ἐν αὐτοῖς πρῶτον, καὶ ἡγεῖσθαι αὐτὸν ὡς κεφαλὴν, καὶ μηδὲν τι πράττειν χωρὶς αὐτοῦ ἢ ἐκείνης γνώμης, ἐκεῖνα δὲ μόνον πράττειν ἑκάστων, ὅσα τῇ αὐτῇ παροικίᾳ ὑποβάλλει, καὶ ταῖς ὑπὸ αὐτῷ χώραις· ἄλλὰ μηδὲ ἐκείνῳ ἄνευ τῶ πάντων γνώμης ποιεῖται τι. *Episcopus uniuscujusque gentis nosse oportet eum qui in eis primus est, & existimare eum ut caput, & nihil facere quod magni sit momenti præter illius sententiam, sed ea sola facere unumquemque, quæ ad suam parochiam pertinent, & ad pagos qui ei subsunt. Sed nec ille absque omnium sententiâ aliquid agat.* Can. Apost. XXXIV. Hunc Canonem Patres Antiocheni renovant, explicantque his verbis. Τὰς καθ' ἑκάστην ἐπαρχίαν ἐπισκόπους εἶδέναι καὶ τὸν ἐν τῇ μητροπόλει πρεσβυτέρῳ ἐπίσκοπον, καὶ τὴν φροντίδα ἀναδέχεσθαι πάσης τῆς ἐπαρχίας, διὸ τὸ ἐν τῇ μητροπόλει πανταχόθεν συντρέχειν πάντας τὰς τὰ πρεσβυτέρῳ ἔχοντας, ὅθεν ἔδοξεν καὶ τῇ πρῇ πρεσβυτέρῳ αὐτὸν, μηδὲν τι πράττειν χωρὶς αὐτοῦ τὰς λοιπὰς ἐπισκόπους ἄνευ αὐτοῦ, καὶ τὸ ἀρχαιότερον κρατήσαντα ἐκ τῶν πατέρων ἡμῶν κανόνα· ἢ ταῦτα μόνον ὅσα τῇ ἐκάστῃ ὑποβάλλει παροικίᾳ, καὶ ταῖς ὑπὸ αὐτῷ χώραις· ἑκάστων δὲ ἐπίσκοπον ἐξουσίαν ἔχειν τῆς ἐαυτοῦ παροικίας, διοικεῖν τε καὶ τὴν ἐκάστῃ ὑποβάλλουσαν εὐλόγεσθαι, καὶ πείνοισιν ποιεῖσθαι πάσης τῆς χώρης τῆς ὑπὸ αὐτῷ ἐαυτοῦ πόλιν, ὡς καὶ χειροτονεῖν πρεσβυτέρους καὶ διακόνους, καὶ μετὰ κλήσεως ἑκάστα διαλαμβάνειν περαιτέρω δὲ μηδὲν πράττειν ὑποχειρεῖν δίχα τῆς μητροπόλεως ἐπισκόπου· μηδὲ αὐτὸν ἄνευ τῶ λοιπῶν γνώμης. *Episcopus qui sunt in unaquaque Provincia scire oportet Episcopum qui Metropoli preest, & curam suscipere totius Provincie: eo quod in Metropolim undequaque concurrant omnes qui habent negotia: Unde visum est eum quoque honore præcedere: reliquos autem Episcopos nihil magni momenti aggredi sine ipso, juxta antiquiorem, qui à Patribus nostris obtinuit, Canonem, vel ea sola quæ ad uniuscujusque parochiam pertinent, & ad regiones quæ ei subsunt. Unumquemque enim Episcopum habere suæ parochiæ potestatem, & administrare pro conveniente unicuique religione, & totius regionis quæ suæ urbi subest, curam gerere, ut etiam ordinet Presbyteros, & Diaconos, & unaquaque cum judicio tractet: Et nihil ultra facere aggrediatur sine Episcopo Metropolitano: Neque ipse sine reliquorum sententiâ.* Syn. Ant. Can. IX. In hoc Antiocheno Canone multa sunt, quæ istum

ex Apostolico supradicto excusum esse evincunt. Primo enim quod de aliis plerisque Canonibus Antiochiæ sancitis verum est ac apertum, de hoc imprimis verissimum simul & apertissimum videtur: istum nimirum nihil aliud esse quam paraphrasin in Canonem Apostolicum. Deinde quem Canon Apostolicus simpliciter *Episcopum primum* vocat, eundem Antiochenus τὸ ἐν τῇ μητροπόλει προεσῶτα ἐπίσκοπον, *Episcopum qui Metropoli præst* appellat. Neque dubitare licet, quin Canon Apostolicus isto sensu intelligendus sit. Ex quo proinde constat Apostolicum istum Canonem prius constitutum fuisse quam Metropolitanorum nomen in Ecclesiam translatum fuerat: hoc est ante tertium finitum seculum. Tribus enim prioribus æræ Christianæ seculis, Metropolis in Ecclesiæ notitiâ *prima Cathedra*, & Metropolitanus simpliciter *Primi Episcopi* appellabantur. Nomen autem Metropolitanus quarto demum seculo usurpari cœpit: nec in Ecclesiasticis antea scriptoribus usquam invenitur. Quarto autem inchoato seculo *Primi Episcopi* appellatio in defuetudinem abiit, cum Metropolitanus nomine commutata. Qui primus enim Episcopus antea dictus fuerat, in Antiochenis hisce Canonibus ὁ κατὰ τὴν μητρόπολιν, & ὁ κατὰ τὴν μητρόπολιν τῆς ἐπαρχίας ἐπίσκοπος, Can. XI. ὁ τῆς μητροπόλεως ἐπίσκοπος. Can. XIV. ὁ πεπεσευμένος τὴν μητρόπολιν. Can. XX. ὁ ἐν τῇ μητροπόλει. Can. XIX. & in præsentī Canone IX. ὁ ἐν τῇ μητροπόλει προεσῶς. Et alibi ὁ μητροπολίτης vocatur. Can. XIII. & XVI. ut etiam in Canonibus Nicænis IV. & VI. ab isto demum usque ad hoc præfens seculum Episcopi primarum sedium *Metropolitani* perpetuo vocati sunt. Quocirca si Canones Apostolici post Antiochenos editi fuissent, Episcopus ille qui aliis præst, non *Primus Episcopus* sed *Metropolitanus* in iis dictus fuisset. Cum autem è contrario in Canone Apost. quem sub manibus habemus, non *Metropolitanus* sed simpliciter *Primus Episcopus* dicatur, perspicue ex eo liquet hunc Apostolicum Canonem prius sancitum fuisse, quam Episcopi aliis præfidentes Metropolitanorum nomine celebrati fuerunt. Quod magis adhuc perspicuum redditur è ratione istâ quam Patres Antiocheni reddunt, quare Metropolitanus totam Provinciam & universos in eâ Episcopos sibi subiectos habere debet: ὡς τὸ ἐν τῇ μητροπόλει πανταχόθεν σωτρέχειν τὰς τὰ πρὸς γὰρ ἔχοντας, eo quod in *Metropolitim undequaque concurrant omnes qui negotia habent*. Nimirum Canon Apostolicus decreverat, ut omnes Episcopi cuiusque gentis eum qui inter ipsos primus est tanquam caput existiment, eique subsint. Patres Antiocheni per primum cuiusque gentis Episcopum Metropolitanum, sive Episcopum qui Metropoli Provinciæ præst, intelligendum esse consentiunt; ac proinde verba Canonis Apostolici ad Metropolitanum referunt, hac ratione inducti, quod in Metropolitim undequaque concurrant omnes qui civilia habent negotia, utpote ubi conventus iudicis, quibus talia tractantur negotia, à provinciarum præsidibus celebrari soliti fuerunt. Hanc autem instituti sui rationem idcirco tantum reddiderunt Patres Antiocheni, ut cuivis constet, quare ipsi eadem privilegia Metropolitanis cuiusque provinciæ attribuant, quæ antiquitus primo tantum Episcopo concessa fuerant, nimirum quod Metropolitanus sit propriè primus cuiusque gentis Episcopus, eo quod ipse Metropoli præst, quâ

38 ARGUMENTA PRO CANONIBUS APOST.

quâ maximus haberi solet hominum concursus. Denique si hæc omnia quæ huc usque attulimus argumenta nihili habeantur, aliud adhuc restat, quo extra omnem dubitationis aleam ponitur, hunc Canonem Antiochenum post Apostolicum divulgatum esse. Id enim tantum non diserte in ipso Canonis corpore affirmatur, quippe quo decretum est reliquos omnes Episcopos nihil quod magni sit momenti aggredi sine primo vel Metropolitano Episcopo, καὶ τὸ ὑποχρεώτερον κεχρησμένον ἐν τῶν πατέρων ἡμῶν κανόνα, *juxta antiquiorem, qui a Patribus nostris obtinuit, Canonem.* Hic enim antiquior citatur Canon, quo hæc antea constituta fuerant. Dictus autem Canon Apostolicus XXXIV. eadem totidem fere verbis constituit. Hic enim de primo loquens Episcopo edicit, reliquos Episcopos μηδὲν πράττειν πλείον ἀνευ τῆς ἐκείνης γνώμης, ἐκεῖνα δὲ μόνον πράττειν ἑκάστον, ὅσα τῇ αὐτῇ παροικίᾳ ἐπιβάλλει καὶ ταῖς ὑπὸ αὐτῷ χώραις. Quæ verba Canon Antiochenus in hunc modum exscribit, μηδὲν τε πράττειν πλείον τῆς λοιπῆς ἐπισκόπης ἀνευ αὐτῆς, ἢ ταῦτα μόνον ὅσα τῇ ἐκείνῃ ἐπιβάλλει παροικίᾳ καὶ ταῖς ὑπὸ αὐτῇ χώραις. Quæ cum in Apostolico Canone ad verbum fere habeantur, & nullus alius Synodo Antiochenâ antiquior Canon extet, quo eadem continentur, nemini dubium esse potest, quin antiquior iste Canon à Synodo memoratus, ipsissimus sit Apostolicus XXXIV.

V. Quo porro opinio hæc quæ Canones Apostolicos Patribus Antiochenis visos fuisse statuit, firmior adhuc stabiliatur, aliud nobis suppeditat argumentum Canon Antiochenus XX. Apostolico XXXVII. respondens, quo statutum est, ut bis quotannis Concilia Episcoporum celebrentur, ἀπαξ μὲν τῇ τετάρτῃ ἐβδομάδι τῆς πεντηκστής, δεύτερον δὲ ὑπερβερεταῖς δωδεκάτῃ, *Semel quidem quartâ septimanâ Pentecostes, secundo vero duodecimo die Hyperberetæi.* Hunc Apostolicum Canonem renovantes Patres Antiocheni statuunt, ut *primum quidem Concilium fiat μετὰ τῷ τρίτῳ ἐβδομάδα τῆς ἑορτῆς τῆς πάσχα, ὡς τῇ τετάρτῃ ἐβδομάδι τῆς πεντηκστής ἐπιτελεῖται τὸ σωόν, ὑπομνησκόντες τὴν ἐπαρχίαν τὴν ἐν τῇ μητροπόλει. τὸ δὲ δεύτερον σωόν γίνεσθαι ἰδοὺς ὁκτωβρίαις, ἥτις ἐστὶ δεκάτῃ ὑπερβερεταῖς. Post tertiam hebdomadem festi Pasche, in quartâ hebdomade Pentecostes perficiatur Synodus, ἀντιπολιτάνοις ὑποχρεωμένοις.* *Secundum vero Synodum idibus Octobris fieri, qui est decimus Hyperberetæi.* Syn. Ant. Can. XX. ubi primo quod in Canone Apostolico desideratur, Patres Antiocheni supplent, provinciales videlicet Episcopos ad anniversarias hæc Synodos per Metropolitanum cujusque provincie convocandos esse. Deinde primum Synodo convocandæ tempus in Can. Apost. præstitutum, adhuc observandum esse decernunt, hæc tantum cautione, vel explicatione potius adhiberâ, ut Synodus proximè post tertiam Paschalis festivitatis hebdomadem incipiat, & quartâ Pentecostes hebdomade perficiatur. In secundi autem Concilii definiendo tempore, aliquantulum sane sed perparum à Canone Apostolico discrepantiæ admittunt. Illud enim non duodecimo Hyperberetæi, sed *idibus Octobris qui est decimus Hyperberetæi* peragendum esse statuunt. Hic autem, quod obiter observare liceat, mendum in Canonis Antiocheni textum irrepsisse videtur. Licet enim hæc sit

fit vulgaris hujus loci lectio, ipseque vetus interpret Dionysio Exiguo antiquior, ita legerit, quippe qui suo more, hoc est barbarè & corruptè hunc in modum latinè vertit, *Secundum autem Synodum Idus Octobr. qua est decima Tpirethai.* Cùm neminem tamen lateat, mensem Hyperberetæum in anno Macedonico & Antiocheno cum Octobri Juliano coincidere, non decimus, sed decimus quintus Hyperberetæi Idibus Octobris respondet. Unde ista verior hujus loci lectio videtur, quam Christophorus Justellus in suâ Codicis Canonum Ecclesiæ universæ editione exhibet, ubi sic legitur, τῷ δὲ δευτέρῳ συνόδου γίνεσθαι ἰδίαις Ὀκτωβρίαις, ἢ τις ἐς πεντηκαιδέκῃ Ὑπερβερεταίς. Sic etiam Dionysius Exiguus legit, vertit enim *Secunda vero Synodus fiat Idus Octobris id est quinto decimo die mensis Octobris, quem Hyperberetæon Græci cognominant.* Necnon Isidorus Mercator, qui sic latine reddit, *Secundò autem Concilium fieri Idibus Octobris, qui dies apud Græcos Hyperberetæi mensis XV. invenitur.* Quod quidem verissimum est. Cum Hyperberetæus enim unâ cum Octobri in anno Juliano ineat, decimus quintus Hyperberetæi cum Idibus Octobris, sive die XV. istius mensis coincidat necesse est. Unde constat Patres Antiochenos eadem fere tempora indicendis anniversariis Episcoporum Synodis constituisse, quæ in Canone Apostolico prius constituta fuerant. Ut prima nimirum Synodus quartâ Pentecostes hebdomade, altera decimo quinto mensis Hyperberetæi sive Idibus Octobris habeatur: idque non obstante quinto Concilii Nicæni Canone, quo primam ex illis Synodis ante quadragesimam, alteram circiter Autumni tempus celebrandam esse sancitum fuerat. De secundâ peragendâ Synodo nulla movetur quæstio, cùm Hyperberetæus in Autumnum incidat. Quænam autem reddi potest ratio, quare Patres Antiocheni in alterâ celebrandâ Synodo decreto Concilii Oecumenici se opponerent? Quare illi primam Synodum quartâ Pentecostes hebdomade convocandam esse juberent, cùm Patres Nicæni eandem ante quadragesimam peragendam esse jusserint? Nemo sane eos sine summa ratione, quæcunque demum fuerit, hoc perpetrassè opinetur. Quæ tamen nobis alia non videtur, neque major, ut opinor, reddi potest, quam quod in antiquis ipsorum Canonibus, decretum noverint, ut prima quotannis Synodus quartâ Pentecostes hebdomade perageretur: Ac propterea licet alii qui statas has Synodos celebrare nondum soliti, nec Apostolicos hosce Canones amplexi fuerant, decreto isto Nicæno tenerentur, ipsi tamen Antiocheni Patres sibi liberum esse autumarunt antiquis suis in hac temporis circumstantiâ Canonibus adhuc insistere, præsertim cum ipsi etiam Nicæni Patres statuissent, ut in Antiochenâ pariter atque in aliis Provinciis, τὰ δευτέρῃ ἐν κατὰ τὸν Can. VI. Alioqui si primam in singulis annis Synodum juxta Canonem Apost. celebrandi consuetudo in Ecclesiâ Antiochenâ antiquitus non obtinuisset, Antiocheni sine dubio Patres in hoc suo condendo Canone Nicænum potius quam Apostolicum secuti fuissent: & primum Anniversarium Concilium non quartâ Pentecostes hebdomade, juxta Apostolicum, sed ante quadragesimam juxta Nicænum Canonem habendam esse definiissent. Cum è contrario autem posthabito Synodi Nicænæ decreto, Apostolicum

potius

40 ARGUMENTA PRO CANONIBUS APOST.

potius Canonem hâc in re observandum esse consenserint, Canones Apostolicos non vifos modo, sed permagnæ apud eos autoritatis fuisse liquet.

VI. Secundum hæc inter duos ultimos Antiochenos, & Apostolicos Canones XL. & XLI. optimè convenit : utrobique enim de rebus five bonis Ecclesiæ & iisdem plerunque verbis agitur. Quæcunque autem ad Ecclesiam pertinent in Apostolicis Canonibus, τὰ τῆς ἐκκλησίας περιγίματα, & nonnunquam χρήματα vocantur. Nullam vero reddituum vel agrorum ad Ecclesiam pertinentium mentionem faciunt. At Canon Antiochenus XXV. τὰς πόδας τῆς ἐκκλησίας, ἢ τὰς τῶν ἀρχῶν καρπὸς, Ecclesiæ redditus & agrorum fructus commemorat. Hinc conficitur Canones Apostolicos istis diebus conditos fuisse, quibus Ecclesia nullis adhuc latifundiis locupletata, Episcopos, Clerum, pauperesque suos è solis fidelium oblationibus primitiisque alebat. Quando, ut ait Tertullianus, *modicam unusquisque stipem menstruâ die, vel cum velit, apponebat.* Tertull. Apol. c. XXXIX. Quæ autem tunc dierum erat Christianorum charitas, hujusmodi eorum ad Ecclesiæ usus oblationes decimas lege debitas excedebant. Ut ex Irenæo constat dicente, *Et propter hoc illi quidem, viz. Judæi, decimas suorum habebant consecratas ; qui autem perceperunt libertatem, viz. Christiani, omnia que sunt suorum ad Dominicos decernunt usus, hilariter & liberè dantes ea, non quæ sunt minora, ut majorem spem habentes.* Iren. lib. iv. cap. xxxiv. Quæ itaque ex liberalibus hisce fidelium oblationibus collecta sunt, ea omnia Canon Apost. XLI. Episcopo cujusque parœciæ concredenda statuit, ut in ejus sit potestate indigentibus, prout ipsi visum fuerit, per Presbyteros & Diaconos ea dispensare. Postquam autem Constantinus M. aliquam suorum bonorum partem Clero relinquendi Christianis potestatem fecerat, Ecclesiæ protinus per magnificam Christianorum liberalitatem, agris quamplurimis, & latifundiis, eorumque redditibus locupletatæ sunt. Hinc Synodus Episcoporum Antiochiæ postea congregata, Canone suo XXV. Apostolicum istum XLI. renovans, non modo Ecclesiæ bona ex oblationibus congesta, verumetiam redditus, agrorumque, quibus modo ditata est, fructus, Episcoporum potestati subijcit, sub eâ tamen conditione, ut in proprios non convertant usus, sed ex Presbyterorum & Diaconorum sententiâ ea omnia administrent. Quod illustre quidem est argumentum, hunc Antiochenum post Apostolicum Canonem publicatum fuisse : Alias enim agrorum Ecclesiæ datorum mentio in hoc æque ac in isto procul omni dubio inducenda fuisset. Et hæc quidem unica nobis videtur ratio, quare Patres Antiocheni Apostolicum istum Canonem repararint, & de novo ediderint, quod nimirum bona tantum Ecclesiæ, non item redditus agrorumque fructus in eo commemorentur : De quibus tamen, non minus quam de reliquis Ecclesiæ bonis, necesse erat ut Canon ederetur.

VII. Ex iis quæ hæcenus commentati sumus, satis superque, ut nobis saltem videtur, patet Canones Antiochenos non modo Apostolicis posteriores, verumetiam ex iis cufos formatosque fuisse. Sed nihilo secius, ut extra omnem, quoad fieri potest, controversiam in posterum ponatur, ultimo obser-

observetur velim Canones Apostolicos nullius præcedentis Canonis nec legis cujuslibet Ecclesiasticæ ante constitutæ mentionem uspiam inferre, sed omnia nude & sincere proponere, ut tunc temporis primò Ecclesiasticâ autoritate definita. At Canones Antiocheni, qui in ordine, sensu, & in ipsis plerunque verbis cum Apostolicis summè conveniunt, alios Ecclesiasticos Canones ut ante editos, & istis diebus observatos passim commemorant; iis præsertim in locis quibus eadem decernunt, quæ in Canonibus Apostolicis decreta sunt. Verbi gratiâ, Secundus Synodi Antiochenæ Canon Clericum cum excommunicatis communicantem, communione privat, *ὡς συγχέοντα τὸν κανόνα τῆ ἐκκλησίας, ut Canonem Ecclesiæ confundentem.* Talis autem confundit violatque Can. Apost. X. istud dilerte prohibentem. Tertius Antiochenus Canon Episcopum, qui Clericum ab alio Episcopo depositum suscipit, à communi Synodo puniendum esse definit, *ὡς παρελθόντα τὰς θεσμὸς τὰς ἐκκλησιαστικὰς, ut Ecclesiastica constituta dissolvantem.* Dissolvit autem Canonem Apost. XVI. quo talis segregatur, non *ὡς παρελθόντων τὰς θεσμὸς τὰς ἐκκλησιαστικὰς*, quippe qui nulli antea erant, sed *ὡς διδάσκαλοι ἀταξίας.* Canone Antiocheno XXIII. cautum est, ne Episcopus successorem sibi constituat, *φυλάττει δὲ τὴν θεσμὸν τῆ ἐκκλησιαστικῆς, sed servari statutum Ecclesiasticum*, quo id nimirum prohibetur. Prohibetur autem illud à Canone Apost. LXXVI. Quin nono etiam Canone, ut ante observatum est, Patres Antiocheni decernunt, reliquos cujusque Provinciæ Episcopos nihil magni momenti sine Metropolitano suo agere, *καὶ τὸ ἀρχαιότερον κρατήσαντα ἐν πατέρων ἡμῶν κανόνα, juxta antiquiorem, qui à Patribus nostris obtinuit, Canonem*, quo non tantum antiquior, sed & ipse Canon Apostolorum XXXIV. apertissimè indigitatur. Ad eundem denique modum Canone Antiocheno XXI. statutum est, ut Episcopus in eâ maneat, in quam ab initio vocatus est, Ecclesiâ, & ab eâ non recedat, *καὶ τὸ ἤδη πρότερον περὶ τὰς ἐξενεχθέντας ὁρον, juxta decretum antea de eâ re editum*, hoc est juxta Canonem Apostolicum XIV. quo idem prorsus decernitur. Neque enim modo dubitare fas est, quin Canones Apostolici ante Antiochenos, hique ex iis constituti fuerint, cum antiquiores isti Canones ab Antiochenis toties commemorati, cum Apostolicis politè adeo in omnibus conveniant, præsertim cum, ut antea probavimus, vel Apostolicos ex Antiochenis, vel Antiochenos ex Apostolicis transcriptos fuisse certissimum sit. Omnimodo autem verisimilius est, Canones istos, qui de Canonibus ante editis passim meminerunt, ex aliis formatos fuisse, quam eos qui nullam omnino aliorum Canonum mentionem faciunt. Apostolici vero, ut cuivis perlegenti patebit, nullos alios ante se constitutos agnoscunt: Patres autem Antiocheni se suos ex aliis ante sancitis Canonibus divulgare sæpe innuunt, quosque ipsi indigitant Canones inter Apostolicos etiamnum inveniuntur. Ac propterea Canones Apostolicos Antiochenis antiquiores, adeoque ante An. Dom. CCCXLI. editos fuisse, nemo inficias ire potest, quin simul se nimio partium studio occæcatum prodatur.

VIII. Ne mirum autem cuiuspiam videatur, qua ratione inducti Patres Antiocheni veteres hosce renovarint Canones, novosque iis subinde inferuerint,

42 ARGUMENTA PRO CANONIBUS APOST.

paucula hic in transcurfu de Synodo Antiochenâ observare vifum est, è quibus totius hujusce Canonum Antiochenorum sylloges occasio patefiat. Primo inter omnes convenit, Episcopos in hâc Synodo congregatos Arianâ hæresi infectos fuisse, licet palam & aperte eam haud profefsi fuerint. Cum enim Constantius Augustus celeberrimam illam Ecclesiam *Dominicam auream* dictam, à patre suo Constantino M. ædificari cœptam Antiochiæ abfolvisset, Eusebiani, qui se quidem Catholicos profitebantur, sed occulte Arianis favebant, numero plus minus nonaginta Antiochiam se conferebant, prætextu quidem dedicandæ ejusdem Ecclesiæ, reverâ autem ut fidem à Concilio Nicæno stabilitam everterent. Hoc Ecclesiastici historici diserte affirmant, *Socrat. Hist. Eccles. lib. xi. cap. viii. Sozom. lib. iii. cap. v.* Non me fugit communem inter doctos opinionem prævaluisse, sex & triginta solos è Patribus Antiochenis Arianæ hæresi emancipatos fuisse. Hæc autem opinio è perperam intellectis Julii Papæ verbis in Epistolâ ad Orientales Episcopos, originem traxit, ubi nimirum ait, *σκοπεῖτε ὅτι τίνες εἰσὶν οἱ πατὴρ κανόνας προέχοντες; ἡμεῖς οἱ μετὰ πσάτων ἀποδείξεων τὸ ἀνδεῖ δεξάμενοι, ἢ οἱ ἀπὸ τετράκοντα καὶ ἑξ ἑκ μόνων ἐν Ἀντιόχειᾳ ὀνομάσαντες πῶς ὡς ἐπίσκοπον ἔξενον, καὶ ἀποσεύλαντες εἰς Ἀλεξάνδρειαν μετὰ στρατιωτικῆς ἐξουσίας;* Ex his verbis Baronius alique post eum collegerunt, triginta sex solos Episcopos in synodo Antiochenâ Gregorium in sedem Alexandrinam ad Athanasium jure pertinentem ordinâsse, atque ideo totidem in istâ synodo solos Arianos fuisse, nimirum ac si legeretur οἱ ἀπὸ τετράκοντα καὶ ἑξ ἑκ μόνων, viz. ἐπισκόπων. Præterquam autem quod sensus isthuc modo summè esset perturbatus, non μόνων ibi legitur, sed μονῶν, ut verba latine sic sonent, *Videte igitur quinam sunt qui contra Canones agunt? nosne qui tantis rerum documentis virum recepimus, an qui à triginta sex mansionibus Antiochiæ quendam velut Episcopum, externum hominem salutarunt, istumque militari manu stipatum Alexandriam miserunt?* Nimirum Julius Gregorii ordinationem reprehendit, eumque contra Canones Ecclesiasticos creatum esse Alexandriæ Episcopum affirmat, quippe qui non in ipsâ urbe Alexandrinâ ordinatus esset, sed in urbe Antiochiâ ἀπὸ τετράκοντα καὶ ἑξ ἑκ μόνων, hoc est quæ triginta sex mansionibus, sive triginta sex dierum itinere ab urbe Alexandriâ distat. Istâ igitur meritò explosâ opinione, fides Ecclesiasticis potius historicis habenda est, omnes, vel saltem multo maximam eorum partem qui hanc Synodum celebrabant, Eusebianos fuisse asserentibus. Sic enim Sozomenus de Eusebianis loquens, οἱ δὲ τότε καὶ ἑπεί τοις αὐτὰ φρονούντων αὐτοῖς εἰς ἐνεθήκοντα καὶ ἐπὶ τὰ τελευτῶντες ἐπισκόπους παλαχοῦντες εἰς Ἀντιόχειαν σωήλθον, *Isti igitur cum aliis ejusdem opinionis fautoribus, simul omnes septem & nonaginta Episcopi variis è locis Antiochiam tunc temporis conveniebant.* Soz. lib. iii. cap. v. Hinc cum unus ex hujus Concilii Canonibus adversus D. Chrysostomum objectus esset, ille constanter respondebat istum esse ἐπεροδόξων νόμον, *ibid. lib. viii. cap. xx.* Quo etiam nomine Innocentius Papa Canones ab hac Synodo promulgatos repudiavit, *ibid. cap. xxvi.* Secundum hæc observetur etiam S. Athanasium, quem à Concilio Tyrio condemnatum, & sede Alexandrinâ depositum

tum Constantinus M. in urbem Galliæ Treveros dictam relegaverat, paulo ante convocatum hoc Concilium, solius Imperatoris Constantini junioris literis, citra majoris Concilii sententiam ac decretum, ab exilio revocatum fuisse, & pristinæ suæ sedi Alexandrinæ restitutum. Hoc Eusebiani, alique omnes Arianicæ factionis sectatores ægerrimè ferebant, & nullum non movebant lapidem, quo Athanasius acerrimus pestiferæ istius hæreseos oppugnatōr, sede suâ iterum expelleretur. *Soz. lib. III. cap. II.* Quin istis etiam diebus Paulus, Catholicus Nicænæ fidei assertor, Episcopus Ecclesiæ Constantinopolitanæ in Alexandri denati locum creatus est, rejecto Macedonio, quem Ariani ad istam promovere sedem obnixè contendebant. *Ibid. cap. III. IV.*

IX. Hisce præcognitis, vera Canonum Antiochenorum historia facillimè eruatur. Cum Episcopi enim in isto Concilio congregati, Arianicam hæresim intus complexi sint, & tamen Catholicam præ se doctrinam ferre studuerint, necessarium iis visum est decreta quædam Ecclesiastica tanto artificio edere, ut Athanasium quidem aliosque Catholicos ferirent, & ipsi nihilominus, eorum fabricatores, Nicænæ synodo adhærere viderentur, Quamobrem Canones suos à Concilii Nicæni decreto de Paschali festivitate auspicantur. Cum idem autem & in septimo Apostolorum Canone de istâ celebritate decretum fuisset, ab eo demum Patres Antiocheni incipientes, octo sequentibus à se editis Canonibus totidem circiter ex Apostolicis ordine redintegrarunt, ac si nihil de novo in Ecclesiam introducere, sed veteres tantum & ab Ecclesiâ receptos Canones renovare & explicare sibi propositum fuisset. Post decimum autem Canonem de Chorepiscopis, quem tanquam appendicem nono de Metropolitanis & Episcopis agenti subjunxerunt, duos protinus contra Athanasium subdolè fabricati sunt, eosque antiquis à se renovatis Canonibus ita interseruerunt, ut ipsi etiam inter antiquos haberentur. Hi sunt Canones undecimus & duodecimus: quorum prior Episcopus sine Metropolitanis & comprovincialium Episcoporum literis ad Imperatorem adire vetans, viam posteriori condendo stravit, quo decretum est, ut Presbyter vel Diaconus à proprio Episcopo, aut Episcopus à Synodo depositus, non ad Imperatorem sed ad majus Episcoporum Concilium se convertat, ejusdemque judicio subjiciatur. Quod si quis ad Imperatorem confugerit, is nullâ veniâ dignus habeatur. Verba Canonis sic habent. *Εἴ τις ὑπὸ τῆ ἱδὴς ὑπισκόπου καθαιρεθείς πρεσβύτερος ἢ διάκονος, ἢ καὶ ἐπίσκοπος ὑπὸ συνόδου, ὁχλήσῃ πολήσῃ τε τὰς βασιλικὰς ἀκοάς, δέον ὑπὲρ μείζονα ὑπισκόπων συνόδον τρέπεσθαι, καὶ ὡς νομίζει δίκαια ἔχειν προσαναφέρειν πλείοσιν ὑπισκόποις, καὶ τῶν παρ' αὐτῶν ἐξέτασιν περὶ ἐπίκρισιν ἐκδέχεσθαι· εἰ δὲ τῶν ὀλιγωρήσας ἐνοχλήσειεν τῷ βασιλεῖ, καὶ τῶν μὴδὲ μιᾶς συνγνώμης ἀξιοῦσθαι, μὴδὲ χάσασθαι ἀπολογία ἔχειν, μὴδὲ ἐλπίδα μελέτης ἀποκαταστάσεως προσδοκᾶν.* *Syn. Antioch. Can. XII.* Nihil dubii esse potest, quin hic Canon contra S. Athanasium per literas Imperatorias sine synodali decreto sedi suæ Alexandrinæ restitutum, conditus fuerit. Eusebiani enim in hac Synodo congregati eum calumniabantur, ὡς πρὸς κανόνας πρῶτοντες, ἐν αὐτοῖς ὤρεσαν τόπε, ὅτι μὴ γνώμῃ κοινῇ

44 ARGUMENTA PRO CANONIBUS APOST.

σωεδείξαι τὸ ἐπισκόπων τὴν τάξιν τῆς ἱερωσύνης ἀνέλαβεν, quod contra Canonem, quem ipsi primum constituerunt, Episcopatus sui locum absque decreto communis Episcoporum Concilii recuperasset, ut ait Socrates lib. II. cap. VIII. consentiente Sozomeno, lib. III. cap. v. Quinetiam ex hoc Canone à se constituto, Episcopi Antiocheni non modo S. Athanasii restitutionem pronuntiabant irritam, verum & alium ejus loco Alexandrinæ Ecclesiæ Episcopum designabant, primo quidem Eusebium Emisenum, qui cum Alexandriam ire d-trectaret, Gregorium istius Ecclesiæ Episcopum crearunt. Socrat. lib. II. cap. x. Hinc cum D. Chrysostomo vitio verteretur, quod post depositionem absque majoris synodi autoritate suo ipsius arbitrio in Episcopalem sedem invasisset, contra ac Antiocheno hoc Canone statutum fuerat, respondit ille, istum non Ecclesiæ Catholicæ sed Arianorum esse Canonem, οἱ γὰρ, inquit, ἐν τῇ Ἀντιοχείᾳ σωελθόντες ὅππῃ τῇ καθαιρέσει τῶ ὁμοσίσ πύσεως, ἀπεχθεία τῇ πρὸς Ἀθανάσιον τὸν κανόνα ἐξέδωκαν, Episcopi enim Antiochiæ congregati ad evertendam Consubstantialis fidem, præ odio quo adversus Athanasium flagrabant, istum Canonem condiderunt. Socrat. lib. VI. cap. XVIII. Nec duodecimus solus cum undecimo, è Canonibus Antiochenis, verumetiam XIV. & XV. contra S. Athanasium constituti sunt. Et hi enim ambo de Episcopis judicandis agunt : & illo quidem sive XIV. cautum est, ut si Episcopi comprovinciales de judicio contra Episcopum quempiam proferendo dissenserint, Metropolitanus Episcopus è vicinâ provinciâ iudices alios convocet, qui controversiam tollent. Quod Episcopi Antiocheni idcirco tunc temporis decernebant, ut sententia à se vicinæ provinciæ Episcopis contra Athanasium prolata, valida haberetur. Altero autem, nempe XV. Canone statutum est, ut si Episcopus ab omnibus ejusdem Provinciæ Episcopis condemnatus fuerit, is apud alios nullo modo judicetur, sed firma concordantiam Provinciæ Episcoporum sententia maneat. Quod haud dubie idcirco ab iis constitutum est, ut omnis ad aliam Synodum Appellatio S. Athanasio adimeretur : & præsertim ut invalida, quantum fieri potuit, censerentur Romanæ, aliarumque synodorum decreta, quibus S. Athanasius à calumniis in eum confictis vindicatus est, & justus innocensque pronunciatus.

Quod denique ad reliquos duos in tylloge Antiochenâ Canones de novo conditos, & Apostolicis in eâ confirmatis superadditos spectat, decimum sextum scilicet atque undevicesimum, isto decernitur Episcopum qui Ecclesiam vacantem absque integro, cui Metropolitanus interest, Concilio invadit, abjiciendum esse, licet cunctus populus eum delegerit : hoc autem sive XIX. cautum est, ut Episcopus sine synodo & præsentia Metropolitanani non ordinetur : utque ordinatio aliter celebrata nullas habeat vires. Palam est, ambos hosce Canones contra Paulum designatos esse, qui ad thronum Constantinopolitanum refragantibus Arianis promotus fuerat. Ariani enim & Macedoniani asserebant eum sedem istam sibi comparasse præter sententiam Eusebii Nicomedienensis & Theodori Heracleæ, quæ in Thraciâ est, Episcopi, ad quos utpote finitimos ordinatio pertinebat. Sic enim Sozomenus de eodem loquens ait, οἱ μὲν λέγουσιν οἱ τὰ Ἀρείῳ καὶ Μακεδονίῳ φρονῶντες, ἐαυτῶν ταύτῃ

ταύτῃ πραγματευσάμενοι ὡς γινώσκω Ἐυσεβίῃ & Νικομηδείας Ἐπισκόπῳ καὶ Θεοδώρῳ & ἐν Θράκῃ Ἡρακλείᾳ, εἰς ὧς γέιτοσιν ἡ χειροτονία διέφερον. *Soz. lib. 3. cap. 3.* Quâ ratione Eusebius Nicomedienfis cum Theodoro Heracleenfi hoc in loco jungatur, non video, nisi forsitan quod ille etiam vicinus esset Episcopus. Heracleenfi autem Episcopo ut Metropolitano suo thronus Constantinopolitanus istis temporibus subiectus erat, & postea etiam usque dum ad Patriarchalem dignitatem evectus esset. Cum Paulus igitur ad istam sedem sine Metropolitano Heracleenfi & Synodo ab eo convocata promotus fuisset, ut Ariani & Macedoniani asserebant, hinc iidem in Synodo Antiochenâ congregati, duos istos supradictos Canones edebant, quibus ordinatio ejus irrita judicaretur, ipseque throno CP. deiceretur. Et quidem eum isto sæpe throno ab iis expulsum fuisse, historiæ Ecclesiasticæ fidem faciant. Adeo ut istos Canones contra ipsum definitos fuisse, pro certo & explorato habeamus.

X. E præmissis videre est, quid Synodus Antiochena in nonnullis renovandis, aliisque de novo constituendis Canonibus sibi proposuerit. Cum hoc enim ante omnia in animo habuerint Episcopi ibi congregati, ut Athanasium Alexandrinum & Paulum Constantinopolitanum Episcopum, acerrimos Catholicæ fidei assertores, sedibus suis propulsarent, & propulsatos detinerent, siquidem Canones ante constituti rem haudquaquam effectam darent, novos excogitare coacti sunt, qui Constantii Imperatoris synodo præsentis favore & autoritate muniti, omnia perficerent, quæ ipsi adversus suos, ut visi sunt, adversarios tantopere exoptabant. Verum ne in novis hujusmodi figendis Canonibus Arianorum hæresi pariter & factioni patrocinari viderentur, eos non seorsim, sed antiquis Ecclesiæ Canonibus à se explicatis interiectos ediderunt. Quo pacto incautis facillime persuaderent, se nihil novi machinatos esse, sed antiqua tantummodo patrum decreta explicuisse & confirmasse. Et quidem certe suos Apostolicis Canonibus scitè adeo interseuerunt, ut omnes ab ipsis editi Canones in Codicem Canonum Ecclesiæ universæ postea recepti fuerint. Verum, quod ad rem nostram spectat, cum exceptis iis qui contra Catholicæ doctrinæ propugnatores fabricati sunt, reliqui omnes Canones ab hoc Concilio divulgati, è Canonum Apostolicorum sylloge selecti sint, ut ante ostendimus, non est quod suspensi dubique ulterius pendeamus, quin tota ista Canonum, qui Apostolorum vulgo appellantur, Collectio diu ante Concilium istud Antiochiæ celebratum obtinuerit.

C A P U T V.

Synopsis.

I. Synodus Gangrena Ecclesiasticos Canones ab Eustathianis violatos asserit: quos eosdem esse atque Apostolicos probatur.

II. Synodum CP. An. Dom. 382. habitam Canones Apost. vidisse, & citasse ostenditur.

III. Eisdem à Synodo Carthagenensi iisdem fere diebus celebratâ laudatos esse probatur.

IV. Canones Apostolici præcipiunt Episcopum tertio citandum esse, prius-

quam à Synodo judicetur. Hinc probatur dictos Canones tertio generali Concilio cognitos fuisse, utpote à quo Nestorius tertio citatus est: & Canones Ecclesiastici id præcepisse ab eodem perhibentur.

V. Eodem argumento probatur hosce Canones notos fuisse Synodo CP. Eutychen, & quartæ generali Dioscorum tertio citanti.

VI. Aliis argumentis hos Canones Synodo Chalcedonenfi visos & confirmatos esse demonstratur.

I. **I**isdem circiter temporibus quibus Antiochena, Gangrena etiam Synodus celebrata fuit, & luculentum pariter Apostolicis Canonibus testimonium perhibuit. Patres enim in urbe Gangrâ, Metropoli in Paphlagoniâ, congregati, postquam viginti contra Eustathium & Gregales ejus Canones edidissent, vicesimo demum primo, quo mentem suam in aliis Canonibus constituendis explicant, hæc habent, *ταῦτα δὲ γεγράφην, ὅτι ἐκκόπτοντες τὰς ἐν τῇ ἐκκλησίᾳ τῇ θεῇ καὶ τὰς γεγραφὰς ἀσκήσεις βυλομήκας, ἀλλὰ τὰς λαμβάνοντας τὴν ὑπόθεσιν τῆς ἀσκήσεως εἰς ὑπερφανίαν, καὶ τῶν ἀφελέστερον βιβντων ἐπαιρομήκας τε καὶ ὡς τὰς γεγραφὰς, καὶ τὰς ἐκκλησιαστικὰς κανόνας καίνισμὸν εἰσάγοντας.* Hac autem scribimus, non eos abscindentes qui in Dei Ecclesiâ volunt secundum scripturas in pietate exerceri, sed eos qui pratextum exercitationis ad arrogantiam assumunt, adversus eos qui simplicius vivunt se effredientes, & præter scripturas & Ecclesiasticos Canones novitatem inducunt. Hic primo observare licet Ecclesiasticos quosdam à Patribus Gangrenis commemorari Canones ut ab Eustathianis violatos. Quod si Eustathianorum mores & dogmata in Gangrenis Canonibus & in præfatione ad eosdem recensita & condemnata perlustremus, eos Canonibus Apostolicis, iisque quos scimus, solis ante hanc synodum divulgatis adversari patebit. Adeo ut alia quidem ab Eustathianis præter scripturas, alia autem præter Canones Apostolicos introducta fuisse constet. Ex. gr. Eustathiani à nuptiis & carnibus tanquam illicitis ab omnibus qui cœlorum regnum ingredi cupiunt, necessario abstinendum esse docuerant. *Syn. Gang. Can. I. II.* contra ac decretum

cretum est Canone Apostolico LI. quo deponitur Clericus, & excommunicatur Laïcus, qui à nuptiis, carnibus & vino, non propter exercitationem, sed propter abominationem abstinet. Eustathiani conciones privatim habere, & separata celebrare conventicula soliti fuerunt, ut è præfatione ad omnes Canones Gangrenses, & è Can. VI. liquet; hoc autem in Canone Apost. XXXI. diserte prohibitum est. Adhæc Canones Apostolici præcipiunt, ut Episcopus primitias fructuum & omnes oblationes accipiat, & per Presbyteros & Diaconos indigentibus dispense, Can. Apost. IV. XLI. At Eustathiani omnes fructuum primitias ac oblationes sibi met & suis præter Episcopi sententiam dispensandas esse vendicarunt, præfat. ad Syn. Gangr. & Can. VII. VIII. Eustathiani jejunia die Dominico peragere consueverunt, præf. & Can. XVIII. contra Canonem Apost. LXVI. Sed jejunia Ecclesiæ antiquitus tradita, quæ tragesimam nimirum, feriam quartam & parasceven, contemptui, neglectuique habuerunt, Syn. Gangr. præf. & Can. XIX ac propterea Canonem Apost. LXIX. apertissime violarunt. Cum constet itaque Eustathianos contra Apostolicos docuisse pariter atque egisse Canones, & Patres Gangreni asserant novitates quasdam præter *Ecclesiasticos Canones* ab iis inductas esse, reliquum est, ut *Ecclesiastici* ab illis memorati *Canones* iidem fuerint, quos hodie S. Apostolorum nomine indigitamus. Neque enim aliam quamlibet habemus collectionem Canonum, ad quam referantur ista Synodi Gangrenæ verba, vel etiam hæc Sozomeni, qui de eodem Eustathio loquens ait, *Λέγεται ὅτι ἀπὸ πολλῆς ἀκρεβείας εἰς πᾶσα λόγος διτηρήσεις ἐκπεσεῖν, παντελῶς ἀπεχθῆσαι τὴν ἐκκλησιαστικῶν νόμων, πρὲς μὴν αὐτὴν σευερνᾶν ἀδυστοχῶς* *quasdam observationes prolapsum esse diciunt, ab Ecclesiasticis legibus plurimum discrepantes.* Sozom. Hist. Eccles. lib. III. cap. XIV.

II. Porro An. Dom. CCCLXXXI. Secunda generalis Synodus Constantinopoli celebrata fuit, quæ inter alia, Nectarium in Constantinopolitanum, & Flavianum in Antiochenum Episcopatum ordinavit. Quas ordinationes cum Occidentales Episcopi improbarint, plerique Episcoporum, qui secundam istam universalem synodum celebraverant, æstate sequenti Constantinopolim iterum convenientes, Synodicam Epistolam ad Damasum, Ambrosium, aliosque in synodo Romanâ tunc congregatos, miserunt: quæ etiamnum extat, in Theodoret. Hist. Eccles. lib. v. cap. ix. In hac Epistolâ Patres Constantinopolitani, postquam orthodoxam suam fidem à Concilio Nicæno stabilitam professi sunt, ad supradictas tandem ordinationes orationem suam convertunt, eamque his verbis ingrediuntur. *Περὶ τῶν οἰκονομιῶν τῆς κατὰ τὰς ἐκκλησίας, παλαιῶς τε, ὡς ἴτε, θεσμοῦ κεκαθίσταται, καὶ τῶν ἀγίων ἐν νικαίᾳ πατέρων ὄντων, καθ' ἑκάστην ἐπαρχίαν τὰς τῆς ἐπαρχίας, καὶ ἐπὶ ἐκείνοις βέλουσιν, συνὰ αὐτοῖς τὰς ὁμότητας πρὸς τὸ συμφέρον ποιῆσαι τὰς χειροτονίας.* *De particulari autem administratione singularium Ecclesiarum, antiqua, ut probe nostis, obtinuit sanctio, & sanctorum in Nicæâ patrum regula, ut in singulis Provinciis Episcopi istius Provincia, & si illis placuerit, unâ cum ipsis finitimi, prout utile judicaverint, ordinationes faciant.* Hic duo apertè indignantur Canones quibus hæc decreta fuerant :

48 ARGUMENTA PRO CANONIBUS APOST.

fuerant : Unus quidem Nicænus , alter longe antiquior , quem diu antea obtinuisse Occidentales æque ac Orientales Episcopi probe nôrunt. Nicænus hic indicatus , alius esse nequit quam quartus istius Concilii Canon , quo statutum est , ut Episcopus ab omnibus , si fieri potest , qui sunt in Provinciâ ejus Episcopis ordinetur ; ita tamen ut confirmatio cujusque ordinationis per singulas Provincias ad Metropolitanum pertineat. De finitimis autem Episcopis ad ordinationes Episcopales ullâ ratione ab aliâ Provinciâ convocandis aut admittendis hic nulla habetur mentio. Atque ideo hic Nicænus Canon eo tantum nomine laudari potuit , quod eo cautum sit , ut in singulis Provinciis Episcopi illius Provinciæ ordinationes faciant. Verum Patres CP. demonstrare imprimis voluerunt , licitum sibi fuisse ex Canonibus Ecclesiasticis Episcopum Constantinopolitanum & Antiochenum ordinare , etiamsi nonnulli ex ipsis non istarum sed aliarum Provinciarum essent. Hoc ex iis patet , quæ ipsi proximè post verba superius laudata asserunt. Asserunt enim ex legum istarum quas citant præscripto , tum reliquas in Oriente Ecclesias administratas fuisse , tum Nobilissimarum etiam Ecclesiarum Episcopos renunciatos , ac propterea se Nectarium Constantinopolitanorum Episcopum in Universali Concilio communi omnium consensu ordinasse : Flavianum autem Antiochenum Episcopum , tum ab illius Provinciæ tum ab Orientalis Diœceseos Episcopis in unum congregatis , ordinatum fuisse , ac proinde ipsum universale Concilium ordinationem istam tanquam legitimam suscepisse. Et deinde indicant Cyrillum , de cujus etiam ordinatione , ut videtur , quæstio mota erat , Hierosolymorum Episcopum ab istius Provinciæ Episcopis Canonicè olim constitutum fuisse. Hujus etiam ordinationem legitimam fuisse ex eo probant Patres Constantinopolitani , quod à Provinciæ istius Episcopis celebrata fuerat. Ut vero comprobent Nectarii etiam & Flaviani ordinationes Canonicè factas fuisse , licet à finitimis simul ac à suæ Provinciæ Episcopis ordinati fuissent , non modo ad Nicænum , verumetiam ad alium antiquiorem Canonem appellant , propterea scilicet quod Nicænus Canon omnes Episcoporum ordinationes à solis comprovincialibus celebrandas esse decernit , nullâ finitimorum vel aliorum quorumcunque mentione factâ. Adeo ut ex Nicæni hujus Canonis præscripto , Episcopus CP. non ab omnibus qui tunc temporis congregati erant , quippe qui plerique aliarum Provinciarum essent , sed à solis istius Provinciæ Episcopis ordinandus esset : Neque Orientalis Diœcesis Episcopi , sed ii soli qui Antiochenæ erant Provinciæ , Flavianum ad thronum Antiochenum promovere debuerint. Restat itaque ut antiquum istum , qui diu ante hanc Synodum obtinuerat , Canonem alibi investigemus , quo scilicet Finitimis quibuscunque Episcopis in alienâ Provinciâ ordinationes facere permissum est , si ab ejusdem Provinciæ Episcopis vocati fuerint. Talem autem Canonem frustra inquiremus , præterquam inter Apostolicos. Quorum XXXIV. eadem fere præcipit quæ Nicænus supradictus , ut primus scilicet in unâquaque gente , & comprovinciales Episcopi omnia quæ magni sunt momenti , inter quæ ordinatio Episcoporum merito recenseatur , inter se peragant. At Canon proximus sive XXXV. sic habet. Ἐπίσκοπον μὴ τολμᾶν ἔξω τῶν αὐτῶν ὁρῶν χειροτονί-

εν ποιῆσθαι εἰς τὰς μὴ ἐποικειμῆσας αὐτῷ πόλεις ἢ χώρας· εἰ δ' ἐλεγχθῇ τοῦτο πε-
πεικώς ὡς τινὲς τῶν κατεχόντων τὰς πόλεις ἐκείνας ἢ τὰς χώρας γνώμῃ, κατα-
ρεῖσθαι ἢ αὐτὸς καὶ ὅς ἐχειροτόνησεν. *Episcopus ne audeat extra suos fines ordina-
tiones facere in urbibus & pagis ei non subjectis. Sin autem hoc fecisse convictus
fuerit præter eorum sententiam qui urbes illas aut pagos tenent, deponatur & ipse
& ii quos ordinavit.* Hic, ut videre est, cavetur ne Episcopi in alienis Pro-
vinciis ordinationes faciant præter eorum sententiam qui istas Provincias tenent.
Si cujuscvis itaque Provinciæ Episcopi consenserint, ut finitimi ipsis Episcopi
in suâ ipsorum Provinciâ ordinationibus assistant, tales ordinationes legitimæ
ac Canonice habentur. Hoc autem idem est quod in Synodicâ Patrum CP.
Epistolâ de antiquo Canone ibi commemorato dicitur, fanciente nimirum, ut
in singulis Provinciis Episcopi illius Provinciæ, ἢ εἴπερ ἐκεῖνοι βούλονται, & ἴ-
ῖπὶ voluerint, unâ cum iis finitimi, prout utile judicaverint, ordinationes
faciant. Unde conficitur Canonem istum Apostolicum à Patribus CP. sub
antiquæ sanctionis titulo hic indigitari. Cùm talis enim antiquus Canon à Pa-
tribus Constantinopolitanis hic citetur, quo finitimi Episcopi in alienâ Pro-
vinciâ, si Episcopi ejusdem voluerint, ordinationes celebrent, hoc autem
inter omnia antiquitatis monumenta ante hanc Synodum solum ab Aposto-
lico isto Canone permittum legatur, satis exinde constat, Patres CP. ad hunc
ipsum Canonem respectum habuisse, ubi παλαιὸν θεσμὸν de hac re commemo-
rarunt.

III. Haud multis post secundam universalem Synodum annis, Concilium
Carthaginense nomine quidem Tertium, sed ordine temporis inter ea quæ
post Nicænum extant, Secundum celebratum fuit: quo Honoratus & Ur-
banus conquesti sunt duos Numidiæ Episcopos præsumpsisse Pontificem sive
Episcopum ordinare, atque ideo postularunt ut decerneretur Episcoporum
ordinationes non nisi à duodecim in posterum Episcopis celebrandas esse. Sed
Aurelius Episcopus dixit, *Forma antiqua servabitur, ut non minus quam tres
sufficiant qui fuerint destinati ad Episcopum ordinandum.* Syn. Carthag. III.
Can. XXXIX. qui in Codice Græco Canonum Ecclesiæ Africanæ est Canon
LIII. ubi Græcè sic legitur, ὁ ἀρχαῖος τύπος φυλαχθήσεται, ἵνα μὴ ἥτινες
τελῶν ᾤοντο εἰς χειροτονίαν Ἐπισκόπων ἀρέσκωσιν. Ex his verbis liquet,
Primum Apostolorum Canonem sub *antiqui typi* sive Canonis, ut Balsamon
interpretatur, nomine indicatum, istis diebus in Carthaginensi Ecclesiâ ob-
tinuisse, utpote quo sic statutum est, Ἐπίσκοπος χειροτονεῖσθαι ὑπὸ Ἐπισκόπων
δύο ἢ τελῶν. Quod ita intelligendum est, ut Episcopi ordinatio non nisi ur-
gente necessitate à duobus, alias à tribus perpetuo Episcopis peragatur. Unde
Alexius Aristenus ad istum Canonem Apost. dicit, τρεῖς δὲ ἐξάπαντες ὀφείλας
ψηφίζεσθαι ἐπίσκοπον, ἢ μὴ ἥτινες τέτων. *Tres omnino debent ordinare Episco-
pum, & non pauciores illis.* Hinc Patres Carthaginenses, licet ratam habuerint
Episcopi ordinationem à duobus Numidiæ Episcopis celebratam, statuunt ni-
hilominus ut antiquus iste Canon accuratius in posterum servetur, ut non mi-
nus quam tres Episcopi ad Episcoporum ordinationem conveniant. Cum hanc
autem ordinandi formam antiquam vocent, & nullum alium hujus Concilii
G respectu

50 ARGUMENTA PRO CANONIBUS APOST.

respectu *antiquum* habeamus Canonem istud statuentem, dempto unico isto Apostolico ante citato, nihil obstat quo minus dicta Aurelii verba à toto Concilio approbata de isto imprimis Canone intelligamus.

IV. Aliud præterea, iludque nobilissimum adstruendæ Canonum Apostolicorum antiquitati argumentum petatur è LXXIV. istius sylloges Canone sic habente. Ἐπίσκοπον κατηγορηθέντα ὑπὶ πινὸς *πρὸς ἀξιολύτων ἀνθρώπων, καλεῖσθαι αὐτὸν ἀναγκαῖον ὑπὸ τῶν ἑπισκόπων· καὶ μὴ ἀπαντήσῃ ἢ ὁμολογήσῃ ἢ ἐλεγχθεῖν, ὁρίζεσθαι τὸ ὑπηήμιον· ἐὰν δὲ καλέμῃ μὴ ὑπακούσῃ, καλεῖσθαι ἢ δευτερον, ἀπειλομήτων ἐπ' αὐτὸν δύο ἑπισκόπων· ἐὰν δὲ ἢ ἔτω μὴ ὑπακούσῃ, καλεῖσθαι ἢ τρίτον, δύο πάλιν ἑπισκόπων ἀπειλομήτων πρὸς αὐτόν· ἐὰν δὲ ἢ οὕτως καταφρονήσας μὴ ἀπαντήσῃ, ἢ σωδοῖ ἀποφανέσθαι κατ' αὐτῶν τὰ δοκῶντα, ὅπως μὴ δόξῃ κερδαίνειν φυροδικῶν.* *Episcopum à viris fide dignis ob aliquid accusatum, ab Episcopis vocari necesse est: & si se quidem stiterit, & confessus vel convictus fuerit, statuatur pœna: Si autem vocatus non paruerit, secundo etiam vocetur, missis ad eum Episcopis duobus: Si autem etiam sic non obedierit, vocetur & tertio missis ad eum rursus duobus Episcopis: si autem & sic aspernans contumaxque se non stiterit, Synodus ea quæ videntur adversus eum pronunciet, ne lucrifacere videatur, dum iudicium subierfugit.* In omnibus antiquis Ecclesiæ Primitivæ monumentis, alius, excepto hoc unico Apostolico, nusquam invenitur Canon Ecclesiasticus, quo statutum est, ut Episcopus de crimine quovis accusatus, non prius ab Episcoporum synodo iudicetur, quam per Episcopos ab eadem missos, tertio vocatus aut citatus fuerit, ut se synodo sistat, & de crimine ipsi illato purget. Verum enim vero Acta tertii universalis Concilii sive Ephesini Anno Dom. CCCCLXXXI. habiti, fidem plenissimam faciunt Ecclesiasticos istos Canones, quibus hoc decretum est, istis diebus non modo cognitos fuisse, verum etiam religiosissime observatos. Ubi enim Nestorius læsæ orthodoxæ fidei coram Synodo teneretur, Synodus, juxta quod in dicto Canone Apostolico præscriptum est, eum per Episcopos ad ipsum missos, primo, secundo, & demum tertio citabat, seque synodo sistere admonebat, hâc adhibita ratione, quod Canones Ecclesiastici id imperarent. Cum enim bis eum ante citavisset, tertio eum citabat, missis iterum Episcopis qui hab secum literas citatorias ferebant, τρίτη ταύτη κλήσει τὴν εὐλόθειάν σε συγκαλεῖ ἡ ἀρχιεπίτη σωδοῦ, τῷ κανόνι ὑποταγόμενῃ, ἢ νέμεσά σοι τὴν ἀνόχλῳ καὶ μακροθυμίαν, καταξίωσον καὶ νυνὶ γὰρ ἀπαντήσας ἀπολογησάσθαι πρὸς ὧν φασὶ σε εἰρηκέναι ἐπ' ἐκκλησίας αἰρετικῶν δογματῶν ὑπὲρ τῆ κοινῆς ἐκκλησίας· εἰδὼς ὅτι εἰ μὴ ἀπαντήσας σὺ γῆς πρὸς τὰ ἀγροφῶς, καὶ ἐγροφῶς κατὰ σε λεγόμενα, ἀνάγκη ἔξει ἡ ἀρχιεπίτη σωδοῦ τὰ δοκῶντα τοῖς ἁγίων πατέρων κανόνι ὑπὲρ σοι ὁρίσασθαι. Quæ verba in veteri Actorum hujus Concilii translatione latinè sic redduntur. *Sancta Synodus Canonibus obtemperans, reque leni patientique animo hactenus ferens, in tertio ad suum confessum te invitât. Digneris itaque vel nunc tandem huic te adungere, eorumque dogmatum quæ hereticè pro concione disseminasse diceris, in communi Ecclesiæ conventu rationem reddere. Quod nisi coram de omnibus, sive ea scripto contra te allata fuerint, sive citra scriptum, te expurgaveris, Sanctissimam Synodum necessitate compul-*

compulsam juxta Sanctorum patrum sanctiones sententiam adversus te pronunciatum esse, nihil quicquam dubites. Acta Concil. Ephes. part. 2. Act. 1. Cum legati autem, quos Synodus ad Nestorium cum tertiâ hâc citatione miserat, reversi synodum certiores fecissent, Nestorium nec tertiâ huic citationi obtemperaturum esse, nec Synodo adfuturum, Juvenalis Episcopus Hierosolymitanus dixit, quod Ecclesiasticæ sanctiones sat esse statuunt, si rei ad diluenda objecta crimina tertio citentur. τῶν ἐκκλησιαστικῶν, inquit, θεσμῶν ἀρκεῖται κελευόντων τῇ τρίτῃ κλήσει εἰς ἀπολογίαὺς τοὺς καλεσμένους πρὸς ὧν ἂν ἐγκαλοῖντο. Ibid. Quinetiam in Epistolâ five relatione, quam Synodus ad Imperatores Theodosium & Valentinianum de Nestorii depositione miserunt, hæc habemus, τῶν δὲ κανόνων πρὸς κελευσμένων τῇ τρίτῃ κλήσει παρακαλεῖται ἢ ἀπειθεῖντα, ἀποδείξαντες πρὸς αὐτὸν αὐτοῖς ἑτέρας ἐπισκόπους ἀπειθεῖντα εὐρομεν. Ibid. E quibus omnibus manifestum efficitur nonnullos Ecclesiasticos Canones five quendam Canonum collectionem istis temporibus obtinuisse, quibus præscriptum erat, ut Episcopus de hæresi vel alio quovis crimine accusatus, ad Episcoporum synodum, per Episcopos ad ipsum missos, ter vocetur, priusquam sententia contra eum Canonice ferri potuit. Cum nulla autem alia detur Canonum Ecclesiasticorum, quibus hoc decretum erat, collectio, præter eam cui S. Apostolorum nomen vulgo inscribitur, summo contra eam præjudicio laboret necesse est, quicumque hanc Canonum Ecclesiasticorum syllogen patribus Ephesinis incognitam esse suspicetur.

V. Hoc argumentum fortius adhuc ac dilucidius evadet, si observemus insuper alia præter Ephesinum Concilia isthoc seculo celebrata, Episcopos accusatos tertio ad se vocare solita fuisse, idque propterea quod in sacris Canonibus ubique tunc temporis receptis, hoc iis præceptum erat. Ut omittam enim Eutychen à Concilio provinciali CP. ter citatum ut synodo occurreret: Quartum Oecumenicum Concilium Chalcedone celebratum, Dioscorum Episcopum Alexandrinum multis obnoxium criminibus, tertio ad se vocavit, missis ad eum Francione, Luciano, & Joanne Episcopis, cum literis itidem ad ipsum directis, quibus Patres in synodo congregati eum certiores faciunt, quod si post tertiam hanc Canonicam citationem ad veniendum distulerit, synodus pœnam à Canonibus contra contumaces præstitutam ab ipso petet. Cum Dioscorus autem tertio vocatus se sistere recusavit, synodus protinus depositionis sententiam contra eum pronunciabat, cui omnes Episcopi præsentibus subscripserunt, & plerique eorum in subscriptionibus suis hoc inter alia ei objecta crimina recensuerunt, quod contemptis Ecclesiasticis Canonibus etiam tertio vocatus se coram synodo exhibere noluit; Ut videre est in Concilii istius Actione tertiâ. Et in ipsâ damnatione quam synodus Dioscoro misit, hoc in primis ei objicitur, quod cum synodus κατὰ τὰς θείας, ut ait, κανόνας tertio eum vocasset, se sistere noluit. Adhæc in Epistolis synodicis ad Imperatores & ad Clerum Alexandrinum, Dioscorum etiam post tertiam vocationem juxta divinos Canones ei concessam, non occurrisset, ac propterea eum Canonicè depositum esse affirmant. Quid autem in causâ fuit, quod tertiâ vocationis in sacris Canonibus constitutæ & à Dio-

52 ARGUMENTA PRO CANONIBUS APOST.

fecero contemptæ toties mentionem fecerint, nisi ut se juxta Canones, qui tunc dierum in Ecclesiâ obtinebant, egisse ostenderent? Quinam autem erant hi sacri, Ecclesiastici, & divini Canones, hæc in re ab universali Concilio toties commemorati? Sane in Codice Canonum Ecclesiæ universæ, quem, uti mox videbimus, hæc synodus confirmavit, nec volam nec vestigium hujusmodi Canonis sive decreti invenire est, nec ullibi occurrit talis Canon præterquam inter Apostolicos, quos proinde Synodo Chalcedonenfi & cognitos fuisse & laudatos extra dubium est: præsertim cum ista universalis synodus non solum ipsum Canonem quo hoc constituitur, verum & totam illam Canonum seriem sive consequentiam, quâ dictus Canon invenitur, memorarit. Nam Francion Episcopus Philippopolitanus cum aliis Episcopis ad Dioscorum ultimo missis eum sic alloquitur, *Ἡ ἀνωτάτη καὶ οἰκουμενικὴ σύνοδος, ἡ συνεδρεύουσα ἐν τῷ ἁγίῳ μαρτυρίῳ τῷ ἁγίῳ Ευφημίας, ἀπέστειλε πρὸς τὴν σὴν θεοσέβειαν τὴν ἡμετέραν εὐτέλειαν, τελετὴν ἤδη κλησὺν ταύτῃ ποιημένη κατὰ τὴν ἀκολουθίαν τῶν ἁγίων κανόνων. Sancta & Universalis synodus congregata in basilicâ S. Martyris Euphemie nostram humilitatem ad tuam religiositatem destinavit, tertiam jam hanc citationem faciens, secundum consequentiam sanctorum Canonum.* Concil. Chalced. Act. III. ubi & paulo post Dioscorus egisse dicitur *κατὰ τὸ τῶν κανόνων τάξεως, καὶ τῆς ἐκκλησιαστικῆς κατὰστάσεως, Contra Canonum ordinem & Ecclesiasticam disciplinam.* Hæc autem consequentia sive ordo Canonum (quo etiam nomine Codex Canonum Ecclesiæ universæ sæpe appellatus est) alium præter Canonum Apostolicorum Codicem hic significare nequit, quippe quo solo laudatus iste de trinâ citatione Canon habetur.

VI. Cum Chalcedonensem verò Synodum præ oculis modo habeamus, de eâ præterea observare licet, quod in primo hujus synodi Canone, Canones quidam Ecclesiastici, quos antegressæ ediderant synodi, confirmati sunt his verbis, *τὰς πρὸ τῶν ἁγίων πατέρων καθ' ἐκάστην σύνοδον ἄρχαι & νῦν ἐκτεθέντας κανόνας, κρατεῖν ἐδικαιώσαμεν, Qui à sanctis Patribus in unaquaque synodo hucusque expositi fuerunt Canones, observari æquum censuimus.* Quin inter omnes etiam constat Canones hic confirmatos esse Nicænos, Ancyranos, Neocæsarienses, Gangrenses, Antiochenos, & Laodiceos, in unum istis etiam diebus Codicem collectos, ex quo nonnulli eorum in Actionibus Chalcedonenfibus relecti & laudati sunt. Cæterum præter Synodicos hosce Canones ab ipsis confirmatos, Patres Chalcedonenses aliorum subinde Canonum mentionem faciunt, eosque firmitatem suam adhuc retinere statuunt. Quinto enim ipsorum Canone lic aiunt, *Περὶ τῶν μεταβαλλόντων ὑπὸ πόλεως εἰς πῆλιν ὀπισκόπων ἢ κληρικῶν, ἔδοξε τὰς πρὸ τῶν τεθέντων κανόνων πρὸ τῶν ἁγίων πατέρων ἔχειν τὴν ἰσχύν.* De Episcopis vel Clericis qui à civitate ad civitatem transeunt, placuit eos qui editi sunt a sanctis Patribus Canones vires obtinere. Non quidem diffiteor quin Concilia Nicænum & Antiochenum Canones de hæc re ediderint; verum si ii soli ab istis synodis conditi hic intelligerentur Canones, Patres hoc in loco actum agerent, eosdem Canones & in primo & in quinto ipsorum Canone confirmantes. Quod cum nefas

fit de tot tantisque Patribus affirmare, Canones potius Apostolici XIV. & XV. hic intelligendi sunt, quos, æque ac Synodicos de hac re editos, Synodus Oecumenica propterea confirmat, quod aliquid amplius in iis quam in Synodicis ante confirmatis statutum sit: Nimirum ut Episcopo à civitate ad civitatem vel à parochiâ ad parochiam transire liceat, si causa aliqua rationi consentanea hoc eum facere cogat, & multi Episcopi certatim eum transire exhortentur. Quod licet rationi summè congruum, in aliis tamen Synodorum Canonibus penitus omissum est; Quibus propterea Synodus Apostolicos Canones hoc continentes subungere necessarium duxit. Et quidem Nilus Thessalonicensis Canones Apostolicos hic intelligendos esse usque adeo persuasum habuit, ut ipsam vocem 'Αποστόλων corpori Canonis, si non insertam invenerit, ipse saltem inseruerit. Hunc enim Canonem Chalcedonensem his verbis exhibet, Περὶ τῶν μετὰ βασιλόντων διὰ πόλεως εἰς πόλιν ἐπισκόπων ἢ κληρικῶν, ἔδοξε τὰς πρὸς τῶν τεθέντων κανόνας πρὸς τῶν ἀγίων 'Αποστόλων ἢ πατρῶν ἔχειν τινὲν ἰσχύϊ. Nilus de Primat. Pap. l. 2. Idem de Canone Chalcedonensi XXII. dicendum est, præcipiente, non licere Clericis post mortem sui Episcopi res, quæ ad ipsum pertinent, rapere, καθὼς ἢ τοῖς πάλαι κανόνιν (sic enim legendum esse, non τοῖς παρελαμβάνουσιν in Annotat. ostendimus) ἀπηγόρευται, quemadmodum & antiquis Canonibus prohibitum est. Etiam si enim idem fere præcipiatur Canone Antiocheno XXIV. cum is tamen inter Synodicos ante confirmatus fuisset, per Canones Antiquos hoc in loco commemoratos, Apostolici potius intelligendi sunt, quorum Canone quadragesimo hoc decretum habetur: quem Patres Chalcedonenses Antiocheno prius confirmato propterea addidisse videntur, quo majores huic Ecclesiasticæ Sanctioni vires conciliarent, utpote quæ non modo à Synodicis, verum à longe etiam antiquioribus Canonibus edita fuerit.

Aliud denique haud obscurum veræ Canonum Apostolicorum antiquitati confirmandæ argumentum nobis subministrat ejusdem universalis synodi Canon XIV. sic incipiens, Ἐπειδὴ ἔν πσιν ἐπαρχίαις συγκεχώρηται τοῖς ἀναγνώσταις ἢ ψάλταις χαμεῖν, ὥρυσεν ἡ ἀγία συνόδος μὴ ἐξεῖναι πνι αὐτῶν ἐπερόδοξον γυναικὰ λαμβάνειν. Quoniam in nonnullis provinciis concessum est Lectoribus & Cantoribus uxores ducere, decrevit Sancta Synodus nulli eorum licere diversæ à rectâ opinionis uxorem ducere. Hinc enim liquet hoc in nonnullis provinciis diu obtinuisse, ut è Clericis Lectores & Cantores soli uxores ducerent. Hoc autem nullibi obtinere potuit, nisi à Synodis earum provinciarum Ecclesiasticâ auctoritate constitutum fuisset. Hujusmodi vero Ecclesiastica constitutio nullibi extat, præterquam inter Apostolicos: quorum vicissimus sextus sic se habet. Τῶν εἰς κλῆρον προσηλόντων ἀγάμων, κελεύομεν βελομῆς χαμεῖν, ἀναγνώσταις ἢ ψάλταις μόνον. Ex iis qui non ductâ uxore ad Clerum promoti sunt, jubemus si velint, uxores ducere lectores & cantores solos. Ac proinde nullus dubito, quin hic Canon Apostolicus longe prius divulgatus, quam quarta synodus Oecumenica Chalcedone celebrata fuerit.

CAPUT VI.

Synopsis.

- | | |
|---|--|
| <p>I. <i>Canones Apostolicos eosdem esse atque Ecclesiasticos à Patribus citatos è summâ inter eos convenientiâ satis constat.</i></p> <p>II. <i>Canones hi nonnunquam sub ipso Apostolorum & Apostolicorum nomine laudati sunt. Quod probatur primo Alexandri Alexandrini testimonio.</i></p> <p>III. <i>Constantinus M. Imp. Canonem Apostolicum ab Eusebio servatum laudat, eundemque & à mandatis</i></p> | <p><i>Dei & à Canonibus Ecclesiasticis distinguit.</i></p> <p>IV. <i>Julius P. R. Canones Apostolorum in Gregorii ordinatione in sedem Alexandrinam violatos assernit.</i></p> <p>V. <i>Canones Apostolici à Concilio Constantinopoli A. D. 394. habito, verbis conceptis laudati sunt.</i></p> <p>VI. <i>Idem in Actis Concilii Ephesini Apostolici etiam diserte vocantur.</i></p> <p>VII. <i>Egregium Theodosii Imp. hisce Canonibus, Apostolicis ab eo dictis, redditum testimonium.</i></p> |
|---|--|

I. **H**ucusque ea attulimus veterum testimonia, quibus Canones Apostolici sub Ecclesiasticorum vel antiquorum Canonum titulo citati sunt. Quæ quidem nostram de horum Canonum antiquitate opinionem usque adeo confirmant, ut aliis ei probandæ non opus sit argumentis. Cùm enim non solum SS. Patres Athanasius & Basilius M. sed & ipsa Concilia Oecumenica quarto quintoque seculo celebrata, Nicænum dico, Ephesinum, & Chalcedonense, unâ cum provincialibus Antiocheno, Gangrensi, Constantinopolitano & Carthagenensi, Canones Ecclesiasticos toties commemorarint, qui omnes alibi frustra quæsi inter Apostolicos solos inveniuntur, Canones Apostolorum vulgo dictos istis seculis & passim cognitos, & in usum publicum receptos fuisse, pro certissimo habeamus necesse est. Præsertim cum Synodi Patresque supradicti non unum alterumve Canonem, sed plurimos ex iis vel citarint diserte, vel clarissime indigitarint. Quod nos quidem latet, quo demum pacto fieri potuit, nisi tota hæc Canonum collectio iis probe nota fuisset. Neque enim credibile est, ut tot Canones Ecclesiastici, quot à S. Patribus Synodisque citati sunt, cum Apostolicis hodie vulgatis per omnia ita convenirent, nisi iidem prorsus atque illi essent, quos etiam Ecclesiasticos æque ac Apostolicos olim dictos fuisse, & nos ante probavimus, & ipsi eorum tituli fidem faciunt. In nonnullis enim Codicibus tam impressis quam MSS. Κανόνες ἐκκλησιαστικοὶ τῶν ἀγίων Ἀποστόλων, in aliis simpliciter Κανόνες ἐκκλησιαστικοὶ inscripti sunt.

II. Sed quandoquidem ab aliquot retro seculis usu venit, ut hi primitivæ Ecclesiæ Canones, non Ecclesiastici, sed tantum *Apostolici* sive *S. Aposto-*

Apostolorum Canones vulgo nuncupati essent; nonnulli forsitan majorem fidem istiusmodi habebunt testimoniis, quibus hi Canones sub Apostolorum titulo laudati sunt. Quapropter licet quæ hæcenus adduximus, sententiam nostram, nobis saltem, clare satis demonstrare videantur; eorum tamen, qui istiusmodi postulant argumenta, curiositati satisfacere non pigebit. Ecclesiastici enim, de quibus agimus, Canones ob venerandam eorum antiquitatem, etiam quarto, quintoque à Christi nativitate seculo, Apostolorum nomine insigniri meruerunt. Ac proinde Patres doctique viri, qui istis claruerunt seculis, eos non modo sub *Ecclesiasticorum*, verumetiam sub *Apostolicorum* titulo conceptis verbis frequenter laudarunt. Quod si probatum dederimus, nihil ulterius confirmandæ eorum antiquitati à nobis assertæ desiderari potest. Primo itaque Alexander Ecclesiæ Alexandrinæ Episcopus, in Epistolâ ad Alexandrum CP. ante Synodum Nicænâ scriptâ, illum certiorē facit, Arium ejusque fautores à se Alexandria excommunicatos, ab aliis Episcopis in Ecclesiam receptos esse, contra ac Canone Apostolico eâ de re lato statutum fuerat. Fraudulentis enim Arianorum sermonibus, fictisque literis prius commemoratis, hæc protinus addit, ὅθεν καὶ συμβαίνει πινὰς τοῖς γράμμασιν αὐτῶν ὑπογεγράφους εἰς ἐκκλησίαν εἰσδέχεσθαι μερίσας, ὡς οἱ μὲν, Ἀρεβολῆς ὁπικειμένης τοῖς τῷτο τολμάσι συζητητοῖς, τῷ μήτε τὸ Ἀποστολικὸν κανὼνα τῷτο συγχωρεῖν. Unde fit ut nonnulli literis eorum subscribentes, in Ecclesiam eos recipiant, cum tamen comministris nostris, qui hoc ausi sunt, gravissima, ut opinor, reprehensioni immincat infamia, eo quod nec Apostolicus Canon id permittit. Apud Theodoret. hist. Eccl. lib. 1. cap. 1v. Quibus verbis apertissime citatur Canon Apostolicus XII. sic habens, Εἴ τις κληρικὸς ἢ λαϊκὸς ἀφωρισμένη, ἦτοι ἀδελφῷ, ἀπελθὼν ἐν ἑτέρᾳ πόλει δεχθῇ ἄνευ γραμμάτων συστατικῶν, ἀφορίζεσθω ἢ ὁ δεξάμενός, ἢ ὁ δεχθεὶς. Si quis Clericus vel laicus segregatus vel non recipiendus, discedens in alterâ urbe receptus fuerit absque literis commendatitiis, segregetur & qui recepit, & qui receptus est. Hic est Apostolicus ille Canon ab Alexandro laudatus, qui non modo non permittit, ut qui ab aliis segregantur, ab aliis recipiantur, sed & gravissimam reprehensionis infamiam iis inurit, qui tales recipere ausi sunt; eos enim segregationis pœnæ subjicit. Adeo ut me prorsus fugiat, quâ ratione quivis uspiam Canon disertius citari possit, quam Apostolicus ille hoc in loco citari deprehenditur.

III. Iisdem diebus sede Antiochenâ vacante, Eusebius Ecclesiæ Cæsariensis Episcopus, communibus Cleri populique Antiocheni suffragiis in eam electus est. Is autem Ecclesiam sibi prius concreditam relinquere & ad aliam transilire constanter recusavit. Quamobrem Constantinus M. Imperator literas ad eum misit, quibus prudentiam ejus ac pietatem summo-pere commendavit, inter alia hæc habens. Ἀλλ' ἡ σὴ σωέσις ἦγεν τὰς τε ἐμπολὰς & θεοῦ, ἢ τὸ Ἀποστολικὸν κανὼνα, ἢ τὴν ἐκκλησίας φυλάξιν ἐγνωκεν, ὑπέρευγε πεποιήκε, ἀφαιτημένη ὁπισκοπίαν τῆς καὶ τῶν Ἀντιόχειαν ἐκκλησίας, ἐν ταύτῃ τῇ Ἀμφίνοαι περὶ ἀλάξασα, εἰς ἣν ἐκ πρώτης θεοῦ βεβλήσει τῶν ὁπισκοπίαν ὑπεδέξατο. Verum rectissime fecit prudentia tua, qua & mandata Dei, & Aposto-

56 ARGUMENTA PRO CANONIBUS APOST.

Ἐν *Apostolicum Canonem*, Ἐν *Ecclesiasticum custodire statuit Episcopatum Antiochenſis Eccleſiæ repudians*, Ἐν *in eo potius permanere deſiderans, quem Dei voluntate ab initio ſuſcepiffer*. Euseb. de vitâ Constant. lib. 3. cap. 61. Hic primo videre est *Canonem Apostolicum*, quem Eusebius observarat, diſertè commemoratum, & deinde eundem non tantum à mandatis Dei, verum & ab Ecclesiastico quovis Canone distinctum. Per κανόνα τῆς ἐκκλησίας Synodi Nicæni Canon XV. paucis ante annis editus indicari videtur. Apostolicum autem Canonem ab eo aperte diſcernit, & ab alio quovis Ecclesiastico Canone nuper constituto, ac propterea indigno qui Apostolorum nomine decoretur, quod istis ſolis competit Canonibus, qui à viris Apostolicis multis ante annis divulgati fuerant. Quâ etiam de causâ licet omnes Apostolici Canones & ſint, & sæpe dicti fuerint Ecclesiastici, ut ab Ecclesiâ constituti; omnes tamen Ecclesiastici Canones nec ſunt, nec dicti unquam fuerunt Apostolici, sed ii ſoli qui ab Apostolicis temporibus in Ecclesiâ obtinuerunt, quique omnes in istâ, quam ſub manibus habemus, Canonum collectione comprehenduntur. Hinc forſitan est, quod Canon Apostolicus ab Augustissimo Imperatore hic laudatus, medio inter Dei mandata in SS. ſcripturis promulgata & leges Ecclesiasticas poſtea ſancitas collocetur, propterea nimirum quod poſt illa & ante hæc constitutus fuerat. Primo enim ponit τὰς ἐντολὰς τῆς θεοῦ, deinde τὸν Ἀποστολικὸν κανόνα, & poſtremo τῆς ἐκκλησίας, viz. κανόνα. Canon autem Apostolicus Imperiali autoritate hic munitus, in noſtrâ Canonum Apostolicorum Sylloge est decimus quartus, ſtatuens, Ἐπίσκοπον μὴ ἐξεῖναι καταλείψαντα τὴν αὐτοῦ παροικίαν ἐπὶ ῥα ὀπίσθηδάν, καὶ ὑπὸ πλείονων ἀναγκάζεσθαι, *Episcopo non licere, ſuâ relictâ Parochiâ, ad aliam tranſilire, etiamſi a pluribus cogatur*. Et hic quidem unicus est Canon de hâc re editus, qui *Apostolicus* unquam appellatus fuit: ac proinde cùm Constantinus M. Eusebium commendat, quod *Apostolico Canoni* religioſe inſiſtens, à ſede Cæſarienſi, quâ primâ constitutus est, ad Antiochenam tranſilire renuit, de alio intelligi nequit quam de præſenti Canone, cum alius nuſquam detur Canon cui nomen iſtud impoſitum fuit. Inter omnes autem conſtat hunc ex eorum eſſe numero, qui *Apostolici & Apostolorum Canones* multis retro ſeculis nuncupati fuerunt.

IV. Porro Constantio Constantini M. filio orientale ſceptrum tenente, S. Athanaſius ab Arianâ ſactione in Concilio congregatâ depositus est, & Gregorius quidam ejus loco in ſedem Alexandrinam præter Canones ordinatus. Sed Julius Papa Romanus, re cognitâ, in ſynodo ſub ſe habitâ, S. Athanaſium injuſtè depositum eſſe judicavit, eumque propterea Romæ in communionem recepit, & Orientales Episcopos, qui eum depoſuerant, ad Synodum Romæ celebrandam vocavit. Quod iſti ægrè ferentes, literas multis querelis plenas ex urbe Antiochiâ, ubi conveniebant, ad Julium miſerunt. Hic autem aliam in cauſâ Athanaſii Epistolam ad eos reſcripſit, quæ inter Epistolâ ejus in Conciliorum tomis, alibique latinè, & in ſecundâ S. Athanaſii Apologiâ græcè, etiamnum extat. In hâc Epistolâ Julius Canonum Apostolicorum expreſſè meminit, dicens, *In rebus enim*

anim Ecclesiasticis non specimen eloquentie, sed Canones Apostolici requiruntur. Quâ autem occasione illorum hic meminerit, ex iis quæ sequuntur, clarius elucescet. Cùm injurias enim S. Athanasio oblatas enarraverat, omniaque refellerat quæ contra eum objecta erant, hæc tandem habet, ut in latinâ ejusdem Epistolæ editione leguntur. *Si enim post Synodum in culpâ fuisset deprehensus Athanasius, non tamen oportuit creationem novi Episcopi ita illegaliter & præter Canonem Ecclesiasticum fieri, sed in ipsâ Ecclesiâ, & ex ipso Sacerdotali ordine, & ex ipso Clero ejus Provincia Episcopos constirui, & nequaquam ex illis qui nunc Apostolorum Canones violant.* In secundâ fateor S. Athanasii Apologiâ, ubi tota Epistola recitatur, hæc verba græce paulo aliter leguntur, in hunc modum, Εἰ γὰρ ἢ μετὰ τῶν σωόδοις ἐπαύθωμεν ἢν εὐρεθῆις ὁ Ἀθανάσιος, ὅτι ἔδει τῶν κατὰ αὐτὸν ἔτος παρανόμως, ἢ ὡς τὰ ἐκκλησιαστικὸν κανόνα γενέσθαι, αἰτ' ἐπ' αὐτῆς τῆ ἐκκλησίας, ἀπ' αὐτῆς δὲ ἱερατεῖς, ἀπ' αὐτῆς δὲ κλήρα τὰς ἐν τῇ ἐπαρχίᾳ ἑπισκόπους καταστήσῃ, ἢ μὴ νῦν τὰς ἀπὸ τῶν Ἀποστόλων κανόνας παραλύεσθαι. Illic oportere ait, ut Episcopi nequaquam ex iis constituantur qui *Canones Apostolorum violant*: hic, ut in Episcopi creatione *Canones Apostolorum non violentur*. Sed quod ad rem nostram spectat, eodem redit: utrobique enim *Canones Apostolorum* memorantur, utrobique Gregorium, qui in S. Athanasii locum suffectus est, eos violasse, ejusque ordinationem contra eos factam fuisse asseritur. Quo quidem nihil verius esse potuit. Multi enim è Canonibus Apostolorum à Gregorio in ipsius ordinatione violati sunt. Primo enim is principum secularium ope nomen & dignitatem Episcopalem adeptus est. Unde S. Athanasius eum vocat Γρηγόριον τὸν ἀπὸ βασιλέως ἀποσταλέντα, *Gregorium per Imperatorem missum*, viz. Alexandriam. Athan. ep. ad solit. vit. agentes. Et paulo post de eodem verba faciens, eum affirmat neque secundum *Ecclesiasticum Canonem* creatum fuisse, neque pro *Apostolicâ traditione* nomen Episcopi obtinuisse, sed ex palatio cum militari manu, & magnificâ pompâ missum esse, non aliter quam si secularis magistratus ei demandatus fuisset. Hæc autem ratione Canones Apostolorum pessimè violati sunt; ut quorum tricesimus aperte vetat, ne quis Episcopus κοσμικῶς ἀρχεῖσι χρησάμενος δι' αὐτῶν ἐγκρατὴς ἐκκλησίας γένηται, *secularibus principibus usus per eos Ecclesiam adipiscatur*: eumque qui tali modo factus est Episcopus, unâ cum omnibus, qui illi communicant, depositioni pariter atque excommunicationi subjicit. Præterea Canones Apostolorum præcipiunt, ne Episcopi suos extra fines, aut in locis sibi non subjectis ordinationes faciant: ideoque ut omnes ordinationes eo loci, vel istos intra fines celebrentur, ubi ordinati munera sua obire debent. Can. Apost. XXXV. At Gregorius non in urbe Alexandriâ, cujus Episcopatum invasit, sed in urbe Antiochenâ triginta sex mansionibus ab Alexandriâ distante, & in alienâ constitutâ Diœcesi creatus est, ut ipse Julius in Epistolâ superius laudatâ sæpe affirmat: Ac proinde ordinationo ejus contra Canones Apostolorum facta est. Quinetiam Julius verbis supra allatis Gregorium non è Sacerdotali ordine electum esse, sed priusquam in quovis Sacerdotii gradu specimen sui ediderat, ad Episcopalem

58 ARGUMENTA PRO CANONIBUS APOST.

lem dignitatem evectum queritur. Quod diserte prohibetur Canone Apost. LXXX. hâc etiam adhibitâ ratione, quod ἀδικόν ἐστι τὸν μηδέπω πείραν ἐνδεξάμενον, ἐτέρων εἶναι διδάσκαλον, *iniquum est ut qui sui nondum experimentum ostenderit, aliorum magister fiat.* Unde patet Julium non sine causâ conquestum esse, Canones Apostolorum in Gregorii ordinatione violatos fuisse. Ubi etiam observetur velim, hos Canones non modo *Apostolicos*, sed & *Apostolorum* hic à Julio vocatos esse, quo quidem nomine nulli unquam Canones dignati sunt, præter eos solos de quibus modo agimus.

V. Adhæc quarto æræ Christianæ seculo nondum elapso, anno scilicet Dom. CCCXCIV. Concilium provinciale Constantinopoli celebratum est, ad dijudicandam causam inter Bagadium & Agapium controversam, utroque Episcopatum Bostræ sibi vindicante. Nimirum Bagadius Bostrensis Episcopus, ob nescio quas causas, à duobus Episcopis paulo ante depositus fuerat, & Agapius in Episcopatum ejus ordinatus. Bagadius itaque causam suam ad Concilium Constantinopolitanum refert: ubi quæsitum est ab Arabiano Ancyræ Episcopo, utrum Episcopus de criminibus quibusvis accusatus à duobus Episcopis jure deponatur; Hac quæstione paucis agitâtâ, à Nectario Episcopo CP. & à Synodo tunc temporis sub eo habitâ decretum est, *μη̄ χεῖναι πρὸς τὸ ἐξῆς μηδὲ ὡς τριῶν, μή τοιγε ὡς δύο τὸν ὑπεύθυνον δοκιμαζόμενον καθαιρεῖσθαι, ἀλλὰ ὅς πλείονος σωδὸς ψήφῳ, ἢ τῶν ἑπαρχίας, καθὼς καὶ οἱ Ἀποστολικοὶ κανόνες διωρίζονται.* Non licere in posterum nec à tribus, nedum à duobus, *eum qui reus examinatur deponi, sed majoris Synodi & Provincia Episcoporum sententiâ, sicut etiam Apostolici Canones definierunt.* Extant Acta hujus Concilii in Pandectis Canonum, ad calcem tomi primi, statim post Canones Concilii Carthaginensis. Ubi etiam observandum est, Arabianum Ancyræ Episcopum primo proposuisse, ut à Synodo ediceretur, non licere Episcopum à duobus vel ordinari vel deponi ἀκολούθως τῇ ἐν νικαίᾳ σωδῶ, *juxta Nicanam Synodum.* Sed Theophilus Alexandrinus in eâ potius fuit sententiâ, ut Episcopus non nisi ab omnibus comprovincialibus deponatur. Huic itaque opinioni suffragatus est Nectarius CP. eamque Canonum Apostolicorum autoritate confirmat, καθὼς, inquit, ἢ οἱ Ἀποστολικοὶ κανόνες διωρίζονται. Ac tota deinde Synodus in hanc sententiam consensit, ut Episcopus scilicet non nisi à provincialium Episcoporum Synodo deponatur, juxta quod in *Canonibus Apostolicis* definitum est. Unde consequitur & Nectario & toti Synodo sub eo habitæ cognitæ fuisse istam Canonum Apostolicorum syllogen, quâ hoc definitum fuit. Neque enim unum aliquem citant Canonem, sed *Canones Apostolicos* in genere, ac proinde totam illam collectionem, quâ Canones ita vocati continentur. Quod autem in Canonibus Apostolicis hic definitum dicitur, in septuagesimo quarto nostrorum Canonum habetur, quo cautum est, ut Episcopus à viris fide dignis ob aliquid accusatus, ab Episcopis, Provinciae scilicet, vocetur: & si vocatus non paruerit, secundo atque etiam tertio citetur, missis ad eum duobus Episcopis: Si autem & post tertiam citationem se contumax non stiterit, Synodus ea quæ ipsi videntur, adversus eum.

eum pronunciet, εἰς τὴν καὶ ἔτι, inquit Canon, καταφρονήσεις μὴ ἀπαντήσῃ, ἢ συνόδοις ἀποφανέσθω κατ' αὐτῶν τοὺς δοκῶντες. Cum hoc itaque Apostolico Canone aperte adeo decernatur, Episcopum à viris fide dignis accusatum à Synodo Episcoporum judicandum esse, & si ipsis ita visum fuerit, deponendum, nihil dubii esse potest, quin Synodus Constantinopolitana ad ipsummet respexerit, ubi idem decernens, addit, καθὼς καὶ οἱ Ἀποστολικοὶ κανόνες διωρίζονται. Unde etiam satis superque constat, totam hanc Canonum Apostolicorum syllogen, cujus ad calcem penè hic citatus collocatur, omnibus tunc temporis in Synodo istâ congregatis Episcopis innotuisse. Quam etiam quamque celebres doctique viri Synodum istam celebrabant? Nestorius CP. Theophilus Alexandrinus, Flavianus Antiochenus, Palladius Cæsareæ Cappadociæ, Gelasius Cæsareæ Palestinæ, Gregorius Nyssenus, Amphilocheus Iconii, alique complures celeberrimique Episcopi ex toto Oriente in Synodo istâ conveniebant. Ut nullum unquam provinciale Concilium à pluribus illustrioribusve viris celebratum videatur. His tamen omnibus *Canones Apostolici* non modo noti, verumetiam tantæ apud eos autoritatis fuerunt, ut decretum à se editum ex ipsis confirmarint, ipsique Episcopum non nisi à Synodo Episcoporum deponendum esse statuerint, eo quod in *Canonibus Apostolicis* ita definitum esset. Quod quidem summam horum Canonum antiquitatem pariter atque autoritatem egregie evincit.

VI. Verum ne hic Codex Canonum Ecclesiæ Primitivæ Oecumenici Concilii autoritate destitutus videatur, Concilium Ephesinum, ex Oecumenicis tertium An. Dom. CCCXXXI. habitum, suum illi testimonium tribuit. Septimâ enim Actione istius Concilii Rhëginus Episcopus Ecclesiæ apud Constantiam Cypri, reliquorum istius insulæ Episcoporum nomine, libellum Patribus in Synodo congregatis obtulit, quo conquestus est, Episcopum Clerumque Antiochenum voluisse *ut cogere & subicere sibi Episcopos insulæ Cypri, contra Apostolicos Canones, & definitiones sanctissimæ Nicænæ Synodi.* Enimvero Insula Cyprus Ecclesiæ Antiochenæ nunquam antea subiecta fuerat: Istis autem diebus Episcopus Antiochenus Episcopos in istâ insulâ ordinandi potestatem sibi vendicabat. Hoc Rhëginus, reliquique cum eo Cyprii Episcopi & contra *Canones Apostolicos*, & contra definitiones Synodi Nicænæ esse affirmabant: Canonibus Apostolicis, ut videre est, ante Nicænos memoratis: Quod quidem haud fecissent, nisi eos ante hosce conditos editosque fuisse persuasum habuissent. Hinc porro rationem ab iis adhibitam Synodus non tantum approbavit, sed & singulare eorum gratiâ decretum edidit, sic incipiens, Περίγραμμα πρὸς τὰς ἐκκλησιαστικὰς θροῦνας καὶ κανόνας τῶν ἀγίων πατέρων καινοτομήμενον, καὶ τῶν πάντων ἐλευθερίας ἀπὸ μύθου, προσηύγειλεν ὁ θεοφιλέστατος συνεπίσκοπος Ἰερών, Rem præter Ecclesiasticas constitutiones, & Sanctorum Patrum Canones innovatam, & omnium libertatem attingentem, annuntiavit piissimus Coepiscopus Rhëginus. Sic in vulgato decreti hujus textu legitur. Sed ad marginem græcæ cujusque editionis pro πατέρων notatur ἀποστόλων legendum esse, ad hunc modum,

Πρόγμα πρὸς τὰς ἐκκλησιαστικὰς θesmὰς καὶ κανόνας τῶν ἁγίων Ἀποστόλων. Sic etiam in omnibus tam Zonaræ quam Balsamonis Codicibus seorsim editis legitur, necnon in editione Canonum ab Eliâ Ehingero Augustano elaboratâ. Ut nihil dubii esse possit, quin nonnulli Codices MSS. ita legerint. Sed communior, & ut mihi quidem videtur, verior hujus loci lectio est illa quam primam exhibuimus. Hoc enim decretum libello ab Episcopis Cypriis oblato, qui ei condendo materiam dedit, haud dubie accommodatum est. Quod autem in decreto contra Ecclesiasticas Constitutiones & Canones S. Patrum innovatum dicitur, idem in libello contra Apostolicos Canones, & definitiones Synodi Nicænæ fuisse asseritur. Quocirca ut per Canones S. Patrum definitiones Synodi Nicænæ, sic per Ecclesiasticas Constitutiones Canones Apostolici intelligendi sunt, quos Ecclesiasticos æque ac Apostolicos vocitari ante observatum est. Quorsum etiam Ecclesiasticæ Constitutiones Canonibus S. Patrum, Nicænorum videlicet, hic præpourentur, nisi iidem essent atque Apostolici Canones longe ante Nicænos constituti? Quod autem hoc in loco contra Apostolicos Canones, sive Ecclesiasticas Constitutiones innovari dicitur, idem diserte prohibetur Canone Apost. XXXV. cavente, ne Episcopus extra suos fines, in urbibus aut pagis sibi non subiectis ordinationes celebrare audeat. Verba Canonis sunt, ἐπίσκοπον μὴ πολυᾶν ἔξω τῶν αὐτῶν ὄρων χειροτονίας ποιῆσθαι εἰς τὰς μὴ ἐποικειμένας αὐτῷ πόλεις ἢ χώρας. Eos insuper qui hanc constitutionem violant, deponi jubet. Quapropter cùm Episcopus Antiochenus Episcopales in insulâ Cypro sibi non subiectâ ordinationes facere attentârat, Hoc Episcopi illius insulæ Synodusque universalis contra Canonem istum Apostolicum esse rectissime judicarunt, atque ita luculentissimum hisce Canonibus testimonium perhibuerunt.

VII. His denique à Patribus Conciliisque petitis pro Canonum Apostolicorum vetustate testimoniis, aliud adhuc advocare licet, omni, reliquorum ad instar, exceptione majus: Theodosii nimirum Imperatoris, qui quinto nondum adulto seculo legem adversus Nestorianos aliosque tulit, cuius meminit partimque recitat Evagrius Hist. Eccles. lib. 1. cap. 12. totaque à Justiniano in primum Codicis titulum referri meruit. In hac autem lege Imperator hæc habet, *ut autem omnes reipsâ discant, quantum nostra divinitas averteretur eos qui impiam Nestorii fidem adsecutant, præcipimus Irenæum dudum ob hanc causam nostræ indignationi suppositum, & postea, nescimus quomodo, post binas nuptias ut didicimus, præter Apostolicos Canones, Tyriorum civitatis Episcopum factum, ex Tyriorum quidem Ecclesiâ dejici. L. 3. C. de summâ Trinitate.* In hisce verbis nemo non videt, primo Canones Apostolicos verbis conceptis memoratos, deinde Imperatorem asseverantem Irenæum præter istos Canones creatum fuisse Episcopum, eò quod binis nuptiis implicitus fuisset, & postremo eum propterea Episcopatu dejectum esse: ac proinde hos Canones tantæ istis diebus autoritatis fuisse, ut Ecclesia per eos administrata, & ipsi Episcopi iis subiecti essent. Imperator autem singularem aliquem Canonem, nequaquam citat, sed generatim *Canones Apostoli-*

E TESTIMONIO THEODOSII IMP. 61

eos sive totam istorum qui *Apostolici* antiquitùs dicti fuerunt, Canonum collectionem. Quorum scilicet decimus septimus hæc totidem verbis habet, ὁ δὲ διὰ τὸν γάμον συμπλακὴς μετὰ τὸ βάπτισμα, ἢ παλλακῶ κληρόμενος, ἢ διώα-
τι εἶναι ἐπίσκοπος, ἢ πρεσβύτερος, ἢ διάκονος, ἢ ὅλως ἔκ καὶ αὐτοῦ ἔκ
ἱεροῦ κτλ. *Qui duobus post baptismum coniugiis implicitus fuerit, vel habuerit*
concupinam, non potest esse Episcopus, aut Presbyter, aut Diaconus, vel om-
nino ex numero Sacerdotali. Ad hunc itaque Canonem Imperator in istâ
lege procul omni dubio respexit, cum Irenæum post binas nuptias præter
Canones Apostolicos factum fuisse Episcopum affirmavit, quemadmodum
& Dionysius Gothofredus J. C. in notis ad hanc legem Theodosianam in
Codicem relatum rectè observavit. Neque enim alii præter eos, quos ho-
die sub eo nomine vulgatos habemus, *Apostolici* unquam dicti fuerunt Ca-
nones. Et idcirco quicumque hosce Canones Imperatori Theodosio & Ec-
clesiæ tunc temporis in oriente militanti incognitos esse opinatus fuerit, is
legem istam è Codice prius expungat necesse est, quam nos, vel alium
quemlibet ad suam opinionem trahat. Quamdiu enim hæc lex à Theodosio
lata, in Codice Justiniani lecta fuerit, nemini dubium erit, quin *Canones*
Apostolici diserte adeo in eâ laudati, istis diebus, hoc est ante quintum adul-
tum seculum, in Ecclesiâ, orientali saltem, obtinuerint.

C A P U T VII.

Synopsis.

- | | |
|---|---|
| <p>I. <i>Testimonia hætenus allata Canonum Apost. antiquitatem satis probant: utpote quibus nihil desideratur. Etiam si unus & alter sufficerent, nos multos testes adduximus.</i></p> <p>II. <i>Testes à nobis adducti non obscuri fuerunt viri, sed celeberrimi ex Imperatoribus, Patribus & Conciliis.</i></p> | <p>III. <i>Omnia ex iis recitata de antiquis Canonibus testimonia, in Apostolicis una perspicue inveniuntur.</i></p> <p>IV. <i>Nonnulli ex antiquis à nobis adductis testibus Canones hosce Apostolicos & Apostolorum diserte vocarunt. Quod summam eorum antiquitatem evincit.</i></p> |
|---|---|

I. **Q**UI ea quæ hætenus de Canonum Apostolicorum antiquitate adduximus veterum testimonia, ea, qua par est, animi libertate expendit, nullus dubitare potest, quin Canones isti longe ante An. Dom. CCCCLI. & sanciti fuerint & publicati, contra ac Cl. V. Joannes Dallæus opinatus est. Hoc enim è testimoniis à nobis allatis luculentè constat, utpote quibus nihil desideratur, quod in quibuscvis exigi potest testimoniis, ut fidem plenissimam faciant: sive numerum, sive auctoritatem testium, sive ipsorum denique testimoniorum perspicuitatem spectemus. Primo enim

etiam si juxta leges tam sacras quam civiles, rei cuilibet comprobandæ duo testes sufficiant, nos tamen quam plurimos adhibuimus, qui quarto quintoque nondum adulto seculo suum dictis Canonibus testimonium tribuerunt, eos nunc sub *Ecclesiasticorum*, aliàs sub *Apostolicorum* nomine laudantes, & in definiendâ veteris Ecclesiæ disciplinâ constanter usitantes, & aliarum subinde synodorum autoritate confirmantes. Usque adeo ut nullus unquam tam brevis curtusque libellus tot testes habuerit, ac laudatores; parum enim abest, quin dimidia pars Canonum in istum collectorum, ab antiquis istis Patribus, quorum verba à nobis recitata sunt, vel expressè laudata fuerit, vel dilucidè indicata. Quod si omnia quæ istis scripta sunt seculis commentaria hodie extarent, nosque, qui veremur ne ex iis etiam quæ extant, multa omiserimus, ex iis omnibus omnia colligere possemus testimonia, quæ Canonum horum antiquitati lucem ferrent, numero eorum à nobis hic congesto, longe major haud dubie accessio fieret. Sed ipse sane non video quid pluribus opus sit: cum nostræ hæc in controversiâ opinionis veritas abunde satis compareat, si vel unum è plurimis istis quæ citavimus testimonium admittatur. Si Canones enim Apostolici ante quantum adultum seculum vel semel citati sint, hoc eos ante tempus sanctioni eorum à Dallæo assignatum, sancitos fuisse perspicuè satis demonstraret. E præmissis autem patet eos non semel, sed sæpissime, nec à singularibus modo Patribus, verum etiam à numerosis eorum cohortibus in unum congregatis ante istud tempus laudatos fuisse, adeo ut infinitus penè sit eorum numerus, qui vel seorsim, vel in Conciliis Canonibus hisce attestati sunt.

II. Verum quantus quantus sit eorum numerus, quos testes hæc in re adduximus, singulorum autoritas haud minor censenda est. Neque enim tenebrionis cujusslibet, vel nullius aut obscuræ famæ scriptoris testimonia collegimus, sed eorum duntaxat, qui summi nominis ac dignitatis in Ecclesiâ semper fuerunt. Quinam enim celebriores unquam præfederunt Patres, quam Alexander Alexandrinus, Athanasius, Basilus M. & Julius P. R.? Quinam Augustiores unquam rerum potiti sunt Imperatores, quam Constantinus Magnus & Theodosius Secundus? Quænam Concilia Oecumenica illustrioribus unquam celebrata fuerunt laudibus, quam Nicænum primum, Ephesinum & Chalcedonense? Quod si de provincialibus loquamur Conciliis, Gangrense, Antiochenum, Carthaginense & Constantinopolitanum, à nobis laudata, cum quibusvis aliis alibi celebratis de autoritate contendunt. Verum illi tam Patres quam Imperatores, unâ cum Conciliis Oecumenicis pariter atque provincialibus à nobis memoratis, ubi occasio id postulabat, omnes de hisce Canonibus meminerunt. Atqui nec eos omnes, nec quempiam eorum latere potuit, quinam in Ecclesiâ Canones, suis cujusque diebus, obtinerent. Per eos enim Ecclesias sibi commissas administrarunt. Proinde quos illi Ecclesiasticos citarunt Canones, eo ipso nomine & extitisse, & ab Ecclesiâ tunc temporis receptos fuisse certum est. Adeo ut in controversiâ cujusvis naturam nequaquam cadat, ut per magis idoneos, aut fide digniores testes determinetur, quam quales à nobis in hæc disputatione ad partes nostras vocati sunt.

III. Quod denique ad ipsa spectat testimonia à nobis allata, ea etiam adeo perspicua sunt, & causæ, quam agimus, probandæ appositæ, ut ampliora neutiquam desiderari possint. Hoc in singulis recitandis satis manifestum fecimus, ut non opus sit iis sigillatim hic immoremur. De omnibus autem observare licet, Canones quam plurimos in iis commemoratos esse, qui ad nullum omnino præterquam ad Apostolicorum Codicem referri possunt, ac propterea ex eo istos omnes laudatos fuisse pro certissimo habeamus. Omnem enim excedit fidem, ut tot Canones Ecclesiastici ab antiquis istis Patribus, Imperatoribus, synodisque citati in uno illo Codice etiamnum invenirentur, nisi ex eodem prius citati fuissent. Et præterea, Testimonia à nobis allata Canones tantum in genere vel Canones Ecclesiasticos aut Apostolicos ubique laudant, nullâ synodi cujusvis aut Patris, à quo conditi fuerunt, inducta mentione, quæ quidem haud omiſsa fuisset, si constitisset unde Canones isti originem traxerint. Ut si à Concilio quovis post hominum memoriam celebrato sanciti fuissent, istud haud dubie Concilium alicubi saltem nominatum esset, quemadmodum in Nicænâ, aliarumque synodorum Canonibus citandis, ut cuique notum est, usu venit. Hic autem contrarium prorsus videre est. Nullo enim indicato Concilio, Canones tantum antiqui, Ecclesiastici, aut Apostolici laudantur: non secus ac in Codice Canonum Ecclesiæ universæ à synodo Chalcedonenſi recitando. Cum omnes enim diversarum synodorum Canones in unum istum Codicem compacti fuissent, tum demum non particularis cujusvis synodi, sed Codicis duntaxat illius Canones à dicto universali Concilio generatim citatos legimus. Ad eundem modum cum hic Codex Canonum Ecclesiæ primitivæ ex multis anteaſtarum synodorum Canonibus compositus, editusque esset, prætermiſſis, vel potius oblivione obrutis, antiquis istis, à quibus constituti fuerant, Conciliis, qui postea vixerunt, Canones hosce sub generalibus tantum nominibus citare consueverunt. Hoc autem ex eo tantum usu venire potuit, quod hi Canones multis ante annis non modo conditi, sed & in unum corpus collecti fuerant: quod quidem totum intelligendum est, ubi non singularis aliquis Canon, sed numero plurali *Canones* commemorantur. Ista enim loquendi formula corpus aliquod vel collectionem Canonum ubique significat: ac istis propterea veterum testimoniis ad hanc à nobis dirimendam controversiam adductis, quibus plurimi citantur Canones, qui omnes in Apostolicorum Codice, eoque solo unâ inveniuntur, totus hic Codex Canonum Ecclesiæ primitivæ clarissimè demonstratur.

IV. Quin hæc etiam addi potest, quod in testimoniis superius recitatis Canones isti, quorum partes hic sustinemus, non modo Ecclesiastici, quo nomine eos antiquitus nuncupatos fuisse ante ostendimus, verum & disertis verbis *Apostolici* & *Apostolorum* Canones vocitentur. Isto autem nomine nullos unquam Canones notatos legimus, præter eos qui hodie istud præ se ferunt. Quos propterea solos intelligamus necesse est, ubicunque *Canones Apostolorum* laudati sunt. Quosdam autem Canones ab antiquis, qui ante An. Dom. CCCCLI. claruerunt, Patribus sub isto nomine laudatos esse,

esse, eisdemque cum nostris ad amussim convenire, fusius à nobis ante demonstratum est. Unde validissimum exurgit argumentum, hos Canones non modo istis cognitos fuisse Patribus, sed & multis ante annis constitutos, eo quod istis etiam diebus vetusti adeo habiti essent, ut S. Apostolorum nomen sibi inscriptum habere mererentur. Nihil enim magis incredibile esse potest, quam ut Canones Ecclesiastici eodem seculo & constituti essent, & à tot eruditis viris S. Apostolorum titulo simul insigniti. Quin potius ex eo quod hi Canones quarto quintoque post Christi nativitatem seculo Apostolici & Apostolorum dicti fuerunt, summâ quispiam ratione inferat, eos aliquot retro seculis conditos fuisse, & Apostolorum nomine propterea donatos, quod à viri Apostolicis traditi crederentur. Quæ cum ita sint, jure meritiſſimo concludamus, nullum Ecclesiæ primitivæ monumentum gravioribus inniti testimoniis quam hunc Canonum Apostolicorum Codicem; adeo ut qui istos quarti quintive seculi Patribus cognitos fuisse neget, idem eodem halitu, nec minori affirmet ratione, nihil ab istorum seculorum Patribus, synodisve laudatum, ipsis cognitum fuisse, à quibus diserte laudatum est.

C A P U T V I I I.

Synopsis.

- | | |
|--|--|
| <p>I. <i>Canones Apost. sexto ineunte seculo vulgo noti erant.</i></p> <p>II. <i>Dionysius Exiguus initio istius seculi L. priores Apost. Canones latine reddidit, suumque de iis testimonium dedit.</i></p> <p>III. <i>Iisdem diebus Joh. Antiochenus hos Canones & sua Canonum collectioni & nomocanoni inseruit, eosque reliquis anteposuit. Hinc probatur hos Canones Codici Canonum Ecclesiæ orientalis tunc temporis prefixos fuisse, & quidem sub Apostolorum nomine.</i></p> <p>IV. <i>Codex Canonum Ecclesiæ orientalis Canonibus Apost. longe ante Joh. Antiochenum premunitus fuit: quod ex ipsius verbis ostenditur.</i></p> | <p>V. <i>Eodem tempore ipse Justinianus Imperator horum ut ab Apostolis traditorum Canonum meminit, eosque confirmavit.</i></p> <p>VI. <i>Ex ejusdem Imperatoris verbis hos Canones longe ante istud seculum conditos fuisse evincitur.</i></p> <p>VII. <i>Ab istis demum temporibus Canones Apost. unum cum synodalibus Codicem constituerunt, à Synodo Trullanâ confirmatum, & ab eo usque in oriente obtinentem.</i></p> <p>VIII. <i>Secunda Nicæna Synodus, & Ecclesiæ orientalis synodum istam Trullanam, à quâ confirmati sunt hi Canones, universalem esse judicavit.</i></p> |
|--|--|

I. **U**T probatum omnibus daremus, Canones Apostolorum sancitos, divulgatos, vulgoque cognitos fuisse ante quintum adultum seculum, eorum tantum testimonia hucusque adhibuimus, qui ante

An.Dom.

An. Dom. CCCCLI. in Ecclesiâ claruerunt : E quibus , ut ostendimus , dictos Canones istis etiam diebus sæpe laudatos fuisse , ac proinde plurimis in notitiam venisse , satis superque constat. Quod si demonstremus insuper hosce Canones proximo post seculo , sexto videlicet ineunte , eodem ordine ac numero quo hodie circumferuntur , editos fuisse & divulgatos , nihil prorsus ad plenissimam opinionem nostræ fidem faciendam superesse potest. Si ipse enim Canonum Apostolicorum Codex , quem hic tuemur , mox post quinti seculi exitum doctorum manibus passim tritus fuerit , quis in posterum dubitabit , quin quinto currente seculo extiterit , Canonesque à Patribus laudati , ex eodem , quo solo inveniuntur , Codice citati fuerint ?

II. Ut hoc autem probatum eamus , in mentem primo revocemus oportet , Dionysium cognomento Exiguum , re vera autem magnum , doctissimumque virum , æræ Christianæ conditorem , Codicem Canonum Ecclesiæ universæ de Græco in Latinum sermonem eleganter transtulisse anno æræ à se excogitatæ plus minus quingentesimo. Hic autem Codici isti majorem etiam Canonum Apost. partem , quinquaginta scilicet , latine itidem à se redditos , ac eodem ordine quo hodie digestos , præfixit. Et in Epistolâ ad Stephanum Episcopum Salonitanum , omnibus à se translatis Canonibus præmissâ , hæc de Apostolicis præfatus est. *In principio itaque Canones , qui dicuntur Apostolorum , de Græco transtulimus , quibus quia plurimi consensum non præbuere facilem , hoc ipsum vestram nolimus ignorare sanctitatem. Quamvis postea quadam constituta pontificum ex ipsis Canonibus adsumpta esse videantur.* E quibus verbis multa opinioni nostræ dilucidandæ observare licet. Primo enim hinc patet hos Canones græcè extitisse , & S. Apostolorum nomine decoratos esse ante Dionysii ætatem , sive ante An. Dom. D. & tantæ insuper apud ipsum Dionysium autoritatis fuisse , ut eosdem non modo in Latium una cum Synodorum Canonibus transferret , verum & aliis omnibus anteponeret. Quod quidem haud fecisset , nisi eos ante Nicænos reliquosque Ecclesiæ universæ Canones constitutos judicasset. Sed *plurimi* , inquit , *consensum iis non præbuere facilem* , hoc est non facile crediderunt , eos ab ipsis Apostolis , quorum nomen præferebant , sancitos esse. Nonnulli itaque tantæ eos istis etiam diebus antiquitatis fuisse opinati sunt , ut Apostolicæ institutioni adscribendos esse censerent. Quibus quidem alii consensum non præbuere facilem , quoniam idonea non suppeterent argumenta , quibus in istam opinionem ducerentur. Nulli autem eos nudiustertius editos credebant. Si qui tales enim extitissent , hoc etiam Dionysius Stephanum haud dubie admonuisset. Is autem neminem indigitat , qui hos Canones ab ipsis Apostolis conditos fuisse diserte negabat , nedum qui eos (cum Dal-læo) ante An. Dom. CCCCLI. hoc est ante hominum tunc viventium memoriam non extitisse affirmare audebat. A quâ quidem opinione ipse Dionysius usque adeo abhorruit , ut in eorum potius numero esse videatur , qui facilem iis consensum præbuerunt. Ipsi enim quædam Pontificum Romanorum constituta ex iis adsumpta fuisse videntur. Quod clarissimè saltem evincit Dionysium in eâ fuisse sententiâ , quod Canones Apostolici

I

tantæ

66 ARGUMENTA PRO CANONIBUS APOST.

tantæ vetustatis pariter atque autoritatis in Ecclesiâ fuerant, ut Romani superiorum seculorum pontifices sua ex ipsis decreta adsumere potuissent. Quod quidem fieri non potuit, si nondum extarent, nec licuit, si nullius in Ecclesiâ momenti essent. Quantum itaque ad L. priores è Canonibus Apostolorum spectat, ipsum Dionysium Exiguum nobis habemus suffragantem, eos longe ante ipsius ætatem, ideoque ante An. Dom. CCCCLI. conditos fuisse & collectos. Neque enim credibile est tantum, tamque eruditum virum in istis latine vertendis laborare voluisse, nisi eosdem multis ante annis constitutos fuisse, & passim in Ecclesiâ obtinuisse pro certissimo habuisset. Quare autem solos L. priores & non item reliquos latine reddiderit, incertum est. Nobis sanè mutilum eorum exemplar nactus videtur. Omnes enim LXXXV. ejus ætate græcè extitisse æque certum est ac L. ab illo latinè translatos fuisse, ut modo ostensuri sumus.

III. Justiniano enim, sub quo Dionysius Exiguus claruit, & cyclum Paschalem composuit, imperante, Johannes cognomento Scholasticus ad thronum CP. Eutychio expulso, promotus est: qui Antiochiâ oriundus, Antiochenus propterea dictus fuit, ut Scholasticus, quod in foro causarum advocatus esset, cujus meminit Evagrius, hist. Eccl. lib. 4. cap. 38. Hic itaque in causis Ecclesiasticis pariter ac civilibus agendis exercitatus, ut suæ aliorumque memoriæ subsidium pararet, omnes Canones Ecclesiasticos, qui tunc temporis in Ecclesiâ orientali obtinebant, in quinquaginta titulos distribuit, cuique titulo eos assignans Canones, qui de eadem vel simili re sanciti fuerant. Priusquam autem opus aggressus est, numerum recenset Canonum, quos isthoc modo distribuere susceperat. Primo autem loco Canones Apostolorum LXXXV. ponit, his verbis, οἱ μὲν ἅγιοι τῶ κυρίου μαθηταὶ ἢ ἀπόστολοι ὀγδοήκοντα πέντε καὶ Κλήμησις κανόνας ἐξέθεντο, *Sancti quidem Domini discipuli & Apostoli octoginta quinque Canones per Clementem ediderunt.* Deinde numerat synodi Nicænæ Canones XX. Antiochenæ XXV. Laodicensis LIX. Sardicensis XXI. Gangrensis XX. Ancyranæ XXV. Neocæsariensis XIV. Constantinopolitanæ VI. Ephesinæ VII. Chalcedonenfis XXVII. & S. Basilii LXVIII. Ex his itaque Canonibus Codex Canonum Ecclesiæ orientalis istis temporibus procul omni dubio constabat. Alioquin enim frustra collecti fuissent. Tantum autem causarum patronum latere non potuit, quinam Canones in desuetudinem abiissent, & quinam vim suam ac vigorem adhuc retinerent, utpote qui in iis recitandis quotidie occupatus esset. Ac proinde quos ille collegit Canones Ecclesiasticos in Ecclesiâ tunc dierum obtinuisse, extra dubium est. Verumenimvero in ordine Canonum quos ille collegit, Apostolici non modo recensentur, sed & primum locum tenent. Quid ita, nisi quod hi ante Nicænæ reliquarumque synodorum Canones editi crederentur? Quinetiam in ipsâ Canonum Collectione omnes Canones Apostolici usque ad ipsum LXXXV. unâ cum synodalibus commiscentur, indicato insuper ordine ac numero quem singuli in Codice horum Ecclesiæ primitivæ Canonum etiamnum obtinent. Unde firmissimum extruitur argumentum, quo opinio nostra de hisce Canonibus omni

omni exceptione superior stabilitur. Hinc enim constat omnes hosce LXXXV. Canones, qui S. Apostolorum nomen hodie sibi inscriptum habent, eodem plusquam mille abhinc annis titulo insignitos fuisse, & tanti præterea sexto currente seculo in Ecclesiâ orientali habitos, ut ipsi Codici Canonum Ecclesiæ universæ, non annecti solummodo, sed præponi etiam mererentur: adeo ut novus iste Codex Canonum istis diebus hoc veteri auctus fuerit & præmunitus. Hoc enim ex eo conficitur, quod Johannes cum adhuc Antiochenus & Scholasticus dicebatur, adeoque priusquam Patriarcha Constantinopolitanus à Justiniano renunciatus est, cum omnes Canones, qui tunc dierum in foro Ecclesiastico obtinebant, ad L. titulos reducere suscepisset, omnes hosce S. Apostolorum Canones in collectione suâ inter alios à synodis recentioribus sancitos interferuit, atque etiam in præfatione, ubi totum Codicem Canonum tunc obtinentem describit, hosce Apostolicos aliis quibuscunque anteposuit. Eo nimirum quod in istis, quibus ille usus est, Codicibus ita dispositos invenit. Neque enim ille Codicem, cujus Canones distribuit, primus composuisse, vel quosvis ei Canones addidisse censeatur. Hoc nec singulari cuilibet judici, nedum Scholastico, sive advocato, licuit. Proinde quos ille in L. titulos distribuit Canones in Codice longe antea compactos fuisse, eodemque quem ille describit ordine digestos, extra controversiam est. Is autem, ut ante observatum est, Justiniano imperante ad sedem CP. evectus est, longo post tempore quam Canonum collectionem composuerat. Justinianus imperare cœpit anno æræ Christianæ DXXVI. Ergo istis circiter temporibus hanc Canonum collectionem in lucem prodiiisse certum est. Codex autem Canonum multis ante annis proculdubio constitutus fuit, quam à Johanne Antiocheno in isthanc formam distributus. Nihil autem veri dissimilius esse potest, quam ut Canones quivis, & quidem sub S. Apostolorum nomine, in Codicem Canonum Ecclesiæ universæ reciperentur, nisi inter omnes constitisset eos ab Ecclesiâ sub isthoc nomine perdiu receptos fuisse. Quapropter cùm hi Canones, ut patet, diu ante An. Dom. DXXVI. ipsi etiam Codici Canonum ab Ecclesiâ receptorum, non tantum inserti sed prætexti fuerint, nihil dubii superesse potest, quin aliquot ante seculis vulgo cogniti, & ab omnibus approbati fuissent. Eos autem adhuc censere, non ante An. Dom. CCCCLI. publicatos fuisse, usque adeo absurdum est, ut qui illud credat, non ratione sed præsumptâ sui opinione ducatur necesse est.

IV. Verum Johannes Antiochenus aliud adhuc, illudque invictissimum nobis suppeditat argumentum, quo Canones Apostolicos longe ante ipsius ætatem ab Ecclesiâ celebratos, & Codici Canonum Ecclesiæ universæ conexos fuisse demonstramus. Enimvero is in præfatione ad suam Canonum collectionem, postquam lectorem certiore fecit quidnam in isto concinnando opere sibi proposuerat, addit subinde se nec solum fuisse nec primum hujusmodi operis conditorem, sed alios invenisse, qui Canonibus Ecclesiasticis eandem fere in formam colligendis operam impenderant. Verba ejus dignissima sunt quæ observentur. Sic ergo habent. Οὐκ αὐτοὶ τὰ το μόνον

68 ARGUMENTA PRO CANONIBUS APOST.

καὶ πρῶτοι τῶν ἄλλων ποιῆσαι ὀρμήσαντες, ἀλλ' ἐπὶ εὐρόντες ταῦτα διελόντας εἰς
 πτῆλεις ἐξήκοντα, καὶ μήτε τὰς τῆς Ἁγίας Βασιλείας κανόνας τοῖς ἄλλοις ὁπισσωά-
 ψαντας, μήτε δὲ ὅμοια τοῖς ὁμοίοις, ὥς ἔδει, περὶ γράματα συναρμόσαν-
 τας. *Cum non ipsi soli & primi inter ceteros ad hoc faciendum incitati fuerimus,*
sed alios comperiremus ea in titulos sexaginta distribuisse, ac neque S. Basilii Ca-
nones cum aliis conjunxisse, neque res similes cum similibus, ut oportebat,
composuisse. Hinc liquet alias Canonum in varios titulos distributorum col-
 lectiones, ante eam quam Johannes Antiochenus concinnavit, editas fuisse,
 & omnes etiam Canones, quos Joh. Antiochenus collegit, in easdem ad-
 sumptose esse, præter eos quos S. Basilii sanxerat: ut quos solos hic exceptos
 habemus. Et in prioribus igitur Canonum collectionibus ante Joh. Antio-
 cheni ætatem elaboratis, Canones Apostolici inter alios collecti sunt. Alio-
 quin enim & illos æque ac S. Basilii Canones in iis omisos esse lectorem ad-
 monuisset. Quantum temporis inter eas condendas Canonum collectiones,
 quas Joh. Antiochenus hic commemorat, & eam quam ipse elucubravat,
 interfuerit, certè determinari nequit. Ex eo autem quod S. Basilii Canones
 in iis prætermisos esse notetur, summâ ratione colligere est, haud exiguum
 inter eas temporis spatium interjectum fuisse. Etenim si S. Basilii Canones in
 Codicem recepti fuissent, cùm istæ collectiones edebantur, illi cum aliis
 haud dubie in iis compacti essent. Doctissimi autem Patris illius Canones
 in Codicem longe prius, quam in Joh. Antiocheni collectionem admissos
 fuisse, nemo dubitare potest. Ipsi enim alios colligere Canones, quam
 qui in Codicem Canonum Ecclesiæ universæ ante recepti fuerant, & nefas
 esset, & absurdum. Quinetiam de iis hic Canonibus, non ut nuper in
 Codicem receptis meminit, sed pro concessio sumit, Codicem jamdudum
 iis adauctum fuisse, ac proinde priores collectiones mancas & imperfectas esse,
 eo quod S. Basilii Canones in eis desiderarentur. Nemini ergo dubium esse
 potest, quin sanctissimi illius viri Canones cum Apostolicis & Synodalibus
 in unum Codicem diu ante conjuncti fuerint, quam à Joh. Antiocheno inter
 eos collecti sunt. Sed priores istæ collectiones ab eo memoratæ etiam ante S.
 Basilii Canones in Codicem receptos editæ fuerunt, ac propterea multo ante
 collectionem à Joh. Antiocheno publicatam. Veruntamen non hic modo,
 sed & majores ejus, qui Canones in LX. titulos distribuerunt, Apostolicos
 inter alios synodorum Canones collegerunt. Sed nec illi etiam, qui si non
 longe ante, quinto saltem labente seculo vixisse videntur, Apostolicos
 hosce Canones in collectiones suas inter alios distribuere voluerunt, vel de-
 buerunt, nisi in corpus Canonum ab Ecclesiâ prius recepti fuissent. Quibus
 omnibus diligenter pensculatis, nos in eam potius inclinamus sententiam,
 quæ omnes hosce S. Apostolorum Canones non modo non incognitos fuisse
 ante An. Dom. CCCCL. sed & iis circiter diebus Codici Canonum Ecclesiæ
 universæ annexos esse judicat. Adeo ut ambo Codices Canonum Ecclesiæ,
 hic primitivæ & alter universæ, in uno quasi volumine istis temporibus
 compingi solerent, eâ tamen lege ut non confunderentur, sed uterque Ca-
 nones sibi peculiare numeris suis adhuc distinctos haberet. Hoc saltem extra
 dubium

dubium est, Canones hosce Apostolicos ob venerandam eorum antiquitatem & immemorabilem institutionem tanti istis diebus æstimatos fuisse, ut cum Canones Ecclesiæ in titulos aut certa quædam capita distribui cœperint, hi sub ipsorum Apostolorum nomine inter alios collecti fuerint, & familiam duxerint. Quod quidem Patres istius seculi nequicquam admisissent, nisi hosce Canones aliquot ante seculis constitutos, & à majoribus sibi sub isthoc nomine traditos fuisse persuasissimum habuissent, nedum si eos cum Dallæo non ante An. Dom. CCCCLI. à nescio quo tenebrione confictos opinati essent.

V. E præmissis patet, Canones Apostolicos nomocanoni (quo nomine Codicem Canonum Ecclesiæ universæ appellari usu venit) annexos, vel præfixos potius fuisse ante An. Dom. DXXVI. quo Justinianus imperare cœpit: qui propterea honorificam eorum mentionem fecit, ubi ad Epiphanium Patriarcham Constantinopolitanum de concordia inter Ecclesiam & imperium constituendâ & prosperitate utrique conciliandâ scribens ait, τῶν ὅτι ἐστὶν πρεσβύτερον, εἴπερ ἡ τῶν ἱερῶν κανόνων ἀρχαῖν ἡσυχίᾳ φυλάττοιτο, ἣν οἱ τε δικαίως ὑμνέμενοι καὶ περσιωνῆται καὶ αὐτόπται ἔχουσιν λόγους παρεδεδώκασιν Ἀποστολοι, καὶ ἄγιοι πατέρες ἐφύλαξαν τε καὶ ὑφηγήσαντο. *Hoc autem futurum esse credimus, si sacrorum Canonum observatio custodiatur, quam jure laudati, & adorandi, & ipsius Dei verbi inspectores tradiderunt Apostoli, & sancti Patres custodierunt, & explanaverunt.* Justin. novel. VI. Apostolicos illos quos hodie habemus Canones, hic intelligendos, ac propterea eosdem prolixè hic commendatos esse, tanquam ab ipsis Christi Apostolis traditos, ipsum Dallæum habemus consistentem, de pseudepigr. lib. 3. cap. 2. Quoniam nimirum diffiteri non potuit. Ut missum enim in præsentem faciamus Arabicum istum Nomocanonem in Bibliothecâ Oxoniensi reservatum, qui ab ipso Justiniano confirmatus, & Epiphanio Patriarchæ CP. commendatus dicitur, quo omnes Apostolorum LXXXV. inter alios colliguntur Canones: Johannis Antiocheni collectio illud luculente evincit. Cùm Canones enim, quos ille sub S. Apostolorum nomine collegit, iidem prorsus sint, qui sub eodem nunc dierum nomine circumferuntur, nihil dubii esse potest, quin Justinianus, qui verba superius laudata iisdem diebus scripsit, eosdem quos Joh. Antiochenus Canones Apostolorum intellexerit. Neque enim ea ætas, nec ulla omnino antiquitas alios quam istos Apostolicæ traditioni Canones unquam acceptos retulit. Quibus ipsius Joh. Antiocheni testimonium accedit. Is enim in præfatione ad nomocanonem hæc ipsa Justiniani verba recitat, ut Canones Apostolicos à se collectos comprobantia. In dictâ enim præfatione istiusmodi civiles sanctiones recenset, quibus Canones Ecclesiastici confirmati sunt. Et primo pro Apostolicis, illa Justiniani verba ex Epistolâ ad Epiphanium transcribit. Pro synodorum autem Canonibus Imperiali autoritate confirmatis, notissima illa novellæ CXXI. verba laudat, quibus idem Imperator Canones à quatuor Oecumenicis Conciliis, Nicæno, Constantinopolitano, Ephesino & Chalcedonenfi constitutos, legum vicem obtinere sancivit. Nemini autem in hujusmodi rebus potius quam Joh. Scho-

lastio credendum est, quippe qui in omnibus legibus & Constitutionibus tam Ecclesiasticis quam civilibus, multo magis in iis quæ ipsius ætate promulgatæ sunt, versatissimus fuit.

VI. Cùm Canones igitur Apostolici, de quibus hic disputamus, in supra laudatis Justiniani verbis designati sint, ex iisdem videre licet, quantâ eorum opinione Augustissimus ille Imperator ductus fuit, quidque communis illius ætatis fama de iis censuerit. Imperator enim non suam privatam de iis sententiam protulit, sed eam quam à doctissimis, quos ab omnibus Imperii partibus convocaverat, Jurisconsultis edoctus fuerat. Hic autem, ut primo intuitu patet, Canones hosce ab ipsis adorandis Apostolis, qui ipsum Deum in carne viderunt, Ecclesiæ traditos fuisse, verbis disertissimis affirmavit. Unde manifestum redditur, doctos quosunque istius ætatis viros, in oriente saltem, in eâ fuisse sententiâ, quòd hi Canones non præcedente seculo, nedum adulto, ab impostore aliquo confarcinati, sed tantæ antiquitatis essent, ut ipsis Domini Apostolis merito adscriberentur. Adhæc Imperator hos Canones à Patribus custoditos fuisse & explanatos asserit, quod tamen fieri nequaquam potuit, nisi longe ante tempus eorum editioni à Dallæo assignatum extitissent, & vulgo noti fuissent. Cuinam autem obsecro major habenda est fides, ei qui mille post annos natus, & multo majori eorum, quæ à primitivâ Ecclesiâ scripta sunt, parte destitutus est, an illustrissimo pariter atque eruditissimo Imperatori Justiniano, qui sexto claruit post Christum incarnatum seculo, & vetustissima Ecclesiæ monumenta, quorum plurima nunc interciderunt, penes se habuit, & doctos undequaque viros eo tantum nomine congregavit, ut ipsum de moribus ac institutis tam Ecclesiæ quam imperii certiores facerent? Nullus dubito quin, ipso etiam adversario iudice, palma Imperatori deferetur. Hic autem Patres, eos scilicet qui longe ante ipsius ætatem in Ecclesiâ præfederat, Apostolicos hosce Canones & custodiisse & explanasse asseverat. Quod si ab ipsis Justiniani, ætatis respectu, Patribus sive majoribus observati fuerint, eosaliquot saltem ante ejus ætatem seculis constitutos fuisse necesse est. Adeo ut quicquid hæc infima nostra, & antiquitati nimis invida ætas de Canonibus Apostolorum sentiat, fœlicior illa puriorque, quæ nostram mille præcessit annis, eos à viris saltem Apostolicis sancitos, & à primitivæ Ecclesiæ Patribus laudatos fuisse & custoditos nobiscum consensit.

VII. Cum itaque Codex Canonum Ecclesiæ primitivæ cum altero Ecclesiæ universæ synodali haud dubie constitutione ita coaluerit, & cum eodem postea Imperiali autoritate confirmatus fuerit, ab isthoc demum tempore ambo unum illum Codicem Ecclesiæ Orientalis constituerunt; quippe quem post isthæc tempora ex ambobus compositum fuisse certissimum est. A sexto enim, eoque ineunte seculo nullum invenire est Codicem Canonum Ecclesiæ Orientalis Apostolicis non præmunitum. Quo evenit, ut proximo sive septimo labente seculo, Synodus Trullana dicta, ut in Trullo palatii Constantinopolitani habita, totum Codicem Canonum ab Ecclesiâ Orientali receptorum confirmans, omnesque in eundem collectos

Canones recensens, Apostolicos primo in loco memorat, ut aliis semper præponi solitos: secundus etenim ab istâ Synodo constitutus Canon sic incipit. Ἐδοξε ἡ ἡ τῆτο τῇ ἀρίῃ ταύτῃ συνόδῳ κάλλιστά τε ἡ συνεδαιότατα, ὥστε μέλειν ἡ ὑπὸ τῶ νῦν βεβαίως ἡ ἀσφαλεῖς πρὸς ψυχῶν θεραπεΐαν, ἡ ἰατρείαν παθῶν, τὰς ὑπὸ τῶ πρὸς ἡμῶν ἀρίων ἡ μακαρίων πατέρων δεχθέντας, ἡ κυρωθέντας, ἀλλὰ μὴν ἡ παρεδοθέντας ἡμῖν ὀνόματι τῶν ἀρίων ἡ ἐνδόξων Ἀποστόλων ἐγδοήκοντα πέντε κανόνας. Hoc quoque huic sanctæ Synodo pulcherrimè & honestissime placuit, ut ab hoc nunc tempore deinceps ad animarum medelam, & perurbationum curationem, firmi stabilesque maneant, qui a sanctis & beatis Patribus, qui nos præcesserunt, suscepti & confirmati sunt, atque adeo nobis etiam traditi sanctorum & gloriosorum Apostolorum nomine, octoginta quinque Canones. Ita enim legendum esse hunc locum, in Annotationibus ad eundem è MSS. Codicibus ostendimus. Ubi primo videre est, ut hæc magna sanè, si non Oecumenica, Synodus omnes hosce LXXXV. Canones à sanctis beatisque qui præcesserant Patribus & receptos fuisse & confirmatos definitè asseruerit: ut nemo dubius hæsitet, quin Synodali autoritate multis ante hanc Synodum annis muniti fuissent. Observetur insuper velim, hosce Canones hoc in loco nec Ἀποστολικὸς, nec τῶν ἀρίων Ἀποστόλων appellari, sed tantum παρεδοθέντας ἡμῖν ὀνόματι τῶν ἀρίων ἡ ἐνδόξων Ἀποστόλων. Unde constat plurimos illos, qui in hac Synodo congregati sunt, Patres eandem de his Canonibus sententiam tenuisse, quam nos amplexi sumus & defendimus, eos nimirum à primitivâ Ecclesiâ sancitos, ab antiquis ejusdem Patribus receptos, laudatos, & confirmatos fuisse, sed nihilominus non ab ipsis Christi Apostolis constitutos editosve, sed eorum tantum nomine posteritati traditos. Adeo ut licet S. Apostolorum nomen hujus etiam Concilii diebus hisce Canonibus inscriptum esset, Synodus tamen non ab iis quorum nomen præferebant, sed ab antiquis Ecclesiæ Patribus, viris Apostolicis conditos, & S. Apostolorum, ut quorum doctrinæ & traditionibus consentanei visi sint, nomine publicatos arbitrata sit. Quod quidem nobis verissimum videtur.

VIII. Post Synodum istam in Trullo celebratam, Ecclesia Orientalis pro horum Canonum autoritate acerrimè contendit. Etiam si enim nonnulli, quos inter Photius Patriarcha CP. recenseatur, dubitaverint nonnunquam an ab ipsis Apostolis sanciti fuerint, nemo tamen summam eorum in Ecclesiasticis causis dijudicandis auctoritatem negare ausus est. Sed hi, æque ac reliqui à Synodis constituti, Canones firmi stabilesque ab istis usque temporibus perpetuo permanserunt: à nemine unquam in controversiam vocati, propterea quod ab universali Concilio, ut ipsis visum est, confirmati sunt. Quamcunque enim supremæ Romani præfulis autoritatis assertores de istâ Synodo opinionem imbiberunt, Ecclesia Orientalis eam pro Oecumenica semper habuit: eo quod seipsam οἰκουμενικὴν συνόδον Canone tertio alibique appellet, quodque omnes Patriarchæ vel per se vel per legatos suos eidem interfuerint, ut in Annotationibus fusius ostendimus. Quibus etiam invictissimum, ad hominem saltem, argumentum è secundo Nicæno Concilio.

cilio adjiciatur. Ipsi enim qui istum Trullanæ Synodo honorem denegant, Nicænam secundam universalem fuisse Synodum omni asseveratione affirmant, & pro summâ ejus in Ecclesiâ autoritate tanquam pro aris & focis dimicant. Verumenimvero eadem ista Nicææ secundò coacta Synodus, Canones à Trullanâ tanquam ab universali Synodo definitos approbat. Hæc enim in primo istius Concilii Canone habemus. Ἀπασιως τὰς θεῖας κανόνας ἐνπεριζόμεθα, ἢ ὁλόκληρον τὴν αὐτῶν δευταγλίαν ἢ ἀσπλέυτον κρητύωμεν, τῇ ἐκτεθέντων ὑπὸ τῶν ἁγίων πατέρων ἡ πνεύματι, τῇ πανευφύμων Ἀποστόλων, τῶν τε ἐξ ἁγίων οἰκουμενικῶν συνόδων, ἢ τῇ τοπικῶς συνανθροπιστῶν ἐπὶ ἐνδόσει τοιούτων δευταγμῶν, καὶ τῶν ἁγίων πατέρων ἡμῶν. *Divinos Canones lubenter amplectimur, eorumque constitutionem integram & illabefactam confirmamus, qui editi fuerunt à Sanctis Spiritus tubis summâ laude celebrandis Apostolis, & à sex sanctis universalibus Synodis, iisque quæ ad ejusmodi decretorum editionem localiter coactæ fuerunt, & à nostris sanctis Patribus.* Syn. Nic. II. Can. I. Hic Canones à sex universalibus Conciliis editi asseruntur pariter & confirmantur. Neminem vero fugit quintam sextamque Synodum nullos edidisse Canones, nisi Trullani iis adscribantur. Cum autem Patres Nicæni hoc in loco Canones à sex Oecumenicis Conciliis editos disertè confirmant, necessario exinde conficitur, hujus Nicænæ Synodi & tempore & judicio Trullanam πεντέκτω habitam fuisse, cujus nimirum sanctiones ad utramque, quintam & sextam, referantur, ut eadem huic atque illis utrisque Synodis autoritas asseratur. Nihil saltem apertius esse potest, quam Canones Trullanos hoc in loco confirmatos esse, quorum propterea octogefimum secundum Tarasius Patriarcha Constantinopolitanus, in ipsâ hâc Nicænâ Synodo laudavit, eundemque à sextâ universali Synodo constitutum esse probavit, ut in Annotationibus ad dictum Canonem demonstravimus. Ac proinde mirum nemini esse debet, quod Canones Apostolici tantâ apud Ecclesiam Orientalem autoritate donati sint, cum ipsi à Canonibus Trullanis, & Trullani Canones à Nicænâ secundâ, universali judicatâ Synodo, confirmati fuerint. Præcipue cum hi Canones etiam nominatim, & seorsim ab aliis, à Nicænâ istâ æque ac à Trullanâ Synodo stabiliantur: ut satis mirari nequeam, quâ tandem fronte quispiam Nicænam istam Synodum approbet, & tamen Canones Apostolorum ab eâ disertè confirmatos rejiciat. Si quid enim aliud ab eâ constitutum, primus haud dubie, quo Apostolici confirmantur, Canon valere debet.

CAPUT IX.

Synopsis.

- I. Ἀνακεφαλαίωσις argumentorum, quibus nostra de Canonum Apost. antiquitate sententia innititur.
- II. Adversariorum de eâ re sententia Gelasii P. R. Decreto præcipue fundatur.
- III. Nihil certi ex isto decreto inferri potest. Non liquet saltem Canones Apost. in eo antiquitus memoratos fuisse. Hincmarus Remensis contrarium asseruit.
- IV. Dallaana verbi misit cum omisit
- in Hincmaro commutatio, quàm absurda sit, & frustranea.
- V. Aliis contra Hincmari verba exceptionibus respondetur.
- VI. Ut observator particulam nec in iisdem Hincmari verbis transposuit, quo ad suas ea partes trahat, quod absurdissimum esse ostenditur.
- VII. Etsi demus Gelasium Canones Apost. inter Apocryphos rejecisse, nihil ex eo contra nostram de iis sententiam concludi potest.

I. **H**ÆC sunt illa veterum testimonia, hæcque argumenta ex iis petita, quibus inducti sumus, ut Canones Apostolorum vulgo dictos non quinto tantum eoque adulto, ut opinatus est Dallæus, sed secundo vel tertio saltem post Christum cœlitus nobis dimissum seculo, sancitos editosque fuisse firmiter credamus, & publice profiteamur. Cum quarto enim currente, quintoque ineunte seculo hi Canones à doctissimis Ecclesiæ Patribus Synodisque tam Oecumenicis quam provincialibus, nunc sub Ecclesiasticorum, nunc sub antiquorum, nunc etiam sub ipso Apostolorum nomine commemorantur, & laudentur: Cùm Canones ab ipsis commemorati & laudati exeunte quinto, vel ineunte sexto seculo, inter alios à Synodis divulgatos Canones totidem verbis collecti fuerint, & ab Ecclesiâ Orientali in usum publicum recepti: Cùm eodem currente seculo à peritissimo omnium tam Ecclesiasticarum quam civilium legum Imperatore Justiniano rati habeantur: Cum magna deinde & à multis approbata Concilia Trullanum & Nicænum II. eisdem suâ etiam autoritate confirmarint: Cum hæc, inquam, ita se habeant, quis in posterum suspicari potest, hos Canones quinto tantum inclinato seculo primùm extitisse, aut publicari cœpisse? Quis sibi persuadeat hanc non antiquissimam esse Canonum collectionem, quæ post S. Apostolos in Ecclesiâ Christianâ unquam obtinuit? Quis potius pro certo non habeat, Apostolicos hosce Canones longe prius conditos quam laudatos fuisse, ac propterea tertio saltem currente, si non secundo labente seculo in lucem prodiiisse, & idcirco S. Apostolorum nomine insignitos, quod à viris Apostolicis sanciti, ac proinde adeo antiqui fuerint, ut ab ipsis Christi Apostolis vel à proximis eorum in Ecclesiæ ad-

ministratiōne successoribus traditi videantur? Si quis sane adhuc argumenta desiderat, quibus ad nostram de horum Canonum antiquitate sententiam perducatur, idem omnem omnibus veteris Ecclesiæ monumentis fidem demat, vel omnia saltem ad præconceptam suam opinionem summâ injuriâ pariter ac violentiâ torqueat & pervertat, necesse est.

II. Sed aliter opinatus est vir Cl. Joh. Dallæus, aliter etiam Anonymus observator. Is enim hos Canones non ante An. Dom. CCCCLI. confictos fuisse editosque contendit: & alter propterea, ejusdem vestigiis insistens, eandem opinionem tueri ac defendere conatus est. Videamus igitur quid uterque contra testimonia à nobis allata, vel potius contra nonnulla eorum (omnia enim non viderunt, saltem non considerarunt) vel excogitarint, vel sibi excogitasse visi sint. Primo autem V. Cl. Dallæus unum Gelasii Pontificis Romani decretum à Synodo LXX. Episcoporum Anno Dom. CCCXCIV. sub eo Romæ habitâ publicatum, omnibus, quæcunque pro Canonum Apostolicorum antiquitate afferri possunt, argumentis præponderare arbitratus est. De pseudep. lib. 3. cap. 3. 4. nimirum Gelasius P. R. Anno Domini supradicto Concilium celebrasse, & in eo decretum de libris Ecclesiasticis recipiendis & non recipiendis edidisse perhibetur. In hoc decreto post recensitos veteris novique Testamenti libros Canonicos, nonnulla ex antiquis Ecclesiæ primitivæ monumentis commemorantur, ut Synodorum Nicænæ, Constantinopolitanæ, Ephesinæ, Chalcedonenfis, item S. Patrum Cypriani, Athanasii, Gregorii Nazianzeni, Basilii Cappadociæ, & aliorum complurium, quæ sancta, ut in decreti initio dicitur, Romana Ecclesia suscipi non prohibet. Posthæc ad notitiam pergit librorum Apocryphorum, qui non recipiantur. *Ceterum, inquit, quæ ab hæreticis sive schismaticis conscripta vel predicata sunt, nullatenus recipi Catholica & Apostolica Ecclesia Romana; E quibus pauca, quæ ad memoriam venerunt, & a Catholicis v. t. a. d. sunt, credimus esse subdenda.* Inter hæc autem scripta ab Ecclesiâ Romanâ repudiata, ac Apocrypha idcirco dicta, Canones Apostolorum numerantur his verbis, *Liber Canonum Apostolorum Apocryphus.* Hinc itaque colligit vir doctissimus hunc Canonum Apostolorum librum ab hæretico aliquo tenebrione, & impostore confictum esse, idque paucis ante illud tempus annis. Dall. de pseud. lib. 3. cap. 21.

III. Sed contra hoc palmarium ejus & ubique jactitatum argumentum quamplurima occurrunt, quæ reponi possunt. Primo enim incertum est, utrum talis unquam Synodus sub Gelasio habita fuerit. Sane doctissimus vir, Joh. Pearsonius Episcopus Cestrensis, contrarium veri multo similius reddidit. In Vindic. Epist. Ignat. lib. 1. cap. 4. Incertum etiam, an tale unquam à Gelasio editum sit decretum, cum nemo istius meminerit ante trecentissimum post Gelasii obitum annum. Et si demus Gelasium de libris recipiendis & non recipiendis decretum aliquod edidisse, incertum tamen est, utrum ista verba, *Liber Canonum Apostolorum Apocryphus*, eidem ab eo inserta fuerint. In Justelli enim aliisque Codicibus MSS. desiderantur. Quinetiam Hincmarus Remensis, qui primus (vel saltem è primis) fuit, qui

qui Gelasiani hujus decreti mentionem fecit, Canones Apostolorum in eo non memoratos fuisse asserit. Verba ejus, quoniam mirum in modum ab adversariis urgentur, & pervertuntur, transcribere non pigebit. *Sed & Beatus, inquit, Gelasius, in Catalogo, qui libri ab Ecclesiâ Catholicâ recipiantur, descripti, authenticis scripturis & Nicenæ, Constantinopolitanæ, ac Ephesinæ, Chalcedonenfis quoque Synodi, & aliis Conciliis à Sanctis Patribus institutis, & Orthodoxorum Opusculis, atque decretalibus Epistolis Apostolicæ Sedis Pontificum, aliisque scripturis discretè commemoratis, de his Apostolorum Canonibus penitus tacuit, sed nec inter Apocrypha eos misit.* Hincm. Rem. adv. Hincm. Laud. Opusc. cap. 24. Qui hæc verba legit, primo intuitu videat, Hincmarum in Gelasii decreto duas observasse librorum classes, quarum primâ authenticæ scripturæ, Conciliorum Acta, Patrum Orthodoxorum Opuscula & Pontificum Romanorum decreta ab Ecclesiâ recepta commemorentur, in altera autem Apocrypha, sive libri ab Ecclesiâ Romanâ non recepti. In neutrà autem classe Canones Apostolorum à Gelasio memoratos scribit, non in primâ, ut ubi, *de his, inquit, Apostolorum Canonibus penitus tacuit*, nec in secundâ, addit enim, *sed nec inter Apocrypha eos misit.* Quibus Gelasii verbis nihil planius, nihil disertius efferri potest. Iis enim, Canones Apostolorum nec inter Orthodoxa, nec inter Apocrypha scripta à Gelasio recensitos esse, clarissime asseritur.

IV. Sed quomodocunque hæc verba Hincmari sonent, necessarium ad-
versariis nostris visum est, ut is Canones Apostolorum à Gelasio damnatos
legerit, idque hoc in loco affirmarit, ne aliter unicum totius disputationis
fundamentum corrueret. At verba, ut ab ipso Hincmaro prolata, & in om-
nibus Codicibus constanter lecta, contrarium prorsus enunciant. Quid ita-
que faciendum est? Sane causa ab iis suscepta necessario flagitat, ut verba illa
vel commutentur, vel transponantur. Transpositio observatori, sed Joh.
Dallæo commutatio magis arrisit: hic enim verbum *misit* cum *omisit*, album
scilicet cum nigro, calidum cum frigido, verum cum falso commutandum
censuit. Sic enim ille post recitata hæc Hincmari verba, *Hactenus Hincma-
rus, cujus ultima illa verba sed nec inter Apocryphos eos misit, vel memo-
riæ lapsu imprudenti exciderunt, vel certe mendosa sunt, & restituito verbo
omisit, pro eo quod in Codicibus vulgatis legitur misit, corrigenda, ut ita
scripserit Hincmarus*, sed nec inter Apocrypha eos omisit. Dall. de pseud.
lib. 3. cap. 3. Verum si quod veteres dixerunt, memoriæ lapsu iis impru-
dentibus excidisse admittamus, vel verba ab ipsis usitata obliterare, aliaque
eorum loco pro suo cujusque arbitrio hunc in modum substituere liceat,
superfluum foret opus ab eodem autore editum, *De vero usu Patrum*, nulli
enim usui esset. Et præterea non animadvertit doctissimus vir, ut sensus
ejus ex istis verbis extorqueatur, non modo verbum, *misit* in *omisit*, sed &
particulam *nec* in non necessario immutandam esse, ut sic scriberetur, *De his
Apostolorum Canonibus penitus tacuit, sed non inter Apocrypha eos omisit.* Nam
particula *nec* hæc ultima cum præcedentibus verbis connectit, significatque
Gelassium nec inter Catholica nec inter Apocrypha scripta Canones Apo-
stolorum

stolorum misisse, five commemorâsse. Quin proxima etiam Hincmari verba liquidò demonstrant, eum Canones Apostolorum inter Apocrypha à Gelasio damnatos non legisse, post illa enim verba, *sed nec inter Apocrypha eos misit*, proximè subdit, *Quapropter in lectione illorum Canonum, sequenda est cautela ab eodem B. Gelasio pramonita, cum hac, inquit, ad Catholicorum manus advenerint, Beati Pauli Apostoli præcedat sententia, quâ dicit, Omnia probate, quod bonum est tenete.* Hæc enim verba à Gelasio adhibentur non de Apocryphis, sed de nonnullis ex Orthodoxis istis scriptis, quæ Ecclesia Catholica recepit, inter quæ recenset scripta de inventione S. Crucis Dominicæ, & alia scripta de inventione capitis B. Johannis Baptistæ, quas quidem novellas Revelationes vocat, sed nonnullos eas Catholicos legere affirmat, & tunc cautelam istam adhibet, *sed cum hac ad Catholicorum manus pervenerint, &c.* Eos autem quos Apocryphos vocat libros, nullatenus recipiendos, sed omnimodo sine ullâ cautelâ aut exceptione Ecclesiâ eliminandos, ac à nemine propterea legendos esse pronunciat. Cùm igitur Hincmarus ista Gelasii verba de Canonibus Apostolorum adhibeat, tantum abest ut eos inter Apocrypha à Gelasio damnatos invenerit, ut eos, si ullibi, inter scripta Catholica à Gelasio numerandos esse judicaret, ubi scilicet istam adhibet cautelam, ut cum ad Catholicorum manus advenerint, B. Pauli præcedat sententia, *omnia probate, quod bonum est tenete.* Unde simul conficitur Hincmarum in eâ fuisse sententiâ, quod hi Canones non inter Apocryphos five non recipiendos, sed inter Orthodoxos & ab Ecclesiâ receptos libros recenseantur, & ab omnibus Catholicis legantur cum cautelâ istâ ante dictâ, utpote in quibus, ut paulo ante ipse dixerat Hincmarus, *Quædam receptibilia, quædam vero sunt non servanda.*

V. Cùm itaque adeo certum & cuique obvium sit, Hincmarum Remensem Canones Apostolorum in Gelasii decreto non legisse, nedum rejectos & damnatos invenisse, mirum cuipiam videatur, quâ ratione doctissimus vir Joh. Dallæus inductus fuerit, ut disertissima illa Hincmari verba tam violentâ correctione, vel subversione potius, immutanda esse censeret. Eam autem qualis qualis est, ipse statim ut vim istam sancto doctoque Remensi Archiepiscopo intulerat, his verbis conceptam exhibet. *Nam, inquit, Gelasius quidem, quin eos Canones inter Apocrypha miserit, hoc est, relegarit, vel rejecerit, vel ex illius seculi idiotismo posuerit, ac collocaverit, nemo dubitare potest, qui nuper à nobis recitatum Gelasii decretum legerit.* Nimirum si Dallæo credamus, Hincmarum Canones Apostolorum inter Apocrypha à Gelasio rejectos legisse, exinde necessario sequitur, quod nostris diebus hæc verba *Liber Canonum Apostolorum Apocryphus* in eodem decreto inveniantur. Verum hoc illud est quod quæritur, ac proinde non præsumere debuit, sed probare ista verba antiquitùs, & Hincmari ipsius ætate, & in ipso Gelasiani decreti Codice, quo usus est Hincmarus, inserta fuisse: Aliter nemini unquam persuaderebit Hincmarum vidisse Canones Apostolorum inter Apocrypha à Gelasio missos, cum ipse Hincmarus illud verbis conceptis negaverit. Sed addit vir doctus, ipsum Hincmarum apud Turrianum quidem certe, in illo,

illo, cujus pars sunt verba ejus superius allata, de variis capitulis Ecclesiasticis libro, diserte affirmare, Canones Apostolorum à Gelasio in Apocryphorum classem rejectos esse. Verumenimvero, quicquid apud Turrianum, cui nos majorem quam ipse Dallæus fidem non debemus, tanquam ex Hincmaro citatum extet: cum illud in omnibus doctissimi illius præfulis Remensis operibus nusquam affirmatum habeamus, sed contrarium prorsus, in verbis ejus superius à nobis transcriptis, indignum prorsus fuit quod à Dallæo recitaretur. Neque enim ipse fidem ei habere potuit.

VI. Sed eruditus observator alio usus est artificio, quo Hincmari verba ad suum, quem nunquam ferent, sensum pervertat. observat. in prior. vindic. part. pag. 56. Rejectâ enim correctione Dallæanâ, voculæ *nec* transpositio ei magis placuit. Enimvero cum ista, de quibus disputamus, verba in omnibus Hincmari Codicibus sic legantur, *De his Apostolorum Canonibus penitus tacuit, sed nec inter Apocrypha eos misit*. Is particulam *nec* in loco non suo positam, & initio horum verborum reponendam esse, nescio an opinatus est dicam, an somniavit, ut verba hunc in modum legantur. *Nec de his Apostolorum Canonibus penitus tacuit, sed inter Apocrypha eos misit*. Quod si miris & antehac inauditis hujusmodi vocularum transpositionibus indulgeatur, mox actum erit de totâ scribendi arte. Frustra enim cogitationes nostras & meditamenta scriptis mandamus, si verba aut particulæ, quibus utimur, ad cujusque libidinem ita transponantur. Hoc enim modo quidvis è quovis elici, & nihil ita describi potest, cujus contrarium voculæ alicujus transpositione ex iisdem verbis non eruatur. *Sed istâ*, inquit vir doctus, *particulâ ita transpositâ, jam ut quivis videt verborum Hincmari sensus planus est, facilis, & expeditus, omnia sponte fluunt, illiusque menti & scopo omnino congruunt*. Quid vero? annon verborum Hincmari sensus æque planus est, facilis ac expeditus, annon omnia æque sponte fluunt ex vulgatâ veraque eorum lectione atque ex coactâ hâc & violentâ voculæ transpositione? Hæccine verba, *de his Apostolorum Canonibus penitus tacuit, sed nec inter Apocrypha eos misit*, an hæc, inquam, difficiliora sunt intellectu quam illa, *nec de his Apostolorum Canonibus penitus tacuit, sed inter Apocrypha eos misit*? Sane verbis Hincmari, ut ab ipso scriptis & dispositis, non expositore, nedum transpositore opus est, ut sensum eorum intelligamus: ac propterea quicquam in iis transponere, nihil aliud est, quam genuinum eorum sensum de industriâ pervertere, ut nostræ opinioni favere cogantur. Quod autem addit, *omnia hoc modo menti auctoris & scopo omnino congruere*, nullam apud eruditos viros fidem habebit, priusquam probaverit, ea demum menti & scopo cujusvis auctoris omnino congruere, quæ verbis ut ab ipso dispositis omnino repugnant. *Sed nihil*, inquit, *additum est, nihil detractum, sola particula nec sedem mutavit, mutandoque Hincmari sermonem intellectu facilem reddidit*. Itane vero? Hoccine nihil aut parum est, particulam negativam sede suâ movere, & ad aliam, eamque affirmativam sententiæ partem transferre? Ac si parum intersit, an quis affirmet quod negare, & neget quod affirmare voluit. Hincmarus diserte affirmavit Gelasium authentica

scripta recensentem de Apostolorum Canonibus penitus tacuisse, & diserte negavit Gelasium istos Canones inter Apocrypha misisse. Observator autem particulam *nec* transponendo Hincmarum negare cogit Gelasium de Apostolorum Canonibus tacuisse, & affirmare eum inter Apocrypha eos misisse. Atque ita volentem nolentem compellit affirmare quod negavit, & negare quod affirmavit. Hocque nihil ei referre videtur, quoniam sola particula *nec* sedem suam mutavit: verum si hoc modo cum omnibus agatur scriptis, ex his ipsis observationibus, quas vir doctus contra Ignatii Epistolas & Apostolorum Canones edidit, eodem, vel majori potius, jure probetur, eum *nec* contra Ignatii Epistolas, *nec* contra Apostolorum Canones scripsisse. Nimirum si sola particula *nec* ex aliis locis, ubicunque demum fuerit, moveatur, & ubi nobis visum fuerit, transponatur. Ita enim transposita observatoris sermonem intellectu facilem reddet, eumque ostendet cum Gelasio de his Apostolorum Canonibus penitus tacuisse, sed *nec* inter Apocrypha eos misisse. Sed vereor, ut iniquum hunc cum scriptis suis agendi modum in nobis approbet vir eruditus: ac propterea nec ipse ægre ferat, si eodem nos eum crimine condemnemus, cum contra omnium Codicum autoritatem, ipsumque loci contextum, particulam *nec* loco suo dimovens alioque transfereens summam Archiepiscopo Remensi violentiam intulerit, illudque eum affirmare coegerit, quod eodem loco & iisdem verbis disertissime negavit.

Sed non opus est hisce ulterius nos insistamus. Anonymus enim hanc novam miramque observationem suam in priorem S. Ignatii vindiciarum partem emisit. Quapropter plenior hujus argumenti discussionem ab usquequaque doctissimo antiqui illius Patris martyrisque vindice expectet, si modo quæ de Gelasio & Hincmaro ille scripsit, digna tanto viro visa fuerint, quibus responsum detur. Nos ea non attigissemus, nisi quod primo idem Anonymus in observationibus suis ad nostras Annotationes se supra laudata Hincmari verba in dissertatione contra Ignatianorum patronum explicasse, & locum, ut ait, quodammodo luxatum apposite, se quidem judice, restituisse asseruisset: & quod Joh. Dallæus pariter atque observator Canones Apostolorum ex Gelasiano, ut dictum est, decreto tanto labore impugnare conatus sit, licet incertum sit utrum hæc verba, *Liber Canonum Apostolorum Apocryphus*, in isto decreto ut primo condito inserta fuerint; certissimum autem Hincmarum, qui Anno DCCCLX. floruit, ea ibi non invenisse, ut ex iis quæ hætenus commentati sumus, satis superque constat.

VII. Sed quid si demus Gelasium istud, quod sub ejus nomine circumfertur, decretum edidisse, & Canones etiam Apostolorum in eodem inter Apocrypha rejecisse? Quid hinc sequeretur? Canones istos paulo ante illud tempus, sive quinto seculo eoque adulto, ab hæretico impostore confictos esse, publicarique cœpisse? Nihil minus. Esto enim, Gelasius in isto decreto dixit, *Liber Canonum Apostolorum Apocryphus*. Sed ibidem etiam dixit, *Historia Eusebii Pamphili Apocrypha. Opuscula Tertulliani, Africani, Arnobii, Lactantii Apocrypha. Opuscula alterius Clementis Alexandrini Apocrypha*. Imo quidem, *Liber qui appellatur Pastoris Apocryphus*. Quis hinc colliget

colliget hos libros inter Apocrypha à Gelasio reiectos, paulo ante editum istud decretum, sive paulo ante An. Dom. CCCXCIV. scriptos fuisse? Tertullianus trecentis fere annis claruit, priusquam illud emissum est decretum, & libri, qui *Pastoris* appellatur, meminit, locumque ex eo citavit. Lib. de Orat. cap. 12. Meminerunt ejusdem Origenes, Clemens Alexandrinus, ipseque Irenæus, ut dubitare nefas sit, quin Hermæ liber *Pastor* appellatus è vetustissimis sit Ecclesiæ monumentis. Verum quantæcunque sint antiquitatis hi libri à nobis commemorati, unâ cum Canonibus Apostolorum inter Apocrypha in Gelasii decreto connumerantur. Ac proinde qui ex isto decreto concludit paucis ante annis confarcinatos fuisse Canones qui vocantur Apostolorum, eodem argumento probet Tertullianum, Clementem Alexandrinum ipsumque Hermæ Pastoris autorem iisdem ac Gelasium P. R. diebus claruisse. Quos tamen aliquot ante eum seculis scripsisse inter omnes constat. Nimirum Gelasius vel quisquis decreti illius autor fuit, nihil de librorum, quos recenset, antiquitate definit, sed tantum de autoritate, quam tunc temporis in Ecclesiâ Romanâ obtinebant. Adeo ut ex istis verbis. *Liber Canonum Apostolorum Apocryphus*, nihil prorsus inferri possit, præterquam Gelasii quidem judicio Apostolorum nomen istis Canonibus falso inscriptum esse, eosdemque nullam adhuc in judiciis Ecclesiasticis auctoritatem Romæ obtinuisse. Et vix sane credo Cl. V. Joh. Dallæum Gelasii sententiæ in omnibus, quæ in isto decreto edidit, subscribere unquam voluisse, vel observatorem eidem unquam subscripturum fore. Inter Authenticos enim libros ab Ecclesiâ recipiendos, ibi recensentur *Actus Beati Sylvestri Apostolicæ sedis præsulis*. *Item scripta de inventione S. crucis Dominice, & alia scripta de inventione capitis beati Johannis Baptista*. Quæ vereor, ut adversarii nostri pro Authenticis unquam admiserint. At in notitiâ Apocryphorum omnia Patrum superius laudatorum, Tertulliani, Clementis Alexandrini, Africani, Arnobii aliorumque opera non solum repudiata, verum etiam ab omni Romanâ & Apostolicâ Ecclesiâ eliminata, atque cum suis autoribus, autorumque sequacibus sub Anathematis indissolubili vinculo in æternum confitetur esse damnata. Nullus autem dubito, quin illi ipsi, qui Canonum Apostolicorum auctoritatem ex hoc decreto evertere conati sunt, censoriæ huic de tot tantisque antiquis Ecclesiæ Patribus sententiæ refragati fuerint. Si totum vero decretum istud haudquaquam admittant, quâ demum ratione in unâ illius parte tantopere gloriantur? Multo magis, cum nihil prorsus certi habeamus, nec de decreti illius autore, nec de Authenticis, nec de Apocryphis scriptis in eodem recensitis, utpote in quibus enumerandis duo inter se Codices non consentiunt, Cl. Dallæus causæ à se susceptæ pessimè consuluit, cum fundamentum ejus in isto decreto egerit.

C A P U T X.

Synopsis.

- | | |
|---|---|
| <p>I. <i>Dallei & Observatoris exceptionibus contra testimonia pro Canonum Apost. antiquitate modo respondendum.</i></p> <p>II. <i>Exceptiones Dalleanae Turrianicam magis quam nostram sententiam attingunt. Ubi nostram attingunt, facile diluantur.</i></p> <p>III. <i>Dallai exceptio contra testimonium S. Athanasii: quâ nostræ sententiæ subscribit potius quam adversatur.</i></p> <p>IV. <i>Testimonium S. Basilii defenditur. Ratio ista non vindicabis bis in id</i></p> | <p><i>ipsum Canonis Apost. XXV. aliâ quam primi conditoris manu adjecta videtur.</i></p> <p>V. <i>S. Basilium rationem istam Canonis annexam vidisse probabile est.</i></p> <p>VI. <i>S. Basilii aliam insuper istius sanctionis rationem reddit, ad quam legis conditores respexisse ei videntur. Unde vis Dalleana exceptionis contra hoc testimonium tota evertitur.</i></p> <p>VII. <i>Alia S. Basilii testimonia ab exceptionibus Dalleanis vindicantur.</i></p> |
|---|---|

I. **E**VERSO Dallæanæ de Canonibus Apostolorum opinionis fundamento, quod in Gelasiano dubiæ fidei decreto jactum est, reliqua, quæ tam ab ipso, quam ab Anonymo observatore, contra eos objecta sunt, facillè discutientur. Sed methodi à nobis institutæ ratio postulat, ut utriusque prius contra testimonia in Canonum istorum causâ à nobis allata exceptiones examinemus. Etiam si enim Observator solus hisce commentandis occasionem dederit, cum ille tamen affirmarit, Clarissimum Dallæum pleraque nostra refellisse argumenta Turrianicis occurrendo objectionibus, & paucissima à nobis allata esse, quibus à Dallæo abunde non satisfactum fuerit, adeo ut etiamnum, ut ipsi videtur, valeant illius responsiones quando nullis adversus eas nos exceptionibus usi sumus, pag. 9. Hinc necessarium duximus in medium revocare quascunque tam Dallæus quam observator adversus ulla è testimoniis nostris (nonnulla enim eorum neuter tetigit) pro Canonum Apostolorum antiquitate allatis, exceptiones protulit. Eas autem omnes ex utriusque scriptis fideliter excerptas eodem ordine hic disponemus, quo testimonia, quibus objiciuntur, à nobis ante disposita sunt.

II. Observandum autem imprimis est, Dallæum contra Turrianum solum, qui hos Canones ipsis Apostolis acceptos retulit, disputasse. Quo fit, ut exceptiones ejus contra veterum testimonia, ut à Turriano allata factæ, eadem (si quæ talia occurrunt) ut à nobis nostræ adstruendæ opinioni adducta raro, aut leviter tantum attingant. Nos enim Cl. Dallæo lubentes assentimur, hos Canones nec ab ipsis Apostolis conscriptos, nec à sancto eorum disci-

discipulo Clemente Romano editos fuisse, & ingenuè confitemur illud è nullis veterum testimoniis probari posse. Hinc autem nequaquam sequitur, quin eadem testimonia Canones hosce secundo tertiove à Christi nativitate seculo constitutos, & quarto quintoque passim cognitos fuisse demonstrent. Hoc enim in iis producendis manifestum, ut opinor, fecimus. Et quæcunque Dallæus contra ulla ex iis, quæ nos attulimus, testimoniis excepit, fidem eorum & nostræ quidem opinioni comprobandæ aptitudinem pariter atque perspicuitatem confirmant potius, quam labefactant, ut modo ostensuri sumus.

III. Primum itaque ad evincendam Canonum Apostolorum antiquitatem testem advocavimus S. Athanasium, qui Canones quosdam à primis Ecclesiæ Patribus constitutos, cum Apostolicis egregie convenientes, & nullibi præterquam in Codice Canonum Ecclesiæ primitivæ nobis conservatos, commemoravit, ut ostendimus cap. 3. Turrianus gravissimum hoc testimonium adhibuit. Quid contra illud Dallæus? En omnia illius verba. *Athanasium imprimis laudat Turrianus, quod Georgius Cappadox jussu comitis per vim in Alexandrinam Ecclesiam immissus est, id contra priscos Canones Ecclesiasticos factum fuisse affirmantem, eosque Canones non nunc datos Ecclesiis scribentem, quin potius pulchrè & firmè à nostris traditos. Vides quos Canones dicat, à Patribus scilicet, hoc est ab Episcopis vel synodis constitutos, non ab Apostolis, quod vult Turrianus. Nam à Domini quidem Apostolis non hos Canones, sed fidem ait in nos derivatam esse. Jam vero non de fide sed de Canonibus queritur.* Hæc Dallæus, de pseud. lib. 3. cap. 9. pag. 522. Hæc ipsissima sunt Dallæi verba, & omnia quæ contra hoc testimonium excogitare potuit. Quis autem hic Dallæum non videt in nostram sententiam manibus pedibusque descendentem? Canones illos Ecclesiasticos, quos Athanasius memoravit, ab antiquis Patribus, hoc est ab Episcopis vel synodis constitutos agnoscit. Quod quidem idem omnino est quod nos volumus, & de quo contendimus. Neque enim nos cum Turriano opinamur, Canones hosce ab ipsis Apostolis editos fuisse, sed cum S. Athanasio asserimus, fidem quidem à Domini discipulis, Canones autem ab antiquis Ecclesiæ Patribus in nos derivatos fuisse: idque in istâ Canonum collectione, cui ob venerandam ipsius antiquitatem S. Apostolorum nomen præfertur, quippe in quâ solâ Canones à S. Athanasio laudati inveniuntur. Alterum à nobis citatum è S. Athanasii operibus, ex Arsenii scilicet Epistolâ ad eum missâ, Dallæus pariter atque observator intactum reliquit, ut nec à Turriano nec à nobis antea productum.

IV. Posthæc Dallæus S. Basilium, ut à Turriano etiam ad Canonum Apostolicorum partes vocatum, aggreditur, aitque, *Basilii eadem est ratio, qui antiquum Canonem esse ait, ut lapsi ex gradu, ex ministerii quidem sacro ejiciantur, communione autem nequaquam priventur.* Concedit Dallæus hunc Canonem antiquum fuisse; à Clemente autem scriptum, & in Turrianicum Codicem relatum hinc ulla machinâ confici posse negat. Et nos quidem æqueac Dallæus negamus ullo hinc modo probari posse, Canonem antiquum

82 AB EXCEPTIONIBUS VINDICANTUR.

hic laudatum à Clemente scriptum, & in Codicem Canonum Ecclesiæ primitivæ (quem Dallæus Turrianicum appellitare amat, ac si à Turriano primo inventus aut saltem in lucem emissus fuisset) ab eodem S. Apostolorum jussu relatum esse. Cum autem ipse Dallæus negare nequeat, quin antiquus Ecclesiæ Canon à S. Basilio hic laudetur, isque in Canonum Apostolicorum Codice eoque solo inveniatur, jure merito exinde colligamus, totum istorum Canonum, inter quos hic numeratur, Codicem S. Basilio visum lectumque fuisse. Hoc autem si aperte concederet Dallæus, provinciam quam defendere ac ornare suscepit, totam deferret, & sententiam retractare cogeretur. Quocirca alio confugit, & S. Basilium de Canone Apostolico XXV. (quo eadem omnino definiuntur, quæ S. Basilius in antiquo Canone definita asserit) non cogitasse ex eo probare nititur, quod sanctus Pater dicat, se arbitrari Canonis antiqui istius conditores secutos esse legem illam, *non vindicabis bis in id ipsum*. Quæ, inquit Dallæus, *frigidè ac ineptè diceret, si de Canonis Turrianici authoribus diceret. Hi enim suo illi Canoni disertè ac nominatim hanc rationem addunt, Dicit enim scriptura, non vindicabis bis in id ipsum*. Qua Dallæi responsione observator adeo contentus fuit, ut argumento ex Canone XXV. ducto, quasi à S. Basilio sub antiqui Canonis nomine laudatus esset, abunde satisfecisse Dallæum affirmet. Pag. 71. Verum si doctissimus vir Canones Apostolicos penitus inspexisset, rationem istam non ab ipsis Canonis conditoribus adjunctam esse, sed à Scholiaste aliquo in margine primo notatam, & ex eo deinde in ipsum Canonis textum transcriptoris alicujus vel ignorantia vel incuria irrepsisse suspicatus esset. Hos enim antiquos Canones plurimis in locis interpolatos esse nemo inficias eat, & nos posthæc, ubi occasio occurret, ostendemus. In hoc autem Canone res ipsa id loquitur. Hic enim cautum est, ut Episcopus, Presbyter, vel Diaconus fornicationis, vel perjurii, vel furti convictus deponatur & non segregetur. Hoc totum est quod in Canone sancitur, aut constituitur. Verba quæ sequuntur λέγει γὰρ ἡ γραφή οὐκ ἐνδιμήσεις δις πρὶ τὸ αὐτὸ, alienâ manu addita sunt. Hoc ex eo patet, quod hæc verba indefinitè loquantur, ut in nullum prorsus delictum duplici supplicio animadvertatur. Sed nihil apertius esse potest, quam horum Canonum conditores duplicem nonnullis criminibus pœnam imposuisse. Edicunt enim, ut si quis vel per pecuniam vel per principes seculares Ecclesiam adeptus est, is & gradu suscepto deponatur, & à communione fidelium arceatur, Can. Apost. XXIX. XXX. Quod si ista ratio, *non vindicabis bis in id ipsum*, apud primos horum Canonum conditores aliquid valuisset, eam in aliis proculdubio Canonibus æque ac in XXV. adhibuissent, vel nullibi saltem contraria statuere voluissent. Aliis autem in locis, ut patet, & quidem statim post hunc ipsum Canonem sanciunt, ut bis in id ipsum vindicetur: ac propterea verum prorsus dissimillimum est, ut ipsi istam huic Canoni rationem adderent. *Dicit enim scriptura, non vindicabis bis in id ipsum*. Secundum hæc suspicio ex eo magis augetur, quod cum omnes Codices in primâ Canonis parte, quâ totâ sanctio continetur, optime inter se conveniant, in reddendâ istâ quæ

annecti-

annectitur ratione, mirum in modum à se invicem diffident. Nonnulli enim Codices hanc ultimam Canonis partem sic legunt, λέγει ᾧ ἡ γεφυή, ὅτε ἐνδικήσεις δις ὅτι τὸ αὐτό. ὡσαύτως ἢ οἱ λοιποὶ κλητικοί. Alii, quos Binius sequitur, λέγει ᾧ ἡ γεφυή, ὅτε ἐνδικήσεις δις ὅτι τὸ αὐτό. ὁμοίως ἢ οἱ λοιποὶ κλητικοὶ τῇ αὐτῇ αἰρέσει ὑποκείμεθωσαν. Alii adhuc, λέγει ᾧ ἡ γεφυή, ὅτε ἐνδικήσει ὁ Κύριος δις ὅτι τὸ αὐτό. Sic enim latine transfert Dionysius Exiguus, *Dicit enim scriptura, non vindicabit Dominus bis in id ipsum.* Ubi non modo ultima illa verba, ὡσαύτως ἢ οἱ λοιποὶ κλητικοί, &c. excinduntur, sed ἐνδικήσεις mutatur in ἐνδικήσει, & interferitur ὁ Κύριος. Quomodo & Paraphrastes Arabicus legit, sic enim transfert, *Nam Deus in Scripturâ dicit, quod Dominus non punit unum peccatum duobus suppliciis.* Et quidem certè in ipso scripturæ loco hic indigitato, viz. Nah. I. IX. non ἐνδικήσεις, sed juxta Dionysianam & Arabicam versionem ἐνδικήσει in tertiâ personâ legitur. Ubi enim textus Hebraicus habet, כִּי יִשְׁעָהּ שֵׁנִי וְיִשְׁעָהּ אֶל נֹחַ *non consurget bis angustia*, septuaginta interpretes pro שֵׁנִי, ni fallor, legentes שֵׁנִי à radice שָׁן reddiderunt, ὅτε ἐνδικήσει δις ὅτι τὸ αὐτό ἐν θλίψει. Sic omnes Græci Codices legunt. Unde D. Hieronymus latine transtulit, *non vindicabit bis in id ipsum in tribulatione.* Quod ideo obiter hic notavi, quoniam in rem nostram statim erit. Interea hujusmodi variantes rationis illius Canonis huic Apostolico annexæ lectiones eam totam magis suspectam reddunt, & fidem pleniorē faciunt, eam à primis Canonis conditoribus non additam fuisse, nec aliud esse, quam Scholium interpolatoris alicujus manu adjunctum. Adeo ut utrum S. Basilii verba ista huic Canonis subnexa legerit, an non, parum intersit. Neque enim de ratione Canonis, sed de ipso Canone disputamus, quem S. Basilii ætate sub antiqui Canonis nomine in Ecclesiâ obtinuisse, ipsa Patris verba apertissimè demonstrant.

V. Verumenimvero hæc ratio, licet non ab ipsis Canonis conditoribus, ab aliis tamen ante S. Basilii ætatem addita fuisse videtur. Illum enim eam legisse, colligere licet ex his ipsius verbis, ἀκολουθήσαντων, ὡς οἶμαι, ἧ ἐξ ἀρχῆς τῷ νόμῳ ἐμείνω, ὅτε ἐνδικήσεις δις ὅτι τὸ αὐτό, quæ sic transferantur, *sequentibus, ut memini, antiquis, sive primis Canonis conditoribus legem illam, non vindicabis bis in id ipsum.* Illud enim οἶμαι ἀποσαπικὸν idem sæpe valet, ut cuique notum est, quod εἰ π μέρνημαι, *Si quid bene memini.* Quam loquendi formulam de rebus antea visis lectivæ, sed memoriâ penè elapsis sæpe usurpare solemus, Sanctus autem Basilii non modo meminit se hanc rationem Canonis sive sanctioni isti Ecclesiasticæ additam legisse, sed & ipsa verba adhuc in memoriâ retinebat: Eadem nimirum quæ in vulgatis Canonis Apostolici Codicibus leguntur, licet alia ac diversa essent in textu prophetico græcæ versionis, unde assumpta sunt. Cum enim in omnibus, ut ante observatum est, Codicibus Græcis constanter legatur, ὅτε ἐνδικήσει δις ὅτι τὸ αὐτό ἐν θλίψει, Sanctus tamen Basilii lectionem in Canone Apostolico usitatam sequitur, legens, ὅτε ἐνδικήσεις δις ὅτι τὸ αὐτό. Quam quidem loci prophetici lectionem nescio unde sanctus Pater haurire potuit, præterquam ex dicto Canone, ut quo solo, ni fallor, ante S. Basilii ætatem invenitur.

Apostolorum testimonium, Dallæanâ istâ objectione non modo non invalidum redditur, sed & potentius admodum firmitusque evadit. Ex ultimis enim sanctissimi Patris verbis ante citatis constat, eum antiquum istum Canonem à se commemoratum ex typis Ecclesiæ sive Canonibus ipsius ætate observatis laudasse, eosdemque asseruisse *ὁρὸ τῶν ἐκ ἀρχῆς* ab Ecclesiæ initio constitutos. Et cum antiquus iste Canon ab ipso nominatim laudatus, inter Apostolicos etiamnum extet, typos sive Canones illos, quos ipse memoravit, & à quibus istum citavit, eosdem fuisse atque Apostolicos legitimè concludamus.

VII. Ad reliqua, quæ ex S. Basilii Canonibus, primo scilicet & duodecimo, citavimus, testimonia respondit Dallæus, neque Apostolorum, neque Clementis, neque ullius omnino sylloges ullam vel tenuissimam in iis occurrere mentionem, *Tantum*, inquit, *Canones nominantur, qui scilicet in Ecclesiæ illius usu erant.* Apostolorum autem aut Clementis nomen istis S. Basilii Canonibus non insertum esse nihil nostrâ refert, qui hos Canones nec Apostolis nec Clementi acceptos ferimus. Nec opus est ut sylloges mentio ibi occurrat. Nobis sufficit, quod ipso etiam fatente Dallæo, Canones ibi nominentur, qui in Ecclesiæ illius usu erant. Cum Canones enim ab eo nominati, inter Apostolicos, eosque solos hodie comperiantur; cumque sanctus Pater non singularem aliquem Canonem, sed Canones, qui in Ecclesiæ illius usu erant, acervatim memoret; sub isto generali nomine totam illam Canonum Apostolicorum collectionem, in quâ Canones ab ipso nominati continentur, in Ecclesiæ illius usu tunc temporis fuisse, clare satis indicat. Quod vero quæ isthic decernit S. Basilii ex Ecclesiæ suæ instituto in Apostolorum Canonibus XLVI. (Sic enim legendum non XL.) & XVII. propemodum eadem præcipiantur, *Hoc*, inquit Dallæus, *non magis probat Ecclesiæ suæ à Turrianico legislatore, hoc est, à Canonum Apostolicorum conditore, accepisse, quam hunc suæ ab illa furatum esse, quod nos, inquit, verum esse defendimus;* Et nos etiam, si qui Canones ab Ecclesiâ constitutos colligit, eos ab illâ furatus esse dicatur. Quod si de Ecclesiâ ut S. Basilii diebus militante loquatur, Canonum horum collector suos ex eâ Canones furari (ut loqui amat Dallæus) non potuit: Neque enim ipsa eos constituit, sed longe ante constitutos agnovit. Et præterea S. Basilii Canones ab Ecclesiâ suâ receptos memorat quidem, sed eos nequaquam recitat: ac proinde Canonum horum collector suos ex ejus scriptis accipere non potuit, ut in quibus nulli sunt. Ex eo autem, quod Canones Apostolorum eadem atque illi à S. Basilio nominati, non modo *propemodum* sed disertissime præcipiant, plusquam veri nobis simillimum redditur, totam hanc Canonum collectionem in Ecclesiâ tunc temporis vulgo cognitam & magni passim æstimatam fuisse. Enimvero incredibile prorsus est, ut omnes à S. Basilio nominati Canones exquisitè adeo inter Apostolicos eosque solos invenirentur, nisi ex iis primo citati fuissent. His itaque prætermittis ad alia, & maiora forte, progrediamur.

C A P U T X I.

Synopsis.

- I. Synodi Nicænæ testimonium pro Canonibus Apost. ex primo ipsius Canone de Eunuchis petittum, defenditur.
- II. Que contra alia ejusdem Synodi testimonia excipiuntur, paucis discutuntur.
- III. Synodi Antiochenæ testimonia vindicantur. Quare Canones Apostolorum sub numeris, quibus distincti sunt, antiquitus non laudati fuerunt.
- IV. Palmaria contra testimonia à nobis adducta, exceptio, ex eo sumpta, quod omnes antiquiores à Synodis citati Canones inter Apostolicos non inveniuntur.
- V. E quatuor istiusmodi productis Canonibus contra duos excipitur, viz. Syn. Nic. XVIII. & Neocæsar. XV. ut huc minime pertinentes.
- VI. Reliquos duos, sive Nic. XIII. & Ancyrr. XXI. Dallai causam non promovere ostenditur.
- VII. A Canonibus Apost. injuste excigitur, ut omnes ab antiquis Synodis laudati Canones inter eos invenirentur.
- VIII. Alia à Dallao contra testimonia è Synodis Nic. & Antioch. allata exceptiones diluuntur.
- IX. Discutuntur quæ Observator in hac disputatione observanda præscribit.
- X. Quam temerè sibi proposuit Observator, omnia pro Canonibus Apost. testimonia despectui habere, quamdiu Canones à Synodis laudati ad alia quæcunque scripta vel etiam ad priscam consuetudinem referantur.
- XI. Non mirum est quod Canones Apost. à Synodo Antioch. renovati fuerint.

I. **P**OST sanctissimos Patres Athanasium & Basilium, primam generalem CCCXVIII. Episcoporum synodum Nicææ habitam, suum his Canonibus Apostolorum vulgo dictis testimonium perhibuisse ostendimus, Cap. IV. & primò quidem Patres Nicænos in primo ipsorum condendo Canone de Eunuchis à se factis Sacerdotio arcendis, promovendis autem si digni fuerint qui ab aliis execti sunt, ad Canones Apost. XXI. XXII. XXIII. respectum habuisse probavimus. Quid è contra Dallæus? Fatetur quidem illud hinc haberi, fuisse jam ante Nicænæ Synodi tempora aliquam in Ecclesiâ regulam, ex quâ hæc ita administrarentur. De Pfeudep. lib. 3. cap. 8. pag. 504. Et hoc quidem illud est quos nos volumus. Regulam enim istam ab Apostolis constitutam, vel à Clemente Romano literis mandatam, vel ab eodem in Canonum Apostolorum syllogen relatam fuisse, nos pariter cum eo negamus hinc, negamus ex ullo veteri quatuor priorum seculorum scriptore confici posse. Sed grati accipimus quod dare dignatus est, hanc scilicet de Eunuchis regulam ante Synodi Nicænæ tempora sancitam fuisse & divulgatam, & ab eadem Synodo hic commemoratam. Hinc autem consequitur

sequitur Canonum Apostolicorum collectionem eidem Synodo visam cognitamque fuisse, utpote quâ solâ Canon ille sive regula ante istam Synodum edita, continetur, idque accuratè adeo, ut nihil prorsus in primo isto Nicæno de Eunuchis Canone constituitur, quod in supradictis Canonibus Apostolorum non constitutum est. Quinetiam nisi hoc concedamus, regulam istam à Synodo Nicænâ notatam sine omni ratione intercidisse & perditam esse affirmemus necesse est, cum nulla id asserendi causa idonea appareat, quandoquidem eam inter Apostolicos habeamus Canones quibus alii complures æque ac Nicæni Patres testimonia sua perhibuerant. Verum ulterius adhuc procedit doctissimus vir, dicitque vero sibi propius videri, ex Origenici, qui adolescens se emasculaverat, facti occasione vetitum ab Ecclesiasticis præpositis, ne quis tale quid pietatis specie vel illius viri exemplo auderet, & si quis auderet, is à sacris submoveretur, *eamque deinceps regulam & apud Ecclesias obtinuisse, & à Nicænis Patribus hoc loco intelligi.* Dall. ibid. pag. 505. Verumenimvero Origenes facinus istud tertio ineunte seculo perpetravit: ac propterea si id factum regulæ isti condendæ occasionem dederit, condita quidem fuit statim post tertii seculi initium: Quo circiter tempore nos Canones Apostolorum sancitos fuisse defendimus. Adeo ut quantum ad istam saltem regulam, quæ quatuor è dictis Canonibus, viz. XXI. XXII. XXIII. & XXIV. constituit, ipsum Dallæum nobis optime consentientem habeamus. Quod si ista regula, ut Dallæus ipse Synodi Nicænæ testimonio victus fatetur, istis diebus condita fuerit, nihil est quod eandem reliquis, quibuscum ista consociatur regulis, antiquitatem invidemus.

II. Eadem ferè clarissimus vir contra alia nonnulla è Canonibus Nicænis pro Apostolicis allata testimonia profert, contra ea nimirum quæ ex Canonibus Nicænis II. V. & XV. adduximus. Enimvero non negat, quoniam negare nequicquam potuit, antiquos quosdam Ecclesiæ Canones à Patribus Nicænis ibidem laudatos esse, & similia in Apostolicis Canonibus decreta etiamnum inveniri. Canonem autem in secundo Nicæno nominatum non Apostolicæ sed Ecclesiasticæ tantum institutionis esse ex eo probat, quod *κανὼν ἐκκλησιαστικῆς* ibidem vocetur. In quo, licet ratio forsitan ab eo allata id non probet, non gravatè ei assentimur. Canones autem in quinto & XV. Nicæno memoratos, nihil aliud significare contendit, quam *publicum Ecclesiæ illorum temporum usum apud omnes receptum.* Unde autem novam hanc & antehac inauditam ἡ *κανὼν* significationem hauserit, hariolari nequeo. Neque enim usus aliquis *Canonis* unquam nomine ab Ecclesiâ decorari meruit, nisi publicâ illius autoritate prius receptus & stabilitus fuit. Hæc autem responsio ipsi minus placuisse videtur, ac proinde ad solitum ejus diviticulum se convertit vir eruditus, asseritque Canonum Apostolicorum collectorem suos ex Nicænis furatum esse. Quod quidem non est probare, sed τὸ ἐν δόχῃ petere. Hoc enim est quod controvertitur: atque ideo non nudis assertionibus, sed armatis, si quæ habuit, argumentis pugnare debuit. Ut ille enim Canones Apostolicos è Nicænis, sic ipse è contra Nicænos ex Apostolicis sumptos fuisse assero. Quis autem nostris hujusmodi asser-

assertionibus fidem debet? Nos sane majorem non expectamus fidem quam quæ summâ, cujus causa à nobis suscepta capax est, ratione persuadetur. Ac ideo in testimoniis adducendis probare conati sumus, Synodum Nicænam Apostolicos hosce Canones usque adeo cognitos habuisse, ut nonnullos eorum explicare, & suâ universalis Synodi auctoritate confirmare videatur. Ubi & alia ex eadem Synodo testimonia concessimus contra quæ nec Dallæus nec Observator quicquam excepit.

III. Ad hæc Synodum Antiochenam, An. Dom. CCCXLI. habitam; Canones Apostolicos non modo citasse, verumetiam plerosque suos ex iis condidisse fusè ostendimus. Turrianus nonnulla ex ejusdem Synodi testimoniis adhibuit, ut probaret hanc Canonum collectionem jam tum fuisse Ecclesiæ cognitam. Cui Dallæus respondit, ut supra, ex his tantum legitime concludi posse, ea quæ in Antiochenis Canonibus continentur, *jam ante illam Synodum in usu Ecclesiastico fuisse, à superioris memoriae sive Synodis sive Episcopis constituta.* Dall. lib. 3. cap. 8. pag. 512. Concedit itaque & nobiscum consentit Canones à Synodo Antiochenâ memoratos Ecclesiasticâ auctoritate prius fuisse constitutos. Quid autem negat? negat hinc fieri, ut ista Canonum Apostolicorum collectio tunc extiterit. *Quæ, inquit, si vel Antiochenis vel aliis ejusdem seculi Patribus cognita fuisset, causa dici non potest, cur non interdum eam ubi occasio incidebat, vel Apostolorum vel Clementis nomine, vel sub numeris quibus ea distinguitur, diserte laudaverint.* Respondeo ex ipsis doctissimi viri verbis, causam dici non posse, cur Patres hanc collectionem isthuc modo laudarent, licet iis notissima fuisset. Imo quidem propterea quod iis notissima erat, non opus fuit ut eam ita laudarent. Cum enim inter omnes tunc temporis conveniret, hanc Canonum collectionem à majoribus suis traditam fuisse, & Ecclesiam ante hominum memoriam per eam administratam, atque omnes proinde Canones in eam collectos, nemini incognitos esse, quare eam sub Apostolorum aut Clementis nomine laudarent? Quid etiam opus erat, ut collectio ista sub numeris quibus distinguitur, diserte unquam laudaretur? Incertum quidem est utrum numeris suis adhuc distincta fuerit, ut hic diceretur primus, alter secundus Canon, & sic deinceps, an reliquorum ad instar istâ ætate scriptorum, quod nobis vero propius videtur, Canones eodem quidem ordine sed versiculis sive numeris suis nondum distinctos exhibuerit. Et si demus Canones eodem quo hodie modo istis etiam diebus singulatim numeratos esse, non necesse tamen fuit, ut cum citati sunt, numerus etiam quem in Codice obtinebant, indicaretur. Ex ipso enim nominato Canone satis constabat, ubi inveniretur. Quin in omnibus etiam veteris Ecclesiæ commentariis, nullum antiquioris cujusvis scripti, nullum sacrosanctæ ipsius scripturæ locum sub versiculorum sive *τῶν κεφαλαίων* numeris citatum legimus. Ipsi etiam Canones Nicæni ubi gentium à quovis antiquo scriptore sub numeris quibus distincti sunt, diserte laudantur? Fateor equidem Codicem Canonum Ecclesiæ universæ, ex quo, ut opinor, solo Dallæus hanc objectionem fabricatus est, in Actis Concilii Chalcedonenfis sub distinctis Canonum quorundam numeris citatum esse.

Verum

Verum ante istud Concilium nusquam ita citatus legitur, & raro, si unquam, postea. Veteres enim Ecclesiæ Patres in iis saltem quæ ediderunt pietatis suæ ac doctrinæ monumentis, Canones Ecclesiasticos suis cujusque diebus obtinentes scrupulosè adeo recitare nunquam soliti fuerunt, ut omnes in eorum scriptis vel mediocriter versati probe norunt. Ac proinde ut suum ipsius argumentum in clarissimum virum retorqueam, nulla causa dici potest, cur hæc Canonum collectio numeris quibus distincta est, diserte unquam laudaretur, vel quod idem est, ut hoc potius quam alia veterum Commentaria precisè adeo recitaretur.

IV. Cum itaque vetustiores illi Canones à Synodo Antiochenâ memorati inter Apostolicos, & nullibi præterea comperiantur, hanc Canonum Apostolicorum syllogen Synodo isti cognitam fuisse, jure merito concludamus. Hic autem Dallæus infirmitatis, quâ prius argumentum laborat, sibi concilius, aliò confugit. Nonnullos enim, omnes nimirum quos invenire potuit, Canones à Synodis sancitos affert, quibus antiquiores quidem Canones citantur, qui tamen inter Apostolicos nulli sunt. Enimvero in Synodi Nicænæ Canone XIII. hæc habentur verba; *De iis qui ad exitum veniunt, ὁ παλαιὸς καὶ κανονικὸς νόμος, Lex antiqua & Canonica servabitur, ita ut si quis egreditur è corpore, ultimo & necessario viatico minimè privetur.* Item eadem Synodus Canone XVIII. dicit, *nec Canonem nec consuetudinem esse, ut quod in quibusdam locis fiebat, Presbyteris gratiam sacrae Communionis Diaconi porrigerent.* (Miror autem ut Canon hic citetur, ubi expresse dicitur *Canonem* non esse.) Item Ancyрани Patres τὴν πρότερον ὄρον antiquam, interprete Dionysio, *definitionem sive regulam prohibuisse aiunt, ne mulieres quæ fornicata fœtus in utero perimerent, ante vite exitum Communionem acciperent.* Syn. Ancyran. Can. XXI. Et Neocæsariensis Synodus affirmat, *Septem esse debere in unaquâque Ecclesiâ Diaconos τὰ καὶ νόμα, juxta regulam.* Syn. Neocæs. Can. XV. Ex hisce veterum Synodorum Canonibus certissimam sibi victoriam promittit Dallæus. Ex primo enim sic disputat, *Dic nobis sodes quo loco antiqua illa regularisque lex in Apostolicis tuis Canonibus habeatur? Recita eum queso ex tuo Codice. Numerum ede sub quo disposita est. At non facies, nisi Apostolorum Codicem nobis ex alicujus Arabiæ angulis hoc tuo nostroque auctiorem & locupletiolem promas.* Dall. pag. 513. 514. Ex omnibus etiam à se citatis Canonibus, quibus antiquiores memorantur, necessario confitendum esse concludit, *etiam ante Synodorum istarum tempora extitisse aliquas in Ecclesiâ regulas quarum nulla invenitur in iis quæ eorum temporum supersunt, monumentis mentio, quæque è Codice Canonum Apostolicorum non citatae sunt, nec citari potuerunt, in quo scilicet nulla sunt.* Hoc est palmarium illud & insuperabile argumentum, ad cujus expugnationem nos tantâ verborum contumeliâ provocat Observator; *Verumenimvero, inquit, ne vulgari suo paralogismo, in quo tantopere se jactat Beveregius, in posterum abutatur, Turriani vestigia calcans, consulat queso quæ affert clarissimus Dallæus, cap. 8. pag. 513. 514. ut paralogismi illius vanitatem ostendat, ejus expendat interrogationes, illisque appositè respondeat. Et ni argumenti sui vitium deprehendit, eum talpâ cæcio-*

rem esse oportet. Observat. pag. 13. En impetuofas anticipati judicii vires! En quo immodica partium studia viros perducunt miseros! quantum doctissimorum etiam oculis effundunt pulverem! adeo ut ipsi non modo cæcutiant, sed & alios omnes talpis cæciores esse putent, nisi illud videant quod non est!

V. Nos sane consulimus quæcunque clarissimus Dallæus paginis citatis attulit; omnes ejus etiam atque etiam expendimus interrogationes, & tamen argumenti nostri vitium usque adeo non deprehendimus, ut in eo magis magisque confirmemur. Primo enim è quatuor istis à Dallæo citatis Canonibus, duo necessariò excipiendi sunt, ut huc minime pertinentes. Nimirum Synodi Nicænæ Canon XVIII. & Neocæsariensis XV. Iste enim Nicænus Canon diserte dicit *nec Canonem nec consuetudinem esse ut Diaconi Presbyteris gratiam sacræ communionis porrigerent?* Quis vero nisi Dallæus forsitan ac Observator, hinc confici posse existimet, Canonem tunc temporis extare quo cautum est ne Diaconi id facerent? Patres Nicæni dicunt Canonem non esse; hincine sequitur Canonem esse? Sed Canon non erat, ut Diaconi id facerent; *Ergo*, inquit vir doctus, *Canon erat, ne Diaconi id facerent.* Hoc autem ex eo legitimè concludi, sibi forsitan ac observatori persuadeat Dallæus, aliis nunquam persuadebit, quamdiu logica in scholis vel ratio in hominum animis resideat. Etiam si enim nullus adhuc extaret Canon illud Diaconis permittens, minimè tamen sequitur aliquem extitisse Canonem hoc illis prohibentem, qui si extitisset à Patribus hoc in loco haud dubie citatus esset, nec dixissent Canonem non esse, ut id fieret, sed Canonem esse ut id non fieret. Ex hac autem loquendi formulâ Patres Nicæni clare satis demonstrant, nullum adhuc de hac re editum fuisse Canonem: Ac propterea ipsi unum constituunt. Quod præterea Patres Neocæsarienses affirmant, septem esse debere Diaconos in unaquaque Ecclesia *ἑπτὰ διακόνες*, id non de Ecclesiæ sed S. Scripturæ Canone intelligendum est, de Canone v. r. Apostolico, ab ipsis nimirum Domini nostri Apostolis constituto, Act. Cap. VI. Quemadmodum Patres Trullani Canonem istum Neocæsariensem interpretantur, Can. Trull. XVI. Et ipsi quoque Neocæsarienses Patres Canonem à se nominatum ab Apostolicâ istâ constitutione arcessunt, hanc sanctionis suæ rationem reddentes, *Παράθεσις ἡ ἀπὸ τοῦ βιβλίου τῆς περὶ ἐξέων, Ejus autem rei fidem ubi facit liber Actuum.* Quocirca Canon ille à Patribus Neocæsariensibus nominatus, haudquaquam inter Ecclesiasticos illos numeretur Canones, qui ante istius Synodi tempora solâ Ecclesiasticâ autoritate constituti fuerant. Quos tamen solos Dallæus indicare voluit. Alboquin enim frustra nos evocaret ostendere, in quibus antiquis Ecclesiæ monumentis inveniatur. Ac propterea causa nostra nihil ex eo detrimenti patitur, quod hic Canon inter Apostolicos non occurrat. Neque ullum prorsus rationis prætextum habuit Dallæus, quare hunc inter eos recenseret Canones, qui ab antiquis quidem Patribus laudantur, & tamen inter eos, quos Apostolicos vocamus, non inveniuntur.

VI. Sed duo adhuc supersunt Canones quibus antiquiorum ut Dallæus opinatur, Canonum mentio inducitur, qui tamen in Codice Canonum Ecclesiæ

Ecclesiæ primitivæ non inveniuntur. Illi sunt Nicænus XIII. & Ancyranus XXI. quorum iste *παιλαιὸν καὶ κανονικὸν νόμον*, hic *πρῶτον ὅρον* citat. Sed observandum est, neutrum horum de antiquis Canonibus diserte meminisse. Canon enim Nicænus non *παιλαιὸν κανόνα*, sed tantum *κανονικὸν νόμον* memorat, hoc est, antiquum morem ritumve ab Ecclesiâ admissum, quo nemo corpore egressurus ultimo viatico privatus est. Qui quidem *νόμος* sive *ritus* idcirco *παιλαιὸς καὶ κανονικὸς* appellatur, quod antiquo isti Apostolico Canonis consentaneus sit, quo cautum est, ut qui à peccatis convertitur, in Ecclesiam recipiatur, Can. Apost. LII. Ea enim semper fuit Ecclesiæ Christianæ charitas, ut crederet, vel pro supposito saltem haberet, Christianum quemlibet ritè baptizatum sinceram antea actæ vitæ pœnitentiam agere & ad se redire, cum corpore egressurus est. Cui propterea viaticum *κανονικῶς* concessum est. Et hunc quidem ritum diu ante hanc Synodum in Ecclesiâ obtinuisse, ex eo patet, quod Dionysius Alexandrinus Anno circiter CCLX. Presbyteris suis in mandatis dederit, ut morituri si peterent, venia, sive communio indulgeretur; Euseb. Hist. Eccl. lib. 6. cap. 44. iisdem etiam diebus inter Clerum Romanum, sedē vacante, convenit, ut iis, quibus spes vivendi secundum hominem nulla substiterit, si vera pœnitentis animi signa prodiderint, cautè & sollicitè subveniatur. Ut constat ex ejusdem Romani Cleri ad D. Cyprianum Epistolâ, quæ inter Patris istius Epistolas est XXXI. Hic autem Cleri Romani conventus nihil de isthâc re certi constitutere, nedum Canonem quo alii constringerentur, edere potuit, ut sede vacante celebratus. Sed licet nec Dionysii mandatum Presbyteris suis datum, neque hoc Cleri Romani statutum, *Canon Ecclesiasticus* proprie dicatur, nihil tamen obstat quin ritus ab iis observatus *κανονικὸς νόμος* nuncupetur. Canonem autem de hâc re ante Nicænum editum non legimus excepto forsitan Ancyrano sexto, qui antiquus à Synodo Nicæna dici non potuit, ut paucis ante annis divulgatus. Quin ipsi etiam Patres Nicæni clarè satis indicant talem sibi Canonem non innotuisse, eo quod non *παιλαιὸν κανόνα*, sed tantum *παιλαιὸν καὶ κανονικὸν νόμον* citant. Ad eundem etiam modum Synodus Ancyrana, Canone XXI. non priorem aliquem *Canonem* sed *πρῶτον ὅρον* laudat, determinationem scilicet, sive definitionem judicalem quâ mulieribus quæ foetus in utero perimunt, communione usque ad vitæ exitum interdictum fuit. Adeo ut tam Ancyrani quam Nicæni Patres non *παιλαιὸν* sive *πρῶτον κανόνα*, sed illi quidem *πρῶτον ὅρον*, hi *παιλαιὸν καὶ κανονικὸν νόμον* eo tantum nomine citasse videantur, quod nulli adhuc Ecclesiastici de hisce rebus Canones extarent, qui si extitissent, causa dici non potest, quare non aliorum ad instar Canonum disertis verbis laudarentur. Unde liquet quam inique cum Canonibus Apostolorum egerit Dallæus, qui eorum antiquitatem ex eo oppugnare conatus est, quod plures ab antiquis Synodis antiquiores citentur Canones, qui inter Apostolicos non occurrunt, licet ipse nullum antiquiorem à quavis Synodo quarto ineunte seculo celebratâ diserte citatum Canonem invenire potuit, qui inter Apostolicos non etiamnum extat. Quod quidem nostram de iis opinionem egregiè confirmat.

Cum enim magna, si non maxima, ut ostendimus, pars eorum, ab antiquis Patribus Synodisque citati fuerint ipseque acerrimus eorum oppugnatior, nec unum quarto seculo laudatum discrete Canonem quærendo investigare potuit, qui inter eos etiamnum non habetur, quis in posterum dubitabit quin hi Canones isto seculo, & antea cogniti fuerint, & ubique fere obtinuerint?

VII. Verumenimvero pluma haud interest, si demus nonnullos à quarti seculi Conciliis laudatos fuisse Canones, qui in Apostolicorum Codice monstrari nequeunt. Quid enim hinc sequitur? nec Apostolicos illis cognitos fuisse, licet ab iis sæpius laudentur? Nequicquam. Sed sequitur, inquit Dallæus, nonnullos istis temporibus extitisse antiquos Canones, quorum nulla inter Apostolicos mentio occurrit, ac proinde quamvis alii ab istis Conciliis laudati Canones nullibi præterquam inter Apostolicos reperiantur, eos tamen ex Apostolicorum Codice laudatos fuisse, haud legitime ex eo concludi potest: quoniam scilicet nonnulli ab ipsis citati in isto Codice non inveniuntur. Hæc summa est disputationis ab erudito viro in hac causâ institutæ. Quæ tamen huc tantum redit, omnes antiquos ante Nicænam Synodum constitutos Canones, in Apostolicorum Codicem non collectos fuisse. Quod & nos quoque faciles concedamus. Neque enim in eam unquam venimus sententiam, quod hic Codex omnes omnino contineat Canones, qui ab Apostolicæ & primitivæ Ecclesiæ Patribus sanciti editique fuerunt. Quemadmodum enim non modo post editum, verum & inter edendum Codicem Canonum Ecclesiæ universæ, alii complures Canones à localibus sive provincialibus Synodis divulgati sunt; sic & alii haud dubie nonnulli à primitivâ Ecclesiâ aliquibus saltem in locis constituti sunt Canones præter eos, qui in hunc Codicem Canonum Ecclesiæ primitivæ congesti sunt. Cum tamen si non omnes multo tamen maxima pars Canonum qui à Nicænâ aliisque tunc dierum celebratis Synodis laudati sunt, in hoc Codice Canonum Ecclesiæ primitivæ & nusquam præterea inveniantur, meritissimo quidem jure ex eo arguamus hunc Codicem isto seculo publicatum, vulgoque notum fuisse. Sapientissimi enim cujusque fides respuit, ut ipsi illi qui Apostolicorum Codicem constituunt Canones, à Patribus Synodisque istorum temporum toties citarentur, & tamen Codex ipse ex iis confectus, illos lateret. Præsertim cum ipsi etiam Canones ab iis toties citati, in nulla aliâ Canonum collectione, in nullo alio cujusvis antiqui scriptoris commentario, in nullo alio Ecclesiæ primitivæ monumento, præterquam in unico hoc Codice habeantur. Si omnes, fateor, alibi invenirentur, non sine causâ suspicari liceret, eos ex aliâ istâ, in quâ reperti sunt, collectione Canonum vel antiquo scripto laudatos fuisse, vel saltem laudari potuisse. Cum autem in omnibus quæ nobis tradita sunt secundi tertiique post Christi nativitatem seculi opusculis, commentariis, Epistolis, Dialogis, Historiis, Disputationibus, Tractatibus, Orationibus, vel ut semel dicam scriptis, nulla prorsus eorum qui quarto currente seculo laudati sunt Canonum vestigia extent, præterquam in unico Apostolicorum Codice, ubi omnes simul occurrunt, si
hinc

hinc non legitimè concludatur, dictum Codicem istis temporibus cognitum fuisse, nihil omnino certi è quibuscumque veteris Ecclesiæ monumentis inferri potest, quod non totidem verbis in iisdem continetur. Quod nec ipse, ut opinor, Dallæus, si revivisceret, affirmare voluit. Me sanè fugit, quod demum pacto hujus naturæ causa clarioribus argumentis demonstrari potest.

VIII. Sed instat vir doctus, urgetque *eas quas nobis leges, regulas, definitiones, constitutiones Patrum vel Ecclesiæ memorat Nicæna, & Antiochena, & si qua alia Synodus, ea erant que tum in Ecclesiæ regimine obtinebant, vel tacito omnino consensu receptæ, quales eas præsertim fuisse credibile est, quas En, Consuetudines vocant, vel quæ alicujus sive Synodi, sive Episcopi decreto præceptæ, ac sancitæ, vel in unâ Provinciâ, vel in pluribus, vel etiam in omnibus observabantur.* Dall. pag. 517. Et hucusque quidem me assensorem habet, regulas sive Canones à Nicænâ aliisque synodis memoratos, antiquiorum Patrum vel synodorum decreto sancitos, & vel in unâ vel in pluribus, vel etiam in omnibus provinciis observatos esse. Sed adhuc sub iudice lis est, utrum isti Canones in Codicem Apostolicorum antea collecti, & ex eodem à synodis istis laudati fuerint. Hoc nos summâ ratione affirmamus, quoniam in isto Codice eoque solo non modo hisce sed & ab antiquis temporibus inventi sunt. Dallæus autem in contrariam abiit sententiam, solâ suspitione ductus, quod ea scripta, è quibus isti Canones citati sunt, modo interciderint. *Quod si, inquit, extarent omnia veterum ante Nicænâ synodum, vel Conciliorum, vel Episcoporum decreta, ac constituta, facilius nobis esset, singularum istarum regularum origines authore/que demonstrare.* Verumenimvero si alia extarent Ecclesiæ primitivæ monumenta, in quibus hi Canones descripti essent, eadem ratione ea quoque spuria & supposititia esse affirmet, quâ Codicem illum, in quo eos descriptos habemus, veteribus incognitos fuisse asserit. Atque ita si omnia veterum ante Nicænâ synodum vel Conciliorum vel Episcoporum decreta extarent, haud tamen facilius esset demonstrare, unde Nicæna aliæque synodi Canones à se memoratos citaverint: Impossibile enim est, ut in quovis scripto planius pleniusque, quam in Codice Canonum Apostolicorum exhibeantur. *Sed facile, inquit, ut quisvis videt, fieri potest, ut his idem quod illis aliis quas ex Nicæno, Ancyrano, & Neocæsariensi Conciliis attulimus, acciderit, nimirum ut ea perierint, vel synodorum vel Patrum Acta atque Codices, ex quibus à veteribus citabantur.* Verùm supposito, quod probari nequit, Ecclesiasticos quosdam Canones à Nicæno, Ancyrano, & Neocæsariensi Conciliis citatos esse, qui nec in Apostolicorum, nec in alio quovis Codice habentur, fieri tamen non potest, ut ea etiam perierint vel synodorum vel Patrum Acta atque Codices, ex quibus illi alii citabantur: Etiamnum enim in Codice Canonum Ecclesiæ primitivæ extant. Qui autem Canones à Patribus ex Codice Apostolico non citatos esse ex eo probare nititur, quod fieri potest ut ea perierint scripta è quibus citabantur, is sanè se præjudicio potius quam ratione ductum contra Apostolicos pugnare prodit. Eadem enim ratione, si ita eam vocare liceat, etiam omnia veterum scripta periisse probemus, quoniam fieri

potest ut ea perierint, aliaque adulterina sub eorum nominibus posteritati tradita fuerint. Ut ille autem in hunc modum disputat, fieri potest ut ea perierint scripta è quibus Canones à Patribus citati sunt, ergo ex Codice Apostolico non citabantur: ad eundem modum nobis sic disputare licet, fieri potest ut Canones à Patribus è Codice Apostolico citarentur, ergo ex eo citati sunt. Hæc enim nostra æque ac illius legitima est consequentia. Sed non opus est, ut nos ad tam miserum tantoque, quantus fuit Dallæus, viro indignum prorsus effugium recurramus. Enimvero non tantum fieri potest, ut non perierint, sed fieri non potest, ut perierint scripta ista è quibus Canones ab antiquis synodis citati sunt, quandoquidem eos omnes in hâc antiquissimâ Canonum collectione scriptos habemus.

IX. E præmissis videre est, quid de erudito nostro observatore sentiendum sit, qui novas ratiocinandi leges nobis præscribens, ait, *Tamen ut ex his locis rite argumentari possit vir doctus, duo nobis necessaria videntur. Alterum est, ut quibus de agimus sanctiones in vetustis Conciliorum Canonibus non reperiantur; nam si reperiantur, quin ad vera illa ac genuina monumenta referenda sint, potius quam ad notha & spuria, quales sunt Apostolici Canones, dubitabit nemo. Alterum vero ut in Apostolicis Canonibus habeantur, quotquot veteribus memorata sunt antiquæ definitiones seu regulæ, vetustæque ac Canonice Ecclesiæ leges. Alioquin si quedam memorata sunt, quarum ne minimum quidem in totâ Can. Apost. LXXXV. sylloge, cernere est vestigium, eas ab antiquo usu ac priscâ consuetudine arcessamus & evocemus oportet. Tales autem sunt illi Canones, illæque leges, sanctiones ac regulæ, quarum meminerunt Nicæni Patres, Can. XVIII. & forte etiam XIII. Ancyranî Can. XXI. & Neocæsarienses Can. XIV. prout est à Dalleo nostro observatum. Observat. pag. 14. Primum quod hic exigitur, in testimoniis adducendis accuratè admodum observavimus. Quæcunque enim adstruendæ Canonum horum antiquitati testimonia attulimus, de istiusmodi sunt Canonibus, qui inter vetustis Conciliorum Canones non reperiuntur; si unum fortasse vel alterum excipias, qui, licet simile quid in aliis reperiatur Canonibus, ad eos tamen, ut ostendimus, jure referri nequeant. Et hinc est, ut id obiter hic notem, quod Theodoretî testimonio hic superfedimus, quoniam Canones ab eo Eccles. Hist. lib. 5. cap. 23. laudati in aliis æque ac in Apostolicis inveniuntur. Quod de iis, quos plurimos ut à veteribus citatos hic adduximus, dici non potest. Cæterum & si qui Canones à Patribus laudati in synodorum Canonibus aliquo modo reperiantur, non tamen necesse est ut ad eosdem perpetuo referendi sint. Sub istiusmodi enim clausulis & circumstantiis laudari possunt, quæ non permittant ut ad alios quam ad Apostolicos referantur: Quæ notha & spuria esse monumenta, probare debuit eruditus Observator, non jubere. Præsertim cum illud sit, quod hoc locò in controversiam vocatur. Quod ad alterum deinde spectat ab Observatore hic requisitum, nimirum ut quotquot à veteribus memorata sunt definitiones seu regulæ, vetustæque ac Canonice Ecclesiæ leges in Apostolicis Canonibus habeantur, Primo observare licet, cautum prudentemque virum antiquas quidem definitiones seu regulas vetustasque ac Canonicas*

nonicas Ecclesiæ leges memorare, sed non diserte *Canones*, quod eo cautus egit ut παλαιὸν ἢ κανονικὸν νόμον à Patribus Nicænis, & τὸ πρῶτον ὄρον ab Ancyranis memoratum, pro istiusmodi haberet Canonibus, qui antiquitus quidem citati, sed in Apostolicorum Codice non reperti sunt. Quo se sibi conscium ostendit, tales non inveniri Canones, si lex ista Canonica & definitio eorum numero excludantur. Nos autem hic non disputamus de Ecclesiæ definitionibus aut legibus in genere, sed de iis quos antiqui Patres *Canones* expressè nominarunt. Sub isto enim nomine Apostolici ab initio obtinuerunt. Ac proinde licet ipsi nonnunquam, sed rarò admodum, leges & definitiones appellentur, cum Patres tamen Ecclesiasticas leges inter eos non inventas commemorant, ab istis *Canonibus* vocandis de industriâ abstinuissè videntur, ut ita eas ab illis Ecclesiæ legibus distinguerent, quas ipsorum majores *Canonum* nomine nuncuparant. Ullos autem antiquos Canones à quarti seculi Conciliis nominatim laudatos, præter eos quos in Codice Apostolico habemus, nec diligentissimus ille Joh. Dallæus invenire potuit, nec post eum eruditus observator, quippe qui eos tantum reperit, quos Dallæus ante notaverat, memoratos esse à Patribus Nicænis, Ancyranis & Neocæsariensibus, à quibus tamen Ecclesiasticos diserte Canones istis locis non citatos esse ante ostendimus. Quod si quæ leges aut definitiones ab antiquis synodis memoratæ sint, quarum ne minimum quidem in totâ Canonum Apostolicorum sylloge cernere est vestigium, eas ab antiquo usu & priscâ consuetudine arceat, evocetque, si velit, Observator: per me quidem licet, cujus causam id minime attingit. Neque enim ipse, nec quivis, ut opinor, alius, unquam asserui omnes omnino Ecclesiæ primitivæ leges ac definitiones in hoc uno Canonum Apostolicorum Codice collectas esse. Quocirca observator nostram non perstringit opinionem, sed suæ plus nimio indulget, cum ab isto Codice exigit, ut in eo inveniantur quotquot ullibi memoratæ sunt definitiones aut Canonice Ecclesiæ leges. Nobis enim abunde sufficit, si qui à veteribus nominantur Canones in eo contineantur. Quantum autem ex ipsius verbis colligere est, hoc modo argumentari voluit eruditus observator, Si quædam memoratæ sunt leges, quæ in Codice Apostolico non habentur, eæ ex antiquo usu & priscâ consuetudine, non ex isto Codice arcessendæ sunt. Ergo & omnes Canones à veteribus memorati, etiam si in Codice Apostolico habeantur, non tamen ex isto Codice, sed ex antiquo usu & priscâ consuetudine arcessantur oportet. Quis autem hujus consequentiæ debilitatem vel falsitatem potius primo intuitu non deprehendit? Si demus enim leges idem valere atque Canones, è logicâ tamen didicimus à particulari ad universale haud legitimam inferri consequentiam, ac propterea ex eo quod quidam Canones ab antiquis Patribus memorati ab antiquo usu arcessantur (quod tamen falsissimum est) non sequitur omnes ad eundem necessario referendos esse, præsertim cum multò maximam eorum partem in vetusto hoc Codice habeamus, cujus antiquitatem à nobis assertam strophæ hujusmodi & sophismata nunquam convellent.

X. Sed ut ut est, Observator sibi firmissimè proposuit, omnia pro Canonum

nonum Apostolicorum antiquitate allata testimonia vilipendere, quamdiu Canones ab antiquis synodis Patribusque laudatos vel ad alia quæcunque scripta, vel ad priscam consuetudinem referre poterit. E verbis enim supra citatis hanc conclusionem infert, *Ergo Beveregiani argumenti vim penitus elevabo, quoniam vetustas illas leges, ex quibus pro Canonum suorum equo majore antiquitate argumentari solet, vel ad genuina quæ supersunt veterum monumenta, referam, vel ad antiquum usum & priscam consuetudinem, quæ in Ecclesiâ obtinebat antequam ullus hæc de re Canon ab aliquâ synodo conditus esset.* Observat. pag. 14, 15. Hoc est, nunquam credet, nunquam sibi persuasum habebit, Canones Apostolicos ante An. Dom. CCCCLI. sancitos fuisse, quicquid è contra à quopiam proferri potest. Nulla enim uspiam citata est lex Ecclesiastica, quæ non ad aliqua veterum monumenta, vel saltem ad priscam aliquam consuetudinem vel jure vel injuriâ referatur. Sed quonam obsecro pacto cognoscet observator, quinam antiquus usus, quæve prisca consuetudo in Ecclesiâ obtinuerit, antequam ullus hæc de re Canon ab aliquâ Synodo conditus esset? Illène omnes Synodos à primitivâ Ecclesiâ celebratas, omnesque ab iis constitutos Canones sibi cognitos habet? Si habeat, in lucem emittat, & nullus dubito quin universam Ecclesiam, totamque rempublicam literariam maximis beneficii vinculis sibi obstrictam habeat. Sed vereor, ut hoc unquam assequatur. Quod si nec cognoscat ille, nec unquam, ut opinor, cogniturus sit, quinam Canones à trium priorum seculorum Synodis conditi fuerint, quò demum modo cognoscat, quinam antiqui mores ac priscae consuetudines ante eos in Ecclesiâ obtinuerint? Quid autem si omnes ab antiquis Synodis memoratos Canones, nec ad alia quæ supersunt, genuina veterum monumenta, nec ad antiquum usum, vel priscam aliquam consuetudinem jure referri posse demonstretur? Tum sane eos ad Codicem Canonum Apostolicorum referat, ipso judice, necesse est: Alias enim non habebit quo referat. Verum omnes à Nicænis aliisque Synodis citatos Canones in aliis genuinis veterum monumentis non inveniri, usque adeo planum certumque est, ut nec ipse illud negare potuit, atque ideo ad antiquos nescio quos Ecclesiæ usus confugere coactus est. Sub quâ autem rationis imagine illi, qui à Synodis nominatim laudantur, Canones ad priscas tantum Ecclesiæ consuetudines ususque referantur? Nihilne inter Canonem & consuetudinem interest? Sane eruditi viri multas vocis *κανὼν* significationes ab Ecclesiâ usitatas observarunt, ut idem autem atque *ἔθος* sive consuetudo valeret, nemo ante observatorem nostrum somniavit. Sed quandoquidem de Synodis agimus, Nicæna universalium prima & omnium celeberrima causam determinet. Hæc autem cum antiqua Ecclesiæ primitivæ decreta memorat, ea *κανόνως* cauta perpetuo nominat; cum vero jura & privilegia quarundam Ecclesiarum non patrum decretis, sed priscâ tantum consuetudine introducta memorat, ea non *κανόνως* sed *ἐν* appellat, Dicens *τὸ δρχαῖον ἐν neglecto* Can. VI. Ex quibus verbis nullum ibi disertum vel Apostolorum vel synodorum præceptum sive Canonem citari, ipse etiam clarissimus Dallæus rite argumentatur, de Pseudep. lib. 3. cap. 8. pag. 508.

Enim-

Enimvero antiqui Ecclesiæ mores, usqueque Canones Ecclesiastici à nullâ Synodo, à nullo Patre, à nullo unquam scriptore dicti sunt, priusquam Ecclesiasticâ sive Episcoporum auctoritate sanciti sunt. Concilia autem Patresque, quorum testimonia nos adhibuimus, non mores ritusve, non prisce Ecclesiæ consuetudines aut usus, sed antiquos Ecclesiasticos Canones discrete ac nominatim laudant. Qui propterea *ad antiquum usum & priscam aliquam consuetudinem, qua in Ecclesiâ obtinebat antequam ullus hâc de re Canon ab aliquâ Synodo conditus est*, nequaquam referri possunt. Quomodo enim Canones citari poterant antequam conditi essent? Si nulli adhuc Canones de hisce rebus à Synodis constituti fuissent, qui fieri potuit, ut Synodus Nicæna aliæque istis diebus habitæ antiquos Canones laudarent? Ipsæne eos Canones tantum citando faciebant? Annon ipsa Canonum antiquorum citatio necessario evincat Canones de istis rebus longe antea conditos fuisse? Cuinam ambo unquam prius vel etiam posterius quam Observatori in mentem venit, Canones à Patribus expressè citatos non esse Canones, sed tantum antiquos nescio quos usus & prisce Ecclesiæ consuetudines? Si quidem aliud non habeat (quod sane nunquam habebit) quo Canones à Synodis nominatim memoratos, & in aliis veterum monumentis non repertos, referat, præterquam vel ad antiquos Ecclesiæ usus, vel ad Canones Apostolicos, quin eos ad hos ultimos nobiscum referre debeat, nemo dubitare potest. Ut Canones enim ad antiquos istos usus qui nunquam Canones fuere, referantur, usque adeo ab omni ratione alienum est, ut nihil magis absurdum, magis ridiculum efferri vel excogitari possit.

XI. Has doctorum virorum, contra veterum pro Canonibus Apostolicis testimonia, exceptiones, fusius idcirco prosecuti sumus, quod aliarum, quasque alibi protulerunt, vis tota hisce fere fundata videatur. Cum autem è prædictis constet, omnes à Synodis Nicænâ ac Antiochenâ quibus de solis hic agimus, memoratos Canones, nec ad antiquos quosvis Ecclesiæ usus, nec ad alia quæcunque veterum monumenta referri posse, præterquam ad Codicem Canonum Apostolicorum, cumque illi omnes in isto Codice una collecti habeantur, nihil dubii superesse potest, quin ex eo à veteribus citati fuerint. Verumenimvero Synodum Antiochenam hos Apost. Canones non modo vidisse & laudasse, sed & omnes propemodum suos ex iisdem explicatis produxisse, eorumque ordinem per totam fere Canonum suorum syllogem observasse, inter testimonia ex eadem ferunda, manifestum, ut opinor, cuivis nimîâ sui opinione non occæcato fecimus. Nec mirum cuiquam videatur, quod Synodus Provincialis, qualis fuit Antiochena, Canones in Ecclesiâ passim tunc temporis notos atque observatos, suâ demum auctoritate renovaret & uberius explicaret: Hoc enim omnibus fere localibus sive Provincialibus Synodis solenne fuit, etiam post editum Codicem Canonum Ecclesiæ universæ. Quotiescunque enim necessitas aut occasio id postularet, Canones in isto etiam Codice collecti, à Provincialibus istiusmodi Conciliis renovati, explicati, & de integro sæpe constituti sunt. Quod neminem latere potest in Actis & Canonibus Conciliorum vel mediocriter exercitatum.

Quinetiam Synodi Provinciales contra nonnunquam statuerunt atque in Canonibus Ecclesiæ universæ prius statutum fuerat. Quod de Antiochenâ nequaquam dici potest, utpote quæ magnam Codicis Canonum Ecclesiæ primitivæ partem laudat, explanat, & ad pristinum suum vigorem restituit, sed nihil ei contrarium edidit, neque unum in eo repertum Canonem abrogavit. Quod quidem istum Codicem summæ tunc temporis in Ecclesiâ auctoritatis fuisse luculentè demonstrat.

C A P U T X I I.

Synopsis.

- | | |
|---|---|
| <p>I. Synodi Gangrensis testimonium pro Canonibus Apost. vindicatum asseritur.</p> <p>II. Testimonium Synodi Constantinopolitanæ à quatuor Observatoris exceptionibus defenditur.</p> <p>III. Eusebii locum ab Observatore adductum nihil ad rem facere probatur.</p> | <p>IV. Concilii Carthaginensis testimonium vindicatur.</p> <p>V. Alia è Synodis Ephesinâ & Chalcedonenſi testimonia, quibus adversarii nihil responderunt.</p> <p>VI. Concilium Chalcedonenſe per τὰς πάλαι κανόνας nec Antiochenos, nec Carthaginenses, sed Apostolicos solos intelligere potuerunt.</p> |
|---|---|

I. **Q**UOD contra testimonia è synodis Nicænâ ac Antiochenâ ad veram Canonum Apostolicorum adstruendam antiquitatem adducta objecit Dallæus, idem & ad ea quæ è synodo Gangrenſi citantur, dictum voluit, pag. 518. Quapropter nec nobis opus, ut plura hic adjiciamus ad vindicandum Gangrenſe istud pro antiquis hisce Canonibus testimonium, quam quæ in præcedenti capite atque in ipso asserendo testimonio dicta sunt. Dallæus autem hic ingenue confitetur, fuisse jam ante Gangrenſem synodum suas Ecclesiæ regulas, suas scripturas, Apostolicasque traditiones, idque apud omnes in confesso esse. Cum istæ autem regulæ sive Canones, quos fatetur ante istam synodum in Ecclesiâ obtinuisse, & ab eadem laudatos esse, in Codice Apostolico eoque solo collecti habeantur, ista quidem synodus jure merito inter eas recenseatur, quæ sua isti Codici testimonia contribuerunt.

II. Post Patres Gangrenſes, alios quam plurimos in Synodo An. Dom. CCCLXXXII. Constantinopoli congregatos, gravissimos in hâc causâ testes advocavimus. Hi enim in synodicâ ad Damasum aliosque Occidentales Episcopos Concilium Romæ tunc temporis celebrantes missâ affirmant, quod παλαιός τε θεσμός κεκεράτηκε, ἢ τῶν ἁγίων ἐν Νικαίᾳ ὄντων, Antiqua obtinuit sanctio & Patrum Nicænorum regula ut Episcopi scilicet cujusque Provinciæ, & si

& si ipsis placuerit, una cum iis finitimi, ordinationes Episcoporum celebrent. Ubi per *antiquam sanctionem* Canonem Apostolicum XXXV. intelligendum esse contendimus. Hoc Dallæus non viderat, ideoque nihil contra illud objecit. Sed Observator partibus illius fungens, veritus ut una & altera tanto evertendo testimonio sufficerent, haud pauciores quam quatuor exceptiones contra illud publicavit, pag. 10. 11. Quod quidem prudentissime ab eo factum est, ut quod ponderi earum deest, quoad fieri potuit, numero suppleretur. Sed quales quales, & quotquot sunt, eas omnes suo ipsius ordine percurramus, ut omnibus pateat in quantas redigantur angustias, qui contra veritatem pugnant auli sunt. Has itaque exceptiones vir eruditus his verbis introducit, *Per antiquam*, inquit, *sanctionem designari opinatur Beveregius Can. Apost. XIV. XV. quod nulla synodo Nicenâ, si illum audiamus, antiquior lex extitit, quæ hoc constituit, præter Canones illos Apostolicos. At quam vana sit ac frivola eruditi viri ratiocinatio, pluribus demonstratum imus.* Sed post jactatas hæc minas, nos hisce lusoriis tantum armis aggreditur. *Primo*, inquit, *designati Canones nihil plane dicunt de Episcoporum ordinationibus, de quibus expresse agitur in testimonio allato, ut cuiusvis legenti patet.* Recte sane, Canones Apostolorum 14. & 15. ab eo quidem, non à nobis designati, nihil plane de Episcoporum ordinationibus dicunt. Atqui tam oculatus & acutus observator non potuit non videre, vel observare numeros illos 14. & 15. in Annotationibus nostris typographorum incuriâ pro 34. & 35. impressos esse: qui quidem Canones Apostolici, ille quidem sive XXXIV. de Episcoporum autoritate exercendâ, hic, sive XXXV. de ordinationibus, expresse loquuntur. Quod & ipsum Observatorem fugere non potuit. Qui propterea magno conatu magnas nugas agit, cum temerarium hoc ex falsis præmissis confectarium clausis ultro oculis eripuit, dicens, *Unde liquet, ut id obiter notem, ad fictitios illos Canones minime confugiendum esse, quoties apud veteres sit mentio alicujus sanctionis antiquæ, quæ in genuinis quos habemus Conciliorum Canonibus hodie non extat: plures siquidem ejusmodi sanctiones usu & consuetudine obtinere, quæ tamen literis statim tradita non fuerunt.* Unde quæso hoc liquet? Ex eo quod Typographi homines sint, & aliorum ad instar erroribus obnoxii? an quod ænei literarum typi, nimis festinanti Chalcographorum manu, sedibus suis aliquando non reponantur; vel iisdem nonnunquam excidant? Hoc sane unicum est illud prævalidum argumentum, unde id liquere dicatur. Observator enim nec mihi nec cuiusvis unquam persuadebit, se, qui tot observationes in Ignatianas vindicias, & in nostras Annotationes edidit, interim non observasse, Canones Apostolicos XXXIV. & XXXV. hoc in loco intelligendos esse. Præsertim cum ipse se illud observasse clare satis eo indicârit, quod alias præter istam contra hoc testimonium exceptiones excogitavit. Quid aliis enim opus esset, si Canones designati nihil de re propositâ loquerentur? Hoc sane unum refellendo isti testimonio satis esset. Verum eruditus Observator, quamvis dissimulavit, probe tamen novit Canones à nobis designatos ad rem esse: ac propterea addit, *Secundo, si tunc temporis extitissent prædicti Canones, & ad*

eos respexissent Synodi Constantinopolitana Patres, plusquam verisimile est, eos hanc Canonum collectionem memoraturos esse, æque ac Nicænorum Patrum regulam, vel saltem Canones ipsos suis numeris indicaturos. pag. 11. 12. Jam non admiror, si Observator noster Typographorum errata non observavit, cum nec sua, nec quæ sub oculis manibusque habuit, observare possit. Primo enim non observat Canonum Nicænorum collectionem à Patribus Constantinopolitanis hoc in loco non memoratam esse, sed tantum unam ab iis definitam regulam. Si hoc enim observasset, haud veri, nedum plusquam verisimile, ipsi videretur eos Canonum Apostolicorum collectionem memoraturos fuisse, si ad eam respexissent, æque ac Nicænorum regulam. Quorum enim, aut cur Canones Apostolicos alio atque Nicænos modo memorarent? Ad Canonum Nicænorum collectionem eos respexisse, nec ipse (ut opinor) Observator negabit, & tamen non totam, ut videre est, collectionem istam, sed unum tantummodo Canonem ex ea citarunt. Ac proinde veri prorsus dissimile est, ut Canonum Apostolicorum collectionem memorarint, licet ad eam respexissent. Sufficit quod ex ea etiam unum vel alterum Canonem laudarint. Præterea, Observator hic non observavit, Canonem Nicænum hoc in loco numeris suis non indicatum esse, sed tantum Patrum Nicænorum Canonem in genere. Si hoc enim observasset, veri quidem non simile, sed dissimile prorsus ei visum fuisset, ut Canones Apostolici potius quam Nicæni suis numeris indicarentur. Denique, Observator noster sui & operis à se suscepti oblitus, non observavit etiam Patres Constantinopolitanos verbis supradictis antiquam de hac re legem regulæ Nicænæ præposuisse. Si hoc enim observasset, antiquam istam legem, adeoque totam istam Canonum collectionem, cujus pars est, ante Synodum Nicænam divulgatam fuisse ingenuè confessus esset. Verum licet hæc inter scribendum forsitan ipsi placuerint, veritus tamen ut scripta aliis satisfacerent, subjungit, *Tertio, fieri potest ut duabus locutionibus seu phrasibus unam & eandem rem significaverint Patres, nempe regulam Nicænam, quæ eorum respectu antiqua erat, utpote ante annos LVII. promulgata.* Cautissime dixit, *Fieri potest*, neque enim prorsus impossibile est, ut una eademque res duabus loquendi formulis significetur. Sed nisi me omnia fallant, fieri etiam potest, ut duæ locutiones sive phrasæ duas res significant. Nos autem tantis nondum urge-mur angustiis, ut quæramus quid fieri possit, sed quid vera factum sit. Patres autem antiquam legem & Nicænam regulam apertissimè distinguunt, primo asserentes antiquam de hac re legem obtinuisse, *παλαιὸς τε ὡς ἔτε θεομὸς κεκορμίτηκε*, & postea Patrum Nicænorum regulam seorsim subjiciunt, dicentes, *ἡ δὲ αἰγίων ἐν Νικαίᾳ πατέρων ὁρῶν*. Quâ loquendi formulâ legem istam ab hac regula clarissimè discernunt. Quinetiam particula *τε* post *παλαιὸς* distinctionem istam haud obscure indicare videtur. *Παλαιὸς τε θεομὸς κεκορμίτηκε, ἡ δὲ αἰγίων ἐν Νικαίᾳ πατέρων ὁρῶν*, hoc est, *Et antiqua lex obtinuit, & Patrum Nicænorum regula.* Ad hæc legem illam antiquam vocant, atque ita à regula Nicænâ perspicuè distinguunt, quippe quæ eodem seculo antiqua dici non potuit. Neque unquam legimus Canones Nic. antiquos dictos,

ἄλλος, nedum eodem seculo quo constituti sunt. Ut res autem extra dubium ponatur, ipsi Patres CP. postquam dixissent antiquam istam legem obtinuisse, atque etiam Patrum Nicænorum regulam, hæc proxime subijciunt : οἷς ἀκολούθως τὰς ἡ λοιπὰς ἐκκλησίας παρ' ἡμῶν οἰκονομεῖσθαι γινώσκετε, καὶ τὰ ὑποσημαίντων ἐκκλησιῶν ἀναδεδεῖχθαι τὰς ἱερεῖς. *Quibus consequenter*, sive ut doctissimus vir Henricus Valelius vertit, *Ex quarum legum præscripto tum reliquas apud nos Ecclesias administrari scitote, tum nobilissimarum Ecclesiarum Episc.* esse renuntiatos. Ubi non modo particula τε eodem quo supra sensu utuntur, verumetiam asserunt se in Ecclesiæ administratione ambas istas leges ante memoratas secutos esse : dicunt enim οἷς ἀκολούθως, ubi relativum plurale οἷς, nec ad θεσµὸν singulariter, nec ad ὅρον, sed ad utrumque referatur necesse est. Quod si Patres idem per τὰ παλαιὰν θεσµὸν, atque per ὅρον, voluissent, non dixissent οἷς sed ᾧ ἀκολούθως. Plurale enim relativum, ut omnes norunt, duo minimum antecedentia à se invicem distincta requirit. Si hæc vir eruditus observasset, non dixisset *Fieri potest*, sed *Fieri non potest*, ut Patres duabus istis locutionibus seu phrasibus unam & eandem rem significarint. Hæc autem adeo plana sunt & cuiusvis obvia, ut pudeat pigeatque ea ulterius prosequi. Videamus itaque qualem ultimo loco exceptionem adinvenit. *Quarto*, inquit, *si antiquam illam sanctionem à Nicænorum Patrum regula diversam esse contendit vir doctus, respondeo, sanctionem illam antiquam usu ac consuetudine tacite, ut alia plura, introductam esse, & continuâ praxi roboratam, donec tandem à Concilio Nicæno primò in Canonem redacta, & scripto mandata fuit.* Hic autem à memet vix impetrare possum, quin credam Observatorem aliud intus in animo fixum habuisse, & aliud expressisse verbis. Nemo enim mihi persuadebit tam eruditum virum credidisse, illud quod usu tantum & consuetudine introducit, & nulla lege sancitur, *sanctionem* unquam dictam fuisse vel dici posse. Plurima quidem vitia usu ac consuetudine tacite introducta sunt, & continuâ hominum praxi corroborata, longissime tamen abest, ut *sancta* propterea dicantur, nedum ipsæ *sanctiones*. Quinetiam si demus, quod prorsus incredibile est, nonnulla in Ecclesiam primitivam, usu solo ac consuetudine, sine omni vel Apostolicâ traditione vel Ecclesiasticâ institutione introducta esse ; demus etiam, quod absurdum est, huiusmodi consuetudines, licet nullâ unquam autoritate sancitas, *sanctiones* nihilominus dictas fuisse : & si hæc, inquam, demus, veruntamen viri eruditi causa nihil exinde promovetur. Isthoc enim modo primo introduci, & tamen à primitiva aliqua longe ante Nicænam Synodo sanciri potuit hæc antiqua sanctio, & in Canonem reduci. Quod enim Observator postea addit, antiquam istam sanctionem miro isthoc modo introductam *a Concilio Nicæno primò in Canonem redactam & scripto mandatam esse*, à rei veritate quam longissime distat. Enimvero antiquâ istâ sanctione à Patribus Constantinopolitanis laudatâ, statutum fuit, ut provinciales Episcopi unâ cum finitimis, modo ipsis visum fuerit & utile judicaverint, in suis ipsorum Provinciis Episcoporum Ordinationes faciant. Hoc autem à Synodo Nicæna nusquam in Canonem redactum, nec scripto mandatum fuit ; utpote quæ nihil prorsus de finitimis

Episcopis ad Episcoporum Ordinationes sub ulla cautione admittendis statuit. Statuit solummodo, ut omnes provinciæ cujusque Episcopi, vel saltem tres, reliquis assensum suum scripto præbentibus, Episcopum constituent, à Metropolitano confirmandum: nullâ prorsus de finitimis Episcopis inductâ mentione. Cum Patres itaque Constantinopolitani *antiquam istam sanctionem & Nicenam regulam* eo tantum nomine citarent, ut probatum irent, Nectarii Constantinopolitani & Flaviani Antiocheni Episcopi ordinationes Canonicè sive ex Canonum præscripto celebratas fuisse, licet à finitimis æque ac ab istarum provinciarum Episcopis celebratæ essent: Canon autem Nicænus de comprovincialibus duntaxat Episcopis loquatur; antiqua vero sanctio *de finitimis* (aliter enim frustra laudata esset) hinc patet, non modo *antiquam sanctionem* hic laudatam à *Nicana regula* diversam esse, sed & eandem à Synodo Nicæna in Canonem nequaquam redactam fuisse, nec scripto mandatam. Quapropter non potuit talis esse sanctio qualem Observator somniavit, quæ scilicet usu introducta & praxi roboratâ est, donec tandem à Concilio Nicæno in Canonem redacta fuit.

III. Quomodocunque autem se res habeat, ita tamen esse, ut ipse opinatur eruditus Observator, faciliè demonstrâri posse affirmat. Ex eo scilicet, quod Eusebius de Narcisso Episcopo Hierosolymitano verba faciens tradat, Hist. Eccl. lib. 6. cap. 10. alium ejus loco Episcopum à vicinis Episcopis constitutum esse, quoniam ille Ecclesiam sibi commissam aliquamdiu reliquerat. Cum ipse autem reverteretur, Alexander ei adjutor datus est, ob admodum propectam Narcissi ætatem, annos quippe natus erat sexdecim supra centum. Si rogamus autem, quomodo ei adjutor datus sit Alexander, & ad Episcopatum promotus Hierosolymitanum, respondebit, ut Observatori videtur, Eusebius, cap. 11. *Hoc factum esse consentientibus vicinarum Ecclesiarum Episcopis.* Nullâ prorsus mentione factâ legis aut sanctionis scriptæ, quæ hoc præciperet. *Non obliturus certe, inquit vir doctus, si aliquam tunc temporis extitisse scrivisset. Nempe juxta consuetudinem receptam egerunt Palestini Episcopi, non autem secundum aliquem scriptum Canonem. Hæc autem contigerunt annos circiter 120 ante Concilium Nicænum, à quo primo ista consuetudo scripto, ut opinor, mandata est.* Hoc est luculentum illud Argumentum, ex quo eruditus Observator antiquam sanctionem à Patribus Constantinopolitanis memoratam nihil aliud esse, quam antiquam quandam consuetudinem à Concilio Nicæno primo sancitam, sibi demonstrasse videtur. Si quis autem hanc historiam, ut ab Eusebio traditam, paulo attentius legit, nihil in ea inveniet, quod rei, quam ex ea demonstrare suscepit Observator, ullam prorsus lucem, nedum demonstrationem afferre videatur. Primo enim Eusebius cap. 11: ubi Alexandrum Narcisso adiutorem datum fuisse tradit, nihil omnino de illius in Episcopatum Hierosolymitanum ordinatione loquitur, sed eum in Cappadocia ante ordinatum fuisse Episcopum affirmat: cui propterea non licebat ut denuo ordinaretur. Id autem, quod Eusebius à consentientibus vicinarum Ecclesiarum Episcopis factum fuisse tradit, longe aliud fuit atque Ordinatio Episcopalis. Dicit enim revelationem quandam Ecclesiæ

Ecclesiæ Hierosolymitanæ visam fuisse, & vocem auditam, quæ ipsis significabat, ut extra portas civitatis egressi, destinatum sibi à Deo Episcopum susciperent. Et protinus addit, Τῷ δὲ περιέξαντες μὴ κοινῆς τῶν ἐπισκόπων οἱ τοὺς πέριξ διέπον ἐκκλησίας γνώμης, ἐπάναγκες αὐτὸν παρὰ μὲν βιάζονταί, *Quod cum illi consentientibus iis, qui circumcirca Ecclesias administrabant, Episcopis fecissent, manere deinceps eum apud se coegerunt.* Obsecro tuam fidem quicumque demum sis, qui has Observationes edidisti, quibus oculis, quibus etiam specillis usus es, cum hunc legebas locum, ut in eo videre poteris Finitimos Episcopos unà cum provincialibus Episcopum ordinantes? Populus Hierosolymitanus egressi sunt, ut Episcopum à Deo missum susciperent, & susceptum secum manere coegerunt. Quid hæc ad Episcopi Ordinationem? Hæc facta sunt consentientibus aliarum quæ circumcirca erant Ecclesiarum Episcopis: Ergone finitimi una cum istius Provinciæ Episcopis Episcopi Ordinationem peragebant? Vix credo. Nec credit ipse Observator, si locum ex integro vel raptim relegerit. Sed in præcedenti capite Eusebius refert visum esse Finitimarum Ecclesiarum Episcopis alium Narcissi loco Episcopum ordinare. Fateor quidem. Sed nihil hic etiam de finitimis Episcopis à provincialibus ad istam Ordinationem evocatis. Neque enim alii sane hoc in loco intelligantur *finitimi*, quam qui Hierosolymis vicini erant Episcopi, atque ita in eadem Provincia constituti. Alii enim hic nulli memorantur istius Provinciæ Episcopi, quam qui sub ὁμόρων *finitimorum* nomine comprehenduntur. Et si contenderit adhuc vir doctus ex hoc loco patere (quod minime patet) Finitimos tunc temporis Episcopos in alia Provincia constitutos, ab istius Provinciæ Episcopis ad illam Ordinationem admissos fuisse, nostram potius quam suam ex eo opinionem confirmabit. Hinc enim conficeretur istum Canonem Apostolicum tunc dierum obtinuisse, quo sancitum est, ut Episcopus extra suos terminos Ordinationes non faciat, nisi ex consensu eorum qui civitates istas aut pagos tenent; atque ita permissum, ut consentientibus cujuscvis Provinciæ Episcopis, *finitimi* unà cum ipsis ordines Episcopales conferant. Quod itaque ad priorem Eusebii locum à nobis recitatum dicit Observator, *Nullam ibi factam esse mentionem legis aut sanctionis scriptæ, quæ id præciperet, quam Eusebius non obliturus esset, si aliquam tunc temporis extitisse scivisset.* Si hæc verba ad istum Eusebii locum, cui annectuntur, respectum habeant, temerè prorsus & frustra proferuntur; etiamsi enim Eusebius optimè scivisset talem tunc temporis extitisse sanctionem, nullam omnino isthoc loco eam commemorandi occasionem habuit; quippe quo nihil dixit, quod ad istam sanctionem referri potuit. Quod si hæc Observatoris verba ad alterum Eusebii locum respiciunt, ubi finitimarum Ecclesiarum Episcopi Episcopum ordinasse dicuntur: Quid quæso opus erat, ut Ecclesiasticæ istius sanctionis, quæ id factum est, meminerit? Ille historicum, ac proinde non de jure, sed de facto, agit. Adeo ut licet ipsas res in Canonibus Apostolicis sancitas, ut ab aliis observatas retulisset, ipseque istos Canones eodem temporis articulo sub oculis habuisset; non tamen necesse erat, ut eorum mentionem faceret

faceret, sed potius necesse erat ut non faceret, ne historiographi limites transiliret. Sed quid attinet multa de re adeo perspicua accumulare? Eusebius per totam hanc historiam nihil habuit, quod Canonem istum Apostolicum laudandi materiam ei præbere potuit; ac propterea nec historicum nec prudentem scriptorem egisset, si fines suos transcendisset, ut Ecclesiasticæ istiusmodi sanctionis ad rem suam minimè pertinentis mentionem induceret. Unde videre est, quam difficilis & molesta sit provincia, cujus patrocinium suscepit eruditus Observator, qui illud pro argumento demonstrativo venditare coactus est, quod nec minimam rationis speciem præ se fert. Cum autem pro concessio, ni fallor, habeamus, eum omnes, quas summis ingenii viribus contra Patrum Constantinopolitanorum pro Canonibus Apostolicis testimonium excogitare vel fabricari potuit, exceptiones edidisse, cumque nihil quod objecit summam istius testimonii auctoritatem vel diminuere vel attingere deprehendatur; Firma stabilisque manet sententia, quæ Canones Apostolicos omnibus illis, qui Constantinopoli tunc temporis conveniebant, Episcopis cognitos & laudatos fuisse statuit.

IV. Proximum è Concilio Carthagenensi à nobis petatum pro Canonum Apostolicorum antiquitate argumentum, nec Dallæus oppugnavit, nec Observator, nisi quod ille *formam antiquam* una cum aliis nonnullis istiusmodi phrasibus è Synodis Africanis à Turriano allatis, nihil aliud significare scribat, quam quod in usu apud istam Ecclesiam erat, vel à vetustis Synodis constitutum, vel à maioribus nudâ & simplici traditione acceptum. Dall. de Pseud. lib. 3. cap. 9. pag. 519. Et nos quidem in eo assensores habet, quod *forma antiqua* à Concilio isto memorata, talem significet istis diebus in Ecclesia Africana obtinuisse usum, à vetustis Synodis constitutum, atque ita in Canonem redactum. Nos etiam, non minus quam ille, credimus antiquas huiusmodi formas regulasve ab isto vel ab aliis Conciliis laudatas, & in Codicem Canonum Apostolicorum collectas, nec ab ipsis Apostolis sancitas, nec à Clemente Romano literis mandatas, & in lucem emissas esse, sed à Synodis Carthagenensis illius respectu vetustis constitutas. De qua re non opus est hic plura disseramus, cum satis antea explicata fuerit.

V. Huic è Concilio Carthagenensi aliud illustre quidem in hac causa testimonium subjunximus è Synodis Oecumenicis, Ephesinâ & Chalcedonenſi petatum. E quibus scilicet ostendimus, consequentiam quandam sive ordinem Canonum istis temporibus obtinuisse, quo sancitum cautumque erat, ut Episcopus accusatus ad Synodum tertio citetur, priusquam iudicium de eo feratur. Cum hæc autem Ecclesiastica sanctio ab istis Conciliis toties memorata, & accuratè etiam observata, in nulla Canonum collectione, nec in quovis veteris Ecclesiæ monumento, præterquam in Codice Canonum Apostolicorum inveniatur; in eo autem disertissime habeatur, Canone nimirum LXXIV. non possumus non persuasissimum habere, hunc Codicem Canonum Ecclesiæ primitivæ ipsissimam esse Canonum consequentiam ab iis toties laudatam. Hoc autem gravissimum sane testimonium à nobis hic primò adductum

adductum, nec Dallæus, nec ipse Observator observavit; neuter saltem ad illud oppugnandum aggressus est.

VI. Præterea ex Concilii Chalcedonenſis Canonibus, tria noſtræ de Apoſtolicis opinioni confirmandæ testimonia attulimus: unum è Canone V. alterum è XXII. & tertium è XIV. E quibus doctiſſimi viri Dallæus & Observator in unum ſolum involarunt, & elevare conati ſunt; illud ſcilicet è Canone XXII. petiſſum, quo Patres τὰς πάλαι κανόνας citant, caventes ne Clerici poſt mortem Epilcopi ſui res ad eum pertinentes diripiant. Ad hoc Dallæus, lib. 3. cap. 10. per antiquos ait Canones hoc in loco non Apoſtolicos, quorum XL. idem diſerte præcipitur, intelligendos eſſe, ſed Canonem Antiochenum XXIV. idem etiam conſtituentem: *Et ratio, inquit, manifeſta eſt, quod iſtius ſcilicet Turrianici Apoſtolorum Codicis nulla neque in Chalcedonenſi Synodo, neque in ſuperioribus retro monumentis, nulla extat mentio. Antiochena regula & omnibus notiſſimæ erant, & ſunt ab ipſis Chalcedonenſibus Patribus diſertiſſimè neque ſemel ex Codice Eccleſiæ univerſa citata.* Primum vero quod hic dicit, nullam Codicis Apoſtolicæ in Synodo Chalcedonenſi aliſve retro monumentis extare mentionem, illud eſt quod quæritur: ac proinde hoc pro argumento ſive ratione haberi nequit, cum nihil aliud ſit quam petitiſſum principii. Quod porro ad Canonem Antiochenum ſpectat, plerique ex iis, quos iſta Synodus divulgavit Canones, ex Apoſtolicis, ut oſtendimus, ſumpti ſunt. Atque ideo cum Patres Chalcedonenſes antiquos citent Canones, ad Canonem iſtum non ut à Concilio Antiocheno editum, ſed ut antiquitùs conſtitutum reſpexiſſe videntur. Quod etiam ex eo indubium redditur, quod omnes quidem Antiocheni Canones in Codicem Canonum Eccleſiæ univerſæ ante illud tempus collecti à Patribus Chalcedonenſibus in primo ipſorum Canone confirmati ſunt: adeo ut non opus eſſet, ut denuo confirmarentur. Hoc enim nihil aliud eſſet quam actum agere. Quo quidem crimine ne teneri viderentur Patres, Canones, quos Canone ſuo XXII. laudant, ab iis, quos primo confirmarant, apertè diſtinguunt. Hos enim τὰς ἀρχαίων πατέρων καθ' ἐκάſτω ſύνοδον ἀρχαίαι & νῦν ἐκτεθέντες κανόνας appellant; illas autem τὰς πάλαι κανόνας. Et ubicunque in Actis ſuis Canones Eccleſiæ univerſæ, inter quos Antiocheni numerantur, laudant, eos perpetuo ſub generali *Canonum* nomine comprehendunt, antiquos nuſquam appellant. Hos autem diſerte antiquos vocant, ut ita eos à reliquis diſcernerent. Ut nihil ſit quod dicat Dallæus, *invidiam non eſſe Canones Synodi ante CX. annos Antiochiæ habita* τὰς πάλαι veteres ſive antiquos dici. Quamvis enim ita fortasſe dici potuiſſent, ita tamen dicti nuſquam inveniuntur. Neque cauſa dici poteſt, cur hoc ſolo in loco & non alibi ita dicerentur. Et præterea Canones Antiocheni, licet ante annos 110 conſtituti, iſtis tamen diebus paſſim obtinebant, atque ideo præſentes, quibus præſens ſcilicet adminiſtratur Eccleſia, potius quam antiqui dici meruerunt. Apoſtolicæ autem, quibus Eccleſia primitiva ante editos univerſæ Canones adminiſtrata fuerat, ſummo jure antiqui dicti ſunt, ut aliquot ante ſeculis conſtituti, & per novam iſtam Canonum editionem tunc temporis pene antiquati.

Hæc Observatori suboluisse videntur. Qui propterea licet eadem quæ Dallæus de hoc argumento dixerit, veritus tamen ut hæc lectori in Dallæi verba non jurato satisfaciant, alio confugit, dicitque, *Canon Antiocheno non in tempestivè forte adjicias Canonem XXXII. Codicis Canonum Ecclesiæ Africanæ ex Concilio Carthagenensi Anno Domini CCCCXIX. habiti* (habito haud dubie legendum est.) Ut alia autem, quæ plurima contra novum hoc Commentum produci poterant, in præsentī missa faciamus, quicquid ipsi videntur, alii omnes uno ore consentient, Patres Chalcedonenses non adeo incautos fuisse, & Antiquitatis imperitos, ut Canonem triginta tantum annis ante constitutum, si notum habuissent, *antiqui* nomine decorarent. Restat itaque, ut nec Canon Antiochenus, quod Dallæus, nec Carthagenensis, quod Observator voluit, sed Canones Apostolici, quod nos volumus, à Patribus Chalcedonensibus hoc in loco sub τῶν πάλαι κανόνων nomine commemorentur.

C A P U T X I I I.

Synopsis.

- | | |
|---|--|
| <p>I. Alexandri Alexandrini testimonium vindicatur. Is nec ad Eliberitanos nec ad Arelatenſes Canones respexit.</p> <p>II. Canon non scriptus non potuit ab Alexandro dici Apostolicus. Ad locum Epiphaniī de hac re respondetur.</p> <p>III. Constantini M. Imp. testimonium defenditur. Canon Apostolicus ab eo memoratus de Apostolorum traditione intelligi non potest. Et si ita intelligatur, nihil nostræ opinioni adversatur.</p> <p>IV. Contra Julii P. R. testimonium nihil objectum.</p> <p>V. Concilii CP. testimonium Observator sex oppugnavit exceptionibus, quarum prima nihil est quam vel concessio vel petitio principii.</p> <p>VI. Secunda exceptio de dissonantia in-</p> | <p>ter Canones Apost. & CP. refellitur; ut & tertia de Balsamone, Zonara, ac Aristeno, Canones Apost. hic non citantibus. Synodus Carthagenensis nec Can. Apostolicis nec decreto CP. adversatur.</p> <p>VII. Ad quartam exceptionem, sæpe responsum est. Et quinta τὸ ἐν δρχῇ postulat.</p> <p>VIII. Ultima exceptio diluitur. Patres CP. nec ad Canones Antiochenos respexerunt, nec ad Nicænos. S. Hieronymi locus explicatur.</p> <p>IX. Testimonium Synodi Ephesinæ defenditur. In eo nec Nicænus nec CP. Canon indicatur, sed Apostolicus.</p> <p>X. Contra illustre Theodosii Imp. testimonium a nobis adductum, nihil ab adversariis exceptum est.</p> |
|---|--|

I. **V** Indicatis iis veterum testimoniis quibus Canones, quorum antiquitatem defendimus, sub *Antiquorum & Ecclesiasticorum* nomine citati sunt; superest modo inspicimus quas eruditi viri exceptiones excogita-

excogitarunt adversus ea, quæ eosdem Canones *Apostolorum*, & *Apostolicos* verbis conceptis nuncuparunt. Primum hujus generis testimonium à nobis allatum, est illud Alexandri Episcopi Alexandrini, qui in Epistola ad Alexandrum Constantinopolitanum apud Theodoret. Hist. Eccl. lib. 1. cap. 4. disertè ait, μήτε τ' Ἀποστολικὸν κανὼνα συγχωρεῖν, neque *Apostolicum Canonem* *permittere*, ut ab aliis excommunicati ab aliis in Ecclesiam recipiantur. Quod quidem sub gravissima pœna sancitur à Canone Apostolico XII. Quid ad hoc Dallæus? Nihil. Quid Observator? Quod tantidem est. Dicit enim primo, *Nullum ab Alexandro indicari peculiarem Canonem, nullamque ab eo memorari Canonum Apostolicorum syllogen*. Observat. pag. 17. Quid autem? Annon peculiaris Canon ab Alexandro indicatur, ubi *Apostolicus* disertissimè laudatur? Annon istum atque alios quoscunque Canones clarissimè distinguit, cum *Apostolicum* appellat? Quinam (quæso) Canones isto nomine antiquitus nuncupati sunt, præter eos quos hodie *Apostolicos* nominamus? Sed expectat forsitan vir eruditus, ut Alexander locum etiam indicaret, quem hic Canon in Codice obtinuit, hoc est, ut hi Canones aliter atque alii omnes ante quintum declinatum seculum, & postea etiam plerique, citarentur. De hoc autem fusius ante disseruimus, nec opus est hic plura adjiciamus. Verum nulla hic (inquit) *memoratur Canonum Apostolicorum sylloge*. Esto. Quid tum inde? Nicæni Canones, aliive nusquam citantur, præterquam ubi tota eorum sylloge memoratur? Alexander quidem unum tantummodo Canonem Apostolicum memorandi occasionem habuit, ac propterea totam citare syllogen non modo non necesse, sed & superfluum esset. Istum autem unum memorando, Codici quo habetur luculentum fatis testimonium perhibuit. Huic autem exceptioni toties ab ipso usitatæ, & à nobis antea refutatæ, parum confusus addit vir doctus, *Secundo Apostolicam illam regulam Alexandro nihil aliud esse, quam Canones ante Concilium Nicænum sancitos, velut Can. LIII. Concilii Eliberitani, anno CCCV. celebrati; vel XVI. Concilii Arelatenfis primi, anno CCCIV. habiti*. Quid Alexandro in Ægypto cum Provincialibus Conciliis in Hispania & Gallia celebratis? Incertum quidem est an Alexander de urbe Eliberi aut Arelate, incertius an de Provincialibus Episcoporum ibi celebratis Conciliis, incertissimum autem an de Canonibus ab istis Conciliis editis ullam, vel tenuissimam auditionem acceperit. Certissimum vero, quod si Canones ab illis suâ ipsius ætate constitutos scivisset, eos *Apostolicos* vocare nequaquam voluit: neque Alexandrum Constantinopolitanum certiore facere Apostolicum, sed Eliberitanum aut Arelatensem Canonem hoc non permittere. Nihil autem apertius esse potest, quam Alexandrum talem voluisse Canonem, qui non modo in Hispania aut Galliis, sed Alexandria & Constantinopoli obtinebat, istisque in locis vulgo notus erat, & quidem sub nomine Canonis Apostolici, quod quidem nomen nec Eliberitani, nec Arelatenfes, nec alii quivis unquam obtinuerunt Canones, præter eos quos in Codice Canonum Ecclesiæ primitivæ unâ collectos habemus.

II. Prævidens autem cautus Observator, neminem sibi assensurum fore

Canones Eliberitanos aut Arelatenfes ab Alexandro indicatos effe, fe aliò confert, ad Canonem nimirum iftum, ut ipfi videtur, non fcriptum, publicoque tametsi tacito omnium ufu ac confenfu receptum, fecundum quem Clerus Romanus vacante fede poft Hygini mortem, nempe circa Annum Domini CL. Marcionem ob vitiatam virginem à proprio parente excommunicatum, in communionem admittere recufavit, ab Apoftolorum difcipulis edoctus, *Cur me, inquit Marcion, feniores illos alloquens, recipere noluitis? Responderunt illi, nobis injuffu venerandi Patris tui facere iftud non licet: una fi quidem fides eft, & animorum una confenfio: neque contra fpectatiffimum comminiftrum Patrem tuum moliri quippiam poffumus.* Apud Epiphan. Hær. XLII. pag. 302, 303. Quibus recitatis fubjungit vir doctus; *Ecce Apoftolicum Canonem non fictitium illum quidem, fed verum ac genuinum ab Apoftolis difcipulis fuis traditum, & ab Apoftolorum difcipulis non fcripto, fed ufu ac praxi ad fucceffores transmiſſum. Nam ab Apoftolorum difcipulis edocti Eccleſiæ Romanæ feniores five Presbyteri Marcionem a Patre excommunicatum recipere noluerunt, quia ſcilicet hæc erat Eccleſiæ difciplina, ut ab aliis excommunicati ab aliis fine excommunicantium confenſu non admitterentur.* Obſervat. pag. 17, 18. Sane Franciſcus Turrianus, fi reviviſceret, multum te amaret, vir erudite, & ſingulares tibi gratias ageret, quod tam inſigne ei ſubminiſtraſti argumentum, quo Canones hoſce ab ipſis Apoftolis traditos fuiſſe demonſtraret, cùm quod in uno ſaltem eorum habetur, Apoftolicæ traditioni attribuendum, imo ab ipſis Chriſti Apoftolis difcipulis ſuis traditum fuiſſe, non conſitearis modo, ſed & probatum ei dederis. Quod enim dicis, hoc non ſcripto ſed ufu ac praxi ad ſucceſſores eorum transmiſſum eſſe, id gratis dictum eſt. Nec veriſimile eſt Apoftolorum difcipulos, eorumque ſucceſſores, ea omnia ſcripto non mandaſſe, quæcunque ab ipſis Domini Apoftolis tradita acceperant. Nos etiam ſummas tibi, quas poſſumus, habemus gratias, quod ſecus ac alibi conſueſtus es ingenue hic conſitearis, hanc ſecundo corrente ſeculo in Eccleſiâ obtinuiſſe difciplinam, ut ab aliis excommunicati ab aliis ſine excommunicantium confenſu non admitterentur. Hinc enim conſtat, & pro confefſo habemus, hanc Canonum collectionem primitivæ ac Apoftolicæ Eccleſiæ difciplinam, quæ ſecundo vigeſebat ſeculo, hæc ſaltem in parte fideliter exhibere. Quod autem hanc veteris Eccleſiæ difciplinam non ſcripto, ſed uſu & praxi ad ſucceſſores transmiſſam eſſe iterum aſſeveras, eo quidem magnum ſanctiſſimis iſtorum temporum Epiſcopis crimen inferis, ac ſi curæ ſibi commiſſæ adeo negligentes eſſent, ut Eccleſiaſticam ab ipſis Chriſti Apoftolis eorumque difcipulis acceptam difciplinam ſcriptis mandare, atque ita poſteritati tradere non curarint. Quo quidem nihil iis antiquius eſſe debuit. Nos univerſos illos pientiffimos Apoftolicæ Eccleſiæ antiſtites tantæ incuriæ inſimulare non auſi ſumus; præſertim cum contrarium luculentiffime pateat. Quarto enim, ut videmus, ineunte ſeculo Alexander Epiſcopus Alexandrinus Canonem Apoftolicum de hac re editum verbis diſtinctiſſimis laudavit. Quod quidem nec voluiſſet facere, nec potuiſſet, ſi difciplina iſta uſu tantum, & non ſcripto Canone ad ipſum

sum transmissa fuisset. Cùm ipse autem non τὸ ἀρχαῖον εἶδος, non τὴν Ἀποστολικὴν παράδοσιν, sed expressè τὸ Ἀποστολικὸν κανόνα citaverit, istâ loquendi formulâ clarissime demonstrat, se Canonem scriptum voluisse: Eo enim quod *Canonem* vocat, ab usu & traditionibus non scriptis, qui *Canones* nunquam appellati sunt, eum apertè distinguit. Quapropter si ipse Observator post illa Epiphanii verba dicat, Ecce *Apostolicum Canonem*, ubi nec Canonis nedum Apostolici ulla vel tenuissima occurrit mentio; quanto majori jure nos dicamus, Ecce *Apostolicum Canonem* non fictitium, non spurium, non nullum, sicut Observatoris, sed verum & genuinum, à clarissimo viro, dignissimo Ecclesiæ Alexandrinæ Episcopo, totidem verbis memoratum? Sed en viri confidentiam post præmissa dicentis, *Quid ad hæc repositurus sit Beveregius non video: nullus siquidem ei superest tergiversandi locus, cum ipse fateatur secundo labente, & ineunte tertio à Christi nativitate seculo constitutos esse, quos cæco prosequitur amore Canones Apostolicos. Epiphani enim narratio temporis à viro docto prestitum antecessit.* Observat. pag. 18, 19. Rectissime quidem dicit se non videre quid ad hæc repositurus sum; nihil siquidem in iis video quod responsum mereatur. Nec ullâ machinâ expiscari possum, quid sibi velit Observator per totam hanc historiam ex Epiphanio petitam, nedum quid sibi ex eadem probare proposuerit. Epiphanius refert Marcionem à senioribus Romæ, qui ab Apostolorum discipulis edocti adhuc supererant, postulasse, ut in Ecclesiæ communionem reciperetur: illos autem hoc ei denegasse, dicentes, ὅτι ἔδωκεν ἄνευ τῆς ἐπισκοπῆς ἡ πρὸς πατέρας καὶ τὴν πρὸς πρεσβυτέρους, *Illud absque permissione venerandi Patris tui facere nequaquam possumus.* Quid hinc colligit eruditus Observator? Apostolicum quidem, sed non scriptum, de hac re Canonem tunc temporis extitisse? Ubi autem Epiphanius *Canonem* citat? Ubi non scriptum fuisse docet? Vel si talis nondum scriptus extitisset Canon, quid vetuit quo minus ante CL. annos, post quos Alexander, de cujus testimonio agimus, claruit, scripto traderetur? Sed nondum fortasse mentem Observatoris assecuti sumus. Verba igitur denuo recolamus. Dicit autem Apostolicum Canonem nihil aliud Alexandro fuisse quam Canonem illum non scriptum, sed publico tantum usu ac consensu receptum, secundum quem Clerus Romanus Marcionem à Patre excommunicatum, admittere recusavit. Verum ubi loci Clerus Romanus hoc Marcioni ex Canone Apostolico recusasse dicitur? Dicitur quidem id recusasse, quod sine Patris consensu id facere non liceret, nullâ omnino Canonis vel Apostolici, vel Ecclesiastici, vel scripti, vel non scripti, mentione factâ. Sub quonam itaque rationis prætextu affirmare potuit vir doctus, Canonem Apostolicum nihil aliud Alexandro fuisse, quam Canonem illum ab Epiphanio ibi memoratum, ubi nullus omnino Canon memoratur? Sed ut ut est, asserit nihilominus Observator, nullum modo nobis superesse tergiversandi locum. Nec quidem tali loco nobis opus est. Etiam si enim fateamur, Canones hosce Apostolicos secundo labente, vel tertio ineunte seculo, constitutos & collectos esse, istamque Epiphanii narrationem tempus illud antecessisse, nihil prorsus incommodi nostræ exinde opinioni orietur.

tur. Nihil enim interest utrum Ecclesiastica ista disciplina Anno D. CL scripta an non scripta fuerit. Si talis enim tunc scriptus Canon extaret, quin idem postea renovari, & in hunc Apostolicorum Codicem referri potuerit, nemo dubitabit. Quod si ista Ecclesiæ disciplina secundo adulto seculo nondum scripto mandata esset, ut Observatori videtur, eandem tamen eodem labente seculo literis consignari potuisse, nec ipse, nec quivis, ut opinor, alius negabit. Præsertim cum talem Canonem reipsâ scripto traditum, & quarto ineunte seculo passim cognitum fuisse, ex hoc Alexandri Apostolicum de ea re Canonem diserte laudantis testimonio satis abunde constet. Cujus vim atque evidentiam cum Observator omni qua pollet arte sophisticâ effugere non valuerit, in obscuras quasdam circumlocutiones erupit, quibus incautis imponeret lectoribus & persuaderet, Canonem Apostolicum ab Alexandro laudatum, Canonem omnino non esse, sed nescio quem Ecclesiæ usum in Canonem nunquam formatum. Cum autem in multis illis magnisque, quæ de hac re coacervavit, verbis nihil prorsus vel planè vel appositè ad rem dixerit, tam proluxæ in eum responsionis me suppœnitet: ac proinde ne aliis pariter atque mihi met injurius sim, ad alia transiliam oportet.

III. Post Alexandrum Episcopum Alexandrinum, Constantinum Imperatorem Romanum, augustissimum veræ Canonum Apostolicorum antiquitati adstruendæ testem citavimus, qui scilicet Eusebium Episcopum Cæsariensem commendans, quod Antiochiam transferri recusârat, eum hoc modo, & mandata Dei, & Canonem Apostolicum & Ecclesiasticum, custodisse affirmat. Euseb. de vita Constant. lib. 3. cap. 61. Ubi ut videre est, Canon Apostolicus & à mandatis Dei & à Canonibus Ecclesiasticis distinguitur. Qui quidem Canon de ea re sancitus ab Eusebio custoditus, & ab Imperatore propterea hic memoratus, in vulgari nostra Canonum Apostolicorum sylloge decimus quartus numeratur. Hoc illustrissimum pro Canonibus Apostolicis testimonium Joh. Dallæus haudquaquam tetigit, & Observator quidem levissime. Quod ut omnibus manifestum fiat, propria ipsius verba à capite ad calcem transcribere non pigebit. *Quæ assert, inquit, ex lib. 3. cap. 61. & 62. de vita Constantini facile diluuntur, si per Canonem Apostolicum Apostolorum intelligis traditionem, & per Ecclesiasticam sanctionem Canonem Nicanum XV. vel consuetudinem seu usum antiquum, qui ante illud Concilium in Ecclesia vigeat, & tacito Christianorum consensu pro lege habebatur, donec tandem à Nicenis Patribus in Canonem fuit redactus, & literis traditus. Præterea, Constantinus de Canonum Apostolicorum collectione penitus tacuit, nullumque præcisè Canonem designavit. Observat. pag. 16, 17. Qui hæc legit, ea primo intuitu deprehendat, verba esse hominis causæ suæ diffidentis, ac proinde perditè se gerentis, nec admodum solliciti, quid dicat, modo aliquid dixisse videatur. Primo enim, Hæc, inquit, facile diluuntur, si per Canonem Apostolicum Apostolorum intelligis traditionem. Quibus sane verbis se suspensum animo & incertum pendere prodit, an hoc testimonium ita diluatur. Modo si quis incautus votis ejus subscribens, per Canonem Apostolicum Apostolorum traditionem intelligere dignatus erit, tunc demum facile illud dilui*

dilui posse arbitratur. Verum quid si neminem adeo credulum, & precipitem iudicio invenerit, qui Apostolorum traditionem per Canonem Apostolicum intelliget? Eo quidem pacto diluatur forsitan hoc testimonium, sed admodum difficulter. Quid autem si per *Canonem Apostolicum* nihil aliud intelligamus quam *Canonem Apostolicum*? Tunc, ipso etiam Observatore iudice, hæc responsio nihil valebit, hocque Imperatoris testimonium nullo modo diluetur. Quis porro adeo stipes est & bardus, quis antiquitatis Ecclesiasticæ adeo ignarus, quis omnium rerum & scriptorum adeo nescius, quis denique omni ratione pariter atque sensu adeo captus est, qui per *Canonem Apostolicum* aliud quam *Canonem Apostolicum* intelligat? Hæcine verba adeo obscura sunt aut ambigua, ut interprete indigeant? aut ad aliud nescio quid transferantur necesse est, priusquam sensus ex iis eliciatur? Annon clarissimis quibus mentem suam explicare potuit verbis Imperator, Canonem Apostolicum ut à mandatis Dei simul ac à Canonibus Ecclesiasticis distinctum memoravit? Annon etiam in Canonibus istis qui Apostolici antiquitus dicti fuerunt, illud expresse habetur, quod hic ab Imperatore indigitatur? Quo itaque jure verba in se planissima nullâ prorsus cogente necessitate in alienum, quem nunquam ferant, sensum violenter adeo torqueamus? Sane si hoc modo cum omnibus veteris Ecclesiæ monumentis agere liceret, ea vel legere vel penes me habere haud operæ pretium duxerim: nihil enim dicent, nisi quod ipsi volumus. Verum tantæ in veterum scripta injuriæ hoc saltem in loco, eruditum Observatorem accusare non ausus sum: quippe qui non affirmat, Apostolorum traditionem per Canonem Apostolicum hic intelligi, quod ipse falsum esse probe novit, sed per dubitandi particulam *Si* illud aliis iudicandum relinquit: quibus si ita intelligere placuerit, hoc testimonium facile, inquit, diluatur. Sed & in hoc etiam vir doctus magno errore tenetur. Licet enim Canon Apostolicus necessario in istis verbis intelligendus sit, in quibus scilicet præcisè laudatur, is tamen ab Apostolis traditus esse potuit, atque ideo inter Apostolorum traditiones recenseatur, istas nimirum, quæ proximo post eos seculo scripto mandatæ, & in Canonum Ecclesiasticorum formam redactæ sunt. Quapropter etiamsi per Canonem Apostolicum Apostolorum intelligas traditionem, nihil efficies, nisi istiusmodi insuper traditionem intelligas, quæ scriptis nunquam tradita fuit. Hanc autem ante quartum seculum non scriptam fuisse, Observator nec probare potest, nec (ut opinor) affirmare. Nos in contrariam prorsus venimus sententiam, eo inducti, quod Imperator Constantinus Apostolicum de hac re Canonem definire laudaverit. Cujus illustre testimonium tantum abest ut infringatur, ut firmiter potius hæc, si ita dicatur, exceptione stabiliatur, siquidem tam sagax & emunctæ naris Observator nihil plane invenire potuit, quod contra illud vel obiectio vel etiam exceptio dici mereatur.

Quæ postea addit vir doctus de Ecclesiastica sanctione à Constantino etiam memoratâ, huc non pertinent, ac propterea utrum ea ad Canonem Nicænum, an ad antiquum usum referatur, nihil hic laboramus. Notatum modo obiter velimus, permirum esse, si Constantinus ad antiquum aliquem usum

usum confugerit, cum ipse talem à Synodo Nicæna paulo ante editam fuisse sanctionem probe noverit: quam etiam sanctionem, & non nudum Ecclesiæ usum sive consuetudinem hic intelligendam esse, ex eo satis constat, quod ὁ τῆ ἐκκλησίας κανὼν appellatur. Cum hæc autem omnia æquis lectoribus haud satisfactura esse prospectum habuerit eruditus Observator, ad consuetum ipsius refugium hic etiam recurrit, dicitque, *Præterea Constantinus de Canonum Apostolicorum collectione penitus tacuit, nullumque præcise Canonem designavit.* Verum cum hæc toties à nobis refutata sint, & funditus eversa, eadem hic repetere, & ad incudem revocare, opprobrio nobis & lectori tædio esset.

IV. Quæ Julii Papæ Romani Epistola ad Episcopos Orientales in causa S. Athanasii scripta nobis confirmandæ Canonum Apostolicorum vetustati testimonia suppeditavit, à nobis hic primo observata & adducta sunt. Quocirca nec Dallæus, nec Observator ulla contra ea exceptiones effingere conatus est. Nec video sane quid contra tam perspicua objiciatur testimonia, præter ea quæ jam sæpe à nobis retusa sunt, ut non opus sit iis hic immoremur.

V. Proximum in hoc genere pro Canonibus Apostolicis testimonium adduximus ex Concilio Constantinopolitano sub Nectario habito Anno Domini CCCXCIV. ubi quæstione propositâ, utrum Episcopus de criminibus quibuscumque accusatus à duobus Episcopis jure sive Canonicè deponatur, decretum est, Episcopum nec à tribus nedum à duobus deponendum esse, sed majoris Synodi & Provinciæ Episcoporum sententia, καθὼς ἔχ' οἱ Ἀποστολικοὶ κανόνες διωρίσαντο, *quemadmodum & Apostolici Canones definierunt.* Quo quidem testimonio nihil gravius, nihil evidentius, nihil disertius proferri potest. Hoc enim expressè definitum est, Canone Apostolico LXXIV. Clarissimus vir Joh. Dallæus huic ut à Turriano non citato testimonio se nullus opposuit. Observator autem sub gravissimo illius pondere laborans sudansque, nullum non movit lapidem, quo si fieri potuit, vel removeret illud, vel saltem removisse videatur. Quapropter suspectas habens istiusmodi quas ipse excogitare solet exceptiones, causam suam hoc in loco paucioribus quam sex concedere non ausus est: quas omnes quotquot sunt, examinare non gravabor. *Primo, inquit, Canon LXXIV. ad quem respexisse Concilii Patres hæriolatur, Græcis tunc temporis vix notus erat. Nemo enim Græcorum Canones LXXXV. in lucem protulit, ante Johannem Antiochenum, qui sub Justiniano florebat, fatente ipso Beveregio.* Observat. pag. 8. Vereor autem, ut per tantam exceptionum multitudinem firmus stabilisque perambulet vir eruditus, cum in ipso limine de improvviso titubet. Primo enim falces hic submittit, & de causa quam defendere conatus est, inconsideratè cedit. Dicit enim hunc Canonem Apostolicum Græcis tunc temporis vix notum fuisse. Ergo, ipso etiam fatente iis non omnino incognitus fuit. Nobis vero sufficit, si ullo modo tunc temporis innotuerit. Inde enim satis constat, & pro confesso habemus, quarto istum seculo extitisse. Quod si se recolligens, hunc Canonem ne vix quidem, nec omnino tunc dierum cognitum fuisse asserere

asserere voluit, hoc non esset objicere, aut quicquam contra luculentum hoc testimonium excipere, sed τὸ ἐν ἀρχῇ postulare. Hæc enim est ipsa inter nos agitata quæstio, utrum hi Canones tunc temporis cogniti essent. Quapropter hanc primam è numero exceptionum expungat necesse habet. Quod ad rationem spectat huic exceptionis umbræ, vel ne umbræ quidem annexam, ubi neminem dicit ante Johannem Antiochenum hos LXXXV. Canones in lucem protulisse, etsi hoc verum esse demus, si ita intelligatur, quod nemo quem scimus eorum quorum opera hodie supersunt, hosce ante eum Canones Conciliorum Canonibus intersertos edidit; nihil tamen à vero magis abhorret, quam hos Canones, non in aliis vetustioribus Canonum collectionibus, quæ interciderunt, in lucem prolatos, passimque cognitos fuisse; ut fusè ostendimus de Johanne Antiocheno, ejusque Canonum collectione agentes. Nos autem hoc in loco non disputamus de tempore, quo primo hi inter alios collecti fuerunt Canones, sed de ipsa Canonum antiquitate. Ad quam quidem solvendam quæstionem, nihil interest utrum à Johanne Antiocheno, an ab aliis (quod verissimum est) inter reliquos Ecclesiæ Canones primo compacti, & isthòc modo in lucem prolati fuerint. Nihil enim dubii esse potest, quin longe ante sanciti cognitique fuerint, quam in nomocanem sive corpus Canonum Ecclesiæ Orientalis admissi.

VI. *Secundo itaque ait vir doctus, Canon ille Synodica definitioni, qua de agitur, nequaquam congruit, mihi'que fere cum eâ commune habet.* Quod si Eruditus Observator istum Apostolicum Canonem LXXIV. purgatis præjudicio oculis legisset, & cum Synodicâ istâ Patrum Constantinopolitanorum definitione comparasset, neque hanc nobis exceptionem obtrusisset. Isto enim Canone Apostolico sancitum est, ut Episcopus à viris fide dignis accusatus ab Episcopis sive Synodo Episcoporum ter vocetur, missis duobus ad eum Episcopis. Et si tertio citatus contumax se non stiterit, Synodus ea quæ ipsi videntur, adversus eum pronunciet. Ex hujus itaque Canonis præscripto Episcopus non nisi à Synodo Episcoporum judicari aut deponi potest. Imo quidem à Synodo majori quæ duos à se Episcopos ad eum citandum mittat. Hoc autem idem est quod Patres Constantinopolitani definierunt, ubi ab iis decretum est, Episcopum nec à tribus nedum à duobus deponendum esse, sed majoris Synodi ac Provinciæ Episcoporum sententiâ, juxta quod in Canonibus Apostolicis definitum est. Unde *Alexius Aristenus* sensum totius hujus Synodicæ definitionis in hanc Epitomen redegit, μή χρῆναι πρὸς τὸ ἐξῆς μήτε πρὸς δύο μήτε πρὸς τρεῖς ἢ ὑπερῶν δοκιμαζόμενον καθαίρειν, ἀλλὰ πλείονος συνόδου ψήφῳ, ἢ τῇ ἐπαρχίας, καθὼς ἢ οἱ συνοδικοὶ κανόνες διατίθεντο. *In posterum reum examinatum nec à duobus nec à tribus deponi oportet, sed majoris Synodi & Provincialium sententia, quemadmodum & Apostolici Canones definierunt.* Cum hæc itaque Synodica definitio idem prorsus decernat, quod in Canone Apostolico decretum est, ut Episcopus nimirum à Synodo Episcoporum judicetur, tantum abest ut ista cum hoc nihil, ut omnia potius communia habeat. Adeo ut hæc etiam Exceptio nulli omnino usui sit Observatori, nisi forsitan ad explendum Exceptionum nume-

rum, quibus sane merito connumeretur, cum reliquarum ad instar nihil insigni huic testimonio detrahat. Nec ovum ovo similius quam tertia secundæ huic Observatoris Exceptio. *Tertio*, enim inquit, *Balsamon, Zonaras & Aristenus*, qui hanc Synodicam definitionem interpretati sunt, nihil plane dicunt de Canone Apostolico; neque ad eum respexisse Synodum innunt. Quid tum postea? An necesse erat Canonum interpretibus singula quæ in iis occurrunt verba explicare, & ostendere ad quænam veterum scripta respectum habeant? Balsamon, Zonaras & Aristenus persuasissimum habuerunt, omnes hosce ab ipsis Apostolis vel saltem à viris Apostolicis conditos fuisse Canones; De eâ re etiam inter universam Ecclesiam Orientalem conveniebat, adeo ut nemo in dubium revocaret. Ac propterea non opus erat doctissimis istis in Canones Scholiastis argumenta congerere ad id confirmandum, quod nemo negabat. Si ullus Dallæus, aut Observator istis diebus extitisset, qui hos Canones non à viris Apostolicis sed hæreticis, non à primitivâ Ecclesia sed post quintum adultum seculum confictos editosque fuisse, affirmare ausus esset, tunc haud dubie celeberrimi illi Canonum interpretes luculentum hoc testimonium observassent, quo Canonum horum antiquitatem assererent. Cum nemo autem talis inventus esset, nulla prorsus necessitas flagitabat, ut hi Canonum interpretes de Apostolicorum hoc in loco antiquitate disputarent, vel Synodum Constantinopolitanam respectum ad eos habuisse quovis modo innuerent. Ex eorum autem silentio hic disputare, est tantum non se victum agnoscere: præsertim cum exinde pateat, quam solidis ad evertendam horum Canonum antiquitatem argumentis destitutus fuerit vir eruditus, quandoquidem ad eos etiam confugere coactus est, quos ipse acerrimos esse Apostolicæ eorum institutionis propugnatores bene novit. Adhæc *Canones Apostolici* in ipsâ Synodicâ definitione disertissime citantur, adeo ut Alexius Aristenus eorum citationem tanquam essentialem definitionis partem in suam etiam Epitomen redegerit. Quid igitur opus erat, ut vel ab eo vel ab aliis denuo recitaretur, præsertim in brevibus istis commentariis, quæ in hoc Synodi Constantinopolitanæ decretum elaborarant? Sed *Scholiasta*, inquit vir doctus, *observant duntaxat, Canonem duodecimum Synodi Carthaginensis istâ Constantinopolitanâ posterioris, rem aliter definiisse, & constitutionis, ex quâ argumentatur vir doctus, vim atque pondus elevasse: quod minime facturi erant Carthaginenses Patres, si eum Apostolico Canone inniti arbitrari essent.* Hæc profert Eruditus Observator, ac si pro comperto habuisset, hanc Provincialis Synodi Constantinopoli habitæ definitionem Patribus Carthaginensibus innotuisse. Ubi hoc legit, quove pacto id scire potuit, me prorsus latet: cui vero multò similis videtur, nec ipsam hanc Synodum in alienâ & remotâ Provinciâ celebratam, nedum decretum ab istâ editum ad eorum aures unquam pervenisse. Quod si de Synodicâ hac definitione nunquam audiissent, quomodo eam Apostolico Canone inniti arbitrari poterant? Sed utcunque se res habeat, demus doctissimo Observatori quicquid ipse hic postulare potest, sed non probare, demus ei Synodicam hanc definitionem Patribus Carthaginensibus cognitam fuisse, demus eosdem Patres hæc ipsa in eâ verba legisse,

καθὼς ἢ οἱ Ἀποστολικοὶ κανόνες διαλαμβάνω, demus etiam eos propterea arbitratos esse, hanc definitionem Apostolico inniti Canone, quid ex hisce postulatis datisque eliciatur? Patres Carthagenenses rem aliter definire noluisse, quam à Synodo Constantinopolitanâ ex Canonis Apostolici præscripto definita fuerat? Nullo modo. Nemo enim nescit Synodos posteriores sæpe alia, nonnunquam & contraria constituisse ac quæ à prioribus constituta fuerant: idque licet priores illæ Oecumenicæ sive universales & posteriores singularium tantummodo Provinciarum Synodi essent. Quod sexcentis, si necesse esset, exemplis demonstrare licet. Enimvero in unaquaque Provinciâ Episcopi qui eam administrant, necessitate multoties coacti sunt, à veterum Synodorum etiam generalium decretis aliquantulum recedere, & ea definire, quæ præfens Ecclesiæ status postulat, licet aliter fortasse antea definita fuerant. Verum in negotio, quod sub manibus habemus, aliud etiam observare est. Canones enim Apostolici, & ex iis Patres Constantinopolitani dec everant, ut Episcopus à Synodo Episcoporum judicetur aut deponatur. Sed Patres Carthagenenses advertentes omnes, pluresve Provinciæ cujusque Episcopos semper convenire non posse, constituerunt ut Episcopus accusatus à duodecim minimùm Episcopis audiatur. Quæ quidem constitutio, licet minimum Episcoporum, qui ad tale ferendum iudicium convenire debeat, numerum de novo definierit, tamen nec Canonibus Apostolicis nec definitioni Constantinopolitanæ adversatur. Patres enim Carthagenenses hunc suum Canonem duodecimum tunc tantum valere jubent, cum γενέσται πολλὴ ἀνάγκη, ἥ μὴ δύνασθαι συνελθεῖν πολλὰς, fieri non possit omnino ut plures conveniant. Ergo si fieri possit, plures vel omnes Provinciæ Episcopi ad causam Episcopi accusati audiendam convocandi sunt, etiam ex hoc ipso Patrum Carthagenensium decreto, qui veterum quoque Synodorum decretis se religiose insistere profiteantur. Hunc enim suum ipsorum Canonem his verbis incipiunt, Ἀναφέρτω καὶ τὰ δεσφέντα ἐκ τῶν παλαιῶν συνόδων. Quibus verbis veterum Synodorum decreta (inter quæ Canones Apostolici recensendi sunt) de hac re edita indignant, quibus scilicet cautum fuit ut Episcopus à Synodo Episcoporum judicetur: quibus proinde ipsi in suo condendo Canone non repugnarunt, sed tantum minimum constituerunt Episcoporum numerum, ex quo talis Synodus constare debet. Quod quidem vel Canonis Apostolici vel definitionis Constantinopolitanæ vim atque pondus elevarē nemo Observatori, nec iurejurando id affirmanti fidem habebit. Tale enim decretum Patres Carthagenenses summo jure edere potuerunt, etiamsi definitionem istam Constantinopolitanam Canone vere Apostolico, sive ab ipsis Apostolis constituto, inniti arbitrati essent: multo magis si ipsi Canones Apostolicos in isto decreto memoratos, nobiscum consenserint, nihil aliud esse quam veterum Synodorum decreta, quorum & ipsi hoc in loco meminerunt.

VII. Tres quæ supersunt contra hoc testimonium exceptiones vix dignæ sunt quibus responsum detur. Quarto enim dicit, quod nullum præciue Canonem indicant Constantinopolitani Patres, nullamque cujusdam Canonum Apostolicorum sylloges mentionem faciunt, sed de Canonibus Apostolicis generaliter lo-

quantur. Hæc autem non est huic peculiaris sed omnibus pro Canonum Apostolicorum antiquitate testimoniis quasi communis Exceptio. Ubique enim jaçitur à viro erudito, sed se prorsus inconsulto. Ipsum enim latere non potuit, veterum Synodorum Canones eodem passim si non perpetuo modo antiquitus citatos esse, nullius præcisè Canonis nec Canonum sylloges mentione factâ. Sed quamvis ille ineptam hanc frivolaque exceptionem toties repetierit, nobis tamen cavendum est, ne quod superius fusè nec semel contra eam diximus, deinceps dicamus. Quandoquidem vero dicit Patres Constantinopolitanos de Canonibus Apostolicis *generaliter loqui*, tanquam si illud idem esset ac nihil de iis loqui, gratus ab eo acciperem quo demum modo planiùs disertiusve de iis loqui potuerunt. Annon enim *Canones Apostolicos* de hâc re sancitos totidem verbis memorarunt? Annon etiam totam eorum syllogen clare satis & præcisè indicant, cum non singularem aliquem Canonem, sed generaliter Canones sive corpus illud Codicemve Canonum, quo hoc decretum extitit, expressè citarint? Cum hæc autem Exceptio ipsi exceptori minùs placuerit, addit, *Quinto Dallæus certis atque evidentibus argumentis demonstravit, illam Apostolicorum Canonum farraginem falsam ac fictitiam esse, ab ignoto tenebrione multis post Apostolorum & Clementis mortem temporibus consarcinatam, quod imprimis de triginta quinque postremis, inter quos numeratur Canon LXXIV. intelligendum est. Si Dallæi argumenta refellisset vir doctus, nostrum esset illius responsiones expendere, & confutare. Sed quoniam pleraque intacta reliquit, exceptis quibusdam Dallæi conjecturis, que ad Canonum istorum antiquitatem spectant, Dallæanis argumentis inherere nos oportet, donec ab adversario refellantur.* Observat. pag. 9. Quid est, si hoc non est τὸ ἐν δόξῃ iterum postulare? Controversia inter nos agitur, utrum Canones Apostolorum dicti, ante quintum adultum seculum sanciti fuerint, vulgoque cogniti. Nos illud affirmamus, eo inter alia inducti quod Patres Constantinopolitani eos in Synodo quarto seculo celebratâ diserte citarunt. Observator contra hoc testimonium excipit quod Dallæus demonstravit hanc Canonum Apostolicorum farraginem falsam esse ac fictitiam, multis post Apostolos temporibus, hoc est, non ante quintum adultum seculum consarcinatam. Hoc autem id est quod in quæstionem vocatur; & nihil aliud quam probare Canones Apostolicos tunc temporis non extitisse, ex eo quod tunc temporis non extabant. Qualis ratiocinatio exhibitari potius quam refelli meretur. Sed observandum præterea est eruditum virum hic asserere, quod si nos Dallæi argumenta refellissemus, ipse responsiones nostras, & expendere & confutare voluit, hoc saltem ei incubuisset. Verumenimvero si nos omnia Dallæi argumenta refutare suscepissemus, quâ demum ratione Observator pro certo habeat, se omnes nostras responsiones confutare potuisse, cum eas nondum viderit? Ipsene prævidere potuit quid nos responsuri essemus? Si non, quo pacto præcognovit, responsiones nostras tales fore, quas ipse confutare potuit? Sane hinc vel cæcus videat nihil Observatori antiquius esse, quam Dallæum defendere, qualiscunque ejus opinio esset, verane an falsa. Alioquin enim nunquam dixisset suum esse responsiones nostras

stras ad Dallæi argumenta confutare, priusquam eas vidisset. Quæ cum ita sint, omnem eum de verâ horum Canonum antiquitate convincendi spem abjicimus, cum firmum adeo fixumque menti ejus insideat, Dallæi opinionem verissimam esse, quicquid è contra vel dictum fuit, vel dici unquam potest. Quod tamen satis mirari nequeo, cum ipse hoc in loco ingenue confiteatur, ea quæ ad Canonum istorum antiquitatem spectantia protulit Dallæus, *Conjecturas* esse; Conjecturis enim nulla debetur fides, etiamsi nihil adhuc appareat quo solide evincantur. Nos autem non conjecturis sed gravissimis veterum testimoniis insistimus, iisque istiusmodi quibus ille etiam, qui se totum illis opposuit, nihil adhuc invenire potuit, quod solidæ cujusvis exceptionis materiem ipsi præbeat.

VIII. Explosis quinque, ultima jam sola restat discutienda exceptio, his verbis concepta. *Sexto*, inquit, *fatetur ipse Beveregius Canones istos neque ab Apostolis, neque à Clemente illorum discipulo conditos esse. Ergo per Canones Apostolicos Constantinopolitani Patres Ecclesiasticos significanti Canones ante illud tempus constitutos.* Hoc sane totum, quantum quantum est, fate-mur. Sed quæstio recurrit, utrum Ecclesiastici isti Canones à Patribus Constantinopolitanis hic significati illi fuerint qui Apostolici vulgo vocantur, ut à primitivâ Ecclesiâ & à viris Apostolicis constituti, an alii nescio qui à posterioribus Synodis divulgati? Nos primum tuemur, Apostolicos vulgo dictos hic significari contententes, eo quod sub isto nomine diserte laudantur. Sed aliud Observatori videtur, qui Canones hoc in loco, licet Apostolici dicantur, non tamen Apostolicos sed Antiochenos vel Nicænos significari opinatur. *Constantinopolitani Patres*, inquit, *Ecclesiasticos significant Canones ante illud tempus constitutos, quales sunt Canones IV. XII. XIII. XIV. XV. Concilii Antiocheni ante quadraginta tres annos sanciti, & ad quos respectum habuisse Synodi Constantinopolitane Episcopos nullus dubito. Imo forte etiam ad Canonem quartum magni Concilii Nicani, ubi Episcopum ab omnibus Provincia Episcopis constituendum esse decernitur; ab iis enim eum deponi oportet, à quibus est constitutus. Nempe non minor debet esse abdicantium quam constituentium numerus. Ideoque Arabianus Ancyra Episcopus & Constantinopolitanorum Patrum unus, hunc Nicænum Canonem ante annos circiter LXX. conditum, laudat, ut ostendat iniquam esse Bagadii Episcopi à duobus solis Episcopis depositionem.* Observ. pag. 9. 10. Hic primo, ut videre est, nullus dubitat vir eruditus, quin Synodus Constantinopolitana, ubi Canones Apostolicos diserte citavit, ad Antiochenos IV. XII. XIII. XIV. XV. respectum habuerit. Sed sibi & causæ suæ optime consuluisse, si nos certiores fecisset, quibus inductus sit argumentis, ut de eâ re nullus dubitaret. Nos enim non modo summâ ratione dubitamus, ut ad istos Canones hoc in loco respectus habeatur, quin potius Canones Antiochenos per Apostolicos non significari pro certo habemus. Patres enim Constantinopolitani hic decernunt Episcopum à majori tantum Episcoporum Synodo deponendum esse, καθὼς καὶ οἱ Ἀποστολικοὶ κανόνες διατίθενται, *Quemadmodum & Apostolici Canones definierunt.* Ubi vero Canones Antiocheni hoc definierunt? Illi sane quos

Observator recitat, id minime definiunt, sed antè definitum ubique supponunt. Quartus enim Synodi Antiochenæ Canon dicit, *Si quis Episcopus à Synodo depositus aliquid de ministerio agere ausus fuerit, is spem restitutionis non habebit.* Duodecimus, *Si quis Episcopus à Synodo depositus ausus fuerit Imperatorum auribus molestiam exhibere, is nullà venià dignus, nec sui defendendi locum habebit.* Decimus tertius, *Si quis Episcopus aliquos in alienà Provincià ordinaverit, is insolentia sua pœnas dabit, à Sanctâ scilicet Synodo exinde depositus.* Decimus quartus, *Si quis Episcopus ob aliqua crimina judicetur, & Episcopos Provincia de eo dissentire contingat, Metropolitanus alios ex Provincià propinquâ iudices evocet, qui cum Provincialibus controversiam dirimant.* Decimus quintus, *Si quis Episcopus aliquorum criminum accusatus, ab omnibus Provincia Episcopis condemnatus fuerit, is ne amplius ab aliis judicetur.* Quisnam obsecro ex hisce Canonibus definiit, Episcopum non nisi ab Episcoporum Synodo deponendum esse? Annon omnes, uno ore hoc ante definitum supponunt? Qua itaque ratione Patres Constantinopolitani ad hos Canones respectum habuisse dicantur, ubi aiunt, *quemadmodum & Apostolici Canones definierunt*, cùm hi Antiocheni id minime definierint? Sane qui nullus dubitat, quin Canones Antiocheni per Apostolicos hoc in loco significantur, is de nihilo dubitabit, quod præconceptæ suæ opinioni quovis modo favere videatur, nec multum ei intererit, utrum id per fas aut nefas fiat. Præsertim cum Canones Antiocheni à nullo unquam Concilio, à nullo Patre, addam & à nullo antehac Scriptore *Apostolici* vocati, vel sub isto nomine laudati sunt, quanto minus à Synodo Constantinopolitanâ eodem seculo celebratâ, cùm Antiocheni isti Canones nondum quatuor & quadraginta annos publicati fuerant. Et quidem licet eruditus Observator se nullum dubitare affirmet Synodum Constantinopolitanam ad Canones Antiochenos respectum habuisse, nemo tamen id affirmanti fidem adhibeat, cum ipse etiam affirmet, se nullum dubitare, *quin forte etiam ad Canonem quartum magni Concilii Nicæni respectus ibi habeatur*, ubi scilicet Episcopum ab omnibus Provinciæ Episcopis constituendum esse decernitur. Quis vero hoc vel verisimile ei videatur, hariolari nequeo. Quid enim? nihilne interest inter Episcopi ordinationem & depositionem? Patres Nicæni in isthoc Canone de Episcopi constitutione, Constantinopolitani in hoc decreto de Episcopi depositione loquuntur, & tamen Observator nullus dubitat, quin Patres Constantinopolitani forte etiam ad istum Nicænorum Canonem respectum habuerint, ubi decernunt Episcopum non nisi à Synodo Episcoporum deponendum esse *καθὼς καὶ οἱ Ἀποστολικοὶ κανόνες διατελοῦντο*. Sed ne portentosam hanc assertionem, vel saltem conjecturam, sine ratione protulisse videatur, Ecce qualem reddit, *Ab iis enim*, inquit, *eum deponi oportet, à quibus est constitutus.* Quid vero si hoc fieri oporteat? Nos non disputamus quid fieri oporteat, sed quid reipsa factum est. An scilicet Patres Nicæni definierint Episcopum à Synodo deponendum esse? Hoc autem à Concilio Nicæno nullibi definitum esse, non tantum aliis, sed & ipsi Observatori constat; qui propterea alium istius Synodi Canonem in hac causâ citare non

non potuit, præter istum qui non omnino de depositione sed quæ ab eâ quantum Cælum à terrâ distat, de ordinatione Episcopi agit. Quin observandum etiam est, Canonem istum Nicænum istam Episcopi ordinationem admittere, quæ à tribus Episcopis celebratur: Adeo ut si absurdissimum ei demus, Episcopum scilicet ordinari idem esse ac deponi, Patres tamen ad istum Canonem nullum prorsus respectum habere potuerunt, quippe qui diserte edicunt Episcopum nec à tribus sed à Synodo majori deponendum esse. Unde simul constat quam ineptè & inconsideratè hic subdat Observator, Arabianum Ancyræ Episcopum & Constantinopolitanorum Patrum unum Nicænum hunc Canonem ante annos circiter LXX. conditum laudasse, ut ostendat iniquam esse Bagadii Episcopi à duobus solis Episcopis factam depositionem. Arabiani enim verba hæc sunt, *πὸ παρελθόν ἡ τῶ μακαρίων πατέρων τῶ ἐν Νικαίᾳ σύνοδος κατέκρινε, ἡ κελύουσα μὴ ἐλάττω εἶναι τριῶν τῶ χειροτονῶντες, μηδὲ ἀπὸ τῶ μητροπολίτε, Id quod præteritum est, Beatorum Patrum qui Nicææ convenerunt Synodus damnat, jubens non esse pauciores tribus qui ordinant, nec absente Metropolitano.* Hoc est, quod in hoc negotio factum est, ubi Bagadius depositus, & Agapius ejus loco ordinatus est à duobus solis Episcopis, hoc à Synodo Nicænâ damnatur, jubente Episcopi ordinationem à tribus minimùm Episcopis, præsentē Metropolitano, peragenda esse. Arabianum enim de solâ Bagadii depositione hic non loqui, non tantum ex eo constat, quod Nicænum Canonem citet, qui nihil plane de depositione decernit, verum ex eo etiam, quod Synodo huic Constantinopolitanæ necessarium visum est, novum de hac re decretum edere. Si Synodus enim Nicæna damnaasset depositionem à duobus Episcopis factam, eamque non nisi à tribus præsentē Metropolitano faciendam jussisset, quid opus erat, ut nova de hac re definitio à Synodo hac Provinciali ederetur? Secundum hæc ipse Arabianus huic ipsi Synodo has quæstiones proposuit, Licetne à duobus Episcopis fieri depositionem? Et absente Metropolitano licet an non? Has autem quæstiones nunquam proposuisset, si depositionem à duobus Episcopis factam à Synodo Nicænâ damnatam fuisse putasset. Non licere enim pro certo habuisset. Quod si demus etiam Arabianum Nicænum istum Canonem eo laudasse, ut ostendat Bagadii depositionem à duobus Episcopis factam iniquam esse, ut cui consentaneum rationi visum esset, Episcopum à paucioribus non deponendum esse, quam à quibus constitutus est: Hoc sane totum est quod Observator postulare potest, & tamen nihil exinde consequetur. Quicquid enim Arabiano visum est, Nestarius Constantinopolitanus, totaque Synodus sub eo habita, clarissimè demonstravit se in eâ fuisse opinione, quod Canon iste Nicænus de Episcopi depositione nequaquam intelligendus est, eo quod Episcopum nec à tribus deponendum esse decreverit, cùm Canon Nicænus Episcopi ordinationem à tribus peractam approbet. Neque etiam quæritur quomodo Canon iste Nicænus intelligatur, vel quid ex eo violenter extorqueri possit, sed quid in eo definitum fuerit. Nihil autem manifestius esse potest, quam Patres Nicænos in isto Canone non definiisse, Episcopum non nisi à Synodo Episcoporum depo-

deponendum esse, quippe quo nihil plane de depositione definiant. Patres autem Constantinopolitani istiusmodi Canones Apostolicos hic citant, à quibus id definitum fuit, ac proinde ad Canonem Nicænum nullum prorsus respectum habere potuerunt. Quibus omnibus accedit, quod *Canones Apostolici* hic laudentur, sub quo quidem nomine Nicæni nusquam laudati inveniuntur. Hæc autem responsio adeo aperta est, & cuivis obvia, ut Observator eam non potuerit non prævidere, qui propterea se contra eam his verbis præmunire conatus est, *Cæterum, inquit, Canones istos Ecclesiasticos Apostolicorum nomine nuncupant Patres, non solum quod doctrina Apostolorum consonos eos esse putabant, sed etiam quoniam præcepta majorum leges Apostolicas arbitrabantur, ut loquitur Hieronymus Epistolâ 28. ad Lucinum.* Hæc vero nihil aliud probant, quam Canones Ecclesiasticos, si doctrinæ Apostolorum consoni videantur, *Apostolicorum* propterea nomine nuncupari posse. Nos autem non quærimus utrum Canones Ecclesiastici isto nomine nuncupari possint, sed utrum ita nuncupari soleant Canones Nicæni vel Antiocheni, vel alii quivis præter eos quos Antiquitas *Apostolicos* nominavit. Nicænos autem hoc unquam nomine insignitos fuisse, Observator nullo veterum testimonio comprobare potest, nedum hoc Synodi Constantinopolitanæ, à quâ Concilii Nicæni Canones, ut ostendimus, nulli in hâc causâ laudantur, nec laudari potuerunt, qui scilicet nihil de Episcopi depositione loquuntur. Et quod ad verba S. Hieronymi ab erudito viro observata spectat, Sanctus ille Pater loco citato non de Canonibus, sed traditionibus Ecclesiasticis loquitur, ut de jejuniis Sabbatis & diebus Dominicis celebrando, de sumendâ quotidie Eucharistiâ & similibus, de quibus ait, *Unaquæque Provincia abundet in suo sensu, & præcepta majorum leges Apostolicas arbitretur.* Ubi, ut palam est, non de decretis Conciliorum, sed de majorum præceptis loquitur, iis scilicet quæ à majoribus suis per traditionem acceperant, quæ etiam non Canones sed leges Apostolicas arbitranda esse monet, tales nimirum leges quibus æque constringerentur, ac si ipsi Apostoli aut viri Apostolici eas præcepissent. Hinc autem nequaquam sequitur vel Nicænos, vel alios unquam Canones Apostolicorum nomine nuncupatos fuisse, præter eos quos in Codicem Canonum Ecclesiæ primitivæ collectos habemus, & *Apostolicos* propterea vocatos, quod à viris Apostolicis sanciti fuerint, ac proinde ab ipsis Apostolis traditi videantur. Adeo ut etiam si Constantinopolitani Patres Præcepta majorum leges Apostolicas cum D. Hieronymo arbitrari essent (quod nunquam probari potest) ex eo tamen neutiquam conficiatur, *Canones Nicænos* hic indicari, ubi *Apostolici Canones* totidem verbis laudati sunt. Præsertim cum Canones Nicæni nihil prorsus de ea re sanxerint, quam ab Apostolicis definitam esse hic affirmatur. Quæ cum ita sint, etiam volens nolens nobiscum consentiat Observator necesse est, Canones Apostolicos à Synodo hâc Constantinopolitanâ memoratos, nec Nicænos esse, nec Antiochenos, sed Apostolicos sive eos qui ab antiquis temporibus isto nomine nuncupati fuerunt. Quos proinde quarto nondum finito seculo extitisse passimque cognitos fuisse, omnes illos celeberrimos quidem

quidem in Synodo Constantinopolitanâ tunc temporis congregatos Patres, gravissimos habemus testes.

IX. Post illud Synodi Provincialis Constantinopolitanæ, aliud, idque pro Canonibus Apostolicis disertissimum adhibuimus testimonium, è Synodo Ephesinâ, generalium tertiâ, petitur. Nimirum istis diebus Episcopus Antiochenus ordinationes in Cypro insulâ sibi non subjectâ, adeoque extra suam Provinciam, facere molitus est. Hoc Rheginus Constantiensis Episcopus *contra Canones Apostolicos, & definitiones Synodi Nicænæ* ab eo factum conquestus est in libello ad Synodum Universalem tunc dierum congregatam oblato. Quapropter Synodus decretum edidit, quo rem istam præter Ecclesiasticas Constitutiones, & sanctorum Patrum Canones innovatam pronunciat, vocat enim *πρῶτον παρὰ τὰς ἐκκλησιαστικὰς θεσµὺς ἢ κανόνας τῶν ἁγίων πατέρων*. vel ut nonnulli Codices legunt, *τῶν ἁγίων Ἀποστόλων*. Quam quidem lectionem Joh. Dallæus impugnat de Pseudep. lib. 3. cap. 10. pag. 534, 535. Sed parvi nostrâ refert Ἀποστόλων ibi legatur an πατέρων. Cum in libello quem Rheginus obtulit, *Apostolici Canones* expresse nominentur: quorum tricesimo quinto cavetur, ne Episcopus extra suos fines in urbibus aut pagis ei non subjectis ordinationes faciat. Hoc Dallæus prudens diffimulavit, seque totum lectioni isti *τῶν Ἀποστόλων* interpoluit, nihil contra testimonium illud è Rhegini libello petitur excipiens. Suppositâ autem in decreto lectione *τῶν πατέρων*, Synodum putat ad Canonem Antiochenum XIII. digitum intendere: & observat insuper similia decerni à Patribus Constantinopolitanis Canone secundo, *Quorum*, inquit, *Synodus hanc Ephesinam annis propemodum quinquaginta antecesserat*. Sed neutrum horum Canonum in Rhegini libello indigitari liquet, non ex eo tantum quod nec Antiocheni, nec Constantinopolitani, sed *Apostolici* Canones in eo nominatim laudentur, verum ex eo etiam quod Constantinopolitani pariter atque Antiocheni Canones post Nicænos editi fuerunt, quibus propterea postponi debuerunt. At Canones Apostolici hic citati ipsis Nicænis anteponuntur. Cujus rei causa dari non potest, nisi quod ante eos sanciti crederentur. Cum autem nihil aliud sit vel à Dallæo vel ab Observatore contra insigne hoc testimonium exceptum, prolixior ei vindictio non opus est.

X. Omnia nostra pro Canonum Apostolicorum antiquitate testimonia, ex illis veterum monumentis, quæ ante quintum adultum seculum prodierunt, Augustissimo illo Theodosii Imperatoris conclusimus, qui Irenæum post binas nuptias Tyriorum civitatis Episcopum factum esse, *contra Canones Apostolicos* affirmat. L. 3. C. de summâ Trinitate. Hoc nec Dallæus vidit, nec ipse Observator. Nulla saltem contra illud Exceptio ab iis publicatur. Nec ipse quidem video quid ei opponi possit, cum *Canones Apostolicos* *disserie* adeo & demonstrativè laudet.

C A P U T X I V.

Synopsis.

- I. Justiniani Imp. & Joh. Antiocheni testimonia vindicanda restant.
- II. Licet Justinianus post An. D. 451. imperare cœperit, ejus tamen testimonium summo jure in hac causa admittatur, ut doctissimorum istius ætatis virorum sententiâ innixum.
- III. Qualem Exceptionem contra Imp. testimonium ex Oraculis Sibyllinis formavit Observator. Quantum sit discriminis inter Justinianum de Canonibus Apostolorum, & Justinum de Sibyllarum carminibus differentem.
- IV. Sibyllina Oracula, quæ hodie circumferuntur, longe alia sunt atque ea quæ à Justino M. aliisque antiquis laudata fuerant. Proinde ex iis contra hac disputare iniquum est.
- V. Carmina Sibyllina à Justino M. citata ante Annum D. 138. facta fuisse, ex eo satis constat, quod ab ipso tantâ confidentiâ citentur, & in toto terrarum orbe extare dicantur.
- VI. Alii ejusdem ætatis scriptores præter Justinum M. Sibyllina Oracula laudarunt. Insigne de iis testimonium ex Origene petitur.
- VII. Clementis Alexandrini de D. Paulo Sibyllam citante verba, ab alieno in ea nuper conjecto sensu vindicata.
- VIII. Clementem Romanum Sibyllæ oracula vidisse ac citasse probabile est.
- IX. Eadem ante An. D. 138. extitisse ex Josepho, Strabone, aliisque probatur.
- X. Antiqua Sibyllæ Oracula igne in Capitolio absumpta sunt, aliæque variis è locis illuc postea transportata, quæ in Christianorum manus venire potuerunt.
- XI. Vera de istis sententia contra Blondellum explicata & asserta.
- XII. Quam futilis sit Observatoris responsio ex carminibus Sibyllinis sumpta, e præmissis evincitur.
- XIII. Constantinum M. de Sibyllarum Oraculis, & Justinianum de Apostolorum Canonibus magnificè locutum esse, mirum nemini videatur.
- XIV. Justinianus Imp. hos Canones ipsis Apostolis adscribens non elevat sed confirmat nostram de iis opinionem.

I. **E**TSI nostra de Canonum Apostolicorum antiquitate opinio istis imprimis fundetur testimoniis, quæ veteres Scriptores, Imperatores, Synodi, Patresque ante quintum adultum seculum iis perhibuerunt, quæque nos ab adversariorum exceptionibus modo vindicavimus; non parum tamen lucis roborisque exinde etiam mutuatur. quod sexto in eunte seculo Dionysius Exiguus Canones hosce dignos existimavit, quorum partem de Græco in Latinum sermonem transferret, quodque eodem

currente

currente seculo Johannes Scholasticus sive Antiochenus hos inter alios Synodorum Canones istis temporibus in Ecclesiâ Orientali obtinentes, colligere, & ipse Imperator Justinianus eosdem autoritate suâ confirmare dignatus fuerit, ut ante fusè ostendimus. At Eruditus Observator Imperatoris pariter atque Scholastici hâc in causâ autoritatem, in Annotationibus etiam strictim à nobis assertam, evertere, vel saltem elevare conatus est. Quo successu tantos oppugnavit viros disquirendum restat. In quâ disquisitione non eâ, quâ nos in testimoniis hisce citandis usi sumus, sed Observatoris in iis impugnandis methodo procedemus, ab Imperatore scilicet auspicantes.

II. Primo itaque sic disputat vir doctus, *Pergit Beveregius, & Justiniani Imperatoris testimonio, Dallæi de Canonum antiquitate sententiam refellere, suamque confirmare nititur. Quia hos Canones novellâ vj. laudare videtur his verbis, quæ ex illâ constitutione describit vir doctus. Quod quidem certe futurum credimus, si sacri illi Canones diligenter observentur, quos nunquam satis laudati adorationeque digni & qui ipsum Filium Dei conspexerunt, illique ministrarunt Apostoli nobis reliquerunt, & sancti Patres custodierunt & interpretati sunt: Hæc de LXXXV. Canonibus Apostolicis interpretatur vir doctus, nec ab eo hâc in re dissentit Dallæus. Sed propterea Dallæi sententiam non confutat Beveregius, quandoquidem Justinianus quinquaginta plus minus annos post tempus à Dallæo denotatum, Imperator renunciatus est. Hactenus Observator, pag. 56, 57. Qui quoniam nobis cum Dallæo munificè concedit, quod nemo scilicet negare potest, Canones Apostolicos LXXXV. ab Imperatore hoc in loco celebratos esse: Nos etiam ei concedemus Justinianum Imperatorem renunciatum esse quinquaginta plus minus annos post tempus Canonum horum editioni à Dallæo denotatum. Quod autem ait, Dallæi sententiam hisce Justiniani verbis non confutatam esse, id minime concedi potest. Cum ipse enim Imperator hos Canones à sanctis Patribus, qui ante eum in Ecclesiâ claruerant, & quidem sub Apostolorum nomine custoditos ac interpretatos fuisse affirmet, Quis eos ab hæretico impostore, ut vult Dallæus, nec plusquam quinquaginta ante annos confictos fuisse arbitretur? Nemo nescit prudentissimum illum Imperatorem doctissimos quosque viros & utriusque legis peritissimos ex omnibus imperii partibus ad se evocasse, ut de omnibus tam Ecclesiasticis quam civilibus sanctionibus legibusque conferrent, ipsique communicarent. Nihil autem dubii esse potest, quin nonnulli eorum quinquaginta propemodum annos in juris utriusque studio antea versati fuissent: quos propterea prima horum Canonum editio sive publicatio latere non potuit, si plusquam quinquaginta annos nondum editi fuissent & publicati. Imo vero si non ante centum vel ducentos annos extitissent, atque in judiciis Ecclesiasticis obtinuissent, antiqua ipsorum regesta & commentaria de causis ante judicatis, eos certiores fecissent, quo tempore hi Canones in fora Ecclesiastica primo introducti fuerant. Illi autem peritissimi legum interpretes Imperatori significarunt, hos Canones non suâ modo memoriâ longe antiquiores fuisse, sed tantæ in Ecclesiâ antiquitatis, ut ipsis Apostolorum temporibus editi viderentur. Hoc ex eo liquet, quod Imper-*

rator ex eorum Consilio, quo in omnibus hujusmodi negotiis usus est, Canones hosce ipsis Christi Apostolis acceptos retulit. Quod nunquam sane fecisset, nisi à jurisconsultis suis pariter atque à scientissimis rerum Ecclesiasticarum Episcopis didicisset, eos non nudiustertius, sed multis retro seculis constitutos esse, usque adeo ut Apostolicæ vel institutioni vel saltem traditioni adscribi mererentur, juxta vulgatam scilicet istam Patrum regulam ab ipso Dallæo laudatam, quod *quorum Autor alius ignoratur, ab Apostolicâ traditione ad nos dimanasse recte credamur*. Quocirca licet Justinianus post tempus à Dallæo denotatum renunciatus sit Imperator, cum plures tamen quam quinquaginta, ipso fatente Observatore, anni non intercesserint, nemo cujus oculi gravissimo præjudicii vitio non afficiuntur, hos Canones diu ante tempus à Dallæo denotatum sancitos atque ejus propterea de iis opinionem, penitus everfam videre nequit.

III. Hoc argumento ex Justiniani verbis petito, in Annotationibus etiam usi sumus: ubi breviter, ut loci ratio postulabat, hæc de eo diximus, „ Si autem hi Canones præcedente tantum seculo eoque adulto ab hæretico „ aliquo conficti fuissent, miror nullum tunc temporis Dallæum extitisse, „ qui Imperatori aurem velleret, eumque certiolem faceret, Canones ab ipso „ laudatos non inter antiqua nedum Apostolica decreta, sed inter nuperrime „ confarcinata recentiorum hæreticorum figmenta recensendos esse. In hæc ibi à me usurpata verba Observator gravissimè invehitur, è contra sic disputans: *Si valeret, inquit, hæc Beveregii ratiocinatio, eadem ratione librorum Sibyllinorum causam inveni possem. Nemo enim nescit à Justino Martyre, à Theophilo Antiocheno, à Clemente Alexandrino, à Tertulliano & aliis laudatos fuisse istos libros. Quamvis Justinus iisdem scripserit diebus, quibus conflata sunt Oracula Sibyllina: Theophilus vero, Clemens & Tertullianus, post Justinum quidem sed eodem seculo. Si igitur viri eruditi verba hoc pacto usurpem, Miror nullum tunc temporis Blondellum extitisse, qui scriptoribus istis aurem velleret, eosque certiores faceret, Oracula ab ipsis laudata non inter antiqua nedum Noachi nurus seu Berosi filie Oracula, sed inter nuperrime confarcinata recentiorum impostorum figmenta recensenda esse. Si, inquam, hæc illius verba usurpem, quid responsurus sit, non video. Objectionem enim nostram diluere non potest, quin suam pariter diluat, nec nobis respondere quim sibi ipsi respondeat. Idem dico de Constantino Imperatore, qui de Sibyllinis Oraculis magnificentius loquutus est, quam de Canonibus Apostolicis Justinianus. Observat. pag. 56, 57. Quid Observatori in animo fuit, cum novâ hac objiciendi ratione uteretur, me prorsus nescire fateor, nisi forsitan sibi proposuerit nos ad suscipiendum Sibyllinorum, quæ hodie extant, Oraculorum patrocinium provocare. Quid enim Canonibus Apostolicis cum Sibyllinis Oraculis? Esto, inquit. Verum si ex eo, quod nemo Justinianum certiolem fecerit Canones Apostolicos paucis ante annis confictos fuisse, eosdem aliquot ante seculis extitisse sequeretur, eadem ratione Sibyllina etiam Oracula multis ante S. Justinum annis edita fuisse ex eo evincatur, quod nemo eum certiolem fecerit, ea iisdem diebus confarcinata fuisse quibus ab ipso citata sunt.* Hoc autem

autem ex eo necessario sequi haud asseruisset eruditus Observator, si in mentem ei venisset, disparem omnino ac dissimilem fuisse rationem Justinii Martyris & Justiniani Imperatoris. Sanctus enim Justinus (quod & de reliquis ejus vestigiis insistentibus, ideoque cum eo commemoratis dicendum est) licet doctissimus esset Philosophus, & fidiſſimus Christi cultor, Neophytus tamen fortasse erat in religione Christianâ, cum Sibyllina Oracula laudabat. Ac proinde præ flagrantissimo quo ardebat in Christum, ejusque Evangelium amore, præcipiti quadam celeritate omnia forsitan arripuisse censeatur, quæ religioni nuper à se susceptæ quovis modo favere vel patrocinari videbantur. Saltem cum ita se haberet, facile ei imponi potuit. Præsertim cum paucissimos, si ullos, secum haberet ingenuis instructos artibus, aut tantâ subtilitate præditos, qui genuinos ac supposititios libros distinguere potuerunt; paucissimos, qui eadem quâ ipse credulitate, communi bonorum virorum morbo, non laborabant. Ut non mirum sit, si is in istum lapsus sit errorem, quo persuasum haberet, Sibyllina ista Oracula, quæ tanta de vero Deo, Christoque prædicabant, ab ipsis scripta fuisse Sibyllis, quas omnis retro antiquitas pro divinitus inspiratis vatibus habuerat, & per multa secula summis laudibus celebraverat. Verum de Justiniano Imp. alia omnia dicenda sunt. Is enim rerum Romanarum potitus est, cum fides Christiana altissimas per totum imperium radices egerat, cum Ecclesia viris undequaque doctissimis, omni arte ac scientiâ liberali instructissimis, atque in omni etiam jure tam divino quam humano, Ecclesiastico pariter ac civili prudentissimis abundabat. Penes ipsum erat, eos omnes sibi advocare, & in consilium adhibere. Quod etiam ab eo factum fuisse, in iis præsertim quæ ad leges tam Ecclesiæ quam imperii spectabant, inter omnes constat. Quamobrem haud adeo facile ei fuit in tantum induci errorem, ut Canones illos Apostolicæ traditioni attribueret, nisi inter omnes illos, quos consuluit, eruditissimos Ecclesiæ Præsules ac Jurisperitos convenisset, eos multis ante annis in lucem editos, & à Patribus observatos fuisse. Præsertim cum istis saltem diebus, fictitiis quibuscumque ac adulterinis non opus esset Canonibus, quandoquidem plurimi tunc temporis extabant Canones duobus antegressis seculis ab Ecclesiasticis Synodis constituti. Adeo ut nulla plane causa esset, quare hi ab eo & ab Ecclesiâ in imperio ejus constitutâ reciperentur, nisi illos à majoribus suis acceptos, & à primitivâ Ecclesiâ ad se derivatos esse, pro certissimo habuissent. Quapropter si demus Justinum M. gravissimè hallucinatum fuisse in carminibus istis sub Sibyllarum nomine citandis, quæ suâ ipsius ætate conficta erant, ex eo tamen nequaquam sequitur Justinianum etiam Imperatorem in Apostolicis Canonibus laudandis hallucinatum esse; vel argumentum pro dictorum Canonum antiquitate ab ejus testimonio petitum nihil amplius valere, quam si Sibyllina Oracula longe ante S. Justinum composita esse ex eo arguamus, quod à Sanctissimo isto Patre ac Martyre citata sunt, nemoque eum certior fecerit, ea paucis ante annis confarcinata fuisse ab impostore aliquo, qui sua ipsius fragmenta sub Sibyllarum nomine obtrudere ausus est.

IV. Quod si Observator adhuc opinatus fuerit, se eadem plane ratione librorum Sibyllinorum, quâ nos hoc in loco Canonum Apostolicorum, causam tueri posse: tueatur quidem per me licet: modo per libros Sibyllinos, istos intelligat, qui à Justino, reliquisque ejusdem ætatis scriptoribus laudati sunt, non eos qui hodie sub isto nomine vulgo circumferuntur. Licet enim eruditus Observator Blondelli vestigiis insistens contra Sibyllina Oracula perinde disputare videatur, ac si quam hodie habemus eorum rapsodia, eadem esset carminum collectio quæ primis Christianismi seculis Sibyllarum nomen sibi inscriptum habebat: Longe tamen aliud esse, cuius patebit, qui carmina Sibyllina, ut antiquis istis temporibus laudata cum iis comparare operæpretium duxerit, quæ sub isto nostris diebus nomine in lucem emissa sunt. Plurima enim carmina Sibyllina à primis Ecclesiæ Patribus Ethnicisque scriptoribus eorum cœtaneis, Plutarcho nimirum, Pausania, Dione, aliisque laudata in hodiernâ nostrâ Rapsodiâ vel non omnino extant, vel ita interpolata, ut eadem non videantur. Idem saltem quod B. Ignatii Epistolis, Clementis Constitutionibus aliisque veteris Ecclesiæ monumentis, istis etiam Carminibus, quæ Patres Primitivi Sibyllarum nomine nuncuparunt, contigisse extra dubium est: ut posterioribus nempe seculis multa vel datâ operâ vel librariorum incuriâ prætermissa fuerint, alia de novo inserta, & plurima aliquo modo immutata, ita tamen ut nonnulla etiam pristinæ eorum faciei vestigia adhuc retineantur. Quo factum est, ut alia à veteribus citata, in hodiernis etiam libris inveniantur, alia non: hæcque eodem, illa alio atque antiquitus modo legantur. Adeo ut ex iis quæ nunc habeamus, de iis quæ primitivæ Ecclesiæ Patres Sibyllina laudarunt Oracula, vix judicari posset. Quocirca clarissimus vir David Blondellus iniquè cum antiquis istis Sibyllinis vulgo vocatis Carminibus nobis saltem egisse videtur, cum ex hodiernâ eorum sylloge, contra veram eorum antiquitatem disputaverit. Neque enim clam ipsum esse potuit, argumenta ista, quibus opinionem suam adstruere conatus est, non ex illis desumpta esse Carminibus, quæ Patres sub Sibyllarum nomine citarunt, sed ex aliis quibusdam, quæ nec ipse nec alius quivis in veteri istorum Codice lecta fuisse novit; quæque longo post tempore inserta fuisse plusquam verisimile est.

V. Cum Observator igitur contendit, argumentum nostrum pro Canonibus Apostolicis è Justiniani testimonio petitum, ex eo invalidum esse, quod eadem ratione Carminum Sibyllinorum causam tueatur, si isthæc, ut par est, Carmina intelligat quæ à primitivæ Ecclesiæ Patribus Sibyllæ adscripta sunt, hæc exceptio nihil valebit. Neque enim opus est, ut Canonum Apostolicorum antiquitas firmitior è Justiniani testimonio adstruatur, quam Carmina ista Sibyllina ante Annum D.CXXXVIII. (post quem Blondellus ea ficta fuisse arbitratur) divulgata fuisse ex eo constat, quod Justinus M. alique ejusdem seculi scriptores statim post dictum annum ea citaverint. Primo enim ipse Blondellus de Sibyllis lib. 2. cap. 6. fatetur istam Justiniani Apologiam Anno CXLI. sive CXLII. scriptam fuisse, in quâ de Sibyllarum

Oraculis

Oraculis hæc habet, κατ' ἐνέργειαν δὲ τῶν φαύλων δαιμονίων, ἰσχυροῦς καὶ τῶν τοῖς Ἰουδαῖοις καὶ Σιευένης, καὶ τῶν προφητῶν βίβλος ἀναγινωσκόντων, ὅπως δὲ ὁ φόβος ἀποτρέψωσιν ἐντυγχάνοντας τὰς ἀνθρώπους τῶν καλῶν γῶσιν λαβεῖν, αὐτοῖς δὲ δαλεύοντας κατέχωσιν· ὅπερ εἰς τέλος ὅτι ἰσχυρὰν παρέξαι· ἀφόβους μὴ γὰρ ἔμνον ἐντυγχάνοντες αὐταῖς, ἀλλὰ καὶ ὑμῖν ὡς ἐθετε, εἰς ὁπίσκειν φέρομεν, ὁπίσκειν τοῖς πᾶσι ἐνάρεα φανήσεσθαι. Opera autem sive instinctu malorum demonum, mortis supplicium adversus eos qui Hystaspis, aut Sibylla, aut Prophetarum libros legunt, constitutum est. Ut per timorem homines ab illis absterreant, quo minus scripta ea legentes rerum bonarum notitiam percipiant; sed in ipsorum servitute retineantur. Quod certe quidem perficere & ad finem perducere nequiverunt. Non enim absque timore tantum hæc scripta legimus, verum etiam vobis ad inspiciendum que in iis traduntur, ut videtis, offerimus: grata & accepta ea omnibus fore scientes. Profecto qui hæc Iustini verba Anno Domini CXXI. scripta attente legit, haud dubitare potest, quin Sibyllæ libri hic memorati ante Annum CXXXVIII. extitissent. Ex his enim S. Patris verbis constat istos libros passim vulgoque tunc dierum cognitos lectosque fuisse, non minus quam ipsos prophetarum libros, usque adeo ut mortis supplicium à Senatu Romano, contra eorum æque ac horum lectores constitutum esset. Constat etiam non modo S. Justinum, sed & alios Christianæ religionis cultores horum librorum lectionem vitæ suæ præposuisse. Quamvis enim sub mortis pœnâ hoc iis interdictum fuisset, illi nihilominus non tantum libros hosce legebant, sed & Senatui populoque Romano eosdem inspiciendos audacter offerebant. Quantacunque autem credulitate purioris illius ævi Christianos laborasse censeamus, omnem excedit fidem ut cum tanto salutis vitæque discrimine hos Sibyllæ libros legerent ipsi aliisque legendos offerrent, nisi eos plusquam tres quatuorve saltem annos in lucem emissos fuisse pro certissimo habuissent. Quo etiam ore, quâ fronte ad hosce libros coram ipsis Romanis appellare potuerunt, nisi inter ipsos etiam Romanos convenisse hos libros si non ipsa Sibyllæ folia, antiquos saltem, vel quatuor minimum annis antiquiores esse, iis abunde constitisset? Quam facile enim Romani ignorantiae & temeritatis eos arguere potuerunt? Et jure quidem. Justinus enim aliique illi quos ipse secum hos libros Romanis obtulisse affirmat, non Philosophi, non prudentes homines, & vix homines quidem erant, sed nescio quæ monstra inscitiae, credulitatis ac impudentiae, si libros vix quatuor adhuc Annos juxta Blondelli censuram factos, imo à se confictos, antiqua Sibyllæ Oracula fuisse crederent, & potentissimis suis adversariis qui se vera Sibyllæ Carmina secum habere venditabant, sub eo nomine tantâ confidentiâ obtrudere ausi essent. Cum vero tam portentosa in primitivos Christianos, eorumque doctissimos, quos inter Justinus M. merito recensatur, vitia conjicere nefas sit, istos Sibyllæ libros à S. Justino laudatos multo antiquiores quam opinatus est Blondellus, statuamus necesse est. Præsertim cum idem Justinus hos libros à se memoratos non sibi soli & Christianis, sed toti terrarum orbi cognitos esse & ubique extare, diserte

diserte asseruerit. Quod ne simulatè à me dictum videatur, Ecce ipsa doctissimi Patris verba quæ ad calcem Cohortatoriæ ejus ad Græcos Orationis habentur. Ἐι πίνω, inquit, ὃ ἄνδρες Ἕλληνες, μὴ προπρεπέντων ἡγέσθε τῶν ὡμῶν αὐτῶν σωτηρίας τλὼν πλεὶ τῶν μὴ ὄντων θῶν ψευδῆ φαντασίαν, πείσθητε, ὡς περ ἔφω, τῇ ἀρχαιοτάτῃ καὶ ἐφόδῳ παλαιᾷ Σιβύλλῃ, ἥς πᾶς βίβλος ἐν πάσῃ τῇ οἰκουμένῃ σώζεσθαι συμβαίνει, πλεὶ μὲν τῶν κεκομμένων θῶν, ὡς μὴ ὄντων, ἀπὸ τινος δυνατῆς ἀπιπνοίας εἰς χρησμῶν ὡμᾶς διδασκάνη. πλεὶ δὲ τῶν σωτῆρων ἡμῶν Ἰησοῦ Χριστοῦ μακίστης ἐσεσθαι παρυσίας, καὶ πλεὶ πάντων τῶν ἐπὶ αὐτῷ γίνεσθαι μελλόντων σαφῶς καὶ φανερώς περ ἀναφανέσθαι. Itaque, viri Græci, si falsam de iis, qui non sunt, diis imaginationem salute vestra antiquiorem non habetis, Credite, sicut dixi, antiquissima & prisca admodum Sibyllæ, cujus libri in universo extant orbe, de iis, qui dicuntur sed non sunt, diis mirifico quodam prapotentis numinis afflatu per Oracula vos docenti; de futuro autem servatoris nostri Jesu Christi adventu, ac de rebus ab eo gerendis liquido ac apertè vaticinanti. Cuinam obsecro hæc Justini M. verba legenti persuadebit unquam Blondellus, Sibyllæ libros iisdem diebus effictos fuisse, quibus hæc scripta sunt? Adeone delirus & velanus erat sanctissimus Martyr, ut eos libros antiquissimæ & priscae admodum Sibyllæ nuncuparet, de quibus ipsi non satis constabat, annon paucos ante annos à sceleratissimo impostore confarcinati fuissent? Quinetiam hosce libros eodem temporis articulo in universo extare orbe affirmat. Quomodo hoc fieri potuit, si vix dum ex obscuri tenebrioris officinâ in lucem emissi essent? An verisimile cuipiam videatur, an possibile, ut per totum terrarum orbem volitarent simul ac edebantur? Si hæc cuivis persuadeat Blondellus, tunc demum, sed non antea, eidem persuadebit, libros Sibyllinos à Justino Martyre memoratos post Annum Domini CXXXVIII. contextos fuisse; & nobis semper mirari, quod nullus tunc temporis extaret acutus rerum Observator, qui sancto Patri aurem velleret, cumque de egregio hoc errore, vel de impudentissimis potius mendaciis certiorer faceret.

VI. Et quidem si sanctus Justinus in hunc errorem lapsus est, non solus in eo fuit. Plures enim è doctissimis ejusdem seculi scriptoribus eadem quâ ille de Carminibus Sibyllinis opinione ducti fuerunt. Ut Theophilus Antiochenus, Athenagoras, Clemens Alexandrinus, & Origenes. Imprimis autem dignissima sunt quæ observentur, Origenis de oraculis hisce verba. Enimvero Celsus, qui iisdem circiter diebus quibus Justinus vixit, Christianis vitio vertit, quod multa, & eaque maledica Sibyllæ Oraculis inseruissent. Cui se interponens Objectioni Origenes hæc habet, Εἴτ' ὅτε οἱδ' ὅπως, ἐβόλετο ἡμᾶς μάλλον Σίβυλλαν ἀναγορεύσαι παῖδα θεῶν ἢ Ἰησοῦν, ἀποφηνάμεν ὅτι παρενεγρέφαμεν εἰς τὰ ἐκείνης πολλά, καὶ βλάβη, καὶ μὴ ἀποδείξας μήδ' ὅτι παρενεγρέφαμεν. ἀπέδειξε δ' ἂν εἰ τὰ ἀρχαιότερα καθαρώτερά ἐδείκνυε, καὶ ὅτι ἔχοντα ἄπερ οἴεται παρεγχερέσθαι. μὴ ἀποδείξας ἢ μήδ' ὅτι βλάβη ἐστὶ ταύτῃ. Deinde nescio quid ei (Celio) venit in mentem, ut confiteretur Sibyllam à nobis potius quam Jesum appellandam fuisse Dei Filium, asseverans

nos multa & maledica ejus verbis inferuisse, non tamen indicans quæ sunt illa quæ inferuimus: indicasset autem si antiquiora habuisset, quæ incorruptiora essent, exemplaria, in quibus non reperiantur quæ putat à nobis interpolata. Quin nec indicavit illa maledica esse. Orig. contra Cels. lib. 7. p. 369. Celsus itaque Justino M. *ὁπίσθεν*, etiam si infensissimus Christianorum adversarius fuerit, & nihil non dixerit, quod è subtili ipsius & fertili mendaciorum ingenio contra religionem ipsumque Christum ab illis cultum effingere potuit, non tamen negare potuit, libros Sibyllinos à Christianis in religionis suæ causâ laudatos, longe ante suam ætatem extitisse, adeoque longe anteaquam ab iis laudati essent. Neque aliud contra eos hæc in re objiciendum invenit, quam eos multa Sibyllæ verbis inferuisse, quæ antiquitus in iisdem non lecta fuerant. Verum & hanc futilem istius objectionem refellit Origenes, hoc scilicet responso, quod Celsus non indicavit, quænam illa essent, quæ à Christianis ita inserta dicit. Indicasset autem, inquit, si antiquiora, quæ incorruptiora essent, exemplaria habuisset, in quibus non reperiantur quæ Celsus à Christianis interpolata putavit. Ad antiquiora itaque & incorruptiora Carminum Sibyllinorum exemplaria hic appellat Origenes, & Celsum ejusque gregales indicare provocat, quid à Christianis de novo iis insertum esset. Quod cum Celsus indicare nequiverit, pro confesso sumit Origenes, ea quæ à Christianis ex istis Sibyllæ verbis citata sunt, in antiquis illis & incorruptis exemplaribus extitisse, nihilque adhuc à Christianis de suo interpolatum esse. Quod si tota illa Carminum Sibyllinorum collectio istis temporibus laudari solita, non ante Annum Dom. CXXXVIII. confarcinata fuisset, & quidem ab ipsis Christianis, quod vult Blondellus, hoc imprimis haud dubie iis objectasset Celsus: Origenes etiam ad antiquiora eorum exemplaria appellare non potuit, quippe quæ iisdem diebus conficta adeoque nondum antiqua erant.

VII. Adhæc Clemens Alexandrinus, qui eodem etiam, quo Justinus, seculo clauit, sed paulo junior, non modo Carmina Sibyllina multoties ipse laudavit, verumetiam D. Paulum suum iis testimonium perhibuisse tradidit. Quandoquidem vero hoc ab erudito viro Joh. Bapt. Cotelerio in dubium vocatum est, aliisque S. Patris verbis sensus impositus, non abs re erit, si locum transcribamus, pauloque attentius expendamus. Sic igitur ait Clemens, *Ἐπεὶ ὅτι καθάπερ Ἰουδαίους σώζεσθαι ἐβόλετο ὁ θεὸς, τὰς προφητείας διδὼς, ἕτως ἡ Ἑλληνῶν τὰς δοκιμωτάτας οἰκείας αὐτῶν τῇ ἀρχαίᾳ προφητείας ἀνασῆσας, ὡς οἱοί τε ἦσαν δέχεσθαι τὴν πρὸς θεὸν ἐνεργεσίαν τῶν χυδαίων ἀνθρώπων διέκλεινεν, δηλώσας πρὸς τῷ Πέτρῳ κηρύσσειν, ὁ ἀπόστολος λέγων Παῦλος, λάβετε ἡ τὰς Ἑλληνικὰς βίβλους, ἐπίγνωτε σίβυλλαν, ὡς δημοτὶ ἕνα θεὸν ἢ τοὺς μέλλοντας ἔσεσθαι.* Quod enim quemadmodum Judeos Deus salvos esse voluit, ita etiam Græcorum probatissimos propria suæ lingua Prophetas iis excitans, prout poterant capere Dei beneficentiam, à vulgo secrevit, præter Petri prædicationem declarabit Paulus Apostolus dicens, Libros quoque Græcos sumite, agnoscite Sibyllam, quomodo unum Deum indicet, & ea quæ sunt futura. Clem. Alex. Strom. lib. 6. pag. 636. Prædictus J. B. Cotelerius in notis ad secundam

cundam Clementis Romani Epistolam, doctos viros hujus loci sensum nondum attigisse opinatus est, ut qui verba ista sic accipiant quasi λάβετε &c. sit Apostoli exhortatio. Ille autem verba illa ὁ Ἀπόστολος λέγων Παῦλος non referenda putat, ad consequentia λάβετε ἢ πᾶς ἐκκλησιαστικὸς βίβλος, sed ad præcedentia ista οἰκείας αὐτῶν τῇ ἀρχαίᾳ περὶ φηται, seu ad Versiculum XII. primi capitis Epistolæ ad Titum, ubi scilicet Apostolus dicit, εἰπέ τις ἐξ αὐτῶν, ἰδίᾳ αὐτῶν περὶ φηται. Hæc autem verba λάβετε ἢ πᾶς ἐκκλησιαστικὸς βίβλος, & quæ sequuntur, non S. Pauli sed Clementis esse arbitratur vir doctus. Quæ quidem nova horum Clementis verborum expositio mihi etiam primo intuitu summe arrisit. Totum autem contextum postea revolvens statim inveni quod hæc Clementis Alexandrini verba sensum istum nequaquam admittant. Doctissimus enim Pater in hisce libris non oratorem agit, non Epistolam aut exhortationem scribit, ac propterea neminem definitè alloquitur. Atque ideo cum scribit, λάβετε τὰς ἐκκλησιαστικὰς βίβλους, ἐπιγινώσκετε Σίβυλλαν, hæc non ipsius Clementis, sed Sancti Pauli mox ante memorati verba sint necesse est. Et præterea S. Pauli verba in Epistolâ ad Titum nullâ machinâ huc trahi possunt. Præterquam enim quod Apostolus ibi de uno solo Prophetâ loquatur, Clemens hic de pluribus; quodque S. Paulus isto loco proprios suæ linguæ Prophetas à Deo Gentilibus, prout percipere poterant Dei beneficentiam, excitatos esse, nullo modo affirmet; Præter hæc, inquam, observandum etiam est ista verba ad aliam hujus sententiæ partem pertinere. Clemens enim non asserit D. Paulum dixisse Deum suos Græcis Prophetas excitasse, sed ipse hoc dicit, probatque tum ex Petri prædicatione, tum ex Paulo, ut ait, dicente λάβετε τὰς ἐκκλησιαστικὰς βίβλους. Res clarior adhuc elucescet si ea recolamus quæ proxime post verba à nobis citata sequuntur. Refert enim S. Paulum hæc dixisse, *Libros quoque Græcos sumite, Agnoscite Sibyllam quomodo unum Deum indicet, & ea quæ futura sunt. Sumptum etiam Hystaspem legite, & invenietis Dei filium multo clarius apertiusque esse scriptum, utque multi reges adversus Christum aciem instruent, odio habentes tum illum, tum eos qui nomen illius gestant, & ejus fideles, illiusque tolerantiam atque adventum.* Cum hæc à D. Paulo prolata tradidisset Clemens, mox addit, εἶπα ἐν τῷ λόγῳ πωθάνεσθαι ἡμῶν, ὅλον τὸν κόσμον ἢ ἐν τῷ κόσμῳ τίνος; ἢ οὐκ ἐστὶν; Deinae uno verbo nos interrogat, totus autem mundus & quæ in mundo, cujus sumi? Nonne Dei? Hæc autem verba de nullo alio nisi de S. Paulo intelligi possunt. Quis enim hoc interrogasse dicatur, nisi is de quo ante facta fuerat mentio istis verbis, ὁ Ἀπόστολος λέγων Παῦλος. Quod enim doctissimus vir hæc verba prædicationi Petri tribuenda censer, à ratione prorsus alienum est. Etenim S. Petri sermo ex Apocrypho isto libro à Clemente hic citatus, prius finitus fuit, quam hæc à D. Paulo vel aliquopiam dicta referuntur. Quinetiam post ultima ista à nobis recitata verba, statim hæc subjicit, Δια τὸ πρῶτον ὁ Πέτρος εἰρηκέναι τὸν κόσμον τοῖς Ἀποστόλοις, &c. Quod si in præcedentibus verbis Petrum illud interrogasse voluisset, nomen ejus ibi potius inferuisset. Cum sanctus autem Paulus istam protulisse interrogationem clarissime hic perhibeatur, nihil dubii esse potest, quin is

etiam

etiam ea quæ præcedunt, si Clementi fidem habeamus, dixerit. Clemens autem hæc vel ex traditione vel saltem ex Apocrypho aliquo libro D. Pauli nomen præ se ferente, hausisse videtur. Qualis etiam D. Petri nomen sibi inscriptum habens, & *Petri Prædicatio* dictus, hoc ipso in loco à Clemente laudatur, multaue tanquam à Petro dicta ex eodem recitantur. E quibus etiam si non constet D. Paulum Sibyllinos vidisse libros, eorumque lectionem aliis commendasse, constat tamen Clementem Alexandrinum in eâ fuisse opinione, quod isti libri adeo antiqui erant, ut in D. Pauli notitiam venire potuissent. Saltem quod longe antiquiores essent, quam David Blondellus eos existimavit.

VIII. Alios ejusdem seculi scriptores qui in religione Christianâ Græcis adstruendâ ad Sibyllina ista provocarunt Oracula, in præsentī missos facimus. Nemo enim dubitabit quin Origeni, Clementi Alexandrino, & Justino Martyri (qui ante Annum Domini CXXXVIII. in doctrinâ Christianâ non minus quam in Philosophiâ claruit) major hæc in re debeatur fides, quam Blondello, qui post mille & quadringentos annos sibi persuasum habuit, aliisque persuadere conatus est, dicta carmina vix citius conficta esse, quam à doctissimis illis Patribus laudata sunt. Tota autem clarissimi viri opinio eo nititur quod S. Justinus hosce libros primus citavit. Quod quidem non incertum modo sed & falsum nobis videtur. Enimvero ex quæstionibus ad Orthodoxos Justino Martyri adscriptis colligere est Clementem etiam Romanum Sibyllæ libros citasse, nam in Responsione ad quæst. LXXIV. hæc habemus, 'Εἰ τῆς παρέρσης καταστάσεως τὸ τέλος ἐστίν, ἡ ἄλφ' ἔτι πρὸς κρίσιν τῶν ἀσεβῶν, καθά φασι καὶ γραφαὶ προφητῶν τε καὶ Ἀποστόλων, ἐπὶ τῇ καὶ τῆς Σιβύλλης: καθὼς φησιν ὁ Μακάριος Κλήμης ἐν τῇ πρὸς Κορινθίους ἐπιστολῇ. Si presentis rerum status finis est impiorum per ignem judicium, prout testantur Scripturæ Prophetarum, & Apostolorum, atque ipsius insuper Sibyllæ, quemadmodum ait Beatus Clemens in Epistolâ ad Corinthios. Sed in illâ, inquit, parte quæ extat primæ Clementis Epistolæ ad Corinthios, nulla inducitur Sibyllæ mentio. Fateor equidem. Verum Irenæus lib. 3. cap. 3. dicit Clementem in istâ Epistolâ inter alia, quæ omnia hodie habentur, tradidisse Deum ignem præparasse Diabolo & Angelis ejus, quod cùm in illâ quæ extat Epistolæ illius parte non legatur, in alterâ quæ desideratur parte traditum fuisse extra dubium est. Ubi autem de igne Diabolo & Angelis ejus præparato disseruit Clemens, ibidem etiam ea, quæ Pseudo-Justinus memorat, extitisse plusquam verisimile est. Quod etiam ab Erudito Cotelerio observatum est, ut Clementis autem Epistola pro Constitutionibus mendose citaretur, nemo unquam Blondello concedet.

IX. Quin iisdem etiam diebus, quibus nonnulli Apostolorum adhuc superstitēs erant, Josephus suum Sibyllinis Oraculis testimonium tribuit. Hæc enim dicit, Περί τῆς πύργου τέτις καὶ τῆ ἀποφωρίας τῶν ἀνθρώπων, μέμνηται καὶ Σιβύλλα λέγειναι ὅτις, πάντων ὁμοφώνων ὄντων τῶν ἀνθρώπων, πύργον ἀνοδομητὴν πνεύσει ψηλότατον, ὡς ὅτι τὸ ἐργον ἀναβησόμενοι δι' αὐτῆς. οἱ δὲ θεοὶ ἀνέμους ἀπὸ πέμψαντες ἀντήρεσαν τὸ πύργον, καὶ ἰδίαν ἐκάστη φωνὴν ἔδωκαν,

ἢ Ἀφ' τῆς Βαβυλῶνα σιωῆθι κληθῆναι τὴν πόλιν. *De turri autem hac, deque linguis hominum mutatis meminit etiam Sibylla, ad hunc modum dicens, Cum universi homines uno eloquio uterentur, turrim adificarunt quidam excelsissimam, quasi ad cælum per eam ascensuri. Dii vero procellis emissis turrim everterunt, & suam cuique linguam dederunt. Quæ causa fuit ut urbs ea Babylonis nomen acciperet. Joseph. Antiq. Jud. lib. 1. cap. 5. Quæ vero Josephus hoc in loco Sibyllam cecinisse tradit, ea in istis etiam Sibyllinis quæ supersunt Oraculis leguntur hunc in modum,*

Ἄλλ' ὅπῃταν μεγαλῆο θεῷ πελέωνται Ἀπειλαί,
 Ἄς ποτ' ἐπιτείλῃσθε βροτοῖς οἱ πύργον ἔτευξαν
 Χώρῃ ἐν Ἀσσυρίῃ, ὁμόφωνοι δὲ ἦσαν ἅπαντες,
 Καὶ βάλοντ' ἀναβῆν' εἰς ἕρπον ἄσπερόν τε.
 Αὐτίκα Ἀθάναί τε
 Πνεύμασιν· Αὐτὰρ ἐπεὶ ἄνεμοι μέγαν ὑψόθι πύργον
 Ἦσαν, ἢ θνητοῖσιν ἐπ' ἀνθρώποις ἔλεν ὄρεαν
 Τῶνεκά τοι Βαβυλῶν τε βροτοὶ πόλιν ἔνομόν ἔθεντο.

*Sed cum dicta ad rem fuerint collata, minatus
 Quæ magnus Deus olim mortalibus illis,
 Qui Turrim Assyriis in finibus adificarunt,
 Cum cunctis eadem vox esset, stelliferumque
 In cælum vellent ascendere, continuoque
 Immortalis
 Flatibus. At venti magnam sublime ferentes
 Turrim jecerunt, & litem conciliarunt
 Inter eos, urbemque ideo Babylona vocarunt.*

Hæc extant initio fere libri tertii Sibyllinorum, quæ hodie circumferuntur, Oraculorum. Verba autem Josephi, quæ sensum horum Carminum expriment, recitantur etiam ab Eusebio de Præpar. Evangel. lib. 9. cap. 15. Et quod imprimis observandum erat, ipsa hæc carmina Sibyllina laudantur à Theophilo Antiocheno in secundo ad Autolicum libro, ubi & lacuna ista in versu quinto suppletur hoc modo,

Αὐτίκα δ' Ἀθάναί τε μεγάλῳ ἐπέθηκεν ἀνάσσειν
 Πνεύμασιν.

*Vim magnam injecit Deus immortalis in illam
 Flatibus.*

Et ne quis dubitet an Theophilus hæc carmina ex Sibyllæ, qui tunc extabant, libris habuerit, ipse id diserte affirmavit, hæc iis præfatus, Σίβυλλας μὲν οὕτω σεσήμαίκε, κατὰ γλῆσσοσιν ὁργῶν τῷ κόσμῳ μέλαιν ἐρχεσθ'. ἔφη δὲ ἕτως,

στως, Sic quidem Sibylla significavit, mundo iram futuram annuncians. Sic enim ait. Et tunc protinus carmina ista recitat. Cùm Theophilus itaque, qui unà cum Justino M. proximo post Josephum seculo vixit, Sibyllina laudavit carmina, quæ idem prorsus continent, quod Josephus Sibyllam dixisse scribit, nihil dubii esse potest, quin Josephus eosdem vidisset Sibyllinos libros, quos S. Justinus, Theophilus, alique Ecclesiæ recens natæ Patres haud multis post illius obitum annis citarunt. Quin & ante Josephum Strabo Geographiæ suæ lib. 1. & 12. antiqui vulgoque noti Oraculi meminit, his verbis concepti,

Ἐοσελαι ἐασοµήσοις, ὅτι Πύργου εὐρυοδείης
Ἡρόνα περὶ τῶν ἱερῶν ἐς Κύπρον ἵκηται.

*Isthac evenient, vastis quo Pyramus undis
Tempore profuso continget littore Cyprum.*

Hoc autem Oraculum inter Sibyllina lib. 4. totidem fere verbis etiamnum extat, nisi quod pro Κύπρον illic legatur νῆσον. Unde liquet hoc Sibyllinum Oraculum Strabonis diebus vulgo cognitum fuisse, ac proinde longe antequam alia ejusmodi Carmina tanquam à Sibyllis prolata, ab antiquis Patribus laudata sunt. Adhuc neminem latet antiquissimos qui extant Græcos pariter atque Latinos scriptores frequentem de Sibyllis eorumque Oraculis Carminibusque mentionem fecisse, Platonem dico, Aristotelem, Diodorum Siculum, Plutarchum, Pausaniam, Dionysium Halicarnasseum, Dionem Cassium, Ciceronem, Livium, Cornelium Tacitum, Ovidium, & ut alios mittam Virgilium, cujus Ecloga quarta Christo ut à Sibyllis descripto, multo melius clariusque convenit, quam nescio cui Salonino Polionis filio, cui nullo modo accomodari potest. Nihil autem certius esse potest quam Poëtam in istâ Eclogâ ad Sibyllæ Carmina respectum habuisse, non modo quod majora hic quam alibi se prolaturum pollicetur, verumetiam quod de ultimo à Sibyllâ Cumæâ prædicto seculo diserte agit, dicens

Ultima Cumæi venit jam Carminis ætas.

Qui porro ea quæ Virgilius in istâ Ecloga de aureo illo seculo quod futurum ait, postquam nova progenies cælo dimissa est, cum iis comparaverit, quæ de ultimo seculo in Sibyllinis Carminibus dicuntur, vix dubitabit quin Carmina vel Virgiliana ex Sibyllinis, vel Sibyllina ex Virgilianis sumpta fuerint. Eadem enim utrobique celebrantur. Cum autem Virgilius Sibyllæ, ejusque Carminum & hic & alibi sæpe meminerit, æquus lector eum sua ex iis, potius quam è contra, hausisse judicabit. Præsertim cum alia præsto sint argumenta, quæ Carmina Sibyllina istis diebus extitisse fidem faciunt.

X. Verum ne longe nimis à proposito evagari videamur, missis aliis quæ

de Carminum Sibyllinorum antiquitate in eorum Patrum, qui ea citant gratiam, proferri possunt, testimoniis: Quid nos de iis sentiamus, paucis expedietur. Enimvero antiqui historici uno consentiunt ore, libros quosdam sub Sibyllæ nomine religiose olim Romæ custoditos fuisse, & Senatum populumque eos consulere solitos esse, quotiescunque necessitas reipublicæ id postulare videretur. Constat etiam hosce libros in Templi Capitolini cellâ subterraneâ, arcæ lapideæ inclusos, à decemviris asservatos fuisse incolumes usque ad bellum Marficum. Hoc enim Dionysius Halicarnasseus memoriæ tradidit. Antiq. Rom. lib. 4. Aliis compluribus ei suffragantibus. Sed octoginta plus minus annis ante Christi nativitatem exusto Capitolio, hi libri unâ absumpti sunt. Restituto autem postea Capitolio, Senatus tantam jacturam ægre ferens, legatos quosdam misit qui Carmina Sibyllina ubicunque ea investigare poterant, conquesta Romam apportarent. Sic enim Corn. Tacitus, *Quod à majoribus quoque decretum erat, inquit, post exustum sociali bello Capitolium, quæstis Samo, Ilio, Erythris, per Africam etiam ac Siciliam & Italicas Colonias, Carminibus Sibyllæ, una seu plures fuere, datoque Sacerdotibus negotio, quantum humanâ ope potuissent, vera discernere. Igitur tunc quoque notioni quindecim virum is liber subijcitur.* Tacit. Annal. lib. 6. Sed & ante eum, necnon ante ipsam Servatoris nostri nativitatem Dionysius Halicarnasseus libro superius laudatò eadem tradit, dicitque se è Terentio Varrone ea hausisse. λέγω δὲ, inquit, ἃ Τερέντιος Ὀυάριον ἱστορῆκεν ἐν τῇ Θεολογικῇ περὶ μαντείᾳ, *Dico autem ea quæ Terentius Varro in opere Theologico sive de rebus divinis memoria tradidit.* De veritate igitur hujus historiæ nihil est quod dubitemus, quandoquidem Terentius ille Varro, cujus libros rerum divinarum non tantum Dionysius sed & Lactantius aliique memorarunt, illis ipsis claruit diebus quibus hæc gesta sunt. Fenestella vero qui Tiberio imperante scripsit, ipsos nominat legatos qui hos libros tunc temporis conquesti um à Senatu missi sunt, videlicet P. Gabinium, M. Octacium, & L. Valerium, qui descriptos, ut ait, à privatis, versus circa mille Romam deportarunt. Apud Lactant. lib. 1. de falsâ relig. cap. 6. Quin idem etiam gravissimus autor, ipsum notavit annum quo hæc contigerunt. Dicit enim legatos Erythras à Senatu esse missos ut Sibyllæ Erythrææ Carmina Romam deportarentur, & ea Coss. Curio & Octavius in Capitolio, quod tunc erat curante Q. Catullo restitutum, ponenda curarent. Fenest. apud Lact. de ira Dei cap. 22. Verumenimvero Cn. Octavius, & C. Scribonius Curio consulatum agebant, an. U.C. IOCLXXXVIII. primo Olympiadis CLXXVI. ante æram Christi vulgarem LXXVI. Isto itaque anno Carmina quædam sub Sibyllarum nomine conquesta sunt, & in Capitolio reposita. Nonnulla autem eorum ipsi etiam Romani suspecta habuerunt, ac propterea Sacerdotibus, qui priora fortasse viderant, vera ac falsa discernere imperarunt. Cum hi vero libri variis è locis Romam deportati sint, fieri non potuit quin ad aliorum æque ac Pontificum & Sacerdotum Romanorum manus pervenirent, adeo ut vulgo protinus noti essent. Quod ex eo etiam manifestum evincitur, quod istorum temporum scriptores nonnulla è Sibyllinis istis Carminibus citarunt,

tarunt, ut Plutarchus, Pausanias, alique quos inter ipse etiam Iosephus Antiquitatum Judaicarum scriptor, cujus verba supra retulimus. Quapropter mirum nemini videatur, quod Christiani postea in hos libros incidentes, unumque in iis Deum prædicatum, & nonnulla de magno illo Rege, Christo scilicet in mundum venturo dicta invenientes, in suis contra Gentiles disputationibus, ad istos sæpe appellarint, quippe quos ipsi Romani pro Sibyllinis jactabant. Neque enim à memet ulla impetrare possum argumentis, nedum iis quæ Blondellus protulit, ut credam primos post Apostolos fidei Christianæ propugnatores causæ suæ vel Christi potius tam male consulere voluisse, ut libros quoslibet à se confictos, & à Romanis nondum agnitos, ad eam illis adstruendam laudarent. Non enim poterant non prævidere se fraudis ac vanitatis facillimè convinci posse, si tale facinus perpetrare ausi essent. Inter omnes autem constat hos libros non modo passim ab iis, idque coram ipsis Romanis, laudatos fuisse, verumetiam hoc iis nunquam vitio versum esse, præterquam à Celso, qui tamen & ipse talia extare Carmina, negare non potuit, nec aliud iis objicere, quam nonnulla illis à Christianis inserta esse: cui etiam objectioni Origenes respondit, ad antiquiora appellans exemplaria. Quæ quidem responsio tanto viro nunquam excidisset, nisi & ipse ea quæ à Christianis tanquam è libris Sibyllinis citata fuerant, in antiquioribus eorum exemplaribus inventa fuisse pro certo habuisset.

XI. His itaque præmissis ac perpenfis, nullus dubito, quin Carmina Sibyllina à Justino Martyre, Athenagora, Theophilo Antiocheno, Clemente Alexandrino, aliisque primis fidei nostræ assertoribus laudata, multis ante annis edita, passimque cognita fuissent, quam ab illis laudata sunt. Quisnam autem autor eorum fuerit, an à Vatribus divinitus inspiratis, Quales inter Gentiles fuerunt Job & Balaam, edita, an è Prophetis Judaicis surrepta, an alio quovis modo literis mandata sint, hæc ut non hujus loci ab aliis determinanda relinquo, ut & quanta eorum pars quæ hodie sub Oraculorum Sibyllinorum nomine circumferuntur, cum antiquis illis convenient libris qui duobus prioribus Ecclesiæ Christianæ seculis extiterunt, & ab eorundem Patribus laudati inveniuntur. Nos sane hodiernæ Sibyllinorum, ut vocantur, Oraculorum rapsodiæ causam non defendimus, sed istorum tantum Carminum quibus antiquissimi religionis nostræ assertores testimonium suum reddiderunt, de quibus æquum ex iis quæ nunc extant judicium ferri non potest. Quamplurima enim antiquitus laudata, ut omnibus notum est, in hodiernâ collectione desiderantur. Alia quamplurima quindecim seculorum spatio de novo haud dubie addita, & interpolata sunt. Ad quam quidem classem ea omnia referenda sunt, quæ se scripta fuisse produnt, posteaquam alia à Patribus laudata sunt. Cujusmodi sane haud pauca occurrunt. Ex iis autem contra alia ante citata disputare, nihil aliud est quam susque deque habere quo cum primis Ecclesiæ nascentis Patribus modo agamus, imo quidem eos propter quorum doctrinam, pietatem, & sanguinem fidei nostræ confirmandæ causâ effusum perpetuas Deo gratias debemus, incautos, stolidos, impudicos, & nullâ prorsus fide dignos, sine omni rationis specie pronun-

pronunciare, ut ingenii nostri in iis mordendis & fugillandis acumen ostendamus. At nobis non licet esse tam iniquis in doctos adeo piosque viros: præsertim cum nonnulli etiam è Judæis Ethnicisque ut ostendimus, scriptoribus, multis ante Patres Christianos annis, Carmina Sibyllina memorarint, ac laudarint. Quamobrem, licet antiqua hæc Carmina non tanti sint, ut quivis fidei articulus iis fundetur, licet nobis qui Propheticiis Apostolicisque scripturis divinitus inspiratis gaudemus, nulli prorsus hodie ufui esse videantur, licetque multa in iis quæ supersunt, spuria, supposititia, & longo post tempore conficta ac interfecta deprehendantur, persuasum tamen habemus, ea quæ à S. Justino aliisque ejusdem seculi scriptoribus citata sunt, multis ante annis sub Sibyllæ nomine Romanis cognita fuisse, iisque pro genuinis ejusdem Oraculis vulgo habita.

XII. Si Observatori itaque librorum Sibyllinorum causam hæc ratione tueri placuerit, quod S. Justinus, Theophilus Antiochenus, Athenagoras, & Clemens Alexandrinus alique eos laudaverint, nemoque illos certiores fecerit, libros istos ab ipsis Christianis post Annum Domini CXXXVIII. confictos, ac Romanis propterea nondum agnitos fuisse: nobis quidem legitime ratiocinari videbitur. Ac proinde desinat in posterum mirari, quid ad hanc, si ita dicatur, Exceptionem, responsurus sim: quam ille quidem eo tantum nomine protulisse videtur, quod ea quæ Blondellus contra Sibyllina carmina concessit, ediditque, ex tripode dicta esse, atque aliis æque ac sibi persuasisse præsumperit, illa non tantum non Sibyllæ folia sed & impudentissima Christianorum figmenta esse, quæ vix citius ab impostore consarcinata quam à Patribus laudata sunt. Sed longe fallitur opinione vir doctus, si grande istud quod de Sibyllis volumen contexit Blondellus, tanti apud omnes esse opinetur, quanti apud se sit. Ut alios enim taceam, ipse nihil in eo invenire possum quod quempiam nullâ præjudicatâ opinione corruptum, in suam de carminibus Sibyllinis antiquitus laudatis sententiam inducat. Quod tamen altâ adhuc mente repositum habuissẽ, nec aliis divulgassẽ, nisi ab Observatore incitatus, dicente, me Objectionem ejus diluere non posse quin meam pariter diluam, neque ei respondere, quin mihimet etiam ipse respondeam. Respondeo enim ex eo quod hæc carmina ab antiquis istis Patribus laudata sunt, summâ ratione concludi, ea inter nuperrime consarcinata impostorum figmenta non recensenda esse. Hoccine autem est mihimet respondere? aut meam ipsius contra Dallæum objectionem diluere? Sed nihil facilius est quam subodorari ex quo fonte hæc dimanarint. Eruditus scilicet Observator, me omnesque alios in Blondelli de carminibus Sibyllinis sententiam secum ivisse, quâ ratione ductus nescio, pro concessio sumit, ideoque nihil dubitavit, quin validissimis ut ipsi videntur, Blondelli argumentis victus, ei largiturus essem, libros Sibyllinos neque hæc neque ullâ aliâ ratione defendi posse, etiamsi illi soli intelligantur, qui ab antiquis celebrati sunt. E præmissis autem ni fallor constat, me salvâ meâ contra Dallæum objectionem, huic Observatoris exceptioni respondisse. Adeo ut incaute nimis & inconsultè egerit vir doctus, cum me ipsi respondere non posse quin mihimet respon-

respondeam, prius asseruit, quam quid ipse ei responsurus essem, ullo modo vel cognovit, vel cognitum habere potuit.

XIII. Quod postea addit Eruditus Observator, se *idem dicere de Constantino Imperatore qui de Sibyllinis Oraculis magnificentius loquutus est, quam de Canonibus Apostolicis Justinianus*, ejusdem prorsus ac priora, farinae est, ut non opus sit de novo ei respondeatur. Observare tamen liceat, non mirum esse quod Constantinus tam magnificè de libris Sibyllinis locutus sit, cum eminentissima Ecclesiae lumina eos toties ante ipsum testimonio suo comprobassent. Prius enim quam ille imperium adeptus est, libri illi per ducentos fere annos ab Ecclesiasticis scriptoribus laudati fuerant. Adeo ut ipso etiam Blondello iudice Carmina Sibyllina multò longiori temporis spatio ante Constantini aetatem cognita fuerint, quam Canones Apostolici juxta Dallæi opinionem ante Justiniani testimonium iis tributum. Si libri illi quinquaginta duntaxat annos ab obscuro aliquo impostore confarcinati fuissent, Constantinus haud dubie istos tanto elogio non dignatus esset. Ut autem ex eo quod ille libros Sibyllinos maximis laudibus celebrarit, legitime inferamus eos haud nudiustertius confictos esse, sed pro venerandâ saltem ipsorum antiquitate aliqualem ab eo laudem meruisse: Sic etiam ex eo quod Justinianus Imperator Canones Apostolicos tam magnificè laudarit, necessario conficitur, & ipsum & totam istius aetatis Ecclesiam in eâ fuisse sententiâ, quod illi Canones non ab hæretico aliquo recentis memoriae impostore contexti, sed multis ante annis collecti, & ab antiquis Ecclesiae Patribus sub ipso Apostolorum nomine traditi fuerant. Alioquin sane permirum cuipiam merito videatur, inter omnes istos doctissimos Ecclesiae praesules, & jurisconsultos in omni antiquitate versatissimos, ex quorum consilio ille leges suas sanxit, nullum extitisse Dallæum, nullum Observatorem, qui Imperatori, ut dixi, aurem vellet, eumque certiolem faceret, Canones ab ipso laudatos, non inter antiqua nedum Apostolica decreta, sed inter nuperrime confarcinata hæreticorum figmenta recensendos esse. Cum hoc autem nemo Imperatorem tunc temporis admoneret, nec Dallæus, nec Observator prudentem quempiam sui que juris virum eo inducet, ut Canones hosce ante quinquaginta annos non extitisse credat.

XIV. Sed aliud adhuc vir doctus adinvenit, quo se, si fieri potuit, tueatur. Addit enim, *Sed ut ad ipsos Canones propius accedamus, quos ab Apostolis sanctos opinabatur Justinianus, miror nullum tunc temporis extitisse Beveregium, qui Imperatori aurem vellet, eumque certiolem faceret, ab Apostolis minime conditos esse, sed secundo exeunte, tertiove nondum adulto seculo à primitivis Synodis constitutos, & mox etiam in corpus istud quod etiamnum habemus collectos fuisse. Nam hæc est de horum Canonum antiquitate viri docti sententia. Tamen quemadmodum ex eo quod nullus Beveregius Imperatorem hæc de re monuit non sequitur Canones ab ipsis Apostolis sanctos esse, sic etiam ex eo quod nullus tunc temporis Dallæus extitit, qui Justinianum certiolem redderet, istorum Canonum syllogen à recentioribus Impostoribus in eam quam habemus formam constatam esse, non sequitur adeo verisimilem esse, ut existimavit*

vir doctus. Observ. pag. 58. Tota hæc Observatoris disputatio supponit & pro concessio sumit, æque facile fuisse Imperatori dignoscere, utrum hi Canones ad Apostolicam institutionem referendi sint, ac discernere annon Patris sui ætate conficti fuissent. Si prius enim difficilior esset intellectu quam posterius, nemo mirari potest, si in illo potius quam in hoc hallucinatus fuerit Imperator. Quod primo autem ad posterius spectat, si nuperrimè & post recentem hominum tum viventium memoriam hi Canones confarcinati fuissent, hoc Imperatorem latere non potuit, utpote qui multos secum haberet, qui primam eorum editionem suâ adhuc memoriâ retinerent, quique propterea illum facillimè monere poterant, hos Canones usque adeo ab Apostolis non sancitos fuisse, ut nec inter antiquas Ecclesiæ sanctiones recenseretur mereantur. Verum non adeo facile fuit ut quispiam Imperatorem tunc temporis certior faceret, eos ab ipsis Apostolis non constitutos fuisse, quippe quos à majoribus suis sub Apostolorum nomine sibi traditos acceperant. Hoc enim nomen non istis primo temporibus sed aliquot retro seculis hisce Canonibus inscriptum fuerat, idque non admodum immerito: quandoquidem istis sanciti sunt diebus quibus omnes Ecclesiasticæ sanctiones Apostolicis traditionibus fundatæ sunt. Enimvero secundo saltem seculo singulæ provinciæ Apostolorum illorum, quorum ministerio Ecclesia ibi constituta est, quasdam sibi traditiones vindicabant, ex quibus Ecclesiasticam suam disciplinam formare consuevit. Quo factum est, ut leges five Canones Ecclesiastici tunc temporis sanciti, ipsis Domini Apostolis adscripti fuerint. Quapropter non mirum est, si Canones istis diebus divulgati, & ab eo usque tempore S. Apostolorum nomen præ se ferentes, Justiniano Imperante, ipsis Apostolis accepti referrentur. Miror potius ut Observator hoc argumentum ad suam adstruendam opinionem torquere conetur, quod eam funditus evertit. Cum enim Justinianus hos Canones ab ipsis Apostolis conditos, & Ecclesiæ relictos affirmet, nemoque eum erroris propterea admoneret, hinc constat, doctissimos quosque istius seculi Patres eandem atque nos hodie de his Canonibus sententiam eo tenuisse, quod istos antiquos admodum & Apostolicis temporibus editos arbitrati essent. A Dallæana autem opinione, quæ, ipso fatente Observatore, Canones hosce quinquaginta tantummodo ante Justinianum annis confictos statuit, illi quam longissimè abhorruerunt: cum eos non eodem nec præcedente seculo, non ab hæretico, non ab impostore quovis confarcinatos, sed ab ipsis Apostolis traditos, atque à Patribus majoribusque suis observatos fuisse asseruerint. Nihil enim dubii esse potest quin Imperator communem Ecclesiæ & doctissimorum istius seculi virorum sententiam nobis transmiserit. Atque ideo licet ex eo quod Imperator hos Canones Apostolis adscriperet, nemoque de hac re eum admonuerit, non sequatur, ab ipsis eos Apostolis reapse sancitos esse, clarissime tamen exinde sequitur, eos antiquos adeo tunc temporis habitos esse, ut non constaret, annon ab ipsis Apostolorum diebus traditi & in Ecclesiâ perpetuo observati fuissent. Quod quidem Dallæi ac Observatoris de horum Canonum antiquitate opinionem destruit, nostram autem sententiam egregie confirmat.

C A P U T X V.

Synopsis.

- | | |
|--|--|
| <p>I. Joh. Antiocheni testimonium ab Observatoris exceptionibus defenditur. <i>Canones Apost. Nomocanoni ante eum inserti fuerunt.</i></p> <p>II. <i>Nomocanon quid proprie vulgoque significet. Joh. Antiochenus Nomocanonem componere non potuit, nec quosvis ei Canones inferere. Neque hoc in se suscepit.</i></p> | <p>III. <i>Etsi Justinianus & Joh. Antiochenus hos Canones ipsis Apostolis adscripserint, nostra tamen ex eorum testimonio sententia clare satis evincitur. Dalleana autem penitus evertitur</i></p> <p>IV. <i>Inter Gelasii P. R. nostramque de Canonibus Apost. sententiam nulla est contrarietas.</i></p> |
|--|--|

I. **I**STIS everfis exceptionibus, quas contra Justiniani Imp. pro Canonum Apostolicorum antiquitate testimonium machinatus est Observator, reliquum est, ut eas etiam expendamus, quibus clarissimi ejusdem ætatis scriptoris, Joh. Scholastici sive Antiocheni eâ de re testimonium elevare molitus est. Nimirum Joh. Scholasticus, qui à Justiniano ad thronum CP. promotus est, omnes qui tunc temporis in Ecclesiâ Orientali obtinebant Canones, in quinquaginta titulos sive rerum capita distribuit, atque inter alios Synodorum Canones etiam Apostolicos recensuit, aliisque ita interferuit, ut nihil dubii esse possit, quin illi in Nomocanonem sive in Codicem Canonum Ecclesiæ Orientalis antea collecti fuissent. His autem se opponit Observator dicitque, *Si ostenderet vir doctus extitisse ante Johannem Antiochenum Nomocanonem cui inserti erant Apostolici Canones, concederemus à Johanne Antiocheno aliorum exemplo suo insertos esse. At quia nihil ejusmodi demonstrare potest, perperam assertit Johannem Antiochenum Apostolorum Canones suo Nomocanoni inseruisse, eo nomine quod pars Nomocanonis prius constituti essent. Certe satius erit dicere, Johannem Antiochenum suâ sponte, nulloque provocatum exemplo hoc fecisse, post suam Canonum collectionem ante Nomocanonem elaboratam, & in quâ primi occurrunt Apostolici, saltem dum exhibetur Canonum ordo seu dispositio, necnon in totius operis præfatione.* Observ. pag. 58, 59. Hactenus Observator, cujus confidentiam satis mirari nequeo, diserte affirmantis, me non posse demonstrare ullum extitisse Nomocanonem seu Canonum collectionem ante Joh. Antiochenum, cui Apostolici inserti erant. Quî enim quæso ille prævidere potuit quid ipse demonstrare possim? Sane quantacunque vel Observandi vel prævidendi peritiâ imbutus sit, hic se in gravissimum errorem præsumptæ suæ opinionis causâ præcipitem dedit. Quod iste enim asseveravit me non posse demonstrare, id ipsum ante

tea clarissime demonstravi : ubi scilicet insigne hoc Johannis Antiocheni testimonium in medium protuli , & explicavi. Ibi enim demonstratum dedi Canones Apostolicos ante Joh. Antiochenum Nomocanoni insertos & inter alios Synodorum Canones collectos fuisse , non tantum ex eo quod absurdum fuisset istos inter alios Ecclesiæ Canones in L. titulos distribuere , si nondum in Nomocanonem inserti fuissent , verum ex eo præsertim quod ipse Joh. Antiochenus in suâ ad Canonum Collectionem præfatione , conceptis verbis asseruerit , aliam suâ antiquiorem fuisse collectionem Canonum , in quâ omnes à se recensiti Canones in LX. titulos distributi fuerant , præter eos quos S. Basilii edidit , ut quos solos ille in antiquiori illâ collectione prætermittit observat. Unde Apostolicos Canones ante Joh. Antiochenum partem Nomocanonis constituuisse , certissimum conficitur.

II. Sed certe , inquit vir doctus , *satis erit dicere Johannem Antiochenum , suâ sponte , nulloque provocatum exemplo hoc fecisse , post suam Canonum collectionem ante Nomocanonem elaboratam , & in quâ primi occurrunt Apostolici.* Hic autem in verbo *Nomocanonis* ludere videtur Observator , eo perinde utens , ac si talem perpetuo designaret Nomocanonem qualem Joh. Antiochenus post suam Canonum collectionem elaboravit , quo scilicet leges civiles Ecclesiasticis Canonibus respondententes , unâ cum iis exhibentur. Atqui doctissimum virum fugere non potuit , verbum *Nomocanonis* communi isto ac vulgari sensu hic accipiendum esse , quo olim æque ac hodie passim usitatum est , pro corpore five Codice Canonum in Ecclesiâ obtinentium. Cum itaque dicimus , Canones Apostolicos ante Joh. Antiochenum Nomocanoni insertos fuisse , nihil aliud volumus , nisi istos Canones in corpus Canonum Ecclesiæ Orientalis receptos fuisse , priusquam Joh. Antiochenus eos unâ cum aliis in L. titulos distribuit. Atque idcirco non quæritur utrum Joh. Antiochenus hos Canones sponte suâ an aliorum provocatus exemplo in suum Nomocanonem inseruit , sed an partem Codicis Canonum constituerint , antequam à Joh. Antiocheno inter alios collecti sunt. Ipse autem Observator hic fatetur , quod certissimum est , in Joh. Antiocheni collectione Canones primos occurrere Apostolicos ; saltem dum Canonum ordo seu dispositio exhibetur. Quæstio igitur , si cuivis quæstio videatur , huc redit , An Joh. Antiochenus ubi numerum ordinemque Canonum tunc temporis obtinentium recenset , ipse primus suâ sponte , nulloque aliorum provocatus exemplo , Apostolicos aliis Synodorum Canonibus non modo interseruit , sed & omnibus anteposuit ? five quod idem est , utrum Johannes Antiochenus Codicem Canonum Ecclesiæ Orientalis ut à se descriptum primus composuit ? Jure autem dubitavi , an hæc quæstio cuipiam videatur , cum extra omnem sit controversiam , Johannem Antiochenum Scholasticum adhuc five in foro Ecclesiastico advocatum , Codicem Canonum , ex quo causas ageret , componere nec voluisse si potuit , nec potuisse si voluit. Hoc enim non in judicis , nedum in advocati , sed in Synodi solius potestate situm erat. Quocirca Joh. Antiochenus hoc neutiquam sibi arrogavit , sed in se tantum suscepit , Codicem Canonum ante compositum , & vulgo jam receptum , in

certos

certos quosdam titulos ita distribuere, ut Canones de eadem vel simili re editi, sub eodem unâ titulo invenirentur. Quin nec hoc etiam ille primus suscepit, sed aliorum exemplo provocatus, ut ex ejus præfatione ante observatum est. Unde liquet eundem Codicem Canonibus Apostolicis præmutum ante Joh. Antiochenum in Ecclesiâ Orientali obtinuisse, ac proinde Canones Apostolicos longe prius receptos fuisse, quam ille iis inter alios distribuendis operam dedit.

III. Posthæc doctissimus Observator à Johanne Antiocheno, cujus testimonium nullo unquam modo vel evitari potest, vel elevari, ad Justinianum Imp. se iterum convertit, dicitque nihil causæ esse cur Justiniani Imperatoris dignitatem atque doctissimorum virorum quos ille ad Ecclesiasticas pariter atque civiles colligendas leges undique convocaverat, urgeamus eruditionem, perinde ac Johannis Constantinopolitani Episcopi, reliquorumque Græcarum Ecclesiarum Antistitum, ut inde concludamus Canones Apostolicos, quos ab omnibus observari præcipiunt, adeo vetustos esse, ut si non ab ipsis Apostolis, à viris saltem Apostolicis secundo tertiove post Christum incarnatum seculo constituti sint. *Plus enim, inquit, ei largimur quam postulat. Fate-mur siquidem Justinianum & viros illos doctissimos, quorum meminit, existimasse Canones, de quibus lis est, ab ipsis Apostolis verè conditos esse, ac proinde antiquissimos, utpote primis Christianismi sæculis constitutos, & nisi hoc iis persuasum fuisset, eos dubio procul tanquam fictos & spurios rejecissent. Beveregius autem diserte negat, ab Apostolis fuisse sancitos. Nihil ergo in gratiam hypothese sue exculpere potest, vel à Justiniano, vel à Johanne Antiocheno, vel à cæteris quos designat, viris doctissimis. Antiquitas enim quam Canonibus adscribunt Apostolicis, ab eâ plane diversa est, quam illis tribuit vir doctus.* Observat. pag. 59, 60. Primo autem ubi dicit se plus nobis largiri quam postulamus, dicere, ni fallor, voluit, quam postulare opus habemus: neque enim opus est id postulemus quod omnibus notum est, ipseque Observator diffiteri nequit, Justinianum scilicet & doctissimos istius ætatis viros hos Canones antiquissimos existimasse, ut ab ipsis Apostolis traditos. Sed hæc, inquit, sententia à nostra discrepat, qui Canones hosce non ab ipsis Apostolis, non primo Christianismi seculo, sed à viris Apostolicis secundo tertiove post Christum incarnatum seculo sancitos arbitramur. Esto. Quid ergo? Ergo, inquit, nihil hinc in nostræ hypothese gratiam exculpere possumus. Itane vero? Annon clarissimè hinc conficitur Canones Apostolicos longe antiquiores esse quam Dallæus voluit & post eum Observator? Et hocine nihil ad nostram hypothese confert? Quænam obsecro quæstio à nobis agitur? Nonne de antiquitate Canonum Apostolicorum instituitur? Quid itaque si illis aliter atque nobis visum est de Canonum horum institutione? Hoc non est quod quærimus. Atque ideo nihil refert, utrum illi ab ipsis Apostolis, an nobiscum à viris Apostolicis conditos fuisse hosce Canones existimarunt. Nobis causæque nostræ sufficit, quod sexto ineunte seculo, Antistites & doctissimi quique viri eos, fatente ipso Observatore, antiquissimos habuerant, & longe ante tempus à Dallæo denotatum constitutos.

Quod autem illis antiquiores visi sunt quam nobis, hoc nostram de eorum antiquitate opinionem usque adeo non destruit, ut multo magis confirmet. Si tantorum enim virorum autoritate victus Observator, hos Canones adeo antiquos esse concedat, ut illi autumarunt, Dallæi de iis sententiæ valedicat, nostramque veritati longe propiorem esse fateatur necesse est. Et præterea si adeo antiqui fuerint, ut illis persuasum est, haud minoris sane antiquitatis esse possunt, quam nos statuimus. Sed instat vir doctus, dicitque, *Hæc dua opiniones, ut quisvis videt, sibi invicem adversantur, nec amicè conciliari queunt. Nam si obtinet Justiniani de Canonum antiquitate sententia, ruit Beveregiana. At si stat Beveregiana, pessum ibit Justinianeæ. Quomodo quæso unà consistere possunt dua opiniones, quarum altera Canones ab ipsis Apostolis sancitos affirmat, altera vero tertio ineunte seculo longe post mortem Apostolorum constitutos esse contendit?* pag. 60, 61. Verum & hic in aliam omnino controversiam incautus transfiliit Observator. Nos enim contra Dallæum contendimus Canones Apostolicos ante quintum aduultum seculum divulgatos fuisse: idque ex eo probamus, quod sexto ineunte seculo Justinianus eos adeo antiquos esse crediderit, ut ipsis Apostolis attribuendos esse censeret. Respondet Observator hanc Justiniani opinionem nostræ adeo advertari ut unà consistere non possint. Quoniam scilicet ille eos ab ipsis Apostolis, nos autem post illorum mortem constitutos esse asserimus. Quid hoc autem ad præsentem questionem? Nos Justiniani sententiam non defendimus, sed ex eâ Dallæanam tantummodo oppugnamus: ac proinde verane illa sit, an falsa, nos nihil hic laboramus, cum utcumque se habeat, Dallæi de his Canonibus opinionem funditus evertat. Eriam si enim erraverit fortasse Imperator, in Canonibus hæc Apostolicæ institutioni assignandis, ex eo tamen clare satis evincitur, eos multis ante ejus ætatem annis conditos fuisse, usque adeo ut istis etiam diebus incertum esset, annon ipsi eos Apostoli condidissent. Quod si vera sit Justiniani opinio, Dallæana falsissima sit necesse est. Nec refert omnino, utrum sententia Justinianeæ nostræ ad amussim quadret, an aliquantulum ab eâ discrepet, cum utraque ad Dallæanam evertendam amicè conspirent, à quâ etiam Imperatoria illa longiùs quam nostra recedit.

IV. Verumenimvero ut ut futilis ac impertinens sit hujusmodi ratiocinandi, vel excipiendi ratio, erudito Observatori quam plurimum arrisissè videtur: utpote qui paulo etiam ante simili usus est. Nimirum supposito quod Dallæus postulavit, Gelasium Episcopum Romanum Canones Apostolorum inter Apocrypha deputasse, ex eo nos constare diximus, Canones istos Gelasii ætate, hoc est, quinto labente seculo antiquos admodum existimatos esse, & longe antea conditos, quandoquidem incredibile est ut post quadringentos & amplius ab Apostolis annos, ipsum eorum nomen libro aliqui inscriberetur, qui non multis saltem ante illud tempus annis conscriptus fuerat. Paulo autem ante, in Annotationibus, dixi quoque nemini dubium esse posse, quin si Apostolorum nomen hisce Canonibus nunquam inscriptum fuisset, sed Ecclesiastici ubique Canones appellati essent, nec Gelasius eos inter libros Apocryphos recensuisset, nec Dallæus eorum antiquitatem tot unquam

inquam verbis oppugnasset. Quid ad hæc Observator? *Hæc*, inquit, adeo *ἀσυστά* videntur, ut difficile conciliari queant. Vix enim concipi potest, unum eundemque libri cuiusdam titulum, ad illius honorem simul & ignominiam praefixum fuisse. Tamen dum ex Apostolorum nomine Canonibus inscripto eorum infers antiquitatem, ad honorem inscriptum profiteris. At dum in eodem quo prenotati sunt nomine damnationis eorum materiam quæris, & argumentum ad ignominiam impositum non diffiteris. Quæ duo meo quidem iudicio unâ consistere non possunt. Observat. pag. 54. 55. Recte dixit, suo quidem iudicio hæc *ἀσυστά* videri & conciliatu difficilia. Alium enim ita iudicantem vix inveniet. Quid enim obstat quo minus unus idemque huius vel alius cuiuspiam libri titulus materiam præbeat, ex quâ pro varia hominum indole ac ingenio, antiquitas ejusdem ab aliis eliciatur, ab aliis autem totus propterea liber oppugnetur, licet illud in honorem sit, & hoc in ignominiam. Quænam quæso hic est *ἀσυστία*. Ex eo quod quinto labente seculo hi Canones Apostolorum à Gelasio dicti fuerunt, nos illos antiquos admodum fuisse conclusimus, siquidem nihil à ratione magis abhorreere videtur, quam quod S. Apostolorum nomen istis demum diebus libro cuilibet inscriberetur, qui non multis retro annis conscriptus cognitusque fuerat. Neque ullum in totâ illius seculi historiâ extat ullius libri exemplum, qui tunc demum primo confictus sub ementito sanctorum Apostolorum nomine publicatus est. Hoc secundo fateor sæpe, nonnunquam & tertio fiebat seculo, ut & quinto autem eoque labente fieret, nec rationem habet nec exemplum. E contra autem Gelasius Synodusque Romana sub eo habita, Canonicos ac Apocryphos, veros ac falsos S. Apostolorum aliorumque scriptorum Ecclesiasticorum libros secernere omni ope atque opere enitens, & S. Apostolorum nomen huic inscriptum libro inveniens, eum propterea inter Apocryphos rejecit, ut magnum illud nomen falsò præ se ferentem, quod Ecclesia universa nulli unquam libro imposuit, præterquam iis quos in SS. Scripturæ Canonem recepit. Et post mille & quod superest à Gelasio annos, clarissimus vir, Johannes Dallæus in pseudepigrapha Apostolica stylum exercens, hos etiam Canones eo nomine confodit, quod S. Apostolorum dicerentur. Alioquin enim inter pseudepigrapha Apostolica recenseretur non potuerunt. Adeo ut cuivis pateat, tam Dallæum quam Gelasium ex hoc solo eorum titulo Canones hosce configendi occasionem arripuisse, ex quo nos eorundem antiquitatem constare asserimus. Quid autem in hisce est inconsistentiæ? Quid vetat quin alii diverso respectu ignominiam in hos Canones conjiciendi materiam ex eodem nomine acciperent, ex quo nos honorem propter antiquitatem iis debitum esse contendimus? Sed nihil est quod his diutius immoremur. Cum ipse Observator hæc plane *ἀσυστά* esse non dixerit, sed tantum adeo *ἀσυστά* videri, ut difficile conciliari queant. Quod si ullo modo conciliari queant etiam si difficillimè, possibile sane est ut unâ consistent. Quod tamen suo quidem iudicio fieri non posse, diserte postea affirmat sui oblitus Observator. Verum si hanc causam non suo, ut præconcepit opinione corrupto, sed aliorum iudicio commiserit, citò definietur, hæc adeo non esse *ἀσυστά*,

ἀόριστα, ut nullâ prorsus conciliatione indigeant, ipsumque Observatorem inconsideratè nimis hæc protulisse, quæ nihil plane ad præsentem quæstionem faciunt. Si alii enim titulum quem nonnunquam præferunt, ut probrum hisce Canonibus objiciant, hoc ad nos nequicquam spectat: ipsi vident. Nobis abunde sat est, quod quinto labente seculo hi Canones Apostolorum dici non poterant, nisi multis ante annis constituti fuissent.

C A P U T XVI.

Synopsis.

- | | |
|---|--|
| <p>I. <i>Quare Canones Apost. Codici Canonum Ecclesiæ universæ non sunt inserti.</i></p> <p>II. <i>Eum qui Codicem istum composuit eos tantum Canones quos Synodus Nicæna edidit vel recepit, quique postea sanciti sunt colligere in animo habuisse probatur.</i></p> <p>III. <i>Canones Ancyрани & Neocæsarienses Codici propterea inserti sunt quod à Synodo Nic. recepti. Idem dici nequit de Sardicensibus à secundâ Synodo, ut Patribus Florentinis visum est, receptis. Ipsi secundæ generalis Synodi Canones Codici non sunt inserti ante quartam Chalcedonē habitam. Synodi Florentinæ testimonium in hac causâ vindicatur.</i></p> <p>IV. <i>Esi Canones Ancyрани & Neocæsarienses non fuissent à Synodo Nic. confirmati, Codici tamen inserendi erant, ut iisdem diebus editi.</i></p> | <p>V. <i>Canones Apost. primitiva ante Syn. Nic. Ecclesia disciplinam exhibere asseritur. Collectores Canonum Ecclesiæ universæ nullam Apostolicos memorandi occasionem habuerant.</i></p> <p>VI. <i>Nullum ex antiquis istius Ecclesiæ decretis Codici Ecclesiæ Africane insertum est. D. Cyprianus nihil de transmarinis appellationibus statuit. Non opus erat ut antiquior istius Ecclesiæ Codex novo conjungeretur, vel in eo commemoraretur.</i></p> <p>VII. <i>Ex eo quod Synodi antiquæ Canones Apost. non nominatim memorarunt, non sequitur eos tunc non existisse.</i></p> <p>VIII. <i>Canones Apost. Patribus Nicanis, Antiochenis, &c. incognitos fuisse, neutiquam ex eo sequitur quod ab istis indicato Canonum numero non laudentur. Omnia antiquiorum Conciliorum Acta interciderunt.</i></p> |
|---|--|

I. **V**IDIMUS quantis quamque perspicuis veterum testimoniis nostra de Canonum Apostolicorum antiquitate opinio nititur, eademque omni exceptione majora esse ostendimus. Restat modo ut ea expendamus quæ Dallæus suæ adstruendæ opinioni ex formâ eorum (de materiâ enim proximo libro fusiùs, Deo volente, acturi sumus) protulit, quæque

quæque eruditus Observator contra responsiones nostras in Annotationibus allatas vindicare conatus est. Primo itaque Dallæus de pseudepigr. Apostol. lib. 3. cap. 21. pag. 672. hanc Canonum collectionem non breviarium esse ac Epitomen Ecclesiasticorum ante Synodum Nicænâ decretorum, nec ante istam Synodum constitutos esse contendit, hâc ratione, *Si res, inquit, ita se haberet, omnino hanc Syllogen Codici Canonum Ecclesiæ universalis ejus autores inferuissent, imo primo Codicis loco posuissent, velut à viris Apostolicis exortum, & ipsâ antiquissimi temporis vetustate venerabile monumentum.* Ad hæc in Annotationibus reposui, Autori Codicis Canonum Ecclesiæ universalis propositum esse à Canonibus Nicænis exordium ducere, eosque solos colligere, qui ab istâ Synodo sanciti sunt vel confirmati aut ab aliis post eam constituti. Quo factum est, ut nulli antiquiores Synodo Nicænâ Canones ab eo colligantur præter Ancyranos & Neocæsarienses, quos etiam ab istâ Synodo confirmatos esse Acta Concilii Florentini testantur. Et præterea hic Codex Canonum Ecclesiæ primitivæ longe antea collectus fuerat, & seorsim in Ecclesiâ diu obtinuerat, ac proinde non opus erat ut Canones in eo comprehensi de novo colligerentur, nedum ut antiquus iste Codex novo conjungeretur, qui non eo nomine compositus fuit, ut antiquam sed ut præsentem Ecclesiæ disciplinam exhiberet, eam nimirum quæ à Conciliis nuper celebratis constituta est. Quod etiam in Codice Canonum Ecclesiæ Africanæ observare licet, quo scilicet nec unum è decretis quæ sub D. Cypriano aliisque vetustioribus Africæ Conciliis divulgata fuerant, continetur (etiâsi juxta Dallæi argumentum ea omnia primo in loco propter venerabilem antiquitatem poni debuissent) sed ea tantum quibus Ecclesiastica disciplina iis, quibus collectus est iste Codex, diebus administrabatur. E quibus, ut dixi, patet quam frustra interroget Dallæus quare Apostolici æque ac Antiocheni Canones Codici Canonum Ecclesiæ universæ non inserti sunt? Antiocheni enim ad præsentem Ecclesiæ statum pertinebant, non item Apostolici, qui Ecclesiæ continuis fere persecutionum procellis jactatæ, & Ecclesiasticis quæ iis temporibus emergebant negotiis accommodati sunt.

II. Contra hæc Observator plurima congeffit. *Primo, inquit, unde quæso habet Beveregius auctori Codicis propositum fuisse, eos solos Canones colligere, qui vel à Nicænâ Synodo confirmati sunt vel post eam constituti? Edat vel unum vetustum scriptorem qui hoc testetur, & cujus testimonium omni sit exceptione majus. Cum autem nullum plane proferat, & de suo tantum hoc affirmet, non agrè latuim illum puto, si à nobis eâdem, quâ profertur facilitate contemnatur.* Observ. pag. 37. Ad hanc exceptionem eodem quo concipitur, modo respondeo, interrogando, Quid opus est testibus ubi res ipsa loquitur? Annon ipsa compositio Codicis Canonum Ecclesiæ universæ clare satis indicat, clamatque suum autorem nihil aliud in ipso elaborando sibi proposuisse, quam istos solos Canones colligere qui à Synodo Nicænâ confirmati vel post eam constituti sunt? Revolve quæso istum Codicem, & dic tandem nobis unde incipit? Annon à Canonibus Nicænis? Quid ita si autor antiquiores istâ Synodo & ab eâ non confirmatos Canones colligere in animo habuisset?

fet? Nescisne quamplurimos ante istud Concilium editos fuisse Canones, qui dicto Codici non inferuntur? Quamobrem autem isti etiam inter alios hic non sunt collecti, si auctori antiquiores etiam Canones colligere propositum fuisset? Neminem sane fugit plurimas ante Nicænam habitas fuisse Synodos, plurimosque ab iis constitutos Canones, qui tamen omnes præter Ancyranos & Neocæsarienses paulo ante sancitos, in hoc Codice omittuntur. Quod quidem fieri nec debuit nec potuit, si auctor sibi constituisset, omnes in unum corpus colligere Canones qui ante Concilium Nicænum editi & recepti fuerunt.

III. Quod autem diximus Canones Ancyranos & Neocæsarienses à Synodo Nicænâ confirmatos esse, idque ex Actis Concilii Florentini constare, negat Observator ullam huiusce confirmationis extare mentionem in Synodi Florentinæ sessione septimâ quam citavimus. En inquit Synodi verba, *Ante primam Synodum multa alia celebrata sunt, Antiochia adversus Paulum Samosatenum, Ancyra contra eos qui non suscipiebant accedentes ad fidem, quod prius Christum abnegassent propter tormenta, & Neocæsarea tertia. Quas omnes Synodos recepit Synodus Nicæna. Ex his verbis sic disputat Observator, Synodos illas admisit Concilium Nicænum, ab eo confirmatas esse non dicitur.* Observ. pag. 37. Egregia quidem Observatio! Nimirum ac si quas Synodos Nicæna recepit easdem non confirmavit. Annon autem receptio à tantâ Synodo ampla satis est earum confirmatio? Quo demum pacto prima universalis Synodus alias confirmare poterat, nisi eas ut Catholicas sive Orthodoxas recipiendo? Sed addit vir doctus, *Et si ob id tantum Codici Canonum Ecclesiæ universæ inserti sunt Canones Ancyrani & Neocæsarienses, quia à Synodo Nicænâ recepti sunt, eadem plane ratione inferendi erant Sardicenses à secundâ Synodo Oecumenicâ, si isdem Florentinis Patribus credimus, suscepti. Quamvis hallucinatos esse Florentinos Patres non dubitem. Non enim de Sardicensi Synodo loquuntur Constantinopolitani Patres Can. V. ut opinabantur Florentini, sed de Antiochenâ Anno Domini CCCLXXVIII. habuâ, in quâ lectus est totius Occidentalium, Epistola scilicet Synodica Damasi Papæ ante paucos annos scripta, cui subscripserunt Episcopi Orientales numero CXLVI.* Observat. p. 37, 38. Respondeo primo de errore Patrum Florentinorum in quinto secundæ generalis Synodi interpretando Canone, non est quod hic laboremus, cum de istâ re in Annotationibus ad istum Canonem fusè commentari fuerimus. Hic tantum obiter adnotare liceat, Florentinos Patres hoc in loco ex communi Græcorum sensu locutos esse, qui per aliquot retro secula Canonem istum Constantinopolitanum ita interpretati sunt. Sed quod ad rem nostram spectat, etiam si Canones Ancyrani & Neocæsarienses Codici Canonum Ecclesiæ universæ propterea tantum inserti sint, quod à Synodo Nicænâ recepti fuerunt, non tamen sequitur Sardicenses etiam Canones eidem inferendos esse, eo quod à secundâ generali Synodo, si Patribus Florentinis fides habeatur, suscepti sunt. In Codice enim isto quo Canones Ancyrani & Neocæsarienses primo inter alios collecti sunt, ipsi Canones secundæ generalis Synodi desiderabantur, ut liquet ex Actis Concilii Chalce-

Chalcedonensis, in quibus Codex iste aliquoties relectus est. Enimvero Actione XVI. ejusdem Concilii, Lucentius Vicarius sedis Apostolicæ dixit, *Accedit ad cumulum quod trecentorum decem & octo constitutionibus postpositis, centum quinquaginta, qui in Synodicis Canonibus non habentur, mentionem tantum fecisse noscuntur: quæ dicunt ante octoginta prope annos constituta fuisse.* Act. Concil. Chalced. p. 340. Edit. Col. An. 1618. Quod si ipsi Canones Patrum CL. qui secundam generalem Synodum Constantinopoli celebrarunt, inter Synodicos Canones, sive in Codicem Canonum Ecclesiæ universæ ante Concilium Chalcedonense non collecti sunt, quo demum pacto Canones Sardicenses, ab iis, ut Patribus Florentinis visum est, suscepti, in istum Codicem multo ante factum referri potuerunt, eo quod à secundâ generali Synodo recepti, sive confirmati essent? At longe alia est ratio Canonum Ancyranorum & Neocæsariensium, qui cum primò Codex Canonum Ecclesiæ universæ conditus erat, unâ cum Nicænis in eum colligebantur, propterea quod à Nicænâ Synodo recepti fuerant, sive approbati, ut Patres Florentini testati sunt. *Sed donemus, inquit Observator, Beveregio Canones Ancyranos & Neocæsarienses à Synodo Nicænâ juxta Florentinos Patres fuisse confirmatos, nihil propterea proficiet. Synodus quippe Florentina nimis recens est, ut de re adeo antiquâ sine vetustioris auctoritate testari queat, censit, (centum haud dubie legendum est) & tredecim annos supra mille post confectum Nicænum: præsertim cum nihil ejusmodi occurrat in antiquis Ecclesiæ scriptoribus, nec in ipso Canonum Ecclesiæ universæ Codice.* Hactenus Observator, cui singulares habemus gratias, quod illud nobis donare dignatus est, quod nemini negare potuit. Hoc autem utrinque concessio, nisi se omnibus Florentinis Patribus doctiorem prudentioremque dixerit, Canones Ancyranos & Neocæsarienses à Synodo Nicænâ confirmatos esse fateatur necesse habet. Et præterea si Synodus ista nimis recens sit ut de re adeo antiquâ sine vetustioris auctoritate testari queat, ille quidem ista Synodo multo est recentior, ac proinde multo major Patribus Florentinis quam Anonymo Observatori habenda est fides, etiam si pro certo haberemus eos sine vetustioris cujusvis viri Synodive auctoritate hoc testatos fuisse. Neque enim ille unum vetustiorum è contrario testem proferre potest. Unde vero ei constat Patres Florentinos sine vetustioris auctoritate hoc affirmasse? Sane nisi solidissimam assertionis adeo censoriæ rationem reddiderit, fides penes ipsum erit, ab aliis enim nullam habebit. Nobis profecto omnem excedit fidem, ut tot tantique Patres tale quid de suo ingenio excogitarent, vel ut illud assererent, nisi idoneis veterum testimoniis verissimum esse pro certo habuissent. Nec magni refert, quod scriptis non mandarunt, quibus adducti rationibus aut testimoniis id asseverarunt. Istud enim haud necesse erat, cum nemo tunc temporis id negaret. Nullus autem dubito quin si Observator aliquis adversus restitisset, illi omnes ejus exceptiones competenti veterum auctoritate evertere potuissent. Interim Patrum saltem Florentinorum habemus testimonium, quod quidem privati ac Anonymi Observatoris opinioni non æquivaleret modo, sed & longe præponderat: præsertim cum is, licet enixè

conatus sit, nullam exsculpere potuit rationem quâ contrarium evinceret. Ecce enim qualem simulat, *Imo contrarium*, inquit, *ex ipso Codice colligitur*: *Hic enim titulus Ancyranis præfixus est Canonibus, Concilii Ancyrani Canones XXV. qui quidem priores sunt Nicænis, sed ideo postpositi sunt, propter autoritatem Synodi Oecumenicæ. Si à Synodo Nicænâ confirmati fuissent, lectorem hac de re monitum esse collectorem par est credere: Idem dico de Canonibus Neocæsariensibus, hoc titulo prænotatis, Concilii Neocæsariensis Canones XIV. qui quidem sunt Ancyranis posteriores, Nicænis vero antiquiores, Observ. pag. 38. 39. Mira quidem ratiocinandi subtilitas! Qui Codicem Canonum Ecclesiæ universæ primus condidit, vel quod verisimilius est, aliquis qui istum postea transcripsit, dixit Canones Ancyranos & Neocæsarienses Nicænis priores fuisse, sed iis postpositos propter autoritatem Synodi Oecumenicæ. Ergo si à Nicænâ Synodo confirmati essent, lectorem hâc de re monitum esse collectorem par est credere. Quid ita quæso? annon ipsi tituli clare satis indicant quare præfixi sunt, nimirum ut lectorem certiores facerent quare Canones ante Nicænos conditi, post eos in Codice collocati sunt, propter summam scilicet Synodi istius Oecumenicæ autoritatem? Cum hoc itaque solum in titulis istis præfigendis propositum fuisset collectori, non opus erat ut istos etiam Canones à Synodo Nicænâ confirmatos esse indicaret; neque par est credere eum de hâc re lectorem in titulis monitum esse, quandoquidem hoc clare satis in ipsâ collectione indicatum putavit; eo scilicet quod licet à Canonibus Nicænis inciperet, tamen & hos etiam paulo ante constitutos collegerat, quod nunquam fecisset, nisi eos aliqualem ab istâ Synodo autoritatem accepisse rescisset. Quod quidem nobis ex eo etiam verisimillimum videtur, quod magna pars Patrum qui Ancyranos & Neocæsarienses Canones condiderant, Synodo Nicænæ paucos post annos habitæ interfuerunt, ut è subscriptionum collatione patet. Hos enim, si Observatoris argumentandi modo utamur, par est credere, à Synodo istâ impetrâsse ut Canones quos ipsi in suis Provinciis sanxerant, ab Oecumenico isto Concilio approbarentur, quo majorem in Ecclesiis quique suis, vim atque pondus obtinerent.*

IV. Quid autem si demus Observatori, quod tantopere exoptat, Canones nimirum Ancyranos & Neocæsarienses à Synodo Nicænâ non esse confirmatos? Nihil sane exinde conficiet. Concilia enim Ancyranum & Neocæsariense paucis tantum Annis ante Nicænum & sub eodem auspiciatissimo Ecclesiæ Christianæ Imperatore Constantino M. celebrata sunt. Quapropter autor Codicis propositum habens Canones isto seculo post pacem Ecclesiæ restitutam editos in unum corpus colligere, etiamsi à primâ universali Synodo exordiri apud se statuisset, Ancyranos tamen & Neocæsarienses omittere non potuit, ut iisdem diebus editos. Quod autem ad alios spectat Canones, longo ante tempore constitutos, quales Apostolicos esse contendimus, si eos, vel ullos eorum colligere in animo habuisset, nonnullos procul omni dubio collegisset: neque enim omnes prioribus sanciti seculis eum latere poterant. Cum autem ex ipso Codice pateat, nullos Ancyranis

Cyranis antiquiores ab eo collectos fuisse Canones, nihil dubii superesse potest, quin à Canonibus istis diebus constitutis Codicem suum incipere animo proposuisset : ac propterea non mirum est, quod Apostolicos multo ante sancitos reliquis non inseruit. Hoc enim modo constitutos sibi limites transiisset.

V. Præterea ad istam Dallæi objectionem respondi Codicem Canonum Apostolicorum diu in Ecclesiâ seorsim obtinuisse ac propterea non opus esse ut Canones in eo comprehensi de novo colligerentur, multo minus ut antiquus iste Codex novo conjungeretur, qui non eo nomine compositus fuit ut antiquam sed tantum ut præsentem Ecclesiæ disciplinam exhiberet, eam scilicet quæ à Conciliis nuper celebratis constituta est. Contra hæc autem Observator multa excepit, paucis discutienda. *Primo*, inquit, *pro concesso & pro vero sibi sumit quod nos negamus, nempe antiquissimam esse Canonum Apostolicorum collectionem, quam Codicem Canonum Ecclesiæ primitivæ nuncupare amat, etiamsi tantam illius vetustatem nondum probaverit.* Observ. pag. 39. Respondeo primo me nihil pro concesso aut vero mihi sumpsisse, nisi quod ibi probatum, & hic ab omnibus Observatoris exceptionibus vindicatum dedimus. Et præterea hoc in loco non de antiquitate horum Canonum disputamus, sed de ratione quare Codici Canonum Ecclesiæ universæ non sunt inserti. Quæ cum sit alia plane quæstio, de eâ ex suppositâ eorum antiquitate disputare licet. Dallæus enim hosce Canones non adeo antiquos esse ex eo probare nititur, quod non sunt Codici Canonum Ecclesiæ universæ inserti. Nosque propterea juxta legitimas disputandi regulas ei reposuimus, non necesse esse ut isti Codici infererentur, etiamsi adeo antiqui essent, ut nos contendimus. Imo eò quod adeo antiqui essent, novo isti Codici non inferendi erant. *Secundo*, inquit, *aque falsum est, quod innuit, Canones videlicet Apostolicos ad Ecclesiæ disciplinam Synodo Nicænâ antiquiorem spectare tantum. Plures tamen ex istis Canonibus ad disciplinam quæ longe post Concilium Nicænum in Ecclesiâ obtinebat, pertinere, nemo dubitabit, qui eos accurate legerit.* Pag. 39, 40. Sed quare tot usus est verbis, cum uno hæc omnia complecti potuit, dicendo, *Mentiris?* Si ipse quidem ei ita responderem, ut ille mihi, hoc modo disputarem, *Æque falsum est quodcumque in secundâ hâc exceptione affirmat Observator. Sed vereor ne si ipse ita disputarem, risum lectori moverem, eidemque ludibrio haberer.* Veruntamen ingenue fateor me non videre, quo demum modo huic exceptioni aliter respondeam, quippe quâ nihil aliud objicit, quam id de quo quæritur falsum esse. Quod enim postea addit plures ex illis Canonibus ad disciplinam, quæ longe post Concilium Nicænum obtinebat, pertinere, neminemque de eo dubitare posse qui eos accuratè legerit, ejusdem prorsus farinæ est ac prius. Hoc enim affirmat & affirmanti credendum est. E pluribus enim quos memorat, nec unum producit Canonem Apostolicum, qui tantum ad Ecclesiæ post Nicænum Concilium disciplinam pertinet. Nosque contrarium proximo libro ostensuri sumus. Hac itaque novi generis exceptione Anonymo suo auctori relicta, ad proximam transeamus. *Tertio*, inquit,

nulla igitur afferri potest idonea causa ob quam Codici Canonum Ecclesie universae inserti sunt Canones Ancyрани & Neocæsarienses, Apostolici nequaquam, præter istam, quod scilicet nondum conficti erant Canones Pseudapostolici, & in unum corpus collecti: Primo intuitu patet, hanc exceptionem nihil esse quam consequentiam sive illationem à præcedente. Ibi scilicet pronunciaverat falsum esse, quod nos asserimus, Canones Apostolicos veteris Ecclesie disciplinam exhibere: & ex eo à se pronunciato hic concludit, nullam idoneam afferri posse causam quare Canones Apostolici Codici Canonum Ecclesie universae non sunt inserti, nisi quod nondum conficti erant. Quanam amabo hæc est consequentia? Nos asserimus Canones Apostolicos primitivæ Ecclesie disciplinam ante Concilium Nicænum observatam, continere, hancque idoneam esse causam quare novo Codici non sunt inserti. Observator autem illud negat, & ex nudâ ipsius negatione infert, non modo hanc non esse, sed & nullam omnino esse nec adferri posse idoneam causam, quare hi æque ac alii Canones novo Codici non sunt inserti, nisi quod nondum conficti essent. Si hoc sane modo argumentari liceat, nullus erit disputandi finis, neque etiam fructus. Sed videamus annon primariam exceptionem in ultimum locum reservârit. Denique, inquit, si collectores Canonum Ecclesie universae collectioni suae inserere noluisse, hunc Canonum Ecclesie primitivæ Codicem, ut illum indigitat Beveregius, vel ut loquitur Albaspinaus hoc breviarium ac Epitomen Ecclesiasticorum ante Nicænam Synodum apud Græcos decretorum, alicubi saltem honorificam illius mentionem erant facturi, ne adeo venerandum antiquitatis Ecclesiastica monumentum ab illis contemptum videretur. Quod cum nullibi fecerunt, certo certius est iis prorsus incognitam fuisse hanc Canonum Apostolicorum syllogen. Pag. 40. Quid vero hic audimus? Collectores Canonum Ecclesie universae, Apostolicorum etiam mentionem facturos esse, si eos cognitos habuissent? Ubi quæso Patris ullius, vel Synodi vel Canonis cujuscunque mentionem faciunt, præterquam eorum quos ipsi collegerunt? Nemo oculos in Codicem istum conjiciat, quin statim videbit, primos illius collectores nihil sibi constituisse nisi ut eos solos in unum corpus Canones compingerent, qui quarto currente seculo post discussas persecutionum nebulas ab Orientali Ecclesiâ constituti sunt. Quo factum est, ut primo quidem soli Canones Nicæni, Ancyрани, Neocæsarienses, Gangreni, Antiocheni & Laodiceni ab illis collecti sunt: quibus postea Canones Constantinopolitani à secundo scilicet universali Concilio editi, subjuncti sunt, & deinceps alii ab aliis. Per totam autem collectionem Canones, ordine quisque suo, nudè proponuntur, nec ulla prorsus aliorum quorumcunque Canonum facta est mentio, nec fieri potuit sine manifestâ ac absurdâ à proposito digressionem. Quâ itaque ratione, quo Codicis loco Apostolicorum mentio induci potuit? Ex eo tamen quod hoc non factum est, quod sine ineptâ excursionem nequaquam fieri potuit, rotundè pronunciat Observator, certo certius esse primis Codicis collectoribus prorsus incognitam fuisse Canonum Apostolicorum syllogen. Quod si hæc sit certâ certior ex istis præmissis consequentia, non opus est in posterum de argumentis laboremus, modo

modo conclusionem, qualiscunque fuerit, confidenter satis inferamus.

VI. Denique hanc nostram Canonum Apostolicorum, à Dallæanâ istâ objectione, defensionem illustravimus exemplo Codicis Canonum Ecclesiæ Africanæ, utpote cui nullum è decretis quæ sub Cypriano, & ab antiquioribus Africæ Conciliis edita fuerant, insertum est, sed ea sola quibus Ecclesiastica disciplina, eo quo collectus est iste Codex tempore administrabatur; etiam si juxta hoc Dallæi argumentum, ea omnia & quidem primo in loco ob venerabilem eorum antiquitatem poni debuissent. Ad hæc Observator, Forte, inquit, imo contrarium plane liquet ex Epistolis Cypriani, in quibus cernere est eadem adversus transmarinas appellationes decreta, quæ in Codice leguntur Africano. Observat. pag. 40. Respondeo primo nihil prorsus in D. Cypriani Epistolis de transmarinis appellationibus haberi. Dicit tantum in Epistola LV. quæ est ad Cornelium de Fortunato & Felicissimo, *Nam cum statutum sit omnibus nobis & æquum sit pariter ac justum, ut uniuscujusque causa illic audiat ubi est crimen admissum, & singulis pastoribus porro gregis sit adscripta quam regat unusquisque & gubernet, rationem sui actus Domino redditurus. Oportet utique eos quibus præsumus, non circumcursare, nec Episcoporum concordiam coherentem suâ subdola & fallaci temeritate collidere, sed agere illic causam suam, ubi & accusatores habere & testes sui criminis possint.* Nihil hic, ut videre est, de transmarinis appellationibus, de quibus agitur in Codice Africano Can. XXXI. al. XXVIII. neque omnino de appellationibus loquitur sanctus Pater, quemadmodum & ipse D. Chamierus observat, probatque de Oecumenico Pontifice lib. 13. cap. 9. Ubi itaque nihil de appellationibus, nedum de transmarinis, dicitur, quomodo eadem adversus transmarinas appellationes decreta inveniantur, quæ in Codice leguntur Africano? Quinetiam si hoc, quod falsum est, Observatori demus, nihil ex eo proficiet. Etenim si ex eo quod in Codice Canonum Ecclesiæ Africanæ nonnulla istiusmodi decreta inveniantur, quæ D. Cypriani temporibus statuta fuerant, antiqua ista decreta dicto Codici inserta dicantur; eodem jure nos maximam Canonum Apostolicorum partem Codici Canonum Ecclesiæ universæ insertam fuisse dicamus. Eadem enim quæ in plerisque Canonibus Apostolorum decernuntur, in istius etiam Codicis Canonibus decreta habemus. Quod si ex hoc non sequatur Canones Apostolicos dicto Codici insertos esse, neque etiam antiqua Ecclesiæ Africanæ decreta Codici Africano inserta esse ex eo sequatur, quod similia ibi decreta extant. Sed præterea, inquit, *verisimile est, plura istiusmodi decreta suo Codici inserturos esse Patres Africanos, si in prædecessorum scriptis frequentiora occurrissent, vel si extitisset in Ecclesiis Africanis Codex alius vetustior, eum commemorare ambio procul illos non piguisse.* Nimirum ac si Patres Africani, qui Codicem Canonum Ecclesiæ suæ condiderunt, nulla habuissent majorum suorum scripta aut Comentarioria, è quibus veterem Ecclesiæ suæ disciplinam elicere potuerunt. Ipse tamen Observator diffiteri nequit D. Cypriani opera iis cognita fuisse: Ibi autem plura commemorantur Concilia ejus temporibus & ante celebrata, quæ

quæ Ecclesiastica decreta ediderunt : E quibus tamen omnibus Observator nec unum nominare potuit quod Codici Africano insertum est. Unde etiam habuit Observator, nullum extitisse in Ecclesiis Africanis Codicem Canonum illo vetustiore, quem hodie habemus ? An verisimile ei visum est, istas Ecclesias quatuor fere seculorum spatio sine Canonibus sive decretis Ecclesiasticis administratas fuisse ? vel Canones illos in corpus unum sive Codicem nunquam collectos esse ? Ita quidem ei visum est, idque hâc ratione, quod si talis antiquior extitisset Codex, Patres qui posteriorem composuerunt Codicem, istum commemorare proculdubio non piguisset. Ut nihil autem fidei magis absonum & incredibile esse potest, quam tantam tamque celebrem Ecclesiam, quanta qualisque fuit Africana, nullam habuisse Canonum collectionem juxta quam administrabatur, ante quintum inceptum seculum quo Codex vulgaris conditus fuit : Ita nulla etiam causa fuit, quare posterioris hujus Codicis conditores, prioris istius uspiam mentionem facerent. Utpote quibus istos solos Canones qui sub Aurelio Carthaginensi Episcopo sanciti sunt, memorare ac colligere statutum fuit : ut ex ipsâ collectione patet, cui nulli prorsus Canones inseruntur præter eos qui sub isto Episcopo constituti sunt. Quod quidem nostræ de Canonibus Apostolicis sententiæ multum lucis affert, Dallæanam vero contra eam objectionem penitus refellit. Enimvero Codex Canonum Ecclesiæ universæ iisdem fere diebus compositus fuit, ac Codex Canonum Ecclesiæ Africanæ, qui à Concilio Carthaginensi An. Dom. CCCCXIX. habito, probatus primo & confirmatus fuit. Cùm ergo Codici Canonum Ecclesiæ Africanæ, antiquiores istius Ecclesiæ Canones secundo, tertioque seculo editi, non inserti sunt ; mirum nemini videatur, quod Canones Apostolici à primitivis Synodis sanciti, in Codicem Canonum Ecclesiæ universæ non collecti fuerunt. Eadem enim ratio utrobique valet, nimirum quod primi utriusque Codicis conditores, eos solos qui paucis ante annis conditi fuerant, Canones colligere apud se constituebant, non item eos qui primis Christianismi seculis, cùm diræ adhuc persecutiones grassabantur, editi fuerunt.

VII. Porro Dallæus Canonum Apostolicorum antiquitatem oppugnans ait, *Tum si quis extitisset hujusmodi Codex, cur nunquam eum diserte ac nominatim memorant Ancyrani, Nicæni, Neocæsarienses, Antiocheni alique Patres ?* Ad hæc in Annotationibus respondi, primò Codicem Canonum Ecclesiæ universæ collectum fuisse ante Concilium Ephesinum, sive tertium Oecumenicum, à quo tamen nusquam memoratur : ut autem dictum Codicem tunc temporis non extitisse ex eo non sequatur quod ab isto Concilio non laudetur : Sic etiam Codicem Canonum Ecclesiæ primitivæ ante Nicænam, Ancyranam, & reliquas istis diebus celebratas Synodos non extitisse, nequaquam ex eo sequitur, quod ab istis nominatim non citetur. Et ipse quidem Observator fatetur minime exinde sequi Codicem Canonum Ecclesiæ universæ ante Concilium Ephesinum non extitisse quod ab eo non memoratur, *sed sequetur saltem, inquit, vel adhuc incognitum esse, vel nullam illius memorandi se obtulisse occasionem.* Pag. 41. Codicem vero istum adhuc inco-

incognitum fuisse neutiquam exinde sequitur : Nam multi proculdubio Codices Synodi Ephesinæ tempore cogniti fuerunt, qui nullibi ab eâ memorantur. Restat itaque ut nulla istius memorandi Codicis occasio se obtulerit. Quod quidem & de Codice Canonum Ecclesiæ primitivæ aliarum respectu Synodorum dici potest : quod propterea scilicet diserte ac nominatim ab iis non memoratus fuit, quoniam nulla eum ita memorandi occasio se obtulerit. Nos alia satis multa eodem in loco, vid. Annotat. pag. 6. num. 20. contra istam Dallæi objectionem excepimus, quibus cum Observator nullum responsum dederit, nihil est quod nos in iis vindicandis aut confirmandis immoremur. Præsertim cum idem Dallæi vel ejusmodi saltem argumentum ante à nobis discussum sit.

VIII. Dallæus autem idem argumentum prosecutus est, interrogando, *Cur non interdum aliquem ex istius Codicis Canonibus indicato ac nominato numero sub quo in eo positus erat, citarunt, ac laudarunt? verbi gratiâ, hoc modo decernit Canon Apostolorum primus, vel tricesimus, vel quinquagesimus, &c. Sicuti à Patribus Chalcedonensibus in Codice Ecclesiæ universalis usurpatum est?* Interrogativo huic argumento nos in Annotationibus id genus responsum dedimus, interrogantes itidem primo. Si Codex Canonum Ecclesiæ universæ ante Concilium Ephesinum collectus fuit (quod omnes fatentur) cur nec ab isto Concilio nec ab alio quovis ante Chalcedonense aliqui ex eo Canones indicato ac nominato numero citantur? Huic primo responso Observator nihil reposuit, nisi se diluisse quæ de Concilio Ephesino diximus, pag. 51. ubi autem ea diluit? ubi scilicet verbis paulo ante citatis dixerat, ex eo quod Codex Ecclesiæ universæ à Concilio Nicæno non citatur, *sequi saltem cum adhuc incognitum fuisse, vel nullam illius memorandi occasionem se obtulisse.* Hæccine autem responsio est ad præsentem quæstionem? Nos Dallæanâ argumentandi formulâ utentes, interrogavimus, cur Codex Canonum Ecclesiæ universalis à nullo ante Concilium Chalcedonense sub indicatis Canonum numeris citatus fuit? Huic quæstioni directè respondeat Observator, & Dallæanæ simul respondebit. Quæcunque enim assignari potest causa, quare nullum ante Chalcedonense Concilium Codicem Canonum Ecclesiæ universæ ita citavit, eadem & hic valebit, atque in Dallæum retorqueri poterit, interrogantem cur nullus ex Apostolicis Canonibus ab antiquis Synodis sub indicato ac nominato numero laudatus fuit? Præterea interrogavimus, Quid si Patres Chalcedonenses dictum Codicem nusquam ita laudassent? Hocce argumento esset, eum tunc temporis non extitisse? Quid etiam si Acta Concilii Chalcedonensis periissent? Istum quoque Codicem unâ periisse necesse est? Sane nec Concilium Chalcedonense supradictum Codicem Canonum Ecclesiæ universæ in Canonibus sed tantum in Actis ita laudavit. Nihil autem è Conciliis Ancyrano, Neocæsariensi, Antiocheno, &c. hodie fere extat præter Canones, in quibus Canones Ecclesiæ primitivæ sub indicato cujusque numero æque citantur, ac Ecclesiæ universæ in Chalcedonensibus. Ad hæc respondet Observator dicens, *Hæc ambigüe dicuntur, quandoquidem ex concessione Codex Canonum Ecclesiæ universæ ante Concilium*

cilium Chalcedonense compositus est, ex Concilii silentio non sequeretur quidem tunc temporis non extitisse Codicem illum, at saltem sequeretur vel Patribus incognitum fuisse, vel nullam illis datam fuisse eum memorandi occasionem. Canonum autem Apostolicorum syllogem quod spectat, à Nicanis, Ancyranis, Neocæsariensibus, Gangrensisibus, Antiochenis, Laodiceis, Constantinopolitanis, Ephesinis, Chalcedonensibus nunquam diserte ac nominatim memorantur, etiamsi pluries eam memorandi occurrerit occasio. Unde sequitur necessario vel non constatam esse, vel saltem in latebris delituisse, adeo ut penitus incognita fuerit. Observ. pag. 42, 43. Hic sibi ipse respondet Observator, Fatetur enim ex Concilii Chalcedonensis de Codice Canonum Ecclesiæ universæ silentio, non sequi istum Codicem tunc temporis non extitisse. Eadem itaque ratione Codicem Canonum Ecclesiæ primitivæ antea non extitisse ex eo nequaquam sequitur, quod in antiquioribus Conciliis altum sit de eo silentium. Quod autem ait Codicem Ecclesiæ universæ ex concessione ante Concilium Chalcedonense compositum esse, id quidem verum est, & utrinque conceditur. Sed quare utrinque conceditur? Annon ex eo quod Codex iste à dicto Concilio memoratur? Si itaque Concilium Chalcedonense Codicem illum ita nominatim non memorasset, Dallæus idem prorsus argumentum contra istum habuisset, quod nunc contra Canonum Apostolicorum Codicem profert. Eadem enim ratio utrobique valeret. Sed addit Observator, quod ex Concilii Chalcedonensis silentio sequeretur saltem istum Codicem Patribus incognitum esse, vel nullam iis datam fuisse eum memorandi occasionem. Prius nequaquam exinde sequitur, plures enim iis cogniti fuerunt libri, qui nusquam à Patribus istis memorantur. Nec posterius, si omnes enim quorum memorandi ulla illis data est occasio, ab iis memorati fuissent libri, multo plures haud dubie citassent, quam ab illis citatos fuisse constar. Et præterea si ex isto Concilii silentio sequeretur nullam Codicem istum memorandi occasionem oblatam esse, idem etiam ex aliorum Conciliorum de Canonibus Apostolicis silentio sequetur. Adeo ut necessario confiteri debeat hoc Dallæi argumentum contra Canonum Ecclesiæ universæ æque ac primitivæ Codicem valuisset, si vel Concilium Chalcedonense eum non memorasset, vel Acta quibus memoratur periissent. Sed Canones, inquit, Apostolici à Nicanis, Ancyranis, Neocæsariensibus, Gangrensisibus, Antiochenis, Laodiceis, Constantinopolitanis, Ephesinis, & Chalcedonensibus nusquam diserte ac nominatim memorantur, etiamsi pluries eos memorandi occurrerit occasio. Hoc autem affirmanti nulla debetur fides, priusquam ostendit, ubi hisce Conciliis Canones Apostolicos isthoc quem requirit Dallæus modo memorandi oblata est occasio, in Actis an in Canonibus quos ediderunt? Si de Actis loquatur, ubi sunt? Nemo nescit omnium horum Conciliorum quæ enumerat, usque ad Ephesinum, Acta jamdudum periisse. Et in Actis quidem Concilii Ephesini nulla Canonum Ecclesiæ universæ nedum primitivæ isthoc modo memorandi oblata est occasio. In Canonibus autem non insolens modo & infuetum sed & absurdum & perridiculum esset, si antiquiores Canones sub indicato & nominato, quem in antiquo Codice obtinebant, numero

numero recitarentur. Quod si de nudâ eorum citatione intelligi voluit, scrupuloso Dallæi argumento non adhæret, quippe quo exigitur ut ipse etiam locus quo Canon quisque citatus ponitur, nominatim indicaretur, hoc est, ut hi Canones aliter atque omnes omnino alii ante Concilium Chalcedonense citarentur, ut fufius ante ostendimus. Et præterea si de nudâ loquatur citatione, isthoc modo Codex Canonum Ecclesiæ primitivæ, in Nicænâ, Antiochenis aliisque Canonibus æque disertè citantur, atque Ecclesiæ universæ in Chalcedonensibus, ut è testimoniis illis quæ ante adduximus, & ab Observatoris pariter atque Dallæi objectionibus vindicavimus, omnibus apertum est. Adhæc in Annotationibus diximus, Quod si Acta dictorum Conciliorum non minus quam Chalcedonensis etiamnum extarent, in iis forsitan antiquissimum hunc Codicem indicato ac nominato Canonum numero laudatum inveniremus, non secus ac Canones Ecclesiæ universæ in Actis Chalcedonensibus. Contra hæc Observator sic disputat, *Profecto si sic argumentari liceat, nihil certi remanebit in antiquitatis Ecclesiastica monumentis. Omnia siquidem voce forsitan incerta reddes, nec ubi consistas habebis. Scilicet disertius se victum fateri non poterat Beveregius, quam ita argumentando, p.44.* Nihil fateor certi ex huiusmodi argumento elici potest, cujus etiam fundamentum est incertum, ut quod supponitur tantum non datur. Neque ipse tanquam argumento usus sum. Dallæi enim objectioni satis superque ante responderam. Hæc autem eo tantum nomine adjeci, ut aliis huiusmodi incertis adversariorum exceptionibus occurrerem. Cum nihil enim apertius esse possit, quam Canones Ecclesiæ universæ non in Canonibus sed tantum in Actis Concilii Chalcedonensis eo, quem requirit Dallæus, modo, indicato scilicet ac nominato eorum numero, laudari, nihil valeat Dallæi contra Canones Apostolicos argumentum ex eo petitum, nisi eos nec in superiorum Conciliorum Actis isthoc modo memoratos esse ostendat. Quod si ista, ut dixi, extarent Acta, incertum est annon nostræ potius quam ejus opinioni faverent. In iis enim antiquos hosce Canones isthoc etiam modo laudatos, non secus ac Canones Ecclesiæ universæ in Actis Chalcedonensibus, forsitan inveniremus. Et merito quidem dubitandi particulam *forsitan* hic inseruimus ut incerti pendentes, utrum hi Canones eo uspiam modo ab antiquis Patribus citati fuerint: quandoquidem nullos omnino Canones ita ab iis citatos ante Concilium Chalcedonense invenimus. Adeo ut iniquissime cum Canonibus Apostolicis agant isti qui veram iis antiquitatem eo denegant, quod illos nullibi antiquitus indicato ac nominato eorum numero, adeoque secus atque omnes alios Canones librosque laudatos legimus. Quâ autem ratione triumphum hic ageret Observator, meque meo ipsius ore victum affirmaret, non video: licet enim tota hæc pericope omissa fuisset, firma nihilominus stabilisque maneret nostra ad Dallæanam objectionem responsio. Et quidem si qui conjecturis & incertis subinde hypothefibus utuntur, victi propterea dicantur, Dallæus & Observator, velint, nolint, se victos fateri necesse habent: quippe quorum omnia huiusmodi sunt argumenta, quæ nihil certi probant sed innuunt tantummodo rem ita forsitan se habere posse, ut ipsi

opinantur. Omnium enim quibus contra Canonum Apostolicorum antiquitatem pugnant argumentorum summa huc fere redit, quod hi Canones in nullis quæ extant veterum monumentis ante quintum aduultum seculum eo quo Canones Ecclesiæ universæ in Actis Concilii Chalcedonenfis modo citantur. Quid autem certi exinde concludi potest? Quid magis quam ergo forsitan nec in iis quæ interciderunt, ita citati sunt? vel ergo forsitan Patribus incogniti fuerunt, ut qui eos ita forsitan citare voluerant, si eos cognovissent? Adeo ut tota eorum disputatio negativis solis fundata argumentis, nihil aliud sit, quam incertitudinum quarundam & dubiarum hypothesium congeries. At nos è contra probavimus nequaquam necessarium esse, ut hi Canones isthoc modo citarentur, eosque longe ante quintum aduultum seculum extitisse, ex affirmativis, quorum unum omnibus negativis præponderat argumentis, certissime, nec semel Observatoris occurrendo exceptionibus, evicimus.

C A P U T X V I I.

Synopsis.

- | | |
|---|---|
| <p>I. <i>Ex eo quod Eusebius & Hieronymus horum Canonum non meminerunt, nihil contra eorum antiquitatem concludi posse exinde evincitur, quod nec alios antiquos Canones memorarunt.</i></p> <p>II. <i>Canones Apostolici post Synodum Nic. in desuetudinem abiire cæperunt, aliis eorum loco substitutis. Ita tamen ut illorum memoria non penitus interciderit.</i></p> <p>III. <i>Hi Canones antiquitus Ecclesiastici sæpius vocati sunt.</i></p> | <p>IV. <i>Primi eorum conditores in animo non habuerunt, ut hi Canones ab ipsis Apostolis sanciti crederentur. Canones XXIX. L. LXXXII. & LXXXV. quibus Apostolorum nomen subindicatur, corruptos ac interpolatos esse ostenditur.</i></p> <p>V. <i>Quatuor illegitimis quas Observator è præmissis suis infert, sequentiis, breviter respondetur.</i></p> <p>VI. <i>Libri primi epilogus.</i></p> |
|---|---|

I. **P**OSTHÆC Observator nostras contra Gelasii decretum à Dallæo adductum exceptiones, à se adversus doctissimum Pearsonium disputante everfas esse asseverat. Quæ vero contra eas ibi protulit, nos etiam quantum ad rem nostram spectat, ante excussimus. Quibus propterea hic prætermisiss, videamus quibus rationibus Observator Dallæanam contra nostras exceptiones opinionem tuetur. Dallæus nimirum Canonum Apostolicorum collectionem neque ante quintum aduultum seculum innotuisse, & quinto exeunte jam extitisse, publicæque cæptam esse affirmat. Prius, ut dicit,

dicat, demonstratur ex universali omnium qui ante A. D. CCCCLI. vixerunt de eâ silentio. *Neque enim credibile est, inquit, nullam ejus mentionem si extitisset, facturos fuisse Eusebium, Hieronymum, & alios illorum temporum eruditissimos scriptores, qui etiam ea quæ Apocrypha judicabant, præcipuè quæ Apostolis afficta erant, diligenter persequi & refellere solent.* De Pseudepigr. lib. 3. cap. 21. pag. 686. Ad hæc respondi primò, falsum esse quod hic pro concessio sibi assumit Dallæus, omnes nimirum qui ante An. Dom. CCCCLI. vixerunt, de hac collectione siluisse, multo magis eum hoc abunde demonstrasse, ut ex iis apparet quæ superius disputavimus. Observator è contra nihil aliud reponit, quam se argumenta nostra excussisse & refellisse. Cum omnes autem ejus excussiones à nobis antea excussæ sint, non opus est hic denuo discutiantur. Nos porro isti nostræ responsioni addidimus, quod si illud verum esset, minime probaret, nedum demonstraret, hos Canones ante An. Dom. CCCCLI. non extitisse: neque enim Eusebius, nec Hieronymus, nec alii quos scimus ejusdem cum utrovis ætatis scriptores Canones Ancyranos aut Neocæsarienses commemorarunt, quos tamen ante dictum annum constitutos esse ac divulgatos inter omnes convenit. Ad hæc Observator, *Si res, inquit, ut par est perpendisset Beveregius, non ita argumentatus esset. Ingens siquidem est discrimen. Non enim paria sunt quæ de Canonibus Ancyranis & Neocæsariensibus observat, cum iis quæ observat Dallæus de Apostolicis. Si Ancyrani & Neocæsarienses Canones, Eusebii, vel Hieronymi, aliorumque illorum temporum scriptorum ætate, publico cuidam Canonum Ecclesiæ Codici inserti fuissent, non dubitandum quin ab illis essent commemorandi; Saltem Codicis cui inserti sunt, aliquam fecissent mentionem. At nondum in Codicem Canonum Ecclesiæ universæ relati erant. Non mirum igitur si Canonum istorum, qui in localibus & particularibus Synodis sancti erant, & qui ad paucorum adhuc notitiam pervenerunt, non meminerunt. Verum alia fuit Canonum Apostolicorum fors atque fortuna.* Observ. pag. 46, 47. Tota hæc disputatio eo nititur, quod Canones Ancyrani & Neocæsarienses nulli publico Codici inserti fuerunt, Eusebii & Hieronymi diebus. Quod quidem de Eusebii ætate conceditur. Incertum autem est, annon Hieronymi, qui non multis ante Concilium Ephesinum annis obiit, diebus Codici Ecclesiæ universæ inserti fuerint. Verum haud multum refert, quo anno in publicum istum Ecclesiæ Codicem collecti sunt; cum eos utriusque & Eusebii scilicet & Hieronymi ætate sanctos fuisse ac divulgatos extra dubium sit, ac propterea causâ dici non potest, quare illi æque ac Apostolici Canones ab iis non laudarentur. Cum autem & illos non memorarint, nullum contra Canones Apostolicos ex eo formari potest argumentum, quod ab iis non memorati fuerunt. Enimvero & illi, & alii quicunque isto claruerunt seculo scriptores, Ecclesiasticos quosvis Canones perraro commemorarunt; Codicem Canonum Ecclesiæ universæ nunquam, neque ullos cujusvis Concilii Canones, nisi forsitan Nicænos subinde, ob summam istius Concilii in Ecclesiâ auctoritatem. Si quos autem Ecclesiasticos uspiam Canones citarunt, ad nullum quem scimus alium nisi ad Apostolicum Codicem referri possunt, ut ante-

demonstravimus. Quamvis igitur Eusebius, Hieronymus, alique fortasse nonnulli istorum temporum scriptores nullam Canonum Apostolicorum mentionem fecissent, hoc non magis probat eos tunc temporis non extitisse, quàm nullos omnino extitisse quos illi non memorarunt. Ex eo autem quod nos asseruimus, Canones Apostolicos ante Synodum Nicænam in unum corpus collectos fuisse, & Codicem Canonum Ecclesiæ primitivæ constituisse, Observator sic infert, *Quomodo ergo fieri potuit, ut Eusebium, Hieronymum, aliosque ejusdem ætatis eruditissimos scriptores lauerit adeo venerandum suâ vetustate monumentum.* Quomodo? facillimè. Quid enim facilius etiam eruditissimis viris quam aliquid ignorare? Quis ante Observatorem unquam asseruit? quis post eum unquam asserturus est, nullum Ecclesiæ primitivæ monumentum Eusebium & Hieronymum latere potuisse? Quâ vero ratione probat ille antiquum hunc Canonum Apostolicorum Codicem iis incognitum fuisse? En. *Nam, inquit, si cognitus illis fuisset istiusmodi Codex, illos alicubi eum memoraturos esse, est plusquam verisimile.* Ex eo autem quod nullibi id præstiterint, legitime colliges nullum tunc dierum extitisse talem Codicem. Observ. pag. 47, 48. Itane vero? An verisimile, an plusquam verisimile est, eos omnes memorasse vel memoraturos esse libros, Canonesque quos sibi cognitos habebant? Annon Eusebius Canones à Concilio Nicæno, cui interfuit, sancitos probe novit? Dic autem, sodes, quo loco eos memoravit? Quod si nec ipsos Nicænos, omnium celeberrimos, & suâ ipsius ætate conditos memoravit, quare aliorum obsecro mentionem faceret? Quin imo Canones Apostolicos Eusebio non incognitos fuisse è Constantini M. literis ad eum missis abunde constat, ubi scilicet unus ex iis diserte laudatur, ut in testimoniis ferendis ostensum est.

II. Post verba ante citata, Observator hæc habet; *In desuetudinem abiisse istos Canones & alios eorum loco generalium Synodorum auctoritate substitutos barbarolatur Beveregius.* At unde hæc habet? Edat autorem à quo accepit, & quando nullum profert, neque proferre potest, adeo temerariæ assertionis idoneum testem, *exsufflante sunt vanissima viri docti conjecturæ, quæ à præconceptâ opinione & immoderato causa studio proficiuntur.* Observ. p. 48. Nimirum ac si solem meridianum lucere affirmanti, fides non habeatur, nisi testes etiam ac autores adeo temerariæ assertionis producat. Annon omnibus clarissime patet, post primam generalem Synodum Nicææ habitam, primas ei partes è vestigio concessas esse, & sanctiones ab eâ editas aliis quibuscunque antepositas? Annon ab eo usque tempore facies Ecclesiæ mutata est, & novi propterea Canones ubique constituti & foeliciores istis temporibus accommodati? Annon etiam sanctiones Ecclesiasticæ æque ac civiles in desuetudinem sponte abeunt, cum novæ earum loco substituuntur? Quid igitur opus est testibus in re adeo perspicuâ, ut etiam oculis judicare possimus? Primo enim intuitu Ecclesiasticam historiam legenti patet, post Concilium Nicææ habitum, imo quidem post Constantinum M. Imperatorem renunciatum, omnia in externâ Ecclesiæ politiâ protinus mutata esse, Concilia in singulis Provinciis libere celebrata, & Ecclesiasticos ab iis Canones de novo sanc-

sancitos, & ubique receptos. Quo factum est ut veteres Canones antiquati propemodum & obsoleti essent, vel novâ saltem formâ induti & ita retractati, ut alii quam ante essent: Usque adeo ut si Apostolicos excipiamus ex plurimis illis qui tribus primis à Christi nativitate seculis sanciti fuerunt Canones, nullos hodie extantes habeamus, nullos etiam præter Eliberitanos qui prius constituti sunt, quam Constantinus M. Imperium adeptus est. Unde clarissime elucescit, antiquos Ecclesiæ Canones in desuetudinem abire cœpisse, simul ac publica Ecclesiæ tranquillitas, summâ Dei misericordiâ, concessa est. *Sed sicine, inquit Observator, in desuetudinem abierunt hi Canones Eusebii ætate ut eorum memoria penitus interciderit? Eusebii inquam qui Synodo interfuit Nicænâ, cujus tempore obrinebat adhuc juxta Beveregii supputationem Codex iste Canonum Ecclesiæ primitivæ? Profecto hæc sunt suavia vigilantium somnia,* pag. 48. Quid vero? Nihil in desuetudinem abire potest, quin statim memoria ejus penitus intercadat necesse est? Quis unquam hoc asseruit? Quocum hic pugnat Observator, præterquam suo ipsius figmento? Nos veteres hosce Ecclesiæ primitivæ Canones Eusebii ac Hieronymi ætate, hoc est, quarto currente seculo in desuetudinem multis saltem in locis abiisse, aliosque eorum loco substitutos fuisse affirmavimus, & adhuc affirmamus: Nusquam autem diximus, nec dicere potuimus, eos ita in desuetudinem abiisse ut etiam memoria eorum penitus interciderit. Ipse enim Eusebius, totaque Nicæna, cui ille interfuit, Synodus antiquos hosce Canones memoriâ adhuc retinebant, suosque ex iis partim constabant: Frequentem saltem ad eos respectum habuerunt, ut ante demonstratum est. Quid itaque si Eusebius, Hieronymus, alique istorum temporum Scriptores, antiquos hosce & ad veterem Ecclesiæ statum pertinentes discrete non memorarunt Canones? Hincine sequetur, eos tunc temporis non existisse? vel Patribus illis penitus incognitos fuisse? Istis, inquam, Patribus qui modo novis in Ecclesiasticâ administratione Canonibus utebantur? Profecto, si dulcissima Observatoris verba in ipsum retorqueamus, *Hæc sunt suavia vigilantium somnia.*

III. Ad hanc Dallæi objectionem respondi ultimò, quod etiam si Eusebius, Hieronymus, alique eruditissimi scriptores ea quæ Apocrypha judicabant, præcipuè quæ Apostolis afficta erant, diligenter persequi ac refellere consueverint, tamen necesse est ut horum etiam Canonum mentionem facerent. Nam nullus Turrianus, nullus Bovius adhuc exortus erat, qui eos ipsis Apostolis affingebat. Et quid illis opus erat opinionem oppugnare quæ nullos adhuc propugnatores habebat? vel probare hos Canones Apostolis falsò adscriptos esse, cum nemo illud assererat? Ad hæc Observator, *Non possum, inquit, satis mirari hæc tanto viro excidisse. Omnem enim culpam in Turrianum & Bovium rejicit, quasi primi hosce Canones Apostolis affinxissent,* pag. 49. Unde quæso me omnem culpam in Turrianum & Bovium rejicisse colligis? Unde illos primos hunc Canonum Ecclesiæ primitivæ Codicem Apostolis affinxisse? Ex eo quod eorum nomina usurpavi dixique nullos adhuc tales exortos esse qui Codicem istum ipsis Apostolis affingebant?

Hocce

Hocce idem ac dicere eos primos hoc fecisse? vix credo. Licet enim illi; ut opinor, primi tantâ argumentorum acie illud evincere conati fuerint, plures tamen ante illos eandem atque illi de hisce Canonibus opinionem tenuerant. Imo quidem per mille retro annos hæc constans fere Græcorum sententia fuit. Eo scilicet fundata, quod hos Canones S. Apostolorum nomen præ se ferentes à majoribus suis accepissent. Antiquitus autem, Eusebii saltem & Hieronymi ætate longè aliter se res habebat. Etiam si enim nonnunquam S. *Apostolorum* & *Apostolici* Canones nuncupati essent, ob venerandam scilicet eorum antiquitatem, quodque à viris Apostolicis editi fuerant, Frequentius tamen simpliciter *Canones*, vel *Canones Ecclesiastici* vocati sunt. Ut non modo ex iis patet testimoniis à nobis ante allatis ubi antiqui illi & Ecclesiastici Canones à vetustis Ecclesiæ Patribus Synodisque laudati inter hos etiamnum inveniuntur, verum ex eo etiam quod in ipsâ Turrianicâ editione, nullâ S. Apostolorum mentione factâ κανόνες Ἐκκλησιαστικοὶ nominentur. Et hæc quidem prima videtur eorum inscriptio; Postea autem S. Apostolorum nomen iis præfixum est, ob rationes ante redditas, & ut major iis autoritas conciliaretur.

IV. Sed aliter Observatori visum est. Qui fatetur quidem graviter peccasse Bovium & Turrianum, dum Canones istos ab ipsis Apostolis conditos esse acerrime contenderunt. At in eo primos non peccasse, quod eorum nomine prænotatos esse voluerunt, sed ab ipsis Canonum collectoribus id mutuo accepisse. Nam quicumque, inquit, sunt qui hos Canones collegerunt, eorum certe mens fuit, ut vere ab Apostolis conditi atque editi crederentur: & hic qui eos continet, Codex ab ipsis Apostolis factus, digestus, conscriptusque & promulgatus censeretur. Et ne quis hæc ab eo gratis fingi putaret, ex ipsis Canonibus illud probare nititur, nimirum ex Canone XXIIX. ubi dicitur, *Si quis Episcopus per pecunias, hanc sit dignitatem affecturus, vel Presbyter vel Diaconus, deponatur & ipse, & qui eum ordinavit, & à Communione etiam omnino exscindatur, ως Σίμων ὁ Μάγος ὡς ἐμὲ Πέτρος, ut Simon Magus à me Petro.* Item ex Canone L. ubi ex Dionysii Exigui versione dicitur, *Non enim dixit nobis Dominus.* Item ex Canone LXXXII. ubi occurrit, οἱ καὶ ὁ ἡμέτερος Ὀνήσιμος ἐφάνη, *Qualis noster quoque Onesimus visus est.* Et denique ex Canone ultimo, quo legitur, καὶ αἱ προφῆεις ἡμῶν τῶν Ἀποστόλων, *& Actus nostri Apostolorum.* Hæc autem Observator è Dalaëo suo accepit, qui eadem observavit, de Pseudep. lib. 3. cap. 21. pag. 681. Verumenimvero hæc omnia loca interpolata esse, ex eo satis constat, quod nec unus eorum in omnibus Codicibus ita legatur. Quod enim ad primum spectat, pro ὡς ἐμὲ Πέτρος, antiquitus lectum fuisse ὡς τὸ Πέτρος, ex Dionysio Exiguo patet vertente *Sicut Simon Magus à Petro.* Et in Epist. Tarasii Patriarchæ Const. ad Adrianum Papam Romanum missâ, ubi hic Canon citatur, hoc in loco nihil aliud legitur, quam ως Σίμων ὁ Μάγος. Petri scilicet mentione penitus omisâ. In Canone quinquagesimo, omnes Græci Codices, quos plurimos consuluit J. B. Cotelerius, omnesque Balsamonis & Zonaræ Codices tam MSS. quam impressi, constanter legunt, εἰ γὰρ εἶπεν

ὁ κύριος.

ὁ κύριος. In Joh. Antiocheni collectione Canonum Tit. XXXVI. ex Justelli editione legitur, & ᾧ εἶπεν ὁ κύριος ἡμῶν. Quod alii æque ac Apostoli dicere potuerunt. Sed nescio quo facto in MSS. Bodleiano, & Seignemarii, pro ἡμῶν substituitur ἡμῖν. Quomodo & Dionysius Exiguus legit, ver-
tens, *Non enim dixit nobis Dominus*. Et ex omnibus quos scimus Codicibus hi tres foli ita legunt. Reliqui omnes, multo majoris & numeri & auctoritatis aliter legunt, nempe vel & ᾧ εἶπεν ὁ κύριος, vel quod tantidem est, & ᾧ εἶπεν ὁ κύριος ἡμῶν. Adeo ut nihil dubii esse possit, quin alterutra harum, vera sit ac genuina loci hujusce lectio. Prima autem, quâ pronomen omittitur, nobis verior videtur, ut à longe pluribus Codicibus usitata. Cum igitur in hoc & præcedente, sive XXIX. Canone, pronomen alienâ à primi collectoris manu interfertum fuerit, idem & de duobus reliquis Canonibus, LXXXII. scilicet, & ultimo accidisse, jure merito censeamus. Et quidem in Codice isto quo Josephus Ægyptius, paraphrastes Arabicus, usus est, pro istis verbis in Canone LXXXII. οἷος ἢ ὁ ἡμέτερος Ὀνήσιμος, nihil aliud scriptum fuit, quam οἷος ἢ Ὀνήσιμος, vertit enim *Sicut Onesiphorus pro Onesimus*. Qualis propriorum præsertim, nominum corruptio apud Arabes frequens occurrit. Sic etiam in ultimo Canone, pro αἱ πράξεις ἡμῶν τῶν Ἀποστόλων, ille habet, *Atque Gesta Apostolorum, quæ sunt αἱ πράξεις*. Legit ergo sine pronomine, αἱ πράξεις τῶν Ἀποστόλων. Et nemo quidem dubitare potest, quin hujusmodi pronomina ab interpolatore aliquo primo interferta fuerint, & librariorum postea incuriâ in nonnullos Codices transscripta. Alioquin enim omnes haud dubie Codices æque ac aliqui, in iisdem lectionibus consentirent. Omnia autem trium priorum æræ Christianæ seculorum monumenta & commentaria, nefariis interpolatorum manibus misera subjacuisse, nemo nescit qui antiquitatem Ecclesiasticam vel primis labris delibavit. Ac proinde non mirum est, si huic idem atque aliis istorum seculorum scriptis acciderit. Saltem cum ipsum S. Apostolorum nomen huic Canonum collectioni ob summam ejusdem antiquitatem inditum fuisset, nemo mirari potest, quod incauti postea transcriptores & librarii istiusmodi pronomina diversis in locis ei interseruerint, quibus ab ipsis Domini Apostolis condita crederetur.

V. Sed ut ut est, Eruditus Observator quatuor ex hac suâ ipsius opinione conclusiones infert, quas paucis discutiamus oportet. *Primo*, inquit, *hinc consequitur vanissimam esse Beveregii ad Dallai argumentum responsionem, quando nunc constat, ipsos Canonum collectores eos Apostolis tribuisse*, pag. 51. Hæc vero consequentia eadem quâ infertur, facilitate repellatur. Nondum enim constat, nec constare unquam faciet Observator, primos horum Canonum collectores, eos ipsis Apostolis tribuisse, nisi demonstraverit, hunc unum Codicem è communi omnium Ecclesiæ primitivæ monumentorum fato ereptum esse: quæ scilicet corrupta & plurimis in locis interpolata fuisse, inter omnes constat. Et præterea etiam si demus, primos horum Canonum collectores, pro certo habentes eos multis ante annis à viris Apostolicis sancitos esse, ipsis eos Apostolis tribuisse, ut à quibus traditi viderentur,

derentur, valebit tamen nostra contra Dallæi argumentum responsio. Minime enim ex eo sequitur quod Observator secundo loco ponit, nimirum *seculo tertio non extitisse horum Canonum Codicem*, aliter eum commemoraturi erant Eusebius, Hieronymus, alique ejusdem ætatis scriptores, cum illum præferrent sanctis Domini Apostolis affectum viderent. Etenim Athanasius, Epiphanius, alique ejusdem ac Eusebius & Hieronymus ætatis scriptores plurimos commemorarunt libros sanctis Domini Apostolis affectos, quorum tamen nec Eusebius, nec Hieronymus mentionem fecit. Et nihil quidem absurdius, nihil incredibilius excogitari potest aut efferri, quam Eusebium & ex eo Hieronymum omnes omnino libros vidisse, aut sibi cognitos habuisse, qui sanctorum Apostolorum nomen præferabant. Quod tamen haud perinde dicimus ac si hos Canones Eusebio incognitos fuisse opinemur, utpote cui eos probe innotuisse ante probatum est. Quod si supponamus illos Eusebium latuisse, haudquaquam exinde concludi potest, eos ante non extitisse, quandoquidem Eusebium omnia quæ à privatis quibuscunque Christianis vel à Provincialibus Episcoporum Synodis scripta fuerant, nec adspectu nec auditu tenuisse, saltem literis non mandasse pro certissimo habeamus. Ejusdem prorsus est vanitatis tertia quoque Observatoris illatio, *non Ecclesiasticos scilicet vocatos fuisse olim hos Canones, sed Apostolicos, nam ab Apostolis conditos esse, omnibus persuasum voluerunt eorum primi collectores.* Enimvero si largiamur ei primos horum Canonum collectores & sibi persuasisse & aliis persuasum voluisse, eos ab Apostolis conditos esse, eos tamen Ecclesiasticos nunquam vocatos esse, neutiquam exinde sequitur. Quid enim vetat, quo minus Canones qui ab ipsis Apostolis traditi videntur, *Ecclesiastici* æque ac *Apostolici* nominentur, cum *Ecclesiasticam* contineant disciplinam, & eo tantum nomine sanciti sint, ut *Ecclesia* juxta eos ritè administraretur? Profecto illi ipsi, qui hos Canones sanctis Apostolis acceptos retulerunt, Eos nihilominus *Ecclesiasticos* vocare non dedignati sunt, ut è variis eorundem inscriptionibus videre est, quibus licet S. Apostolis plerunque tribuantur, *Ecclesiastici* tamen nuncupantur. In Cotelæii enim editione è MSS. Codicibus erutâ, sic inscribuntur, Κανόνες Ἐκκλησιαστικὸι τῶν αὐτῶν ἀγίων Ἀποστόλων. Et in ipsâ Dionysii Exigui versione *Ecclesiastica regula Sanctorum Apostolorum* prolata per Clementem Ecclesia Romana Pontificem. Et, ut ante observatum est, in MS. quo usus est Franciscus Turrianus, simpliciter Κανόνες Ἐκκλησιαστικὸι inscribuntur. Et hæc quidem, ut simplicissima, prima nobis ac genuina videtur inscriptio, cui, ob rationes ante allatas, Apostolorum nomen postea subjunctum est. Hinc saltem antiquos hosce Canones *Ecclesiasticos* olim vocatos esse, usque adeo planum est ac indubitatum, ut satis mirari nequeam, quo demum fato Observatori in mentem venerit, contrarium asseverare contra unanimem omnium fere Codicum fidem atque autoritatem. Denique ex hoc suo ipsius somnio, ex eo scilicet quod primi horum Canonum collectores eos sanctis Apostolis tribuisse ipsi videantur, consequi affirmat Observator, eos ab Apostolicis viris in unum corpus minime collectos fuisse. Nam *Apostolici*, inquit, *viri Apostolis Canones non erant adscripturi,*

quos ab illis haud quaquam sancitos probe noverunt. Præterquam autem quod præmissa, è quibus hæc consequentia infertur, falsa sint, & talia propterea è quibus nihil legitime concludi potest, ipsa quoque consequentia nos minime attingit, qui hos Canones à viris Apostolicis constitutos quidem, non item collectos fuisse asserimus. Hos enim Ecclesiæ primitivæ æque ac universæ Canones multis annis ante sancitos fuisse opinamur, quam in unum corpus compacti sunt. Ac propterea quodcunque iis nomen à collectoribus postea impositum fuit, eodem ab ipsis etiam conditoribus illos nuncupatos fuisse, nequaquam sequitur. Proinde licet concedamus primos eorum collectores *Apostolicos*, & *S. Apostolorum* eos nominasse, exinde tamen non conficitur, Apostolicos etiam viros, à quibus constituti sunt, ipsis eos Apostolis tribuisse. Quod tamen haud mirum est, si ab illis factum fuisset. Cùm viri enim Apostolici nihil in Ecclesiâ constituerent, nisi quod ab ipsis Apostolis traditum vel aliis eorum traditionibus consonum esse judicarent, ut ante ostensum est, hos etiam Canones ex istiusmodi traditionibus conditos sub Apostolorum nomine aliis commendare facile potuerunt.

VI. Plura in illegitimas hæc eruditi viri consequentias, necnon in singulas ejus observationes exceptionesque contra testimonia pro Canonum Apostolicorum antiquitate allata, reponi possunt. Cùm autem ex iis quæ hucusque disseruimus, satis abunde constet, hos Canones quarto currente, quintoque ineunte seculo à Patribus, Synodisque laudatos, ac proinde longe ante tempus à Dallæo eorum editioni præfixum conditos pariter atque divulgatos fuisse, quicquid è contra Dallæus dixerit, vel ipse etiam Observator, nihil est quod plura hic accumulemus. De Gelasii enim decreto, de quo proximo ille agit, nos, quantum ad nostram spectat opinionem, satis jam ante diximus. Nec quicquam postea producit responsione dignum, cui à nobis non clare satis responsum est. Adeo ut iis denuo respondere non possimus, quin Actum agamus, eademque ad nauseam usque repetamus necesse sit.

Finis Libri Primi.



CODICIS CANONUM ECCLESIAE PRIMITIVÆ

Vindicati ac Illustrati,
LIBER SECUNDUS.

C A P U T I.

Synopsis.

- | | |
|--|---|
| <p>I. <i>Discussis in priori Libro externis, interna contra Canones Apostolorum argumenta modo discutienda restant.</i></p> <p>II. <i>Si nihil in hoc Codice secundi, tertiique seculi disciplina dissentaneum esse constiterit, controversia de anti-</i></p> | <p><i>quitate istius, ut à nobis asserta, dirimetur.</i></p> <p>III. <i>Hanc de rebus in hoc Codice comprehensis, Adversarii etiam nobis extorserunt dissertationem.</i></p> <p>IV. <i>Methodus ejusdem, necnon finis fructusque.</i></p> |
|--|---|

I. **C**ANONES Apostolicos, sive Apostolorum vulgo dictos, non modo ante quintum aduultum, verumetiam ante quartum inceptum æræ Christianæ seculum sancitos fuisse, collectos, ac divulgatos, ex iis quæ superiori libro disputavimus, abunde fatis, ut opinor, constat: Ubi scilicet Canones istos ab Imperatoribus, à Patribus, necnon à Synodis, tam Oecumenicis quam provincialibus, nunc sub Ecclesiasticorum, nunc sub antiquorum, nunc etiam sub disertis Apostolicorum nomine quarto quintoque seculo laudatos fuisse demonstravimus. Et quandoquidem Johannes Dallæus, & vestigiis ejus insistens Anonymus Observator, quasdam contra nonnulla è testimoniis, quæ adduximus, exceptiones excogitarunt,

gitarunt, eas omnes quales quales, & quotquot fuerunt, quantâ potuimus brevitate pariter atque perspicuitate expensas, discussas, confutatas dedimus. Quinetiam alia omnia externa argumenta, quæcunque ab utrovis eorum vel è testimoniis vel è silentio veterum de hisce Canonibus, ad astringendam suam, vel ad nostram de iis opinionem evertendam adducta sunt, profligavimus adeo & refellimus; ut nihil modo ad plenissimam sententiæ nostræ fidem faciendam superesse videatur, nisi ut ostendamus insuper, nihil in totâ hac Canonum Apostolicorum collectione occurrere, quod cum primitivæ Ecclesiæ disciplinâ non accuratè admodum & politè convenit. Quod si & hoc etiam probatum dederimus, nemo sanè, in re saltem adeo antiquâ, majorem requirat certitudinem, neque in posterum dubitabit quispiam, quin hi Canones longe antiquiores fuerint, quam Dallæus & Observator opinati sunt: & non minus antiqui, si non & antiquiores etiam, quam nos statuimus.

II. Enimvero si in toto hoc Codice nihil prorsus decernatur, quod tribus prioribus Christianismi seculis in Ecclesiâ non observatum fuit: si nullum usurpetur verbum quod istis temporibus non usitatum invenimus. Si nulla damnetur hæresis, quæ non ante quartum seculum exorta est: Si nihil per totam dicatur syllogen ritibus ac institutis Ecclesiæ primitivæ dissentaneum: Si singulorum in eo Canonum, sanctionum, phrasium, & ipsarum etiam vularum idea purioribus istis religionis nostræ seculis apprimè congruat, quæ quispiam ratione suspensus deinceps, & incertus hæreat, annon istis diebus constituti sint hi Canones, quibus exactè adeo & ad amissum quadrant? Sane si hoc demonstratum fuerit, tota hæc de Canonum Apostolicorum antiquitate controversia finietur. Si nihil enim iis inesset, nisi quod omnibus placeret, antiquitas eorum in controversiam nunquam venisset. Verum-enimvero in illis Episcoporum supra Presbyteros eminentia ac autoritas asseritur; Jejunium quadragesimale, & reliqua ab Ecclesiâ instituta, religiosè observanda esse præcipitur: Et alia istiusmodi nonnullorum auribus ingrata occurrunt: Et hinc est quod tantum in eos odium concitatum fuit. Hinc est, quod tot eruditi viri omnia corraferunt argumenta, quibus, si fieri potuit, ipsa etiam antiquitas horum Canonum rescinderetur, atque ita omnis iis in istiusmodi agitandis controversiis autoritas auferatur. Quod si nullum in hoc Codice decretum extare constiterit, quod non ex aliis istorum seculorum monumentis æque ac ex eo probari potest, adeo ut quæcunque in eo decernuntur, ab Ecclesiâ primitivâ instituta esse ac observata manifestum fiat, etiamsi hic Codex in lucem nunquam prodiiisset, Quid opus erit de ejus antiquitate ulterius disputemus? Hoc itaque est quod nos in præsentī demonstratum imus, eo præsertim inducti, quod cardo, ut aiunt, controversiæ in hoc fere vertatur. Ut ex quo necessario saltem consequetur, omnes hosce, quos Apostolicos vocamus Canones istis temporibus summè consentaneos esse, quibus nos eos sancitos editosque fuisse arbitramur.

III. Adhæc, alia quoque ratio à nobis postulat, ut de ipsis rebus quæ in hac antiquâ Canonum collectione constituuntur, paulò fusiùs hic differamus. Nimirum Dallæus Turriani, qui hos Canones ab ipsis Apostolis sanc-

ditos, & à Clemente Romano editos fuisse contendit, opinionem impugnans, plurima ex ipsis etiam Canonibus argumenta petit, quibus eam evincat. Dum Turrianum autem internis huiusmodi rationibus urget, nonnulla subinde inferit, quibus credulo & incauto lectori persuadere conatur, ex ipsis Canonibus manifestum esse, eos non à primitivâ Ecclesiâ, nec ante quintum adustum seculum conditos fuisse. Quapropter ne Obiervator, aliive posthæc conquerantur, me omnibus tam internis quam externis Dallæi argumentis non respondisse, quicquid ille, vel post illum Observator, ex ipsis Canonibus ad suam de iis confirmandam nostramve refellendam opinionem collegisse videtur, à nobis hic retundatur necesse est. Quod tamen fieri non potest, nisi totam percurramus syllogem, & si non singulos Canones, eos saltem omnes quos illi ad elevandam eorum auctoritatem in medium protulerunt, Ecclesiæ primitivæ ritibus moribusque consonare ostendamus.

IV. Quo hoc autem effectum demus, non opus est Dallæi procedamus methodo, qui primo contra ultimos XXXV. & ultimò contra primos L. Canones disputat. Nos enim, ut ratio postulat, à primo incipientes, in ultimo ordinatim definemus, eosque omnes non modo à primis Ecclesiæ Christianæ seculis non abhorrire, sed cum iis etiam ita consentire demonstrabimus, ut illis proprii ac peculiaries videantur. Et si quid Dallæus aut Observator è contra objecit, illud, Deo volente, ita removebimus, ut cuivis constet, hos Canones primis istis temporibus optimè accommodatos esse, illorumque Ecclesiasticam disciplinam ita exhibere, ut si adversarii demus, quod falsissimum est, eos non ante quintum vel etiam sextum seculum in unum corpus collectos esse, longe tamen antea sancitos fuisse ac constitutos pro certo habeamus & explorato. Unde liquidò simul patebit, hunc *Codicem Canonum Ecclesiæ primitivæ* meritissimo jure nuncupari posse, utpote qui antiquissimos illos contineat Canones, quibus Ecclesia, si non universa, Orientalis saltem administrata fuit, priusquam vel Nicæni, vel Ancyranî, vel alii, quos scimus, Canones in lucem emissi sunt. E quibus hoc etiam boni commodique & nobis & aliis quibuscunque se primitivorum Christianorum moribus conformes gerere cupientibus emerget, quod præ oculis habeamus, qua ratione vitam nostram ad eorum exemplar instituamus, quos plurimos martyrii corona redimitos, & ad summam gloriam evectos perfectâ in cœlis fœlicitate ab eo usque tempore perfructos esse, perfruique credimus.

CAPUT II.

Synopsis.

- I. *Primus Apost. Canon vindicatur. Episcoporum supra Presbyteros autoritas nullo unquam Canone aut lege Ecclesiasticâ instituta fuit, & tamen ubique semper obtinuit. Unde eam Apostolica institutionis esse liquet.*
- II. *Ut Episcopus à duobus aut tribus Episcopis ordinetur, Apostolorum doctrina consonum est. Quid sit Πρεσβυτέρων apud D. Paulum.*
- III. *Secundus Canon defenditur. Episcopi & Presbyteri vocabula secundo saltem seculo distinctè usitata sunt. Proinde non mirum est, quod ita in hoc Codice usurpentur.*
- IV. *Secundo tertioque seculo præter Episcopos, Presbyteros & Diaconos alii in Ecclesiâ constituti sunt Clerici, Hypodiaconi, Lectores, Cantores, &c.*
- V. *Incensum oblationis tempore à primitivâ Ecclesiâ usurpari solitum, juxta quod tertio Apost. Canone præcipitur.*
- VI. *Quartus Canon Apost. lege ceremoniali non innititur, sed ei potius adversatur.*
- VII. *Fructuum primitias ab Ecclesiâ primitivâ offerri solitas, è quarti seculi, necnon secundi, tertisque monumentis probatur.*

I. **P**RIMO itaque antiquus hic Canonum Ecclesiasticorum Codex ab Episcopi, per quem omnis Ecclesiastica disciplina administratur, constitutione orditur, jubetque Episcopum à duobus tribusve Episcopis Ordinari. Ἐπίσκοπος, inquit, χειροτονείσθω ὑπὸ ἑπομένων δύο ἢ τριῶν. Supponit igitur Episcopos istis etiam diebus ubique ordinatos, aliosque eorum denatorum loco ordinandos esse. Ut Episcopi enim à Presbyteris distincti iisque superiores ubique gentium ordinentur, nullus unquam Canon, nulla lex Ecclesiastica decrevit. Quod quidem luculento nobis est argumento, Episcopalem auctoritatem, ordinem ac eminentiam non Ecclesiasticæ, sed Apostolicæ institutionis esse: hoc est, Sanctos Apostolos à magistro suo nostroque edoctos, talem in Ecclesiâ Pastorum Evangelicorum ordinem instituisse, quibus incumberet Presbyterorum, aliorumque vitas inspicere, in delinquentes animadvertere, & providere, ut fides Christiana fideliter prædicetur, Christi præcepta & promissa religiosè promulgentur, & Sacramenta ab ipso instituta ritè administrantur. Si tale enim officium ab ipsis Apostolis non institutum fuisset, non dico incredibile, sed & impossibile prorsus esset, ut ipsis Apostolis adhuc superstitibus, vel proximè saltem post eorum mortem omnibus terrarum locis exerceretur, quibus religio Christiana suscepta est: idque licet nullum extaret Ecclesiasticum decretum, quo illud introductum fuit, vel etiam introduci potuit, si ipsius Christi

Christi ac Apostolorum ejus institutioni advesaretur. Ipsi autem acerbissimi ordinis Episcopalis oppugnatores, nunquam diffiteri potuerunt, quin in ipsis Ecclesiæ primordiis tales ubique constituti sint Episcopi, qui Ecclesiastica istiusmodi munia obierunt: quales erant Clemens Romæ, Ignatius Antiochiæ, Polycarpus Smyrnæ, Annianus Alexandriæ. Hos enim simplices fuisse Presbyteros, aliosque sibi subiectos non habuisse, non modo omni Ecclesiasticæ antiquitati, verum ipsi etiam rationi contradicit, quæ scilicet nunquam permittet ut credamus, quod in tantis civitatibus, ubi tam numerosi erant Christiani, unus omnibus Ecclesiæ muneribus fungeretur. Quod si alii ibidem essent, quibus ipsi, in suâ quisque Ecclesiâ, præsidebant, quo jure, quâ autoritate hinc sibi præsentiam arrogabant? Ab Ecclesiâ quidem eam habere non potuerunt, utpote in cujus potestate nunquam situm fuit, novum instituere Pastorum ordinem, aut talem quibuslibet autoritatem dare, quæ ipsis à Christo & Apostolis ejus negata fuit. Nemo etiam vel charitate, vel fide imbutus Christianâ, credat eos qui toti erant in Deo Christoque colendo, quique doctrinam & ritus à Christo institutos sanguine suo consignare assiduo parati erant, ullam sibi dignitatem usurpare voluisse, quam nec à Christo nec ab Apostolis ejus traditam acceperant. Restat itaque ut quamcunque Episcopi tunc temporis autoritatem exercebant, eam totam, si non ipsi Christo, Apostolis saltem ipsius acceptam tulerint. Et hinc est quod in omnibus antiquis Ecclesiæ monumentis primæ Episcoporum supra Presbyteros constitutionis nec vola extet nec vestigium. In hoc saltem vetusto admodum Canonum Ecclesiæ primitivæ Codice, etiamsi frequentissima occurrat Episcoporum mentio, de primâ tamen eorum institutione altissimum est silentium. Hic enim eos antea & ab origine institutos fuisse pro confesso habetur, & propterea cavetur tantummodo quo ritu quispiam in hoc ordinem Ecclesiasticorum fastigium evehatur, nimirum à tribus vel duobus saltem ejusdem ordinis. Quibus vero rationibus hæc cautio innitatur, in Annotationibus ad hunc Canonem explicuimus.

II. Verum Joh. Dallæus in hunc primum Apostolicorum Canonem gravissime invehitur, contenditque eum, Episcopum à duobus aut tribus Episcopis ordinari præcipientem, Apostolicis temporibus alienum esse, *Ut quibus, inquit, ex Paulo constat à Presbyteris solitas imponi manus.* De Pseudep. lib. 3. cap. 14. Et nos quidem non asserimus hunc Canonem, totidem saltem verbis, ab ipsis Domini Apostolis sancitum esse. Veruntamen locus ille D. Pauli à Dallæo indicatus, minime vetat, quin ab iis sanciri posset. Sic enim ait D. Paulus, *μη ἀμελήῃς ἐν σοὶ χειρὸςμασίῃ· ὁ ἐδόξη σοι ἀπὸ θεοφιλίας μετὰ διηρέσεως τῶν χειρῶν ἔχειν πρεσβυτερίαν*, 1 Tim. 4. 14. Per πρεσβυτερίαν hoc in loco Dallæus cœtum, vel classem, ut vocant, Presbyterorum intelligit, istiusmodi scilicet qui isthoc nomine hodie nuncupantur. Quo nihil absurdius effingi potest. Dato enim vocabulum istud πρεσβυτερίαν collectivè hic sumendum esse, pro cœtu eorum qui istis diebus πρεσβύτεροι vocabantur: Nemo nescit hanc vocem è Synagogâ Judaicâ in Ecclesiam Christianam translata esse, eamque apud Judæos idem fere significasse atque ἡγεμῖνα sive ἄρχοντα.

χον^τ, ut è sexcentis patet veteris Testamenti locis, quibus Præfecti, Magistratus Ecclesiastici, ipsique principes ὀρίσι Πρεσβύτεροι sæpe appellantur. Quo factum est ut ipsi Apostoli in Ecclesiâ recens natâ hoc sibi nomen primo vendicarent. Sanctus enim Petrus se πρεσβύτερον vocat, 1 Pet. 5. 1. necnon D. Johannes eodem se nomine appellat, initio secundæ, tertiæque Epistolæ ab ipso conscriptæ. Ipsum etiam D. Paulum unum fuisse in hoc Presbyterio, à quo Timotheus χειροθεσίαν accepit, ipse disertissime attestatur, eidem Timotheo in alterâ Epistolâ hæc dicens, Δι' ἣν αἰτῶν ἀναμνησέσθε σε ἀναζωπυρεῖν τὸ χάρισμα τῷ ἱερεῖ, ὃ ἐστὶν ἐν σοὶ διὰ τῆς ὑπηρεσίας τῶν χειρῶν μκ. 2. Tim. 1. 6. Idem itaque χάρισμα, quod alibi per Presbyterii, hic per D. Pauli χειροθεσίαν datum fuisse dicitur. Quod quidem dici non potuit, nisi ille partem saltem istius Presbyterii constituisset, suasque Timotheo manus imposuisset. Sanctum autem Paulum purum putum hodierno sensu Presbyterum fuisse, nemo, ut opinor, affirmabit, quippe qui unus, nec minimus quidem ex ipsis Apostolis fuit. Quapropter πρεσβυτέριον illud à quo Timotheus ordinatus dicitur, nihil aliud esse potuit, quam cœtus istiusmodi Apostolicorum Ecclesiæ Pastorum, quos Apostoli sibi successores designaverant, quibusque D. Paulus tanquam Primas in hoc negotio præfuit. Alioquin enim dicere non potuit illud per suam manuum impositionem dari, quod alibi μετ' ὑπηρεσίας τῶν χειρῶν τῷ πρεσβυτερίῳ datum fuisse profertur. Unde Theodoretus in locum per *Presbyterium* τὸς τ' Ἀποστολικῆς χάριτος ἡ ζωμύνης intelligendos ait: Ac proinde, non obstantibus istis D. Pauli verbis, idem quod hoc primo Canone Apostolico decernitur, ab ipsis Domini Apostolis tradi ac sanciri potuit, nimirum ut Episcopus non nisi à duobus aut tribus Episcopis ordinetur. Imo quidem hic Canon illis ipsis Apostoli verbis adeo consentaneus est, ut ex iis formatus videatur. Cum ipse enim Apostolus non solus, sed cum aliis, πρεσβυτέριον five cœtum Apostolorum constituentibus, Timotheum ordinavit, ex illius exemplo legitime hic cavetur, ne unus quispiam Episcopus Episcopum constituat, sed & alii unâ cum eo manus imponant. Adeo ut nemo dubitare possit, quin hic Canon Apostolicæ institutioni summè consonet. Saltem ipse Dallæus nihil in hoc Canone invenire potuit, quod eum nec cum proximo post Apostolos seculo convenire ostendat. Cum enim inter omnes constet, secundo saltem à Christi nativitate currente seculo Episcopos propriè sic dictos ubique terrarum constitutos esse, Ecclesiæque suas curâ atque autoritate pastoralis administrasse, magnæ & necessariæ causæ postulabant, ut talis Canon five decretum Ecclesiasticum de legitimâ eorum ordinatione ederetur, ne quis furtim & clandestino ad tantam in Ecclesiâ dignitatem ascenderet. Quod facillimè fieri, vel potius vix evitari potuit, si uni cuivis Episcopo alios, quos ipse voluit, ordinare licuisset. Cum hoc itaque primo Canone Apostolico nihil aliud definiatur, nisi quod ab ipsis Domini Apostolis sanciri potuit, & à proximis eorum successoribus determinari debuit, nemini mirum esse potest, si secundo æræ Christianæ seculo constitutus editusque fuerit: cum, ipsis etiam fatentibus ordinis Episcopalis adversariis, tales, quos ipsi oppugnant,

Episcopi passim & quotidie ordinati sunt. Quod quidem nostræ de his Canonibus opinioni confirmandæ satis superque est.

III. Ut primus Canon de Episcopi, secundus de Presbyteri, Diaconi reliquorumque Clericorum ordinatione agit, statuitque eos ab uno Episcopo ordinandos esse. Ubi concedamus Dallæo hunc Canonem istis temporibus fuisse conditum ac conscriptum, quibus *Episcopi & Presbyteri* vocabula inter se distinguebantur, suamque alterum ab altero divisam significationem in vulgari Ecclesiæ usu habebant. Concedamus etiam hunc vocabulorum istorum proprium ac divisum usum Apostolicæ Ecclesiæ, quam ipsi scilicet Apostoli adhuc superstites regebant, tempori non convenire, utpote quo hæc nomina indistinctè & promiscuè usitata videantur, adeo ut primi æque ac secundi ordinis ministri *ἐπισκοποι* nonnunquam dicerentur: His inquam concessis, negari tamen nequit, quin si non viventibus adhuc nonnullis Apostolorum, mox tamen postea communis, quæ hodie inter ista nomina observatur, distinctio vulgo recepta fuerit. Hoc enim ex eo certissimum fit, quod proximi post Apostolos Ecclesiastici scriptores, Clemens Romanus, Ignatius, Pius I. Romanus, Irenæus, Clemens Alexandrinus, Origenes, alique, tres Sacrorum ministrorum ordines, Episcopos dico, Presbyteros, & Diaconos, distinctè recensuerunt, ut in Annotationibus observatum est, & fusius postea probatum erit. Secundo autem inclinato & ad finem vergente seculo illud observatum fuisse inter duo hæc vocabula discrimen, nec ipse Dallæus negare potuit nec Observator, in posteriorem vindic. partem pag. 306, 307. Atque ideo, ipsis etiam horum Canonum adversariis iudicibus, distinctio illa inter Episcopum & Presbyterum in hoc aliisque hujus sylloges Canonibus castè adeo & religiosè Observata, nequicquam impedit, quo minus secundo saltem exeunte vel tertio incunte seculo sanciri poterant.

IV. Præterea Dallæus Canones hosce non Apostolicis temporibus conditos, nedum ab ipsis Apostolis editos ac promulgatos fuisse, ex eo etiam arguit, quod alii Clerici præter Episcopos, Presbyteros, & Diaconos hoc secundo Canone memorentur, *Apostolis enim, inquit, non alios legimus cognitos fuisse Clericos quam Episcopos, sive Presbyteros & Diaconos.* Esto. Secundo tamen tertioque post Christum incarnatum seculo, alios in Ecclesiâ passim constitutos fuisse Clericos inferiores, velut hypodiaconos, lectores, cantores, &c. ex iis qui istis scripserunt seculis abunde constat. Tertullianus enim, *Alius, inquit, hodie Episcopus, cras alius. Hodie Diaconus, qui cras Lector: Hodie Presbyter, qui cras Laicus.* Tertull. de Præscript. adv. hæc. cap. 42. Ubi observare licet, non modo Episcopum, Presbyterum & Diaconum, distinctè & sigillatim recensitos, verumetiam Lectorem tanquam alium è Clericis unâ commemoratum. D. Cyprianus etiam Celerinum & Aurelium *Lectores* constitutos, & ita Clero conjunctos asserit: *Lectorisque* officium sic describit, ut *loci altioris celsitate subnixus, & plebi universæ pro honoris sui claritate conspicuus legat præcepta, & Evangelium Domini.* Cyprian. Epist. 34. ad Cler. & pleb. Alibique idem hoc habet, *Fecisse me autem sciat* *is Lectorem Saturnum, & Hypodiaconum Optatum confessorem, quos jam pridem* com-

communi consilio Clero proximos feceramus. Id. Epist. 24. ad Clerum. ubi, ut videre est, *Hypodiaconi* etiam mentio occurrit. Adhæc Cornelius Romanus D. Cypriani æqualis, in Epistolâ ad Fabium, præter Presbyteros, & Diaconos, etiam Subdiaconos, Acolythos, Exorcistas, & Lectores cum Ostiariis in Ecclesiâ suâ constitutos docet, apud Euseb. hist. Eccles. lib. 4. cap. 43. In Canonibus quarto seculo nondum adulto editis hujusmodi inferioris ordinis Clericos sæpe memoratos esse, neminem latere potest. Patres quidem Laodicensi Canone XXIV. edicunt, quod non oportet Sacratum à Presbytero usque ad Diaconum & deinceps quemlibet Ecclesiastici ordinis usque ad *ministros*, vel *Lectores*, vel *Cantores*, vel *Exorcistas*, vel *Ostiaarios*, vel *Ordinis Monachorum*, in cauponam ingredi. Et hæc sane inferiora Ecclesiastica officia priscis admodum temporibus instituta fuisse, ex eo conficitur, quod licet quarti, necnon secundi tertiique seculi scriptores de illis sæpe meminerint, primæ tamen eorum institutionis nulla uspiam vestigia invenire possumus. Ex eorum itaque mentione in hisce Canonibus subinde factâ, nihil ad oppugnandam Codicis hujusce antiquitatem à nobis assertam, ullâ vel arte vel machinâ torqueri potest.

V. Contra tertium Canonem nihil habuit quod excipere potuit Dallæus, nisi quod in eo significetur tempore quo conditores vixerunt, offerri solitum in Ecclesiâ *θυμίαμα τῷ καιρῷ τῆς ἀγίας προσφορῆς*, *Incensum tempore sanctæ oblationis*. Hoc autem, ut ait vir doctus, non modo ab Apostolis alienum est, sed ne Tertulliani quidem ævo usitatum apud Christianos thymia ma fuit in religionis sacris, ut qui nostros purgans à Paganorum criminatione, qui eos infructuosos esse in negotiis dictabant, *Thura plane*, inquit, *non emimus.* Si Arabia queruntur, scient Sabæi plaris & carioris suas merces Christianis sepeliendis profligari, quam diu suffumigandis. Tertul. Apol. cap. 42. cujus agnosco verba, sed consequentiam ex iis deductam nego. Etiam si enim hic ritus in Ecclesiâ Africanâ Tertulliani ævo fortasse non obtinuerit, minime tamen exinde sequitur, quin aliis in locis eodem tempore usitatus esset. Imo quidem Hippolytus Portuensis Episcopus Clementis Alexandrini discipulus, ac propterea ejusdem fere ac Tertullianus ætatis, in oratione de consummatione mundi disertissimam hujus rei mentionem facit, dicens, Πένθεσι ἡ αἱ ἐκκλησίαι πένθος μέγα, διότι ἔτε προσφορῆ, ἔτε θυμίαμα ἐκτελεῖται. Quemadmodum etiam in Annotationibus ad hunc Canonem observatum est. Ubi & D. Ambrosii eundem ritum suâ ætate, hoc est quarto currente seculo, observatum esse confirmantis testimonium è commentariis ejus in S. Lucæ Evangelium cap. 1. de Angeli apparitione adduximus.

VI. Quartum etiam Canonem unicâ hâc objectione impugnat Dallæus, *Neque cum Apostolorum*, inquit, *dogmate vel ævo congruit, quod quarto Canone jubentur fructuum primitiæ Episcopo & Clericis solvi, & ad eorum ades comportari.* Id enim ad legem Mosaicam ceremonialem pertinet, quam veri Apostoli Dominicâ morte abrogatam docent, nedum ut aliquam ejus partem à fidelibus observari præcipiant. De Pseudep. lib. 3. cap. 14. Primo autem immerito

reprehendit Canonem quasi jubentem fructuum primitias Episcopo & Clericis solvi, ac si nimirum è lege Mosaicâ iis debitæ essent. Hoc enim Canon non jubet, sed dicit tantummodo, Ἡ ἀλλή πᾶσα ὁπωρὴ εἰς οἶκον ὑποσηλείω, ἀπαρχὴ τῷ ὀπισκόπῳ ἢ τοῖς πρεσβυτέροις, ἀλλὰ μὴ πρὸς τὸ θυσιαστήριον, *Omnis alius fructus domum mittatur, Primitiæ Episcopo & Presbyteris, sed non ad altare.* Deinde quod hoc Canone constituitur, ad legem Mosaicam cæremonialem usque adeo non pertinet, ut ei prorsus contrarium sit. Ex ista enim lege Primitiæ fructuum in ipso Dei templo, & coram altari offerendæ erant, Deuteron. cap. 26. & sæpe alibi. Hic autem id diserte prohibetur, & contrarium planè constituitur, ut scilicet non ad altare, sed ad Episcopi ædes mittantur. Et quidem ipsa fructuum & primitiarum oblatio longè ante legem cæremonialem instituta fuit. Nam Cain obtulit מִפְרִי הָאָרֶץ מִנְחָה לַיהוָה *ex fructu terra munus Domino*, Gen. 4. Ab ipsâ itaque mundi origine obtinuit, vel ex positivo Dei mandato, vel ex lege naturali ortum habens, cùm nihil rationi magis sit consentaneum, quam ut primitiæ fructuum Deo offerantur, à quo eos aliaque omnia gratis accipimus. Ac propterea hujusmodi oblationes fieri hoc Canone non jubetur, sed cavetur duntaxat, quomodo faciendæ sunt: ut fructus nimirum & primitiæ non super altare, nec in templo Dei, ut lege Cæremoniali præcipitur, offerantur, sed ad Episcoporum ædes comportentur, ut ab illis cum Presbyteris distribuantur. Quod itaque cæremoniale fuit in hujusmodi oblationibus hic abrogatur, ac proinde ab ipsis Apostolis sanciri potuit hic Canon, qui legem cæremonialem Dominicâ morte abrogatam docuerunt.

VII. Fruges autem ac primitias, de quibus hoc Canone agitur, in primitivâ Ecclesiâ à fidelibus offerri solitas esse, ex antiquis ejusdem monumentis patet. Inter Constitutiones enim Apostolicas vulgo dictas, quas, licet non vere Apostolicas, antiquas tamen esse nemo dubitat, una de primitiis decimisque agit, præcipiens, ut omnes primitiæ offerantur Episcopo, & Presbyteris, & Diaconis, ad eorum alimentum, utque omnes decimæ offerantur ad alendos reliquos Clericos, & virgines, & viduas, & pauperes. Αἱ δὲ ἀπαρχαὶ, inquit, τῶν ἱερῶν εἰς ἢ τῶν αὐτοῖς ἐξυπηρετημένων Ἀρχόνων, *Primitiæ enim Sacerdotum sunt & iis ministrantium Diaconorum.* Constit. Apostol. Lib. VIII. cap. XXX. Præterea Synodus Gangrena iisdem fere temporibus ac Nicæna, habita, Eustathianos inter alia condemnat, propterea quod καρποφορίας τε τὰς ἐκκλησιαστικὰς τὰς ἀνάγκας διδομένης τῇ ἐκκλησίᾳ, ἑαυτοῖς ἢ τοῖς σὺν αὐτοῖς ὡς ἀγίοις τὰς Ἀγρόσεις πεισμένοι, *Primitias etiam fructuum atque eorum oblationes, quas veterum institutio Ecclesia tribuit, sibi met & suis tanquam sanctis dispensandas vendicarent.* Syn. Gangr. in præf. Hinc iidem Patres Canonem huic Apostolico similem ediderunt, præcipientem, ut is qui fructus Ecclesiæ oblatos accipere vel distribuere audet extra Ecclesiam, præter Episcopi sententiam, vel ejus cui cura eorum commissæ est, sit anathema. Syn. Gangr. Can. VII. Unde constat hunc in Antiquiori Ecclesiâ ritum obtinuisse, ut non modo fructus à fidelibus offerrentur, sed & eorum distributio penes Episcopum esset, juxta quod hoc Canone Apostolico definitur.

aitur. Quinetiam eodem, hoc est, quarto nondum finito seculo Patres Carthaginenses decretum de primitiis ritè offerendis ediderunt, quod etiamnum extat in Codice Canonum Ecclesiæ Africanæ, nostræ editionis Canon. XL. Iisdem diebus Gregorius Nazianzenus hæc scripsit, ὡς περ ἀπαρχὰς ἀλωνὸς τε καὶ ληνῶ, καὶ τέκνων τὰς ἀληθῶς φιλοτέκνας ἀναπνεύειν θεῷ, δίκαιόν τε καὶ ὀσιον, ὅτι παρ' αὐτῶ καὶ ἡμεῖς αὐτοὶ καὶ τὰ ἡμέτερα, *Quemadmodum aræ & torcularis primitias, & filiorum eos qui vere filios amant, Deo consecrare justum & pium est, quoniam ab ipso & nos ipsi & nostra omnia sunt.* Greg. Naz. Epist. 80. ad Aerium & Alypium. Adhæc concilium Hispalense Anno IJXC. habitum decrevit, ut *Omnes primitias ac decimas tam de pecoribus quam de frugibus dives simul ac pauper Ecclesiis suis rite offerant,* apud Ivon. part. 2. c. 174. Quod si hæc recentiora sint testimonia, quam quibus fides in re adeo antiquâ habeatur, alii, iique antiquissimi, & omni exceptione majores præsto sunt testes, Irenæus, & Origenes. Irenæus enim de Servatore nostro verba habens, *Sed & suis, inquit, discipulis dans consilium primitias Deo offerre ex suis creaturis, non quasi indigenti, sed ut ipsi nec infructuosi nec ingrati sint, eum qui ex creaturâ panis est, accepit & gratias egit.* Iren. adv. hæ. lib. 4. cap. 32. *Offerre igitur oportet Deo primitias ejus creature.* Et nonnullis interjectis, *Oportet enim nos Oblationem Deo facere, & in omnibus gratos inveniri fabricatori Deo, in sententiâ purâ, & in fide sine hypocrisi, in spe firmâ, in dilectione ferventi, primitias earum quæ sunt iis creaturarum offerentes; & hanc Oblationem Ecclesia sola puram offert Fabricatori, offerens ei cum gratiarum actione ex creaturâ ejus.* Ibid. cap. 34. Et Origenes, postquam dixisset Celsum velle ut Primitiæ dæmonibus dicarentur, addit, ὡς ἡ τὰς ἀπαρχὰς ἀποδιδώμεν, τῷ τῷ καὶ τὰς εὐχὰς ἀναπέμπομεν, *Nos autem cui primitias offerimus, ad eundem etiam preces nostras dirigimus.* Orig. cont. Cels. lib. 8. pag. 400. E quibus omnibus videre est, veterem ipsamque primitivam Ecclesiam in eâ fuisse sententiâ, quod etiam post abrogatam legem cæremonialem Primitiæ à fidelibus Christianis offerri debeant: quodque earum oblatio ab ipsis Ecclesiæ primordiis instituta fuit. Quo factum est ut Euchologio variæ extant precandi formulæ pro iis qui fructus suos offerunt, ut 'Ευχὴ πρὸς τῶν προσφερόντων ἀπαρχὰς ὁπώρας. Item 'Ευχὴ ὅτι τῶν καρποφορούντων. Quinetiam in Veteri Latino D. Gregorii Sacramentario, ejusmodi oratio habetur his verbis concepta, *Domine, qui cælum & terram & omnia creasti, te supplices quasumus, ut hunc fructum novum benedicere & sanctificare digneris, & multiplicare abundanter offerentibus tibi, ut repleas eorum cellaria cum fortitudine frumenti & vini, ut letantes in iis referant tibi Deo omnipotenti laudes & gratias.* Quæ cum ita sint, nemini mirum esse videatur, quod unus ex antiquis hisce Canonibus de Primitiis & fructibus rite offerendis agat. Cùmque Dallæus aliud non habuit, ex quo hunc Canonem ab ipsis Apostolis non constitutum fuisse contra Turrianum probaret, nisi quod Primitiarum in eo occurrat mentio, quæ ab Ecclesiâ perpetuo, ut constat, oblatae sunt, nihil saltem ex hoc Canone colligere licet, quod no-

stræ opinioni refragatur, quæ hæc Canones non ab ipsis Apostolis, sed à Primitivâ Ecclesiâ multis post Apostolos annis conditos, pluribusque collectos fuisse statuit. Primitias enim ante quartum saltem seculum à fidelibus oblatas, & ab Episcopis distributas esse, nemo, ut opino, modo inficias ibit.

C A P U T I I I.

Synopsis.

I. Canones Apost. V. & VI. adversariis iudicibus, & ævo & doctrina Apostolorum consentanei sunt.

II. Canon VII. defenditur, ac illustratur. *Asiana tantum Ecclesia Pascha quartadecima lunâ celebrabant.*

III. Idem quod hoc Canone continetur, à primitivis Synodis ex Apostolicâ traditione constitutum fuit.

IV. Canones V. II. & IX. de frequenti Communione agentes illustrantur.

V. Primitivi Christiani quandocunque sacros habebant conventus, mystici corporis sanguinisque Christi participes erant.

VI. Sacrorum conventuum & Eucharistie in iis celebrande modus antiquus, è *Iustino M.* illustratur.

VII. Hoc Sacramentum in omnibus pri-

morum Christianorum conventibus celebratum fuisse, è *Plinio secundo*, *Tertulliano*, & *Clemente Alexandrino* ostenditur.

VIII. Plurimi è primitivis Christianis quotidie communicabant. *Egregius* de eâ re *D. Ambrosii* locus. *S. Basilii* quater saltem singulis septimanis communicavit. *D. Chrysostomi* exhortatio ad frequentem communionem.

IX. Ipsi Apostoli Eucharistiam frequenter celebrare consueverunt. *Kαὶ οἱ αὐτοὶ ἐν Ἀττ. Apost. idem quod ἐν οἰκῳ.*

X. Qui à frequenti Communione se abstinent, merito excommunicantur, juxta quod hoc Canone Apost. constituitur.

I. QUINTO è Canonibus Apostolorum cautum est, Ne Episcopus, Presbyter, aut Diaconus uxorem suam sub religionis pretextu ejiciat, Sexto, ne quis eorum seculares curas suscipiat. Qui duo Canones S. Apostolorum Doctrinæ ac ævo utque adeo consentanei sunt, ut ipse acutissimus *Dallæus* nullum ex iis argumentum exculpere posset, quo ab ipsis eos Apostolis non sancitos esse demonstraret. Quibus propterea intactis ad septimum stylo properato transilit.

II. Septimus vero Canon sic habet, Εἰ τις ἐπίσκοπος, ἢ πρεσβύτερος, ἢ διάκονος ἢ ἀγίαν ἡμέραν πρὸς τὴν ἑορτὴν ἰουδαίων μὴ ἰσδαίων ἀπικέσθαι, καθαιρεῖται. Si quis Episcopus, vel Presbyter, vel Diaconus Sanctum Pascha diem ante verum *Aequinoctium* cum *Judeis* celebraverit, deponatur.

Hunc

Hunc Canonem & S. Apostolis abjudicandum, & veteri Ecclesiæ incognitum fuisse, ex eo arbitratur Dallæus, quod id ipsum quod hic sub depositionis pœnâ vetatur, diu in multis iisque Sanctissimis parœciis, imo diœcesibus Asiæ, Orientis, & Syriarum servatum fuit. De Pseudep. lib. 3. cap. 15. Quod quidem de Asianâ diœcesi verum esse confiteor, non item de reliquis, si de istis saltem loquamur temporibus quibus Victôr Romanæ, & Polycrates Asianæ Ecclesiæ præerat, hoc est, de secundo ad finem vergente seculo, quo hæc de Paschatis celebrandi die quæstio tantâ vehementiâ agitata fuit. Eusebius enim omnes quidem per Asiam Ecclesias vetustâ quadam traditione nixas quartadecimâ lunâ Paschæ salutaris diem, in quamcunque demum septimanæ feriam inciderit, celebrasse scribit: Addit autem ὅτι ἐκ τῶν ὀντων τῶν ἐπιλεγειν τὸ πρῶτον ταῖς ἀνά τ' λοιπὴν ἀπασαν οἰκουμενικὴν ἐκκλησίαν ἐξ Ἀποστολικῆς παράδοσεως τὸ καὶ εἰς δόξον κρητῆσαν ἐθετο, φυλαττέσας ὡς μὴ δι' ἑτέραν προσήκειν πρὸς τὴν ἀναστάσεως & σωτῆρος ἡμῶν ἡμέραν τὰς νηστείας ἐπιπύεσθαι. *Cum tamen reliquæ omnes totius orbis Ecclesiæ alio modo utebantur, qui ex Apostolicâ traditione profectus etiamnum servatur: ut scilicet non alio quam resurrectionis Dominica die jejunia solvi liceat.* Euseb. Hist. Eccles. lib. 5. cap. 23. Exceptâ igitur diœcesi Asianâ, quæ in notitiâ imperii proprium sibi Proconsulem, & in notitiâ Ecclesiæ proprium Metropolitanum, Polycratem scilicet, habebat, reliquæ omnes per universum terrarum orbem Ecclesiæ Pascha tunc temporis non cum Judæis, sed juxta præsentem Canonem celebrabant. Et quidem ut Polycrates, qui omnibus Asiæ Episcopis, qui Paschalem celebritatem quartadecimâ lunâ cum Judæis peragebant, præfuit, sese suamque Ecclesiam hâc in re traditionem à S. Johanne, Philippo aliisque viris Apostolicis acceptam sequi asseruit; Sic & aliæ omnes Ecclesiæ se festum istud ἐξ Ἀποστολικῆς παράδοσεως celebrare affirmarunt. Adeo ut Apostolica traditio in utramque partem laudata fuerit.

III. Cùm omnes igitur Ecclesiæ, præter Asianam, Paschalem festivitatem secundo labente seculo juxta præsentem Canonem observarint, idque ex Apostolicâ, ut aiebant, traditione, veri plusquam simillimum est, aliquem si non plures ex Apostolis, vel viris saltem Apostolicis, vel exemplo suo vel præcepto id tradidisse quod hoc Canone constituitur. Alioquin enim incredibile prorsus est, ut celeberrimæ omnium Ecclesiæ Romana, Hierosolymitana, Alexandrina, & reliquæ omnes unâ exceptâ Asianâ; tantâ concordia in eundem ritum conspirarent, eundemque ipsis Apostolis, proximo post eos seculo, acceptum referrent. Hoc saltem constat, id quod hoc Apostolico Canone continetur, ante secundum finitum seculum à plurimis Synodis Provincialibus, Romanâ sub Victore, Palæstinâ sub Theophilo Cæsariensi & Narcisso Hierosolymitano, Ponticâ sub Palmâ, Gallicanâ sub Irenæo Lugdunensi, necnon ab aliâ in Osroënæ provinciâ, celebratâ, sancitum editumque fuisse. Ipsas enim harum Synodorum Epistolas de hac re scriptas, usque ad Eusebii ætatem extitisse, ipse testatur, Hist. Eccl. lib. 5. cap. 23. Quin ab istis itaque diebus hic Canon constitutus fuerit, nemo dubitare potest. Nihil enim in eo occurrit, quod non in istud mul-

tò melius quam in aliud quodcunque seculum quadrat. Saltem post Nicænam Synodum, quæ hanc de Paschali celebritate quæstionem verbis disertissimis ita definivit, ut istius definitioni omnes protinus Ecclesiæ consentirent, nihil magis absurdum esse potest, quam ut talis, qualis est hic Apostolicus Canon ederetur, qui idem sane quod Synodus ista sanxit, sed adeo breviter atque obscurè, ut nisi ex præcognitâ Ecclesiæ primitivæ historiâ vix intelligi possit. Nihil enim statuit, præterquam, ne Pascha ante vernum Æquinoctium cum Judæis peragatur. At Synodus Nicæna Paschales terminos accuratè constituit, & decrevit, ut celebritas ista post Æquinoctium vernum ut tunc temporis commissum, sive post Mart. XXI. necnon ut post quartam decimam lunam isti Æquinoctio proximam, & denique ut die dominicâ quartam decimam istam consequente perageretur. Si autor igitur Apostolici hujusce Canonis post editam istam Concilii Nicæni sanctionem vixisset, exactius istum propiusque ad Universalis Synodi rationem procul omni dubio condidisset. Hic ergo Canon tantum abest, ut materiam suspicandi præbeat, se ante quintum adultum seculum non natum fuisse, ut ipse potius se Synodo Nicænâ antiquiorem esse testetur.

IV. Proximi duo Canones de Eucharistiâ à fidelibus Laicis pariter atque Clericis percipiendâ agunt, edicuntque, octavus quidem, Εἰ τις ἐκ τῶν πρεσβυτέρων ἢ πρεσβύτερος, ἢ διάκονος, ἢ ἐκ τῆς κατὰ λόγον ἑορτατικῆς περισφορῆς γενόμενης μὴ μεταλάβοι, τὴν αἰτίαν εἰπάτω, καὶ εἰάν τις ἀλόγως, συγνώμης τυγχάνετω· εἰ δὲ μὴ λόγος, ἀφορίζεσθω, ὡς αἴτιος βλάβης γενόμενος τῷ λαῷ, καὶ ὑπόνοιαν ἐμποιήσας τῇ ἑορτατικῇ, ὡς μὴ ὕμῳ ἀνεγχεσθῆναι. Si quis Episcopus, vel Presbyter, vel Diaconus, vel ex Sacerdotali Catalogo, factâ oblatione non communicaverit, causam dicat, & si probabilis fuerit, veniam consequatur. Si autem non dicat, segregetur, ut qui populo offensionis causa sit, & suspicionem det adversus eum qui obulit, tanquam non recte offerentem. Nonus autem, Πάντες τὰς εἰσόντας πύλας καὶ τὰς χειρῶν ἀκρόντας, μὴ παρεμύοντες τῇ τῇ περὶ εὐχῆς καὶ τῇ ἀρχῇ μεταλήψι, ὡς ἀξίας ἐμποιήσαντες τῇ ἐκκλησίᾳ, ἀφορίζεσθω χεῖρ. Omnes fideles qui ingrediuntur & scripturas audiunt, in precatione autem & sanctâ Communione non permanent, ut Ecclesiæ confusionem afferentes, segregari oportet. Hisce duobus Canonibus nihil objecit Dallæus, præterquam eos à Romanâ hodie Ecclesiâ non observatos esse : Jam octavum, inquit, nonumque Canones, Romana certè Ecclesiâ quos abrogavit, Apostolicos non esse eo ipso confessâ est. Quis enim eam quod ab Apostolis Domini præceptum sancitumque esse putaret, neglecturam, violaturamque fuisse crediderit ? Dall. de Pseudep. lib. 3. cap. 15. Esto Romana Ecclesia hos Canones ab ipsis Apostolis non sancitos fuisse credidit. Idem & nos credimus, si de ipsis Canonum verbis intelligatur. Hæc autem decreta Apostolicæ doctrinæ consona esse, ipse Dallæus negare nequit. Verum Romana, inquit, Ecclesia, hos Canones violavit, indesque violat. Ita prorsus est. Sed ipsa id viderit, nostra enim haudquaquam refert, qui nihil laboramus, utrum hi Canones à Romanâ Ecclesiâ violati, sed utrum à primitivâ observati fuerint. Si hoc enim constiterit, nostra de his Canonibus sententia

sententia firma manebit, & immobilis, etiam si non à Romanâ modo, sed & ab aliis quibuscunque Ecclesiis hodierno die violentur.

V. Verumenimvero licet in Romana Ecclesiâ ille solus qui confecit, Eucharistiam sæpe assumit, licetque ultimis hisce diebus plerique, qui Christi nomen præ se ferunt, à primitivorum Christianorum moribus degeneres, in aliis quas scimus omnibus Ecclesiis, postquam sacras scripturas lectas ac expositas audierunt, satiati contentique discedunt, sacrosanctam Eucharistiam susque deque habentes, ac si res adiaphora esset, & nullius planè momenti, idem tamen de primitivis etiam Christianis vel dicere vel cogitare religio est. Illi enim Dominici illius præcepti, *τὸ πρῶτον εἰς τὴν ἐμὴν ἀνάμνησιν*, perpetuo memores, nefas duxerunt à publicis Ecclesiæ cœtibus recedere, priusquam Sacramenti corporis ac sanguinis Christi participes essent. Idque etiam si in omnibus eorum solennioribus saltem synaxibus distributum esset. Adeo ut quandocunque ad Publicum Dei cultum conveniebant, Spirituali hoc cibo repleti fuerint: Christum à se cultum non opinantes, nisi summum hoc maximumque Religionis Christianæ mysterium celebrassent. Quod ne gratis dictum videatur, illud ex vetustissimis quæ extant Ecclesiæ monumentis demonstrare non pigebit. Quo nos qui eandem quam primitivi Christiani fidem profiteamur, eorum exemplo ducti, in sacrâ hac percipiendâ Communionem quam creberrimi in futurum sumus. Unde etiam patebit, hos Canones tam Clericis quam Laicis, quotiescunque fit oblatio, communicare sub gravissimis pœnis præcipientes, ut ut ab Ecclesiâ Romanâ aliisque hodie violatos, Primitivæ nihilominus & Apostolicæ Ecclesiæ ita accommodatos esse, ut nemini mirum videatur, si ab eâ constituti sunt.

VI. Ut sciamus autem quomodo primi religionis nostræ cultores ac confessores in publicis ipsorum congregationibus se gesserint, quidque ibi fecerint, neminem melius quam Justinum Martyrem consulere possumus: utpote qui statim post ipsos Domini Apostolos vixit. Hic autem in doctissimâ illâ quam pro Christianis scripsit Apologiam ad Antoninum Pium missâ, omnia fusa & sincerè tradidit, quæ Christiani ad communes preces congregati istis diebus peragere solebant. Dicit autem quod precibus finitis, mutuis se invicem osculis salutabant. Deinde ei qui fratribus præerat, offerebatur Panis, & poculum aquæ & vini, quibus acceptis ille laudem & gloriam rerum universalium Patri per nomen Filii & Spiritus sancti offerebat, & Eucharistiam sive gratiarum actionem pro eo quod ipsos donis hisce suis dignatus est, prolixè exequiebatur. Ubi autem preces ac gratiarum actiones ille absolvit, populus qui aderat, omnis fausta approbatione acclamabat Amen. Præsidens porro postquam gratiarum actionem perfecerat, & populus universus appreciatione lætâ eam comprobaverat, Diaconi distribuebant unicuique præsentium, ut participaret eum in quo gratiæ actæ fuerant panem, vinum, & aquam, & ad absentes perferebant, *Καὶ ἡ προφή, ἡ αὐτὴ καλεῖται παρ' ἡμῶν Ἐυχέλεια*. Et hoc alimentum vocatur à nobis Eucharistia. Hoc modo & quidem toridem fere verbis S. Justinus M. Eucharistiam ut suis diebus celebratam describit. Unde nihil dubii esse potest quin primitivi Christiani

quotiescunque ad publicas Ecclesiæ preces conveniebant, Eucharistiam etiam celebrarint: quam quidem istis temporibus, tanti, ut par est, faciebant, ut eam omnibus omnino Christianis summè necessariam esse crederent. Usque adeo ut non modo illi qui precibus & synaxi intererant, eam participarent omnes, sed & isti etiam qui morbo aut necessitate aliquâ impediti sunt, quo minus interesse poterant. Ad eos enim per Diaconos missa est. Paucis autem interjectis idem doctissimus Pater solenniores hosce Christianorum conventus ut suâ ætate peractos, planius describit, hoc modo. Τῇ δ' ἡλίου, inquit, λεγομένη ἡμέρῃ, Solis qui dicitur die, omnium qui vel in urbibus vel ruri degunt, in eundem locum conventus fit. Et commentaria Apostolorum aut scripta prophetarum, quoad tempus fert, leguntur. Deinde Lectore quiescente, Presidens orationem habet, quâ populum instruit, & ad imitationem tam pulchrarum rerum cohortatur. Sub hac consurgimus communiter omnes, & preces profundimus: Precibus autem peractis Panis offertur, & vinum & aqua. Et Presidens iterum, quantum pro virili suâ potest, preces & gratiarum actiones fundit, & Populus fauste acclamat Amen. Καὶ ἡ διάδοσις, καὶ ἡ μετέληψις τοῦ ᾧ εὐχαριστηθέντων ἐκαστῷ γίνεσθαι, ἢ τοῖς ὁ παρῶσι διὰ τῶν διακόνων πέμπεσθαι. Et distributio communicatioque fit eorum in quibus gratie sunt actæ cuique præsentī, & absentibus per Diaconos mittitur. Hæc verba eo transcripsimus, quod dignissima sint quæ ab omnibus observentur, quodque clarissime ostendant, omnibus tunc temporis Christianis solenne fuisse, Eucharistiam unaquaque hebdomade unâ celebrare. Ut ex his enim Apostolici viri verbis patet, omni die Solis sive Dominico, omnes Christiani sive in oppidis, sive ruri degentes, in unum convenire solebant. Congregati autem commentaria Apostolorum vel alias Scripturas audiebant, precesque suas communes, & gratiarum actiones Deo omnipotenti fundebant. Quibus peractis, preces & gratiarum actiones Eucharisticas celebrabant, quibus scilicet Elementa oblata in mysticum corpus & sanguinem Christi consecrantur. Quæ consecrata omnibus præsentibus, omnibus qui precibus intererant, & sacras Scripturas audierant, distributa sunt & ab iis participata. Nemo itaque prius exibat, quam spiritali hoc cibo pascuus esset. Ac proinde hi duo Canones Apostolici nihil aliud præcipiunt, nisi ut Apostolica illa primorum Christianorum in publicis suis conventibus disciplina, à S. Justino M. descripta, ab omnibus accurate observetur, qui in Ecclesiæ Communionem manere cupiunt.

VII. Idem de primis illis Christianis ex ipso etiam Plinio secundo, eorum adversario, colligere est. Is enim in literis ad Trojanum missis, Imperatorem certiorē facit, quod nonnulli qui aliquando fuerant, sed jam desierant esse Christiani, affirmabant hanc fuisse summam vel culpa sue vel erroris, quod essent soliti stato die ante lucem convenire, carmenque Christo quasi Deo dicere secum invicem, seque Sacramento non in scelus aliquid obstringere, sed ne furta, ne latrocinia, ne adulteria committerent, ne fidem fallerent, ne depositum appellati abnegarent, quibus peractis morem sibi discedendi fuisse, rursusque cocundi ad capiendum cibum. Plin. Epist. lib. 10. cap. 97. Stato ergo diē, hoc est, Domi-

Dominico convenire solebant, idque ante lucem ne persecutioni, quæ in ipsos sæviebat, se obnoxios redderent. In istis autem cœtibus licet Antelucanis, ut hymnos Christo quasi Deo secum invicem canebant, sic & Sacramento se obstringebant, ne quid mali perpetrarent, quod quidem de alio intelligi nequit, quam de corporis sanguinisque Christi Sacramento. Nec mos erat discedendi priusquam hæc omnia peracta essent. Quinetiam hoc Sacramentum & in illis ante lucem habitis, & in aliis quibuscunque solennibus Christianorum cœtibus celebratum fuisse, Tertullianus attestatur dicens, *Eucharistia Sacramentum, & in tempore victus, & in omnibus mandatum a Domino, etiam antelucanis cœtibus, nec de aliorum manu quam presidentium sumimus.* Tertull. de coronâ mil. cap. 3. Et ne plura in re adeo perspicuâ accumulamus testimonia, Clemens Alexandrinus unumquemque synaxi præsentem Eucharistiæ participem fuisse his verbis docet, ἡ ἢ τῶ ἐὺχαριστίαν πὺς διανέμονται, ὡς ἐστὶ, αὐτὸν ἢ ἐκαστον ἔλαβεν τῶ μοῖρον ὁπότερυσιν. *Quemadmodum Eucharistiam cum quidam dividerint, ut mos est, unicuique ex populo ejus partem sumere permittunt.* Clem. Alex. Strom. l. 1.

VIII. Sed non omittendum est, Veteres Christianos tanto Christi amore & mystici ejus corporis sanguinisque desiderio flagrâsse, ut non Dominicis modo, sed & indies, si fieri potuit, communicarent. D. Cyprianus, *hunc autem panem, inquit, dari nobis quotidie postulamus, ne qui in Christo sumus, & Eucharistiam quotidie ad cibum salutis accipimus, intercedente aliquo graviore delicto, dum absenti & non communicantes, à cœlesti pane prohibemur, à Christi corpore separemur.* Cyprian. de Orat. Domin. Hunc morem ad suam usque ætatem Romæ obtinuisse subindicat D. Hieronymus, ubi ait, *Scio Romæ hanc esse consuetudinem, ut fideles semper Christi corpus accipiant.* Hieron. Apol. adv. Jovinian. Divus etiam Ambrosius omnes ad quotidianam hujus Sacramenti participationem adhortatur, Græcosque reprehendit quod contrariam introduci consuetudinem permisissent. Verba doctissimi Patris dignissima sunt quæ præ oculis semper habeamus. Unumquemque enim Christianum hoc modo alloquitur, Si quotidianus est panis Eucharisticus, cur post annum illum sumis, Quemadmodum Græci in Oriente facere consueverunt? Accipere quotidie, quod quotidie tibi profit. Sic vive ut quotidie merearis accipere. Qui non meretur quotidie accipere, non meretur post annum accipere. Quomodo Job Sanctus pro filiis suis offerebat quotidie Sacrificium, ne forte aliquid vel in corde vel in sermone peccassent. Ergo tu audis quod quotienscunque offertur Sacrificium, mors Domini, resurrectio Domini, elevatio Domini significetur, & remissio peccatorum. Et panem istum vitæ non quotidianum assumis? Qui vulnus habet, medicinam requirit. Vulnus est quia sub peccato sumus. Medicina est cœlestis & venerabile Sacramentum. Panem nostrum quotidianum da nobis hodie. Quotidie si accipis, quotidie tibi hodie est. Si tibi hodie est Christus, tibi quotidie resurgit. Ambros. de Sacrament. lib. 5. cap. 4. vide & lib. 4. cap. 6. Eadem fuit S. Basilii sententia, dicentis, Καὶ τὸ κοινωνεῖν κατ' ἐκάστῃ ἡμέρῃ ἢ μεταλαμβάνειν ἢ ἀγία σῶμα, ἢ αἷμα, ἢ χεῖρ, καλὸν ἢ ἐπωφελες. αὐτὸς σιῶς

σαφῶς λέγουσι, ὁ τρώγων με τὴν σαρκὰ, ἢ πίνων με τὸ αἷμα, ἔχει ζωὴν αἰώνιον· τίς γὰρ ἀμφισβῆται, ὅτι τὸ μετέχειν συνεχῶς τῆ ζωῆς, ἔστιν ἢ ζῆν παρὰ χρόνον; *Singulis autem diebus communicare & participare Sancti Corporis & Sanguinis Christi, bonum est & perutile. Cum ipse perspicue dixerit, qui comederit carnem meam, & biberit sanguinem meum, habet vitam aeternam. Jam vero quis dubitet, quin vite frequenter participem fieri, nihil aliud sit omnino quam frequenter vivere?* Basil. Epist. 289. ad Cæsariam Patriciam. Ubi etiam statim subdit, se quater saltem singulis septimanis communicare. Dominicâ, feriâ quartâ, parasceve & sabbato, necnon in martyrum memoriis. Ἡμεῖς μὲν ποιεῖ, inquit, πᾶσιν καθ' ἐκαστὴν ἐβδομάδα κοινῶν ἡμῶν, ἐν τῇ κυριακῇ, ἐν τῇ τελευτῇ, ἐν τῇ παρεσβύτῃ, ἢ τῇ σαββάτῳ. ἢ ἐν ταῖς ἄλλαις ἡμέραις ἐὰν ᾖ μνήμη μάρτυρός πινῶ. *ibid.* Unde liquet D. Ambrosii verba superius laudata, Græcos non nisi post annum Eucharistiam sumere consuetos esse, non intelligenda esse de iis qui se totos pietati devovissent, sed de vulgo solo Græcorum, qui salutis suæ parum consulebant. In ipsâ enim Ecclesiâ Orientali antiquus hic Eucharistiam quotidie celebrandi ritus adhuc obtinebat, ut è D. Chrysostomo colligere est, sic perorante, Ἐν μὲν τοῖς ἀλλοῖς καιροῖς ἔδεν καθαροὶ πολλοὶ ὄντες προσέρχεσθαι, ἐν δὲ τῷ πάσχα, καὶ ἢ π. πολυμύθον ὑμῖν, πρόστι. ὡς τῆς σωτηρίας, ὡς τῆς προσλήψεως. εἰκὴ ἵστιά καθήμενῃ, εἰκὴ παρεσκήκαμεν τῷ ἱστασθῆναι· ἔδεις ὁ μετέχων. *In aliis quidem temporibus plerumque nequidem puri existentes acceditis. In Pascha autem etiam si scelus aliquid à vobis admissum sit, acceditis. Oh consuetudinem! Oh praesumptionem! Frustra est quotidianum sacrificium. Frustra adstantis altari, nemo est qui participat.* Chrys. in Epist. ad Ephes. λογ. γ. p. 778. Ed. Savil. Quæ quidem verba clarissime demonstrant, καθημερινῶς ἵστίαν, *Quotidianum sacrificium* in Ecclesiâ Orientali tunc temporis celebratum esse, etiam si Christianorum ardor adeo refrixisset, ut pauci admodum communicarent. Hinc est quod idem eloquentissimus Pater tanto zelo pariter atque elegantia auditores suos ibidem ad frequentem Communionem excitet; ad hunc modum eos compellans. Frustra adstantis altari: nemo est qui participat. Hæc dico non ut participetis solummodo, sed & vos Communionem dignos reddatis. Non es dignus Sacrificio nec participatione? ergo nec prece dignus es. Audis præconem stantem & dicentem, *Quicumque estis in pœnitentiâ, abite.* Omnes qui non participant, sunt in pœnitentiâ. Si es ex iis qui sunt in pœnitentiâ, non debes communicare. Nam qui non communicat, est in pœnitentiâ. Cur ergo dicit, abite qui non potestis precari, tu autem stas impudenter? At non es ex his sed ex iis qui possunt participare. Et nihil curas? Rem nihili esse putas? Considera quæso. Adest mensa Regia: adstant Angeli ministrantes, adest Rex ipse: & tu stas oscitans? Vestes tibi sunt sordidæ? & nulla à te hujus habetur ratio? Sunt mundæ? Accumbe igitur, & participato. Hæc D. Chrysostomus, aliaque quam plurima eodem in loco profert, quæ attentum, piumque lectorem non possunt non inflammare ad frequentissimam Dei in hujus sacramenti participationem, quod ipse Dominus ac servator noster Jesus Christus in sui ipsius recordationem nobis instituere dignatus est.

IX. In Primitiva itaque Ecclesiâ, qui religionem Christianam sincerè coluerunt, hi sæpius, illi rarius, sed nulli non dominico communicare consueti sunt. Quod etiam à S. Augustino docemur, dicente, *Alii quotidie communicant corpori & sanguini Dominico: alii certis diebus accipiunt: Aliibi nullus dies intermittitur quo offeratur, alibi Sabbato tantum & Dominico: Aliibi dominico tantum.* Aug. Epist. 118. ad Januar. Et quidem licet hoc mirum nostris diebus videatur, quibus magnum hoc Sacramentum ubique propèdum neglectui plus nimio habetur, nihil tamen aliud est, quam quod ab ipsis Domini Apostolis usitatum fuit. Hi enim καθ' ἡμέραν τε θεσσαλονικεύς ὁμοθυμαδὸν ἐν τῷ ἱερῷ, κλῶντές τε κατ' οἶκον ἄρτον, μετελάμβανον τροφῆς ἐν ἀγαλλιάσει ἢ ἀφελότητι καρδίας. Act. II. 46. Ubi viri eruditi observarunt, κατ' οἶκον idem esse atque ἐν οἴκῳ in domo vel conclavi aliquo ad Templ. pertinente, quod fortasse erat ὑπερώϊον illud, quò Apostoli post Domini ascensionem ad sacra celebranda ascendebant Act. I. 13. Et quidem Particulam κατὰ pro ἐν in Novo Testamento usurpatam esse nemo dubitet, qui Rom. XVI. 5. cum I Cor. XVI. 19. contulerit, ubi ἡ κατ' οἶκον αὐτῶν Ἐκκλησία nihil aliud significare potest quam Ecclesiam in domo eorum. Quomodo phrasis ista κατ' οἶκον in hoc ipso Actuum loco à Syro pariter atque ab Arabico interprete explicatur. Ille enim בבית, hic ביתא פא in domo vertit. Ex hoc itaque loco colligere licet, Apostolos in Templo quotidie perseverantes, ibidem & panem Eucharisticum quotidie comedisse. Dominicis autem diebus eò præcipuè & imprimis conveniebant, ut Divinum hoc mysterium celebrarent. Hoc ex Act. XX. 7. videre est, ubi dicitur, Ἐν ᾧ τῇ μιᾷ τῶν σαββάτων, συνηγαμένων τῶν μαθητῶν & κλάσιν ἄρτον. In primâ autem Sabbatorum sive septimane congregatis discipulis ad frangendum panem. Non quod nihil aliud tunc temporis agerent, sed quod hæc maxima sit ac præcipua pars illius cultûs, quem primâ Sabbati, sive die Dominico, Christo exhibere obstringebantur. Adeo ut quicquid hodiernis videatur Christianis, Apostolis ab ipso Christo edoctis, nihil antiquius fuit, quam ut omnibus saltem solennioribus ipsorum conventibus, Domini sui nostrique mortem, Eucharistiam ab eo institutam peragendo, commemorarent.

X. Qui præmissa æquâ iudicii lance perpendit, mirari nequit, quod in antiquis hisce Canonibus in eos, sive Clericos, sive Laicos, qui factâ oblatione non communicant, tam severe animadvertatur, ut à communione postmodum arceantur. Enimvero cum primitivis, ut ostensum est, Christianis solenne esset, Sacramentum corporis & sanguinis Domini, juxta ipsius institutionem & Apostolorum ejus exemplum participare, quotiescunque publicis Ecclesiæ conventibus interessent, adeo ut Evangelicum præceptum transgredi judicarentur, qui illud unquam omittebant, necesse erat ut Ecclesiasticâ aliquâ sanctione ad id præstandum tenerentur, ne paulatim decrecente eorum Zelo, longè improbabillima ista consuetudo introduceretur, quæ hodie, in summum ætatis nostræ opprobrium, per universam ferè Ecclesiam obtinet: ut multa nimirum maxima pars eorum, qui baptizati, & sacris Christianis imbuti, nomina sua Christo dederunt, hoc nihilominus maximum optimum-

que religionis nostræ mysterium perinde negligunt, ac si ab ipso Christo nunquam institutum fuisset. Quibus quidem nulla aptior, justiorve pœna imponi potest, quam quæ Apostolicis hisce Canonibus constituitur, ut communione scilicet priventur. Ipsi enim se prius non communicando excommunicant. Adeo ut Ecclesia hoc ab iis supplicium exigens, nihil aliud in eos sanxerit, quam ut illud coacte facerent, quod ante fecerunt voluntariè. Neque etiam tales Christianorum communione digni habeantur, qui se ab ipsis Christi communione sponte & nefariè subducunt. Et hinc est quod Synodus etiam Antiochena antiquam hæc primitivæ Ecclesiæ legem renovans, eandem ab istius violatoribus pœnam expetierit, Can. II.

C A P U T I V.

Synopsis.

- I. Canon Apost. XVII. de digamis & concubinariis non ordinandis vindicatur.
- II. Canones XXI. XXII. XXIII. de Eunuchis defenduntur. Valesii heretici his Canonibus occasionem dedisse videntur, vel post eos Origenes.
- III. Leontium a se castratum nec ad Laicam communionem admittendum esse affirmat S. Athanasius. Quod de solo Canone Apost. XXIV. intelligi potest, non de Nicæno I. utpote quo nihil ea de re decernitur.
- IV. Ex eo quod Epiphanius Canones Apostolicos contra Valesios non laudavit, nequaquam sequitur eos tunc temporis non extitisse.
- V. Canones Apostolici XXVII. & XXX. de Episcopis, Presbyteris, & Diaconis alios verberantibus, & vel pecuniâ vel secularium potestatum ope promotis agentes, vindicantur.

I. **U**Ndecim sequentes Apostolorum Canones, à Nono scilicet usque ad vicesimum primum, nihil prorsus Apostolorum vel Doctrinæ, vel ævo dissentaneum continent, ipso etiam Dallæo iudice: quippe qui licet omnibus vestigiis inquisiverit, nihil in iis invenire potuit, quod vel vitio ipsis Canonibus verteret, vel contra Turrianicam de illis opinionem objiceret, nisi quod aliqua pars Canonis XVII. ab Ecclesiâ Romanæ usu & praxi discedat. Nimirum Canon sic habet, Ὁ δὺς γάμοις συμπλακὴς μὴ τὸ βᾶπτισμα, ἢ παῖδα κληρὸς ποιῆσαι, ἢ δυνάστη εἶναι Ἐπίσκοπος, ἢ πρεσβύτερος, ἢ διάκονος, ἢ ὅλων τῶν κατὰ λόγον ἱερέων. Quod vero de Digamo in ordinem Sacerdotalem non admittendo hic asseritur, & Apostolicæ & Primitivæ Ecclesiæ praxi ac disciplinæ consonare, ex D. Paulo, Origene, Tertulliano aliisque antiquis Ecclesiæ scriptoribus in Annotationibus ad hunc Canonem

Canonem ostendimus. Idem de Concubinario Dallæus negare nequit, ac propterea observat tantummodo quod id ab Ecclesiâ Romanâ intolerabile ducitur: cujus est hic, inquit, Canon, *Concubinatum irregularitate non puniri*. Dall. de Pseudep. lib. 3. cap. 16. Verum ut corrupta sit in hâc aliisve rebus hodierna Ecclesiæ Romanæ praxis, id Canones hosce minime attingit, nedum antiquitatem eorum elevat. Quos quidem si Ecclesia illa religiose observasset, istâ saltem corruptione nunquam contaminata fuisset. Nos autem hoc in loco non de Ecclesiâ Romanâ, sed de Canonibus Apostolicis disputamus: Quos omnes à primitivâ Ecclesiâ non constitutos esse, hodierna nec Romanæ, nec aliâs cujuscumque Ecclesiæ contraria praxis ullam suspicandi materiam præbere potest.

II. Ab istâ itaque sive XVII. Dallæus ad tres istos Canones transit, qui de Eunuchis agunt. Hi sunt primus, secundus, & tertius supra vicesimum. Quorum primo quidem cautum est, ut Eunuchus, si ex hominum injuriâ factus sit, vel in persecutione virilibus privatus, vel sic natus, & dignus sit, Episcopus fiat. Secundus, ut qui seipsum mutilavit, ne sit Clericus, ut qui sui homicida sit, & Dei opificii hostis. Tertio, ut si quis cum sit Clericus, seipsum mutilaverit, deponatur, ut sui homicida. Quibus etiam proximus sive vicesimus quartus adjungatur præcipiens, ut Laicus qui seipsum mutilavit, tribus annis segregetur, ut sui ipsius vitæ insidiator. Hæc decreta Dallæus *recta justaque esse fatetur. Sed tamen hujusmodi quæ non videntur ab ipsis Apostolis constituta*. Dall. de Pseud. lib. 3. cap. 17. Idem & nos persuasum habemus: eâ etiam ratione inducti, quod leges è morum vitiis & singularium peccatorum exemplis plerunque nascantur, ac proinde non verisimile est, hos in absurdum adeo perrarumque facinus constitutos fuisse Canones, priusquam eorum ferendi occasionem editum ab aliquo tanti facinoris exemplum præbuisset. Tale autem exemplum editum non legimus ante exortam Valestiorum hæresin, de quibus Epiphanius, *Ἐστὶ δὲ πάντες ἀπώτοτοι. Omnes autem castrati sunt*: Epiph. Valest. hæres. 58. ubi etiam ait, quod quemcunque hæretici isti in suam disciplinam receperint, quandiu nondum ei exsecta essent virilia, ab animatis abstinebat: Posteaquam autem sive illi persuaserint, sive violentè exsecuerint, tunc demum quodcunque cibi genus ei permittebatur. Post eos Origenes idem in se facinus perpetravit, ut tradit Euseb. Hist. Eccles. lib. 6. cap. 8. & Epiphanius. hæres. 64. Adeo ut ampla satis Canonum horum condendi materia istis saltem diebus, offretur, primo quidem à Valestis & postmodum ab Origene. Cujus facinus Demetrius Ecclesiæ Alexandrinæ Episcopus primo quidem admiratus, deinde scriptis ad omnes ubique terrarum Episcopos literis tanquam absurdissimum proscindebat, quemadmodum etiam in Annotationibus ex Eusebio à nobis observatum est. Unde verè haud dissimile nobis videri diximus, aliquos saltem eorum, si non omnes, ad quos Demetrius scripserat, in unum congregatos hâc de re deliberationem iniisse, & quatuor hosce de Eunuchis Canones vel primo constituisse, vel ante constitutos renovasse. Quod ultimum mihi magis aridire dixi, propterea quod Demetrius

Cæsa-

Cæsariensem & Hierosolymitanum Episcopos criminatus est, quod Origenem in Presbyterii gradum promovissent, nimirum contra Can. XXII. quo constituitur, ut ὁ ἀκρωτηρίασας ἑαυτὸν μὴ γενέσθω κληρικός. Aliter autem Observatori visum est, qui pag. 66. 67. probare enititur hunc Canonem Origeni non cognitum fuisse, neque Demetrio. Cum autem ad præsentem quæstionem, ad nostram saltem de his Canonibus opinionem nihil intersit, utrum paulo ante Origenem, an ex ejus facinoris occasione conditi fuerint, nihil est quod de eo laboremus. Licet enim demus Observatori, quod ipse nondum demonstravit, nec, ut opinor demonstrari potest, hos de illis qui se abscindunt Canones Origenem latuisse, vel etiam ante facinus illud ab eo patratum non extitisse, nostra tamen de iis opinio firma satis stabilisque manet, si vel ex istâ occasione constituti fuerint, quippe quæ tertio vixdum incepto seculo data fuit. Nec opus est ut hisce probandis immoremur, cum ipsum Dallæum fatentem habeamus, verisimile esse, ex Origenici facti occasione vetitum fuisse ab Ecclesiasticis Præpositis, ne quis tale quid pietatis specie vel illius viri exemplo auderet: Et si quis auderet, is è sacris submoveretur, eamque deinceps regulam & apud Ecclesias obtinuisse, & à Nicænis Patribus primo ipsorum Canone intelligi. Imo vero disertè ait, *Non ergo Apostolorum temporibus, sed secutis seculis ex Origenici facti occasione decreta, constitutaque & inde ad Nicænos Patres propagata videtur illa regula, quam ipsi hoc loco memorant.* Dall. de Pseudep. lib. 3. cap. 8. Quod quidem cum nostra opinione, quæ hos Canones Origenica circiter tempora sancitos asserit, apprimè convenit.

III. Post hæc Dallæus contra hos Canones è S. Athanasio disputat, de Leontio primo Presbytero, mox & Episcopo Antiocheno Arianarum partium, verba faciente, ejusque Origenico simile facinus invidiosissimè exagitante, nullam tamen, ut is ait, memorante Apostoli am contra istum legem, sed hæc tantum habente, Λεόντιος ὁ Ἀπόκοπος, ὃν εἰδὲ ὡς λαϊκὸν κοινωνεῖν ἔχελω, διότι ἑαυτὸν ἀπέκοψεν, ὡς ἔ μετ' ἐξουσίας λοιπὸν κοιμῶμαι μετὰ Ἐυσελίου πνὸς, γυναικὸς μὴ δὲ αὐτὸν, λεγομένης ἢ παρθένου. Leontius ille castratus, quem ne sub Laici quidem specie ad communionem admitti oportuit, eo quod seipsum abscidit, ut liberè cum Eustolio quadam dormiret, revera quidem ejus muliere, virgine autem dictâ. Athanas. Epist. ad solit. vit. agent. tom. 1. pag. 827. Ex his verbis Dallæus, nemo, inquit, non videt multo fortius & invidiosius dicturum fuisse Athanasium, si ex Apostolico Canone hanc Leontio sui facinoris mercedem deberi adjecisset. Quòd non adjecit, eo fatetur, nullum sibi eâ de re Apostolorum Canonem fuisse cognitum. Quo ergo, inquis, Canone Leontium decebat Presbyterio abdicari, & Laicâ ipsâ communionem privari? Nempe inquam, ait ille, ex Nicæno annis, antequam Leontius Presbyter fieret, aliquot condito, & ex aliquo fortasse antiquiori ab Alexandrinis ex Origenici facinoris occasione constituto. Dall. de Pseud. lib. 3. cap. 17. pag. 622, 623. Verumenimvero Leontium Eunuchum à se factum Laicâ propterea communionem ex Canone Nicæno primo hic indicato multari non potuisse, ex ipso Canone cuivis patet, utpote qui nihil plane de

Eunuchis excommunicandis dicit, sed tantum de iis in Clerum admittendis vel non admittendis agit: nullâ prorsus mentione factâ de Laicâ communionem e iis denegandâ, ut cuius Canonem legenti patet, ac proinde fieri non potuit, ut Leontius isto supplicii genere ex Canone Nicæno multaretur, quod scilicet in eo nullum memoratur. Cum Sanctus igitur Athanasius Leontium, nec ut Laicum ad communionem admitti debuisset affirmet, & de nullâ aliâ Ecclesiasticâ poenâ ei ob facinus istud à se perpetratum debitâ loquatur, ad Canonem Nicænum respicere non potuit, nec ad ullum, quem scimus, alium præterquam Apostolicum XXIV. disertissimis verbis id quod voluit S. Athanasius statuentem, viz. *λαϊκὸς ἑαυτὸν ἀκρωτηριάσας, ἀφορρίζεσθω ἐπὶ τρεῖς ἔτη γὰρ ἔστιν τῆς ἑαυτοῦ ζωῆς.* *Laicus qui seipsum mutilavit, tribus annis segregetur. Est enim sui ipsius vita insidiator.* Qui segregatur autem, nec ut Laicus ad communionem admitti potest: ex cuius propterea Canonis præscripto S. Athanasius verissime asseruit, quod Leontium *ἐδὲ ὡς λαϊκὸν κοινωνεῖν ἔχρω.* Adeo ut hæc sanctissimi Patris verba Canonem istum Apostolicum tunc temporis obtinuisse, clarissimè demonstrent. Ex eo autem quod S. Athanasius Leontium *ἐδὲ ὡς λαϊκὸν κοινωνεῖν* oportuisse dicat, perspicuè satis inquit, istum contra legem Canonicam, non modo ad Laicam communionem, sed & in Clerum admissum fuisse, quod prohibetur à Canone Apost. XXII. Unde conjicere licet Leontium istum Patribus Nicænis primi sui Canonis condendi, vel antiqui illius sive Apostolici renovandi occasionem præbuisse. Neque enim credibile est, Patres talem vel edere vel renovare voluisse Canonem, nisi ex aliquâ singulari occasione ipsis tunc temporis oblatâ. Synodi vero Nicænæ tempore nullum immanis huiusce facinoris exemplum à quopiam editum traditur præterquam ab hoc Leontio. Cujus propterea solius causâ Nicænus iste Canon constitutus, vel Apostolici potius Synodi Oecumenicæ auctoritate confirmati videntur. Ex isto enim Canone Leontius paulo post Presbyterii gradu abdicatus est, ut testatur Socrates Hist. Eccles. lib. 2. cap. 26. Cumque postea ad thronum Antiochenum promotus esset, id Theodoretus contra Canones Nicænos esse observat. Hist. Eccles. lib. 2. cap. 24.

IV. Cum ipse autem Dallæus diffiteri nequeat, quin aliquis Nicæno antiquior de Eunuchis Canon extiterit, isque ex Origenici forsitan cœpti occasione editus, nulla necessitas, nec ratio postulat, ut hos Apostolicos pluribus defendamus. Quod enim à nobis de iis asseritur, utrinque pro concessio habetur eos scilicet de Eunuchis agentes ante Synodum Nicænam publicatos esse. Quapropter ea etiam quæ Dallæus postea subjungit de Valetiis, nihil nostræ opinioni detrimenti affert. Etiam si enim Epiphanius Valefiorum, qui seipsum abscindebant, sectam ac dogma refellens, argumentis tum à re ipsâ, rectaque ratione, tum ab Apostolorum, Paulique nominatim in Epistolis doctrinâ petitis, nullam istorum Canonum mentionem fecerit, & licet exinde sequatur forsitan eos ab ipsis Apostolis non constitutos esse, vel Epiphanium saltem ita non sensisse, neutiquam tamen ex eo sequitur dictos Canones nec tertio seculo prodiisse. Epiphanius enim in omnibus ejus contra

hæreticos disputationibus & commentariis Canones Ecclesiasticos nunquam citat: imo quidem nec ipsum Nicænum de Eunuchis conditum, ubi nefarios Valefiorum mores redarguit, ac proinde haud mirum est, quod de Apostolicis nihil habeat. Ex eo autem quod is Valefiorum hæresin ante Origenicam ponat, illos prius quam Origenem, se emasculare solitos fuisse constat: Qui idcirco Episcopis Ecclesiam tunc temporis administrantibus horum condendi Canonum amplam satis materiam suppeditarunt. Usque adeo ut illi curæ sibi commissæ rationem nunquam reddere potuissent, nisi tam flagitiosam & sceleratam hæresin in Ecclesiâ exortam legibus Ecclesiasticis quam citissime coercuissent & confodissent. Sed nihil est quod dubitemus, utrum hoc ab iis factum fuerit, cum Apostolicos hosce eâ de re editos habeamus Canones; quos ante Synodum Nicænam constitutos fuisse ipsi adversarii diffiteri nequeunt, nosque in priori libro inter testimonia afferenda fusè evicimus. Quod si nihil amplius contra reliquos qui in hac collectione occurrunt, quam contra hos de Eunuchis Canones, dici potest, hunc antiquissimum esse Canonum Ecclesiasticorum Codicem sole meridiano clarius elucescet.

V. Hinc duobus proximis sive XXV. & XXVI. necnon XXVIII. & XXIX. prætermittis, ut rectæ rationi & Apostolicæ doctrinæ consonis, Dallæus Canones XXVII. & XXX. aggreditur, quorum ille *deponi jubet Episcopum, Presbyterum & Diaconum verberantem fideles qui peccant, vel infideles injuriam facientes*; hic vero eadem pœna Episcopum multat, qui *secularibus potestatibus usus Ecclesias per ipsas obtinet*. Atqui, inquit vir doctus, non patitur temporum Apostolicorum ingenium, ut vel Christianorum Episcopos verberibus in quenquam sæviisse, (quod diu postea planeque sero in Ecclesiam, jam corruptis nostrorum moribus infectum est) vel potestates seculares, quæ tum erant nobis infestissimæ, quenquam suo favore ad Episcopalem dignitatem vel invadendam vel retinendam adjuvisse. Dall. de Pseudep. lib. 3. pag. 624. Verum quod ad primum spectat, sive XXVII. Canonem, is ipsius D. Pauli doctrinæ congruit, decernentis Episcopum non oportere esse *πλήκτω* sed *ἀμαχον*, 1 Tim. III. 2, 3. Tit. I. 7. Proinde non mirum est quod hi Apostolorum Canones idem sanxerint. Et quamvis potestates seculares Apostolorum temporibus infestissimæ essent Christianis, neminem tamen latet complures earum secundo tertioque æræ Christianæ seculo illis fuisse: quarum propterea ope nonnullos Ecclesiasticas dignitates affecutos esse, plusquam verisimile est, vel potius certissimum: si quidem ipsius etiam Origenis ætate nonnulli ex Episcopis, aliisque Ecclesiasticis ministris quaestui magis quam curæ sibi commissæ consulebant, & aliorum scelerum maculis notati erant: usque adeo ut ille querimonias de iis gravissimas sæpe jaceret: præsertim in commentariis ejus in S. Matthæum de iis qui Templo ejecti sunt; ubi inter alia hæc habet, *καὶ νομίζω ἀρμόζειν ἢ πρὸς τῶν πωλόντων τοὺς πωλεστέους λόγον τοῖς παρεχόμενοις τοῖς Ἐκκλησίας αἰχροκερδέσι, καὶ τυραννικοῖς, καὶ ἀνεπισήμοις ἢ ἀνευλαβέσιν ἑπισκόποις, ἢ πρεσβυτέροις, ἢ διακόνοις*. Ego vero, quod de columbarum venditoribus scriptum est, his convenire existimo, qui Ecclesias avaris, tyrannicis, indoctis, & irreligiosis Episcopis, Presbyteris & Dia-

& Diaconis tradunt. Orig. in Matt. pag. 441, 442. Quamplurimæ hujusmodi querimonie apud antiquissimum istum scriptorem occurrunt, contra nonnullos eorum habitæ, qui istis etiam diebus in Ecclesiâ præsidebant. Ut tales igitur ab Ecclesiasticis in posterum dignitatibus secluderentur; cautè quidem hoc & præcedenti Canone ab Ecclesiâ prospectum est, ne quis pecuniâ, aut secularium potestatum ope, sed liberâ tantum Cleri populique electione promoveatur. Adeo ut Ecclesia primitiva nec salutis suæ, nec fidelium ædificationi, nec Evangelii propagationi quâ par est curâ atque fidelitate consulisset, nisi hujusmodi Canones edidisset, quibus coercitâ aliorum audaciâ probatissimi quique Episcopalem dignitatem obtinerent.

C A P U T V.

Synopsis.

- I. Canon Apost. XXXIV. de primis Episcopis defenditur. τὸ ἀρχαῖον ἐν apud Syn. Nic. non novitatem sed antiquitatem jurium Metropoliticoꝝ indicant. Antiqua Consuetudo pro lege habenda est.
- II. Privilegia à Syn. Nic. nonnullis Ecclesiis asserta, Metropolitana erant. Quanam illa fuerunt. Ex iis antiquitas Canonis hujus Apostolici evincitur.
- III. Horum supra illos Episcopos præfidentia, è Synodis de Paschâ habitis demonstratur. Singula istæ Synodi suos habebant præfides. Quare Palma Amastridis Episcopus Synodo Pontica præerat, cum Heraclea istius provincie metropolis esset.
- IV. Cæsarea Metropolis erat Palæstinæ: hinc Episcopus Cæsariensis Hierosolymitano præfertur: illique à Syn. Nic. jura sua Metropolitana confirmantur, huic consequentiâ tantum honoris indultâ.
- V. Quare in Palæstinâ duo, in aliis Synodis unus præsedisse dicatur, ne Victor Romana. Metropoliticoꝝ, non item aliarum sedium, Episcopi nominatim ab historicis recensentur.
- VI. Lugdunum Gallie Metropolis erat. Quid vox πατριάρχης antiquitus significarit? Irenæus Lugdunensis totius Gallie primas erat. Quare Synodi in Osroenâ habitæ nullus præses nominatur.
- VII. Ephesus Asia Proconsularis Metropolis fuit. Hinc Polycrates Ephesus omnibus Asia Episcopis præerat. Unde Metropolitanorum antiquitas asseritur: necnon ex Ignatii & Dionysii Corinthiaci scriptis.
- VIII. Africa etiam suum Metropolitanum habuit, Episcopum Carthaginensem. Quam lata fuerit ejus provincia. Triplex vocis Africæ significatio. Ut Numidia & Mauritanie Africa adjectæ sunt. Carthago omnium Africa provinciarum Metropolis.

IX. *Alia in Africâ erant Metropoles & prima Sedes, ab Episcoporum ordinatione denominata. Unde singulare Afris censura genus.*

X. *D. Cypriani tempore, is ut Episcopus Carthagenensis omnibus Africæ, Numidiæ, & Mauritanicæ Episcopis præerat, quod ex ipsius Epistolis probatur.*

XI. *Hinc colligitur tribus primis seculis Metropolitanos in universâ Ecclesiâ constitutos esse, quorum jura à Syn. Nic. asseruntur.*

XII. *Romanum Imperium initio Evangelii in provincias distributum fuit, qua singula singulos habebant præfides. Ad hanc Imperii dispositionem Apostolos in Ecclesiâ propagandâ respexisse è variis Scriptura locis probatur.*

XIII. *Idem ex Epistolis D. Pauli ad provincias Metropoles aut Metropolitanos omnibus, missis demonstratur.*

XIV. *Item è Synodo Hierosolymitanâ ab Apostolis habitâ: necnon ex Actis Apostolorum, & D. Johannis Apocalypsi.*

XV. *Quare Apostoli summam Metropoleon curam habuerunt? Hinc Metropolitanorum primatum ab Apo-*

stolis manasse asseritur: licet non particularia eorum privilegia.

XVI. *Nonnullæ Ecclesiæ honorem præ aliis habuerunt, ut ab ipsis Apostolis fundata. Sed illæ nisi Metropoles essent, aliis subiectæ sunt. Quod è Synodis Nicænâ, Antiochenâ, & Taurinensi probatur. E præmissis Canon Apost. XXXIV. vindicatur.*

XVII. *Metropolitanus jure primus est ubique gentium Episcopus, & speciatim in Angliâ: ut cujus Metropolis erat Cantuaria, cum primo ad fidem conversa est.*

XVIII. *Metropoles in Ecclesiâ notitiâ semper eadem. Imperii mutationibus non subiectæ. Quod è Canonibus & Actis Syn. Chalced. probatur.*

XIX. *In Ecclesiâ Anglicanâ Cantuaria juxta Syn. Chalced. Decretum, primatum semper obtinuit: licet Lichfelda & Londinum cum sibi nonnunquam vendicarent: De Archiepiscopis minibus nihil in antiquitate occurrit. Hodie non constat quanam olim fuerit Britannorum Metropolis.*

XX. *Controversia inter Archiep. Cantuariensem & Eboracensem aliis erat generis, & cito sedata.*

XXI. *Hujus dissertationis Epilogus.*

I. PRIMUS, secundus, tertiusque supra tricesimum Canonem Apostolicum, nihil plane statuunt, quod vel ipsis Domini Apostolis indignum sit, vel ab eorum ætate alienum. Quibus propterea intectis, Dallæus ad tricesimum quartum se convertit; sic habentem, τὰς Ἐπισκόπους ἐκάστος ἔθνος εἰδέναι καὶ τὸ ἐν αὐτοῖς πρῶτον, καὶ ἡγεῖσθαι αὐτὸν ὡς κεφαλὴν, καὶ μηδὲν τι πράττειν χωρὶς αὐτοῦ καὶ ἐκείνης γνώμης. ἐκεῖνα δὲ μόνον πράττειν ἔκαστον, ὅσα τῇ αὐτῇ παροικίᾳ ὑπεβάλλη, καὶ τοῖς ὑπὸ αὐτὸν χώροις, ἀλλὰ καὶ μηδὲ ἀκείνῳ ἄνευ τῆς πάντων γνώμης ποιεῖτω τι. Episcopus uniuscujusque gentis nosse oportet eum qui in iis primus est, & existimare ut caput, & nihil facere quod magni sit momenti præter illius sententiam: sed ea sola facere unumquemque, quæ ad suam paræciam pertinent, & ad pagos qui ei subsunt, sed nec ille sine omnium sententiâ aliquid agat. Hoc Canone, inquit Dallæus, Episcoporum Metropolitanorum

politanorum jura constituuntur, quorum (præterquam quod nullum in veris ac indubitatis Apostolorum monumentis apparet vestigium) illud etiam novitatem confirmat, quod Nicæna Synodus hæc istorum jura & ad consuetudinem referat, & secundum eam constituat, τὰ ἀρχαῖα ἔθι κρατέτω, *Antiqui mores obtineant.* Nulla Apostolicæ vel autoritatis, vel legis meminit. Dall. de Pseudep. lib. 3. cap. 17. pag. 624, 625. Novum sane ac inauditum argumentum! Synodus Nicæna Metropolitanorum jura τὰ ἀρχαῖα ἔθι *antiquos mores* vocavit: ergo erant nova, sic enim argumentatur vir doctus, novitatem eorum ex istis universalis Synodi verbis confirmans. Quibus contrarium prorsus disertissimè asseritur, τὰ ἀρχαῖα ἔθι, inquit Synodus, κρατέτω. τὰ ἐν Αἰγύπτῳ, ἢ Διόβῃ, ἢ Πεντάπολιν, ὥσπερ ἔ ἐν Ἀλεξανδρείᾳ Ἐπίσκοπον πάντων τῶν ἐκεῖ ἐχέειν ἐξουσίαν. ἐπεὶ δὲ ἢ τῷ ἐν τῇ Γῶμῃ Ὀπισκόπῳ τῶν συνηγῆς ἐσὶν ὁμοίως ἢ ἢ τῇ Ἀντιόχειαν, ἢ ἐν ταῖς ἄλλαις ἐπαρχαῖς τὸ πρεσβεῖα σώζουσιν ταῖς Ἐκκλησίαις. *Antiqui mores servantur qui sunt in Aegypto, Libyâ, & Pentapoli, ut Alexandrinus Episcopus horum omnium potestatem habeat: quandoquidem & Episcopo Romano hoc est consuetum. Similiter & in Antiochiâ, & in aliis provinciis sua privilegia Ecclesiis servantur,* Syn. Nic. Can. VI. Quibus sane verbis nihil de novo constituitur, sed tantum antiqua illa privilegia, quæ nonnullæ Ecclesiæ ante hominum memoriam obrinerant, Oecumenicæ Synodi autoritate iisdem confirmantur. Unde luculentissimè constat, Romanam, Alexandrinam, Antiochenam aliasque nonnullas Ecclesias sua quamque jura ac privilegia longe ante primam universalem Synodum sibi concessa habuisse: adeo ut licet Sedes Patriarchicæ nondum essent, nec Metropolitanæ vocarentur, Primæ tamen Sedes aliarum iis inferiorum respectu & vocarentur, & essent. Quod aliunde non opus est probemus quam ex hoc ipso Patrum Nicænorum Canone, ut quo nonnullarum supra alias Ecclesias privilegia, eaque antiqua asseruntur. Nihil etiam moramur, quod ea ἔθι hic appellentur, dummodo ἀρχαῖα sint. Nam *diuturna consuetudo pro jure, & lege in his que non ex scripto descendunt, observari solet*, ut ait Ulpianus, L. 33. F. de legibus, & Hermogenianus, *Sed & ea que longâ consuetudine comprobata sunt, velut tacita civium conventio, non minus quam ea que scripta sunt, jura servantur,* ibid. L. 35. Cum itaque consuetudines à Patribus Nicænis memoratæ, antiquæ sint, & diuturnæ, jure merito ab iisdem hic confirmantur, & quidem sub *antiquarum consuetudinum* nomine, ut omnibus pateret, eos nihil novi in Ecclesiam induxisse, nec alia Ecclesiis quibuscvis privilegia asseruisse, quam quæ majores ipsorum iisdem concesserant.

II. Privilegia autem hoc Nicæno Canone Ecclesiis quibusdam asserta, Metropolitanæ erant, talia scilicet quæ Metropolitanæ, in suâ quisque provinciâ, sibi vindicare solent. Hoc ex ipso Canone conficitur, ut de Provinciis iisque solis agente. Καὶ ἐν ταῖς ἄλλαις, inquit, ἐπαρχαῖς. Verum inter omnes constat ἐπαρχίας sive Provincias proprias esse Metropolitanorum, in veteris saltem Ecclesiæ notitiâ. Quin hoc etiam è proximis Canonis verbis evincitur. Cùm Patres enim antiqua sua jura sive Privilegia singulis Pro-

vinciis atque Ecclesiis afferuissent, protinus subjiciunt, Καθὼς δὲ πρὸς θελον ἐκεῖνο, ὅπ' εἰ περ χωρὶς γνώμης τῆς μητροπολίτης γένοιτο Ἐπίσκοπος, ἢ ποιῶτον ἢ μεγάλη σὺν ὁδῷ ὤλεσε μὴ δεῖν εἶναι Ἐπίσκοπον. *Illud autem est omnino manifestum, quod si quis absque Metropolitanis sententiâ factus sit Episcopus, cum magna Synodus definivit non debere esse Episcopum.* Ac si dixissent, cum antiqua sua privilegia singulis Provinciis conservata esse velimus, hoc cuique manifestum est, ut nemo Episcopus ordinetur in aliquâ Provinciâ sine Metropolitanis ejusdem sententiâ. Unde certissimè colligitur, eos nec de Patriarchis, nec de singularibus Episcopis hic agere, sed de Metropolitanis, qui totis Provinciis præerant. Quibus propterea confirmatio omnium in Provinciâ suâ Episcoporum Ordinationis ab iisdem Patribus Nicænis Canone quarto adstruitur; ubi cum decreverant, Episcopum ab omnibus qui sunt in Provinciâ, vel saltem à tribus præsentibus, & absentibus quoque suffragium suum scripto ferentibus, constituendum esse, addunt, τὸ δὲ κύριον τῶν γινομένων διδοῦν κατὰ ἐκάστην ἐπαρχίαν τῷ μητροπολίτῃ. Præter hoc, magnum sane privilegium, singulis Metropolitanis summâ Synodi omnium celebrimæ autoritate, & quidem ex antiquâ consuetudine confirmatum, in eorum etiam potestate situm fuit, in mores ac opiniones Episcoporum sibi subjectorum inspicere, omnes Provinciæ suæ Episcopos ad Synodos sub se celebrandas convocare, causas inter Episcopos suos litigantes determinare, aliaque omnia Ecclesiastica negotia, quæ majoris momenti essent, & ad totam Provinciam pertinerent, administrare. Quæ cum omnes Metropolitanis in potestate suâ antiquitus habuissent, eadem hoc etiam Nicæno Canone iis confirmata sunt. Adeo ut si aliud non suppeteret argumentum, quo Canonem Apostolicum, omnes Episcopos sine primo suo nihil quod magni sit momenti, facere jubentem, cum Ecclesiasticâ primitivæ Ecclesiæ disciplinâ convenire probemus, hic ipse Canon Nicænus illud extra dubium ponat. Cum enim inter ἀρχαῖα ἐστὶν hic recenseatur, ut Episcopus Alexandrinus & alii similiter Metropolitanis ἐξουσίαν habeant in suis quique Provinciis, adeo ut sine ipsis nullus Episcopus jure & Canonicè ordinari possit, nemini dubium esse potest, quin multis ante hanc Synodum annis, in unaquaque gente sive Provinciâ, unus aliquis esset Episcopus qui primus diceretur, reliquisque aliquo modo præfideret, ut Metropoli sive primariæ civitati Provinciæ præfectus, vel ob aliam aliquam rationem reliquis prior & superior factus.

Sed quoniam hujus rei dilucidatio non modo ad præsentem Canonem Apostolicum vindicandum, verumetiam ad universam Ecclesiæ primitivæ disciplinam enucleandam quam plurimum conferet, paulo fusius eam prosequemur. Et ex vetustissimis quæ habemus Ecclesiæ monumentis atque historiis manifestum faciemus, etiam tribus prioribus Christianismi seculis, ac proinde ante Synodum Nicænam, Episcopos cujusque gentis alicui inter se primo sive Primati subjeetos fuisse, qui plerunque is erat qui Metropoli ejusdem præsidebat; sine quo reliquarum urbium Episcopi nihil magni momenti, sed ea sola quæ ad suam cujusque parœciam spectabant, facere consuevi sunt: juxta quod à præsentī Canone Apostolico sancitum est. Etiamfi enim

enim pauca tantum istorum seculorum commentaria nobis conservata sint, in iis tamen quæ extant, haud obscura veteris hujusce primatus vestigia videre est.

III. Primo itaque aliqualem nonnullorum supra alios Episcoporum primum videre licet è Synodis illis, quæ de Paschali festivitate secundo labente seculo celebratæ sunt. Enimvero Synodo in Palæstinâ de istâ controversiâ habitæ præsidebant Theophilus Cæsariensis & Narcissus Hierosolymitanus; Romanæ Victor Romanus; Ponticæ Palma Amastridis Episcopus, & Gallicanæ Irenæus Lugdunensis, ut ex Eusebio discimus, dicente, *Φέρεται ὅτι ἐπὶ τῶν καὶ Παλαιστίνῃ τινικαὶδε συγκεκλημένων γεφυρῇ, ὧν πρεσβυτέρους Θεόφιλος τὸ ἐν Καισαρείᾳ παροικίας ἐπίσκοπος, καὶ Νάρκισσος τὸ ἐν Ἱεροσολύμοις, καὶ τῶν ἑπὶ Γαλιλαίας ὁμοίως ἄλλοι πρὸς αὐτὰς ζητήμασι, ἐπίσκοπον Βίκτορα δηλοῦται τῶν καὶ Πόντον ἐπισκόπων, ὧν Πάλμας ὡς Ἀρχαιότατος πρεσβυτέρου ἐ τῶν καὶ Γαλιλαίαν καὶ παροικίων, ὡς Ἐιρηναῖος ἐπισκόποι.* Euseb. Hist. Eccles. lib. 5. cap. 23. Hic in genere observetur velim, singulas hæc Synodos suos habuisse Præsides, ab Eusebio nominatim memoratos: qui etiam rationem reddidit, quare unus eorum, nempe Palmas, reliquis ejusdem Provinciae præerat, quoniam scilicet *omnium esset Antiquissimus, ὧν Πάλμας, inquit, ὡς ἀρχαιότατος πρεσβυτέρου.* Quo autem sensu hoc accipiendum sit, incertum est, utrum scilicet de ætate, an de ordinatione, vel etiam de sede ejus Episcopali intelligatur. Palmas enim ὁ ἀρχαιότατος dici potuit, vel quod inter omnes Ponti Episcopos ille maximus natu esset, vel quod primus Episcopus ordinatus, denique quod sedes ejus ante alias facta esset Episcopalis. Constat saltem eum Metropolitanum non fuisse. Heraclea enim omnium in Ponto urbium Metropolis erat. Palma autem non Heracleæ sed Amastridis erat Episcopus: ut patet è Dionysii Corinthiorum Episcopi Epistolâ ad Ecclesiam Amastrianorum & cæteras Ecclesias Ponti iisdem diebus scriptâ, quâ Episcopum ipsorum Palmam nominatim appellat. *Ἐπίσκοπον, inquit Eusebius, αὐτῶν ὀνόματι Πάλμαν ὑποσημαίνων.* Euseb. Hist. Eccl. lib. 4. cap. 23. Unde etiam locus conjecturæ datur, Palmam ut solum hic nominatum & Dionysii diebus, hoc est paulo ante Synodos istas, primum in Ponto Episcopum fuisse: Heracleâ foris an Episcopum non habente. Et hinc est quod ratio quidem reddatur, quare Palma Ponticæ, nulla autem quare reliqui Episcopi unâ cum eo memorati, suæ quisque Synodo, præsidebant. Nimirum quod ille Synodo Ponticæ præerat tantum ὡς ἀρχαιότατος, reliqui autem Synodis sub se habitis tanquam Metropolitanis. Nam Theophilus Cæsariensis, Victor Romanus, & Irenæus Lugdunensis, sedibus Metropolitanis positi sunt; siquidem Roma Italiæ, Cæsarea Palæstinæ, & Lugdunum Galliæ tunc temporis Metropolis erat. Ac propterea nominatis Episcopis qui istis urbibus præfecti sunt, non necesse erat ut alia redderetur ratio, quare Synodis quique suis præfiderent. Hoc enim abunde satis ex eo constabat, quod urbium Metropolitanarum Episcopi essent, quibus in Ecclesiæ pariter atque in Imperii notitiâ primatus semper attributus fuit. Quem etiam Episcopis illis memoratis attributum esse nemo dubitet, cum illi non modo Episcopos,

scopos, ut statim videbimus, ad Synodos convocarent, sed & convocatis præfiderent, ut ex hac ipsâ harum Synodorum historiâ patet.

IV. Ut de his autem singulis, eo quo ab Eusebio disponuntur, ordine, pauca differamus; Synodo in Palæstinâ habitæ Theophilus Cæsariensis & Narcissus Hierosolymitanus Episcopus præfuisse perhibentur: & primo quidem Cæsariensis, deinde Hierosolymitanus: ille ut Metropolitanus, hic ut celeberrimæ sedis Episcopus. Enimvero licet Hierosolyma, priusquam everfa esset, Palæstinæ Metropolis erat, eâ tamen everfâ, Cæsarea Metropolis à Vespasiano creata fuit, propterea quod maxima tunc civitas esset, ipseque *in eâ post Judaicas victorias Imperator adscriptus est* ut ait Justinianus novel. 103. Ab isthoc itaque tempore Cæsarea totius Palæstinæ, primæ saltem, qua sita est, Hierosolyma, Metropolis fuit, & *Judææ caput*, ut à Tacito vocatur, Hist. lib. 2. cap. 79. Cum hæc igitur urbs ad hunc honorem evecta fuisset, Episcopi in eâ postea constituti, reliquis Palæstinæ Episcopis prælati sunt, & primi omnium habiti: usque adeo ut etiamsi Hierosolyma ipsius Servatoris nostri sedes esset, & religio nostra ex isthoc loci in universum terrarum orbem derivata fuerit, Cæsarea nihilo secius ut Metropoleos Episcopus, Hierosolymitano per multa secula præpositus fuit. Quo honore Patres Nicæni eum privare noluerunt. Sed cum Episcopus, ut videtur, Hierosolymitanus de dignitate sibi ob sedem suam debitâ contenderit, illi litem hoc modo definierunt, *Ἐπειδὴ συνήθεια κεκεῖται, & παράδοσις ῥῆχαια, ὡς ἔν Αἰλίας ἐπίσκοπον πρῶτον, ἐχέτω τὴν ἀκολουθίαν τῆς πρῆς, τῇ μητροπόλει σωζομένης & οἰκείας ἀξιώματι.* *Quoniam obtinuit consuetudo & antiqua traditio, ut qui est in Aelia Episcopus honoretur, habeat honoris consequentiam, Metropoli propriâ dignitate servatâ.* Syn. Nic. Can. VII. Tantam habuerunt sanctissimi illi Patres sedium Metropolitanarum earumque dignitatis curam! Negare non potuerunt, quin magnus Aeliæ sive Hierosolymæ Episcopo honor debeatur: sed nihilominus, cum non ea sed Cæsarea esset Provinciæ Metropolis, non simpliciter honorem, sed tantum ἀκολουθίαν τῆς πρῆς consequentiam honoris, proximum nimirum post Metropolitanum ei confirmant. Et ne hæc ipsorum verba ad alienum sensum torquerentur (quod ab iis factum est, qui de honore Patriarchali hic stabilito somniant) cauti statim subjungunt, *τῇ μητροπόλει σωζομένης & οἰκείας ἀξιώματος.* Suam itaque dignitatem Metropolitanò Cæsariensi integram conservant: & Episcopo Hierosolymitano nihil aliud concedunt, nisi ut is proximo post illum honore fruatur. Idque eo tantum nomine, quod consuetudo & antiqua traditio id postularet. Ut igitur in præcedenti sive sexto Canone nihil novi constituunt, sed tantum τὰ ῥῆχαια ἐν Alexandrino, Romano, Antiocheno aliisque Metropolitanis confirmant, sic & hoc Canone nullum novum sed tantum pristinum ejus honorem Episcopo Hierosolymitano ratum faciunt: eum scilicet quem ex antiquâ consuetudine obtinuerat. Cujus antiquæ consuetudinis illustre habemus exemplum in antiquâ hac Synodo ab Episcopis Palæstinæ centum triginta plus minus annis ante Nicænam celebratâ, ut cui præsidebant, primo quidem Theophilus Cæsariensis tanquam Metropolitanus, & post eum Narcissus Hierosoly-

rosolymitanus Episcopus. Adeo ut ille dignitatem Metropolitanam & primum in confessu locum, hic ἀκολουθίαν τῆς πρῆς post eum haberet. Unde etiam apparet, Cæsariensem Metropolitanum primum fuisse istius gentis Episcopum, & juxta præsentem Canonem tanquam caput existimatum. Si is enim ipsi Hierosolymitano, multo magis aliis Palæstinæ Episcopis, prælatus est.

V. Quid in istâ Palæstinæ Synodo actum fuit, Eusebius ex Epistolâ Synodicâ collegit, quæ ejus ætate extabat, Theophili Cæsariensis & Narcissi Hierosolymitani nomina sibi præfixa habens. Hoc honore soli Hierosolymitano ex omnibus Palæstinæ Episcopis concesso, & à Synodo Nicænâ postea confirmato, ut cum Metropolitano nominaretur, licet ipse nec Metropolitanus esset, nec ullam Metropolitanam auctoritatem exercere posset. In aliis autem locis ubi nulla fuit sedes tali honore digna, Metropolitanus non modo primus sed & solus Conciliis præsidebat, & literæ Synodicæ ejus solius nomine consignatæ sunt, ut è Synodicâ Romani Concilii patet, Victoris solius nomen præferente. Καὶ τῶν, inquit Eusebius, ἐπὶ τῶν ὁμοίων ἀδελφῶν αὐτῶν ζητήματι, ἐπίσκοπον Βίττωρον δηλοῦσα. *Alia item extat Epistola Synodi Romane de eadem questione, cui Victoris Episcopi nomen præfixum est.* Et quidem in omni Italiâ usque ad Victorem, & aliquanto postea, etiam si plurimi haud dubie essent, vix ulli tamen nominatim memorantur usquam Episcopi, præterquam Romani: ac si illi non solum primi, sed & soli essent totius Provinciæ Episcopi. Quod etiam non de eâ solâ, sed & de aliis sedibus Metropolitanis observare licet. Ut enim Romanæ, sic & Alexandrinæ ac Antiochenæ Ecclesiæ Episcoporum successiones ab ipsis Apostolorum temporibus recensitas habemus, non item aliarum, nisi forsitan Hierosolymitanæ, quæ licet non Metropolitana esset, proximum tamen post Metropolitanas honorem sibi jure vendicavit. Nulla autem causa dici potest, cur magnarum harum urbium & Metropoleon Episcopi, aliis prætermis, tantâ cum laude toties commemorarentur, nisi quod illi primi erant, in suâ quisque Ecclesiâ, Episcopi. Nonnulli fateor inferiorum sedium Episcopi memorix subinde traduntur, ut Polycarpus Smyrnæ, Melito Sardinus, & Apollinarius Hieropolitanus Episcopus. Horum autem mentio eo tantum nomine inducta est, quod doctores essent librorum & commentariorum autores, & acerrimi religionis Christianæ assertores. Romani autem, Alexandrini, & Antiocheni Episcopi omnes nominatim recitantur, etiam si plerique eorum nihil planè scriptis mandaverint, nec quid amplius fecerint, quam illi aliarum sedium Episcopi, quorum nec nomina nobis transmissa sunt. Quod quidem eo tantum factum videtur, quod illi aliis superiores essent, & provinciarum Primates. Quibus propterea major quam aliis honor ab ipsis Historiographis jure perhibetur.

VI. Porro Synodo Gallicanæ istis diebus habitæ Irenæus Lugdunensis præerat. Ita Eusebius loco supra laudato, Καὶ τῶν τῆς Γαλτίας παροικούντων ἀδελφῶν ἐπιστολῇ, *Epistola quoque paræciarum Gallie extat, quibus præerat Irenæus.* Quem Lugdunensem fuisse Episcopum neminem latet. Succedit

autem in isto Episcopatu Pothino, qui anno ætatis nonagesimo cum Gallianis martyribus cæsus est. Euseb. Hist. Eccles. lib. 5. cap. 5. Lugdunum autem Metropolim fuisse Galliæ tum alii tum ipse Eusebius testatur, qui de Galliâ loquens ait, ἡς μητροπόλεις ὁπίσημοι καὶ ἄλλαι τὰς ἀλλὰς τὴν αὐτῇ Διόκλειαν Βεβόνηται Δέγδεν & ἡ Βιέννη. *In hac due præ cæteris insignes & præstantes Metropoles celebrantur, Lugdunus & Vienna.* Ibid. cap. 1. Non opus est hic differamus de antiquis Galliarum divisionibus, quibus primo distributæ sunt, in quatuor partes, Narbonensem, Aquitanicam, Lugdunensem & Belgicam: & postea in quatuordecim provincias subdivisæ: neque etiam de Galliæ Lugdunensis divisione in primam & secundam. Irenæi enim diebus Univerſa Gallia usquequaque extensa in Ecclesiæ saltem notiâ Lugduno tanquam Metropoli subdita erat, omnesque in ea Episcopi illius Civitatis Episcopo subiecti. Hoc exinde primo docemur, quod cum gravissima ista de Paschæ celebrandæ die controversia agigaretur, quâ tota Ecclesia istis temporibus exercitabatur, cùmque Concilium de eadem in Galliâ haberetur, omnes haud dubie Episcopi ibidem constituti ad illud celebrandum conveniebant, ut de communi Ecclesiæ causâ acturi. At omnibus in isto Concilio congregatis Irenæus Lugdunensis præsidebat. Quod fieri non potuit, nisi is inter eos primus fuisset. Adhæc in verbis Eusebii ante laudatis Irenæus omnes Galliæ paræcias administrasse dicitur. τὴν καὶ Γαλλίαν, inquit, παροικίων ἄς Ἐιρηναῖον ἐπισκόπει. Verumenimvero vox παροικία paræcia in antiquis Ecclesiæ scriptoribus & Canonibus Conciliorum territorium, sedem sive ditionem ad Episcopum pertinentem perpetuo significat: quo sensu hodie vox *diæcesis* à nobis vulgo usurpatur, adeo ut unusquisque Episcopus suam haberet παροικίαν, quam Episcopali autoritate gubernabat. Ita usitatur hæc vox hoc ipso Canone Apostolico, quem sub manibus habemus, necnon Antiocheno IX. aliisque quamplurimis, & ab ipso Eusebio sexcentis in locis, ubicunque scilicet occurrit, ut in ipso historiæ Ecclesiasticæ initio, ubi se descripturum ait, quot quantæque res in Ecclesiâ gestæ fuerant, καὶ ὅσοι ταύτης διαπρεπῶς ἐν ταῖς μέγιστα ὁπισμοτάταις παροικίαις ἡγήσαντο τε καὶ διεύθυναν. *Et qui præsertim in celeberrimis ejusdem paræciis præfuerunt, & præfederunt.* Euseb. Hist. Eccl. lib. 1. cap. 1. Ubi per ὁπισμοτάτους παροικίας celeberrimas illas intelligit sedes Episcopales Romanam, Alexandrinam, Antiochenam, & Hierosolymitanam, quarum omnes Episcopos ab ipsis Apostolorum temporibus recenset. Sed ne longius à proposito digrediar, in loco supra citato, ipsam sedem, sive, ut ita loquar, Episcopatum Lugdunensem παροικίαν vocat. Ἐιρηναῖον, inquit, τῆς καὶ Δέγδενον, ἡς ὁ Πόθην ἡγεῖτο, παροικίας τὴν ὁπισκοπὴν ἀγδέχεται. *Irenæus Lugdunensis, cui Pothinus præfuerat, paræcia administrationem suscipit.* Euseb. Hist. Eccles. lib. 5. cap. 5. ubi ἡ καὶ Δέγδενον παροικία nihil aliud significare potest, quàm sedem Episcopalem Lugduni, quam Irenæus post Pothinum à Polycarpo illuc missum administravit. Irenæus autem præter hanc Lugdunensem, cui ut Episcopus præfuit, alias etiam παροικίας sibi subiectas habuit, ut patet ἐν verbis supra allatis, καὶ τῶν καὶ Γαλλίαν τὴν παροικίων, ἄς Ἐιρηναῖον ἐπισκόπει.

ἐπισκόποι. Plurium autem paræciarum aggregatio ἐπαρχία provincia dicitur, Metropolitano sive primati subdita. Proinde Irenæus ut paræciæ Lugdunensis respectu singularis esset Episcopus, sic ut aliis paræciis, quæ singulæ singulos habuerant Episcopos, Prælati, Metropolitanus erat proprie sic dictus. Cùmque αἱ καὶ Γαλιαν παροιμία in genere, nullâ exceptâ, Irenæo subjecæ perhibeantur, is proculdubio primus erat totius gentis Gallicanæ Episcopus, qualis hoc Canone Apostolico intelligitur. Quod denique ex alio Eusebii loco evincatur, ubi de admonitione à pluribus Episcopis ad Victorem Romanum missâ verba faciens ait, ἐν οἷς καὶ ὁ Εἰρηναῖος ἐν πρεσβύταις ὡς ἡγεῖτο καὶ πλὴν Γαλιαν ἀδελφῶν ὑπηρείτας. *Ex quorum numero Irenæus in Epistola quam scripsit nomine fratrum quibus præerat in Galliâ.* Euseb. Hist. Eccl. lib. 5. cap. 24. Hinc enim constat Irenæum universis Galliæ Episcopis, quos fratres appellavit, præfuisse, sive primatem eorum fuisse. Qui propterea omnium eorum ut sibi subditorum nomine literas hasce ad Victorem conscripsit. Quo quidem illius supra reliquos primatus luculentissime demonstratur.

Præter quatuor has Synodos, primam scilicet in Palæstinâ sub Theophilo Cæsariensi & Narcisso Hierosolymitano, alteram, Romanam sub Victore, tertiam, Ponticam sub Palma, & quartam, Gallicanam sub Irenæo Lugdunensi, in hac causâ celebratas, Eusebius quintam addit in Osroenæ provinciâ habitam, cujus literæ Synodicæ tunc dierum circumferebantur. ἐπὶ τῶν, inquit, καὶ πλὴν Ὀσροηνῶν καὶ τὰς ἐκείσε πόλεις, *Ecclesiarum etiam in Osroenæ provinciâ & urbibus regionis illius constitutarum literæ visuntur.* Euseb. Hist. Eccl. lib. 5. cap. 23. Hic autem nullus memoratur Concilii præses: propterea scilicet quod hujus Synodi Epistolæ nullius nomen præfixum erat. Unde colligere est, quicquid Eusebius de antiquis hisce Synodis scripsit, è Synodicis ipsarum epistolis assumptum fuisse: quæ omnes præsidantium Episcoporum nomina sibi inscripta habuere præter hanc unicam in Osroenæ provinciâ congregatam. Cujus provinciæ cum Edessa, ut opinor, Metropolis esset, istius Episcopus aliorum in illa regione Episcoporum Synodo tanquam Metropolitanus præfuisse videtur. Nihil saltem dubii esse potest, quin hæc etiam Synodus aliquem præsidem habuerit, ut sine quo nec convocari nec consistere potuit.

VII. Quæ de nonnullarum Ecclesiarum supra alias in primitivâ Ecclesiâ primatu è Synodis istis, quæ Paschalem festivitatem die dominico pe agendam esse decreverant, hucusque commentati sumus, dilucidiora pariter atque fortiora evadent, si Synodum etiam Asianam iis omnibus in hac controversiâ oppositam perpendamus. Hujus historiam Eusebius his verbis introducit, τῶν καὶ ὑπὲρ τῆς Ἀσίας ἐπισκόπων τὸ πάλαι πλεονέκτερον αὐτοῖς παρεδόξεν ἀναφυλάττειν ἐθῶς ἔχειν διὰ χειρὸς ἡγουμένων, ἡγεῖτο Πολυκράτης. *Episcopis vero Asiæ, qui morem sibi à majoribus traditum retinendum esse acriter con-* zenderunt, Polycrates præerat. Euseb. Hist. Eccles. lib. 5. cap. 24. At Polycrates ille Ephesi erat Episcopus, ut è capite XXII. ejusdem libri discimus. Κορίνθους καὶ, inquit, τὸ καθ' Ἑλλάδα καὶ τὰς αὐτὰς χεῖρας ἐπισκοποῦν ἦν Βάκχου-

ἦν Βάκχυλος, ἡ δ' ἐν Ἐφέσῳ παροικίας Πολυκράτους. Porro Ephesus Asiæ Proconsularis Metropolis erat Antonini Augusti ætate. Ulpianus, *Quædam provinciæ etiam hoc habent, ut per mare in eam provinciâ proconsul veniat, ut Asia scilicet, usque adeo ut Imperator noster Antoninus Augustus ad desideria Asianorum rescripsit, proconsuli necessitatem imposuit per mare Asiam applicare, ἡ δ' ἡ μητροπόλεων Ἐφεσὺν, id est, & inter matrices urbes Ephesum primam attingere.* L. 4. ff. de officio proconsulis & legati. Hinc itaque constat quare Polycrates omnibus Asiæ Episcopis præesset, nimirum quoniam ille Metropoleos erat Episcopus, atque ideo totius provinciæ primas. Quæ cum ampla esset provinciâ, ille quam plurimos sibi subiectos habuit Episcopos, quos omnes ille solus ad Synodos convocabat, ut ipse testatur in Epistolâ, quam ad Victorem & ad Romanæ urbis Ecclesiam conscripsit, ubi ait, Ἐδωάμην ᾧ τῶν ἐπισκόπων τὸ συμπρόσβον μνημονεύσαι, ὅς ὑμεῖς ἡξιώσατε μετακληθῆναι ἐπ' ἐμὲ, ἡ μετεκαλεσάμην, ὧν τὰ ὀνόματα εἰὼν γράφω, πολλὰ πλείθη εἰσίν. *Possent etiam Episcoporum qui mecum præsentibus sunt, facere mentionem, quos vos petiistis ut à me convocarentur, & convocavi. Quorum nomina si adscripsero, ingens numerus videbitur.* Apud Euseb. Hist. Eccl. lib. 5. cap. 24. En Ephesini Metropolitaniani in universos Asiæ Proconsularis Episcopos primatum, ab ipso Victore & Ecclesiâ Romanâ agnitum! Hi enim ab eo petierunt, ut ipse eos convocaret. Quo quidem hoc in ejus potestate situm esse palam & aperte confessi sunt. Quinetiam ipse Polycrates omnesque Asiæ Episcopi idem sibi persuasum habuerunt. Ille enim eos Metropolitanicâ suâ autoritate convocavit, & hi ab eo convocati morem protinus gesserunt. Præsentibus enim aderant, cum hanc ille Epistolam scribebat, ut è verbis allatis constat. Quod igitur antiquo hoc Canone definitum est, Episcopi Asiani religiose admodum tunc temporis observabant. Nam primum sive primatem suum agnoscebant, eumque ut caput existimabant. Quod liquido demonstrat, hunc Canonem istis dicbus, hoc est, secundo labente seculo, obtinuisse, atque ideo horum supra alios Episcopos primatum, non novitium esse, sed longe ante ipsam Nicænâ Synodum introductum, & ab ipsis Ecclesiæ primordiis institutum. Quod luculentius adhuc evincitur ex Epistola Dionysii Corinthiorum Episcopi ad Ecclesias Cretæ missa, utpote quæ inscripta est, τῇ Ἐκκλησίᾳ τῇ παροικίᾳ Γόρτυνῳ, ἅμα ταῖς λοιπαῖς καὶ Κρήτῳ Ἐκκλησίαις. *Ecclesia Gortynam incolenti, & reliquis simul Cretæ Ecclesiis.* Apud Euseb. Hist. Eccl. lib. 4. cap. 23. Enimvero Gortyna Metropolis erat Cretæ, ut inter omnes constat. Dionysius itaque ad Ecclesiam Gortynæ solam nominatim mittens, eam cæteris Cretæ Ecclesiis prælatam esse indicat. Quam etiam ob causam ex omnibus Cretæ Episcopis Dionysius solum Philippum Gortynensem commendat, quod Ecclesia Cretæ tam egregiam fortitudinis laudem retulisset, ut Eusebius ibidem tradidit. Unde totam istam insulam Philippi Gortynensis curæ commissam esse, ipsumque proinde primum fuisse inter omnes Cretæ Episcopos certissimè conficitur. Quibus omnibus addi potest, quod S. Ignatius Episcopus Antiochenus in Epist. ad Romanos se τὸ ἐπίσκοπον Συρίας vocat, cujus dicendi

dicendi causa nulla videtur; nisi quod Antiochia Syriæ Metropolis esset, adeo ut Episcopus Antiochiæ, totius etiam Syriæ Episcopus, & aliis ejusdem provinciæ omnibus prælatus esset.

VIII. E præmissis videre est, Metropoleon & celebriorum civitatum Episcopos in Europâ pariter atque Asiâ aliqualem in provinciales suos Episcopos primatum habuisse, iisque prælatos fuisse, priusquam ducenti à Christi nativitate anni effluxissent. Reliquum est, ut eundem morem in alterâ etiam orbis terrarum parte tunc temporis notâ, Africâ scilicet, iisdem fere diebus obtinuisse ostendamus. Quamobrem D. Cyprianum consulamus necesse est, utpote ex quo fere solo constitutionem veteresque Ecclesiæ Africanæ ritus dignoscere possimus. Hic autem de baptizandis iis qui ab hæreticis ad Ecclesiam veniunt, loquens, *Multi, ait, jam anni sunt, & longa ætas, ex quo sub Agrippino bonæ memoriæ viro convenientes in unum Episcopi plurimi hoc staverint.* Cyprian. Epist. 73. ad Jubajan. Multis igitur annis & longâ ætate ante D. Cyprianum, Episcopi Africani ab Agrippino Carthagenensi Episcopo & primate ad Synodum convocati sunt, quam sub eo celebrarunt. Cui propterea aliquo saltem modo subditi fuerunt. Sanctus autem Cyprianus ante tertium adultum seculum claruit, sedem Carthagenensem adeptus: Synodum itaque ab eo memoratam, ut sub Agrippino multis ante annis habitam, eodem ineunte, si non & præcedenti seculo, convocatam fuisse extra dubium est. Quantam autem provinciam sibi subjectam habuerit Agrippinus & post eum D. Cyprianus, ut Episcopus Carthagenensis, ex ipsius verbis potentissime evincatur, quem scilicet latere non potuit, quanam ipse sui in eadem Ecclesiâ decessores privilegia habuerint. Verumenimvero ille Synodum istam sub Agrippino ex Africæ & Numidiæ Episcopis coactam esse scribit; *Quod quidem & Agrippinus, inquit, bonæ memoriæ vir, cum cæteris coepiscopis suis, qui illo tempore in provinciâ Africâ & Numidiâ Ecclesiam Domini gubernabant, statuit.* Cyprian. Ep. 71. ad Quint. Et alibi de provinciâ sibi ut Episcopo Carthagenensi subditâ verba habens, dicit, *Sed quoniam latius fusa est nostra provincia, habet enim Numidiam & Mauritanias duas sibi, Africæ scilicet proprie sic dictæ, coherentes.* Id. Epist. 45. ad Cornel. Et quod hic asserit, factò comprobavit in Synodo illâ congregandâ, quæ hæreticos baptizandos esse decrevit. Sic enim incipiunt Acta ejusdem Concilii, *Cum in unum Carthagine convenissent, Kalend. sept. Episcopi plurimi ex provinciâ Africâ, Numidiâ, & Mauritanîâ cum Presbyteris & Diaconis.* Episcopi autem tunc temporis congregati plures quam LXXX. numerantur.

Verum quo D. Cypriani verba clarius intelligantur, tenendum est, Africæ nomen triplici olim modo usitatum fuisse, strictè, latius, & latissimè. Africa strictè & propriè sic dicta, unam duntaxat provinciam denotat; illam scilicet quæ Zeugitana à Plinio dicitur, cujus Metropolis erat Carthago. Latius sumpta totum illum terræ tractum significat, qui à freto Herculeo sive Gaditano usque ad regionem Cyrenaicam Ægypto adscriptam porrectus est, & Romano imperio sub eo nomine subjectus. Quo sensu à Patribus, Im-

Peratoribus, & Jurisconsultis plerunque fumitur. Latissimè pro tertiâ orbis terrarum parte usurpatur à Geographis, & ubicunque Europæ vel Asiæ opponitur, quam Arabes tamen non Africam, sed *terram occidentis* perpetuo vocant. Illis autem per *Afrikiam* (quomodo eam ab incolis vocari observat Leo Africanus) & per *Provinciam Afrikia* non nisi propria intelligitur Africa, quam à deserto *Barca* ad urbem *Buna*, sive Hipponem, cui S. Augustinus præfuit, computant.

Africam sive Libyam propriè sic dictam Romani suo, victis Carthaginensibus, imperio primo subdiderunt, eamque solam in istâ orbis parte aliquandiu tenuerunt. Quo factum est, ut cum alias etiam circumjacentes, easque amplissimas regiones subegissent, eas omnes Africæ primo devictæ nomine nuncuparint. Hinc Africa latius sumpta in primâ Imperii notitiâ omnes istas regiones à Romanis subditas comprehendit, nimirum has quatuor, Africam propriam, Numidiam, Mauritaniam, Tingitanam, & Mauritaniam Cæsariensem, quas omnes Ptolemæus quarto Geographiæ libro descripsit. Priusquam autem à Romanis subjiceretur, Mauritania unum tantum regnum fuerat. Postea vero in duas partes divisa est, quarum una Tingitana ab urbe Tingi, hodie *Tangier* dictâ, regionis olim capite, altera Cæsariensis à Cæsare cognominata est. Hanc Mauritaniam divisionem Dio adscribit Claudio, *Claudius*, inquit, *Mauros divisit in eos qui ad Tingin, & qui ad Casaream, unde & nomina habent, & duobus equitibus præpositis eos permisit.* Dio. lib. 60. Plinius autem C. Caligulæ, dicit enim *Principio terrarum Mauritania appellantur, usque ad Caicum Casarem Germanici filium regna, sevitiâ ejus in duas divise provincias.* Plin. Nat. Hist. lib. 5. cap. 1. Julius Solinus duas hæc Mauritanias describit, Polyhist. cap. 28. Verum haud longo post tempore ambæ Mauritaniam uni præfidi à Galbâ commissæ sunt; Tacitus, *Isdem diebus accessisse partibus utramque Mauritaniam, interfecto Procuratore Albino, nuncii venere. Luceius Albinus à Nerone Mauritaniam Cæsariensi præpositus, additâ per Galbam Tingitanæ provincie administratione, haud spernendis viribus agebat.* Tacit. Hist. lib. 2. cap. 58. Ab eo usque tempore ad Tertulliani ætatem ambas Mauritanias ab uno Præsidente administratas, atque ita in unam iterum conflatas fuisse provinciam, ex eodem constat dicente, *Nam & nunc à Præsidente legionis, & à Præsidente Mauritaniam vexatur hoc nomen.* Tertul. ad Scap. cap. 4. Hinc itaque est quod Tertulliani diebus, & aliquanto postea Africa ut latius sumpta, in tres partes distributa fuerit, Africam *xvxijs* dictam sive Proconsularem, Numidiam, & Mauritaniam. Postea, fateor, cum Romanæ provinciæ de novo dispositæ erant, Africanus ille tractus in sex provincias civiles divisus est, quæ sic numerantur, Proconsularis, ubi est Carthago, Numidia, Byzacium, Tripolis, & duæ Mauritaniam, hoc est, Sitifensis & Cæsariensis. Hæc autem divisio facta est avulsis Byzacenâ & Tripolitanâ à provinciâ Africâ propriè sic dictâ. Nam Byzacium & Tripolis antiquitus ad Africam pertinebant: Et Mauritaniam Sitifensem ab urbe Sitiphi sic dictâ, à Numidiâ distractam fuisse fidem facit Collectio Canonum Ecclesiæ Africanæ, quorum

quorum XVII. sic habet, *Placuit ut Mauritania Sitifensis, ut postulavit, primatem Numidia, ex cujus cœtu separatur, suum habeat primatem, quem consentientibus omnibus primatibus provinciarum Africanarum, vel omnibus Episcopis, propter longinquitatem habere permissa est.* Ubi verba ista à cujus cœtu separatur clarissimè ostendunt, Mauritaniam istam Sitifensem ad Numidiam antea pertinuisse, & istis fere temporibus ab eâ separatam esse. Unde patet, quod in novâ hâc dispositione, etiamsi numerus provinciarum augetur, nihil tamen Africæ latius sumptæ additum fuit, nec aliquid detractum, nisi forsitan Mauritania Tingitana, quam Rufus in breviario quinque aliis Hispaniarum provinciis adjectam fuisse observat, de quâ re non est quod nos laboremus, cum hæc divisio post D. Cypriani tempora facta fuerit.

Ex hisce inter se collatis facile cuivis est observare, quare D. Cyprianus duas Mauritanias provinciæ suæ cohærere asserat, cum in Actis Concilii sub ipso habiti una tantum Mauritania memoretur: propterea nimirum quod duæ essent regiones, sed istis diebus ab uno Præsidente administratæ, atque ideo una tantum provincia: Item quare dicat *Numidiam & duas Mauritanias suæ provinciæ cohærere*, eo scilicet quod Africa proprie sic dicta, qua sita est Carthago, prima fuisset in istis partibus Romanorum provincia, cui Numidia & Mauritania postea adjectæ sunt. Quapropter ut in notitiâ Imperii Provincia Carthaginensis *Proconsulem* habuit, qui vice sacra iudicabat, unde ea sola *Proconsularis* provincia dicta est; reliquæ autem provinciæ præfecto Prætorio, aut vicario ejus parebant; sic etiam in notitiâ Ecclesiæ, inter omnes Africæ provincias, Carthaginensis, ut *Proconsularis*, primatum habebat, adeo ut Episcopus ei præpositus, non solum istius provinciæ, sed & Numidiæ & Mauritanix primas esset. Unde Ecclesia Carthaginensis totius Africæ latius sumptæ caput dicatur à S. Augustino, sic enim intelligenda sunt hæc ejus verba dicentis, *Quod Lucille pecuniâ corruptis Episcopis in Carthaginensi Ecclesiâ, in Africa capite, altare contra altare levatum est*, Aug. Epist. 162. ad Gloriam.

IX. Non me fugit, in aliis etiam præter Carthaginensem Africæ Provinciis & Metropoles aliquando fuisse & primas sedes, ac proinde tam Metropolitanos quam Primates. Hoc enim è Codice Canonum Ecclesiæ Africanæ edocemur. Exortâ enim inter Episcopos Numidiæ quæstione ubi *Matriculæ* five *Regeſta* istius provinciæ servari debeant, definitum est, ut & in primâ sede & in Metropoli Constantinâ conderetur. Sic enim Canon LXXXVI. ejusdem Codicis habet, *Deinde placuit omnibus Episcopis, qui in hoc Concilio subscripserunt, ut Matricula & Archivus Numidiæ & apud primam sedem sit & in Metropoli, id est Constantina.* Ubi prima sedes à Metropoli aperte distinguitur. Et hoc quidem Ecclesiæ Africanæ proprium fuit & peculiare; quod præter Metropolitanum five Metropoleos Episcopum, quæque provincia suum etiam Primatem haberet, cæteris provinciæ Episcopis prælatum, non ob sedis dignitatem, sed quod ipse ante reliquos Episcopus ordinatus fuerat: cujus propterea sedes eo tantum nomine *Prima* dicta est, quod Episcopus, qui eam possidebat, alios omnes ejusdem provinciæ ordinationis tempore

tempore anteibat. Hinc licet Metropoles fixæ essent, & semper eædem, primæ tamen sedes vagæ erant ac desultoriæ, nunc hæc, nunc illa, prout Episcopos post ordinationem iis diutius præsidere contigit. Inter omnes enim cujusque provinciæ Episcopos, is qui primus consecratus fuerat, aliorum primus dictus est, & sedes ejus totius provinciæ prima. Hoc sensu in collectione Canonum Africanorum, Nicetius dicitur Episcopus primæ sedis Mauritanix Sitifensis, & Xantippus Episcopus primæ sedis Numidiæ. Can. LXXXV. LXXXVI. Qui quidem Xantippus senex sæpe appellatur, ut Can. XCI. C. alibique. Hinc ortum habuit singulare illud Afris censuræ genus, quo Episcopus, licet non Episcopatu, illius tamen primatus obtinendi jure depositus est, adeo ut etiam si tamdiu viveret, ut ordinationis respectu primus istius provinciæ Episcopus esset, illum tamen primatum aliorum ad instar habere non possit. Hujus censuræ generis S. Augustinus meminit, & Priscum quandam eo affectum docet, *Clamet, inquit, Priscus provincia Cæsariensis Episcopus, aut ad Primatum locus sicut ceteris & mihi patere debuit, aut Episcopatus mihi remanere non debuit*, Aug. Epist. CCLXI. Quæ quidem observatio quamplurimis ejusdem sanctissimi Patris, necnon Gregorii M. & Africanarum præsertim Synodorum locis lucem haud exiguam feret.

X. Verumenimvero ista Episcoporum ad provinciæ suæ primatum ordine succedentium consuetudo, ut nullibi præterquam in Africâ obtinuit, sic & ibidem post D. Cypriani tempora, imo quidem post novissimam illam Africæ latius sumptæ in sex provincias distributionem introducta est. Nam ante Constantini M. imperium nulla hujusce ritus vestigia in omni antiquitate apparent. Cum nos itaque de tribus prioribus Christianismi seculis agamus, nihil moramur, quot, quantive primates in Ecclesiam Africanam postea inventi sunt. Præsertim cum quocunque fuerint, Episcopo Carthagenensi eos omnes subjectos fuisse, adeo certum sit & omnibus notum, ut nihil certius, nihil notius esse possit, nisi hoc fortasse, quod D. Cyprianus Africæ non modo propriè sed & latius sumptæ Primas fuit & Metropolitanus. De hoc enim nihil plane est quod dubitemus, cum ipse conceptis verbis asseveret, non tantum Africam stricte dictam sive Proconsularem, verumetiam Numidiam & duas Mauritanias ei cohærentes, ad se pertinere, E quibus quatuor provinciis totus Africanus tractus Imperio Romano unquam subjectus, constitit. Cum autem in singulis hisce provinciis quamplurimi isti etiam diebus Episcopi essent, quibus omnibus D. Cyprianus, ut Episcopus Carthagenensis præfuit, eosque ad Synodos sub se habitas sæpe convocavit, nemo negare potest, quin is primus istius gentis Episcopus jure appelletur, talis scilicet de quo hoc Canone Apostolico decernitur, ut reliqui ejusdem gentis Episcopi eum agnoscant, & tanquam caput existiment, nihilque quod magni sit momenti præter ejus sententiam faciant. Quod quidem ab Episcopis Africanis religiosissime observatum est, quippe qui Primatem suum, D. Cyprianum Carthagenensem de omnibus Ecclesiasticis, majoris saltem momenti, quæ emergebant, negotiis consulere, ejusque sententiam expectare consueverunt

sunt. Sic Fidus unus ex Episcopis ei subiectis consilium ejus exquisivit de Presbytero quodam, cui antequam plenam pœnitentiam egisset, pax à Therapio Episcopo concessa est, necnon de infantibus, utrum intra secundum vel tertium diem quo nati sunt, annon potius post octavum diem, baptizandi sint. Cyprian. Epist. LIX. ad Fid. Euchrati Episcopus Thenarum, eum, ut Patris ipsius verbis utar, *consulendum existimavit* de histrione quodam, qui in ejusdem adhuc artis suæ dedecore perseverabat, an communicare cum aliis debeat. Cui D. Cyprianus hæc inter alia rescripsit, *Puto nec majestati Divine, nec Evangelica disciplina congruere, ut pudor & honor Ecclesiæ tam turpi & infami contagione fœdeatur.* Id. Epist. LXI. Januarius & cæteri Episcopi Numidiæ sententiam D. Cypriani interrogarunt, vel, si cum ipso loquar, *consulendum eum pro communi dilectione existimavunt* de hæreticis baptizandis. Id. Epist. LXX. De eadem quæstione ejus adhibuit consilium etiam Jubajanus Episcopus Africæ, Epist. LXXIII. Necnon Quintus Episcopus in Mauritaniâ, Epist. LXXI. ut aliis autem hujusmodi exemplis, quæ in D. Cypriani Epistolis passim occurrunt, supersedeamus, Rogatianus Episcopus à Novâ, in Mauritaniâ Tingitanâ, Diaconum quendam habuit, qui ipsum contumeliis & injuriis affecerat: Eum Rogatianus Episcopali suâ autoritate coercere potuit; sed nihilominus priusquam ipse in eum animadverteret, Primatis sui D. Cypriani sententiam rogavit, qui Epistolam suam ad eum rescriptam his verbis incipit, *Graviter & dolenter commoti sumus ego & collega mei qui præsentés aderant, frater charissime, lectis literis tuis, quibus de Diacono tuo conquestus es, quod immemor Sacerdotalis loci tui, & officii ac ministerii sui oblitus contumeliis & injuriis suis te exacerbaverit. Et tu quidem honorificè circa nos & pro solitâ tuâ humilitate fecisti, ut malles de eo nobis conqueri, cum pro Episcopatus vigore & cathedra autoritate haberes potestatem, quâ possis de illo statim vindicari. Certe quod collega tui omnes gratum haberemus, quodcumque circa Diaconum tuum contumeliosum Sacerdotalis potestate fecisses, habens circa hujusmodi homines præcepta divina.* Cyprian. Epist. LXV. Ex his verbis constat Rogatianum à Diacono suo contumelioso Episcopali suâ autoritate debitas pœnas exigere potuisse, sed maluisse tamen ad Primatem suum de eo conqueri; quod itaque honorificè circa ipsum & pro solitâ humilitate ab eo factum notat D. Cyprianus. Ac si dixisset, *Etiamsi Ecclesiastica disciplina requirat, ut nihil, quod magni sit momenti, & ad totam provinciam spectat, nobis inconsultis aggrediaris, nihil tamen vetuit, quominus de tuo ipsius Diacono injuriis te exacerbanti, propriâ tuâ Episcopi autoritate vindictam sumeres. Quod itaque de illo etiam ad me conquestus es, hoc solitæ tuæ humilitati acceptum refero, quâ scilicet nostro in hanc provinciam præmatui tantum attribuire soles, ut nullum Ecclesiasticum negotium nec in tuâ ipsius parœciâ sine nostro consilio administrare velis.* Unde liquet, quantum honorem Episcopi Africani Metropolitano suo & Primati Carthagenensi tunc temporis perhiberent.

XI. Qui vetusta primitivæ Ecclesiæ monumenta quâ par est diligentia atque animi æquitate legit, plura hujusmodi argumenta inveniet, quæ ordi-

nem inter ipsos Episcopos religiose observatum, unumque in unaquaque Provinciâ cæteris prælatum esse, longe ante Synodi Nicænæ tempora fidem plenissimam facient. Hæc autem quæ hæcenus adduximus, præsentî Apostolico vindicando Canoni sufficiant, utpote è quibus aliqualem nonnullorum supra alios Episcopos primatum & prærogativam secundo tertioque æræ Christianæ seculo in omnibus tunc dierum cognitis orbis terrarum partibus, Europâ dico, Asiâ & Africâ, obtinuisse, clarissime conficitur. Qualia fuerunt jura ac privilegia, quæ Primates isti sibi vendicabant, non opus est hic disputemus. Ex iis autem quæ disseruimus satis abunde constat, in eorum potestate situm fuisse collegas suos sive comprovinciales Episcopos ad Ecclesiasticas Synodos celebrandas convocare, iisdemque præsidere. Et siquidem Concilium Nicænum quarto ineunte seculo coactum, eodem, quo antiquas consuetudines in singulis provinciis servandas decrevit, Canone, decernat etiam neminem pro Episcopo habendum esse, qui præter vel citra Metropolitanî sententiam ordinatus est, nihil dubii esse potest, quin hæc etiam consuetudo antiquitus obtinisset, ut τὸ κῆρος, sive confirmatio ordinationis Episcoporum penes provinciæ cujusque Metropolitanum sive primatem esset. Nemo enim sibi persuadeat, Patres Nicænos aliquid novi eodem in loco definiisse, quo τὰ δεχάια ἐν servari definiunt. Ista autem Synodus ex omnibus, Romani saltem imperiî, provinciis congregata est; quam propterea latere non potuit, quinam ritus moresque per universam Ecclesiam recepti fuissent, & longâ consuetudine corroborati. Ignorare saltem non potuerunt, quomodo Ecclesiæ, ad quas ipsi pertinebant, administratæ fuerant, nec quomodo ipsi ordinati, & à quo ipsorum ordinatio confirmata est. Ipsi autem constituunt neminem Episcopum habendum esse, qui sine Metropolitanò factus est. Quo quidem decreto se etiam Episcopatu dejecissent, nisi primas suos aut Metropolitanus ordinationem cujusque confirmasset, vel ei saltem assensum suum præbuisset. Iste itaque Canon Nicænus non modo decernit quid in futurum de hæc re faciendum sit, sed ostendit etiam quid antea factum fuerat, ac usitatum, idque in universo terrarum orbe, omnibusve provinciis è quibus convocata est ista Synodus. Et hoc itaque privilegium, quod sane singulare est, & eximium, antiquis provinciarum primatibus haud dubie concessum est, ut se inconsultis, vel ordinationem improbantibus, vel etiam non confirmantibus, nullus Episcopus in suâ cujusque provincia ordinari possit. Quod præsentî quoque Canoni Apostolico præcise concinit, quo scilicet cautum est, ut Episcopi cujusque gentis primum suum sive primatem cognoscant, nihilque quod magni sit momenti, qualis est ordinatio Episcoporum, sine ejus sententiâ faciant.

Sed mirari subeat, nec quidem immerito, quâ tandem ratione hæc consuetudo in Ecclesiam primo introducta sit, ut licet Episcopatus ubique gentium unus idemque sit, unus tamen in unaquaque provinciâ Episcopus cæteris præset, & majorem quam reliqui auctoritatem haberet. Hoc sane ordinationis, quâ fit Episcopus, virtute nemo sibi vendicare potest, quippe quâ omnes æqualem potestatem curamque sibi commissam habent. Quod
 si Con-

ſi Concilia generalia & vetuſtiora Eccleſiæ ſtatuta conſulamur, nihil prorsus de primâ hujus conſuetudinis institutione, vel etiam initio, in iis inveniemus. Incœpta eſt enim vel inſtituta, priuſquam univerſalia Concilia celebrari cœperint, quæ propterea eam nuſquam inſtituunt, ſed prius inſtitutam ubique ſupponunt, & ſuâ demum autoritate confirmant. Quod ad antiquiores autem Canones ſpectat, longe ante primam univerſalem Synodum conſtitutos, nullos habemus præter Apoſtolicos, quibus ulla primatus hujus mentio occurrat. Quin nec in iſtis etiam Apoſtolicis uſpiciam memoratur, præterquam in præſenti Canone: Quo tamen non decernitur, ut in unaquaque gente unus Episcopopus eſſet Primus, ſed ut omnes cujuſque gentis Episcopopi *ἢ ἐν αὐτοῖς πρῶτον, illum qui in iis primus eſt*, cognoscant, & tanquam caput exiſtiment. Ubi propterea pro conſeſſo ſumitur, quocunque in ullâ gente Episcopopi erant, unum inter eos primum fuiſſe, ſive Primatem, eundemque reliquorum caput eſſe, atque ita proinde ab illis exiſtimandum. Nulla itaque primæ huiusce rei institutionis veſtigia videre eſt, quam nihilominus ab iſtis Eccleſiæ primordiis ubique gentium obtinuiſſe pro comperto habemus. Quapropter vix dubitare licet, quin aliquo ſaltem modo ad ipſos Apoſtolos referatur, qui ſi non ipſi hunc primatum inſtituerunt, inſtituendo tamen viam ſtraverunt apertiſſimam.

XII. Enimvero cum fides Evangelica, ſummâ Dei miſericordiâ ac benignitate, humano generi promulganda erat, à Divinâ Providentiâ ita comparatum eſt, ut permagna pars orbis terrarum tunc dierum cogniti, uni imperio, Romano ſcilicet, ſubeſſet, quo facilior ſalutifero hominibus Evangelio diſſeminando aditus pateſceret. Totum autem imperium Romanum, quantum quantum erat, in certas qualdam provincias diſtributum fuit. Singulæ porro provinciæ ſuos habebant Præſides, à quibus adminiſtrabantur. Hi ſummam poſt Principem, in ſuâ quiſque provinciâ poteſtatem exercebant. *Ulpianus, Præſes Provincia majus imperium in eâ provinciâ habet omnibus poſt principem. L. 4. ff. de officio Præſid.* Adeo ut totius cujuſque Provinciæ cura Præſidi ejuſdem commiſſa eſſet, ut è citato Digefſtorum titulo abunde conſtat. Quin ſingulæ etiam Provinciæ ſuas habebant *matrices*, ut vocantur, *civitates*, ſive Metropoles, in quibus Præſides, alique ſub iis magiſtratus cauſas civiles audire, & judicare ſolebant: ad quas propterea multo crebrior & frequentior erat populi concurſus quam ad alias quacunque ejuſdem Provinciæ urbes: adeo ut cæteræ cujuſque Provinciæ civitates à Metropoli ſuâ quodammodo pendere viderentur.

Cum Apoſtoli itaque cœlitus evocati & adjuti, Eccleſiæ à Chriſto fundatæ per univerſum terrarum orbem propagandæ operam navarent, imperium Romanum, ubi religio Chriſtiana multo citius faciliuſque quam apud rudiores gentes ſuſcepta eſt, ita diſpoſitum invenientes, omnes ejuſdem Provincias ſingillatim peragrabant, & ubicunque aliquos ad fidem Chriſtianam converterant, Eccleſiam ibidem inſtituebant, ab iſtâ Provinciâ denominatam, in quâ conſtituta eſt, vel à primariâ aliquâ ejuſdem civitate. Hieroſolymis, quæ iſtis diebus nondum deleta, Provinciæ Palæſtinæ Metropolis erat, &

Judææ caput, Ecclesia prima fundata est, quæ propterea Ecclesia Hierosolymitana dicitur, Ἡ ἐκκλησία ἡ ἐν τοῖς ἱεροσολύμοις, Aët. VIII. 1. Cap. XI. 22. Sic etiam Ecclesia in Antiochiâ Syriæ Metropoli memoratur, Aët. XIII. 1. Et alia in Corintho Metropoli Achaïæ, 1 Cor. I. 1. 2 Cor. I. 1. Adhæc D. Paulum Syriam & Ciliciam peragrassæ legimus Ecclesias confirmantem, Aët. XV. 41. Necnon Galatiam & Phrygiam, Cap. XVIII. 23. Syria, Cilicia, Galatia & Phrygia quatuor erant Provinciæ imperio Romano subditæ. Proinde Ecclesiæ, quas D. Paulus ibi confirmasse dicitur, istæ haud dubie erant, quæ in illis Provinciis constitutæ fuerant, quæque ab aliis quibuscunque Ecclesiis per Provincias, in quibus constitutæ sunt, apertissimè distinguuntur. Idem Apostolus in Epistolis Ecclesias à Provinciis, in quibus fundatæ erant, sæpe cognominat; memorat enim Ecclesias Galatiæ, 2 Cor. XVI. 1. Ecclesias Asiæ, 2 Cor. XVI. 19. Ecclesias Macedoniæ, 2 Cor. VIII. 1. Ecclesias Judææ, Gal. I. 22. 1 Thessal. II. 14. Hoc est, Ecclesias in istis Provinciis constitutas, quarum Metropoles erant, Galatiæ quidem Ancyra, Asiæ Ephesus, Macedoniæ Thessalonica, & Judææ Hierusalem. Quinetiam sub Macedoniæ & Achaïæ nomine Ecclesias istarum Provinciarum comprehendit. Rom. XV. 26. Unde Apostolos ad civilem imperii Romani dispositionem in Ecclesiâ propagandâ respectum habuisse constat. Alioquin enim Ecclesias à se fundatas, Provinciarum, in quibus erant, nomine non nuncupassent.

XIII. Qualem præterea quantumque Provinciarum respectum habuerit D. Paulus in Ecclesiis ab ipso aliisque constituendis, ex Epistolis, quas ad easdem scripsit, clarius adhuc elucescet: utpote quas omnes vel ad Provinciam in genere, vel ad Metropolim, aut principalem in eâ civitatem, vel denique ad Episcopum ejusdem misit. Primo enim, ut eodem quo vulgo collocantur ordine de iis differamus, ad Romanos scripsit, hoc est ad omnes fideles qui non modo in ipsâ urbe Româ, sed & in totâ istâ Provinciâ erant, cujus cura Præfecto urbi commissa est: qui quidem civilem exercuit potestatem non tantum intra urbem, sed & extra urbem in Italiâ, ut ex Epistolâ Severi ad Fabium Cilonem præfectum urbi missa docet Ulpianus, L. 1. ff. de Offic. præfecti. urb. Quicquid saltem intra centesimum lapidem, vel centesimum ab urbe usquequaque milliarium, admissum est, ad Præfecti urbi curam pertinebat, ut ibidem affirmatur. Quicunque igitur intra hosce limites in Italiâ degebant, Romani dicti sunt. Cùm Apostolus itaque ad Romanos scribit, omnes intelligit Christianos, qui in Provinciâ, ut ita loquar, præfecti urbi Romæ conversi erant, ac proinde hanc Epistolam ad istam ut ab aliis Provinciis distinctam misit. Ad Corinthios duas eo scripsit Epistolas, quarum primam inscripsit, τῇ ἐκκλησίᾳ τῇ Θεῷ τῇ ἔσῃ ἐν Κορίνθῳ. Alteram autem hoc modo, Παῦλῳ Ἀπόστολῷ Ἰησοῦ Χριστοῦ διὰ τὴν ἐλεησίαν Θεοῦ, καὶ Τιμόθεῳ τῷ ἀδελφῷ, τῇ ἐκκλησίᾳ τῇ Θεῷ τῇ ἔσῃ ἐν Κορίνθῳ, σὺν τοῖς ἁγίοις πάνσι τοῖς ὄντι ἐν ὅλῃ τῇ Ἀχαΐᾳ. 2 Cor. I. 1. Corinthus Metropolis

polis erat Achaïæ. Scribit igitur Apostolus ad Corinthios quidem, sed eâ cautione adhibitâ, ut Epistola non solum ad eos, verum etiam ad omnes fideles, qui in eâdem Provincia, Achaïâ scilicet, erant, dirigatur. Et istis igitur diebus Achaïa Ecclesiastica erat Provincia sub Ecclesiâ Metropolitanâ constituta, Corinthiâcâ nimirum, quam propterea Apostolus solum nominat. Porro Galatia Provincia erat Romana. Quapropter Apostolus ad Galatas scribens, Epistolam suam inscripsit, *πρὸς ἐκκλησίαν τὴν Γαλατίας*, *Ecclesius Galatiæ*. Ad totam itaque Provinciam & ad singulas in eâ Ecclesias scripsit, cujus Metropolis erat Ancyra, ut Ephesus Asiæ Proconsularis: Ad quam propterea Provinciam cum Apostolus Epistolam scriberet, eam ad Ephesios, sive ad fratres in Metropolitanâ Ecclesia misit. Scripsit etiam ad Philipenses, incolas magnæ in Macedoniâ civitatis, quæque prima erat urbs illius partis Macedoniæ, ut ait S. Lucas, *Act. XVI. 12*. Ad Colossenses etiam in Phrygiâ scripsit, *πρὸς*, inquit, *ἐν Κολοσσαῖς ἀγίοις*, *Cap. I. 2*. Hæc permagna erat præclaraque Phrygiæ civitas, quæ majori, ut videtur, fidelium multitudine quam cæteræ ejusdem Provinciæ urbes abundabat, à quâ propterea ad alios in eâdem provinciâ Christianos Apostolica hæc Epistola facilius transmitti potuit. Et quod ad Philippos rursum spectat, etiamsi ea non esset totius Macedoniæ Metropolis, Thessalonica erat, ad cujus incolas fide Christianâ imbutos, Apostolus duas conscripsit Epistolas, utramque inscribens *τῇ ἐκκλησίᾳ Θεσσαλονικέων*, *Ecclesiæ Thessalonicensium*, quam etiam per Dominum adjurat, ut prima Epistola *omnibus sanctis fratribus legatur*, *1 Thessal. V. 27*. hoc est, non solum istius urbis sed & totius Provinciæ Macedoniæ fratribus, in quos fraternaliter Thessalonicensium amorem commendat, *Cap. IV. 10*.

Ephesum Asiæ Proconsularis Metropolim fuisse, ante à nobis observatum est. Timotheum hujus urbis Episcopum à D. Paulo creatum esse Patres consensunt, *Τιμόθεός γε μὴν τὸ ἐν Ἐφέσῳ παροικίας Ἰσραήτων πρῶτος τῶν ἑπισκοπῶν εἰληφέναι*. *Timotheus Ecclesiæ Ephesinæ Episcopatum primus accepisse dicitur*. Euseb. Hist. Eccles. lib. 3. cap. 4. In Actis Concilii Chalcedonenfis XXVII. Episcopi à Timotheo ad istud tempus Ephesi ordinati dicuntur. *Ἀπὸ τῆς ἀγίας Τιμόθεος μέχρι νῦν εἰκοσιεπτά ἑπισκοποι ἐγένοντο, πάντες ἐν Ἐφέσῳ ἐχειροτονήθησαν*. *Act. Concil. Chalced. II*. Ipse etiam D. Paulus se curam Ecclesiæ Ephesinæ Timotheo commisisse affirmat, *1 Tim. I. 3*. eumque propterea docet, quales Episcopos & Diaconos ordinare debeat, *Cap. III*. monetque, ne accusationem contra Presbyterum admittat, nisi sub duobus tribusve testibus, *1 Tim. V. 19*. E quibus verbis S. Chrysostomus recte observat Timotheum non tantum Ephesinæ, sed & totius Asiæ Ecclesiæ curam sibi concreditam habuisse, *Δῆλον*, inquit, *ὅτι εἰς ἐν πεῦθεν, ὅτι ἐκκλησίαν λοιπὴν ἦν ἐμπιστευμένον ὁ Τιμόθεος, ἢ καὶ ἔθνον ὁλόκληρον τὸ τῆς Ἀσίας*. *Διὸ καὶ περὶ Προσευτέρων αὐτῷ ἀναλέγειται*. Chrysost. in *1 Tim. λογ. 16*. Hinc itaque apparet, quare D. Paulus has Epistolas ad Timotheum Ephesinum Episcopum, eumque solum direxerit, etsi complures alii in eadem Provinciâ Episcopi non modo à Timotheo, verum

etiam ab ipso Apostolo ordinati essent, nimirum quod is Metropoli totius Provinciæ sive gentis præfectus erat, atque ideo primus inter eos Episcopus. Idem dicendum est de Epistolâ ad Titum: Quem totius insulæ Cretæ primatem fuisse, sive primum Episcopum, ex ipsis D. Pauli ad eum verbis liquido constat, dicentis, *τάτα χάριν κατέλιπόν σε ἐν Κρήτῃ, ἵνα πᾶσι λείπωντά σοι διορθώσῃ, ἢ καταστήσῃς καὶ πόλιν πρεσβυτέρων, ὡς ἐγὼ σοι διετέλεσα.* Tit. I. 5. Hinc enim constat totam insulam ejus curæ commissam fuisse: adeo ut penes ipsum esset, quicquid in eâ deerat corrigere, atque etiam Presbyteros, sive Episcopos, ut constat è versiculo septimo, per singulas civitates ordinare. Id enim phrasis illa καὶ πόλιν clarissime significat, quemadmodum & κατ' ἐκκλησίαν, Act. XIV. 23. Non mirum itaque est, quod D. Paulus ad illum solum hanc Epistolam miserit, cum is Metropolitanus esset, & primus totius insulæ sive Provinciæ istius Cretæ Episcopus, quæ hodie Candia dicitur, centum urbibus olim clara, quarum Metropolis erat Gortyna.

Ex hisce videre est, quod D. Paulus cum Ecclesias à se aliisque Apostolis fundatas in fide Christianâ instruere & confirmare studeret, Epistolas vel ad totam in aliqua Provinciâ Ecclesiam ut ad Romanos, & ad Galatas; vel ad Metropolitanam vel primariam Provinciæ Ecclesiam, ut ad Corinthios, Ephesios, Colossenses, & Thessalonicenses; vel denique ad primum in Provinciâ Episcopum, Metropoli præfectum, ut ad Timotheum & Titum direxerit. Ad eundem etiam modum D. Petrus primam suam Epistolam inscribit Christianis per Pontum, Galatiam, Cappadociam, Asiam, & Bithyniam, dispersis. 1. Pet. I. 1. Quæ singulæ Romanæ erant Provinciæ, quarum Metropoles erant, Ponti quidem Amasea, Galatiæ Ancyra, Cappadociæ Cæsarea, Asiæ Ephesus, & Bithyniæ Nicomedia. Unde nihil apertius esse potest, quam ambos hos Apostolos, Paulum & Petrum Ecclesias respexisse, tanquam in Provinciis juxta civilem imperii dispositionem constitutas.

XIV. Sed quandoquidem hæc observatio ad eruendam Metropolitanorum & primatum Ecclesiasticorum originem plurimum conducet, eam clarius, quoad fieri potest, firmitusque adhuc adstruemus, idque primo non è singulari aliquo Apostolo, sed ex universa ista S. Apostolorum Synodo Hierosolymis habita, cujus Acta hodieque extant, Act. Apost. XV. Ubi nimirum legimus, quod ortâ inter primos Christianos controversiâ, de circumcisione & lege Mosaica Gentilibus imponenda, Paulus & Barnabas, alique Antiochia Hierosolymas ascendebant, ibique cum Apostolis & Presbyteris Synodum celebrabant. Cùm vero consilium de quæstione proposita habuissent, & in utramque partem deliberaissent, illis tandem visum est, decretum eâ de re edere, illudque ad Ecclesias, ubi exorta est controversia, mittere, in Epistola Synodica hanc inscriptionem præferente, *Οἱ Ἀπόστολοι, καὶ οἱ πρεσβύτεροι, καὶ οἱ ἀδελφοὶ τοῖς καὶ τῶν Ἀντιόχειαν, καὶ Συρίαν, καὶ Κιλικίαν ἀδελφοῖς τοῖς ἐξ ἐθνῶν χαίρειν. Apostoli, & Presbyteri, & fratres in qui sunt Antiochiæ, & in Syriâ & Cilicia fratribus,*
qui

qui sunt ex gentibus, salutem. Missa est igitur hæc Epistola ad duas imperii Romani Provincias, ad Syriam scilicet & Ciliciam, prioris etiam Metropoli, Antiochiâ, priori in loco nominatâ. Quare Paulus & Barnabas aliique cum Epistolâ à Synodo dimissi, Antiochiam venerunt, ibique eam tradiderunt, Cap. XV. 30. Unde liquet Antiochiam Syriæ Metropolim à totâ istâ Apostolorum Synodo cæteris Provinciæ istius urbibus prælatam fuisse, usque adeo ut Epistola hæc ad totam Provinciam scripta, illuc directe mitteretur, ibique primo legeretur. In aliis vero tam Syriæ quam Ciliciæ urbibus, à D. Paulo haud exiguo post tempore tradita videtur, cum ille unâ cum Sila istas Provincias peragrabat, confirmans Ecclesias in iis constitutas, ut ultimo ejusdem Capituli versiculo legimus. Unde Apostolos in fide propaganda, non tantum ad Provincias, verumetiam ad Metropolim cujusque Provinciæ peculiarem respectum habuisse indubium redditur.

Unum adhuc superest, illudque nobilissimum huic illustrandæ rei argumentum, ex Actis S. Apostolorum petiit, & à S. Johannis Apocalypsi confirmatum. Etenim vicesimo Actuum capite legimus D. Paulum Hierosolymam proficiscentem, cum decrevisset præternavigare Ephesum, ne tempus in Asiâ tereret, Miletum venisse, quæ urbs erat Ioniz, Epheso Asiæ Metropoli XXX. mill. pass. plus minus distans. Cum hic itaque esset D. Paulus, nuncios Ephesum misit, per quos Presbyteros sive Episcopos Ecclesiæ illius ad se accersivit, eos scilicet qui Epheso, aliisque Asiæ civitatibus præerant, ut testatur Irenæus, qui de Episcopis à D. Paulo tunc temporis convocatis loquens, ait, *In Mileto enim convocatis Episcopis & Presbyteris qui erant ab Epheso, & à reliquis proximis civitatibus,* Iren. lib. 3. cap. 14. Quod ex ipsis etiam D. Pauli verbis comprobetur. Illis enim ad eum congregatis D. Paulus in memoriam revocat, quomodo ipse se gesserat ab eo usque tempore quo ingressus est Asiam, *Vos, inquit, scitis, quomodo à primo die quo ingressus sum Asiam, vobiscum per id omne tempus essem.* Act. XX. 14. Quamplurimos sane ad fidem ante hæc converterat, usque adeo ut Demetrius Ἀρριόχῳ asseruerit, *Paulum istum non solum Ephesi, sed totius fere Asiæ magnam multitudinem persuadendo averisse, dicentem Deos illos non esse qui manibus sunt.* Cap. XIX. 26. Cum is itaque omnes Presbyteros, Episcoposive Miletum accersitos testes advocet quomodo se gesserat ex quo Asiam ingressus est, manifestum exinde redditur, Episcopos illos ex tota Asia convocatos esse, alioquin enim haud idonei fuissent testes quomodo se in ista Provincia gesserat. Per quos etiam se transisse dicit, *regnum Dei predicantem,* Act. XX. 25. Quod dici vix potuit, nisi illi in diversis illis, quas ipse transierat, civitatibus constituti essent. Sed nihilominus, etiam si omnes, quos tunc temporis convocabat Apostolus, Ephesi non essent, sed alii aliis præessent Ecclesiis, Ephesum tamen eos omnes ad se accersitum mittebat. Quid ita? nisi quod Ephesus totius Provinciæ Metropolis erat, cujus propterea Episcopus cæteros omnes Asiæ Antistites Miletum, ubi D. Paulus eos expectabat, convocare poterat? Necessario saltem exinde conficitur, majorem Ephesi quam aliarum istius Provin-

Provinciae urbium in hoc negotio rationem habitam fuisse, utpote ad quam solam mittebat Apostolus, etiam cum omnes Ecclesiasticos per totam istam Provinciam praefectos convenire voluit. Quinetiam per totam hanc historiam D. Paulus de Asianâ tanquam de singulari & ab aliis quibuscunque seceretâ Ecclesia loquitur, eamque totam *πίμνιον* vocat, *gregem* scilicet in quo seniores illos quos convocaverat, Episcopos à Spiritu Sancto constitutos esse affirmat. Cap. XX. 28. Unde liquet istam Provincialem, vel si ita loquar, Nationalem fuisse Ecclesiam, in qua plurimi erant Episcopi, inter quos Ephesus, ut Provinciae Metropoli praefectus, primus erat, & Metropolitanus. Quod è S. Johannis insuper Apocalypsi lucem pleniorē mutatur: quippe qua legimus D. Johannem in mandatis à Deo accepisse visiones suas mittere ad septem Ecclesias quae erant in Asiâ, hoc ordine numeratas ad Ephesum, Smyrnam, Pergamum, Thyatiram, Sardes, Philadelphiam & Laodiceam. Apocal. I. 11. Johannes autem literas illas ex Dei mandato scriptas, Angelo, sive Episcopo cujusque è septem illis Ecclesiis inscripsit, ad hunc modum, τῷ Ἀγγέλῳ τῆς Ἐφεσίνης ἐκκλησίας, Cap. II. 1. Καὶ τῷ Ἀγγέλῳ τῆς ἐκκλησίας Σμυρναίων, Cap. II. 8. & sic in reliquis. Multa hinc observare licet ad rem nostram facientia. Primo enim hinc constat, septem saltem Ecclesias in una ista Provinciâ, Asiâ scilicet Proconsulari, tunc temporis fuisse. Constat etiam, septem istas Ecclesias in septem celeberrimis Asiae civitatibus constitutas esse, & ab iisdem prænominatas, unam quidem τῷ Ἐφεσίνῳ ἐκκλησίαν, alteram τῷ ἐκκλησίαν τῶν Σμυρναίων, tertiam τῷ ἐν Περγᾶμῳ ἐκκλησίαν, & sic deinceps. Constat itidem, singulis hisce Ecclesiis singulos Angelos sive Episcopos praefectos esse, quibus propterea D. Johannes literas illas inscripsit, quas ad Ecclesias istas mittere iussus est. Constat denique, corpus quoddam Episcoporum in Ecclesiâ Asianâ ad modum Provinciae constitutum esse, cui Ephesus ut Metropoleos Episcopus praesuit: Hic enim primus utrobique memoratur, cæterisque praefertur, tam ubi de omnibus nimirum agitur, ut Apoc. cap. I. quam ubi de singulis, Cap. II.

XV. Qui praemissa maturo iudicio, æquoque animo expendit, incertus pendere nequit, unde horum supra alios Episcoporum primatus originem traxerit. Ex iis enim, quae ex ipsis S. Scripturis hucusque disputavimus, luculente patet, Apostolos in Ecclesiâ propagandâ, ad civilem imperii Romani in certas quasdam Provincias distributionem respexisse, usque adeo ut majorem Metropoleon quam aliarum cujusvis Provinciae civitatum rationem habuerint: ad Imperii scilicet exemplum, quo idem accurate observatum esse advertebant. Quod quidem non sine summa ratione ab iis factum est. Hoc enim modo Ecclesia & facilius propagari, & propagata melius administrari potuit. Enimvero haud possibile fuit, ut Apostoli singulas civitates, tanto locorum intervallo à se invicem disjunctas sæpe visitarent, & caverent ipsi ne fideles in iis constituti vel à religione recenter susceptâ recederent, vel hæreticis pravisque opinionibus corrumperentur. Hinc necesse iis visum est, in singulis, quas peragrabant, Provinciis, unam eligere civitatem,

civitatem, in quam summam conferrent curam, eidemque talem præficerent Pastorem sive Episcopum à seipsis probatum & ordinatum, qui reliquas cujusque Provinciæ urbes ipsorum loco inspiceret, & curaret, ut ab Episcopis suis juxta Apostolica præcepta administrarentur, atque ut Episcopus in unaquaque civitate constitueretur, simul ac ad fidem Christianam conversa est. Huic autem rei nulla in plerisque Provinciis commodior, aptiorve inveniri potuit civitas, quam reliquarum mater, sive totius Provinciæ Metropolis, utpote à quâ cæteræ quodammodo penderent, ejusque exemplum sequerentur; in qua etiam major esset hominum concursus, eo quod præses in ea sedere, omnesque civiles in tota Provinciâ exortas causas judicare solebat. Quamobrem Apostoli, etiamsi singulas peragrarent Provincias, summam tamen ad Metropoles curam jure meritissimo contulerunt, ad Romanam Imperii caput, ad Antiochiam Metropolim Syriæ, ad Corinthum Metropolim Achaïæ, ad Ephesum Metropolim Asiæ, ad Thessalonicam Metropolim Macedoniæ, &c. ut è supradictis patet.

Cum ipsi igitur Apostoli in Ecclesia propaganda tantam Provinciarum & Metropoleon rationem habuerint, exemplo quidem, licet non præcepto suo, Metropolitanis & Primatibus in Ecclesiâ instituendis occasionem præbuerunt. Illi enim, quibus post Apostolos commissæ sunt Ecclesiæ cura, eorum vestigiis, ut par erat, religiosè insistentes eundem ad Metropoleon Episcopos respectum retinuerunt, eos primos cujusque gentis sive Provinciæ Episcopos existimantes. Hinc fit quod ab ipsis Apostolicis temporibus ut Ecclesia in easdem ac Imperium, Provincias distributa fuit, sic & Metropolis cujusque Provinciæ in Ecclesiæ æque ac in Imperii notitiâ, primatum aliquem supra reliquas ejusdem civitates semper obtinuit, enimvero ut Asia Ecclesiastica pariter atque civilis Provincia, sic & Ephesus utroque respectu Metropolis ejusdem semper fuit. Idem dicatur de Achaïâ & Metropoli ejus Corintho; de Syriâ & Metropoli ejus Antiochia; de Galatiâ & Metropoli ejus Ancyra; de Cretâ & Metropoli ejus Gortynâ; de Ponto & Metropoli ejus Amaseâ; de Cappadociâ & Metropoli ejus Cæsareâ; de Bithyniâ & Metropoli ejus Nicomediâ; de Macedoniâ & Metropoli ejus Thessalonicâ. Cum ipsi enim Apostoli has ut distinctas in Ecclesiâ Provincias commemorarint, urbes supradictæ in Ecclesiastico etiam sensu Metropoles semper fuerunt, & ut Metropolis cujusque Provinciæ cæteris civitatibus, sic & Episcopus ejusdem cæteris Episcopis prælatus est: idque non in una tantum alterave Provincia, sed ubicunque suscepta est religio Christiana. Quod propterea ad Apostolos aliquo modo referamus necesse est. Quamvis enim ipsi nusquam, quod scimus, disertè præceperint, ut unus in unaquaque regione cæteris præesset Episcopus, nedum ut qui Metropoli præficeretur, aliis præferretur; cum ipsi tamen in Ecclesiis instituendis ad Provincias juxta civilem Imperii dispositionem, necnon ad Metropoles earum, singularem respectum habuerint, haud dubitare licet, quin Provinciarum in Ecclesia ad imperii exemplum dividendarum forma ab ipsis Apostolis manaverit. Et quod ad honorem Metropoli cujusque Provinciæ deferendum spe-

Stat, id etiam Apostoli suo saltem exemplo tradiderunt. Ipsi enim in Ecclesia propaganda luculenta satis documenta, ut ostendimus, ediderunt, quibus proximi ipsorum in Ecclesia administranda successores, primatum quendam Metropoleos cujusque Episcopo attribuere edocti sunt. Quin hoc etiam ab ipsis Ecclesiæ primordiis semper & ubique observatum fuisse constat. Quod tamen fieri non potuit, nisi aliquo saltem modo ab Apostolis traditum fuisset. Quod si de privilegiis loquamur, quæ Metropoleon Episcopi sibi postea vendicarunt, hæc usu ac consuetudine paulatim introducta sunt: ac proinde majora aut minora, plura aut pauciora fuerunt, prout loci & temporis ratio postulavit. Quo factum est, ut particularia hujusmodi Metropolitanorum privilegia inter antiquos Ecclesiæ mores à Concilio Nicæno Canone sexto recensentur, & ab universali ista Synodo confirmantur. Sed quod ad generalem eorum in sua cujusque Provincia primatum attinet, istum nec ea nec alia quævis Synodus unquam instituit; sed omnes pro certo & concessio sumunt, aliqualem Metropolitanorum in alios Episcopos primatum ab Apostolica traditione acceptum, & longa ac diuturna consuetudine usque adeo corroboratum esse, ut non opus esset denuo institueretur.

XVI. Sed ne quid dissimulare videar, nonnullas fateor civitates magno apud primos Christianos honore ornatas, summamque earum rationem habitam fuisse, ob aliam etiam rationem præter eam quam hætenus explicuimus, nimirum quod ab ipsis Domini Apostolis in fide Christiana instructæ fuissent, & Apostolicas propterea de Doctrina & Disciplina Ecclesiastica traditiones sincerius quam aliæ quæcunque civitates conservasse censeantur. Quam etiam ob rem Ecclesiæ ab iis institutæ, *Apostolica* antiquitus dictæ fuerunt. Talis fuit Ecclesia Ephesina à S. Paulo fundata & à D. Johanne per multos annos administrata, de qua proinde Irenæus, Ἀλλὰ καὶ, inquit, ἡ ἐν Ἐφέσῳ ἐκκλησία ἀπὸ Παύλου μὲν τετελελειωμένη, Ἰωάννη δὲ παραμεινάντῳ ζωτοῖς μέχρι τῶν Τραϊανῶν χρόνων, μάρτυς ἀληθής ἐστι τῆς ἀποστόλων παραδόσεως, *Sed & que est Ephesi Ecclesia, à Paulo quidem fundata, Johanne autem permanente apud eos usque ad Trajani tempora, testis est verus Apostolorum traditionis.* Iren. lib. 3. cap. 3. & apud Euseb. Hist. Eccles. lib. 3. cap. 23. Idem de aliis etiam Ecclesiis observat Tertullianus, hæreticos ad veras Apostolorum traditiones in Ecclesiis ab ipsis institutis conservatas mittens. *Age jam, inquit, qui vultes curiositatem tuam melius exercere in negotio salutis tue: Percurre Ecclesias Apostolicas, apud quas ipsæ adhuc Cathedra Apostolorum suis locis præsidentur, apud quas ipsæ authentica literæ eorum recitantur, sonantes vocem & representantes faciem universiujusque. Proxime est tibi Achaia? habes Corinthum. Si non longe es à Macedonia, habes Philippos, habes Thessalonicenses: Si potes in Asiam tendere, habes Ephesum. Si autem Italie adjaces, habes Romam, unde nobis quoque auctoritas præsto est.* Tertul. de præscript. adv. hæ. cap. 39. Et negari quidem nequit, quin magna hæce, aliisque ab ipsis Apostolis fundatis Ecclesiis autoritas eo ipso, nomen debeatur quod ab Apostolis fundatæ sunt, & authenticas eorum traditiones sibi conceditas habuerunt.

Sed

Sed observandum est, omnes propemodum quas ab ipsis Apostolis institutas legimus Ecclesias, in primariis provinciarum urbibus sive Metropolitibus constitutas esse. Omnes saltem urbes à Tertulliano loco citato commemoratæ, Corinthus, Philippi, Thessalonica, Ephesus & Roma, Metropoles erant, in sua quæque Provincia, præter Philippos, quæ licet totius Macedoniæ Metropolis non erat, erat tamen prima civitas illius partis Macedoniæ quâ sita est, atque ideo quasi Metropolis, ut S. Lucas testatur Act. XVI. 12. Quapropter hæc altera nonnullas Ecclesias aliis præferendi ratio, quod ab ipsis scilicet Apostolis fundatæ sunt, sententiam nostram usque adeo non destruit, ut confirmet potius. Et hinc enim constat ipsos Apostolos tantam Metropoleon præ aliis civitatibus rationem habuisse, ut in iis Ecclesias inprimis instituere curarent. Et quæcunque ab illis institutæ sunt Ecclesiæ, & *Apostolica* propterea dictæ, etiamli honorem quandam ut Apostolicæ, nullum tamen in alias primatum, nisi quatenus Metropoliticæ essent Ecclesiæ, habuerunt. Quod ex Ecclesia Hierosolymitana manifesto evincitur. Hanc enim ab Apostolis, vel potius ab ipso Salvatore nostro fundatam esse nemo inficias eat. Sed nihilominus cum Hierosolyma non esset Metropolis Palæstinæ, sed Cæsarea; ista licet sedes Apostolica, huic Metropoliticæ in Ecclesiæ pariter atque in Imperii laterculo subjecta est, adeo ut Synodus Nicæna solam *honoris consequentiam* Episcopo Hierosolymitano asseruerit, primatu omni ac potestate Cæsariensi tanquam Metropolitano conservata, ut ante probatum est. Et cum nonnulli, ut videntur, Episcopi, qui Ecclesias suas ab Apostolis institutas esse jactitabant, de primatu sibi propterea debito contenderint, seque etiamli non Metropolitanos, primos tamen suæ gentis Episcopos esse, caputque ejusdem juxta hunc Apostolicum Canonem existimari voluerint, Synodus Antiochena istis se interposuit, & primatum cujusque Provinciæ Metropoleos Episcopo asseruit, his verbis, τὸς καὶ ἐκάστῃ ἐπαρχίᾳ ὁπισκόπους εἶδέναι χρὴ ὅτι ἐν τῇ μητροπόλει περὶ πάντων ὁπισκοπον ἢ τινα φροντίδα ἀναδέχεται πάσης τῇ ἐπαρχίας, ὅθεν ἐδόξε ἢ τῇ πρῇ περὶ τῆς αὐτῆς, μηδέντε πρῶτον πλείον τὸς λοιπὸς ὁπισκόπους ἀντὶ αὐτῆς, ὅτι τὸ ἀρχαιότερον κατετίσονται ἐν τῷ πατέρων ἡμῶν κανόνι, Episcopos qui sunt in unaquaque Provinciâ scire oportet Episcopum qui præest Metropoli, & curam suscipere totius Provinciæ, eo quod in Metropolitibus undequaque concurrant omnes qui negotia habent. Unde visum est, eum quoque honore precedere, reliquos autem Episcopos nihil magni momenti aggredi sine ipso, juxta antiquiorem qui obtinuit à Patribus nostris Canonem. Syn. Antioch. Can. IX. Antiquiorem illum Canonem à Patribus Antiochenis hoc in loco memoratum ipsissimum esse Apostolicum, quem sub manibus habemus, in priori libro demonstravimus. Hic autem Apostolicus Canon primum quidem in unaquaque gente Episcopum à cæteris agnoscendum, & tanquam caput existimandum esse decernit: sed non definit, quisnam esset primus gentis cujusque Episcopus; verum pro concessio sumit, neminem id latere. Cum itaque in controversiam postea vocaretur à nonnullis, ut opinor, qui

sedes suas ab ipsis Apostolis fundatas esse præ se ferebant, Patres Antiocheni quæstionem ita determinarunt, ut omnem cujusque Provinciæ primum isti Episcopo, qui Metropoli ejusdem præest, adjudicent, addita insuper ratione quæ ubique valet, eo scilicet quod in Metropolim concurrant omnes qui civilia negotia habent. Ob quam quidem rationem ipsi etiam Apostoli summam Metropoleon præ aliis urbibus curam habuerunt. Quæ cum perpetuo & ubique obtineat, Synodo Antiochenæ recte visum est, ut in unaquaque Provincia is qui Metropoli præest, cæteris quibuscunque Episcopis præferatur. Quæ etiam Synodi Taurinensis, quinquaginta circiter post Antiochenam annis celebratæ, sententia fuit. Orta enim inter Episcopos, Arelatensem & Viennensem, quæstione de primatu, Synodus decrevit, ut is qui se Metropoli præesse probare potuit, primatis honorem ac potestatem haberet. En Synodi verba, *Illud deinde inter Episcopos urbium Arelatensis, & Viennensis, qui de primatus apud nos honore certabant, à Sanctâ Synodo definitum est, ut qui ex iis comprobaverit, suam civitatem esse Metropolim, is totius Provinciæ honorem primatus obtineat, & ipse juxta præceptum Canonum, ordinationum habeat potestatem.* Concil. Taurin. cap. 1. Unde patet, quod non obstante Apostolica nonnullarum Ecclesiarum institutione, ea civitas quæ in laterculo imperii Metropolis esset, in rebus etiam Ecclesiasticis primum totius Provinciæ habere debuit.

Cum ipsi igitur Apostoli orbem Ecclesiasticum juxta civilem Imperii Romani dispositionem, in provincias distribuerint; & in unaquaque Provincia singularem Metropoleos sive primariæ civitatis rationem habuerint; Cum proximi etiam Apostolorum successores, eorum exemplo ducti, primas ei, qui Metropoli cujusque Provinciæ præerat, in Ecclesiastico regimine partes tribuerint; Cum Romæ denique, Ephesi, Cæsareæ, Lugduni, Carthaginis, aliarumque matricum civitatum Episcopi secundo tertioque æræ Christianæ seculo primum, in sua quisque Provincia obtinuerint, eundemque de facto manifestum reddiderint, ut ex ante dictis patet, nemo in posterum mirari potest, quod in hoc tricesimo quarto Apostolorum dicto Canone, primi in unaquaque gente Episcopi mentio occurrat, etiam si juxta nostram sententiam longe ante Concilium Nicænum constitutus fuerit. Præsertim cum is simpliciter, primus suæ gentis Episcopus hic dicatur, non Metropolitana, non Archiepiscopus, non Exarchus, non Patriarcha, quæ nomina postmodum in usum Ecclesiasticum recepta sunt, nonnulla quidem eorum Concilii Nicæni tempore, vel paulo ante, alia vix ante quartam universalem Synodum Chacedone celebratam. Verum de nominibus istis non opus est hic disputemus, cum rem ipsam ab ipsis Apostolorum temporibus obtinuisse pro comperto certoque habeamus, ut unus scilicet in unaquaque gente Episcopus, & quidem is qui Metropoli ejusdem præest, primum quandam supra cæteros & prærogativam haberet.

XVII. Quod si ad tempora Synodo Nicænâ posteriora descendamus, quæcunque hucusque de Metropolitarum primatu asseruimus, è constanti universalis Ecclesiæ usu & praxi confirmata apparebunt. In omni enim gente,

in omni Provincia quæ fidem Christianam unquam suscepit, ut plures Episcopi, sic & unus inter eos primus, sive Primas fuit, is scilicet qui primariæ civitatis, sive Metropoleos totius Provinciæ curam gerebat, cum Provincia ista ad Christum primo convertebatur. Quæcunque enim civitas tunc temporis Metropolis erat in laterculo imperii, eadem & in Ecclesiæ laterculo Metropolis facta est, istumque honorem & primatum perpetuo retinere debet, ut ex omnibus, quas scimus ad fidem Christianam conversas, provinciis facile esset demonstrare.

Ut aliis autem hic supersedeamus, illustre hujus rei in Ecclesia hac nostra Anglicana, de qua pauca in transcurso differere non pigebit, specimen videre est. Enimvero cum Britanni, qui fidem Christianam inter primos receperant, ab Anglo-Saxonibus Ethnicis devicti, & in Cambriam cum Episcopis Clericisque suis detrusi fuissent, hæc gens, quæ à victoribus istis *Anglia* postea cognominata est, Christianis pene nudata, ad Ethnicam idololatriam reversa est, *Paganismi cultu in omnes terræ fines dilatato*, ut ex veteri Chronico Anglo-Saxonico observavit Johannes Fletus de Eccles. Westmon. fund. cap. 1. Aliique omnes qui de istis scripserunt temporibus, idem attestati sunt. Cæterum Anno 10XCVI. Augustinus cum aliis circiter quadraginta itineris comitibus à Gregorio M. Episcopo Romano huc missus est, qui Deo adistente, primo Ethelbertum Regem, & totam deinde Anglorum istorum gentem ad Christum convertit. Iste autem *Rex Ethelbertus eo tempore in Cantio erat potentissimus, qui ad confinium usque Humbri Fluminis, quo Meridionales & Septentrionales Anglorum populi dirimuntur, fines imperii tetenderat*, ut conceptis verbis affirmat Bedæ, Hist. Angl. lib. 1. cap. 25. Nimirum è septem illis, quæ Saxones in hac insula possederunt, regnis, Cantium primum erectum est, cæterisque erigendis viam patefecit. Hinc est quod primo in loco semper ponatur, quodque primatum super cætera sibi vendicarit: quem à nonnullis è Regulis ei denegatum Ethelbertus vi ac armis recuperavit; adeo ut in ipsa heptarchia, ille monarcha istis diebus esset; (ut alii postea.) Ejus saltem regnum per omnes Meridionales terræ partes usque ad Humbrum flumen extensum esse ex istis Bedæ verbis satis abunde constat. Hujus porro regni Metropolis tunc temporis erat Dorovernia, sive Cantuaria, ut ex eodem patet, dicente, *Dedit ergo Rex iis mansionem in civitate Dorovernensi, quæ imperii sui totius erat Metropolis*. Bed. ibid. Non ergo solius Cantii, sed totius Anglorum Imperii istis diebus Metropolis erat Dorovernia. Quin & capite proximo idem hæc habet, *Nec distulit quin etiam ipsis doctoribus suis locum sedis eorum gradui congruum in Doroverniâ Metropoli suâ donaret*; Quæ propterea Regia civitas ab eodem vocatur ibid. Cap. XXXIII. Cum hæc itaque totius Anglorum gentis ad fidem modo conversæ Metropolis esset, novæ etiam Ecclesiæ in isto imperio constitutæ Metropolis esse debuit. Et Augustinus contra Apostolicam traditionem, & constantem Ecclesiæ primitivæ disciplinam fecisset, si Metropolitanam suam sedem alibi fixisset. Aliæ enim Anglorum civitates huic subjectæ erant; Ipsa etiam Londonia sive Londinum, cui Mellitus postea præfectus est, ut ex hisce Bedæ

verbis colligere licet. *Mellinum*, inquit, ordinavit quidem ad prædicandum Provincia Orientalium Saxonum, qui *Thamesi* fluvio dirimuntur à *Cantio*, & ipsi Orientali mari contigui, quorum *Metropolis* *Londonia* civitas est, super ripam præfati fluminis posita, & ipsa multorum temporum populorum terrâ marique venientium. In quâ videlicet gente, tunc temporis *Sebertus* nepos *Ethelberti* ex sorore *Riculâ* regnabat, quamvis sub potestate positus ejusdem *Ethelberti*, qui omnibus, ut supra dictum est, usque ad terminum *Humbri* fluminis Anglorum gentibus imperabat. *Bed. lib. 2. cap. 3.* E quibus verbis liquet, *Londoniam* *Metropolim* quidem fuisse, utpote primariam regis civitatem: sed regis istius regnum nihil aliud erat quam Provincia Orientalium Saxonum, quæ ex *Estsexia*, *Middlesexia*, & parte *Hertfordiæ* constabat, isdem scilicet limitibus, quibus *Episcopi Londinensis* diocesis hodie, terminata. Quinetiam rex iste sub potentissimi Anglorum regis *Ethelberti*, (à quo eum regno isti præfectum esse in *Chronologia Saxonica* ad Annum 15CIV. legimus) potestate erat, cujus imperium usque ad *Humbri* fluminis terminum extendebatur, aliæque præter Orientalium Saxonum regna & *Metropoles* eorum sub se continebat. Hujus itaque imperii civitas regia *Dorovernia*, sive *Cantuarua*, non solum *Cantii*, sed totius Angliæ usque ad *Humbrum* *Metropolis* erat, & *Londinum* æque ac alias Saxonum civitates sibi subjectas habebat. Cum Ecclesia igitur in hac gente ad fidem recens conversa fundanda erat, Apostolorum exemplum & universalis Ecclesiæ praxis postulabat, ut *Cantuarua* ejusdem *Metropolis* esset, & honore *Metropolitico* in Ecclesia non minus quam in Imperio frueretur. Quapropter *Augustinus*, ut primus inter omnes Angliæ *Episcopus* esset, hanc primariam imperii civitatem, rege annuente, sibi eligebat; & ab eo usque tempore *Cantuarua* jure meritissimo prima perpetuo fuit Ecclesiæ Anglicanæ sedes, & *Episcopi Cantuarienses* *Primates* & *Metropolitani* totius Angliæ. Et ut parœcia, sive, ut hodie vulgo loquimur, diocesis *Londinensis* istam Angliæ partem hisce diebus continet, quæ antiquitus, ut ante observatum est, regnum Orientalium Saxonum constituebatur. Sic etiam Provincia *Cantuariensis* per totam Angliam usque ad *Humbrum* fluvium etiamnum protenditur, quo regnum *Ethelberti* septentrionem versus olim terminatum fuit. Unde Ecclesiam Anglicanam pariter atque Apostolicas primitivasque omnes, de quibus ante disseruimus, ad imperii quo sita est dispositionem hanc in re exactissime constitutam fuisse patet.

XVIII. Quandoquidem vero de sedibus *Metropolitico* hic agamus, ut antiquitus dispositis, ad pleniorẽ earum intelligentiam, non abs re erit, si observemus insuper, sedes quidem *Episcopales* ab unâ ad aliam civitatem sæpe translatas fuisse, & jure transferri posse, sed non item *Metropoliticas*. Civitas enim quæ à primâ Ecclesiæ cujusvis foundatione *Metropolis* fuit, eundem in Ecclesiæ notitiâ honorem, etiam si Imperii *Metropolis* esse designat, plerunque retinere solet, & ex Canonum Ecclesiasticorum præscripto semper retinere debet. Non me latet, Provincias in Orientali saltem Ecclesiâ, nonnunquam immutatas esse, & novas subinde *Metropoles* à Græcis Imperatoribus erectas. At Imperatoria ista novarum *Metropoleon* institu-

tio:

tio, antiquas non evertit, nec honore ipsis debito unquam spoliare potuit :
 utpote quibus pristina sua *περσεία* à primâ universali Synodo confirmata sunt.
 Et quæcunque propterea civitates ad Metropolitanicam in imperio dignitatem
 Imperiali auctoritate promotæ sunt, Episcopi qui illis præsunt, nomine qui-
 dem Metropolitanorum & honore fruuntur, non item potestate ullâ aut juris-
 dictione, ne antiqui & veri Metropolitanæ jura ac privilegia violentur, ut di-
 ferre statuit Concilium Chalcedonense, Canone duodecimo hæc habens,
*Ὅσα ἢ ἡδὴ πόλεις διὰ γεγραμμάτων βασιλικῶν τῇ μητροπόλει ἐπιμήτησαν ἐνό-
 ματι, μόνῃς ὑπολαβέτωσαν τῇ πρῆς, ἢ ὁ τῇ ἐκκλησίᾳ αὐτῆς διοικῶν ἐπίσκοπος,*
σωζομένων δηλονότι τῇ κατ' ἀλήθειαν μητροπόλει τῶν οἰκείων δικαίων. Quæcum-
 que autem civitates per literas Imperatorias Metropolis nomine honoratæ sunt,
 solo honore fruuntur, & qui ejus Ecclesiam administrat Episcopus, servatis scilicet
 veræ Metropolis suis juribus. Unde simul constat eas quæ ab initio fuerunt
 Metropoles, κατ' ἀλήθειαν, verè & reipsâ Metropoles esse, alias autem po-
 stea erectas nomen solum Metropoleon, in Ecclesiæ saltem notitiâ, habere,
 & præterea nihil. Sed idem, fateor, Concilium Canone XVII. decrevit,
ut si civitas ab Imperatoriâ auctoritate innovata est, vel etiam deinceps innovata
fuerit, civiles ac publicas formas Ecclesiasticarum quoque parochiarum ordo
consequatur. Quæ verba si ad Metropoles extenderentur, Canonî duodeci-
 mo ante citato planè contradicerent. Sed multi nihilominus viri eruditi hæc
 verba isto sensu interpretati sunt, ac proinde in conciliandâ istâ contradic-
 tione diu se exercuerunt. Verumenimvero decimus septimus iste Canon non
 omnino de Metropolibus sed de Episcopatibus solis agit, non de Provinciis
 ad Metropolitanos, sed de parœciis ad Episcopos pertinentibus; statuit enim,
ut quæ sunt in unaquaque Provinciâ rurales vicinæque parœciæ, firma ac inconvulsa
maneant, apud eos qui illas tenent Episcopos, præsertim si XXX. Annorum
tempore eas sine vi delinquentes administraverint. Ubi, ut cuique patet, non
 de Provinciis agitur, sed de singularibus parœciis sive, ut vulgo loquimur,
 parochiis ruralibus, quæ in Provinciis constitutæ sunt, & Episcopis subjectæ.
 Quin ultima etiam Canonis verba ante laudata, non de Metropolibus sed de
 parœciis intelligenda esse, ex ipsis constat, utpote decernentibus, ut si quæ
 civitates ab Imperatore de novo extractæ fuerint, Ecclesiasticarum parœcia-
 rum ordo civiles de iis formas consequatur: hoc est, si pagi aliqui aut ru-
 rales parochiæ, de quibus loquitur Canon, à vicinâ aliquâ avulsæ fuerint,
 & civitati de novo conditæ ab Imperatore adjunctæ, Ecclesia hæc in re civili
 dispositioni se accommodabit, & pagi isti ad illum pertinebunt Episcopum,
 qui novam istam, cujus civili jurisdictioni subjiciuntur, urbem administrat.
 Quod autem ad Metropoles spectat, quartæ hujus universalis Synodi de iis
 sententia non modo ex Canone XII. ante citato, qui disertissimus est, colli-
 gitur, verumetiam è judicio quod de duabus causis coram ipsâ ageretur pro-
 nunciavit. Quarum una inter Eunomium Nicomediensem & Anastasium
 Nicænum Episcopum, altera inter Photium Tyri & Eustathium Beryti Epi-
 scopum mota est. Nicomedia scilicet antiqua fuit & prima Bithyniæ Metro-
 polis. Sed Anastasius Nicænus ab Impp. Valentiniano & Valente impetra-
 verat,

verat, ut urbs sua Nicæa Metropolis fieret, qui propterea de privilegiis Metropolitans cum Eunomio Nicomediensi contendit. Chalcedonense vero Concilium, ad quod causa delata est, re in utramque partem auditâ, defini- vit, ut prima Metropolis Nicomedia omnia sua privilegia inviolata retineret, Nicæa autem de novo honorata, nudum Metropoleos nomen in Ecclesiâ & honorem sine omni Metropolitica auctoritate haberet, Concil. Chalced. Aët. XIII. Idem & in alterâ causâ Synodus iudicium tulit. Tyrus enim prima ac vera Phœniciæ Metropolis fuit. Sed Eustathius Beryti, urbis Phœniciæ, Episcopus, ab Imperatore Theodosio obtinuerat, non tantum ut Berytus Metropolis esset, verum etiam ut sex aliæ urbes Phœniciæ, Byblos, Botrys, Tripolis, Orthosiades, Arcæ, & Antarados, Tyro Metropoli distra- ctæ, Beryto subicerentur. Photius primæ veræque Metropoleos Tyri Epi- scopus causam ad Synodum Universalem deferat, quæ decrevit, ut Photius Tyri Metropolitanus omnem ordinandi potestatem in totâ suâ Provinciâ ad- huc haberet, Eustathius autem ex Imperatoris, quas obtinuerat, literis ni- hil amplius quam cæteri ejusdem Provinciæ Episcopi sibi vendicaret. Concil. Chalced. Aët. IV.

XIX. His à Concilio Chalcedonensi sic determinatis, similis olim inter Episcopum Cantuariensem & Lichfeldensem exorta est controversia. Ex quo enim Angli Saxonesque ad fidem conversi sunt, Cantuaria, ut ostendi- mus, vera & indubitata fuit totius hujusce gentis Metropolis. Verum post ducentos propemodum annos, Rex Offanus in Lambertum, Cantuariensem tunc temporis Metropolitanum, irâ succensus, ab Adriano P. R. impetra- vit, ut Provincia Cantuariensis divideretur, & Lichfelda in posterum Mer- ciorum, quorum ille Rex erat, Metropolis fieret : & sex Episcopi Ecclesiæ Lichfeldensi tanquam Metropolitice subicerentur, nimirum, Wigornensis, Legnecestrensis, Sinacestrensis, Herefordensis, Helmanensis, & Donmunen- sis. Quibus ab eo avulsis, Archiepiscopo Cantuariensi quatuor tantum Episcopi reliqui fiant, Londoniensis, Wintoniensis, Roffensis, & Sirebur- nensis, vel, ut alii, Selesiensis. Hæc divisio toto Lamberti Cantuariensis præsulatûs tempore duravit. Lichfeldensem autem, ut vocatur, Archiepi- scopatum primus quidem Eadulphus, & post eum Humbertus administravit. Verum exiguo post tempore, Kenulphus pene proximus post Offanum Mer- ciorum Rex, tantam Ecclesiæ Anglicanæ illatam violentiam ægre ferens, à Leone III. P. R. per literas obtinuit, ut novo isto Archiepiscopatu Liche- feldensi aboliito, dignitas sua ac privilegia omnia Ecclesiæ Cantuariensi resti- tuerentur. Et Athelardus, qui istis diebus Archiepiscopus erat Cantuariensis sive, ut vulgo dicebatur, Doroverniensis, Concilium hac de re convocavit, apud Clovesho An. Dom. ICCCCIII. ubi sedem Metropolitanam in Doro- verniensi civitate cum maximâ fraude divisam, & scissam fuisse asserit, præ- cipitque in nomine Dei omnipotentis, & omnium sanctorum illius, & per ejus tremendum iudicium, ne quis in posterum honorem Metropolitanæ se- dis minuere, vel in aliquantulâ particulâ dividere præsumat, sed per omnia in eo dignitatis honore plenissime semper permaneat, quo in Constitutione B. Gregorii

Gregorii & in privilegiis successorum ejus habetur, in Doroverniæ civitate, ubi *prima*, inquit, *in hac insulâ Catholica fides emicuit, & à S. Augustino sacram baptismi celebratum est, & Evangelium Christi prædicatum, & inde per gratiam Sancti Spiritus late diffusum.* Quibus ab eo prolatis tota Synodus consensit, cui inter alios intererat, & proximus post Athelardum subscribebat Alduulfus Lichefeldensis Ecclesiæ Episcopus. Unde constat Ecclesiam Lichefeldensem omni Archiepiscopatus honore exutam & Doroverniensi iterum subiectam esse, juxta Concilii Chalcedonensis Canonem & judicium de causis similibus pronunciatum. Et ab eo usque tempore nulla de primatu sedis Cantuariensis mota est controversia; nisi quod Gilbertus Foliot, Episcopus Londinensis, è contentione inter Henricum II. & Thomam Becketum Cantuariensem Episcopum fervente, occasionem arripiens, Metropolitica dignitatem Cantuariensi auferre, & ad suam transferre sedem conatus sit; eò scilicet, quod Archiflaminum, ut aiebat, sedes antiquitus fuerat. Quemadmodum Johannes Sarisburiensis, ejusdem ætatis scriptor, memoriæ tradidit. Epist. CCLXXII. Præterquam autem quod à Gentilium Flaminibus ad Episcopos Christianorum nulla prorsus sit consequentia, adeo ut parum referat, ubi isti constituti fuerint; Archiflaminum ne nomen quidem in quovis antiquo & probatæ fidei autore memoratur. Primò enim occurrit in supposititiâ quadam appendice ad supposititiâ Epistolam Clementis I. ad Jacobum, ab omnibus jamdudum explosam. Et ex eo haud dubie fonte hausit Gilbertus quæ de Archiflaminibus tantopere jactitabat. Hoc vero argumentum haud citius ab eo adductum, quam ab aliis omnibus rejectum est. Sed observandum est, eum Metropolitica dignitatem sedi suæ Londinensi asserere conatum esse, non quod Archiepiscopi sed quod Archiflamines ibi antiquitus constituti fuerant. Quod si ei constitisset Londinum Ecclesiæ Britannicæ Metropolim fuisse, vel Archiepiscopatum, dum Britones hanc terram incolebant, hoc potius prætextu Metropolitico honorem sibi proculdubio arrogasset. Verum nec ille nec quivis, ut opinor, alius novit, quænam Britannis Metropolitica sedes fuisset. Quod etiam Guilielmus Malmesburiensis, qui eodem quo Gilbertus clarebat seculo, observavit. Hic enim in prologo libri primi de gestis Anglorum Pontificum, ubi Archiepiscopum Cantuariensem totius Angliæ Primatem & Patriarcham esse affirmasset, addit protinus, *Ceterum ubi fuerit Archiepiscopatus tempore Britonum, cognitio labat: quia vetustas consumpsit nostri seculi memoriam.* Et quidem licet nemini dubium esse possit quin Ecclesia Britannica aliquem Archiepiscopum sibi habuerit præfidentem, incertum tamen est utrum Episcopus Londinensis, annon potius, ut aliis videtur, Eboracensis, vel fortè tertiæ alicujus sedis nobis incognitæ Episcopus, Archiepiscopalem honorem ac potestatem obtinuerit. Pro certo autem habemus ac explorato, Doroverniam, sive Cantuariam Anglorum Metropolitica perpetuo fuisse Ecclesiam, ex quo illi ad fidem Christianam conversi sunt.

XX. Controversia ista, quæ inter Lanfrancum Archiepiscopum Cantuariensem & Thomam Eboracensem, Guilielmo Primo hic regnante, agitata

fuit, longe alia fuit atque ea quam Gilbertus Londinensis movit. Ille enim non negabat quin Cantuariensis Archiepiscopus, super omnes in suâ Provinciâ Episcopos, inter quos Londinensis erat, primatum habere debeat : sed contendebat tantummodo se suamque Provinciam, nullo ei modo subesse. Ventitata est ac definita hæc causa à Synodo Wentoniæ habitâ, Anno Domini CIO LXXII. ubi, ut ait Guilielmus Malmesburiensis, *tandem aliquando diversis diversarum causarum autoritaribus probatum atque ostensum est, quod Eboracensis Ecclesia Cantuariensi Ecclesie debeat subjacere, ejusque Archiepiscopi, ut primatis totius Britannia dispositionibus in iis quæ ad Christianam religionem pertinent, in omnibus obedire.* Eodem etiam Concilio, ut idem refert, subjectionem Dunelmensis sive Lindisfarnensis Episcopi, & omnium regionum à terminis Lichfeldensis Episcopi & Humbri magni fluvii usque ad extremos fines Scotiæ, & quicquid ex hac parte prædicti fluminis ad Parochiam Eboracensis Ecclesiæ jure competit, Cantuariensis Metropolitanus Eboracensi Archiepiscopo ejusque successoribus in perpetuum obtinere concessit : ita ut si Cantuariensis Concilium cogere voluerit, ubicunque ei visum fuerit, Eboracensis Archiepiscopus sui præsentiam, cum omnibus sibi subjectis Episcopis, ad nutum ejus exhibeat, ut ejus Canonicis dispositionibus obediens existat. Quin ipse etiam Lanfrancus Cantuariensis hæc à Synodo istâ sub ipso habitâ, gesta enarrat, in Epistolâ quam eâ de re ad Alexandrum II. P. R. scripsit. Et ab eo demum tempore sopita est ista controversia, Archiepiscopo Eboracensi *Primate Angliæ*, Cantuariensi autem *Primate totius Angliæ* nuncupato. Sed ex eâ alia postea inter eos exorta est contentio. Eboracensis enim Archiepiscopus, ut Primas Angliæ, sibi liberum esse contendit, crucem ante se per totam Angliam deferre : quæ quidem quæstio, Anno circiter CIO CLXXX. exorta, eos diu exercuit ; tandem autem sub certis conditionibus ei etiam extra suam Provinciam elatâ cruce procedere permissum est. Hæc autem de crucis antelatione concertatio, non tanti fuit, ut ei diutius immoremur, præsertim cum ipsum Archiepiscopi Cantuariensis primatum minime attingat.

XXI. Hæc fusiùs idcirco profecuti sumus, quod hic Canon Apostolicus de primatu inter Episcopos agens, unus sit ex iis quorum causâ tota collectio oppugnatur. Ex iis autem quæ disseruimus, abunde satis, ut opinor, constat, nihil in eo decerni aut contineri, quod Ecclesiæ Primitivæ ac Apostolicæ institutis ac praxi non eleganter consonat. Quandoquidem, ut ostendimus, ipsi Apostoli in Ecclesiâ propagandâ, singularem ad Provincias ut in imperio dispositas respectum, summamque in singulis Provinciis Metropoleon rationem habuerunt : eorumque exemplo ducti, ipsorum in Ecclesiæ administratione successores, quibus nihil antiquius fuit quam decessorum suorum vestigiis insistere, Metropoli cujusque Provinciæ, & Episcopo eidem præposito primatum quendam perpetuo detulerunt, illumque primum inter omnes Provinciæ suæ Episcopos, reliquorumque caput ac Præsidem existimarent. Et ne quis suspicetur Ecclesiam Anglicanam hæc in re à Primitivâ discerepare, quod eadem hodie non sit Ecclesiæ atque regni Metropolis, sed hujus

hujus quidem Londinum, illius autem Cantuaria; rem istam ab ipsâ origine deducere, & primatum Ecclesiæ Cantuariensi non tantum ex usu & consuetudine, verumetiam ex jure Canonico, & Ecclesiæ Apostolicæ primitivæque disciplinâ deberi, ostendere & operæ pretium duximus & necessarium. Eo scilicet argumento, quod cum gens Anglorum fidem Christianam prima amplectebatur, non Londinum, sed Cantuaria prima ejusdem Metropolis erat. Cujus propterea Episcopus Metropolitica & Archiepiscopalem dignitatem jure merito sibi vendicavit, eamque mille & quod superest annos inviolatam retinuit. Adeo ut Ecclesia Anglicana, ut hodie constituta, in hac æque ac in aliis quibuscunque rebus, Ecclesiæ Primitivæ moribus ac disciplinæ summè consona videatur & conformis. Faxit Deus, ut usque ad secundum Domini nostri adventum ita permaneat.

CAPUT VI.

Synopsis.

- I. Canon Apost. L. de trinâ Mersione in Baptismo. Quam antiquus fuerit iste ritus. A S. Patribus inter Apostolicas traditiones recensetur.
- II. Nihil est ineptiæ nedum vitii in hac sanctione. Per quam deponuntur illi soli qui unâ mersione in mortem Domini datâ baptizant.
- III. Objectio contra hujus Canonis antiquitatem, ex eo petita, quod Eunomiani quarto seculo exorti, non trina sed unâ mersione in mortem Domini primi baptizasse perhibeantur.
- IV. Huic objectioni respondetur. Nec Socrates nec Sozomenus Eunomium dixit in mortem Domini primum baptizasse. Alii longe ante Eunomium in nomine solius Christi baptizantes Hæretici, amplam satis huic condendo Canonem materiam præbuerunt.
- V. Eunomii historiam ut à Theodoro traditam, antiquitatem hujus Canonis confirmare potius quam elevare ostenditur.
- VI. Traditiones non scriptæ Patribus eæ dicuntur, quæ in sacris Scripturis non continentur. Non eæ quæ nec in scriptis Ecclesiasticis habentur. Cujus rei specimen è S. Basilio datur.

I. **C**ANONES Apostolici à tricesimo quarto ad quinquagesimum, ita conditi sunt, ut ipse Dallæus nihil iis vitio vertere, nec inficiari posset, eos S. Apostolorum tempora & doctrinam sapere. At in quinquagesimum (quem ille quadragesimum nonum & Dionysiacæ collectionis penultimum falsò vocat) infestus fertur, eumque non nisi longo post Apostolos intervallo editum fuisse contendit. De Pseudep. lib. 3. cap. 17.

p. 626. Sed ipsum audiamus Canonem, sic statuentem. Εἰ τις ἐπίσκοπος
 πῶς ἢ πρεσβύτερος, μὴ τρία βαπτίσματα μιᾷ μυστήσεως ὑπετελέσῃ, ἀλλὰ ἐν
 βάπτισματι, εἰς τὸ θάνατον & κύβητος διδόμενον, καθαιρείσθω & ὃ εἶπεν ὁ κύριος,
 εἰς τὸ θάνατον με βαπτίσαιτε, ἀλλὰ πορεύεσθε μαθητεύσατε πάντα τὰ ἔθνη, βαπτι-
 ζόντες αὐτοὺς εἰς τὸ ὄνομα & πατρὸς, καὶ & υἱοῦ, καὶ & ἀγίου πνεύματος. *Si quis*
Episcopus vel Presbyter non tria unius mysterii baptismata perfecerit, sed unum
baptisma quod datur in mortem Domini, deponatur. Non enim dixit Dominus,
in mortem meam baptizare, sed omnes docete omnes gentes, baptizantes ipsos in
nomen Patris, & Filii, & Spiritus Sancti. In hunc Canonem Dallæus
 propterea invehitur, quod diserte præcipiat deponi Episcopum vel Presbyte-
 rum qui sine trinâ in aquam mersione quempiam baptizaverit. Fatetur autem
 vetustissimum fuisse apud Christianos hunc morem, ut ter, qui baptizaban-
 tur, mergerentur. Id tamen vel ab Apostolis traditum, vel à Clemente
 scriptum fuisse negat. Negamus & nos illud à Clemente scriptum, vel ab
 Apostolis totidem saltem verbis, quibus hoc Canone concipitur, constitutum
 esse. Aliquo tamen modo id ab Apostolis traditum, negare non ausi sumus:
 utpote quod à S. Patribus, nec semel assertum legimus. Ut alios enim
 taceam veteres Ecclesiæ scriptores, S. Athanasium, Cyrillum Hierosolymita-
 num, Ambrosium, Hieronymum, qui cum multis aliis de trinâ in baptismo
 mersione, ut suis diebus ubique usitatâ meminerunt, S. Basilium hunc ritum
 Apostolicæ traditioni diserte acceptum refert. Primo enim affirmat ille
 dogmata & instituta, quæ in Ecclesiâ istis diebus prædicabantur & observa-
 bantur, quædam haberi è doctrinâ scripto traditâ, quædam rursus ex Apo-
 stolorum traditione in mysterio tradita esse, quorum tamen, inquit, utraque
 parem vim habent ad pietatem, nec his quispiam contradicit, qui vel tenuiter
 expertus est quænam sint jura Ecclesiastica. Cùm hæc & similia dixisset,
 recensens deinde ea quæ Ecclesia non è sacris scripturis sed ex Apostolorum
 traditione recepit, inter alia huc non pertinentia, ait, τὸ ὃ τοῖς βαπτίζουσιν τὸν
 ἄνθρωπον, πόθεν; ἀλλὰ ὃ ὅσα πρὸς τὸ βάπτισμα, ἀποτίσσεσθαι τῷ Σατάνῃ καὶ τοῖς
 αἰσέλοις αὐτῷ, ἐν ποταμῷ ἢ γειφῇ; *Jam ter immergi hominem, unde e scri-*
pturis haustum? Reliqua autem quæ sunt in baptismo, velut renunciare Satanae,
& Angelis ejus, ex quâ scripturâ habemus? Basil. de Spiritu S. cap. 27. Sed
 & ipso S. Basilio majorem hac in causa testem habemus Tertullianum, qui
 ante centum ab ultimo Apostolorum elapsos annos in Ecclesiâ claruit. Cu-
 jus hæc sunt verba, *Et quamdiu per hanc lineam ferram reciprocabimus, habentes*
observationem inveteratam, quæ praveniendo statum fecit? Hanc si nulla
scriptura determinavit, certe consuetudo corroboravit, quæ sine dubio de tradi-
tione manavit. Quomodo enim usurpari quid potest, si iradium prius non est?
Etiâ in traditionis obientu exigenda est, inquis, auctoritas scripta. Ergo quæ-
ramus annon traditio non scripta debeat recipi. Planè negabimus recipiendam, si
nulla exempla præjudicent aliarum observationum quas sine ullius scripturæ instru-
mento, solius traditionis titulo, exinde consuetudinis patrocinio vendicamus. De-
nique ut à baptismo ingrediatur, aquam adituri, ibidem, sed & aliquanto prius
in Ecclesiâ sub Antistitis manu contestamur nos renunciare Diabolo & pompa, &

Angelis

Angelis ejus: dehinc ter mergitamur, amplius aliquid respondentes quam Dominus in Evangelio determinavit. Tertull. de coronâ milit. cap. 3. Quibus verbis aperte significatur, nonnullos istis etiam diebus observatos fuisse ritus, qui nusquam in sacris Scripturis præcepti leguntur, sed tantum traditione recepti, & consuetudine corroborati; huncque de trina in baptismo mersione unum inter eos esse. Cum vero exiguum adeo temporis spatium inter sanctos Apostolos & Tertullianum effluerit, vix dubitari potest, quin ritus Ecclesiastici tunc temporis passim in Ecclesia usitati ab Apostolica traditione manerint.

II. Verum Dallæus ritum hunc ineptiæ damnat, ut *mysteria nescio quæ in ternario numero querentem: quod à verorum, inquit, Apostolorum gravitate ac simplicitate longissime abest.* Quid vero? Ipse hic ritus mysteria quævis in ternario numero quærit? Cuinam unquam ante Dallæum hujus in mentem venit? Sed Ecclesiam fortasse intelligit, apud quam antiquitus vulgo obtinuit; quam propterea sui immemor ineptiæ damnat, suumque ingenium toti primitivæ Ecclesiæ anteposit. Quid autem mali, quid ineptiæ in hoc ritu hæret? Servator noster mandavit, baptismum administrandum esse in nomine Patris, & Filii, & Spiritus Sancti: qui tres sunt distinctæ personæ, ac proinde Ecclesia Apostolica ac primitiva, quum quempiam baptizabat, eum ter in aquam immergebat, semel scilicet in unamquamque personam, juxta præceptum Domini, nominatam. Quod quidem nemo præter Dallæum ei vitio vertat: præsertim cum à primitiva Ecclesia nihil mysteriî in eo quæreretur, nedum in ternario numero tunc temporis adhibito. Quod si qui postea mysteria nescio quæ in isto numero quæsierunt, ipsi hoc viderint: Ut eorum autem culpa ac ineptia vel ipsi ritui vel Ecclesiæ eundem observanti objiceretur, injustum nimis est & periniquum. *Sed ex multis, inquit Dallæus, non sacrarum modo literarum, sed & ipsius Ecclesiasticæ antiquitatis monumentis clarum est, ad baptismum satis esse unam vel mersionem vel etiam asperersionem.* Esto. Quid hinc sequitur? Ergo, inquit, *iniquus est, Apostolisque adeo indignus hic Canon, qui baptismum unâ vel alterâ mersione celebrantes damnat, omninoque trinam mersionem requirit.* Verumenimvero hunc ritum ut ter mergerentur quicumque baptizabantur, apud universam Ecclesiam primitivam obtinuisse, ipse Dallæus, rei veritate victus negare nequit, sed sæpe confessus est. Annon igitur in Ecclesiæ potestate situm erat, illud sub pœnâ sancire, quod ubique observatum erat, & ab Apostolicâ traditione receptum? An iniquum erat eos damnare & pœnis subicere, qui universam Ecclesiæ praxim schismaticè violabant? Hocce Apostolis indignum, vetare ne schisma in Ecclesiâ fiat, eosque punire qui faciunt? Quid vero si Canon non damnet eos qui simpliciter trina mersione in baptismo celebrando non utuntur, sed eos solos qui baptizatum ter propterea non immergunt, quod baptismum non in nomine SS. Trinitatis, sed tantum in mortem Christi celebrarent? Profecto qui verba attente & sine præjudicio legit, hunc genuinum esse eorum sensum facile videbit. Canon enim non dicit, *Si quis Episcopus, vel Presbyter non tria unius mysteriî baptismata perfecerit, deponatur.* Sed hoc

dicat, *Si quis Episcopus vel Presbyter non iria unius mysterii baptismata perfecerit, sed unum baptismum in mortem Domini datum, deponatur.* Quæ ultima verba, *sed unum baptismum in mortem Domini datum,* conjunctim haud dubie cum prioribus intelligenda sunt. Adeo ut isti soli hoc Canone damnentur, non qui una merfione absolutè, sed qui una merfione in mortem Christi data utuntur. Quod etiam è ratione sanctioni addita manifestius evadit, ut sic habente, *Non enim dixit Dominus in mortem meam baptizate, sed euntes docete omnes gentes, baptizantes eos in nomine Patris, & Filii, & Spiritus Sancti.* Quæ quidem ratio clarissimè ostendit, Canonem in eos solos sancitum esse, qui non in nomine SS. Trinitatis juxta Domini institutionem, sed tantum in mortem Christi baptismum administrant. A quibus, ut præceptum Domini violantibus, depositionis pœna jure exigitur. Quin hoc etiam ex ipsa Dallæana horum verborum interpretatione eliciatur. Dicit enim, *Sed hæc quæ dixi verba* (nimirum *sed unam merfionem in mortem Domini datam*) *ideo addit Canon, quod nulli scilicet præter istos in Domini mortem baptizantes, apud Christianos tum reperirentur, qui baptismum aliter quam tribus merfionibus peragerent.* Pag. 628. Hinc enim necessario consequitur, eos solos hoc Canone damnari, qui in mortem Christi baptizabant: siquidem omnes alii Dallæo judice baptismum non nisi trina merfione peragebant. Canon autem eos, qui non modo SS. Trinitatem negabant, verum & ipsum baptismi sacramentum, ut à Domino institutum corrumpere & violare ausi sunt, deponi jubens, nec iniquus, nec ipsis adeo Apostolis indignus habeatur. Nihil saltem vetat, quo minus ab Ecclesiâ Apostolica constitui & divulgari potuit.

III. Hinc alio se convertit vir doctissimus, huncque Canonem non modo non ab ipsis Apostolis, sed nec ante Annum Domini CCCXXXVII. editum fuisse probare enititur, eo scilicet quod non alii in veteri Christianismi historia occurrunt quam Eunomiani quidam, qui teste Socrate, οὐκ εἰς τὴν τετραδα ἀλλ' εἰς τὸ ἔχειν βαπτίζουσι θάνατον, *Non in Trinitatem, sed in mortem Christi baptizant.* Socrat. Hist. Eccles. lib. 5. c. 24. Quique ut Synodus Constantinopolitana prima docet (Canone nimirum septimo, qui tamen isti Synodo falso adscribitur) εἰς μίαν κατάδυσιν ἐβαπτίζοντο, *una merfione baptizabantur.* Quod utrumque, inquit, ex Theodoro discimus, qui hoc Eunomii de baptismo placitum refert, μὴ ἔχειν τοὺς καταδύειν τὸν βαπτίζόμενον, μηδὲ ποιεῖν τὴν τὴν τετραδα ὁ Ἰησοῦς, ἀλλ' ἀπαξ βαπτίζειν εἰς τὸ θάνατον ἔχειν. *Non oportere ter illum immergere qui baptizatur, nec Trinitatem invocare, sed semel baptizare in mortem Christi.* Theodoret. hæret. Fab. lib. 4. cap. 3. Ad istos, inquit Dallæus, totum hunc Dionysiacæ five Græcanicæ collectionis Canonem XLIX. respicere ac pertinere, qui non intelligit, næ ille nihil intelligit. Itaque cum ii, quos recta ferit, Eunomiani Constantii principatu, hoc est, post An. Dom. CCCXXXVII. exorti sint, fieri profecto non potest, ut non modo Apostolis sed etiam Clemente duobus totis & amplius seculis recentior non fuerit, qui hunc Canonem condidit. Hactenus Dallæus cujus argumentum firmitus adhuc è Sozomeni testimonio adstructum videatur, dicentis, φασὶ δὲ τινες πρῶτον τῶν τὸν Ἐυνόμιον πολυμῶς ἐπιστήσαντες

ἡ ἀρχαία ἐν μιᾷ καταδύσει χεῖναι διπλεῖν τὴν θείαν βάπτισιν, ἢ ὡς ἀρχαίως
 τὴν ὑπὸ τῶν Ἀποστόλων εἰσέτι νῦν ἐν πᾶσι φυλαττομένην παρέδοσιν, Αἰνὴ πορρο
quidam Eunomium hunc primum asserere ausum esse, quod sacrum baptismum una
mersione peragendum sit, & traditionem, quæ ab Apostolis ad hunc usque diem
ubique servatur, corrumpisse. Sozom. lib. 6. cap. 26. Hoc autem testimonium
 cautus prudensque omisit vir eruditus, ut illud quod hoc Canone fancitur,
 ab ipsis Apostolis traditum, & ab iis usque ad Sozomeni ætatem, & quidem
 ubique sive ab omnibus Ecclesiis servatum asserens, quod à Dallæana de eo
 opinione usque adeo abhorret, ut sine summo causæ periculo ab eo divul-
 gari non possit.

IV. Hoc autem etiamsi, primo saltem intuitu, aliqualem argumenti spe-
 ciem præ se ferat, ed quod verisimile sit hæreticum aliquem in mortem
 Christi baptizantem, huic condendo Canoni occasionem præbuisse, si paulo ta-
 men attentius inspiciatur, nihil in se continet, quod tantæ eum novitatis ar-
 guat. Enimvero Socrates & Sozomenus Ecclesiasticas suas, ut cuique notum
 est, historias ab eo demum tempore incipiunt, in quo historia Eusebii Cæsa-
 riensis desit: ac proinde nihil ex iis certi de Ecclesiæ primitivæ disciplinâ
 hauriri potest. Quod itaque Sozomenus de Eunomio scribit, eum scilicet
 primum juxta nonnullos asseruisse, quod sacrum baptismum una tantum mer-
 sione peragendum sit, de istis solis temporibus intelligendum est, quorum
 historiam ille contexuit: quibus etiam ipsis Eunomium hoc primum prædi-
 casse, ipse Sozomenus non affirmat, sed dicit tantummodo *φασὶ δὲ πῶς*,
nonnulli hoc dicunt. Quibus verbis hanc aliorum quidem nonnullorum, sed
 non suam esse opinionem indicat. Quin isti etiam qui illud affirmabant, de
 suis tantum temporibus loquebantur, quibus Eunomius primus hoc asserere
 ausus est. Socrates autem & Theodoretus, licet hanc Eunomii sententiam
 fuisse consentiant, neutiquam tamen illum primum ita sensisse dicunt: sed ob-
 servant tantummodo eum una mersione in mortem Domini data baptismum
 celebrasse. Quod alii procudubio hæretici nonnullis retro seculis asseruerant
 & facitarent: quod nec Socrates, nec Theodoretus, nec ipse Sozomenus
 negavit uspiam, vel negare potuit. Multis enim ante Eunomium annis Mo-
 narchiani, Praxeani, alique blasphemæ hæretici Sacrosanctam Trinitatem
 negaverant, ac proinde trinam in baptismo mersionem admittere non potue-
 runt, quippe quæ tres distinctas in divina natura personas supponit, in quas
 singulas baptismus administratur. Unde Tertullianus Patris ac Filii adeoque
 personarum SS. Trinitatis distinctionem hoc argumento demonstrat, quod
 Baptismus juxta Dominicam institutionem in singulas personas celebrandus sit.
 Etenim adversus Praxean ejusque gregales de hac re disputans, hæc habet, *Et*
post resurrectionem spondens Christus, missurum se discipulis promissionem Patris,
& novissime mandans, ut tinguerent in Patrem, & Filium, & Spiritum San-
ctum, non in unum. Nam nec semel sed ter, ad singula nomina in singulas
personas tingimur. Tertull. adv. Prax. cap. 26. Ubi etiam verba ista, & non
 in unum, Praxean, aliosque istius seculi hæreticos, in unum, in Christum
 scilicet, ejusque mortem baptizare solitos fuisse innuunt. Quod etiam è D.

Cypriano.

Cypriano indubium redditur. Hunc acriter contendisse eos qui ab hæreticis ad Ecclesiam Catholicam conversi sunt, baptizandos esse, & baptismum ab hæreticis collatum à nemine tanquam verum admittendum, nemo nescit. Si rationem autem quæramus qua in hanc opinionem inductus est, huc fere redit, quod istorum temporum hæretici non in nomine Patris, & Filii, & Spiritus Sancti, juxta quod à Domino præscriptum est, sed tantum in nomine Christi pro nobis mortui baptizare solerent. Cum ergo, inquit, ex ipsius Christi prædicatione & contestatione Pater ante cognoscendus sit qui misit, tum deinde Christus qui missus est, nec possit esse spes salutis nisi duobus simul cognitis, quomodo non cognito, imo & blasphemato Deo Patre, qui apud hæreticos Christi nomine baptizati dicuntur, peccatorum remissionem consecuti judicantur? Et paucis interjectis, Denique ubi post resurrectionem, à Domino Apostoli ad gentes mittantur, in nomine Patris, & Filii, & Spiritus Sancti baptizare gentiles jubentur. Quomodo ergo quidam dicunt, foris extra Ecclesiam, imo & contra Ecclesiam modo in nomine Jesu Christi, ubicunque & quomodocunque gentilem baptizatum remissionem peccatorum consequi posse, quando ipse Christus gentes baptizari jubeat in plenâ & adunata Trinitate. Cyprian. Epist. LXXIII. ad Jubajan. Eadem fere repetit in Epistolâ ad Pompeium, & passim alibi. E quibus conficitur istius seculi hæreticos in Deum Patrem blasphemasse, ac propterea baptismum non in adunata Trinitate, sed tantum in nomine Christi, qui pro nobis mortuus est, administrasse. Contra quos proinde talis, qualem sub manibus habemus, Canon ab Ecclesia ederetur necesse fuit: ut magnum scilicet hoc Sacramentum, quo in Ecclesiam Christianam admittimur, juxta Christi ipsius institutionem in nomine Patris, & Filii, & Spiritus Sancti, & non tantum in nomine vel in mortem Christi peragatur. Huic saltem constituendo Canonî veteres illi, qui Ecclesiam secundo tertioque seculo infestarunt, hæretici, amplam satis materiem præbuerunt, æque ac Eunomius qui quarto nondum adulto exortus est.

V. Argumentum igitur ex Eunomio petitum, antiquitati hujusce Canonis nihil detrahit. Quin potius hæretici istius historia, ut à Theodoro tradita, luculentum eidem adstruendæ argumentum suppeditat. Ille enim de Eunomio loquens hæc habet, 'Αὐτὸς καὶ ὁ ἀγίος βαπτίσματος ἀνέτρεψε ἢ ἀνέκαθεν ποτὲ ὁ κυεῖς καὶ Ἀποστόλων παραδοθέντα θεσμὸν, καὶ ἀντικρυς ἀντενομόθετησε, μὴ χεῖναι λέγων τὸς καθ' αὐτὸν ἢ βαπτίζομενον, μηδὲ ποιῆσαι τι τὸ τελῶδες ὁπικλησιν, ἀλλ' ἅπαρ βαπτίζειν εἰς ἢ θάνατον ὁ Χριστός, Idem sancti etiam baptismatis legem antiquitus à Domino ac Apostolis traditam evertit, & contrariam aperte sanxit, dicens non oportere ter illum immergere qui baptizatur, nec Trinitatem invocare, sed semel baptizare in Christi mortem. Theodoret. hæret. Fab. lib. 4. cap. 3. Hic enim legem à Domino ac Apostolis ejus latam asserit, ut SS. Trinitas in baptismo administrando invocetur sive nominetur, utque is qui baptizatur, ter in aquam immergatur, cui propterea, Eunomius ἀντικρυς, ut ait, ἀντενομόθετησε, contrariam plane legem sanxit, Cum hos ritus minime necessarios, nec omnino observandos esse, sed baptismum in mortem Christi conferendum edixerit. Et quidem de SS. Trinitate invocandâ res satis constat,

constat, cum ipse Dominus in mandatis dederit, ut baptismus in nomine Patris, & Filii, & Spiritus Sancti peragatur. Ubi vero est lex ista ab Apostolis data, cui Eunomius contradixit, imo contrariam legem tulit? Ubi illi tradiderunt, ut baptismus trina mersione, & non una sola in mortem Christi data celebretur? Talem sane legem vel à Domino, vel ab Apostolis ejus latam Theodoretus hoc in loco diserte affirmat. Constat autem Dominum illud nusquam præcipisse: Apostolos etiam nullam ea de re legem in sacris scripturis tulisse constat. Restat igitur, ut lex ista Apostolica, cui Theodoretus Eunomium contrarium sanxisse asserit, nihil aliud fuerit, quam præsens Canon Apostolicus, conceptis verbis præcipiens, ut baptismus trina mersione perficiatur, & non unica in mortem Christi collata, cui lex ab Eunomio lata planè contraria fuit. Neque ulla unquam lex sive constitutio Ecclesiastica de hac re Apost. nomen sibi inscriptum habuit, præter hunc unum Apostolicum vulgo appellatum Canonem. Quem propterea Theodoretus in animo habuisse videtur, cum verbis supra laudatis, Eunomium in baptismi celebratione Apostolorum legem evertisse, eique contrariam sanxisse dicebat. Adeo ut hoc Theodoretum testimonium, tantum abest ut antiquitatem horum Canonum convellat, ut inter ea potius recenseatur argumenta, quibus nostra de iis opinio confirmatur.

VI. Hisce diffusus, Dallæus alia adhuc machinâ antiquitatem hujusce Canonis labefactare conatus est, & quod mirum est, novitatem illius exinde probare, quod ab ipsis Domini Apostolis antiquis Patribus traditus perhibetur. *Sed & aliter, inquit, ejusdem novitas deprehenditur. Hanc enim trinam quam in baptismo decernit mersionem, & Tertullianus, & Basilus, & Hieronymus gravissimi viri authores sint solâ mutâ & ἀγγελικῇ traditione fuisse à majoribus receptam, nullâ scriptâ lege, nullis literarum tabulis expressam aut præceptam.* Interjectis deinde Patrum istorum testimoniis à nobis ante partim recitatis, infert, *Atqui & hujus ritus scripta erat lex, si Apostolicus hic à Clemente scilicet scriptus Canon extabat.* Dall. de Pseudep. pag. 630, 631. Nos hunc Canonem à Clemente scriptum fuisse haudquaquam contendimus. Veruntamen non possumus non mirari, quo demum artificio sibi persuadere potuit Dallæus, hunc Canonem novitatis ex eo convinci posse, quod res in eo decreta ab antiquis adeo scriptoribus ad Apostolicam traditionem referatur. Neminem, nedum Dallæum latere potuit, Patres, ubicunque leges scriptas & ἀγγελικὰs traditiones distinguunt, nihil aliud sibi per leges scriptas velle, quam ipsas sacras scripturas divinitus inspiratas. Quicquid autem in iis non habetur, & nihilominus semper & ubique observatum ab Ecclesiâ fuit, illud traditioni acceptum retulerunt, licet in sexcentis aliis libris præscriptum esset. Exempli passim occurrunt. Nos unicum edemus ad rem nostram imprimis faciens. S. Basilus unus è gravissimis illis viris à Dallæo hic laudatis, inter ἀγγελικὰs traditiones à se recensitas refert, quòd primâ Sabbati erecti preces effundere solebant. Καὶ ὁρθοὶ μὲν πληρῶς τὰς δὲ χάρις ἐν τῇ μιᾷ ᾧ παύσασθαι. Eundem ritum per totum tempus à Pascha ad Pentecosten observatum fuisse asserit. Hæcque inter ἀγγελικὰ τὰ ἐκκλησίαις

μυστήρια recenset, Basil. de Spir. Sancto, cap. 27. Constat autem Ter-
 tullianum, aliosque S. Basilio longe antiquiores Patres eundem scriptis man-
 dasse ritum. Imo quidem lex ab ipso Concilio Nicæno scripta extabat,
 hæc diferte præcipiens, Ἐπειδὴ πνὲς εἰσιν ἐν τῇ κυριακῇ γόνυ κλίνοντες, ἢ ἐν
 ταῖς τ' πεντηκοστῇς ἡμέραις, ὡς ἔρ' ὅτι πάντα ἐν πάσῃ παροικίᾳ ὁμοίως παρεφου-
 λάττεσθαι, ἐς ὧς ἐδοξε τῇ ἀγίᾳ συνόδῳ τὰς δυχὰς διαδοῖναι τῷ Θεῷ. Quo-
 niam sunt quidam qui in die Dominico genu flectunt, & ipsis diebus Pentecostes,
 ut omnia similiter in omni parochiâ servantur, visum est sanctæ Synodo, ut stan-
 tes Deo orationes effundant. Syn. Nic. Can. XX. Sed non obstante ipso Nicæ-
 no decreto, S. Basilius hunc ritum non scripta lege, sed sola muta traditione
 à majoribus acceptum refert. Eo scilicet quod in sacris scripturis non conti-
 netur. Idem & de Apostolico hoc Canone dicatur: Utpote quo non ob-
 stante, S. Basilius aliique antiquiores Patres ter baptizatum immergendi ritum
 soli traditioni propterea adscribunt, quod in sacris scripturis nec præceptum
 illius nec exemplum habeamus. Qui hunc autem Canonem scriptis antea non
 mandatum fuisse ex eo probare molitur, quod ad mutam sive ἀγεγραφον tra-
 ditionem à Patribus referatur, idem eodem argumento probet, Nicænum
 de precibus fundendis Canonem scriptum non extitisse, cum S. Basilius ritum
 istum ἀγεγραφον esse traditionem asserbat. Quo nihil absurdius effingi potest.
 Siquidem Nicænum istum Canonem multis ante S. Basilium annis editum
 fuisse inter omnes constat. Adhæc quas Patres traditiones nominarunt, eas
 omnes ab Apostolis manasse crediderunt. Quapropter Tertullianus aliique an-
 tiquum hunc ritum, quo baptizati ter immergerentur, per traditionem ab
 Ecclesia receptum arbitantes, eo ipso nomine eundem ab ipsis Apostolis de-
 rivatum traditumque iudicarunt. Quod quidem eum novitatis usque adeo
 non arguit, ut antiquissimum potius Ecclesiæ ritum fuisse demonstrat, di-
 gnissimumque qui in Codicem Canonum Ecclesiæ Primitivæ colligatur.

Ecclesiæ usus, quam qui his Canonibus exhibetur, & eâ demum tempestate lapsos ad pœnitentiam admittendos decretum sit. Hæc Dallæanæ contra antiquitatem horum Canonum exceptionis summa est, quatenus nostram scilicet de iis sententiam pulsat. Dall. de Pseud. l. 3. c. 12.

II. De hac autem objectione, ut Turrianum petente, nihil est quod nos admodum solliciti simus, qui hos Canones non ab Apostolis sancitos, non à Clemente scriptos, sed ab Ecclesiâ Primitivâ Tertulliani circiter & Cypriani tempora constitutos editosque fuisse contendimus. Quin illud enim quod hisce duobus Canonibus decernitur, istis diebus in Ecclesiâ Catholicâ obtinuerit, nec ipse Dallæus, nec Albaspinæus ab eo laudatus, nec quivis alius unquam negavit. Univerſa enim istorum temporum commentaria id manifestum ac indubitatum faciunt. Cautum est enim Canone LII. ut is qui à peccato convertitur in Ecclesiâ recipiatur, per publicam scilicet absolutionem, quam suâ ætate usitatam fuisse Tertullianus testis est, ubi dicit, *An melius est damnatum latere quam palam absolvi?* Tertull. de pœnitent. cap. 10. Origenes etiam Tertulliano æqualis docet, ut Ecclesia conversos à peccatis receperit, ubi de Christianis loquens, hæc habet, ἔπει ὃ ὡς ὑποταλωθείας ἢ τεθνηκότας τῷ Θεῷ τὰς ἀπ' ἀπολείας, ἢ τινος ἀτόπας νενικημένους, ὡς νεκρὰς πενθῆσι, ἢ ὡς ἐκ νεκρῶν ἀναστάντας, ἐὰν ἀξιόλογον ἐνδείξωνται μετὰ πολλὴν χρόνον πλείονι τῶν κατ' ὀργὰς εἰσαγομένων, ὕπερον πότε προσέενται, εἰς ἑδεμίαν ὀρχίῳ ἢ προσοσίαν τῇ λειτουργίᾳ ἐκκλησίας ὁ Θεὸς καὶ ἀλλότροπος τὰς φθάσαντας μετὰ τὸ προσεληλυθέναι τῷ λόγῳ ἐπιτελεῖναι. *Hi vero ut perditos Deoque mortuos lugent eos qui libidine aliove malo victi fuerunt, ac rursus resipiscentes hand secus quam redivivos recipiunt, tandem post longiorem melioris mentis approbationem, quam cum primum ad religionem discendam admitterentur, eâ tamen conditione, ut quoniam lapsi sunt, excludantur in posterum ab omnibus dignitatibus ac magistratibus Ecclesiasticis.* Orig. contra Cels. lib. 3. E quibus verbis liquet, non modo eos, qui probatâ peccatorum suorum pœnitentiâ ducti fuerunt, ab Ecclesiâ receptos esse, juxta quod Canone præſenti LII. decretum est, verum illud etiam quod Canone LXI. definitur, tunc temporis observatum fuisse, ut is scilicet, qui fornicationis, adulterii, aut alicujus alius prohibitæ actionis convictus fuerit, ad Clerum non provehatur. Fateor equidem primis Christianismi diebus eum fuisse Ecclesiæ rigorem, eam severitatem, ut mœchis, homicidis, & idololâtris pax non nisi difficillimè indulgeretur. Constat autem Zephyrinum, Pontificem Romanum, Tertulliano cœvum, decretum de mœchis admittendis edidisse, his verbis conceptum, *Ego & mœchis, & fornicationis delicta pœnitentiâ functis dimitto.* Apud Tertull. de Pudicitia cap. 1. Et ab isto saltem tempore etiam Mœchi & fornicatores ad pœnitentiam, & eâ peractâ ad communionem ab Ecclesiâ Catholicâ admissi sunt. Tametsi Tertullianus, jam Montanista factus, gravissime in illud ibidem invehatur. Et paulo post homicidæ etiam ac idololatræ, qui vel comminationibus scilicet vel tormentis victi idolis sacrificarant, Ecclesiæ reconciliati simul ac à peccatis suis conversi sunt, & debitam pœnitentiam egerunt. Hoc è D. Cypriani Epistola ad Antonianum, aliisque ejus opusculis

lis usque adeo constat, ut ipsi etiam adversarii illud diffiteri nequeant. Præsertim, cum id à Synodo tam Romana sub Cornelio, quam Africana sub Cypriano habita decretum fuerit : Et quod inprimis observandum est, D. Cyprianus eandem in hac causa rationem è Christi verbis petitam reddit, quæ in hoc Canone exhibetur. *Quos utique, inquit, ad poenitentiam Dominus non hortaretur, nisi quia poenitentibus indulgentiam pollicetur ; & in Evangelio, dico, inquit, vobis sic erit gaudium in cælo super uno peccatore poenitentiam agente, quam super nonaginta novem justis, quibus non opus est poenitentia.* Cyprian. Epist. LII. ad Antonian. Et quod ad Canonem LXII. huic à Dallæo conjunctum præterea spectat, quo scilicet cavetur, ut Clericus negator poenitentia ductus, *recipiat ut Laicus*, Id D. Cypriani tempore & ante obtinuisse, ex eodem constat, qui de Trophimo quodam Clerico, qui in errorem lapsus, ejusdem modo poenitentiam egerat, loquens ait, *Tractatu ergo illic cum collegis plurimis habito, susceptus est Trophimus, pro quo satisfaciebat fratrum reditus & restituta multorum salus. Sic tamen admissus est Trophimus, ut Laicus communicet : non secundum quod ad te malignorum literæ pertulerunt, quasi locum Sacerdotis usurpet.* Id. ibid. Hinc enim constat hanc vulgarem fuisse passimque ante receptam Ecclesiæ disciplinam, ut Clerici à peccatis aut hæresibus conversi in pristinam dignitatem non restituerentur, sed tantum ad communionem Laicam. Cum malignorum enim literæ ad Antonianum pertulerint, Trophimum in locum, unde cecidit, Sacerdotalem, à D. Cypriano restitutum esse, ei se purgat D. Cyprianus, asseritque Trophimum ita admissum esse, ut communicet tantum ut Laicus. Verumenimvero haud necesse fuisset, ut Sanctissimus Pater hanc suspicione se exsolveret, nisi disciplina ab Ecclesia prius recepta exegisset, ut Clericus delinquens non aliter ac Laicus admittatur, juxta quod in dicto Apostolico Canone præscriptum habemus.

III. His autem pleniori explicatione non opus est ; siquidem Apostolicos hosce de poenitentibus recipiendis Canones Ecclesiasticæ disciplinæ tertio saltem ineunte seculo usitatæ consentaneos esse, inter omnes, ipsos etiam adversarios, constat. Hoc enim sententiæ nostræ hosce Canones istis diebus conditos editosque statuenti, abunde sufficit. Quod autem ad præsentem insuper duos Canones à Dallæo impugnatos spectat, nihil certe in iis decernitur, quod non cum Christi ipsius, & Apostolorum ejus doctrina convenit. Utpote quæ homines ad poenitentiam agendam passim invitat, & verè poenitentibus peccatorum remissionem pollicetur. Et etiamsi non deessent in Ecclesia primitiva ac Apostolica, qui in nonnulla peccatorum genera severiores essent, Catholica tamen Ecclesia etiam recens fundata, vera poenitentia ductum nec à Deo rejectum docuit, nec ipsa unquam reject. Adamitæ autem, Montanistæ, & qui post eos exorti sunt Novatiani, pacem Ecclesiasticam poenitentibus denegantes, inter hæreticos & Apostolicæ doctrinæ corruptores perpetuo, meritoque recensiti sunt. Adeo ut nihil in duobus hisce Canonibus occurrat, quo minus ab Ecclesia Apostolica sanciri potuerunt, ac debuerunt etiam, cum Catholica Doctrina ab ea vindicata, ab

hæreticis tam cito oppugnata fuerit. Unde etiam Dionysius Corinthiorum Episcopus An. Dom. CLX. plus minus, idem fere in mandatis dederit quod in Apostolicis hisce Canonibus jubetur. Nam in Epistola quam ad Amasianorum & cæteras Ecclesias Ponti conscripsit, referente Eusebio, *πολλὰ πρὸς γὰρ καὶ ἀγνέας αὐτοῖς παραίνεσι, καὶ τὰς ἐξ οἷας δι' ἐν ὑποταγῆς εἶπε πλημμελείας εἶπε μὴν αἰρετικῆς πλάνης ὑπερέφοντος, δεξιᾶς περὶ αὐτῆς. Multa de nuptiis & de castitate iis præcipit; & cunctos qui à quovis lapsu sive delicto, sive etiam ab hæreticâ pravitate convertiuntur, benigne suscipi jubet.* Euseb. Hist. Eccles. lib. 4. cap. 25.

IV. Posthæc Dallæus Canonem Apostolicum LIX. (nobis LX.) adnotatur: quippe qui vetat in Ecclesia publicari τὰ ψευδεπίγραφα τῶν ἀποστόλων βιβλία, *falso inscriptos impiorum libros*, edita ab hæreticis, inquit vir doctus, sub ementitis Apostolorum & discipulorum nominibus Evangelia, Acta, Itineraria, & alia ejusdem farinae opuscula clarissimè demonstrans, quæ nondum ipsis Apostolorum temporibus nata, postea emerferunt. Dall. de Pseudep. lib. 3. cap. 12. Non equidem diffiteor, quin Evangelia ab hæreticis conficta, alique Apostolorum nomina falso præ se ferentes libri hoc Canone intelligantur. Utrum tales ipsis Apostolorum temporibus confarcinati essent, nihil est quod nos laboremus; etiamsi veri nobis plusquam simillimum videatur. Sed nostræ satis est opinioni confirmandæ, si tales libri ab hæreticis (qui hoc & XLVII. Canone ἀσεβῆς vocantur) ante tertium æræ Christianæ seculum conscripti sint. Hoc autem nemo qui antiquitatem Ecclesiasticam vel primis degustavit labiis, ignorare potest. Ut hæreses enim unâ cum Catholica doctrina seminari cœperunt, sic & autores earum ac propugnatores multa statim de iis volumina ediderunt. Ut mittam enim Phaneroseis ab Appelle, Epistolas & Anticheses à Marcione, Sophiam, Psalms, & Epistolas à Valentino & Commentarios ab ejus discipulis, aliaque quam plurima hæreticorum figmenta in ipsa Ecclesiæ infantia edita, & ab Irenæo, & Tertulliano memorata, Evangelium secundum Ægyptios suis extitisse diebus testis est Clemens Alexandrinus dicens, *φέρεται ἡ οἴμαι ἐν τῷ κατ' Αἰγυπτίους εὐαγγελίῳ.* Stromat. lib. 3. pag. 452. & postea, *πρῶτον μὲν ἐν ἐν τοῖς παροδομικοῖς ἡμῶν πέτασιν διαγγελίοις σὺν ἔχοντι τὸ ῥητὸν, αὐτὸ ἐν τῷ κατ' Αἰγυπτίους.* Ibid. pag. 465. Idem etiam citat Evangelium secundum Hebræos, *ἡ καὶ τῷ καθ' Ἑβραῖους*, inquit, *τῷ διαγγελίῳ, ὁ θαυμάσιος βασιλεύς γεγενῆσθαι καὶ ὁ βασιλεύς ἀναπαυθῆσθαι.* Id. Strom. lib. 2. pag. 380. Adhæc Evangelium Judæ dictum Irenæi ætate ab hæreticis circumferebatur, utpote qui ejusdem mentionem fecerit, his verbis, *Et confitionem afferunt hujusmodi, Judæ Evangelium illud vocantes.* Iren. lib. 1. cap. 35. Marcion etiam se diversum ab aliis Evangelium habere asseruit, Ibid. lib. 3. cap. 11. Valentiniani volumen à se confictum Veritatis Evangelium perficta fronte nuncupare ausi sunt. Hi vero, inquit Irenæus, *qui sunt à Valentino, iterum existentes extra omnem timorem, suas conscriptiones proferentes, plura habere gloriantur quam sunt ipsa Evangelia. Siquidem in tantum processerunt audacia, uti quod ab his non olim conscriptum est,*

ferte affirmarunt, Act. XV. 28. Quapropter primi post Apostolos Christiani, dicto ipsorum decreto se obstrictos habentes, hanc etiam legem adhuc valere crediderunt. Alioquin enim vix credibile est, ut hoc tantâ religione ab iis observaretur, quantâ observatum fuisse inter omnes convenit. Cum primitivæ igitur Ecclesiæ præfules hunc Canonem vere Apostolico consonum sancirent, hanc ejus rationem reddiderunt; quandoquidem hanc legem ab ipsis Apostolis ad aliquod saltem tempus confirmatam, nondum penitus abrogatam fuisse censuerunt. In quâ quidem opinione Ecclesia Orientalis semper fuit, & etiamnum manet, adeo ut suffocatis velci iis religio sit. Et in Occidente etiam contraria consuetudo non nisi post aliquot ab Apostolis secula inest; ut è Gregorii tertii P. R. aliorumque Canonibus Pœnitentialibus videre est. Adeo ut Occidentalis etiam Ecclesia illud quod hoc Canone sancitur, per diu observavit, Orientalis semper.

VI. Quem proximum oppugnat Dallæus, est Canon Apost. sexagesimus sextus, sic habens, *Εἰ τις κληρικὸς ἐνρεβῇ τῷ κυριακῷ ἡμέρῃ νηστῶν, ἢ πὸ σάββατον, πλὴν τῶ ἐνὸς μόνου, καθαιρεῖται· ὁ δὲ λαϊκὸς ἀφορεῖται.* *Si quis Clericus deprehendatur die dominico jejunans, vel Sabbato, præter unum solum, deponatur. Laicus autem segregetur.* Multa contra hunc Canonem conguessit vir doctus, quibus istum nec ab ipsis Apostolis sancitum, nec editum à Clemente probaret. Sed Palmarium ejus argumentum est ad hominem, ad ipsum scilicet Turrianum, qui Canonem ab Ecclesiâ, cujus ipse alumnus erat, per multa retro secula violatum, verè Apostolicum esse contendit. Nos autem qui Turrianicam de Apostolicâ horum Canonum autoritate sententiam non defendimus, neque objectionibus ad istam solam evertendam allatis respondere constringimur. Nostræ satis est vindicandæ pariter atque confirmandæ opinioni, si probemus illud quod hoc Canone constituitur, Ecclesiæ primitivæ moribus ac institutis convenire. Cautum est porro hoc Apostolico Canone, ne quis diem Dominicum jejunet vel etiam Sabbatum, unico excepto, magno scilicet sive Antepaschali, quod Paschalem nimirum festivitatem die dominico celebratam immediate præcedit. Primo itaque sancitur, ne dies dominica jejuniiis peragatur. Hoc Tertullianus non modo suâ ætate obtinuisse fidem facit, verum etiam ad Apostolicam traditionem refert. Istos enim Ecclesiæ ritus enumerans qui in sacris scripturis nusquam præcepti, ubique nihilominus observati fuerunt, ut ab ipsis Apostolis per traditionem recepti, hunc inter alios recenset, dicens, *die dominico jejunium nefas ducimus, vel de geniculis adorare.* Tertull. de Coron. milit. cap. 3. Et mox post alios hujusmodi recensitos Ecclesiæ ritus, addit, *Harum & aliarum ejusmodi disciplinarum si legem expositules scripturarum, nullam invenies. Traditio tibi prætendetur auctrix, consuetudo confirmatrix, & fides observatrix. Rationem traditioni, consuetudini, fidei patrocinatorum aut ipse perspicies, aut ab aliquo qui perspexerit, disces.* Ibid. cap. 4. Cum hic igitur ritus etiam Tertulliani diebus adeo antiquus esset, ut ab ipsis Apostolis traditus videretur, & longâ consuetudine confirmatus, non mirum est quod ab Ecclesiæ tunc temporis præsulibus pœnâ transgresso-ribus impositâ sanciat. Quin-

Quinetiam altera pars Canonis, quâ scilicet Sabbati cujusque præterquam magni jejunium prohibetur, iisdem diebus accuratè admodum observata fuit. Hoc ex eodem Tertulliano Montani hæresi jam infecto, ad Catholicos sub probroso Psychicorum nomine hæc loquente, constat, *Quamquam vos etiam Sabbatum, si quando continuatis, nunquam nisi in Pascha jejunandum, secundum rationem alibi redditam.* Tertull. adv. Psych. cap. 14. Unde liquet apud Orthodoxos etiam tertio ineunte seculo solenne fuisse, ut nullum præter Antepaschale Sabbatum jejunio consecrarent, juxta quod hoc Canone definitur. Eundem etiam apud se suosque obtinuisse morem, idem paucis interjectis testatur dicens, *Duas in anno hebdomadas xerophagiarum, nec totas, exceptis scilicet Sabbatis & Dominicis, offerimus Deo, abstinentes ab iis quæ non rejicimus, sed differimus.* Ibid. cap. 15. Ergo & isti qui jejunia à sefe religiose adeo observata tantopere jactitabant, Sabbata tamen & Dominicos dies ab iisdem excipiebant, etiam per suas xerophagiarum hebdomadas, quum alios omnes, istis exceptis, dies jejunantes transigere consueti sunt. Quod luculente demonstrat, usu publico istis diebus receptum esse, ut Sabbatis non minus quam Dominicis jejunia ab omnibus Christianis solverentur. Neque difficile est deprehendere, unde hoc originem traxerit, & quare institutum fuerit. Enimvero proximo post Apostolos seculo, Marcion erumpebat, alium esse & colendum esse Deum præter creatorem à Judæis cultum, blasphemè asserens. Ut ex Irenæo, Tertulliano, aliisque istorum temporum scriptoribus constat. Cum hæreticus igitur iste improbam hanc opinionem disseminasset, ut Judæorum, quemadmodum eum vocabat, Deus in nullo ab iis numero haberetur, Sabbatum, quo is à mundi creatione requievit, non requie sed jejunio à discipulis suis celebrandum esse instituit. Hoc Epiphanius vidit, & posteritati his verbis tradidit, *Τὸ δὲ σάββατον νηστεύει Ἀφ' οὐρανίου αἰτίαν. Ἐπειδὴ, φησί, ὁ Θεὸς τῶν Ἰσρααίων ἐστὶν ἡ ἀνάπαυσις ἡ πεποιηκότες τὸν κόσμον, καὶ ἐν τῇ ἐβδόμῃ ἡμέρᾳ ἀναπαυσάμενος, ἡμεῖς νηστεύομεν ταύτην, ἵνα μὴ τὸ καθήκον τῷ Θεῷ τῶν Ἰσρααίων ἐργαζώμεθα.* Sabbati jejunium ob hanc causam instituit. Cum enim, ait, Judæorum Dei, qui hunc mundum fabricavit, illa sit requies, cum die septimâ requieverit, eadem nos jejunare instituimus: ne Judæorum Dei ritibus uti videamur. Epiph. Hær. XLII. N. III. Cum Marcionis itaque discipuli ob hanc rationem juxta magistri institutum, Sabbatis jejunare solerent, necessitas postulabat, ut contrarium ab Ecclesiâ Catholicâ sanciretur, ne quis scilicet Sabbatum quodvis præter antepaschale, quo Dominus noster in sepulchro jacuit jejunio dedicaret. Alioquin enim prævalente paulatim Marcionis hæresi, unum verumque Deum, omnipotentem mundi conditorem, quem ipsa religiose colebat, ab aliis ludibrio & contemptui haberi impiè pateretur. Qui isthoc enim infecti veneno Sabbatum tunc temporis jejunabant, eò se Deum Opt. Max. omniumque rerum creatorem contemnere & contumeliâ, quantum fieri potuit, onerare profitebantur. Hinc itaque caute admodum & prudenter ab Ecclesiâ Primitiva hoc Canone constitutum est, ut Clerici quidem Sabbatum, magno excepto,

jejunantes, deponantur, & excommunicentur Laici, ut pestifera Marcionis de Deo creatore opinione imbuti.

VII. Et ipsum quidem Marcionem huic condendo Canoni occasionem præbuisse, eo magis adducor ut credam, quod etiam si Cerdon, alique, quos inter Simon Magus, eadem de Deo blasphemè prædicassent, nulla tamen hujus de Sabbato non jejunando instituti vestigia extant, ante Marcionem, qui Antonino Pio imperante vixit, suamque propterea hæresim Anno plus minus CXL. divulgare cœpit. Epistola enim ad Philippenles B. Ignatio adscripta, qua dicitur, *Εἰ τις κυριακὴν ἢ σάββατον νηστεύει, πλὴν ἐνὸς σαββάτου τῆς πρώτης, ἔτι χειροτονῆται ἐς.* Hæc, inquam, Epistola nec ab Eusebio, nec Hieronymo, nec à quovis veterum inter genuinas sanctissimi illius martyris Epistolas memoratur, diuque postea conficta videtur. At post dictam Marcionis hæresim exortam, Sabbatum à jejunio immune passim servatum fuit. Idque non tantum in toto Oriente, verumetiam in multis Occidentis partibus. Sed extincta tandem aliquando ista Marcionis hæresi, cujus folius causa contraria obtinuit consuetudo, Sabbata jejniis iterum plurimis in locis dicata sunt: Roma saltem, ut observavit Socrates, qui de suis diebus loquens, *ἐν Ῥώμῃ*, inquit, *πάντες σάββατον νηστεύουσιν.* Hist. Eccles. lib. 5. cap. 21. Et in nonnullis Hispaniæ Ecclesiis, ut constat è Concilio Eliberitano, dicente, *Errorē placuit corrigi, ut omni Sabbati die jejuniorum superpositionem celebremus.* Conc. Elib. Can. XXVI. Mediolani autem usque ad S. Ambrosii ætatem, Sabbato non jejunatum est. Et quidem cum hoc Ecclesiæ decretum ob prædictam tantummodo hæresim editum fuerit, ea semel explosa & extincta, non necesse erat, ut diutius observaretur. Sed liberum fuit cuique Ecclesiæ, illud in re aded adiaphora eligere, quod sibi suisque filiis magis congruere videtur. Et prudentis est Christiani in hujusmodi institutis Ecclesiæ suæ sese accommodare, & gravissimum illud D. Ambrosii consilium observare, quod scilicet ille S. Augustino ipsum de hac re consulenti his verbis dedit, *Cum Romam venio, jejuno Sabbato, cum hic (Mediolani) sum, non jejuno. Sic etiam tu, ad quam forte Ecclesiam veneris, ejus morem serva, si cuiquam non vis esse scandalo, nec quengquam tibi.* Apud Augustin. Epist. CXVIII. ad Januarium cap. 2. De quâ sententiâ etiam atque etiam cogitans D. Augustinus, ita semper habuit, tanquam eam cœlesti oraculo suscepisset, ut ipse ibidem attestatur.

CAPUT VIII.

Synopsis.

- I. Canon Apost. LXIX. de quadragesima & quarta sextaque feriis jejunandis, in proximo libro seorsim vindicatur.
- II. Canon LXXII. defenditur. Cera & Oleum ab Ecclesia Primitiva quamobrem usitata.
- III. Canon LXXIII. vindicatur. Apostolos ades Dei cultui consecratos habuisse plusquam verisimile est. Vasa & aurea & argentea proximis post eos seculis in usu fuisse certissimum.
- IV. Canones LXXXI. & LXXXIII. de iis qui civiles unà cum Ecclesiasticis dignitatibus obtinebant, defenduntur. Paulus Samosatenus & Episcopus fuit & Ducenarius.

I. **Q**UEM proximum post eos, quos hactenus vindicavimus, ex Apostolicis Canonibus oppugnavit Dallæus, nonus est supra sexagesimum de statis Ecclesiæ jejniis agens. Quandoquidem vero is singularem de jejniis & quadragesima librum edidit, quo jejunia dicto Canone commemorata, veteribus incognita fuisse Christianis probare molitus est; ne quid nos intactum relinquere videamur, quicquid ille in isto libro contra horum jejuniorum antiquitatem scripsit, fusius expendere necessarium duximus, & è genuinis veterum testimoniis, ab omnibus ejus exceptionibus vindicatis, evincere, ea, quorum facta est hoc Canone mentio, jejunia ab Apostolica ac primitiva Ecclesia religiose admodum observata fuisse, prius scilicet quam hæc Canonum Apostolicorum sylloge, juxta nostram de ea opinionem, in lucem prodierit. Hæc autem disputatio, cum adeo proluxa sit, ut in uno capite commodè comprehendere nequeat, adeoque necessaria, ut totum alterius, potius quam partem hujusce libri constitueret mereatur, ea in proximum librum, quo seorsim Deo adistente discutietur, rejecta, hic interim exceptiones doctissimi viri contra reliquos, qui supersunt, Canones expendemus.

II. Duobus autem proximis sive LXX. & LXXI. Canonibus Apostolorum, ut in Apostolicam & doctrinam & ætatem convenientibus prætermisiss, Dallæus Canonem LXXII. adoritur. Is sic habet, Εἰ τις κληρικὸς ἢ λαϊκὸς ὥστε τῆς αἰτίας ἐκκλησίας ἀφέλῃται κηρὸν ἢ ἔλαιον, ἀφορῶνται. Si quis Clericus vel Laicus à sancta Ecclesia ceram vel oleum aufert, sequegetur. Hic autem Canon, inquit vir doctus, ab Apostolicis quoque temporibus abhorret. Quid ita quæso? Enimvero quoniam, inquit, ex omni novo fœderis instrumento non apparet aliud in Ecclesia oleum beato illo seculo

floruisse vel in pretio fuisse, præter illud Spiritus Sancti mysticum, quo Deus Christum, & ex eo homines cœlestis gratiæ confortes perfundit, atque inungit, vel alias ceras, quam quæ igne sacro ac spiritali incensæ tenebras hujus seculi sanctorum exemplarium radiis perfundit. De Pseudep. lib. 3. cap. 13. Hæc Döllæus, aliud procul omni dubio agens. Annon ipsis enim Apostolis lucernis opus erat, cum preces funderent, concionesque per totas sæpe noctes haberent? Annon etiam cera & oleum isti usui inservirent? Nos autem non de ipsis Apostolorum temporibus, sed de iis quæ proximè secuta sunt, disputamus: contendimusque Ceram & Oleum hoc Canone memorata primitivis Christianis magno in usu pretioque fuisse, in Antelucanis scilicet, ac Vespertinis (quorum meminit Canon Laodicensus XVIII.) obeundis officiis. Cereorum enim ab iis tunc temporis usitatorum, ut & lampadum, quibus ellychnia oleo foveantur, frequens apud Ecclesiasticos primorum seculorum scriptores occurrit mentio. D. Hieronymus adversus Vigilantium disputans, *Cereos autem, inquit, non clara luce accendimus, sicut frustra calumniaris, sed ut noctis tenebras hoc solatio temperemus, & vigilemus ad lumen, ne caci tecum dormiamus in tenebris.* Et paulo post, *Nam & absque martyrum reliquiis, per totas orientis Ecclesias quando legendum est Evangelium, accenduntur luminaria, jam solerutilante, non utique ad fugandas tenebras, sed ad signum lætitiæ demonstrandum.* Hieron. adv. Vigilant. Socrates τὰς ἐν ταῖς λυχναισίαις δ' ἰχθῦς memorat, dicitque præterea, πάλιν ἐσπέραν μετὰ τῆς λυχναισίας οἱ πρεσβύτεροι καὶ ἐπίσκοποι τὰς γεγραμὰς ἐρμηνεύουσιν. Hist. Eccles. lib. 5. cap. 22. Epiphanius, Ἐθνη τὰ ὅμοια ἐν αὐτῇ τῇ ἀγίᾳ ἐκκλησίᾳ διηγεῖσθαι γίνονται, καὶ προσευχαὶ ἐθνεῖναι, λυχνικοὶ τε ἅμα ψαλμοὶ καὶ προσευχαί. *Maitaina insuper laudes in sancta Ecclesia, Maitinæque preces assidue celebrantur: Lucernales item Psalmi & Orationes.* Epiph. expof. fid. num. 23. Ante eos S. Athanasius prodigiosa ista à Georgio & gregalibus ejus Alexandriæ perpetrata facinora in Ecclesiis ibidem devastandis describens, inter alia ait, quod τὸ ἀποκείμενον ἐλαίον ἤρπαζον, *Oleum reconditum prædarentur, καὶ τὰς κηελώνας τῆς ἐκκλησίας τὰς εἰδώλοις ἀνῆπτον, & Cereos Ecclesia idolis adolerent.* Athan. Epist. ad Orthod. t. 1. pag. 946. Perpetratum est igitur tunc temporis illud quod hoc Canone prohibetur. Ceram enim & oleum ab Ecclesia auferebant. Adhæc Synodus Eliberitana quarti initio seculi congregata, *Cereos, inquit, per diem placuit in cœmeterio non accendi.* Can. XXXIV. Cereos itaque vel interdiu in Ecclesia habere, vel noctu accendi non displicuit. Tertio insuper ineunte seculo illustrissimum hujus rei documentum ab Eusebio memoriæ traditum habemus. In miraculo nimirum isto quod à Narcisso Ecclesiæ Hierosolymitanæ Episcopo factum refert. In magna enim, ut ait, Paschæ vigilia, oleum forte ministris deerat, qua de causa cum universus populus gravissimo mœrore percussus esset, Narcissus mandasse fertur iis quibus curæ erat lucernas accendere, ut aquam ex quodam propinquo haustam puteo ad se deferrent. Quod ubi dicto citius impletum est, jussisse dicitur, sincera in Christum fide, ut eam lucernis infunderent. Quo itidem peracto, aquam aiunt contra morem natura

turæ suæ mirabili quadam ac divina virtute in olei pinguedinem esse conversam. Euseb. Hist. Eccl. lib. 6. cap. 9. Qui hæc legit mirari nequit, quod istius ætatis Episcopi lege sanxerint, ne quis oleum aut ceram ex Ecclesia auferat, cum adeo necessaria iis fuerint, ut digna essent quæ miraculo supplerentur. Et quidem qui *antelucanos*, ut Tertullianus vocat, Ecclesiæ Apostolicæ cœtus memoria tenet, cum Christiani *ante diem* convenire solerent, teste Plinio, lib. 10. Epist. 97. is dubitare nequit, quin cera & oleum summe iis necessaria essent, ac proinde non poterant non omnibus modis cavere ne illis destituerentur: neque ea quæ in Ecclesiis ad sacrum illum usum ab ipsis recondita sunt, ab aliis auferrentur. Hoc autem totum est quod hac Apostolica sanctione cavetur; quam propterea ipsi Apostolicæ Ecclesiæ satis convenire certissimum est.

III. Idem dicendum est & de sequenti sive LXXIII. Canone, quo cautum est, *ne quis vas aureum, vel argenteum, vel velum sanctificatum in usum suum amplius convertat*. Contra quem Canonem nihil aliud excepit vir doctus, quam conditum illum esse secutis post Apostolos seculis, cum & ædes sacras, & pretiosam suppellectilem, & reliquam pompam Christianorum copiæ in usum apud nos invexissent. Apostolorum, inquit, ævo tanta erat nostrorum simplicitas atque parsimonia, & frugalitas, adhæc tenuitas, tantæque à persecutorum odiis ac furore angustix, ut illis indulgere non licuerit. Certe *ne ædes quidem sacras in illis initiis habuisse Christianos verisimile est, nedum ut velis, aureisque & argenteis vasis instructas habuisse eos crediderim*. Dall. de Pseud. lib. 3. cap. 13. Qualia mystica, ut antiquitas ea vocavit, vasa in Eucharistiâ celebranda ipsi adhibuerunt Apostoli, & utrum sacras ædes habuerint, non nostrum est hoc loco inquirere, qui hos Canones non ab ipsis Apostolis sed proximis post eos seculis publicatos esse contendimus. Quicquid autem Dallæo visum est, nemo sanè cordatus sibi unquam persuasum habeat, Sanctos Domini Apostolos æque ac Judæos sacras non habuisse ædes Dei cultui consecratas, quibus magna fidei Christianæ mysteria celebrarent. Et quantacunque fuerit primorum Christianorum aliis in rebus simplicitas ac parsimonia, quantacunque frugalitas atque tenuitas, quantacunque denique ex persecutorum odio ac furore angustix; in rebus saltem ad Dei cultum, ad Christi honorem, ad religionis suæ mysteria pertinentibus prælargi proculdubio fuerunt ac summè liberales. Quascunque enim, ut cuique notum est, possessiones habebant, omnes in pios sacrosque convertabant usus. Unde eos non modo sacras ædes, verum & easdem pretiosissima, prout facultates eorum ferebant, suppellectili instructas atque ornatas habuisse veri longe simillimum est. Mox sane post Apostolos Lucianus locum quo Christiani conveniebant, *χευρόπορον οἶκον, domum aurato fastigio insignem* vocavit. Lucian. in Philopat. Quod si istis etiam diebus, Trajano scilicet imperante, Christiani ab ipsis Apostolis edocti, tales habuerint ædes sacras, mystica etiam vasa ex auro, argentove conflata iis in usu fuisse extra dubium est. Qualia scilicet S. Laurentii ætate, hoc est, tertio currente seculo ab Ecclesia usitata fuisse, ex Prudentio discimus, qui

in hymno de gestis illius Martyris Persecutores inducit hæc ei dicentes,

*Hunc esse vestris Orgiis
Moremque & artem, proditum est,
Hanc disciplinam fœderis,
Libent ut auro Antistites.
Argenteis scyphis ferunt
Fumare sacrum sanguinem,
Auroque nocturnis sacris
Adstare fixos Cereos.*

Sed in re adeo perspicua pluribus non opus est testimoniis. Neminem enim in antiquitate Ecclesiastica vel mediocriter versatum latere potest, persecutiones Christianis sæpe intermissas fuisse, resque eorum pacatas ac minime turbulentas, usque adeo ut per summam Dei Opt. Max. misericordiam quiete & tranquillitate per multos simul annos fruerentur. Cum tanta itaque fœlicitate secundo etiam tertioque seculo gauderent, nulli haud dubie sumptui pepercerunt, quo se gratos in Deum demonstrarent, eumque summa qua poterant solemnitate ac decencia colerent. Cumque ipsi in privatis suis domiciliis aurea & argentea vasa haberent, vilioribus eos in ipso Dei, cui omnia accepta ferebant, cultu uti, nec religio eorum, nec gratitudo, addam nec ratio permetteret. Proinde nec mirum est, quod hoc Canone prospexerint, ne quis sacra istiusmodi vasa in tuos, hoc est, in profanos, usus convertat.

IV. Sed æque abhorret, inquit vir doctus, à temporibus Apostolorum, quod Canone LXXX. (nobis LXXXI.) statuitur, ὅτι ἐὰν ἐπίσκοπον, ἢ πρεσβύτερον κατένειναι ἑαυτὸν εἰς δημοσίας διοικήσεις, *Quod non oportet Episcopum aut Presbyterum ad publicas administrationes se demittere.* Et quod mox ejusdem ingenii Canone LXXXII. (LXXXIII. potius) subjicitur, ut deponatur Episcopus, Presbyter, aut Diaconus, στρατεία χολάζων, ἢ βελόμηλον ἀμφοτέρω κατέχειν, ῥωμαϊκῶ δόχλῳ ἢ ἱερατικῶ διοίκησιν, *Exercitui vacans, & utraque obtinere volens, Romanum scilicet magistratum, & Ecclesiasticam administrationem.* Quasi vero, inquit, Apostolis verendum fuerit, ne Christiani, quos Pagani vix aere & luce communi frui patiebantur, nedum ut eos ad publicas dignitates admitterent, sacerdotium unà cum Romano magistratu obtinere vellent. Hæc Dallæus, pag. 585. Verum enimvero si nihil in tota hac Canonum Apostolicorum collectione à temporibus Apostolorum magis abhorreret, quam quod his duobus Canonibus constituitur, Turriani de ea sententiæ faciles acquiesceremus. Nonnullos enim è Romanis magistratibus ad fidem Christianam ab ipsis Apostolis conversos fuisse constat. De iis igitur, ut & de aliis, qui religionem nostram postea amplexuri erant, nihil vetat quin Apostoli talem constitutionem ederent. Quanto magis necessarium fuit, ut hujusmodi Canones secundo

tertioque

tertioque seculo ederentur, cùm ipsi scilicet Imperatores Christianis subinde faverent, eosque, licet forte non quàm Christianos quàm fideles tamen tantisque muneribus idoneos viros, ad amplas in imperio dignitates promoverent. Exempla in Ecclesiasticis historiis passim occurrunt, ut non opus sit hic congerantur. Unum autem, ut ad rem nostram apprimè faciens, præterire nequeo. Anno scilicet CCLXXII. habita est Antiochiæ magna Episcoporum Synodus, qui Paulum Samosatenum, Ecclesiæ Antiochenæ præfulem, inter alia eò condemnabant, quod seculares etiam dignitates gesserat. In Synodica enim ad Dionysium Romanum, Maximum Alexandrinum aliosque Episcopos conscripta, is, inquit, ὡς φησὶ Ὁρονεῖ, ἡ ὑπερῖσται, κοσμικὰ ἀξιώματα ἐποδύμενος· ἡ δὲ δακτυλάει· μοῖνον ἢ ἐπίσκοπος· θέλων καλέσθαι. Fastu ac arrogantia supra modum elatus seculares gerit dignitates, & Ducenarius vocari quam Episcopus mavult. Apud Euseb. Hist. Eccles. lib. 7. cap. 30. Paulus itaque Samosatenus unà cum Sacerdotio Romanum etiam magistratum gessit. Imo quidem Ducenarius fuit, talis nimirum magistratus cui ducena sestertia in annum salarium ab Imperatore constituta sunt. Si aliis itaque criminibus minus obnoxius fuisset, hoc saltem nomine Episcopatu deponi promeritus est, quod illud, quod antiquis hisce Canonibus constituitur, nefarie violarat.

CAPUT IX.

Synopsis.

- I. *Ultimus Canon Apost. Quot & quales contra eum objectiones edidit Dallæus? Quæ tamen Turrianicam magis quam nostram opinionem perstringunt.*
- II. *Libros Maccabæorum antiquitus in hoc Canone non recensitos esse Joh. Antiocheni collectio, & Ecclesiæ Græcæ usus fidem faciunt.*
- III. *Libri illi inter Canonicos S. Scripturæ libros ante Syn. Nicænâ numerati sunt: nec duo tantum sed tres.*
- IV. *Constitutiones Apostolorum, ut hodie in hoc Canone lectæ. Has easdem esse ac Διαρχαὶς sive Διαρχλῶ τῶν Ἀποστόλων ab Eusebio & Athanasio memoratas nonnulli judicant.*
- V. *Quare ista opinio nobis etiam verisimilis videatur. Constitutionum opus doctrina sæpe appellatur.*
- VI. *Constitutiones Apost. Epiphanio visæ sunt, laudatæ, & perinde habitæ ac si ab ipsis Apostolis editæ fuissent.*
- VII. *Haud mirum est, si Constitutiones istæ inter sacros Scripturæ libros numeratæ essent ante Syn. Nicenâ.*
- VIII. *Verum hoc ultimo Canone Apostol. inter Canonicos S. Scripturæ li-*
- bro non recensentur, sed ab iis aperte distinguuntur.*
- IX. *Earum mentio alia ac primi conditoris manu huic Canoni inserta est. Inter Capones & Constitutiones antiquas disconvenit.*
- X. *Clementis Epistola, ut hic memorata. Duæ ab antiquis Patribus celebratæ, ab ipso etiam Dionysio Corinthiorum Episcopo: cujus verba explicantur. Quæ secunda dicitur Prima scripta fuit, idque sub Clementis, ut altera sub Ecclesiæ Romanæ nomine.*
- XI. *Quæcunque pro sacris habitæ sunt scripturis, olim una cum Canonicis promiscuè numeratæ sunt.*
- XII. *In MS. Alexandrino hæc duæ Clementis Epistola libris Canonicis subjunguntur. Syllabus librorum qui in isto Codice habentur. Non mirum est quod hæc Epistola huic Canoni inserta sint.*
- XIII. *Ex Apocalypsi in hoc Canone prætermissa nihil contra ejus antiquitatem concludi potest. Liber iste diu in dubium vocatus fuit. Ex ultimo hoc Canone antiquitas hujus Sylloges adstruitur potius quam elevatur.*

I. **S**UPEREST modo unus, isque ultimus è Canonibus Apostolorum vulgo nuncupatis, è quo contra totius collectionis antiquitatem, vel potius contra Apostolicam ejusdem institutionem disputat Clarissimus
Dallæus.

Dallæus. Is autem de S. Scripturæ libris agit, sicque habet, *Sint vobis omnibus Clericis & Laicis libri venerandi & sancti. Veteris quidem Testamenti, Moysi quinque, Genesis, Exodus, Leviticus, Numeri, Deuteronomium. Jesu filii Nave unus, Judicum unus. Ruth unus. Regnorum quatuor. Paralipomenon, id est Derelictorum libri dierum duo: Esdra duo, Esther unus: Maccabæorum tres: Job unus: Psalterii unus: Solomonis tres: Proverbia, Ecclesiastes, Canticum Canticorum: Prophetarum XII. Esaia unus: Jeremia unus: Jezequelis unus: Danielis unus: Extrinsecus autem à vobis intelligatur debere vestros adolescentes discere Sapientiam eruditissimi Sirach: Nostri autem, id est, Novi Testamenti, Evangelia quatuor, Matthæi, Marci, Lucæ, Joannis. Pauli Epistola quatuordecim: Petri Epistola due: Johannis tres: Jacobi una: Judæ una: Clementis Epistola due: & Constitutiones vobis Episcopis per me Clementem, octo libris editæ, quæ non sunt omnibus divulgandæ propter ea quæ sunt in iis mystica: Et Actus nostri Apostolorum.* Ex hoc uno Canone Dallæus octo congeffit argumenta, quibus istum ab Apostolis non constitutum fuisse contra Turrianum demonstraret. Primo quidem quod duo, deinde quod tres etiam Maccabæorum libri inter Canonicos sacræ scripturæ libros hic recenseantur: Tertio quod Clementinæ Constitutiones in eodem censu collocentur. Quarto quod duæ Clementis Epistolæ in eodem divinorum librorum Catalogo numerentur. Quinto id etiam, inquit, hujus Canonis falsitatem abunde coarguit, quod scripturarum nostrarum Catalogum texens, neque Esdræ in veteri Testamento collocat (hoc autem falsissimum esse ex ipso Canone patet, ut quo *Esdra duo* numerantur) neque Apocalypsin in novo. Sexto Romanam Ecclesiam jamdudum hunc Canonem nesciisse, ex eo constare dicit, quod & librum Sirachidis, quem Canon diserte *ἐν τοῖς ἑξῶθεν* censet, & libros Tobix, Judith, Ecclesiastici, quos idem Canon indictos prætermittit, ipsa jampridem pro Canonicis habet. Septimo hunc Apostolicum non fuisse Canonem ex eo probat, quod neque Eusebius, neque Athanasius, neque Hieronymus, neque quisquam alius Veterum divinæ scripturæ Canones exhibens, hunc memorasse deprehenditur. Octavo denique quædam eorum quæ continet hic Canon cum Turriani hypothesibus pugnare ostendit, Dall. de Pseudep. lib. 3. cap. 13.

Quo pacto Turriani, hosce Canones ipsis Apostolis asserentis, opinio hisce difficultatibus à Dallæo objectis eximatur, illi viderint, quibus id possibile videtur. Nos non Turrianicam, sed nostram hic tuemur sententiam, quæ hos Canones non ab ipsis Apostolis sed centum circiter post illos annis editos fuisse statuit. Proinde non opus est nos omnes has exceptiones ab erudito viro contra hunc Canonem allatas, percurramus, quippe quæ nostram de eo sententiam minime attingunt. Ne mirum autem cuiuspiam videatur, quod stante nostra de hoc Canone sententia, tres Maccabæorum libri, Constitutiones Apostolicæ & duæ Clementis Epistolæ in sacrorum librorum Catalogo quodammodo recensitæ, sancti autem Joannis Apocalypsis omissa fuerit, de his singulis pauca differere non pigebit, siquidem provincia à nobis suscepta id postulare videatur.

II. Quod primò ad Maccabæorum libros spectat, in antiqua illa Græca Canonum collectione à Joh. Antiocheno elaborata, tit. L. ubi hic Canon extat, hi libri penitus prætermittuntur; nulla prorsus mentione eorum inserta, quemadmodum etiam in Annotationibus à nobis observatum est, & exinde collectum libros istos in recentioribus horum Canonum editionibus alia quam primi editoris manu interfertos videri. Hanc conclusionem Observator, pag. 27. negat, *eo scilicet magis* (ut inquit, quo autem minus non dicit) *quod in versione latina Johannis Antiocheni numerantur tres libri Maccabæorum.* Sed quid nobis cum latina versione, ubi ipsum Græcum habemus textum? Illine major quam huic habeatur fides? Nobis abunde sat est, quod in ipso Joh. Antiocheni textu hæc verba non leguntur. Ex eo enim, non è latina versione, Vera Canonis lectio petenda est. *Sed versimilinus est*, inquit vir doctus, *in Græco quodam Codice manu exarato ita legisse editores & interpretes, alioquin hac de re lectorem erant monituri.* Quid collectionis istius editores in alio Græco Codice legerint, nos nescimus, nescit & Observator. Hoc autem scimus omnes, quod in isto quem ediderunt Codice hæc verba non occurrunt, & quod ad latinam versionem attinet, ea Græco Joh. Antiocheni Codici non accommodata est: neque alia plane est quam Balsamonis versio è Gentiano Herveto facta: ut cuius conferenti patebit. Ut alia enim omit- tam, In Balsamonis illa versione verba ista, Ἐσδρα δύο Ἐσθὴρ ἓν perperam transferuntur, vel imprimuntur potiùs. *Esdra duo: libri Esther unus.* Hic autem error etiam in Joh. Antiocheni versionem irrepsit. Quod fieri non potuit, nisi eadem omnino esset versio, etiam cum mendis suis transcripta: è qua propterea ut ad alium Codicem & autorem etiam, Balsamonem scilicet, propriè pertinente, nihil de hoc Canone ut à Joh. Antiocheno lecto concludi potest. Ex eo autem quod in Græco ejus textu nulla fiat Maccabæorum mentio, legitimè inferamus libros illos huic Canoni antiquitus non insertos fuisse. Hoc vero ipse etiam Observator deprehendisse videtur, alio enim confugit, dicitque, *Nisi malis dicere Joh. Antiochenum libros Maccabaicos in sua collectione de industria omisisse, quoniam in Ecclesia Græca scripturarum Canone, illius ætate non extabant. Ut liquet ex Canone quem exhibet Leontius Joh. Antiocheni, ut quibusdam placet, equalis vel suppar, de Sect. A7. 2. tom. 11. bibl. patr. pag. 496.* At at nemini unquam persuadebit Observator Joh. Antiochenum in Ecclesiasticis Canonibus colligendis quippiam de industria omittere voluisse; Hoc enim non esset colligere, sed ex conducto depravare Canones. Quod in tantum virum sine summa injuria objici non potest. Quod dicit autem libros Maccabaicos in Græcæ Ecclesiæ scripturarum Canone istis diebus non extitisse, si hoc concedatur, clarissimè exinde consequetur, libros illos in hoc Apostolico Canone ista ætate non recensitos fuisse. Græca enim Ecclesia hisce Canonibus religiosissime semper adhæsit. Adeo ut si illa libros Maccabaicos in sacrorum numerum non admiserit, nemini dubium esse possit, quin isti in hoc Canone Apost. ab initio non numerati fuerint. Ac propterea nullum ex istis libris hic modo recensitis exculpi potest argumentum, quo summæ horum Canonum antiquitati quidvis detrahatur.

III. Ad hæc si demus libros Maccabaicos à primis editoribus huic Canoni infertos esse, nihil exinde proficient adversarii. Isti enim libri longe ante Concilium Nicænum inter sacros numerati sunt. Quod quoniam à Dallæo pariter atque ab Observatore negatur, paucis probatum dabimus. D. Cyprianus in Epistola ad Cornelium de Fortunato & Felicissimo, hæc habet, „ Sed non idcirco, frater charissime, relinquenda est Ecclesiastica disciplina, „ aut Sacerdotalis solvenda censura, quoniam conviciis infestamur, aut erroribus quatimur, quando occurrat & moneat scriptura divina, dicens, *Ille vero qui præsumat, & contumax est, vir sui jactans, nihil omnino perficiet, qui dilatavit tanquam infernus animam suam.* Et iterum, & verba viri peccatoris ne timueritis, quia gloria ejus in stercora erit, & in vermes, hodie extolletur, & cras non invenietur: quoniam conversus est in terram suam, & cogitatio ejus perit. Et iterum, *Vidi impium exaltatum, & extolli super Cedros Libani, & transivi, & ecce non fuit, & quasi: eum, & non est in- ventus locus ejus.* Cyprian. Epist. 55. Ubi observare licet, tres divinæ, ut ait, scripturæ sententias à D. Cypriano citatas, quarum prima est ex Prophetiæ Habacuc cap. II. Altera incipiens, & verba viri, è Maccabæorum lib. I. cap. II. Tertia è Psalmo XXXVII. Primus ergo Maccabæorum inter cæteros divina scriptura libros disertissimè hic laudatur. Idem videre est in ejusdem Cypriani tertio Testimoniorum libro ad Quirinum. Ubi libri Maccabaici inter alias sanctas, ut in præfatione loquitur scripturas passim citantur præsertim cap. IV. XV. LIII. Quinetiam Origenes postquam duos & viginti libros juxta Hebræos numeravit (sed libro XII. Prophetarum perperam omisso) addit, Ἐξω γὰρ τῶν ἐστὶ τὰ Μακκαβαϊκὰ, ὡς περ ὑπεργραφαὶ Σαρβῆθ, παρβανὲ ἑλ, *Extra hos sunt Maccabaici, qui inscribuntur Sarbet, Sarbane el,* Orig. in Psal. I. & apud Euseb. Hist. Eccl. lib. 6. cap. 25. Et si igitur hi libri ex iis non essent, quos ab Hebræis receperat, illis tamen ab Ecclesia Christianâ tunc temporis subjuncti erant, & una lecti. Alioquin eos non minus quam alios Apocryphos libros rejecisset haud dubie Origenes. A quo tamen non modo reliquis hic subnectuntur, verumetiam inter alios SS. Scripturæ libros aliquoties laudantur, ut è commentariis ejus, quæ etiamnum extant, videre licet. Ac proinde non mirum est, quod in hoc Canone Apostolico inter alios veteris Testamenti libros Maccabaici recenseantur; neque etiam quod tres ibidem numerentur. Nam τὰ Μακκαβαϊκὰ, viz. βιβλία, tres minimum, libros designant: de tribus saltem jure explicari possunt. Sed perinde est, inquit Observator, si tres aut duos numeres, quando Maccabaici omnes libri extra Canonicorum classem & ordinem ab Origene recensentur. Eo nimirum quod Origenes dicat Ἐξω τῶν ἐστὶν extra hos sunt libri Maccabæorum. Verumenimvero Origenes isthoc in loco non de Canonicis SS. Scripturæ libris generatim sic dictis, agit, sed de eis duntaxat quos Ecclesia ab Hebræis receperat. Εἰσὶ δὲ, inquit, αἱ εἰκοσι δύο βιβλοὶ καὶ ἑβδομήκοντες αὐτῶν: quibus recensitis, addit Ἐξω δὲ τῶν ἐστὶν τὰ Μακκαβαϊκὰ, hoc est, extra duos illos & viginti Hebræorum libros recepit Ecclesia etiam Maccabaicos, licet non eodem fortasse numero, quo cæteros, ut dignos tamen qui illis in eodem volumine

mine subjungantur. Quod etiam plerunque si non semper factum fuisse, ex omnibus liquet quæ vel extant, vel extitisse noscuntur versionis LXX. Codicibus MSS. Vaticano, Alexandrino; in etiam editionibus Veneta & Complutensi, necnon in versione Syriaca, tres Maccabaici reliquis V. T. libris interferuntur. Cum autem nonnullos saltem è dictis Codicibus uno alterove post Concilium Nicænum seculo si non eodem, exaratos fuisse constet, nemo dubitare potest quin consuetudo ante istud Concilium obtinuerit, ut hi cum reliquis veteris Testamenti libris una compingerentur. Neque enim credibile est, ut quemlibet librum istis demum diebus inter sacros recensent, nisi quem à majoribus suis inter eos recensitum acceperant. *Sed ego, inquit Observator, contrarium plane colligo ex eo quod ab Ecclesiasticis scriptoribus Synodo Nicanâ vetustioribus Maccabaici inter Canonicos V. T. libros nunquam numerati sunt.* Quod quam falsum sit, è supra dictis patet. Cum Cyprianus enim hos libros inter Canonicos eodem, ut ita loquar, habitu, eadem serie, nulla prorsus adhibita distinctione citaverit, Catholicam istius ætatis Ecclesiam eos unâ cum Canonicis numerare solitam fuisse palam est. Præsertim cum Origenes etiam τὰ Μανναβαϊκὰ libris ab Ecclesiâ Judaicâ Christianæ traditis subjunxerit. Nimirum duo & viginti (ut à veteribus numerantur) libri à veris Prophetis divinitus inspiratis conscripti, totum authenticum Judæorum Canonem constituerunt. Sed enim inter Judæorum à captivitate Babylonicâ reditum, & Christi adventum, alii ab aliis de rebus isto intermedio tempore gestis scripti sunt libri, de quibus Josephus meminit, qui post recensitos istos XXII. libros, addit, Ἀπὸ ἧ Ἀρταξέρξεως μέχρι τῆς ναυῆς ἡμῶς χρόνος, γέγραπται μὴ ἑκατὶ πέντε καὶ ὅμοιος ἡξιώσαι τοῖς πρὸς αὐτῶν, καὶ τὸ μὴ γενέσθαι τινὲς τῶν προφητῶν ἀνελεῖν Μακκαβαίων, *Ceterum ab imperio Artaxerxis ad nostram usque ætatem, singula quidem literis mandata sunt: sed nequaquam tantam fidem meruerunt, quantam superiores ii libri, propterea quod minus explorata fuit successio Prophetarum.* Joseph. cont. Apion. lib. 1. & apud Euseb. Hist. Eccl. lib. 3. cap. 10. Hi itaque libri, quos inter Maccabaici erant, non Hebraicâ, qua duo & viginti, sed Græcâ exarati linguâ, nec ipsis Judæis ejusdem ac illi autoritatis fuerunt, sed nihilominus ab Hellenistis, sive Judæis inter Græcos dispersis, eorumque linguâ utentibus, publicè legi & eodem quo libri verè θεόπνευστοι volumine scribi solebant. Quo factum est, ut Christiani primitivi Græca biblia hisce libris adaucta in publico usu habentes, libros hosce licet non ejusdem ac reliquos, magnæ tamen autoritatis, atque utilitatis esse existimarint, eosque inter libros Veteris Testamenti numerarint, & legi voluerint, ut ait D. Hieronymus, *ad edificationem plebis, sed non ad auctoritatem Ecclesiasticorum dogmatum confirmandam.* Hieron. in præf. ad Proverb. Et de ipsâ Maccabæorum scripturâ S. Augustinus ait, *recepta est ab Ecclesiâ non inutiliter, si sobriè legatur, vel audiat, maximè propter illos Maccabæos, qui pro Dei lege sicut veri Martyres à persecutoribus tam indigna & horrenda perpessi sunt.* Aug. contra secundam Gaudent. Epist. lib. 2. cap. 23. Et alibi, *Quorum supputatio temporum non in scripturis sanctis, quæ Canonice appellantur, sed in aliis invenitur, in quibus sunt* Macca-

Maccabeorum libri, quos non Judæi sed Ecclesia pro Canonicis habet, propter quorundam martyrum passiones vehementes, atque mirabiles. Id. de Civit. Dei lib. 18. cap. 36. Dicit igitur hos libros Canonicas quidem scripturas non esse, quales scilicet sunt viginti duo libri à Prophetis scripti, sed nihilo secius pro Canonicis ab Ecclesia haberi, pro istiusmodi nimirum libris qui inter Canonicas & authenticas V. T. scripturas utiliter perlegantur.

Cùm quæstio autem nobis non instituatur de libris Canonicis & Apocryphis, sed de Canonum Apostolicorum antiquitate, parum in hac controversia interest, utrum libri Maccabaici in hoc ultimo Canone Apostolico jure an injuriâ inter Canonicos numerentur. Nobis enim satis est, quod hi libri ante Synodum Nicænam publice, non minus quam Canonici lecti fuerint, & à nonnullis etiam pro Canonicis habiti. Hinc enim apparet, hos libros inter Canonicos in hoc ultimo Apostolorum Canone recenseri potuisse, etiam si tota hæc Canonum collectio multis ante istud Concilium annis juxta nostram sententiam facta fuerit: Nihil saltem ex his libris hic memoratis contra Canonum horum antiquitatem exculpi potest. Præsertim cum in antiquissima, ut ostendimus, hujus Canonis editione, Johannis nimirum Antiocheni, nulla horum librorum mentio inducatur.

IV. Ut inter Canonicos Veteris Testamenti libros Maccabaici, sic inter Authenticas Novi Scripturas Constitutiones Apostolorum vulgo dictæ, in hoc ultimo Canone Apostolico recenseri videntur. Post enumeratas enim genuinas S. Apostolorum Epistolas, protinus subjicitur, Κλήμηλ & Ἐπιστολαὶ δύο. Καὶ Ἀρχιερεῖς ὑμῖν τοῖς ἑπισκοποῖς δὲ ἐμῶς Κλήμηλ &, ἐν ὁκτώ βιβλίοις περὶ σωτηρίας. αὗτὸς δὲ χεὶρ δημοσιεύειν ὑπὲρ πάντων. Ἀρχὴ τὰ ἐν αὐταῖς μυστικά. Clementis Epistola duæ: & Constitutiones vobis Episcopis per me Clementem in octo libris editæ, quæ non sunt omnibus divulgandæ propter ea quæ sunt in iis mystica. De duabus Clementis Epistolis hic prius memoratis nos postea agemus, quàm argumentum contra horum Canonum antiquitatem è Constitutionibus Apostolicis petitem diluamus. Quod ut effectum demus, disquirendum imprimis est, cujusmodi esset illud Constitutionum volumen hic commemoratum.

Eusebius, qui primitivæ Ecclesiæ monumenta quarto ineunte seculò publicavit, in sacris recensendis libris, eos in tres classes redegit. Alios enim dicit ab Ecclesia sine omni controversia receptos esse: alios autem eadem confidentiâ rejectos, ut à doctrinâ Apostolicâ alienos: alios denique ἀνπιλεγόμενος vocat, in dubium scilicet à nonnullis vocatos, sed plurimis tamen Ecclesiis publicè lectos. Euseb. Hist. Eccl. lib. 3. cap. 31. Medii hujus generis hos numerat libros, ἐν τοῖς νόθοις κατὰ τὴν ἀρχὴν ἢ τῶν Παύλου περὶ ἑξῶν ἢ γράφῃ, ὁ τε λεγόμενος Ποιμὴν, ἢ ἡ Ἀποκάλυψις Πέτρου, ἢ περὶ τῶν τοῖς ἡ Φερομένη Βαρνάβα Ἐπιστολὴ, ἢ τῶν Ἀποστόλων αἱ λεγόμεναι διδασκαί, ἐπὶ τε ὡς ἐφύω, ἢ Ἰωάννης Σοφοκάλυψις εἰ Φανείη. Pro spuris (hoc est iis quibus contradicitur, ut in loco mox ante citato sese explicat) habendi sunt etiam Actus Pauli, & liber Pastoris titulo inscriptus, & Revelatio Petri: Barnaba item Epistola, & quæ dicuntur Apostolorum doctrinæ sive institutiones, quibus, ut dixi, adjungatur, si

libet, Revelatio Johannis. Ibid. cap. 25. Hæc ultima de Johannis Revelatione verba apposui, quoniam ex iis constat, quales essent reliqui libri hic unà commemorati, qui scilicet Johannis Apocalypseos instar, non omnimodo rejecti, sed tantum in dubium vocati sunt: de quibus scilicet controversum est, utrum in sacrum Canonem admitti debeant, an non. Inter eos autem hoc in loco numerantur τῶν Ἀποστόλων αἱ λεγόμεναι διδασκαί, *Doctrina Apost. dictæ*, sive *Institutiones Apost.* quemadmodum Cl. V. Henricus Valeſius non inepte reddit. Rufinus vertit, *Doctrina quæ dicitur Apost.* In numero itaque singulari legit, ἡ τῶν Ἀποστόλων ἡ λεγόμενη διδασκή. Secundum hæc S. Athanasius in Synopsi sacrae scripturae, post numeratos Authenticos & ab omnibus receptos utriusque Testamenti libros, addit alios esse & veteris & novi Fœderis libros, quorum aliis contradicitur, alii vero Apocryphi vocantur, hoc est in ejus notitiâ omnino rejiciuntur. Ἐστὶ δ', inquit, ἡ ἄλλη βιβλία διάφορα πρὸς τὰ περλεχθέντα, ἑκατέρως Διδάσκης, τὸ παλαιῶς δηλαδὴ ἡ τὸ νέας· τὰ μὲν ἀντιλεγόμενα, τὰ δὲ Ἀπόκρυφα. Juxta quam distinctionem recenset in veteri quidem Testamento, primo eos quibus contradicitur, ut Sapientiam Solomonis, & Jesu Sirach, Esther, Judith, Tobiam, Macchæorum libros quatuor, &c. Deinde Apocryphos, ut Enoch Patriarchas, orationem Josephi, Testamentum Moysis, & alia ejusdem furfuris figmenta. Postea τὰ τὸ νέας Διδάσκης ἀντιλεγόμενα, illos Novi Testamenti libros quibus contradicitur recenset, inter quos numeratur, Διδασκή τῶν Ἀποστόλων, Necnon in Epistola Festi idem sanctissimus Pater post recensitos itidem utriusque Testamenti libros, Ἐστὶ δ', inquit, ἡ ἑτέρα βιβλία τῶν ἑξωθεν, ἃ κανονιζόμενα μὲν, πετυγμένα δὲ πρὸς τῶν πατέρων ἀναγνώσκεσθαι τοῖς ἀφ' ὧν προσηρξαμένοις ἢ βελομένοις κατηχεῖσθαι τὸ τὸ βσεβείας λόγον, Sunt & alii præter supra dictos libri, non in Canonem quidem redacti, a Patribus vero insinui, ut ab iis qui primo accedunt, & in pietatis doctrinâ imitari volunt, legantur. Cujusmodi sunt, inquit, (in Veteri Testamento) Sapientia Solomonis, Sapientia Sirach, Esther, Judith, & Tobias : (in Novo Testamento) ἡ διδασκή τῶν Ἀποστόλων ἢ ὁ Ποιμὴν, *Doctrina quæ dicitur Apostolorum, & Pastor.* Quendam itaque librum τῶν Ἀποστόλων διδασκῶν dictum istis temporibus extitisse, atque etiam inter istos N. T. libros, non qui omnimodo rejecti sunt, sed tantum de quibus dubitatum fuit, recensitum fuisse, duos gravissimos habemus testes, Eusebium & Athanasium. Verumenimvero hunc librum eundem esse qui etiam Διδασκαί sive Διδασκαίαι τῶν Ἀποστόλων vocatus est, & nunc & olim doctissimis viris piusquam verisimile visum est. Zonaras enim Eruditus in Canones Ecclesiæ Orientalis Scholiasta, in Scholiis ad supradictam S. Athanasii Canonicam de Festi Epistolam, quæ nos è Codice Amerbachiano edidimus in Annotationibus ad Pandectas Canonum, pag. 221. hæc habet, ἡ διδασκῶν καλεσμένη τῶν Ἀποστόλων, λέγουσιν εἶναι τὰς Διδ. τὰς Κλήμηθ' συγγραφείσας τῶν Ἀποστόλων διατάξεις, ὡς ἡ λεγόμενη ἐκτὶ σινωδ' ἀναγνώσκεσθαι & συγχαρεῖ, ὡς νοθεύσεις, ἢ φθαρείσας ὑπὸ Αἰρετικῶν, & doctrinam Apostolorum dictam asserunt esse Constitutiones Apostolorum a Clemente conscriptas, quas ea quæ sexta dicitur Synodus legi non permittit, ut adulteratas &

corruptas

corruptas ab hæreticis. Et post eum Matthæus Blastares, διδασχῶν τῶν Ἀποστόλων à S. Athanasio memoratam eandem esse dicit quam sexta Synodus rejecit, τῷ τῷ ᾧ, inquit, ἡ ἑκτὴ συνόδος ἡθέτησεν, ὡς δεδήλωται, *Hanc autem sexta Synodus rejecit, ut ostensum est*: paulo nimirum antea, ubi Constitutiones Apostolorum ab ista Synodo rejectas dixerat. Matth. Blast. Syntag. Alphab. lit. B. cap. 11. Hanc tenet sententiam J. B. Cotelerius, diluitque argumenta quæ contra eam allata sunt.

V. Et hæc quidem sententia si non de iis quæ hodie circumferuntur, sed de Constitutionibus ab Epiphanio citatis intelligatur, nobis etiam verisimillima videtur: Eo scilicet quod eodem quo Eusebius & Athanasius scripserunt seculo, istæ Constitutiones sub Apostolorum nomine vulgo notæ fuerint, & ab Epiphanio aliquoties laudatæ, ac proinde mirum esset, si Eusebium & Athanasium diligentissimos antiquitatum Ecclesiasticarum investigatores laterent. Has autem Constitutiones iis incognitas fuisse dicamus necesse est, nisi eas per *Apostolorum doctrinam* sive *doctrinas* significarent. Quibus etiam accedit, quod Epiphanius Constitutionum opus à se citatum *Doctrinam* subinde vocet. Quo nomine & in ipso libri corpore sæpe indignantur. Ut in præfatione ad primum librum Apostoli inducuntur Christianos ad Constitutiones suas attento animo excipiendas, his verbis incitantes, Ἀκούσατε διδασκαλίαν ἱερῶν οἱ ἀντιχρόνιοι τῆ ἐπαγγελίας αὐτῆς ἐν περιστάσεσιν τῆ σωτῆρος ὁμολογῶν ταῖς ἐνδόξαις φθογλαῖς αὐτῆς, *Audite, qui ex præcepto Salvatoris promissionem ejus retinetis, sacram doctrinam gloriosis ejus vocibus consonam.* Sic alibi Constitutio de modo quo Pœnitentes tractandi sunt, vocatur διδασκαλία, ὅπως χρὴ περισφύρεσθαι πρὸς μετανοήσιν. lib. 2. cap. 12. Sic passim per totum librum, ut nemini mirum esse videatur, si idem liber qui ab his διαταγαί, ab aliis διδασκαί vel διδασχῆ τῶν Ἀποστόλων nuncupetur.

VI. Adhæc Epiphanius quandam Constitutionum librum tanquam ab Apostolis traditum ita laudat, ut nihil dubii esse possit, quin multis ante ejus ætatem annis talis liber in lucem editus fuisset, & doctorum manibus vulgo tritus. Ἀλλὰ ἡ, inquit, οἱ Ἀπόστολοι φασιν ἐν τῇ διατάξει τῇ καλεσμένῃ, ὅτι φυτεία Θεοῦ ἡ ἀμπελὼν ἡ καθολικὴ ἐκκλησία, *Sed & Apostoli in libro qui Constitutio vocatur, dicunt, Ecclesia Catholica Dei plantatio est, & Vineæ.* Epiph. hæ. 45. Quæ verba ab eo citata initio Constitutionum etiamnum extant. Et alibi, Παρατηρεῖται ᾧ ἡ ἐκκλησία ἀρχὴν τιλὴν ἑορτῶν τῶν πάσχα, τῷ τῷ τῷ ἐβδομάδα τὴν ὁρισμένην ἢ ἀπ' αὐτῶν τῶν Ἀποστόλων ἐν τῇ διατάξει ὑπὸ δούτερος πατέρων, ὅπερ ἐστὶν ἀρχαῖος τῶν πατέρων, *Observat antiquam Ecclesia festum Paschæ peragere, hoc est hebdomadam decretam etiam ab ipsis Apostolis in Constitutione, à secundo Sabbatorum, quod est emptio agni.* Id. hæ. 70. N. 12. Et iterum, Εἰ ᾧ ἢ χρὴ τὸ τῆ διατάξεως τῶν Ἀποστόλων λέγειν, πῶς ἐκείνους ὁρίσαντο τελεῖν, ἢ παραβέβαιον νηστειαν ἅπας παντὸς χωρὶς πεντηκοστῆς, *Si vero & ex Apostolorum Constitutione repetenda nobis est auctoritas, cur illis quævis sextæque feriæ jejunium perpetuè lege sancitur exceptâ Pentecoste.* Et paucis interjectis, Εἰτὰ ᾧ εἰ μὴ πᾶσι τῆ αὐτῆς ἐπιθέσεως τελεῖν, ἢ παραβέβαιον οἱ αὐτοὶ Ἀπόστολοι ἐν τῇ διατάξει ἔλεγον, *& ὁμοίως ἐν πανταχόθεν ἐκχωρῶν ὑποδείξαι.* ὁμοίως

ὅπως καὶ τὰτα ἀκελῶς γράψαι, *Deinde vero si de isto quarta sextaque feriarum argumento iidem Apostoli in Constitutione nihil dixissent, etiam aliter undique possemus demonstrare. Quanquam ea de re accurate scribunt.* Id. hæ. 75. N. 6. In hisce omnibus, ut patet, locis Epiphanius non modo librum Constitutionum Apostolicarum, sed & ipsos Apostolos in eo loquentes citat; perinde ac si librum istum ab ipsis Apostolis scriptum fuisse persuasissimum habuisset. Hoc autem veri nullo modo simile ei videri potuit, nisi certissime constitisset, librum istum non paulo ante ab hæreticis confectum, sed adeo antiquum pariter atque doctrinæ traditionibusque Apostolorum consonum fuisse, ut ipsis Apostolis vel viris saltem Apostolicis merito adscribi posset. Et quidem quanti ille hunc librum æstimavit, ex his ipsius verbis constat, Εἰς τὸ τοῦ θ', inquit, οἱ ἀπὸ Αὐδιανοῦ παρεφέρουσιν τινὰ τῶν Ἀποστόλων Διάταξιν, ἔσονται μὲν τοῖς πολλοῖς ἐν ἀμφιλέκτῳ, ἀλλ' ὅτι αἰδοῦμεν. πᾶσαι γὰρ ἐν αὐτῇ κανονικὴ τάξις ἐμφέρεται, καὶ ἐδὲν παρογκεχαρσµένον τῆ πίστεως, ἐδὲ τῆ ὁμολογίας, ἐδὲ τῆ ἐκκλησιαστικῆς διοικήσεως, καὶ κανόνος, καὶ πίστεως. *Ad hoc autem iidem Audiani detorquent Apostolorum Constitutionem, qui quidem liber à multis in dubium vocatur, sed non est improbandus: Omnis quippe Canonici ordo in eo continetur, nihilque à fide adulteratum, neque à confessione, nec ab Ecclesiasticâ administratione, & Canone, & fide.* Id. hæ. 70. Num. 10. ubi propterea testimonium ab Audianis ex isto libro adductum, non omnino rejicit, tanquam invalidum & fide indignum, sed verba Constitutionis aliter exponit, docetque Constitutionem istam pacis tantum & concordia gratiâ ad tempus editam fuisse. Quali quidem responsione nunquam usus fuisset, nisi liber iste summæ apud ipsum autoritatis esset. Adhæc, καὶ καὶ μὴ ἐν τῷ γενέσθαι, inquit, ἐν τῷ διατάξεσθαι τῶν Ἀποστόλων φάσκει ὁ Θεὸς λόγος, καὶ ἡ διδασκαλία, μὴ φθεῖρειν, τὰς τῶν μὴ τέμνειν τείχας γενέσθαι. *Et quidem de barba in Constitutionibus Apostolorum edicti divinus sermo & Doctrina, non corrumpendos esse: hoc est, non esse secandos pilos barbae.* Id. hæ. 80. N. 7. Quæ quidem sunt verba vix dubitantis, quin hæ Constitutiones verè Apostolicæ essent, aut ab ipsis Apostolis tradita. Alioquin enim divinum sermonem doctrinamque iis nunquam attribuisset.

VII. Ex hisce saltem clarissimis Epiphaniî testimoniis de Constitutionibus Apostolorum antiquitus appellatis, manifestum efficitur, Constitutiones quasdam sub Apostolorum nomine, quarto, quo scribebat doctissimus ille pater, seculo non modo pro antiquis, verum & à nonnullis pro verè Apostolicis habitas fuisse: Ac proinde haud mirum esse si nonnulli seculo præcedente, cum in eadem opinione essent, has Constitutiones Authenticis Apostolorum Commentariis subjunxerint, & unâ cum Canonicis sacrae scripturae libris nonnunquam legerint, & numerarint. Nec moramur quod Observator post Dallæum aliosque ex Epiphaniâ observavit, nonnullos de hoc libro dubitasse. De nonnullis enim ex verè Canonicis Apostolorum libris tribus prioribus Christianismi seculis dubitatum fuisse, neminem fugit. Ex eo autem quod liber quilibet ab aliis in dubium vocaretur, minime sequitur quin ab aliis idem approbatus esset, & inter Canonicos recensitus. Sed contendit adhuc

adhuc Observator, pag. 32. Constitutiones illas à nemine ante Concilium Nicænum in Canonem scripturæ relatas esse, ac propterea post illa tempora vixisse Canonum Apostolicorum consarcinatorem. *Unus, inquit, Epiphanius circa Annum Domini CCCLXXV. Clementinas Constitutiones aliquâ cum laude nominavit; ante eum nemo.* Primo autem neminem ante Epiphanium Constitutiones istas in Canonem scripturæ retulisse, vel ullâ cum laude nominasse, non sumendum erat, sed probandum. Hoc enim est de quo contendimus, annon scilicet in hoc ipso Canone Apostolico Constitutiones in Canonem relatæ fuissent ante Concilium Nicænum? Deinde probandum etiam erat, Διαχρὶ τῷ Ἀποστόλῳ, ab Eusebio & Athanasio memoratam, non eundem fuisse librum quem postea Epiphanius Διατάξιν τῶν Ἀποστόλων nominavit. Isto enim dato, quod nobis, ut ostendimus, verisimillimum videtur, Constitutiones Apostolicæ ante Epiphanium inter istiusmodi numeratæ fuerunt libros, qui ἀντιλεγόμενοι quidem erant, sed nondum è Canone penitus rejecti. Quid etiam si excepto hoc Canone Apostolico Constitutiones à nemine ante Epiphanium, vel ante Concilium Nicænum in Canonem relatæ sunt? A quonam obsecro post ista tempora id factum legitur? Sane rationi fideique magis consonum videtur, hunc librum in Canonicorum catalogo collocatum fuisse istis temporibus quibus de libris Canonicis adhuc disceptatum erat, potius quam postea, cum inter omnes de illis convenit: ideoque primis Christianismi seculis potius quam sequentibus quibus sacræ scripturæ Canon ubique stabilitus & receptus fuit.

VIII. Adhæc nihil est quod eruditi viri in ultimum hunc Apostolorum Canonem tantâ vehementiâ inveherentur, quod octo Constitutionum Apostolicarum libros in Canonicorum censum, vel in Novi Testamenti Canonem retulerit. Hoc enim non nisi summâ injuriâ contra dictum Canonem objici potest: quippe quo Constitutiones à Canonicis sacræ scripturæ libris apertissime distinguuntur. De authenticis enim & Canonicis utriusque fœderis libris hæc præfatur Canon, Ἔσω ὃ ὑμῖν πᾶσι κληρικοῖς καὶ λαϊκοῖς βιβλία σεβάσματα καὶ ἁγία, *Sint autem vobis omnibus Clericis & Laicis libri venerabiles & sancti.* Deinde recensitis Canonicis Veteris novique Testamenti libris, de Constitutionibus Apostolicis hæc dicit, Καὶ αἱ διατάξεις ὑμῖν τοῖς ἐπισκόποις, δὲ ἐμὲ Κλήμεντι ἐν ὀκτὼ βιβλίοις περὶ σεφωνημέναι, ὥς ἐστι καὶ δημοσίως ἐπὶ πάντων, Ἀλλὰ τὰ ἐν αὐτοῖς μυστικά. *Et constitutiones vobis Episcopis per me Clementem in octo libris nuncupata, quas non oportet coram omnibus divulgare propter ea quæ sunt in illis mystica.* Canonici itaque libri Clericis & Laicis, Constitutiones autem solis Episcopis nuncupantur, idque ea cautione, ut coram omnibus non divulgentur, propter mysteria scilicet quæ in iis continentur. Quod de libris verè Canonicis dici non potest, neque hic dictum est, utpote qui eo scripti sunt ut omnes veram de Deo fidem rectamque vitæ instituendæ rationem ex iis discant. Cùmque in hoc ipso Canone Apostolico cautio ista ad Constitutiones solas adhibeatur, non item ad alios utriusvis Testamenti libros ibidem connumeratos, clarissime exinde constat, illas ab hisce ex Canonis mente secretas esse, ut libros Apocryphos sive non Canonicos à

250 DE CONSTITUTIONIBUS APOSTOLICIS.

verè Canonicis. Nimirum octo Constitutionum libri hoc in loco Episcopis, iisque solis commendantur, ut πᾶσιν, si cum Epiphanio loquar, πανοικίην πόλιν ἢ ἐκκλησιαστικὴν διοίκησιν continentes, nequaquam ut Canonici sacrae scripturae libri ab omnibus perlegendi. Ac proinde quaecunque argumenta contra Canones Apostolicos è Constitutionibus, ut in Canonem sacrae scripturae relatis petuntur, unà corruunt, nihilque concludunt.

IX. Hæc vero omnia eo tantum nomine à nobis dicta sunt, ut pateat Canones Apostolicos ante Concilium Nicænum constitui colligique potuisse, etiam si Constitutiones Apostolicas iis ab initio interfertas fuisse concederemus. Ad extremum autem totam hanc de Constitutionibus clausulam ultimo huic Apostolorum Canoni alia quam primi conditoris manu, longeque postea insertam fuisse pro comperto habeo. Nullus enim dubito, quin idem huic, quod plerisque aliis Ecclesiæ primitivæ monumentis, acciderit, ut multis scilicet in locis interpolatum fuerit. Quod ut de aliis certum, de hoc saltem loco certissimum est: ut ex eo constat, quod Canonibus Apostolicis cum antiquis Constitutionibus in omnibus non conveniat. Cum antiquis, inquam, Constitutionibus. De iis enim, quæ nomen istud sibi inscriptum hodie circumferunt, non disputamus, utpote quæ ab antiquis illis quas Epiphanius laudavit Constitutionibus in omnibus fere discrepant, ut à viris doctis sæpe observatum fuit, ac demonstratum. In antiquis autem Constitutionibus contraria atque in Canonibus Apostolicis constituta sunt. Epiphanius enim ex iis qui ejus ætate extabant Apostolorum, ut vocat, Constitutionibus, hæc de Paschâ verba citavit, ὑμεῖς μὴ ψηφίζετε, ἀλλὰ ποιεῖτε ὅθεν οἱ ἀδελφοὶ ὑμῶν οἱ ἐν παρομιῇ μετ' αὐτῶν ἀμα ποιεῖτε. Vos temporum rationes ne subducite, sed eodem tempore celebrate Pascha, quo fratres vestri qui ex circumcisione sunt. Cum illis unà peragite. Apud Epiph. hæc. 70. Num. 10. Eos autem qui ex circumcisione ad fidem Christianam prodierunt, eodem atque Judæos tempore celebrasse Pascha, inter omnes constat. Verum in Canonibus Apostolicis hoc disertè prohibetur; ut quorum septimus sic statuit, Εἰ τις ἐπίσκοπος, ἢ πρεσβύτερος, ἢ διάκονος ἢ ἄγιος ἢ πᾶς ἡμέτερος πρὸς τῆς ἰακωβίτης ἰσημερίας μετ' Ἰουδαίων ἡπιπέσῃ, καθαιρετόσθω, Si quis Episcopus vel Presbyter, vel Diaconus sanctum Pasche diem ante verum æquinoctium cum Judæis celebraverit, deponatur. Can. Apost. VII. Idem fere in iis quæ hodie extant Constitutionibus habemus, lib. 5. cap. 7. Quod cum contrarium sit iis quæ Epiphanius ex antiquis Constitutionibus citavit, legitimè ex eo collegerunt viri eruditi, aliud antiquitus fuisse Constitutionum opus, quam quibus Apostolorum & Clementis nomen hodie inscribitur. Quin idem etiam demonstrat, inter Constitutiones & Canones Apostolicos antiquitus disconvnisse. Illis enim decretum est, ut Christiani Pascha cum Judæis nullâ habitâ calculorum ratione celebrent, καὶ τε πλανηθῶσι, inquitur pristini Constitutiones, μηδὲν ὑμῖν μελέτω, & quamvis ipsi aberrrent, nihil id vos commoveat. Hisce autem, nempe Canonibus, è contra cautum est, ne quis Pascha cum Judæis ante verum æquinoctium, accuratè scilicet calculatum, celebret. Quocirca omnem excedit fidem, ut qui primus vel condidit, vel collegit Canones

Canones Apostolorum, Constitutiones illas commendaret. Hoc enim nihil aliud esset quam in uno Canone evertere, quod in alio constitutum fuerat. Quo nihil absurdius esse potest. Ac propterea persuasissimum habeo, illam ultimi Canonis Apostolorum partem, quæ de Constitutionibus agit, interpolatoris alicujus manu insertam fuisse, ejusdem fortasse, qui ipsas etiam Constitutiones corrupit, & depravit. Cùm hic enim ex variis, ut videtur, Apostolorum, Pauli, Clementis, Ignatii, Polycarpi, Hippolyti, aliorumque didascalis antiquum Constitutionum opus pro libitu auxisset, immutasset, sui que seculi ritibus ac institutis accommodasset, quo fallaces suas ac fucosas merces aliis commendatiores haberet, earum mentionem ultimo huic Apostolorum Canoni, inter ipsos SS. Scripturæ libros improbus inseruit. Et ex eadem, ut opinor, officinâ prodierunt, quasunque hodie in hisce Canonibus corruptelas habemus, aut interpolationes. Idem etiam Canones Constitutionibus primus subjunxisse videtur, atque in unum opus conflasse, cum ab initio diversa fuisset opera & res ipsa claret, & ipse Dallæus fatetur, probatque de Pseudep. lib. 3. cap. 1. E quibus omnibus constat, nihil ex eo contra antiquitatem horum Canonum legitimè concludi posse, quod Constitutiones in iis hodie inter S. Scripturæ libros commemorantur.

X. Præter Constitutiones Apostolicas duæ Clementis Epistolæ inter S. Scripturæ libros nominantur, idque hoc modo, Πέτρος Ἐπιστολαὶ δύο, Ἰωάννης τρεῖς, Ἰακώβου μία, Ἰσίδωρος μία. Κλήμεντος Ἐπιστολαὶ δύο. Ubi primò aliquid observare licet discriminis inter has Clementis & alias Epistolas hic recensitas. Postquam enim dixisset, *Johannis tres, Jacobi una, Jude una*, non addit *Clementis duas* sed voce Ἐπιστολαὶ repetitâ, Κλήμεντος Ἐπιστολαὶ δύο. Quod non opus erat si hæ ejusdem essent authoritatis atque aliæ prius numeratæ. Deinde observatum etiam velim Clementis Epistolas alio atque Constitutiones modo hic describi: Constitutiones enim perinde memorantur, ac si ab ipso Canonum conditore editæ fuissent. Καὶ καὶ διατάξαι ὑμῖν τὰς Ἐπιστολάς δι' ἐμῆς Κλήμεντος, & *Constitutiones vobis Episcopis per me Clementem*: Quæ propterea ab impostore aliquo sub ementito Clementis nomine insertæ sunt. At Epistolæ tanquam à tertia persona, vel ab alio quam ab ipso Canonum conditore scriptæ memorantur, non scilicet ἐμῆς Κλήμεντος, sed in genere, Κλήμεντος Ἐπιστολαὶ δύο. Et sane quicumque fuerit qui Constitutiones vel Primus collegit, vel collectas postea interpolavit, & huic Canoni inseruit; Clementem saltem, cujus Epistolæ hic memorantur, Romanum fuisse Episcopum inter omnes convenit. Et has quidem duas ipsius Epistolas summæ apud primitivos Christianos autoritatis fuisse, ex eorum scriptis apparet, ut quibus passim laudantur. Prima enim Epistola ab Irenæo, à Clemente Alexandrino & ab Origene nec semel citatur. Eam Eusebius ab omnibus uno consensu receptam, & in plurimis Ecclesiis publicè recitatam fuisse testatur. Hist. Eccles. lib. 3. cap. 16. De altera, fateor, Epistola, idem dicit, ἰστέον ὅτι ὡς καὶ δούλομαι πρὸς εἶναι λέγεται ἡ Κλήμεντος Ἐπιστολή. εἰ μὴ ἐπὶ ὁμοίως τῇ προτέρᾳ καὶ ταύτῃ γνώριμον ἔστιν ὅτι καὶ τὰς ἄλλας αὐτῇ κεχρημένους ἴσμεν. *Sciendum autem est quod quedam secunda etiam Clementis Epistola esse dicitur*:

Eam autem non similiter ac priorem notam fuisse comperimus, quoniam nec veteres ea usos fuisse scimus. Ibid. cap. 38. E quibus Eusebii verbis D. Hieronymus in catalogo scriptorum Ecclesiasticorum de Clemente agens, dicit, Feritur & secunda ejus nominis Epistola, quæ à veteribus reprobatur. Hoc autem non dixit Eusebius: non dixit hanc Epistolam à veteribus reprobata, sed non adeo notam & celebratam fuisse ac priorem. Et ipse quidem Hieronymus, ubi non Eusebii, sed suam de his Epistolis sententiam profert, ambas sine ullo discrimine conjungit. Ad hos, inquit, & Clemens successor Apostoli Petri, cujus Paulus Apostolus meminit, scribit Epistolas, omnemque pene sermonem suum de virginitatis puritate contexuit. Hieron. adv. Jovinian. lib. 1. cap. 7. Quin Epiphanius etiam eodem modo utriusque mentionem facit, dicens, Δέχθη γὰρ ἐν μιᾷ τῇ θπιστολῶν αὐτῆς, ἀναχωρῶν, ἀπειμι, ἐν παθήτω ὁ λαὸς τῆς Θεῆς, Dicit enim (Clemens) in una Epistolarum suarum, Recedo, exeo, inbet populus Dei. Epiph. hæ. 27. Num. 6. Alibi vero ambas has Epistolas in publicis Ecclesiæ conventibus recitatas fuisse tradit: dicit enim Αὐτὸς Κλήμης αὐτὰς καὶ πάντα ἐλέγχει, ἀφ' ὧν ἐγεγύψεν θπιστολῶν ἐγκυκλίων, καὶ ἐν ταῖς ἀγίαις ἐκκλησίαις ἀναγινωσκομένων. Ipse Clemens omnibus istos (Ebionitas) modis redarguit, in circularibus illis quas scripsit Epistolis, quæ in sanctis Ecclesiis leguntur. Id. hæ. 30. N. 15. Et quidem, nili longe fallor opinione, ipse quoque Dionysius Corinthiorum, quibus ambæ hæ Epistolæ nuncupatæ sunt, Episcopus, proximo post Clementem seculo idem innuit: In Epistola enim ad Romanos scripta hæc habet, τὴν σήμερον ἔν κυριακῇ ἀγίαν ἡμέραν διεργάζομεν, ἐν ἣ ἀνεγνώκαμεν ὑμῶν τὴν θπιστολὴν, ἣν ἔχομεν ἀεὶ περὶ ἀναγινώσκοντες νεθεπέδω, ὡς καὶ τὴ περτέραν ἡμῶν Δὲ Κλήμεντος γεγεφῆσαν. Hodie diem Dominicam sacram transegimus, in qua Epistolam vestram legimus, quam quidem perpetuo deinde legentes, perinde ac priorem illam nobis à Clemente scriptam Epistolam, optimis præceptis ac documentis abundabimus. Apud Euseb. Hist. Eccles. lib. 4. cap. 23. Hic duæ celebrantur à Dionysio Epistolæ, ad Ecclesiam Corinthiacam missæ, quarum una ab Ecclesia Romana, altera ab ipso Clemente scripta dicitur. Quam à Romanis scriptam dicit, alia non videtur quam ea quæ Prima Clementis ad Corinthios Epistola vulgo indigitatur, utpote quæ non Clementis sed Ecclesiæ Romane nomine scripta fuit, ut ex ipsa inscriptione patet. Altera vero, quæ secunda dicitur, non Ecclesiæ Romane sed Clementis nomine scripta est, ut omnes consentiunt, & res ipsa loquitur, quandoquidem in hac Epistola appellatio ista Ἀδελφοί μου sæpe occurrit, in altera nusquam. Hæc igitur eadem videretur fuisse, quam Dionysius τὴ περτέραν ἡμῶν Δὲ Κλήμεντος γεγεφῆσαν appellat. Huic nostræ conjecturæ eruditi vii Joh. Bapt. Cotelerii observatio favet, quod ea scilicet quæ secunda dicitur, ipsius Clementis nomine scripta Epistola, ante alteram Ecclesiæ Romane nomine scriptam, missa fuit. Hinc enim constat, quare περτέραν à Dionysio dicatur, eò nimirum quòd hæc ab ipso Clemente, ante alteram illam ab Ecclesia Romana, conscripta fuerat. Non me fugit, Eusebium, aliosque post eum omnes unam duntaxat Clementis Epistolam in his Dionysii verbis intelligere, propterea scilicet, quod Clementis nomen uni soli

inscribatur.

inscribatur. Verumenimvero cum illa etiam quæ ab Ecclesia Romana scripta fuit, Clementi, & quidem jure, ut Ecclesiæ illius Antistiti attribuat, nihil obstat, quin eadem sit Epistola, quam Dionysius primo in loco memorat, dicens, ἐν ᾗ ἀνεγνώκαμεν ὑμῶν καὶ ἐπιστολήν. Nec video quænam alia ab illo intelligatur: cum aliam ab Ecclesia Romana ad Corinthiacam scriptam, publicèque lectam fuisse non constet. Verbis autem Dionysii hoc modo intellectis, nihil disertius esse potest. Dicit enim Ecclesiam suam Corinthiacam duas legere consuetam esse Epistolas Roma missas, quarum una ab Ecclesia Romana, altera autem, quam & Priorem vocat, ab ejusdem Præfule Clemente, ad ipsos scripta fuerat. Quas propterea ambas ab Ecclesia ista Corinthiaca, ad quam missæ sunt, publicè lectas fuisse, nobis modo persuasissimum est.

XI. Hisce præcognitis, etiamsi concederemus, quod nunquam probari potest, nobisque veri admodum dissimile videtur, duas scilicet Clementis Romani Epistolas huic Canoni ab initio interfertas fuisse, & proximè post Epistolas Canonicas collocatas, minime tamen exinde conficeretur novitium esse hunc Canonem nec ante Synodum Nicænam constitutum. Nemo enim nescit de Canonicis N. T. libris diu disceptatum fuisse, his plures, illis pauciores per tria saltem priora secula numerantibus Ecclesiis: adeo ut duas in eundem consentientes numerum vix reperiatis. Hoc autem iis omnibus solenne fuit, ut quascunque pro sacris scripturas habebant, eas omnes sine ullo fere discrimine unà recenserent. Vix quempiam habemus Clemente Alexandrino antiquiorem, quem sacras utriusque Testamenti scripturas enumerasse constat. Is autem in recensendis N. T. libris, neque illos prætermisit, qui à nonnullis in dubium vocati sunt, cum ab aliis recepti essent. Nam in libris *ὑποτυπώσεων*, ut ait Eusebius, omnium utriusque Testamenti scripturarum compendiosam instituit enarrationem, *μηδὲ τὰς ἀνπλεγμένους παρελθὼν, καὶ Ἰδὼν λέγων, καὶ τὰς λοιπὰς καθολικὰς ἐπιστολάς, τὴν τε Βαρναβᾶ, καὶ τὴν Πέτρου λεγόμενὴν Σποκαλυσιν.* Ne illis quidem prætermisiss, de quibus ambigitur, *Judeæ Epistolam dico, & reliquas Catholicas Epistolas, necnon Epistolam Barnabæ, & Revelationem quæ dicitur Petri.* Euseb. Hist. Eccl. lib. 6. cap. 14. Ad eundem modum in antiqua illa stichometria ab erudito viro J. B. Cotelerio in notis ad Epistolam Barnabæ à duobus MSS. eruta, inter sacras N. T. scripturas nulla adhibita distinctione recensentur Barnabæ Epistola, Liber Pastoris, Actus Pauli & Revelatio Petri. Quis autem sacrarum scripturarum catalogum à Clemente Alexandrino, & in hac stichometria exhibitum post Synodum Nicænam factum fuisse existimet, eò quod hujusmodi libri iis annumerentur? Quis potius antiquos hosce sacræ scripturæ catalogos non longe ante elaboratos fuisse crederet, cum Canon scilicet scripturæ fixos sibi limites nondum haberet? Idem dicendum est de Clementis Epistolis hoc Canone Apostolico memoratis: Cum à viro enim Apostolico scriptæ essent, & publicè in Ecclesia legi solerent, inter sacras scripturas facile connumerari poterant, non minus quam Epistola Barnabæ, Hermæ Pastor, Revelatio Petri, aliive istiusmodi libri, qui olim in dubium à plerisque vocati, hodieque Canone penitus ejeçti sunt.

XII. Secundum hæc non defuisse olim qui duas Clementis Epistolas sacris scripturæ libris subjunxerunt, iisque connumerarunt, è vetustissimo illo MS. constat, è quo in lucem primo editæ sunt. Hunc MS. Codicem Cyrillus Lucaris à sede Alexandrina ad Constantinopolitanam translatus, tanquam pretiosissimum Orientis thesaurum Alexandria Constantinopolim secum attulit: eundemque Serenissimo pientissimoque Regi nostro CAROLO I. dono dedit, in cujus Bibliotheca adhuc asservatur. In hoc antiquissimo MS. ante mille, ut videtur, & ducentos annos exarato, & ex antiquiori procul omni dubio transcripto, omnes utriusque Testamenti libri ab Ecclesiâ Primitiva recepti, exhibentur; & inter alios, duæ istæ Clementis Epistolæ hoc Canone Apostolico post Canonicos itidem sacræ scripturæ libros commemoratæ. Codex iste manu exaratus, in quatuor tomos nunc dividitur, quorum primo præfigitur catalogus omnium librorum qui in toto Codice continentur. Sed quandoquidem catalogus iste, ut opinor, nondum in lucem datus fuit, eundem huc transcribere non gravabor, utpote qui magnam huic Canoni lucem affert, egregiumque antiquorum Bibliorum Specimen exhibet. Scriptus est quidem hic catalogus sive syllabus librorum, iisdem quibus totus Codex characteribus, grandioribus scilicet sive uncialibus, quibus ut jamdudum obsoletis in communes nostros commutatis aliud quicquam mutare nobis religio est. Ac proinde neque lacunas supplevimus, sed ubi literæ quævis vetustate sunt abrasæ, ibi interstitia accuratè demensa reliquimus. Sic itaque qualis qualis est, se habet.

Γένεσις Κόσμου.
 *Εξοδ^Θ Αιγύπτου.
 Λευϊτικόν.
 *Αριθμοί.
 Δευτερονόμιον.
 *Ιησ^ς Ναυή.
 Κερίται.
 *Ρ^ςθ.
 *Ομν βιβλία Η.
 Βασιλέων Α.
 Βασιλέων Β.
 Βασιλέων Γ.
 Βασιλέων Δ.
 Παραλιπομνήων Α.
 Παραλιπομνήων Β.
 *Ομν βιβλία ε.
 Προφήται ι.
 *Ωση^ς Α.
 *Αμώς Β.
 Μιχαίας Γ.
 *Ιωήλ Δ.

Αδ^ς Ε.
 *Ιων^ς ε.
 Ναέμ Ζ.
 Αμθαιέμ Η.
 Ζοφονίας Θ.
 *Αγίας ι.
 Σαχαρίας ια.
 Μαλαχίας ιβ.
 *Ησαίας ιγ.
 *Ιηρεμίας ιδ.
 *Ιεζεκιήλ ιε.
 Δανιήλ ις.
 *Εοθ^ρ.
 Τωβίτ.
 *Ισθ^θ.
 *Εσθ^ρς Α. Ιερέ^Θ.
 *Εσθ^ρς Β. Ιερέ^Θ.
 Μακκαβαίων λόγ^Θ Α.
 Μακκαβαίων λόγ^Θ Β.
 Μακκαβαίων λόγ^Θ Γ.
 Μακκαβαίων λόγ^Θ Δ.

Υαλτήριον

Ψαλτήριον 5 τ. ὡδῶν.

Ἰωβ.

Παροιμίαι.

Ἐκκλησιαστής.

Ἄσματα ἁσμάτων.

Σοφία ἡ πανάρετος.

Σοφία Ἰησοῦς υἱὸς Σεισέχ.

Ἡ Καινὴ Διαθήκη.

Ἐυαγγέλια Δ.

Κατὰ Ματθαῖον.

Κατὰ Μάρκον.

Κατὰ Λῦκαν.

Κατὰ Ἰωάννην.

Πράξεις Ἀποστόλων.

Καθολικαὶ Ζ.

Ἐπιστολαὶ Παύλου ΙΔ.

Ἀποκάλυψις Ἰωάννης.

Κλήμεντος ἐ λη Α.

εντὸς ἐ λη Β.

Ὁμὲς βιβλία.

Ψαλμοὶ Σολομώντος ΙΗ.

In hoc accurato librorum, qui in antiquissimo isto MS. exhibentur, indice, ut alia huc minus pertinentia omittam, duas Clementis Epistolas inter sacras N. T. Scripturas, non minus quam in hoc Canone Apostolico, recensitas habemus. Post eas enim ponitur, ὁμὲς βιβλία (sed literis numerabilibus vetustate excisis) unde patet istas Epistolas partem Canonis N. T. constituisse, vel inter Canonicas saltem scripturas perinde numeratas fuisse, ac si ipsæ etiam verè Canonicæ essent, Quocirca ubicunque perantiquus hic Codex, proximo, ut videtur, post Synodum Nicænam seculo, exaratus fuit, ex antiquiori haud dubie exemplari, has etiam Epistolas inter sacros N. T. libros ibidem antiquitus collectas fuisse constat. Ac propterea nemini mirum esse videatur, quod idem hoc Canone factum habeamus. Mirum potius fuisset, si in hoc Codice Canonum Ecclesiæ primitivæ, dictæ Clementis Epistolæ in sacrorum librorum censu non collocatæ essent, cùm eæ tunc temporis & publicè in Ecclesiis legi, & una cum aliis sacrosanctæ scripturæ libris compingi solerent, ut è MS. hoc catalogo liquet. In quo etiam observare licet, omnes tam veteris quam novi Testamenti libros promiscuè dispositos esse, nulla inter Canonicos & Apocryphos distinctione adhibita: nisi quod Psalmi Solomonis extra aliorum librorum censum constitui videantur, quemadmodum etiam non modo in Nicephori Constantinopolitani stichometria, sed & in S. Athanasii Synopsi, Ψαλμοὶ καὶ ὡδαὶ Σολομώντος inter ἀντιπλεροµένης V. T. libros collocantur. Cùm itaque Ecclesia nondum adeo sollicita esset de Canonicis & Apocryphis Scripturis accurate distinguendis, quin hæ Epistolæ istis saltem diebus inter alios sacræ scripturæ libros facile recenserentur, nemo dubitare potest. Ac propterea ex earum in hoc Canone mentione nihil contra Canonis ipsius antiquitatem legitime concludatur: præsertim cum longe facilius esset, ut hæ Epistolæ Canonicorum librorum numero intruderentur ante Concilium Nicænum, quando de numero isto inter omnes nondum convenit, quam postea cum universalis Ecclesiæ consensu stabilitus & determinatus fuit.

XIII. Huic denique Canonì Dallæus vitio vertit, quod Apocalypsis Johannis in eo prætermittatur. Hoc autem antiquitatem Canonis confirmat potius quam evertit. In omnibus enim recentioribus sacrarum scripturarum catalogis

logis Johannis Apocalypsis constanter annumeratur : sed non item in antiquis. De isto enim libro non tantum tribus prioribus, sed & quarto currente seculo à multis dubitatum est : ut ex Eusebio constat dicente τὸ δὲ Ἀποκαλύψεως ἐφ' ἐκάτερον ἐπὶ νῦν πᾶσι τοῖς πολλοῖς περὶ αὐτῆς ἡ δόξα, *De Revelationis autem libro adhuc in utramque partem opinionum varietate certatur.* Euseb. Hist. Eccles. lib. 3. cap. 24. Et proximo capite de spurii novi Testamenti libris agens, de Actibus Pauli, Hermæ Pastore, Revelatione Petri, Epistola Barnabæ, & institutionibus Apostolorum, addit ἐπὶ δὲ, ὡς ἔφλω, ἡ Ἰωάννης Ἀποκάλυψις, εἰ φανείη, ἣν πνευ, ὡς ἔφλω, ἀθετῶσι, ἕτεροι δὲ ἐγκρίνουσι τοῖς ὁμολογουμένοις. *His adjunge, si lubet, Johannis Revelationem, quam nonnulli, ut supra dixi, rejiciunt, alii inter libros probatos annumerant.* Ibid. cap. 25. Idem alibi ex Papiæ libris observans duos fuisse eodem tempore in Asia Johannis nomine indigitatos, ipse dubius hæsitavit, utri eorum, Evangelistæ, an alteri, Presbytero, adscribenda sit Revelatio. Ibid. lib. 3. cap. 39. Et post Eusebium, ut alios hic omittam, Amphilocheus Iconii Episcopus, S. Basilii æqualis, ad finem versuum de sacræ scripturæ libris, hæc habet

Τὴν δὲ Ἀποκάλυψιν Ἰωάννης πάλιν
Τινὲς μὴ ἐγκρίνουσιν, οἱ πλείους δὲ γε
Νόθῳ λέγουσιν.

*Asi Apocalypsim Johannis aliqui
Iis inserunt, sed longe plurimi
Adulterinam dicunt.*

Hinc ipse quoque Gregorius Nazianzenus, in suis de eodem argumento Carminibus, hunc librum omnino prætermittit, postque recensitos omnes tam novi quam veteris Testamenti libros ab universâ Ecclesiâ approbatos addit,

Εἴ τι τῶν ἐκτὸς, οὐκ ἐν γνησίοις.

Si præter hos quid est, ne germanum putes.

Qui hæc legit, mirari desinet, quod Apocalypsis Johannis in perantiquo hoc Canone non commemoretur. Mirandum potius esset, si liber, de quo tamdiu disceptatum fuit, tam cito in Canonem scripturæ hoc loco redactus fuisset. Multo saltem facilius in hoc ultimo Apostolorum Canone omitti potuit hic liber ex nostrâ hypothesi, quam ex Dallæanâ. Si hæc enim collectio Canonum juxta nostram sententiam secundo tertiove seculo facta fuerit, librum qui adhuc plurimis dubiæ esset fidei in Canonicis recensendis prætermittere proclive erat, non item post quintum illudque adultum seculum, cum ubique propemodum receptus fuit, ut genuinum Johannis Apostoli ac Evangelistæ divinitus inspirati monumentum.

E præmissis itaque videre est, nihil ex hoc ultimo Apostolorum Canone colligi

colligi posse, quod vel hunc Canonem vel totam, quam claudit, syllogen Synodo Nicænâ recentiorem, vel eâ non longe antiquiorem esse evincit. Nihil ex tribus libris Maccabaicis, nihil ex Constitutionibus Apostolicis, nihil ex duabus Clementis Epistolis inter Canonicos sacrae scripturae libros hic recensitis, nihil denique ex Apocalypsi Johannis hic prætermittâ. Quin potius ex eo quod hic librorum sacrorum catalogus ab aliis omnibus discrepet, quodque nonnulli in eo memorentur libri, qui non nisi primis æræ Christianæ seculis vel publicè lecti vel pro sacris habiti fuerunt, hunc ex iis Canonibus esse, quibus totius collectionis antiquitas adstruitur, jure meritissimo concludamus.

C A P U T X.

Synopsis.

- | | |
|---|--|
| <p>I. <i>Communia Dallæi argumenta contra Canones Apost. Quorum primum è vocabulis ibi usitatis sumitur.</i></p> <p>II. <i>Hæc objectio nostram opinionem non attingit. Vocabula Κληρικὸς, ἱερεὺς, Λαϊκὸς, ἱερατική διοίκησις, Ἀναγνώσις, Ψάλτις ab Ecclesia primordiis usitata esse ostenduntur.</i></p> <p>III. <i>Idem probatur de vocabulis προσφορὰ, θυσία, sacrificium, θυσιαστήριον, Altare.</i></p> | <p>IV. <i>Discrimen inter βωμὸν & θυσιαστήριον à Patribus diligenter observatum. Eucharistia, quare θυσία, Sacrificium & Oblatio dicatur, & sacra mensa Altare. Ita ab Irenæo, & Justino M. dicuntur.</i></p> <p>V. <i>E vocabulis Πεντηκστή, Κυριακὰ, & ὑπερερεταιῖ & πρῶτ & ἐν ἁποστόλοις nihil contra antiquitatem horum Canonum concludi potest.</i></p> |
|---|--|

I. **P**OSTQUAM Cl. V. Johannes Dallæus primo contra triginta quinque posteriores, & deinde contra quinquaginta priores Canones Apostolorum disputavit, alia quædam communia adhibet argumenta, quibus totam syllogen Apostolis abjudicandam esse demonstrat. Et quidem certe si nihil aliud probatum ivisset, quam hos Canones ab ipsis Apostolis totidem verbis non constitutos fuisse, ei nos etiam faciles subscriberemus. Quandoquidem autem non modo Apostolicam eorum institutionem, verumetiam venerabilem antiquitatem oppugnare conatus est, ne quid nos in hac causa intractum relinquere videamur, hæc etiam communia, ut vocat, argumenta expendemus, eaque, ut ut Turriani sententiam jugulent, nostram nec attingere, nedum destruire paucis ostendemus.

Primo itaque contra hos Canones in commune excipit Vir eruditus, quod multa in iis vocabula usurpentur, vel sanctis Apostolis penitus inusitata, vel non eo certe sensu, quo in his Canonibus sumuntur, usurpata. Qualia, inquit, sunt Κληρικὸς pro *homine ministerium aliquod Ecclesiasticum exercente*, κατάλογος & Κληρικῶν. Item Ἐπίσκοπος & πρεσβύτερος pro *ministriis diversorum ordinum*. Ἀναγνώστης, ἢ Υἰάτης. ἱερεὺς, ἱερατικὸς κατάλογος, ἱερατικὴ διακονία, pro *Presbytero*, & eo quod *Presbyterorum est*. Λαϊκὸς pro *eo fideli qui extra censum ministrorum in Ecclesia est*. Θυσιαστήριον pro *mensa Domini*, ἱεὺς pro *Eucharistia celebratione*, & πρὸς φορὰ pro eadem. Πεντηκοστή pro *toto eo tempore quod à festo Paschæ ad proprie dictam Pentecosten decurrit*. Πρωτὸς ἐν Ἐπισκοποῖς, pro *Metropoleos in Provincia Episcopo*. Τὰ κυριακὰ *Dominica*, pro rebus quas possidet Ecclesia, quas iidem Canones vocant τὰ τῆς ἐκκλησίας περὶ γράμματα: ὑπερερεταῖος *October*. Hæc, inquit vir doctus, & alia fortasse non pauca sequentibus Christianismi seculis usitata in eo quo Canones usurpant sensu, constat in veris ac indubitatis, hoc est Canonicis Apostolorum scripturis, nusquam sic posita occurrere. Dall. de Pseud. lib. 3. cap. 18.

II. Hæc autem viri clarissimi exceptio, nec Turriani, nedum nostram de his Canonibus opinionem elevat. Non Turriani quidem: nihil enim vel possibilis, vel etiam probabilis esse potest, quam ut Apostoli de aliis, ac quas in Canonicis scripturis tractant, rebus differentes, aliis etiam vocibus & loquendi formulis uterentur. Quod ad nostram autem de hisce Canonibus sententiam, eos secundo tertiove seculo constitutos asserentem spectat, eam ex hac exceptione nihil detrimenti contrahere usque adeo certum & luculentum est, ut verear ne inaniter verba consumere videar, si illud demonstratum eam. Utcunque ne Observator aliive posthæc omnes Dallæi contra antiquitatem horum Canonum à nobis assertam objectiones nondum solutas esse jactarent, de his etiam vocabulis ab eo prolatis pauca delibare non pigebit. Primo autem vocabula Ἐπίσκοπος & πρεσβύτερος de ministris diversorum ordinum, summi scilicet & secundi, toties in hac sylloge usitata, postea iterum ad secundam ipsius exceptionem conficiendam adducuntur; quibus propterea illuc rejectis, videamus annon vox Κληρικὸς de *homine ministerium Ecclesiasticum exercente*, ἱερεὺς de *Presbytero*, & Λαϊκὸς de *fideli non ordinato*, à primitiva Ecclesia usurpentur. Vocem autem Κληρικὸς eo sensu D. Cypriani diebus vulgo usitatum fuisse, ex unaquaque fere operum illius pagina abunde constat: adeo ut nemo oculum in ea conjiciat, quin vel *Clerum* vel *Clericum* mox inveniet. Et ante eum Origenes eadem voce usus est, Ἔστι δὲ, inquit, ὅτι ἐπὶ πάντως ὁ Κληρὸς σώζει πολλοὶ γὰρ πρεσβύτεροι ἀπολθῆναι, πολλοὶ δὲ λαϊκοὶ μακάριοι ἀποδειχθήσονται. Orig. in Jerem. hom. 2. ubi non modo Κληρὸν de *Ecclesiasticis ministris*, sed & vocabulum Λαϊκοὶ de *reliquis fidelibus* usurpatum habes. Tertullianus, Unde enim Episcopi & Clerus, nonne de omnibus? si non omnes monogamia tenentur, unde monogami in Clerum? An ordo aliquis seorsim debet institui monogamorum, de quo allectio fiat in Clerum? Sed cum extollimur & inflamur adversus Clerum,

tunc omnes unum sumus, tunc omnes Sacerdotes, quia Sacerdotes nos Deo & Patri fecit. Cum ad peraguationem disciplina Sacerdotalis provocamur, deponimus infulas, & pares sumus. Et paucis interjectis, Laicis vero quis monogamia non convenit, cetera quoque aliena sunt. Tertull. de Monog. cap. 12. In quo uno, ut videre licet, capite, & Clerum, & Sacerdotes, & disciplinam Sacerdotalem, sive ἱερατικὴν διοίκησιν, & Laicos denique habemus. Sed & alibi idem ait, ubi Ecclesiastici ordinis est confessus, & offert, & tingit Sacerdos, qui est ibi solus, sed & ubi tres, Ecclesia est, licet Laici. Id. exhort. ad castitat. cap. 7. Sed infinitus essem si omnia ex eo aliisque secundum tertiumque seculi Scriptoribus loca transcriberem, quibus hujusmodi voces occurrunt, æque ac in Canonibus Apostolorum. Verum insignem Clementis Romani locum præterire nequeo, quo scilicet hæc habet, τῷ ᾧ Ἀρχιερεὶ ἰδοὺ λειτουργίαν δεδομῆναι εἶπεν, καὶ τοῖς ἱεροῦσιν ὁ ἰδιότῃ πάπῃ προσέταται, καὶ δούτοις ἰδοὺ Διῆκονίαν ὁρῶνται· ὁ Λαϊκὸς ἀνδρῶν τοῖς λαϊκοῖς προεργασίαν δέδεται. Clem. Epist. 1. ad Corinth. Hinc enim constat hujusmodi vocabula ab ipsis Ecclesiæ primordiis, eo quo in Canonibus Apostolorum sensu, vulgo usitata fuisse. Idem dicendum est de vocibus Ἀναγνώσις καὶ Ψάλτις. Hujusmodi enim & officia & nomina ab ipso Ecclesiæ initio in usu fuisse videntur. Cantus enim Ecclesiasticos perpetuo celebrari solitos fuisse inter omnes constat: qui istis autem ritè modulandis præpositi sunt, Ψάλται, & κανονικοὶ Ψάλται à Synodo Laodicensi vocantur Can. XV. Cornelius Episcopus Romanus in Epistola ad Fabium Ecclesiæ Antiochenæ Antistitem, sua ætate, hoc est Anno CCL. in una Ecclesia Romana Presbyteros quidem quatuor & quadraginta fuisse dicit, septem autem Diaconos, totidemque Subdiaconos, Ἀκολούθως δύο καὶ πεντήκοντα, Ἐξορκιστὰς δὲ καὶ Ἀναγνώσις ἅμα πύλωσις δύο καὶ πενήκοντα, Acoluthos duos & quadraginta, Exorcistas autem & Lectores cum Ostiariis quinquaginta duos. Apud Euseb. Hist. Eccl. lib. 6. cap. 43. Hypodiaconos etiam & Lectores in Ecclesia Carthaginensi iisdem diebus constitutos fuisse ex D. Cypriano patet, Epist. 24. Et ante eum Tertullianus, Itaque alius, inquit, hodie Episcopus, cras alius. Hodie Diaconus, qui cras Lector. Hodie Presbyter qui cras Laicus. Nam & Laicis Sacerdotalia munera injungunt. Tertull. de præscr. adv. hæ. cap. 41. ubi non tantum Laicorum & Sacerdotalium munus, quibus Presbyteri scilicet perfunguntur, verum & Lectoris mentio occurrit. Qui à Justino Martyre Ἀναγνώσκων appellatur, ubi nimirum ait, εἴπα πανσυμελὴς ἡ ἀναγνώσκοντες, ὁ πρῶτος Ἀγὼ λόγῳ τῇ νουθεσίᾳ καὶ πειρασίᾳ τῶν καλῶν τέτων μνήσεως ποιᾷται. Justin. Apost. 2. Sed hæc leviora sunt quam quibus immorari liceat. Neque digna nos ea judicassimus quæ explicarentur, vel etiam commemorarentur, nisi eorum gratia qui hujusmodi vocabula ac officia primitivæ Ecclesiæ incognita fuisse ac inusitata opinantur.

III. Sed major fortasse difficultas orietur de vocabulis θυσιαστέλιον Altare, pro mensa Domini, Can. Apost. III. IV. XXXI. θυσία, Sacrificium & προσφορὰ Oblatio pro Eucharistiæ celebratione Can. III. VIII. XLVI. Ita quidem

quidem aliis forsitan videatur, non item nobis, qui hæc & hujusmodi nomina de istis rebus usitata in antiquissimis Ecclesiæ monumentis passim invenimus. D. Cyprianus nullo alio, quantum memini, præterquam *Altaris* nomine mensam Domini indigare solet, isto autem sæpissime. Epist. XL. ad Plebem. XLII. ad Cornelium. LV. ad eundem. LXIII. ad Cæcil. LXIV. ad Epictetum, &c. Ante eum Tertullianus & Eucharistiæ celebrationem *Sacrificium* & mensam Domini *aram Dei* nuncupavit. *Similiter de stationum*, inquit, *diebus*, non putant plerique sacrificiorum orationibus interveniendum, quod statio solvenda sit accepto corpore Domini. Ergo Deo obsequium Eucharistia resolvit, an magis Deo obligat? Nonne solennior erit statio tua, si ad *Aram Dei* steteris? Accepto corpore Domini & reservato, utrumque salvum est, & participatio sacrificii & executio officii. Tertull. de Orat. cap. 14. Eodem sensu voce *Altare* alibi utitur, dicens, Si spiritus reus apud se sit, conscientia erubescit, quomodo audebit Orationem dicere ad Altare? Id. exhort. ad Castit. cap. 10. Apud Altare scilicet, sive sacram mensam publicæ orationes antiquitus celebratæ sunt. Ante Tertullianum, ipse etiam Ignatius in genuinis, & inviolatis ejus Epistolis *θυσιαστήριον* in eodem sensu adhibuit, 'Εάν μή τις, inquit, ἢ ἐν πρὸς τῷ θυσιαστηρίῳ, ὑπερεῖται τῷ ἄρτι τῷ Θεῷ. Nisi quis intra altare sit, privatur pane Dei. Ignat. Ep. ad Ephes. & alibi, μία γὰρ σὰρξ τῷ κυρίῳ ἡμῶν Ἰησοῦ Χριστῷ, & ἐν ποτήριον εἰς ἑνωσιν τῷ αἵματι αὐτοῦ ἐν θυσιαστηρίῳ, ὡς εἰς ἐπίσκοπον αἶμα τῷ πρεσβυτέρῳ & ἀρχόντοις τοῖς συνδύλοις με. Una enim est caro Domini nostri Jesu Christi, & unus Calix, in unitatem sanguinis ejus. Unum Altare, sicut unus Episcopus cum Presbyterio & Diaconis conservis meis, Id. ep. ad Philad.

IV. Constat itaque mysticam mensam ab ipsis Apostolorum temporibus vocatam fuisse *Θυσιαστήριον*, non autem *βωμῶν*. Hæc enim vox Gentilibus solis ac Idololatris, illa Ecclesiasticis scriptoribus peculiaris est: neque unquam usurpatur præterquam de *Altari* quod vero Deo erigitur. Hinc est, quod Origenes, Minutius Felix, Arnobius aliique, Christianos nullos habere *βωμῶν*, nullas Idolorum aras, quemadmodum & nulla Tempia, nulla scilicet claustra numinum, qualia omnia fuerunt, vel existimata sunt Ethnicorum Tempia, sæpe asseruerunt. Nusquam autem asserunt eos nec *θυσιαστήρια* habere istiusmodi scilicet *Altaria* quæ corpori sanguinique Christi mysticè offerendo inservierunt. Hujusmodi enim *Altaria* Christianis semper in usu fuisse è supradictis patet. Et quidem vox ista *θυσιαστήριον*, sive *Altare* proprio sensu, nihil aliud est quam *ἁγία τραπέζα*, mensa Deo consecrata, sive sancta, ad quam Deus fideles suos invitat, eosque magni illius Sacrificii, quod unigenitus ipsius Filius pro humano genere obtulit, participes facit. Unde etiam ipsa hæc sacra actio sive Eucharistiæ celebratio *θυσία* & *προσφορὰ*, *Sacrificium* & *Oblatio* sæpe appellatur, ut non modo è Tertulliano supra allato, verumetiam ex aliis ejusdem ac præcedentis seculi commentariis liquet. Sic enim Irenæus, Sed & suis Discipulis dans consilium (Christus) primitias Deo offerre ex suis creaturis, non quasi indigenti, sed ut ipsi nec infructuosi nec ingrati sint, cum qui ex creatura panis est, accepit, & gratias egit, dicens

dicens Hoc est corpus meum, & calicem similiter, qui est ex ea creatura que est secundum nos, suum sanguinem confessus est, & novi Testamenti novam docuit oblationem (προσφορὰν) *quam Ecclesia ab Apostolis accipiens in universo mundo offert Deo.* Iren. adv. hæc. lib. 4. cap. 32. & alibi, *Igitur Ecclesiæ oblatio* (προσφορὰ) *quam Dominus docuit offerri in universo mundo, purum Sacrificium reputatum est apud Deum, & acceptum est ei, non quod indigeat à nobis Sacrificium, sed quoniam is qui offert glorificatur in eo quod offert, si acceptetur munus ejus.* Et paulo est, *Sacrificia in populo, Sacrificia & in Ecclesia, sed species immutata est tantum, quippe cum jam non à servis sed à liberis offeratur.* Ibid. cap. 34. Nimirum sacra Eucharistia est convivium quoddam Fœderale (qualia etiam antiqua fuerunt sacrificia) inter Deum & homines. Homines enim primo offerunt panem & vinum Deo, quas creaturas sibi oblatas & in symbola magni per Christum peracti Sacrificii consecratas, Deus iterum hominibus impertit; Quo pacto ipsi per fidem de magno Christi sacrificio revera participant: Ac proinde magnum hoc mysterium nullo alio vocabulo aptius pleniusve exprimi potest, quam istis, ἱεὺς, προσφορὰ, *Sacrificium, Oblatio, & similibus.* Quibus propterea & à Justino M. nuncupatur. Πάντας ἔν, inquit, Ἀλλὰ τὴν ὀνόματι τῆς ἱεὺς ὡς παρέδωκεν Ἰησοῦς ὁ Χριστὸς γίνεσθαι, τέττιν ἐπὶ τῇ διχαρισίᾳ τῆς ἁγίας καὶ τῆς ποτηρίας, τὰς ἐν παντὶ τόπῳ τῆς γῆς γινομένης ὑπὸ τῶν Χριστιανῶν, προσλαβὼν ὁ Θεὸς μαρτυρεῖ ὁμολογῶν ὑπάρχειν αὐτῷ. *Universos igitur, qui per nomen ejus illa offerunt Sacrificia que Jesus Christus fieri tradidit, hoc est in Eucharistia panis & poculi, que in omni loco à Christianis fiunt, præveniens Deus gratos sibi esse testatur.* Justin. M. dial. cum Tryph. Quo in libro vox ἱεὺς ἢ προσφορὰ sæpe hoc sensu, pro Eucharistia scilicet usurpatur. Et ante eum Clemens Romanus, πάντες, inquit, τάξιν ποιῶν ὁφείλομεν, ὅσα ὁ δεσπότης ἐπιτελεῖν ἐκέλευσεν, καὶ καιρὸς πεταγμένους, τὰς τε προσφορὰς ἢ λειτουργίας ἐπιτελεῖσθαι. *Omnia debemus rite ac ordine facere, que Dominus præstituit temporibus peragere jussit, oblationes scilicet & liturgias celebrare; & paulo post, οἱ ἔν τοις προσεταγμένοις καιροῖς ποιῶντες τὰς προσφορὰς αὐτῶν ὁμολογῶντες τε ἢ μακάριοι, Qui igitur præstituit temporibus oblationes suas faciunt, accepti & beati sunt.* Clem. Ep. 1. ad Corinth. Unde constat sacræ Eucharistiæ celebrationem ἱεὺς ac προσφορὰν & mysticam propterea Mensam, super quam celebrata est, ἱερατικὸν ab ipsis Ecclesiæ incunabulis appellatam fuisse. Ac proinde nemini mirum esse videatur, quod hæc vocabula in his Canonibus aliquot post annis editis isto sensu usurpentur.

V. Reliqua quæ supersunt vocabula, quibus clarissimus vir hos Canones impugnât, istiusmodi sunt, quibus responsum nullo negotio detur. Quis enim dabit Apostolos vel Apostolicam Ecclesiam totum illud quod à Pascha ad Pentecosten decurrit spatium temporis πεντηκοστῆς vocabulo nunquam appellasse? præsertim cum isto sensu ab ipso Tertulliano aliisque antiquissimis Ecclesiæ Patribus, ut alibi ostendimus, vox ista sæpe usitetur? Quidni etiam Apostoli & viri Apostolici ea τὰ κυριακὰ Dominica nuncuparent, quæ ad Dominicos usus decernuntur, ut loquitur Irenæus, lib. 4. cap. 34. Quod

autem πρῶτον ἐν Μητροπόλει, id est Metropoleos cujusque Provinciæ Episcopus, in hisce Canonibus memoratur, eam loquendi formulam primitivæ & Apostolicæ Ecclesiæ praxi consonare, supra à nobis fuisse demonstratum est. Satis autem mirari nequeo, quæ de causa etiam vox ἐπισκοπῆς ei displiceret. Quasi scilicet Apostolis & primis Christianis ad Macedones, Syromacedones, Antiochenos, Ephesios, & Smyrnæos scribentibus vel de rebus apud illos peragendis decernentibus, non liceret istis mensium nominibus uti, quæ apud eos vulgo recepta erant. Hujusmodi sane argumentis risus magis quam confutatio convenit. Sed me reprimō; neque enim contra Dallæum, sed pro Codice Canonum Ecclesiæ primitivæ disputo.

CAPUT XL

Synopsis.

- | | |
|---|--|
| <p>I. Altera communis objectio contra Canones Apost. ex eo perita, quod Episcopi & Presbyteri in iis distinguantur. Ista distinctio ab Ecclesia recens nata obtinuit.</p> <p>II. Clemens Alex. Episcopum & Presbyterum non minus quam Presbyterum & Diaconum distinguit.</p> <p>III. Eadem distinctio ex Origene & Dionysio Alex. demonstratur, necnon ex Tertulliano qui Episcopum Summum Sacerdotem vocat.</p> <p>IV. Clemens Alex. Origenes & Tertullianus Episcopos in ipsis Apostolorum scriptis distinctos esse à Presbyteris, adeoque ab ipsis Apostolis distincte institutos judicant.</p> <p>V. Idem ex Tertulliano iterum probatur, necnon ex Iernæo. Multi Presbyteri Episcopo Romano subjecti sunt, qui tamen nihil magni momenti sine eo facere potuerunt.</p> | <p>VI. Polycarpus Episcopus ab Apostolis ordinatus Presbyteros sibi subiectos habuit. Primi Ecclesiarum Episcopi soli celebrantur, non item Presbyteri.</p> <p>VII. Episcoporum à Presbyteris distinctio, eorumque super hos autoritas è Dionysio etiam Corinthiaco demonstratur.</p> <p>VIII. Nonnullos proxime post Apostolos, primo Presbyteros, & deinde Episcopos ejusdem Ecclesiæ fuisse probatur.</p> <p>IX. Hac distinctio ex iis etiam qui cum Apostolis versati sunt, Ignatio, & Clemente Rom. evincitur. Episcopi, Presbyteri & Diaconi in Ecclesia Christiana æque ac Pontifex, Sacerdotes, & Levita in Judaica distincti, iisdemque nominibus antiquitus appellati sunt.</p> <p>X. Clementis I. locus explicatur. Διδόνεισθαι istis diebus generale erat omnium</p> |
|---|--|

nium Ecclesie ministrorum nomen. Clemens non de sua aetate loquitur, sed quid Apostoli statim post Domini ascensum agebant, docet. Cum Ecclesia regimen perpetuo duraturum nondum institui potuit.

XI. Quod Episcopi ab Apostolis Presbyteri nominentur, nihil contra nos facit. Nam initio Ecclesie Judaice Summus Sacerdos, etiam simpliciter Sacerdos dictus fuit.

XII. Ex iis quae Apostoli statim post Christi ascensum fecerunt, nihil de perpetuo Ecclesie regimine concludi potest. Ipsi Spiritum per Christum sibi insufflatum, per *χειροθεσιαν* aliis communicarunt. Quo modo in Apostolorum successores perpetuo infunditur.

XIII. Questio de Episcoporum supra Presbyteros autoritate, ut rite instituantur, ita ut determinari possit.

XIV. Singuli Apostoli totam Apostolicam autoritatem sibi commissam habuerunt, ac proinde eandem in sin-

gulares personas transmittere debuerunt.

XV. Hanc autoritatem Apostoli singularibus personis, Timotheo & Tito commiserunt: ideoque & aliis; siquidem uniformitati in Ecclesia stude-
rent.

XVI. Eandem apud singulares personas ab Apostolis depositam fuisse, historia Ecclesiastica fidem faciunt. Ipsi etiam adversarii negare nequeunt, quin singulares persona eandem statim post Apostolos exercuerint.

XVII. Primi Apostolorum successores Ecclesiastica administrationis formam ab iis institutam nec voluerunt, nec potuerunt immutare. Nullus unquam Presbyter ante nostrum & precedens seculum praeter Aerium se Episcopo parem existimavit.

XVIII. Nihil inter Jus divinum & Apostolicum interest. Antiquissimi Patres Episcopalem autoritatem jure divino institutam consenserunt.

XIX. Hujus dissertationis conclusio.

I. **P**ROXIMUM commune contra Canones Apostolorum argumentum ex eo petit Clarissimus vir, quod Episcopos & Presbyteros perpetuo distinguant, atque ita priorem, ut ipsi videtur, ministerii Ecclesiastici partem quae supra diaconatum est, in duos ordines dividant, plurimum inter se & nomine, & jure, & statu, & autoritate differentes. Nempe sicut dicit vir doctus, ita profecto est. Hi Canones duos illos Episcoporum & Presbyterorum ordines perpetuo distinguunt. Et quidem nisi hoc fecissent, eos ipse etiam de novitate suspectos habuissem; nec ante quartum, illudque adultum seculum, post Aerianæ scilicet hæreseos exortum, conditos credidissem. Ab ipsis enim Apostolorum temporibus usque ad Aerium, nemo unquam Presbyteros ejusdem atque Episcopos ordinis fuisse somniavit, sed omnes è contrario ubi ordines Ecclesiasticos enumerant, tres istos, Episcoporum scilicet, Presbyterorum, & Diaconorum, tanquam à se invicem distinctos, constanter recensent: ut à viris eruditissimis sæpe demonstratum est. Utrumque hoc etiam in loco, unum vel alterum asserere testimonium non pigebit, quo summa inter Episcopi & Presbyteri ordines distinctio proximo post Apostolos seculo evidentissimè demonstratur.

II. Primo itaque, si alia deessent argumenta, hæc Clementis Alexandrini verba

verba distinctionem istam clare satis indicant. Ἐπεὶ καὶ αἱ ἐνταῦθα καὶ ἡ ἐκκλησίαν περιελαβὴ ἐπισκόπων, πρεσβυτέρων, διακόνων, μιμήματα αἶμα τῆς Ἀγγελικῆς δόξης. *Nam & hic quoque in Ecclesiâ progressionem Episcoporum, Presbyterorum, Diaconorum, imitationes sunt, ut arborum, Angelica gloria.* Clem. Alex. Strom. lib. 6. pag. 667. Hic enim non modo Episcopi, Presbyteri, & Diaconi tanquam à se invicem distincti memorantur, sed & distincti eorum ordines verbo isto περιελαβὴ luculente indigitantur: utpote è quo conficitur, progressionem sive promotionem fuisse à Presbytero ad Episcopum, non minus quam à Diacono ad Presbyterum. Adeo ut nisi Diaconi idem sit atque Presbyteri ordo, Episcopi à Presbyteris ordine distinguantur necesse est. Ab uno porro ordine ad eundem Progressio fieri non potest. Atqui ut à Diaconatu ad Presbyteratum, sic etiam à Presbyteratu ad Episcopatum facta est progressio, ut ex his ipsis verbis patet, necnon è sequentibus. Cùm enim dixisset Clemens has progressionem esse imitationes gloriæ Angelicæ, ac illius œconomix & dispensationis quam scripturæ illos expectare dicunt, qui insistentes vestigiis Apostolorum in perfectione iustitiæ convenienter Evangelio vixerunt, addit protinus, Ἐν νεφέλαις τέττες ἀρβέντες γράφει ὁ Ἀπόστολος, Διακονήσιν μὲν τὰ πρῶτα, ἔπειτα ἐκκαταπαύσιναι τῷ πρεσβυτερίῳ καὶ περιελαβὴ δόξης. δόξα γὰρ δόξης διαφέρει, ἀχρεὶς δὲν εἰς τέλειον ἀνδρα αὐξήσωσιν. *Hos sublatos in nubibus scribit Apostolus, primo quidem Diaconos esse, deinde cooptatos in Presbyteratum per progressum gloria. Nam gloria differt à gloriâ, donec in virum perfectum creverint. In virum perfectum, hoc est, in Episcopum, sensu cœlesti in summum gloriæ apicem. Hic enim ostendit Clemens tres esse gloriæ ordines in cœlis, à se invicem distinctos (nam gloria, inquit, differt à gloriâ) quos progressionem sive ordines Episcoporum, Presbyterorum, & Diaconorum in terris imitantur. Primum scilicet, sive infimum Diaconorum esse, medium Presbyterorum, supremum autem sive perfectissimum Episcoporum. Quos propterea istis diebus distinctos fuisse in Ecclesiâ ordines clarissime elucescit.*

III. Idem Origenes Clementis æqualis in commentariis suis sæpe inculcat, præsertim qui hæc habet, Πλεῖον ἐγὼ ἀπαιτῶμαι ὡς καὶ τὸ διάκονον, πλεῖον δὲ διάκονον ὡς καὶ τὸ λαϊκόν, ὁ δὲ πάντων ἡμῶν ἐπικρατεσμένον ἀρχὴν αὐτῷ καὶ ἐκκλησιαστικῷ, ὅτι πλεῖον ἀπαιτῶται. *Plus à me (Presbytero) exigitur quam à Diacono: plus à Diacono quam à Laico: Ab eo autem qui in nos omnes Ecclesiasticum ipsum principatum sibi commissum habet, plus adhuc exigitur.* Vel ut D. Hieronymus hæc ultima verba latinè vertit, *Qui vero totius Ecclesiæ arcem obtinet, pro omni Ecclesiâ reddit rationem.* Orig. in Jerem. hom. 2. In his fateor Origenis verbis nec Episcopus, nec Presbyter discretè nominatur. Ambo autem necessario includuntur. Origenem enim Presbyterum fuisse nemo nescit: & hæc ipsa verba clamant. Neque enim plus ab eo quam à Diacono exigi potuit, nisi ipse Presbyter esset, atque ita Diacono superior. Per eum autem qui summum in omnes tam Clericos quam Laicos paræciæ suæ principatum sibi concreditum habet, Episcopum intelligendum

gendum esse nemo dubitare potest. Hoc enim res ipsa loquitur, & vulgaris loquendi formula ab Origene usitata confirmat, à quo scilicet Episcopi ἄρχοντες & ἡγῆμενοι passim appellantur. Dicit igitur plus à Presbytero quam à Diacono exigi: plus etiam ab Episcopo quam à Presbytero: Quod fieri non potest, nisi Episcopus alius sit à Presbytero, eoque non minus superior quam Presbyter Diacono. Imo vero Episcopum τὸ ἐπὶ πάντων ἡμῶν (πρεσβυτέρων viz. ἡ Ἀρχόνων ἡ λαϊκῶν) ἐκτελεσμένον ὄντων αὐτῶν τῶν ἐκκλησιαστικῶν affirmat. Quibus verbis summa Episcoporum in ipsos etiam Presbyteros ἐπεροχὴ apertissimè significatur. Hinc est quod ubicunque ille tres hosce ordines simul recenset, Episcopos cæteris semper præponit, ut ἀνδραθέσιν ἐπισκόποις, ἢ πρεσβυτέροις ἢ διακόνοις. Orig. in Matt. cap. XXI. 12. pag. 442. & ante, Σύμβολόν ἐστι ἡ ὁ ἐπίσκοπος, ἡ ὁ πρεσβύτερος, & ὁ διάκωνος ἀληθινῶν καὶ τὰ ὀνόματα ταῦτα περὶ γυμνάτων. Id. in Matt. cap. XIX. pag. 363. & passim alibi. Hisce adjungamus luculentissimum illud Tertulliani testimonium, hæc de baptismo dicentis, *Dandi quidem habet jus summus Sacerdos, qui est Episcopus; dehinc Presbyteri & Diaconi, non tamen sine Episcopi auctoritate, propter Ecclesiæ honorem: quo salvo, salva pax est. Alioquin etiam Laici jus est. Quod enim ex æquo accipitur, ex æquo dari potest: nisi Episcopi jam, aut Presbyteri, aut Diaconi vocantur, dicentes, Domini sermo non debet abscondi ab ullo.* Tertull. de baptismo cap. 17. In his antiquissimi Patris verbis observare licet primo Episcopos, Presbyteros, & Diaconos distinctè recensitos: deinde Episcopum istis diebus non simpliciter *Sacerdotem*, sed *summum Sacerdotem* appellatum fuisse: & denique hunc summum Sacerdotem baptizandi jus penes se habuisse, Presbyteros autem & Diaconos baptizare quidem potuisse, non tamen sine Episcopi sive summi Sacerdotis auctoritate, communiter scilicet, & ordinariè: nam gravi aliquâ urgente necessitate, non tantum Presbyteris & Diaconis, sed & Laicis baptizare licuit. Nullâ autem cogente necessitate (quæ lege constringi nequit) ut nullo modo Laici, sic ne ipsi Presbyteri nec Diaconi sine Episcopi auctoritate jus baptizandi habebant: *propter Ecclesiæ scilicet honorem*, in eo quippe plurimum consistentem, ut omnia ex summi Sacerdotis sententiâ atque auctoritate administrarentur. Quamcunque igitur in ipsis etiam Sacramentis administrandis vel Presbyteri vel Diaconi habebant auctoritatem, eam totam Episcopo quisque suo acceptam referebant. Quod non modo Episcoporum à Presbyteris distinctionem, sed summam eorum supra hosce eminentiam & auctoritatem perspicuè demonstrat. Quod tamen manifestius adhuc, si fieri potest, elucescit ex Dionysii Alexandrini, qui paulo post Tertullianum vixit, Epistolâ ad Fabium Antiochenæ Ecclesiæ præfulem, ubi hanc historiam narrat. Serapion, inquit, quidam Senex Alexandriæ, in persecutione lapsus, cum jam moribundus esset, Nepoti ex filiâ jussit, ut unum è Presbyteris accerferet, qui veniam & communionem ipsi indulgeret. Puer ad Presbyterum cucurrit, jam autem nox erat, & Presbyter ægrotabat: ἐν πλῆθι δ', inquit Dionysius, ὡς ἐμὲ δεδομένους, *mandato autem à me dato*, ut morituri si peterent, & maximè si antea suppliciter postulassent, venia indulgeretur.

quo bonæ spei pleni ex hac vitâ migrarent, *Exiguam* Eucharistiæ partem puero tradidit, jubens ut aquâ intinctam seni in os instillaret: Quod cum puer fecisset, senex animam continuò exhalabat. Dionys. Alex. apud Euseb. Hist. Eccles. lib. 6. cap. 44. Ex hâc historiâ patet, Dionysium Episcopum Presbyteris suis *in mandatis dedisse*, ut veniam morituris indulgerent. Quod quidem nisi summam Episcoporum supra Presbyteros potestatem evincat, me prorsus nescire fateor, quid quovis modo evinci possit.

IV. Secundo igitur exeunte tertioque ineunte seculo, quibus scilicet temporibus Canones Apostolorum nobis constituti editique videntur, Episcopos à Presbyteris distinctos, iisque præpositos fuisse, ac proinde distinctionem istam atque autoritatem Episcoporum supra Presbyteros in dictis Canonibus toties commemoratam, nostram de Canonum horum antiquitate sententiam haudquaquam elevare, satis superque è præmissis constat. Nec nobis sane videre licet, ut legitima ex hoc argumento conclusio contra ipsam Turriani opinionem inferatur. Hoc enim argumentum in eâ fundatur opinione, quæ Episcoporum & Presbyterorum nomina in veris Apostolorum scriptis confusa esse & promiscuè usitata statuit. Ista autem opinio non nisi post Aerii hæresin exorta est, quarto jam ad finem vergente seculo. Illi vero qui tribus primis claruerunt seculis, ipsisque propterea Apostolis longe propinquiore fuerunt, Patres, contrariam omnino sententiam amplexi sunt, scriptisque tradiderunt, Episcopos scilicet in ipsis Apostolorum scriptis à Presbyteris distinctos esse, ut alius plane esset Ecclesiastici ministerii ordo qui Episcoporum ac qui Presbyterorum nomine ibi nuncupantur. Hoc ex eo patet, quod Patres ante laudati, Clemens Alexandrinus, Origenes & Tertullianus, qui omnes, ut ostendimus, Episcopos & Presbyteros accurate distinguunt, illosque hisce superiores asserunt, illa Apostolorum verba quæ de Episcopis agunt, de solis Episcopis in suâ nostrâque notione non de Presbyteris, item quæ de Presbyteris loquuntur, de solis Presbyteris non de Episcopis intelligunt. Clementem Alexandrinum tres *περιοχὰς* Episcoporum, Presbyterorum, & Diaconorum agnovisse, supra à nobis ostensum est. Idem vero alibi hisce tribus ordinibus Ecclesiasticis sua cuique præcepta in sacris scripturis data affirmat, *Μυρία ἦ, inquit, ὅσα ἐποθῆκαί εἰς πρόσωπα ἐκλεκτὰ ἀδείκνυσαι, ἐγγεγραμμένα τοῖς βιβλοῖς τοῖς ἁγίοις, αἱ μὲν πρεσβυτέροις, αἱ δὲ ἐπισκόποις, αἱ δὲ ἀκρόνοις ἄλλαι χήραι.* *Plurima autem alia præcepta quæ ad electas personas pertinent, in sanctis libris scripta sunt: Hæc quidem Presbyteris, alia vero Episcopis, alia Diaconis. Alia autem viduis.* Clem. Alex. pædag. lib. 3. cap. 12. pag. 264. Nemo non videt Clementem hoc in loco, ea quæ de Episcopis ab Apostolo præcipiuntur, solis Episcopis, non item Presbyteris adscribentem, ut & ea quæ Presbyteris, Presbyteris solis, non item Episcopis. Quos propterea à se invicem ab Apostolo non minùs distinctos innuit, quam Diaconos à viduis. Ad eundem modum Origenes, qui verbis supra citatis Episcopum supra Presbyteros æque ac supra Diaconos Laicosque principatum habere affirmavit, idem in Commentariis ad S. Matthæum, probat secundas

secundas nuptias à nemine, qui dignitatem aliquam in Ecclesiâ consecutus est, ineundas esse: idque hoc modo, *Περὶ μὲν γὰρ, inquit, Ἐπισκόπων νομοθετῶν ἐν τῇ πρὸς Τιμόθεον ἐπιστολῇ. Φησὶν, Εἴ τις Ἐπισκοπῆς ὀρέγεται καλῶ ἔργα ἑκτελεσάτω. δεῖ ἔν τ' ἐπίσκοπον ἀνεπίληπτον εἶναι μιᾶς γυναικὸς ἄνδρα.* Nam in priori ad Timotheum Epistolâ leges de Episcopis ferens Apostolus, Si quis, inquit, Episcopatum desiderat, bonum opus desiderat; Oportet ergo Episcopum irreprehensibilem esse, unius uxoris virum. Deinde ad inferiores ordines descendens Origenes, addit, Tum de Diaconis, Diaconi, inquit Apostolus, sint unius uxoris viri. Viduas autem constituens, vidua, inquit, non minor sit, quam sexaginta annorum, quæ fuerit unius viri uxor. At in Epistolâ ad Titum, Hujus rei gratiâ relinqui te in Cretâ, ut ea quæ desunt corrigas, & constituas per civitates Presbyteros, sicut ego disposui tibi: Si quis sine crimine est, unius uxoris vir. Hæc Orig. in Matt. cap. 19. pag. 362. Quare autem hunc ultimum ex Epistolâ ad Titum citaret locum, nisi credidisset Presbyteros in Apostoli notiâ ab Episcopis distinctos esse, ac proinde in Epistolâ ad Timotheum, ubi Episcopi soli nominantur, non comprehensos? Qui hæc sane Origenis verba attente legit, dubitare nequit, quin ille persuasissimum habuerit, Episcopos & Presbyteros à se invicem & re & nomine ab Apostolo distinctos esse, eundemque sigillatim præcepisse, ne istiusmodi Episcopi, Presbyteri, Diaconi & viduæ secundas nuptias contraherent, quales Origenes suâ ætate in Ecclesiâ constitutos esse testatur. Idem & Tertulliano visum est, qui de Monogamiâ agens hæc habet, ut igitur in Domino nubas secundum legem & Apostolum, (si tamen vel hoc curas) qualis es id matrimonium postulans, quod iis à quibus postulas non licet habere? Ab Episcopo Monogamo, à Presbyteris & Diaconis ejusdem Sacramenti; (Monogamis scilicet) à viduis, quarum sectam in te recusasti. Tertull. de Monog. cap. 2. ubi Tertullianus ad eadem procul omni dubio Apostoli verba respexit, quæ ab Origene ante citata sunt, quibus nempe Episcopis, Presbyteris, Diaconis, & viduis secundis nuptiis interdicitur. Et ille igitur pariter atque Clemens Alexandrinus ac Origenes, præcepta Episcopis & Presbyteris, distinctè & seorsim à D. Paulo, illis in Epistolâ ad Timotheum, his in eâ ad Titum, data fuisse arbitratus est, ac propterea nomina ista non promiscuè ab Apostolo usitata esse, sed proprie, eo nimirum sensu quo ipsius (Tertulliani) ætate usurpata sunt, quâ nomen Episcopi soli summo Sacerdoti, sine cujus autoritate nec Presbyteris nec Diaconis baptizare licuit, proprium & peculiare fuit: Illud autem Presbyteri simplicibus Sacerdotibus, qui sine Episcopi autoritate nec baptizandi jus habebant. Unde simul conficitur hos tres antiquissimos Ecclesiæ Patres, qui proximo post Apostolos seculo vixerunt, pro certo habuisse, tres istos distinctos in Ecclesiâ ordines, Episcoporum, Presbyterorum & Diaconorum, ab ipsis Apostolis institutos fuisse. Alioquin enim propria illis singulis præcepta ab Apostolo assignata fuisse, opinari nunquam potuissent.

V. Hanc porro Tertulliani fuisse sententiam ex alio illius loco apparet; ubi scilicet hoc contra hæreticos argumento utitur. Edant ergo origines Eccle-

fiarum suarum, evolvant ordinem Episcoporum suorum, ita per successiones ab initio decurrentem, ut primus ille Episcopus aliquem ex Apostolis vel Apostolicis viris, qui tamen cum Apostolis perseveraverint, habuerit autorem & antecessorem. Hoc enim modo Ecclesiæ Apostolicæ census suos deferunt. Sicut Smyrnanorum Ecclesia habens Polycarpum, ab Johanne collocatum refert. Sicut Romanorum Clementem à Petro ordinatum edit. Proinde nique & cetera exhibent, quos ab Apostolis in Episcopatum constitutos Apostolici seminis traduces habeant. Tertull. de præscr. adv. hæ. cap. 32. Quin Tertullianus hoc in loco, alibique, ubi similia de ordine Episcoporum tradit, ut adv. Marcion. lib. 4. cap. 5. quin ille, inquam, nomen Episcopi suâ notione usurpet, quâ scilicet Episcopus idem est atque summus Sacerdos auctoritatem supra Presbyteros habens, nemini dubium esse potest. Tales autem Episcopos ab ipsis Apostolis constitutos hoc loco refert, Clementem à Petro Romæ, Polycarpum à Johanne Smyrnæ, alios ab aliis alibi. Idem attestatus est ante eum Irenæus, dicens, Traditionem itaque Apostolorum in toto mundo manifestatam in Ecclesiâ adest perspicere omnibus qui vera velint audire, & habemus annumerare eos qui ab Apostolis instituti sunt Episcopi in Ecclesiis, & Successores eorum usque ad nos. Iren. lib. 3. cap. 3. Episcopi igitur in Ecclesiis ab ipsis Apostolis instituti sunt. Quales autem? Tales nimirum quos ipse in Ecclesiâ Romanâ constitutos enumerat, ibidem tradens, quod Beati Apostoli cum Ecclesiam fundassent, atque instruxissent, Episcopatum Ecclesiæ administrandæ Lino primo tradiderunt, cui successit Anacletus, & post eum, inquit, tertio loco ab Apostolis Episcopatum sortitur Clemens. Huic successit Evaristus, Evaristo Alexander, Alexandro Sixtus, Sixto Telephorus, Telephoro Hyginus, deinde Pius, post quem Anicetus. Cum autem successisset, inquit, Aniceto Soter, nunc duodecimo loco Episcopatum ab Apostolis habet Eleutherius. Et sic singulos Ecclesiæ Romanæ Episcopos ab ipsis Apostolis ad sua usque tempora deducit. Quid autem? nulline interea temporis Presbyteri ab Episcopis hisce distincti Romæ erant? Hyginus exempli gratiâ vel Eleutherius solus Ecclesiam gubernare, tantamque Christianorum, qui frequentissimi istis diebus ad fidem Romæ conversi sunt, multitudinem instruere, iisque Sacramenta administrare poterat? Quis hoc sibi vel insulssimo persuaderi patiatur? præsertim cum Cornelius, qui Episcopatum Romanum sexaginta circiter post Eleutherium annis sortitus est, haud pauciores quam quatuor & quadraginta Presbyteros in istâ Ecclesiâ fuisse testatus sit, apud Euseb. Hist. Eccl. lib. 6. cap. 43. Quis tantum Presbyterorum numerum Cornelio subiectos arbitrari potest, & nullos Clementi, nullos Hygino, nullos ipsi Eleutherio, qui vix vel ne vix quidem prius denatus est, quam Cornelius natus? Quinetiam sub Eleutherio confessum fuisse Presbyterorum pro certissimo habemus. Illo enim sedem istam occupante, Florinus hæreticus Presbyterio istius Ecclesiæ dejectus est. Sic Eusebius, οἱ δὲ ὅτι Ῥώμης ἡμεῖς, ὡν ἡγεῖτο Φλωρίνῳ, πρεσβυτέρῳ τῇ ἐκκλησίᾳ δοποπεών. Hist. Eccl. lib. 5. cap. 15. Sicut autem sub Eleutherio Irenæi coætaneo, sic etiam sub anterioribus istius Ecclesiæ Episcopis usque ad Clementem ab

Aposto-

Apostolis ordinatum, Presbyteri proculdubio ordinati sunt, qui in Sacramentis aliisque Ecclesiæ negotiis administrandis, Episcopo quisque suo, adstiterunt. Quorum tamen rarior in historiis occurrit mentio, idcirco nimirum quod autoritas omnis & præfectura penes solos Episcopos fuit, adeo ut Presbyteris nihil, quod magni esset momenti, citra eorum sententiam aggrederi liceret, juxta Can. Apost. XXXIX. Cujus rei illustre habemus documentum in Epistolâ illâ quam Presbyteri & Diaconi Romæ consistentes post mortem Fabiani, Cornelio successore ejus nondum ordinato, ac propterea sede vacante, ad D. Cyprianum scripserunt, ubi inter alia hæc dicunt, *Quanquam nobis differendæ hujus rei necessitas major incumbat, quibus post excessum nobilissima memoria viri Fabiani, nondum est Episcopus propter rerum & temporum difficultates constitutus, qui omnia ista moderetur, & eorum qui lapsi sunt, possit cum autoritate & consilio habere rationem.* Apud Cyprian. Ep. 31. Unde clarissime constat Presbyteros & Diaconos, qui plurimi tunc temporis Romæ erant, nullam in Ecclesiâ administrandâ autoritatem vel habuisse, vel sibi arrogasse. Etiam si enim ipsa rei necessitas flagitare videretur, ut lapforum causa quam ocyssime determinaretur, illi tamen nihil in eâ attentare ausi sunt, sed eam necessario differendam esse fatentur, usque dum Episcopus ipsis constitutus esset, qui causam istam & reliqua omnia Ecclesiæ negotia cum autoritate & consilio moderari potuit.

VI. Post verba de Episcopis Romanis supra allata, Irenæus similia de Polycarpo Ecclesiæ Smyrnenfis Episcopo subjungit. *Et Polycarpus autem, inquit, non solum ab Apostolis edoctus, & conversatus cum multis ex iis qui Dominum nostrum viderunt, sed etiam ab Apostolis in Asiâ, in eâ quæ est Smyrnenis Ecclesia, constitutus Episcopus, quem & nos vidimus in primâ nostrâ ætate.* Iren. lib. 3. cap. 3. ut Polycarpus itaque Apostolos, sic Irenæus Polycarpum vidit, eumque ab ipsis Apostolis constitutum fuisse Ecclesiæ Smyrnenfis Episcopum affirmat. Eundem autem Presbyteros sibi subjectos habuisse, ex Epistolâ ipsius (cujus ibidem meminit Irenæus) ad Philippenses missâ palam est: quippè quæ hanc inscriptionem præfert, Πολύκαρπος ὁ ἐν αὐτῷ αὐτῶν πρεσβύτεροι τῇ ἐκκλησίᾳ ἡ Θεῶ τῇ παροικήσῃ Φιλίπποις. *Polycarpus & qui cum eo sunt Presbyteri, Ecclesiæ Dei quæ est Philippis.* Ex quâ inscriptione pater Polycarpum ab ipsis Apostolis, teste Irenæo, constitutum Episcopum, Presbyteros secum in Ecclesiâ Smyrnenfi habuisse, à quibus etiam sese aperte satis distinguit, suamque supra eos eminentiam declarat, eo quod suum solius nomen Epistolæ inscribat, reliquos autem sub communidantaxat Presbyterorum nomine commemoret. Hinc Irenæus in hæreticis refellendis, non ad Presbyterorum istius Ecclesiæ, sed ad Polycarpi solius successores appellat. *Et testimonium his, inquit, perhibent, quæ sunt in Asiâ Ecclesiæ omnes, & qui usque adhuc successerunt Polycarpo.* Iren. ibid. Quid hoc, si alii in eadem Ecclesia Polycarpi æquales Presbyteri extitissent? Idem dicendum est de aliis omnibus, majoribus præsertim Ecclesiis, Romanâ, Alexandrinâ, Antiochenâ, Hierosolymitanâ, in quibus successores Episcoporum ab ipsis Apostolis usque ad quartum seculum memoriæ traditos ha-

bemus. Primos Ecclesiæ Romanæ Episcopos ex Irenæo ante didicimus. In Alexandrinâ, Aniano à Marco Evangelistâ ordinato, Abilius successisse perhibetur, cujus successor fuit Cerdo, hujus Primus, Primi Justus, Justi Eumenes, & sic deinceps. In Antiochenâ, à Petro Apostolo constitutus est Evodius, cui successit Ignatius, huic Heros, deinde Cornelius, &c. in Hierosolymitanâ, Jacobo Apostolo successit Simeon, Simeoni Justus, Justo Zacchæus, Zacchæo Tobias, post eum Benjamin; Et sic in singulis Ecclesiis singuli Episcopi successivè instituti dicuntur, nullâ aliorum Presbyterorum factâ mentione. Omnem autem excedit fidem, nemoque sibi persuadere potest, nullos in magnis istis Ecclesiis fuisse Presbyteros, præter Episcopos illos qui per tria propemodum priora secula soli celebrantur. Neque alia reddi potest ratio, cur unicus unamquamque Ecclesiam uno eodemque tempore administrasse dicatur, nisi quod totius Ecclesiæ cura unico illi incubuerit. Presbyteri autem, qui plurimi haud dubie in singulis istis Ecclesiis ordinati sunt, nusquam fere memorantur, propterea nimirum quod illi Episcopo suo subessent, nec quicquam sine ejus autoritate agere potuissent.

VII. Adhæc Hegesippus, Irenæi æqualis saltem si non superior, ejusdem cujus ille in Ecclesia Romana successionis Episcoporum meminit, & Corinthiacam præterea Ecclesiam in recta fide permanuisse refert, usque ad Primum ejusdem loci Episcopum, καὶ ἐπέμψεν, inquit, ἡ ἐκκλησία ἡ Κορινθίων ἐν τῷ ὀρθῷ λόγῳ μέχρι Πέτρου Ἀποστολοπρεσβυτέρου ἐν Κορίνθῳ. Apud Euseb. Hist. Eccl. lib. 4. cap. 22. Et iisdem diebus Dionysius, istius, Corinthiacæ scilicet, Ecclesiæ Episcopus, Catholicas Epistolas ad diversas Ecclesias scripsit, quarum una ad Athenienses missa, Dionysium Areopagitam primum Atheniensis Ecclesiæ Episcopum fuisse testatur. Publium etiam & post eum Quadratum ejusdem loci Episcopos celebrat. In cæteris insuper Epistolis, Dionysius Ecclesiæ ad quam scribit Episcopum nominatim appellat; ut, Gortynensium Philippum, Amastrianorum Palmam, Romanorum Sotetrem. In Epistola vero ad Gnosticos, Pinytum Ecclesiæ illius Episcopum monet, ne grave onus castitatis fratrum cervicibus tanquam necessarium imponat, sed ejus, quæ in plerisque hominibus inest, infirmitatis rationem habeat. Ita Eusebius, qui ipsas Epistolas vidit, partimque in historiam suam transcripsit, ταύταις αἰτῇ ἐγκαλείεται πρὸς Κνωσίδας, ἐν ᾗ Πίνυτον τῆ παροιμίας Ἀπίσκοπον ἀδικαλεῖ μὴ βαρὺ φορτίον ἐπάνανγκες τὸ πρὸς ἀγνείας τοῖς ἀδελφοῖς ἀπηγέναι, τὸ δὲ τῶν πολλῶν κατασχάζεσθαι ἀδενείας. Euseb. Hist. Eccl. lib. 4. cap. 23. Unde simul constat, quantam in istam Ecclesiam auctoritatem Episcopus ejusdem Pinytus tunc temporis exerceret. Enimvero ipse leges de Castitate tulit, easque ipsis Clericis, qui ἀδελφοὶ hic vocantur, sibi subjectis religiose observandas imposuit. Quam quidem potestatem in eo sitam fuisse non negat Dionysius, sed fatetur potius, eo quod eum moneat ne severè nimis in ista re procederet, sed aliquam humanæ infirmitatis rationem haberet. Quinetiam exinde quod in hac & in aliis ad quas scribit Ecclesiis Dionysius solum cujusque Episcopum nominatim prosequatur, clarissime

clarissime videre est, istis diebus, hoc est LX. plus minus post Apostolorum tempora annis, unum in unaquaque Ecclesia præsidem fuisse, non Presbyteri sed Episcopi nomine indigitatum, qui summam Ecclesiæ quisque suæ curam suscepit, ipsisque Presbyteris non minus quam Diaconis Laicisque præpositus est. Adeo ut si quid erroris in Ecclesiæ administratione admissum esset, Episcopo soli adscriberetur. Unde cum Ecclesiæ Romana eo severitatis pariter atque temeritatis processerat, ut omnes Asiæ Ecclesias ob vulgo notam in Paschatis observatione diversitatem, proscribere atque ab unitate Ecclesiæ alienos pronunciare conaretur, Irenæus hoc Victori soli, Episcopo illius Ecclesiæ, vitio vertit, eumque à proposito abstinere monet, in Epistola ad ipsum scripta apud Euseb. lib. 5. cap. 24.

VIII. Dignissimum præterea est quod in hac causa observetur, ex Ecclesiæ primitivæ monumentis adhuc constare, nonnullos ex iis qui Presbyteri prius fuere, Episcopos postea factos esse. Heraclam enim, qui Episcopus postea illius Ecclesiæ, ut cuique notum est, factus fuit, Presbyterum prius Ecclesiæ Alexandrinæ fuisse, ipse Origenes testatur, dicens, *ὁ δὲ καὶ νῦν ἐν τῇ πρεσβυτερίᾳ καθεζόμενον Ἀλεξανδρέων Ἡερακλᾶν*. Apud Euseb. Hist. Eccl. lib. 6. cap. 19. Pothino, quem teste Gregorio Turonensi Hist. Franc. lib. 1. cap. 24. Polycarpus illuc miserat, Ecclesiam Lugdunensem per Episcopalem suam autoritatem administrante, Irenæus ejusdem Ecclesiæ Presbyter erat, ut è duabus Martyrum Lugdunensium & Viennensium Epistolis, una ad Asiæ Phrygiæque Ecclesias, altera ad Eleutherium Episcopum Romanum, scriptis patet. In illa enim Pothinum, Ecclesiæ Lugdunensis Episcopum his verbis celebrant, *Οἱ δὲ μακάριοι Ποθεινὸς ὁ τῶν διακονίαν τῆς ὁπισκοπῆς ἐν Λαγδύνῳ πεπευσμένῳ*. Apud Euseb. lib. 5. cap. 1. In altera autem Irenæum fratrem & collegam suum Eleuthero his verbis commendant, *Εἰ γὰρ ἡδεῖμεν τὸν πνὶ δικαιοσύνης πεποιθέντα, ὡς πρεσβύτερον ἐκκλησίας, ὡς περ ἐστὶν ἐν αὐτῷ ἐν πρώτοις ἀν παρεθέμεθα*. *Quod si nobis compertum esset, locum cuiusdam conferre justitiam, eum (Irenæum) tanquam Presbyterum Ecclesiæ, hunc enim locum obtinet, tibi imprimis commendassemus*. Ibid. cap. 4. Unde Eusebius, qui utriusque Epistolæ fragmenta in historiam suam transtulit, ibidem ait, *οἱ δὲ αὐτοὶ μάρτυρες καὶ τῆς Ἐιρηναίου πρεσβύτερον τῶν ὄντων τῶν ἐν Λαγδύνῳ παροικίας τῷ δηλωθέντι καὶ ῥώμῳ ὁπισκόπῳ σωίσων*. *Sed iidem martyres etiam Irenæum, qui tunc temporis Presbyter Ecclesiæ Lugdunensis erat, supradicto Romæ Episcopo per literas commendarunt*. Sic etiam D. Hieronymus, in Catalogo hæc habens, *Irenæus Pothini Episcopi, qui Lugdunensem in Gallia regebat Ecclesiam, Presbyter à martyribus ejusdem loci ob quasdam Ecclesiæ questiones legatus Romam missus, honorificas super nomine suo ad Eleutherium Episcopum perferri literas. Postea jam Pothino prope Nonagenario ob Christum martyrio coronato, in locum ejus substituitur*. Vel ut Eusebius itidem scribit, *Ποθεινὸς δὲ ἐφ' ὅλοις τῆς ζωῆς ἔπεσιν ἐνενηκοντα σὺν τοῖς ὁπὶ Γαλιίας μαρτυρήσας τελειωθέντι, Ἐιρηναίῳ τῶν κατὰ Λαγδύνον, ἧς ὁ Ποθεινὸς ἡγήτο, παροικίας τῆς ὁπισκοπῆς ἀφ' ἑαυτοῦ*. Euseb. lib. 5. cap. 5. Irenæus itaque primo Presbyter, & deinde Episcopus fuit Ecclesiæ Lugdunensis. Sic etiam in Ecclesia Romana Dionysium

Dionysium prius Presbyterum fuisse quam Episcopum, æqualis ejus Dionysius Alexandrinus fidem facit, quippe cujus Epistola de baptismo ad Dionysium scripta est, tunc quidem Romanæ urbis Presbyterum, sed qui aliquanto post tempore, ejusdem urbis Episcopus est constitutus, ut testatur Eusebius lib. 7. cap. 7. necnon Hieronymus in Catalogo. Eleutherius autem sive Eleutherius primo Diaconus fuit Aniceti Episcopi Romani, ut Hegeſippus ejusdem ætatis scriptor tradidit, apud Euseb. lib. 4. cap. 22. Eundem autem paulo post Episcopum fuisse ejusdem Ecclesiæ inter omnes constat. Presbyteros porro eidem subditos fuisse nos ante ostendimus, ex Euseb. lib. 5. cap. 15. Unde conficitur, secundo labente seculo, LXX. annis ab Apostolis vix dum elapsis, tres distinctos Ecclesiastici ministerii ordines, Episcopum scilicet, Presbyteros & Diaconos in Ecclesia Romana constitutos fuisse.

IX. Si altius adhuc ascendamus, eosque, qui cum ipsis Apostolis versati sunt, consulamus Patres, illi etiam nos certiores facient Episcopos à Presbyteris suis, hoc est Apostolicis diebus distinctos fuisse. Ignatium dico, & Clementem Romanum. De Polycarpo enim ante locuti sumus. Ignatius autem Episcopos & Presbyteros, non minus quam Presbyteros & Diaconos in unaquaque fere Epistola distinguit. Ex. gr. In Epistola ad Magnesianos, Damam eorum Episcopum, Bassam & Apollonium Presbyteros & Sotionem denique Diaconum laudibus prosequitur. Et paulo post dicit, *προκαθήμενος ὁ ἐπισκοπὸς εἰς τόπον Θεῶν, καὶ τῶν πρεσβυτέρων εἰς τόπον σωερείας τῶν Ἀποστόλων, ἢ τῶν Ἀρχόνων τῶν ἐμοὶ γλυκυτάτων πεπιστευμένων Διακονίαν Ἰησοῦ Χριστοῦ.* In Epistola ad Philadelphenos, *τῷ ἐπισκοπῷ*, inquit, *προσέχετε, καὶ τῷ πρεσβυτέρῳ, καὶ τοῖς Ἀρχόνοις.* Et sic passim alibi: ut non opus sit nos plura ex eo testimonia accumulemus, neque etiam probemus has Epistolas à sanctissimo illo Patre ac martyre conscriptas fuisse. Hoc enim undequaque doctissimus Joannes Pearsonius, Episcopus Cestrensis tanta fide, tanta eruditione ac perspicuitate præstitit, ut nihil in omni antiquitate Ecclesiastica clarius certiusve demonstrari possit. Iisdem porro diebus Clemens Ecclesiæ Romanæ Episcopus ab ipsis Apostolis constitutus, Epistolam ad Corinthios scripsit, qua frequentem Presbyterorum mentionem facit, quibus tamen præfectos Ecclesiæ anteponeit, ut in initio fere Epistolæ, *ὑποτάσσονται τοῖς ἡγεμένοις ὑμῶν, ἢ πρὸς τὴν καθήκοντα ἀπονέμονται τοῖς παρ' ὑμῶν πρεσβυτέροις. Προpositis vestris subditi, & Presbyteros inter vos debito honore prosequentes.* Et postea, *Προηγμένους ἡμῶν αἰδεσθῶμεν, τὰς πρεσβυτέρας ἡμῶν τιμήσωμεν. Προpositos nostros veneremur, Presbyteros inter nos revereamur.* Ubi præpositi à Presbyteris aperte distinguuntur, iisdemque utrobique præponuntur, ab Ecclesia scilicet Romana, cujus nomine hæc Epistola scripta fuit. Alibi autem idem tres distinctos sacrorum ministrorum ordines in Ecclesiâ Christianâ æque ac Judaicâ constitutos innuit, ad Christianam enim Ecclesiam scribens, hæc habet, *τῷ ᾧ Ἀρχιερεὶ ἰδοὺ λειτουργία δεδομένη ἐστίν, ἢ τοῖς ἱερέσιν ἰδοὺ ὁ τόπος προσέλκειται. ἢ Λούταις ἰδοὺ Διακονία ἐπικεινύται. ὁ λαϊκὸς ἄνθρωπος τοῖς λαϊκοῖς προτάγμασιν δέδεται. Ἐκαστὸς ὑμῶν, ἀδελφοί,*
ἐν τῷ

ἐν τῷ ἰδίῳ πάγματι διαχειρίζτω Θεῷ ἐν ἀγαθῇ συνειδήσει ὑπάρχων, μὴ παρεκβαίνων τὸ ὠλισμένον τῆ λειτουργίας αὐτῆς κανόνα. *Summo quippe Sacerdoti sua munera tributa sunt. Sacerdotibus locus proprius assignatus est: & Levitis sua ministeria incumbunt. Laicus praeceptis laicis constringitur. Unusquisque vestrum, Fratres, in suo ordine manens, Deo in bona conscientia gratias agat, & cum decore intra praescriptum ministerii sui Canonem se contineat.* Qui ultima haec verba legit, dubitare nequit, quin priora de distinctis ministrorum ordinibus, ut in Ecclesia Christiana æque ac Judaica constitutis, intelligenda sint. Cum tres enim istos Pontificis, Sacerdotum, & Levitarum ordines recensuisset, illosque singulos pariter atque Laicos propria sibi munera injuncta habere ostendisset, addit statim, *Unusquisque vestrum, fratres, in suo ordine manens.* Hinc enim liquet praecedentia etiam verba ad eos quibus data est haec Epistola, ad Corinthios videlicet Christianos pertinere, apud quos unus esset Ἀρχιερεὺς, Pontifex, sive Episcopus, alii ἱερεῖς, Sacerdotes sive Presbyteri, alii Δεῦσται Diaconi, ut quibus ἰδίῳ Ἀρχιερείῳ incumbunt, alii denique Laici. Quos propterea singulos intra limites sibi praescriptos se continere adhortatur: idque exemplo Judæorum, qui nihil sine hujusmodi ministris offerre, nedum eos perturbare ausi sunt. Nec mirum cuiquam videatur, quod sacri Christianæ Ecclesiæ ministri hisce nominibus à Clemente indigitati sint: Idem enim & apud alios observare licet. Ipse Tertullianus Episcopum *Summum Sacerdotem* appellat, de baptismo cap. 17. Presbyteros ab ipsis Ecclesiæ primordiis *Sacerdotes* nuncupatos fuisse, capite praecedenti à nobis ostensum est. Diaconos autem *Levitas* dictos in Conciliis passim invenies. Quinetiam tres hosce sacros Ecclesiæ Christianæ ordines è Judaicis ab ipso Deo institutis sumptos fuisse, iisque respondere D. Hieronymus, Pater summæ apud Episcopalis dignitatis adversarios autoritatis, conceptis verbis testatus est, idque in illa ipsa Epistola ad Evagrium, quam isti nobis toties objiciunt. Dicta enim Epistola his verbis terminatur. *Et ut sciamus traditiones Apostolicas sumptas de veteri testamento, quod Aaron, & Filii ejus & Levita in Templo fuerunt, hoc sibi Episcopi, & Presbyteri & Diaconi vendicent in Ecclesia.* Hieron. Epist. ad Evagrium. Quæ verba non modo funditus evertunt, quæcunque contra Episcoporum à Presbyteris distinctionem ex ista Epistola peti solent argumenta, verumetiam demonstrant sanctissimum illum Patrem eâ ductum fuisse sententiâ, quæ docet Apostolos divinitus inspiratos, idem in Ecclesia Christiana regimen instituisse, quod in Templo Judaico ab ipso Deo prius institutum fuerat; haudque minorem esse distinctionem inter Episcopos, Presbyteros, & Diaconos, quam inter Aarone[m] sive Pontificem, Sacerdotes, & Levitas. Adeo ut Episcopus superior sit Presbyteris, & Presbyteri Diaconis, non minus quam summus Sacerdos superior fuit Sacerdotibus, & Sacerdotes Levitis. Quapropter Ecclesia Christiana Judaicæ succedente, & Episcopis, Presbyteris & Diaconis in locum Pontificum, Sacerdotum & Levitarum substitutis, nemini mirum esse potest, quod Judaica ista nomina apud Clementem, Tertullianum, aliosque Ecclesiæ primitivæ Scriptores ad eosdem in Ecclesia ordines designandos aliquandiu usurpata fuerint.

X. Sed ne quid diffimulare videar, non tacendum est, Clementem alibi duos solos Ecclesiasticos ab Apostolis institutos ordines commemorare, Episcopos nimirum & Diaconos. Paulo enim post verba supra allata, hæc dicit, Παρεγγελίας ἐν λαβόντες, ἢ πληροφορηθέντες διὰ τὴν ἀνάστασιν & κυρίῃς ἡμῶν Ἰησοῦ Χριστοῦ, καὶ πισωθέντες τῷ λόγῳ τοῦ Θεοῦ, ἐξῆλθον διαγγελισζόμενοι τὴ βασιλείαν τοῦ Θεοῦ μέλειν ἐρχέσθαι καὶ χάριτος ἐν ἡ πόλεις κηρύσσοντες, καθίστανον τὰς ἀπαρχὰς αὐτῶν, δοκιμάσαντες τῷ πνεύματι, εἰς ὑποταγὰς ἢ ἀφάνους τῶν μελλόντων πιστεύειν. Mandata quippe accipientes Apostoli, & per resurrectionem Domini nostri Jesu Christi plena certitudine imbuti, Deique verbo confirmati, cum certa Spiritus Sancti fiducia egressi sunt, annunciantes regni Dei adventum. Per regiones igitur & urbes verbum Dei predicantes, primitias eorum Spiritu probantes, Episcopos & Diaconos illorum qui credituri erant, constituiebant. Hæc sunt verba illa quibus novi Aferiani tantopere gloriati sunt: ac si clarissimè ex iis conficeretur, unum solum supra Diaconatum ab Apostolis unquam constitutum fuisse ordinem, Episcoporum scilicet, hoc est, ut illi volunt, Presbyterorum. Eo nimirum quod Clemens hoc in loco alios non nomet præterquam Episcopos & Diaconos.

Verumenimvero præterquam quod hæc Clementis verba de Episcopis & Diaconis generaliter sumptis intelligi possunt, quatenus Pastores sunt & Ministri Ecclesiæ, à Laicis distincti, eosque instruere, regere, & Sacramenta iis administrare constituti; Si demus eum Presbyteros etiam hoc in loco ab Apostolis constitutos velle, hi quidem sub Diaconorum potius quam sub Episcoporum nomine latere dicantur. Vox enim Διάκονος in Ecclesiæ infantia latissime sumpta fuit, non modo pro iis quos Apostoli ad mensarum ministerium instituerunt, Act. VI. Sed enim ipsi Apostoli Διάκονοι passim vocantur, ut 1 Cor. III. 5. & Διάκονοι καὶ τῆς Ἀφθύνης, 2 Cor. III. 6. Alias Διάκονοι Θεοῦ, & Χριστοῦ Διάκονοι τῆ δικαιοσύνης, τῆ ἐκκλησίας, & διαγγέλλειν, &c. Imo quidem mensarum ministri idcirco instituti sunt, ut ipsi Apostoli τῇ Διακονίᾳ τοῦ λόγου instantes essent, Act. VI. 4. Tychicus etiam vocatur Διάκονος, Coloss. 4. 7. necnon Timotheus, 1 Thessal. III. 2. De Archippo insuper dicit D. Paulus, καὶ εἶπατε Ἀρχίππῳ, βλέπε τὴν Διακονίαν ἣν παρέλαβες ἐν Κυρίῳ, Coloss. IV. 17. unde hi Diaconum, alii Presbyterum, alii denique Episcopum fuisse Archippum opinati sunt. Et quidem D. Chrysostomus Presbyteros antiquitus, & Episcopos & Diaconos nuncupatos fuisse observat. καὶ οἱ πρεσβύτεροι, inquit, τὸ παλαιὸν ἐκαλεῖτο ἑπισκοποὶ, καὶ Διάκονοι & Χριστοῦ. Chrysost. in Epist. ad Philip. cap. I. 1. Quapropter supradicta Clementis verba non sine ratione & ipsorum Apostolorum Patrumque consensu, ita intelligantur, ut Apostoli & Episcopos proprie sic dictos, & alios quosunque Ecclesiæ primitivæ ministros, tam Presbyteros scilicet quam Diaconos proprie sic dictos instituisse iis perhibeantur. Quamvis enim per Διάκονους isto in loco soli forsitan Presbyteri non significantur, Presbyteros tamen æque ac mensarum ministros sub ista voce comprehendi posse, nemo ut opinor, negabit. Sed observandum præterea est Clementem in loco supradicto, non de statu Ecclesiæ ut sua ætate,

etate, cum ipse Romæ Episcopus erat, constitutæ, loqui, sed ut sese habebat proxime post Christi resurrectionem, per quam, ut ait, Apostoli plena certitudine imbuti, & Evangelium prædicarunt, & Episcopos, Diaconosque eorum qui credituri erant, constituerunt. Clemens vero quadraginta minimum post Christi resurrectionem annis hanc ad Corinthios Epistolam misit. Intra quod tempus Apostoli Ecclesiam à Christo fundatam & magnis fidelium incrementis indies augescentem, ad perfectiorem regiminis perpetuo duraturi formam haud dubie perduxerant, quam cujus immediate post Domini resurrectionem capax erat. *ὅτι καὶ πάντες δέδοται ἡδυνήθησαν οἱ Ἀπόστολοι κατὰ τὴν αἰσῶν, neque enim omnia statim ordinare poterant Apostoli, ut recte in hac causa observat Epiphanius hæc. LXXV. N. V. Καὶ καὶ ἐκαστον πρῶτον οὐκ ἀπ' ἀρχῆς τὰ πάντα ἔσχεν, ἀλλὰ πρῶτον οὐκ ἐκαστον τὸ πρῶτον τελείωσιν τῶν χρειῶν κατεργάζετο, Neque enim ulla res est quæ ab initio omnibus suis numeris absoluta fuerit, sed procedente demum tempore sua opportunitatibus omnibus ad perfectionem accessio contigit. Ibid. Cujus rei egregium petit exemplum ex lege Mosaica, quæ ex parvis initiis non nisi gradatim omnibus suis numeris partibusque expleta fuit. Idem sane dicendum est de Ecclesia Christiana, quæ paucissimis primo constans membris, ad eam quæ postea absolutè necessaria fuit, politiæ formam redigi non potuit, neque vero necesse habuit. Episcopus enim cum Diaconis suis omnia cujusvis Ecclesiæ negotia adhuc administrare poterat: nec opus erat Presbyteris, qui partem illius curæ in se susciperent, priusquam multitudo fidelium in aliqua urbe major esset, quam ut instructiones & Sacramenta ab Episcopo solo accipere possent. Tunc fateor necessitas postulabat, ut alii constituerentur Presbyteri, qui aliquam eorum curam sub Episcopo sustinerent. Hoc autem non nisi aliquot post annos necesse evasit; præsertim cum ipsi etiam Apostoli adhuc superstites essent, summamque supra universam, & singulares quilibet Ecclesias auctoritatem gererent. Proinde non mirum est, quod Clemens, quem, ut cum Apostolis conversatum, latere non potuit quid illi in Ecclesiastica disciplina instituenda & formanda egerant, Episcopos solos & Diaconos ab iis primo constitutos memorarit. Et ipse enim D. Paulus eorundem duntaxat sub Apostolis ordinum mentionem inducit, Philip. I. 1. 1 Tim. III. Minimè tamen exinde sequitur duos solummodo ordines in Ecclesia tunc temporis extitisse. Ipsi enim Apostoli unius, & quidem supremi erant ordinis, quibus Episcopi non minus subiecti erant, quam Diaconi Episcopis, nisi forsitan eodem quo Apostoli Spiritu instructi essent, qualis fuit Jacobus frater Domini, quem non tantum Clemens Alexandrinus in sexto institutionum libro, apud Euseb. lib. 2. cap. 1. sed & Hegesippus Apostolis penè cœtaneus ibid. cap. 23. Hierosolymorum Episcopum ab Apostolis constitutum fuisse testatur. Hic itaque licet inter Apostolos non recensatur, cum eodem tamen, quo illi, Divino Spiritu duceretur, nihil est quod iis inferior habeatur. Neque unquam illos mandata ei dedisse legimus. Alii autem Episcopi ab ipsis constituti Apostolicæ eorum auctoritati subditi erant. Aliæ enim Episcopis D. Paulus imperasse traditur quid facto opus esset Act. Apost.*

cap. XX. necnon Timotheo Ephesi, & Tito Cretæ Episcopo in Epistolis ad illos missis. Unde suspicari licet, eos etiam si revera Episcopos ab ipsis Apostolis constitutos, Episcopalem tamen potestatem in Ecclesiis suis nondum exercuisse, quamdiu aliquis Apostolorum ibidem versaretur. Simulac vero Apostoli Ecclesiam in aliqua urbe fundassent, priusquam eandem relinquerent, Episcopum aliquem sive Inspectorem eidem haud dubie præficerent, qui fundatoris absentis vicem supplens Ecclesiastica munia obire, & si necessitas flagitaret, minores sub se Presbyteros instituere poterat. Hujusmodi autem Presbyteros ab ipsis Apostolis ordinatos fuisse non liquet: sed contrarium potius verisimillimum videtur, quandoquidem iis vix ullibi adhuc opus esset, & Episcopi ab ipsis Apostolis constituti, talium Presbyterorum ordinandi amplam satis potestatem haberent, si quando major fidelium accessio id postularet.

XI. Nec quenquam movere debet, quod Presbyterorum mentio in Apostolorum scriptis subinde fiat. Quanquam enim vox ista *πρεσβυτερος* aliter hodie usurpetur, pro iis scilicet qui Episcopo in Ecclesiæ muneribus perfungendis adstant, Apostolorum tamen diebus ipsi Episcopi *πρεσβυτερος* appellabantur, & ita jure appellari poterant, etiam si alios sub se Presbyteros habuissent. Licet enim omnes Presbyteri non sint Episcopi, omnes tamen Episcopi sunt Presbyteri; atque eodem propterea nomine nec immerito nuncupentur. Quemadmodum etiam in Ecclesia Judaica observare licet: In qua scilicet nemo nescit, tres fuisse Ecclesiasticarum personarum ordines, summum nempe Sacerdotem, Sacerdotes inferiores, & Levitas. In prima tamen horum ordinum institutione vox *הכהן* *Sacerdos*, tam de summo quam de inferioribus Sacerdotibus promiscuè usurpata fuit; usque adeo ut ipse Aaron primus *Summus Sacerdos*, nusquam in Pentateucho Moysi aliter quam simpliciter *הכהן* *Sacerdos* nominetur, ut ubi dicitur, *והנה בני אהרן הכהן אש על-המזבח וערכו עצים על-האש וערכו בני אהרן הכהנים את הנחתים*. *Tunc componentes Filii Aharonis Sacerdotis ignem super Altari, struent ligna super ignem. Postea disponent filii Aharonis Sacerdotes membra*, Levit. I. 7, 8. In quibus verbis Aharonem summum Sacerdotem, & filios ejus simplices Sacerdotes, uno eodemque nomine indigitatos habemus. Ille enim *Sacerdos*, hi *הכהנים* *Sacerdotes* appellantur. Nec uspiam in libris Moisaicis, vel Aharonem, vel Eleazarum, qui Patri in pontificatu successit, aliter quam *הכהן* communis omnium Sacerdotum nomine nuncupatum reperire est. Nec per totum uspiam Pentateuchum præterquam duobus tribusve locis ubi de Ecclesia ut postea administranda agitur, nomen istud *כהן הגדול* *Ἀρχιερεύς* usurpatur, etiam si Pontificis, sive ejus qui cæteris præerat Sacerdotibus, frequentissima occurrat mentio. Sed procedente demum tempore, in libris saltem Hagiographis & Prophetis usu venit, ut summus Sacerdos *כהן הגדול* *Ἀρχιερεύς*, sive *Maximus Sacerdotum*, inferiores autem Sacerdotes absolute *כהנים* *ιερείς* *Sacerdotes* nominati sint. Quis autem ex isto promiscuo nominis hujus usu probare unquam aggressus est, omnes Sacerdotes ipsi Pontifici pares aut æquales fuisse? Annon in ora hominum pro ludibrio

Iudibrio abiret, qui istiusmodi argumento uteretur? Quis enim nescit *Summum Sacerdotem* reliquis omnibus superiorem fuisse, licet eodem nomine appellatum? Hoc tamen palmarium est istud argumentum, quo Presbyteranæ paritatis propugnatores, Presbyteros Episcopis, Sacerdotes Pontifici pares esse probare conati sunt. Nimirum quod ipsi etiam Episcopi in sacris Apostolorum scriptis *πρεσβύτεροι* nonnunquam appellentur. Hoc autem argumento nihil unquam efficient, usque dum probatum dederint, omnes in Ecclesia Judaica Sacerdotes *τῷ ἀρχιερεὶ* pares fuisse, atque ejusdem cujus ille ordinis ac autoritatis, eo quod in Ecclesia ista recens fundata ille communi eorum nomine nuncupatus fuerit. Hoc autem nec isto nec ullo alio argumento demonstrari posse inter omnes convenit, utpote quod falsissimum esse cuique notum sit. Quidni autem in Ecclesiæ Christianæ æque ac Judaicæ primordiis primi & secundi ordinis Sacerdotes uno eodemque nomine vocitentur? Sanè qui aliter sentiunt, si Judaici essent Sacerdotes, eodem argumento cum ipso Pontifice pro Pontificatu suo contenderent, seque ei pares esse jactitarent. Quod quam absurdum, quam perniciosum esset, ipsi viderint, penè simili Koræ, Dathanis, & Abirami exemplo edocti.

XII. Hæc de statu Ecclesiæ Apostolicæ, ut mox post Christi resurrectionem se habebat, strictim ideirco differuimus, quod exinde pateat, nihil certi de perpetuo Ecclesiæ regimine ab Apostolis stabilito ex iis concludi posse, quæ Apostoli in ipsis Evangelii prædicandi primordiis fecisse traduntur. Quemadmodum enim Dominus eorum nosterque Christus Apostolos suos non statim ordinavit, simul ac ministerium suum ingressus est, sed aliquanto post tempore: neque etiam LXX. discipulos unà cum Apostolis elegit, sed post elapsam aliquod temporis spatium, cum iis ipsi opus esset. Sic & Apostoli ejus, magistri vestigiis insistentes, omnia ad perpetuam Ecclesiæ administrationem necessaria, statim ut data est illis potestas, non ordinabant, nec ordinare poterant, sed paulatim ac pedetentim, prout occasio sese obtulerit. Ita tamen ut priusquam illi huc emigrarent, omnia ad externam Ecclesiæ formam ac politiam procul omni dubio determinarint. Eriam si enim quamdiu Christus in terris versaretur, Apostoli ejus aliam quam baptizandi & Evangelium prædicandi potestatem non haberent, ac proinde Presbyteri duntaxat essent, *τῷ Ἀρχιερεὶ* Episcopo illi animarum nostrarum subdiri; Post Domini tamen resurrectionem ipsi in Episcopatum evecti sunt, Dominique sui nostrique in Ecclesiæ administratione successores constituti. Hanc eorum ordinationem à S. Johanne Evangelista traditam habemus, cap. XX. ubi Christus à mortuis resuscitatus Apostolis suis in unum congregatis dicit, *Εἰρήνη ὑμῖν, καθὼς ἀπέσταλκέ με ὁ Πατήρ, καὶ γὰρ πέμπω ὑμᾶς, ὅτι cum hoc dixisset insufflavit, dixitque iis λάβετε πνεῦμα ἅγιον, &c.* Ut Christus igitur à Patre, sic Apostoli modo à Christo missi sunt, & ad eundem, ut ita loquar, gradum promoti, quantum scilicet ad ordinandi & Ecclesiasticam disciplinam exercendi stabiliendique auctoritatem spectat. Ipsi igitur à Christo missi, sicut ille à Patre, alios etiam ad eundem modum mittendi potestatem accipiebant, qui ipsis etiam Apostolis succederent ut Apostoli Christo, ut ita impleretur illud quod

Christus ad cœlos ascensurus promiserat, *Et ecce ego vobiscum semper usque ad finem seculi*. Matt. XXVIII. 20. Quod fieri non potuit, nisi Apostoli in Ecclesia semper manerent, vel in propriis ipsorum personis, vel in successoribus suis sive loci conservatoribus. Ut hujusmodi autem successores sibi perpetuo haberent, eundem quem Christus in ipsos, ipsi in alios contulerunt spiritum. Licet non eodem modo. Christus enim insufflando spiritum in eos contulit, qui modus ei peculiaris est à quo Spiritus procedit: Apostoli autem in spiritu quo ipsi à Christo induti & hoc edocti sunt, conferendo, antiquo isto ritu à Deo in lege Mosâica instituto & in Ecclesia Judaica perpetuo observato usi sunt, per χειροθεσίαν scilicet sive manuum impositionem. Hoc modo spiritus à Mose in Josuam diffusus est. Deut. XXXIV. 9. Et hoc modo spiritus à Christo in Apostolos ejus sufflatus, ab Apostolis in proximos suos successores, & ab iis in alios successive usque ad finem seculi diffusus est.

XIII. Cùm hanc igitur Ecclesiæ regendæ, aliosque in successores ordinandi potestatem Apostoli à Christo sibi concreditam habuissent, quin eandem illi fideliter exercuerint, nemini dubium esse potest. Proinde nec dubitare fas est, quin ubi Apostoli aliquam hominum multitudinem in qualibet urbe ad fidem Christianam Deo adstante, convertissent, Ecclesiam ibidem fundarint, eandemque, priusquam ultimum ei valedicerent, ista potestate instruxerint, quam ipsi à Christo aliis communicandam acceperant, qua successores ipsis in omnibus Ecclesiis constituerentur, quibuscum Christus juxta promissum suum usque ad finem seculi esset. Hæc, inquam, cordatis omnibus sobriisque Christianis indubitata sunt. Quæritur tantummodo, *Utrum Apostoli, priusquam ex hac vita migrarint, hanc suam Ecclesiæ regendæ aliorumque ordinandi potestatem uni alicui in unaquaque Ecclesia persona, an pluribus commiserint?* hoc est, juxta recentiorum loquendi formulam, *utrum Episcopo, an classi Presbyterorum?* Hoc sane modo proponenda est quæstio de Episcoporum supra Presbyteros autoritate, si eam unquam determinare velimus. De nominibus enim Episcoporum & Presbyterorum contendere, nihil aliud est quam ἀποβαλέιν, & disputationem ita instituere, ut nullus sit disputandi finis. Neque etiam dirimi potest hæc controversia ex iis quæ Apostoli initio ministerii sui sive statim post Domini ascensum peregrisse leguntur. Ut ante enim observatum est, omnia statim ordinare non poterant, neque opus erat, ut successores sibi constituerent, priusquam ipsi decessuri erant. Et præterea eorum quæ Apostoli in Evangelio propagando, Ecclesiisque instituendis fecerunt, paucissima scriptis mandata sunt. Solus enim S. Lucas, Acta Apostolorum conscripsit; Isque nihil fere de S. Petro tradidit, præterquam ea quæ eodem vel proximo post Christi ascensum anno fecerat. Plura fateor, de S. Paulo in Apostolorum censum ab ipso Christo postea cœlitus vocato refert: Sed ea sola quorum ipse oculatus fuerat testis, ut itineris ei comes. De cæteris Apostolis nihil propemodum memoriæ tradidit. Et quamvis S. Paulus plurimas, & alii ex Apostolis nonnullas scripserint Epistolas, eæ tamen per occasionem, ut ita loquar, scriptæ, Ecclesiæ administrandæ formam ab Apostolis

stolis institutam, omnibus notam supponunt potius quam faciunt. Adhæc maxima pars Apostolorum diu vixerunt post conscriptos omnes Novi Testamenti libros: quo temporis spatio Ecclesiam mirum in modum amplificatam ad exactiorem regiminis formam haud dubie redegerunt, quam cujus initio capax fuerat. E quibus omnibus una collatis videre est, hanc de perpetuo Ecclesiæ regimine ab Apostolis instituto, quæstionem ita concipiendam esse, ut quæratur non quid ipsi Apostoli in Ecclesia primo fundanda propagandaque fecerint, vel fecisse tradantur, sed quomodo eam modo fundatam & in omnes terrarum fines ab ipsis propagatam, administrandam postea fore decreverint? utrumque Apostolicam suam auctoritatem uni in unaquaque singulari Ecclesia Præsidi, an pluribus commiserint, priusquam ipsi Militantem cum Triumphanti Ecclesia commutarint?

XIV. Hæc autem quæstio hoc modo instituta, si sine præjudicio, & eo quo par est, animi candore agitur, facillime pariter atque certissime determinari potest. Sanctos enim Apostolos summam illam, qua ipsi præditi erant, Ecclesiam administrandi aliosque ad Ecclesiastica officia ordinandi potestatem non pluribus, sed singulari in singulis urbibus sive Ecclesiis Præsidi, seu Episcopo delegasse, multa sunt quæ fidem plenissimam faciunt. Primo enim nihil dubii esse potest, quin Apostoli hanc aliis potestatem eodem, quoad ejus fieri potuit, modo commiserint, quo ipsis à Christo prius commissa fuerat. Si Christus hanc suam auctoritatem non singulis Apostolis, sed toti eorum collegio delegasset, ipsis etiam eandem à se non in singularem aliquam personam, sed in totum, cujuslibet urbis sive Ecclesiæ Presbyterorum corpus transfundere necesse fuisset. Quandoquidem pro facto, certoque habuissent, hanc Domini sui voluntatem fuisse, ut auctoritas ista non nisi certo Presbyterorum cœtui concederetur. Quod si è contra Dominus noster non toti Apostolorum suorum collegio sed singulis Apostolis hanc potestatem mandavit, illi ipsius exemplo ducti, non poterant non idem facere, hoc est, auctoritatem istam sibi singulis commissam in singulares itidem Ecclesiæ præsidēs transmittere. Alioquin enim Domini vestigiis non ingressi fuissent, neque ex ejus egissent animo, qui proprio ipsius facto, clare satis ostenderat, se voluisse, ut auctoritas ista non apud aliquem hominum cœtum deponeretur, sed apud singulares personas; sive quod idem est, non toti Presbyterorum in quavis Ecclesia corpori, sed singulari capiti committeretur. Adeo ut quemadmodum unus Christus, & unusquisque Apostolorum, sic unus etiam in unaquaque Ecclesia Episcopus totam hanc auctoritatem sibi conceditam haberet, unius ibidem Christi vicem gerens.

Neque in controversiam venire potest, utrum Christus singulis suis Apostolis, an toti eorum collegio, hanc potestatem delegarit. Etenim si non singulis seorsim, sed omnibus conjunctim eam delegasset, nihil agere potuissent, nisi omnes unà interessent, ac propterea nihil omnino, postquam à se invicem ad Evangelium propagandum separati sunt, adeo ut frustra se separarint, quandoquidem juxta hanc hypothesin nihil cuius eorum ab aliis separatim potestatis esset. Et præterea nihil certius, frequentiusve in sacris scripturis

ris traditur, quam singulos Apostolos totam quam omnes à Christo acceperant potestatem seorsim à collegis suis exercuisse. Ut omittam enim quod in ipsorum Actis, nunc unum, nunc duos, vel tres, perraro autem omnes Apostolos res Ecclesiasticas moderantes inveniamus, D. Paulus verbis conceptis asserit, *se se sollicitudinem omnium Ecclesiarum sustinuisse*, 2 Cor. XI. 28. alibique Corinthiis promittit se Ecclesiastica ipsorum negotia dispositurum esse, τὰ ἢ λοιπὰ, inquit, ὡς ἂν ἔλθω Ἀποστόλου, 1 Cor. XI. ult. Quibus etiam verbis indicat se nonnullas de istius Ecclesiæ administratione leges antetulisse. Quod ex ipsâ quoque Epistolâ constat. Ipse etiam in omnibus Epistolis, iis præfertim quas ad Timotheum Titumque misit, generalia de omni Ecclesiastica disciplinâ mandata dedit. Et quod ad ordinationes spectat, idem dicit, donum Dei per suam ipsius χειροθεσίαν in Timotheum collatum esse, ὃ ἐστίν, inquit, ἐν σοὶ Δὲς τὸ ἐπιθέσθαι τῶν χειρῶν μου. 2 Tim. I. 6. nec obstat quod alibi dicit idem factum fuisse καὶ ἐπιθέσθαι τῶν χειρῶν ἑ presβυτέρῳ, 1 Tim. IV. 14. Etiam si enim ex hoc ultimo loco verisimile fiat, alios Paulo in istâ ordinatione adstitisse, manusque μετ' αὐτῶν cum eo imposuisse, ex priori tamen suspicari licet, eos non fuisse Apostolos. Si fuissent enim D. Paulus eos ab ordinatione istâ nunquam seclusisset, istam suâ solius manuum impositione peractam affirmans, atque ita totam ordinationis illius virtutem atque efficaciam sibi soli asserens. Sed non opus est hisce diutius immoremur, siquidem inter omnes constat, Apostolos separatim egisse, & unum hic, alium illic Ecclesiam fundasse, fundatam administrasse, omniaque ad perpetuam ejusdem administrationem necessaria disposuisse, idque haud minori autoritate, quam si omnes Apostoli unâ ibidem adfuissent. Unde liquet auctoritatem istam Apostolicam, in unoquoque Apostolorum, adeoque totam in singularibus personis ab ipso Christo sitam fuisse, quam propterea eos in singulares etiam personas, ipsorum successores, derivasse extra dubium est. Quod si hæc autoritas in singulis Ecclesiis singulari alicui personæ ab ipsis Apostolis commissâ fuerit, personam istam sive Episcopi, sive Presbyteri, sive alio quovis nomine appellatam, aliis quibuscunque in eadem Ecclesiâ præsidere, summamque supra eos potestatem jure Apostolico adeoque divino habere necessario sequitur.

XV. Adhæc ut jure potuerunt, atque etiam debuerunt Apostoli, sic & de facto totam suam Ecclesiasticarum administrationum, ordinationumque auctoritatem singularibus personis delegarunt. Hanc enim auctoritatem D. Paulus Timotheo ab ipso ordinato commisit. Hoc ex eo constat, quod Apostolus eum doceat, quomodo auctoritatem istam exercere debeat, nimirum ut manus nemini cito imponat, ut contra Presbyterum accusationem non nisi sub duobus tribusve testibus admittat, ut nihil faciat κατὰ πρῶτον in alteram partem inclinando 1 Tim. V. 19. 20. 21. 22. Quæ quidem admonitiones frustra ac inaniter, imo inepte & ridicule fierent, nisi Timotheus & ordinandi, & accusationes contra Presbyteros prolatas audiendi, & Ecclesiasticas denique causas judicandi, potestatem accepisset. Eandem in insulâ Cretâ auctoritatem Titus sibi delegatam habuit, ut ex eodem constat Aposto-

lo in Epistolâ ad eum scriptâ dicente, τέττε χάριν κατέλιπόν σε ἐν Κρήτῃ, ἵνα τὰ λείποντα ἐπιδιορθώσῃ, ἢ καταστήσῃς καὶ πόλιν πρεσβυτέρους, ὡς ἐγὼ σοὶ διεπαξάμην, *Hujus rei gratiâ dereliqui te in Cretâ, ut quæ desunt corrigas, & Presbyteros per singulas civitates constituas, sicut ego tibi ordinavi.* Tit. I. 5. E quibus verbis videre licet, singularem virum Titum, à singulari Apostolo Paulo, omnem quæ ipsis Apostolis in Ecclesiâ administrandâ concessa fuerat, potestatem accepisse; corrigendi scilicet quæ in Ecclesiâ deerant, & Presbyteros per civitates ordinandi: ad quæ duo capita omnis Ecclesiastica, dicam & Apostolica autoritas redigatur. Adeo ut pro certissimo habeamus autoritatem istam in duos hosce singulares viros, Timotheum & Titum ab ipso Apostolo sigillatim transmissam fuisse. Neque in omnibus uspiam Apostolorum scriptis legimus vel D. Paulum, vel alium quemlibet ex Apostolis autoritatem istam collegio cuipiam, aut cœtui virorum demandasse. Ex eo autem quod Timotheus in Asiâ & Titus in Cretâ autoritatem istam sibi seorsim concreditam habuerit, eandem uni sive singulari ubique viro ab Apostolis delegatam fuisse legitimè concludamus. Præterquam enim quod ratio ipsa postulare, ut eodem ubique modo eam darent quo acceperant, nemini dubium esse potest, quin omnes Ecclesias uniformes constituerint. Hoc enim D. Paulus diserte testatur,icens, καθὼς πυνθῶκα ἐν πάσῃ ἐκκλησίᾳ διδάσκων. 1 Cor. IV. 17. & postea, ἢ ὅπως ἐν ταῖς ἐκκλησίαις πάσαις ἀπαύστομαι. Ibid. cap. VII. 17. Hinc enim liquet Apostolos laborasse, ut omnes Ecclesiæ uniformiter administrarentur, iidemque ritus ubique observarentur. Quod fieri non potuit, nisi ipsi à Domino edocti, Spirituque ipsius instructi, eandem Ecclesiasticæ administrationis formam ubique instituerint. Proinde ex eo quod Apostolus autoritatem suam in Timotheum & Titum singulatim contulerit, legitima ac necessario inferatur conclusio, Apostolos voluisse, & in mandatis à Domino accepisse, ut omnis ordinationes, administrationesque Ecclesiasticas celebrandi potestas in unaquaque Ecclesiâ apud unum aliquem probatum virum, ceu Præsidem & Episcopum ejusdem resideret.

XVI. Idem porro abunde etiam constat ex historiâ Ecclesiasticâ, quam hâc in causâ diligenter consulamus necesse est. Cum paucissima enim, ut ante observatum est, eorum quæ Apostoli fecerunt, sacris literis mandata sint, multaque eorum, quæ ad perpetuam Ecclesiæ administrationem pertinent, non nisi sero ordinare potuerint, cum ipsi hinc decessuri erant, totusque propterea novi Testamenti Canon longe antea completus fuerat, hinc si pro certo & comperto habere velimus, quomodo Apostoli autoritatem suam aliis tanquam successoribus suis delegatam reliquerint, inquirendum est necessario in istarum Ecclesiarum historias quas illi fundarunt, & fundatas aliis tradiderunt administrandas. Si quærendo enimprehenderimus, nullam uspiam Ecclesiam ab Apostolis fundatam, ab eorum usque diebus aliter quam ab uno singulari viro administratam fuisse, nullus supererit dubitandi locus, quin Ecclesiam unamquamque regendi autoritas uni soli ab Apostolis commissâ fuerit. Neque enim vel animo cogitare fas est, Ecclesias ab ipsis Apostolis fundatas aliter à proximis ipsorum successoribus administratas fuisse,

quam ipsi cum in vivis essent, instituerant. Verumenimvero si omnes usquequaque Ecclesiasticas evolvamus antiquitates, nullam inveniemus Ecclesiam ab Apostolo aliquo fundatam, quæ non à singulari aliquo viro administrata fuit, qui inter omnes alios in eadem Ecclesiâ constitutos vel ordinatos, usque adeo eminuit, ut solus in Ecclesiasticis Historiis nominatim celebrari mereretur: tanquam qui solus omnem ab Apostolo Ecclesiæ istius fundatore eminentiam atque autoritatem Apostolicam in se transfusam habuit. Ut Timotheum enim Ephesi, & in Cretâ Titum, sic Jacobum Hierosolymis, Epaphroditum Philippis, Colossis Archippum, Dionysium Areopagitam Athenis, Polycarpum Smyrnæ, Antipam Pergami, Gaium Thessaloniciæ, Crescentem in Galatiâ, Evodium vel, ut alii, Ignatium Antiochiæ, Anianum Alexandriæ, Clementem denique Romæ, Ecclesiam quemque suam ab Apostolo fundatore ei concreditam, solum administrasse legimus, nullâ fere aliorum, qui Ecclesiasticis ibidem fungebantur officiis, mentione uspiam institutâ. Quos etiam singulos singulares habuisse successores ex iisdem antiquissimis Ecclesiæ scriptoribus, Hegesippo scilicet, Irenæo, Clemente Alexandrino, Eusebio, Hieronymo, aliisque patet. Quod luculentissimo nobis est argumento Apostolicam autoritatem in singulis Ecclesiis non in nescio quantum hominum cœtum, sed in viros singulares ab ipsis Apostolis divinitus inspiratis transmissam fuisse. Præsertim cum ab Anno CXL. hoc est à quadregesimo plus minus ab ultimo Apostolorum Anno, singulires ubique terrarum viros sub Episcoporum nomine cæteris Presbyteris præfedis, summamque supra eos in suâ quemque Ecclesiâ autoritatem exercuisse, ex antiquis, & fide dignissimis Ecclesiæ monumentis usque adeo manifestum certumque sit, ut ipsi acerrimi Episcopalis hujus autoritatis oppugnatores, rei veritate victi, velint nolint, illud fateri sæpe coacti fuerint. Et quidem si alia non præsto essent argumenta, hoc unum ab ipsis adversariis concessum, summam Episcoporum supra Presbyteros totamque cujusque Ecclesiæ *ἐκκλησίαν* atque autoritatem, ab ipsis Apostolis, adeoque divinitus institutam fuisse clarissime demonstrat, & cuius præjudicio non laboranti extra controversiam ponit.

XVII. Primo enim primos Apostolorum successores, quos latere non potuit quomodo Apostoli Ecclesiam perpetuo administrandam fore decreverant, pientissimos fuisse viros, totosque Christi cultui devotos, nemo vel negare potest, vel dubitare, qui Christianam religionem præ se fert. Tanta enim fide, tanta pietate, tanto in Christum amore præditi erant, ut Evangelium ab ipso prædicatum sanguine suo consignare semper parati essent, quippe qui se suæque omnia Christo dedicarent. Quocirca si potuissent, haud dubie nunquam voluissent quivis eorum majorem sibi supra fratres suos potestatem usurpare, quam Dominus ipsis prius concesserat. Hoc enim cum vera pietate neitiquam constare, ac propterea in tam sanctos piosque viros cadere non potuit. Utpote quod ambitionem, superbiam, avaritiam, tyrannidem, omnium denique vitiorum colluviem sub se comprehendit. Quid enim in Christum magis impium, quam sacram ipsius institutionem sacrilega manu violare? In fratres quid magis iniquum, quam suis eos privilegiis spoliare, &

totam

totam istam auctoritatem, quæ ipsis omnibus in commune à Christo commissæ fuerat, sibi soli arrogare? Hæc tamen egregia sunt ista facinora, quæ Presbyteranæ paritatis assertores primis Apostolorum discipulis & successoribus imputare non erubescunt, dum eos statim post Apostolorum obitum se supra fratres suos insolentia dominatûs extulisse asseverant. Desinant autem hoc iis in posterum objicere, usque dum probatum dederint, illos non Christi discipulos sed profligatissimos fuisse viros, & omnium scelereum maculis notatissimos. Si sancti enim, si religiosi, si Christiani nominis quovis modo digni erant (quod nobis sane persuasissimum est, ipsique adversarii negare non possunt) tanta teneri culpa nolissent. Et præterea ut si potuissent, nunquam voluissent, sic etiam è contra si voluissent, nunquam potuissent, aliam quam Apostolicam Ecclesiasticæ administrationis formam ubique saltem terrarum introducere ac stabilire. Si una, fateor, alterave duntaxat Ecclesia à singulari Episcopo gubernata fuisset, suspicari forsitan liceret, aliquam Apostolicæ institutioni violentiam ibi nefarie illatam esse. Res autem longe aliter se habuit. Omnes enim Ecclesiæ ab Apostolis constitutæ, etiam si magno locorum intervallo determinatæ, sibi quæque invicem vix nomine tenus cognitæ, in unam eandemque regiminis formam conspirarunt: Adeo ut secundo nondum adulto seculo, ac proinde statim post Apostolorum obitum, nullam invenire sit Ecclesiam, quæ non à singulari Episcopo administrata fuit. Quod fieri nequaquam potuit, nisi omnes Ecclesiæ eandem disciplinæ atque administrationis formam, una cum fide ab Apostolis traditam accepissent. Adhæc si singulares ubique Episcopi summam, de qua agimus, in Ecclesia quisque sua, supraque Presbyteros in eadem constitutos auctoritatem contra Domini præceptum, atque Apostolorum ejus institutionem sibi vendicarent, & exercuerint, quæ factum est, ut nulli usquam Presbyteri iis oblectati fuerint, nec improbam Dominici præcepti violationem illis objecerint? Sane auctoritas, præsertim in religione, non tanto despectui haberi solet, ut eam sibi quisque facile extorqueri sinat. Si Apostoli itaque æqualem omnibus in unaquaque Ecclesia Presbyteris auctoritatem delegarint, quo demum pacto evenit, ut omnes ubique Presbyteri eam sibi eximi, & in Episcopos solos transferri securi paterentur? Quare illi æque ac nostræ ætatis Presbyteri, se Episcopis suis pares esse non jactabant? Quare illi non æquè impatientes erant subjectionis & obedientiæ Episcopis suis præstandæ? Annon illi qui proximo post Apostolos vixerunt seculo, perspectius longe haberent, quid ab Apostolis institutum fuerat, quam nos qui quindecim seculorum spatio ab iis removemur? Si illud itaque quod hodierni Presbyteranæ *communis* patroni tanquam certissimum discipulis suis venditant, Apostolos scilicet instituisse ut unaquæque Ecclesia non à singulari aliquo Episcopo sed ab omnibus conjunctim Presbyteris regeretur, si hoc, inquam, primitivis illis Presbyteris notum & persuasum fuisset, Apostolicam istam institutionem quæ ipsis favebat, violari vel infringi procul omni dubio nunquam permisissent. Sed si quis iis imperare cœperit Episcopus, multo majori quam nostri Presbyterani ratione respondere poterant, *Nimum, Coepiscope, tibi arrogas, tu enim nosque omnes scimus Do-*

minum & Apostolos ejus, à quibus fidem, doctrinam, atque ordinationem nostram suscepimus, decrevisse, ut omnes pares essemus, inque hand majorem in nos auctoritatem haberes, quam nos in te. Quis hujusmodi responsum ab iis redditum non expectaret, si Episcopi aliquam supra illos auctoritatem contra Apostolicam institutionem usurpassent? Veruntamen nihil hujusmodi in omni antiquitate Ecclesiastica occurrit. Episcopos Presbyteris imperasse ubique, sed Presbyteros iis vel restituisse vel etiam responsasse nusquam legimus. Adeo ut Episcopalis supra Presbyteros auctoritas per aliquam multa secula in universa Ecclesia nemine contradicente obtinuerit. Imo quidem per mille & quingentos annos, nullum, præter unum Aerium ejusque Gregales quarto exeunte seculo exortos pariter atque extinctos, invenire est Presbyterum, qui se Episcopo æqualem asserere ausus est. Quod non mirum dico, sed impossibile esset, si ipsi Apostoli Presbyteranam illam, quam nonnulli hisce diebus propugnant, paritatem instituissent, vel etiam si Episcopalem illam non instituissent auctoritatem, qua omnes ubique gentium Ecclesiæ ab ipso Apostolico usque ad præsens hoc nostrum vel saltem præcedens seculum continenter administratæ fuerunt. Quam propterea qua ratione hac nostra demum ætate oppugnare, vel etiam in quæstionem vocare liceat, isti viderint, qui de hodiernis quibusdam ac particularibus, magis quam de ipsa Primitiva atque universa Ecclesia solliciti sunt.

XVIII. Hisce rationibus induciti, persuasissimum habemus, quod sicut in veteri Ecclesia Pontifex supra Sacerdotes & Levitas; in novâ primò Christus supra Apostolos & LXX. Discipulos, eoque mortuo Apostoli supra Episcopos & Diaconos: sic etiam quod illis mortuis, Episcopi supra Presbyteros & Diaconos summam auctoritatem jure divino habeant, & usque ad finem seculi habere debeant. Cùm Apostoli enim in Ecclesia propaganda ac stabilienda divinitus inspirati atque adjuti fuerint, nihilque fecerint nisi quod à Christo traditum acceperant, & nihil Christus *θεδνθρωπ* nisi quod à Deo, Quare distinguendum sit, vel quomodo distinguatur inter jus Apostolicum & Divinum, me prorsus nescire fateor. Ac proinde cum Apostoli hanc auctoritatem sibi à Christo commissam, ad Episcopos ipsorum successores transmiserint, nihil nobis rationi magis consentaneum videtur, nihil magis necessarium, quam ut ista Episcoporum supra Presbyteros auctoritas ad Divinam institutionem referatur. Nec nova quidem est hæc opinio, à nobis vel aliis, ultimis hisce diebus excogitata, eadem enim est, quam antiquissimi Ecclesiæ Patres tenuerunt, nobisque clarissime tradiderunt. Tertullianum enim, Clementem Alexandrinum & Origenem, qui omnes proximo post Apostolos seculo vixerunt, in hac fuisse sententia, supra à nobis demonstratum est. D. Cyprianum iisdem penè æqualem idem sensisse è plurimis ipsius verbis abunde constat. Episcopos enim Apostolis *vicaria ordinatione successisse* asserit. Epist. LXIX. ad Florentium Pupian. alibique de suæ ætatis Episcopis loquens, *Quoniam Apostolos, inquit, id est Episcopos & Præpositos Dominus elegit.* Epist. LXV. ad Rogatian. Hinc Episcopalem auctoritatem Ecclesia gubernanda *sublimem & divinam potestatem* vocat. Epist. LV. Hoc autem luculentissime

lentissime imprimis docet in Epistola ad lapsos, qui ipsi de usurpata pace per Paulum Martyrem data scripserunt, sic incipiente, *Dominus noster cuius praecepta metueret, & observare debemus, Episcopi honorem & Ecclesiae suae rationem disponens, in Evangelio loquitur & dicit Petro, Ego tibi dico, quia tu es Petrus, & super istam petram, &c. Inde per temporum & successionum vices Episcoporum ordinatio & Ecclesiae ratio decurrit, ut Ecclesia super Episcopos constituatur, & omnis actus Ecclesiae per eosdem prapostos gubernetur. Cum hoc itaque divina lege fundatum sit, miror quosdam audaci temeritate sic mihi scribere voluisse. Id. Epist. XXVII. ad lapsos. Hic enim verbis conceptis affirmat, hoc, ut omnis nimirum actus Ecclesiae per Episcopos gubernatur, DIVINA LEGE fundatum esse. Ut alios recentiores omittam, D. Chrysostomum, Augustinum, Hieronymum, &c. S. Athanasius vir Concilii Nicæni tempore clarissimus, ad Dracontium, qui Episcopatum fugiebat, scribens, hæc habet, Εἰ δὲ τῶν ἐκκλησιῶν ἡ ἀξίαξις οὐκ ὀρέσκει σοι, εἰδὲ νομίζεις τὸ ἐπισκοπῆς λειτουργίαν μισθὸν ἔχειν, ἀλλὰ καταφρονεῖν τῶν ταῦτα διαῖτα καὶ σωτῆρ' πεποιηκὸς πάντων, παρεκαλῶ μὴ τοιαῦτα λογίζεσθαι, μηδὲ ἀνέχεσθαι τῶν ταῦτα συμβαλλόντων· εἰ γὰρ ἀξία δρακοντίς ταῦτα, ἀπὸ οὗ κύει τὰ ἀπὸ τῶν ἀποστόλων πετύπωμα, ταῦτα καλὰ καὶ βέλτεια μένει, ἡ δὲ τῶν ἀδελφῶν δειλία παύσεται. Quod si constitutio Ecclesiarum tibi non placet, aut nullam omnino mercedem Episcopi functioni destinata arbitraris, & Servatorem, qui eam ita instituit, contemnis; oro te ne istiusmodi quid in mentem admittas, neque autores istiusmodi consiliorum sustineas. Non enim ista digna sunt Dracontio. Nam quæ Dominus per Apostolos instituit, & bona sunt & firma persistunt: Ista autem fratrum meticulositas compescitur. Athanas. Epist. ad Dracontium. Si Dominus autem Episcopalem, de qua hic loquitur S. Athanasius, functionem per Apostolos instituit, quin ea jure divino instituta, vel si D. Cypriani verbis utar, lege divina fundata fuerit, nemini dubium esse potest.*

XIX. Ex hisce igitur prælibatis concludimus, Episcopos à Domino Apostolisque ejus supra Presbyteros constitutos esse, & ab iisdem distinctos non minus quam illi à Diaconis, ac propterea tres hosce Episcoporum, Presbyterorum & Diaconorum ordines in hac Canonum Apostolicorum sylloge, distincte memorari ac recenseri potuisse, etiamsi hi Canones ab ipsis juxta Turriani sententiam, Apostolis conditi fuissent, multo magis si juxta nostram, secundo exeunte vel tertio ineunte seculo in lucem prodierint.

CAPUT XII.

Synopsis.

- | | |
|---|---|
| <p>I. <i>Canones Apost. XLVI. XLVII. LXVIII. de hæreticorum baptismo non admittendo. Quid contra eos objectum est.</i></p> <p>II. <i>Hæreticorum baptismus ante D. Cyprianum condemnatus est, & pro nullo habitus.</i></p> <p>III. <i>Quæ de Romanâ Ecclesiâ affert vir doctus sententiam nostram confirmant. Quare Donatistæ hæreticorum baptismum respuebant. S. Augustinus baptismum sine Evangelicis verbis collatum, nullum esse pronuntiavit.</i></p> | <p>IV. <i>S. Basilius hæreticorum quorumlibet baptismum repudiavit. Et Canonis Apost. XLVI. de hac re editi meminit. Qui tamen Canon de antiquis tantum hæreticis intelligendus est.</i></p> <p>V. <i>Canonibus Nicænis cum Apostolicis optime in hac re convenit. Παυλιανίσκοντες à Synodo Nicenâ quinam dicti? Eorum ordinatio aque ac baptismus exploditur.</i></p> <p>VI. <i>Hujus capituli, librique secundi Epilogus.</i></p> |
|---|---|

I. **U**LTIMUM contra utramque hujus collectionis partem argumentum hic discutiendum ex istis petit Dallæus Canonibus, qui collatum ab hæreticis baptismum explodunt. Qualis est Canon XLVI. *Episcopum vel Presbyterum, qui hæreticorum baptismum aut sacrificium admiserit, deponi jubens. Et XLVII. quo cautum est, ut Episcopus vel Presbyter, si verè baptizatum de integro baptizaverit, vel ab impiis pollutum non baptizaverit, deponatur. Et in posteriori parte sylloges, Canon LXVIII. quo dicitur, qui ab hæreticis baptizantur aut ordinantur, ut fideles vel clerici sint, fieri non posse. Contra hos Canones objicit Dallæus, quod si quæ in iis constituuntur, vera sunt, necesse est omnem jam à vetustissimis temporibus Ecclesiam in gravissimo errore versari: præsertim Romanam, quæ Stephano duce & autore, urbis circa Annum CCLIV. Episcopo, hæreticorum baptismum valere ab illo seculo ad hæc tempora constanter sensit: Et Africanam, quæ Donatistas idem cum istis Canonibus de baptismo sentientes Augustini calamo acerrime confutavit: Et Nicænam denique ipsam Synodum, quæ solos ex omnibus hæreticis Paulianistas rebaptizandos pronuntiavit. Hæc Dall. de Pseudep. lib. 3. cap. 18. p. 636. 637.*

II. Quod vero hic primo opponit vir doctus, si quæ scilicet, in his Canonibus constituuntur, vera sunt, necesse esse omnem jam à vetustissimis temporibus Ecclesiam in gravissimo errore versari, antiquitatem horum Canonum neuti-

quam

quam attingit. Etiam si enim concederemus, quod haud facile facturi sumus, baptismum ab antiquis hæreticis collatum contra ac hisce Canonibus constituitur, admitti posse, vel etiam necessario admittendum esse, minime tamen exinde consequeretur, hos Canones non secundo tertiove seculo publicatos fuisse: Nam ea quæ in illis constituuntur, istis diebus in Ecclesiâ & docta fuisse & fortissime vindicata obtinuisse pro certo habemus. D. Cyprianum enim totamque sub eo celebratam LXXXVII. Episcoporum Synodum, nullum ab hæreticis collatum esse vel conferri posse baptismum, consensisse, notius est quam ut probatione opus sit. Idem & longe ante ab Ecclesiâ definitum fuisse, ipse D. Cyprianus testatur, dicens, *Apud nos autem non nova aut repentina res est, ut baptizandos censeamus eos qui ab hæreticis ad Ecclesiam veniunt, quando multi jam anni sunt, & longa ætas, ex quo sub Agrippino bonæ memoria viro, convenientes in unum Episcopi plurimi hoc statuerint, atque exinde in hodiernum tot millia hæreticorum in provinciis nostris ad Ecclesiam conversi, non aspernati sunt, neque cunctati, imo & rationabiliter & libenter amplexi sunt, ut lavacri vitalis & salutaris baptismi gratiam consequerentur.* Cyprian. Epist. LXXIII. ad Jubajan. In antiquâ itaque plurimorum Episcoporum Synodo, multis annis, & longâ ætate ante D. Cyprianum, sub Agrippino habitâ, constitutum est illud quod in Canonibus hisce Apostolicis à Dallæo oppugnatis hodie continetur. Quod etiam ab antecessoribus suis statutum fuisse, idem iterum affirmat, Epist. LXXI. ad Quintum. Et quidem hanc fuisse Ecclesiæ disciplinam longe ante D. Cypriani ætatem, ex Tertulliano constat, qui eandem suis diebus & approbatam fuisse atque observatam passim innuit. Unde & apud nos, inquit, *Ethnico par, imo & super Ethnicum hæreticus etiam per baptismum veritatis utroque homine purgatus admittitur.* Tertull. de pudicitia cap. 19. Et alibi de hæretico loquens, *Nemo, inquit, inde strui potest, unde destruitur: nemo ab eo illuminatur, a quo contenebratur.* Id. de præscript. adv. hæret. cap. 12. Fusius adhuc clariusque libro de baptismo, ubi hæc habet, *Unus omnino baptismus est nobis tam ex Domini Evangelio quam ex Apostoli literis: quoniam unus Dominus, & unus baptismus, & una Ecclesia in cælis. Sed circa hæreticos sane quid custodiendum sit, digne quis retractet. Ad nos enim editum est. Hæretici autem nullum habent consortium nostræ disciplina, quos extraneos utique testatur ipsa adeptio communicationis. Non debeo in illis cognoscere quod mihi est præceptum, quia non idem Deus est nobis & illis, nec unus Christus, id est, idem. Ideoque nec baptismus unus, quia non idem, quem cum ritè non habeant, sine dubio non habent; nec capit numerari, quod non habetur. Ita nec possunt accipere, quia non habent.* Id. de baptismo cap. 15. Unde simul patet quare hæreticorum baptismus istis diebus rejectus esset: quoniam scilicet illis non idem ac Catholicis Deus erat, nec Christus idem: qui propterea baptismum ut à Christo institutum in nomine Patris, & Filii, & Spiritus Sancti non celebrabant, sed in nescio quæ ignota & horrenda nomina, quæ videre est apud Irenæum lib. 1. cap. 18. Et quidem cum omnes istius seculi hæretici ut Valentiniani, Hermogeniani, Praxeani, Marcionistæ, Quintillianistæ, Cataphry-

Cataphrygæ, Apelletiani, &c. in gravissimis de ipso Deo Christoque erroribus versarentur, ac proinde baptismi formam ut à Christo institutam non observarent, sed contemptui potius haberent, mirum nemini videatur quod baptismus ab iis collatus, ab Ecclesiâ Catholicâ irritus ac nullus haberetur; Nedum quod id in hisce Canonibus caveatur, qui juxta nostram sententiam istis temporibus constituti sunt, quibus ea viguit Ecclesiæ disciplina.

III. *Sed præsertim Romana, inquit vir doctus, Ecclesia, Stephano duce & authore, urbis circa annum CCLIV. Episcopo, hæreticorum baptismum valere, ab illo seculo ad hæc tempora constanter sensit.* Esto, ita sensit sentitque Ecclesia Romana: at si Stephanus circa annum Domini CCLIV. dux ei fuit, authorque hujus sententiæ, contraria sane opinio ante Stephanum in istâ etiam Ecclesiâ obtinuit, ea scilicet quæ in hisce Canonibus stabilitur. Quos propterea ante Stephani ætatem, hoc est ante tertium adultum seculum conditos fuisse, multo verisimilius est, quam ut postea conderentur, cum hæreticorum baptismus in universâ, ut Dallæo videtur, Ecclesiâ admissus est. Adeo ut ex hâc eruditi viri contra Canones Apostolorum exceptione, nostra de eorum antiquitate opinio confirmetur potius quam destruat. *Sed & Africana, inquit, Ecclesia Donatistas idem cum istis Canonibus de baptismo sentientes Augustini calamo acerrimè confutavit.* Non equidem diffiteor S. Augustinum hoc Donatistis vitio vertisse, quod ab hæreticis baptizatos ipsi denuo baptizarent, & baptizandos esse acriter contenderent, omniaque eorum argumenta refellisse, quibus hanc illi opinionem praximque suam confirmare conati sunt. Sed observandum interea est, Donatistas nomen hæretici alio usurpasse sensu, quam quo antiquitus usitatum fuerat. Isti enim omnes etiam orthodoxos hæreseos insimulare, hæreticosque appellare solebant, eo tantum nomine quod, cum Cæciliano orthodoxo Carthaginensi Episcopo communicarent. Et quandoquidem D. Cyprianus, totaque Ecclesia Africana antiquissimis temporibus istiusmodi hæreticorum, qui blasphemias de ipso Deo Christoque hæreses effutiebant, baptismum nihil valere statuisent, Donatistæ arreptâ exinde occasione ipsos etiam orthodoxos, hæreticorum nomine ab ipsis notatos, nullam apud se baptizandi potestatem habere asserebant. In quos propterea D. Augustinus vehementer merito invehit; non tamen negans, quin affirmans potius istiusmodi hæreticorum baptismum, qui non juxta Domini institutionem in Nomine Patris, & Filii, & Spiritus Sancti collatus est, invalidum prorsus & nullum esse. *Ceterum, inquit, quis nescit, non esse baptismum Christi, si verba Evangelica quibus symbolum constat, illic defuerint? Sed facilius inveniuntur hæretici qui omnino non baptizant, quam qui illis verbis non baptizant.* Aug. de baptismo contra Donat. lib. 6. cap. 25. Unde etiam suam, eundem esse apud hæreticos & catholicos asserentis, sententiam his verbis protinus exponit, *Ideoque dicimus non omnem baptismum, nam in multis idolorum sacrilegis sacris baptizari homines perhibentur, sed baptismum Christi, id est verbis Evangelicis consecratum, ubique eundem esse, nec hominum quorumlibet, & qualibet perversitate violari.* Ibid. Si qui itaque hæretici Evangelicis inter baptizandum verbis non usi sunt, eorum

eorum baptismus, ipso etiam D. Augustino iudice, non est admittendus : sed qui isthoc modo ab iis baptizati dicuntur, ad Ecclesiam Catholicam convertitè baptizari debent. Enimvero doctissimus ille Pater in eâ fuit sententiâ, quæ totam huius Sacramenti vim atque essentiam in Evangelicis verbis pronuntiandis collocat : adeo ut ubi illa desiderantur, nullus sit baptismus, illis autem prolatis verus sit baptismus, quocunque animo collatus, & quibuscunque alioquin contaminatus vitiis. *Nam certum, inquit, illa Evangelica verba, sine quibus non potest baptismus consecrari, tantum valent, ut per illa sic evacuentur quæcunque in prece vitiosa contra regulam fidei dicuntur, quemadmodum demonium Christi nomine excluditur.* Aug. ibid. Hinc alibi dicit, *Quamquam si Evangelicis verbis in Nomine Patris, & Filii, & Spiritus Sancti Marcion baptismum consecrabat, integrum erat sacramentum, quamvis ejus fides sub eisdem verbis, aliud opinantis quam Catholica veritas docet, non esset integra sed fabulosis falsitatibus inquinata.* Ibid. lib. 3. cap. 15. Unde liquet D. Augustinum non omnium generatim, sed istiusmodi duntaxat hæreticorum baptismum pro vero habuisse, qui eundem verbis illis Evangelicis consecrabant. Quod si qui non in nomine Patris, & Filii, & Spiritus Sancti baptizarent, sed in nomen ignoti Patris universorum, in veritatem omnium matrem, in Jesum qui descendit, in unionem & redemptionem, & communicationem virtutum, quomodo antiquos baptizasse hæreticos testis est Irenæus, vel etiam in nomine trium principii expertium, vel in mortem Domini, vel aliis quibuscunque verbis quam quibus Dominus baptismum ministrari præcepit, talem quidem baptismum D. Augustinus non minus quam ipse Cyprianus repudiavit. Et quidem ut recte observat S. Basilus, *τίνα ἔν λόγον ἔχει τῶν τῶν βαπτισμάτων ἐκκλησίαν τῶν βαπτιζόντων εἰς πατέρα, ἢ υἱόν, ἢ Μένανον, ἢ Περίουλλον ; ἔ γάρ ἐβαπτίσθησαν οἱ εἰς τὸ μὴ παρεξεδρομῆα ἡμῖν βαπτισθέντες.* *Quam ergo habet rationem verum eorum baptismum judicari, qui in Patrem & Filium, & Montanum vel Priscillam baptizant ? Non enim baptizati sunt, qui in ea quæ nobis non traduntur, baptizati sunt.* Basil. ad Amphil. Can. 1. Idem dicatur de omni fere veterum hæreticorum baptismo, qui vel de Deo Patre, vel de Filio, vel de Spiritu Sancto, vel de omnibus pessimè sentientes in singulorum nomina baptizare non solebant. Hinc Concilium Arelatense I. Anno Dom. CCCXIV. celebratum, in quæstione istâ de hæreticorum baptismo definiendâ cautè distinguit inter eos qui in nomine SS. Trinitatis, & eos qui aliter baptizati sunt : & priores quidem ad Ecclesiam se recipientes solâ manuum impositione admittendos, alteros vero de integro baptizandos esse statuit. *De Afris, inquit, quodâ propriâ lege suâ utantur, ut rebaptizent, placuit, ut si ad Ecclesiam aliquis ab hæresi venerit, interrogent eum Symbolum, & si præviderent eum in Patre, & Filio, & Spiritu Sancto esse baptizatum, manus ei tantum imponatur, ut accipiat Spiritum Sanctum. Quod si interrogatus, non responderit hanc Trinitatem, baptizetur.* Conc. Arel. 1. Can. 8.

IV. Sed quandoquidem de S. Basilio sermo nobis instituatur, observandum præterea est, eum, qui eodem quo D. Augustinus seculo vixit, sed senior, omnium omnino hæreticorum baptismum repudiâsse. Primo enim

inter hæreses, schismata, & illegitimos conventus distinguendum esse, & ab antiquis distinctum fuisse docet : Hæreses enim vocat quæ de ip[s]a in Deum fide ab Ecclesiâ dissentiunt : Schismata quæ ob aliquas Ecclesiasticas causas fiunt ; Illegitimos autem conventus istiusmodi appellat conventicula, quæ ab immorigeris Presbyteris, vel ab indocto populo separatim ab Ecclesiâ Catholica celebrantur : Deinde eorum quidem qui schismata aut conventicula faciunt baptismum admitti posse affirmat, non item hæreticorum, quo nomine Manichæos, Valentinus, Marcionistas & Pepuzenos vocat. Can. 1. Et de hæreticis in genere dicit, τέτοις ὃ δῆλον ὅτι ἀνὸς βαπτίσματι ἡ ἐκκλησία οὐ παρέχεται, *Clarum est autem quod tales Ecclesia non sine baptismo recipit.* Id. Can. 20. Quibus alibi accenset Encratitas, Saccophoros, & Apotactitas, dicitque ἡμεῖς μὴ τι ἐν λόγῳ ἀναβαπτίζομεν τὰς τοιαύτας, *nos autem unâ ratione tales rebaptizamus.* Id. Can. 47. Quoniam scilicet veluti Marcionistarum, inquit, germen est eorum hæresis, nuptias abhorrentium, & vinum averfantium, & Dei creaturam inquinatam esse dicentium, οὐδεὶς ἐν αὐτοῖς εἰς τὴν ἐκκλησίαν, εἰ μὴ βαπτισθῶν εἰς τὸ ἡμέτερον βάπτισμα, *Eos igitur in Ecclesiam non admittimus, nisi in nostrum baptismum baptizati fuerint.* μὴ γὰρ λεγέτωσαν, inquit, ὅτι εἰς πατέρα ἢ υἱὸν ἢ ἄγιον πνεῦμα ἐβαπτίσθημεν, οἷον κακῶν πιητῶν ὑποπθήμενοι τὸ θεὸν ἐφαμίλλωμεν τῷ Μαρκίωνι, ἢ τοῖς λοιποῖς αἰρέσεσιν. *Ne dicant enim in Patrem, Filium, & Spiritum Sanctum baptizati sumus, qui quidem Deum malorum esse effectorem existimant, instar Marcionis & reliquarum hæresium.* Unde constat S. Basilium alia atque Augustinum opinione ductum fuisse, quod & istorum scilicet hæreticorum baptismus repudiandus sit, qui licet Evangelicis in baptizando verbis usi sunt, de Deo tamen male sentiunt. Quam quidem opinionem ex his ipsis quos sub manibus habemus Canonibus Apostolicis hausisse videtur, ut qui hæreticorum in genere baptismum respuentes, doctissimo Canonumque Ecclesiasticorum observantissimo viro occasionem suspicandi præbuerunt, nullum plane eorum qui Catholicæ de Deo Ecclesiæ dogmata impugnant, admittendum esse baptismum. Quod eo facilius inducor ut credam, quod idem sanctissimus Pater Ecclesiasticorum de hac re editorum Canonum mentionem faciat, in primo ipsius ad Amphiloichium Canone : & in quadagesimo septimo mox ante cirato, necesse dicit, ut si aliter se res habere existimetur, Canon Ecclesiæ ab Episcoporum Synodo exponatur. ὥστε εἰν, inquit, ἀρέσῃ τῷτο, δὲ πλείονας ὑπιστάμεν ἐν ταύτῳ γενέσθαι, ἢ ὅπως ἐκθέσθαι τὸ κανόνα, ἵνα ἢ τῷ πῶς ἂν τὸ ἀκίνδιον ἦ, ἢ ὁ ὁποιοῦν μένῃ τὰ ἀξιώματα ἔχῃ ἐν τῇ τοῦ τῶτων ὁποιοῦσιν. *Quamobrem si hoc placuerit, oportet plures convenire Episcopos, & sic Canonem exponere, ut & is qui fecit, sit extra periculum, & qui responderet, in responsione de his fide dignus habeatur.* Hinc enim liquet Ecclesiasticum aliquem istis diebus extitisse Canonem, quo sub pœnâ sancitum fuit, ne quis Episcopus aut Presbyter hæreticorum baptismum susciperet. Qualis quidem est Canon Apost. XLVI. Episcopum & Presbyterum hæreticorum baptismum suscipientes depositioni subjiciens, juxta quem propterea nemo extra periculum sit, qui id facit. Cumque alius in omni antiqui-

antiquitate hujusmodi non extet Canon, S. Basilius hunc ipsum Apostolicum, cum ista scribebat, præ oculis habuisse, nobis merito videtur. Tantæ porro apud piissimum hunc Patrem autoritatis fuit hic antiquus Canon, ut nihil contra latissimum illius sensum sine Episcoporum Synodo tentari velit. Adeo ut baptismum ab omnibus suæ etiam ætatis hæreticis ministratum pro nullo habendum esse doceat, quoniam nimirum hic Canon hæreticorum in genere baptismum repudiat. Verumenimvero Canon longe strictiori proculdubio sensu accipi potest, atque etiam debet. Cum secundo enim seculo vel tertii saltem initio conditus fuerit, tales duntaxat hæretici in eo intelligendi sunt, quales istis diebus exorti fuerant. Neminem autem istis seculis hæretici nomine notatum invenimus præter eos qui pestiferis & blasphemis de Deo Patre, vel Filio, vel Spiritu Sancto opinionibus imbuti erant: quique propterea baptismum juxta Dominicum præceptum in nomine Patris, & Filii, & Spiritus Sancti ritè & Catholicè conferre non poterant. Ac proinde Canon de omnibus qui ob alias rationes postea hæreseos insimulati sunt, proprie intelligi non potest: sed de iis tantummodo qui priorum, quibus constitutus est, seculorum hæreticis similes sunt. Quales paucissimi post quartum seculum exorti sunt. Utcunque è prædictis satis superque constat argumentum è S. Augustino prolatum nihil contra autoritatem, nedum contra antiquitatem horum Canonum valere, præsertim cum ei S. Basilius opponamus, idem quod hisce Canonibus latissimè sumptis constituitur, acerrimè defendentem.

V. Quod denique ad Nicænam spectat Synodum, miror quid erudito viro acciderit, ut eam etiam in gravissimo errore versari assereret, si quæ his Apostolicis Canonibus constituuntur, vera sunt. Nihil enim apertius esse potest, quam Canonibus Nicænis cum Apostolicis de rejiciendo hæreticorum baptismi optimè convenire. Ut Canones enim Apostolici omnium generatim hæreticorum qui duobus primis æræ Christianæ seculis exorti sunt, baptismum explodunt, eosque qui ab istis baptizati sunt, si ad Ecclesiam Catholicam convertantur, de integro baptizandos esse decernunt. Sic etiam Patres Nicæni de Paulianistis, qui antiquis istis hæreticis simillimi suis deum ipsorum diebus Ecclesiam infestabant, speciatim constituunt, ut conversi denuo baptizentur. Περὶ τῶν, inquit, Παυλιανισάντων, εἴτε πρὸς Φυγόντων τῇ καθολικῇ ἐκκλησίᾳ ἢ ἐκπέσειν, ἀναβαπτίζεσθαι αὐτοὺς ἐξ ἀπαιτοῦ. *De Paulianistis, qui ad Catholicam demum Ecclesiam confugerunt, statutum est, ut ii omnino rebaptizentur.* Syn. Nic. Can. 19. Quid quæso in hoc Nicæno Canone Apostolicis contrarium? Annon idem plane hic de quarti seculi, quod ibi de primi & secundi hæreticis constituitur? Quin imo, inquit vir doctus, *Synodus Nicæna solos ex omnibus hæreticis Paulianistas rebaptizandos pronuntiavit.* Quid ita amabo? an quod solos Paulianistas nominet? id enim dicendum est. At qui Paulianistas rebaptizandos pronunciarunt, eo quod antea haud ritè vel non omnino potius in Christianam fidem baptizati fuerant, iidem sane omnium qui Paulianistis similia vel pejora sentiebant, hæreticorum baptismum frustraneum & nullum fuisse, eodem halitu pronun-


erant. Paulianistas enim nominatim baptizandos esse decernunt, non quod isto nomine nuncupati, sed propterea quod Pauli Samosatēni hæresi infecti essent; æternam Christi divinitatem negantes, eumque nudum esse hominem ore blasphemo prædicantes. Hanc enim impiam fuisse Pauli Samosatēni opinionem in Annotationibus ad hunc Nicænum Canonem fuse probatum dedimus. Unde etiam constat, eum antiquam Artemonis & Theodoti hæresin renovasse, ut observat etiam Eusebius, Hist. Eccl. lib. 5. cap. 28. Cum ex antiquis igitur istis, quorum baptisma in Canonibus Apostolicis rejectum est, hæreticis nonnulli sub Paulianistarum nomine Synodi Nicænæ tempore inventi essent ad Ecclesiam Catholicam confugientes, Synodus recognita, eos vero Christi baptismo recipiendos esse decernit, antiquos scilicet renovans & consummans Canones in eos qui antiquas hæreses in istis Canonibus damnatas renovabant: in omnes nimirum Παυλιανιστάς, *Paulianizantes*, hoc est qui vel easdem quas Paulus Samosatēnus vel similes opiniones amplexi sunt. Sub quo propterea nomine non modo Pauli istius, verum & Theodoti, Sabellii, aliorumque hæresiarcharum affectæ comprehensi sunt: omnes scilicet qui Christi divinitatem, & personarum in divinâ naturâ Trinitatem negantes, baptismum juxta Domini præceptum in nomen Patris, & Filii, & Spiritus Sancti ritè administrare non poterant. Quorum propterea baptismus jure meritissimo repudiatur. Et si quidem Patres Nicæni hoc de Paulianistis decretum ediderint, nemini dubium esse potest, quin omnes etiam antiquos hæreticos ut Valentinianos, Basilidianos, Marcionistas, Cerinthianos, Docetheanos, Carpocratianos, Cataphrygas, Quintillianistas, Praxeanos, Hermogenianos, aliosque, qui duobus prioribus Christianismi seculis Paulianistas similes, vel, si fieri potuit, pejores de Deo Christoque opiniones effutiebant, Synodus Nicæna nominatim baptizandos pronunciasset, si istis iterum diebus erupissent. Eadem enim fuit de omnibus istiusmodi hæreticis eorumque baptismo, quæ de Paulianistis ratio. Sed observandum præterea est Canonem istum Nicænum æque ac Apostolicos ordinationem non minus quam baptismum hujusmodi hæreticorum repudiasse. Quemadmodum enim Canon Apost. LXVIII. dicit, τὰς ἀπὸ τῶν πλάτων βαπτισθέντας ἢ χειροτονηθέντας, ἔτε πρὸς, ἔτε κληρικὸς εἶναι δυνατὸν. *Qui enim ab iis baptizati aut ordinati sunt, ut fideles vel clerici sint fieri non potest.* Sic etiam Canon Nicænus de Paulianistis ait, quod si qui apud eos tempore præterito in Clericorum numero erant, siquidem à culpâ & reprehensione alieni visi fuerint, ἀναβαπτισθέντες χειροτονείσθωσαν ὑπὸ τῆ καθολικῆς ἐκκλησίας ἐπισκόπου, *re-baptizati ordinentur à Catholica Ecclesia Episcopo.* Unde non modo constat, Patres Nicænos idem atque Canones Apostolicos de istiusmodi hæreticorum baptismo & ordinatione sentisse, verumetiam exinde suspicari licet decretum hoc Nicænum, nihil aliud esse quam Canones Apostolicos Paulianistis accommodatos, & de iis speciatim expositos. Cum Canones enim Apostolici antiquorum generatim hæreticorum baptismum atque ordinationem nihil valere decrevissent, alique post istorum Canonum editionem exorti sint hæretici, Paulianistæ dicti, antiquis illis simillimi, Synodo universali

necessa-

neceſſarium viſum eſt, veteres illos de hæreticis in genere loquentes Canones, de Paulianiſtis poſtea exortis in ſpecie explicare, & ſancire, ut juxta quod antiquitus ſtatutum fuerat, iſtorum etiam tam baptiſmus quam ordinatio, nullo in numero habeatur. Patet ſaltem quod Canonum Apoſtolicorum non tantum antiquitas, ſed & autoritas ex hoc Nicæno iis conſentiente uſque adeo non evertitur, ut egregie potius confirmetur.

VI. Poſthæc clariffimus vir alia nonnulla contra utramque Canonum Apoſtolicorum partem argumenta profert, de Pſeudep. lib. 3. cap. 19. 20. Quorum primum ex eo petit, quod hæc Canonum ſylloge non fuerit à veteri Eccleſia in Canonem ſcripturarum Apoſtolicarum relata. Hoc autem non noſtram ſed Turriani tantummodo ſententiam perſtringit, hos Canones ab ipſis Apoſtolis conditos aſſerentis. Alterum argumentum ex eo ſumitur, quod non fuerunt iſti Canones Eccleſiaſticorum Canonum Codici inſerti à veteribus, de quâ re in primo hujus tractatus libro uſe à nobis diſputatum eſt. Ultimo autem contra ipſam horum Canonum antiquitatem ex eo diſputat, quod omnes, ut inquit, iſti Canones omnibus quatuor priorum ſeculorum Chriſtianis ignoti fuerint, quodque à nullo iſtorum temporum ſcriptore uſpiam memorati reperiantur. De hoc autem toto præcedenti libro diſſerui-
mus, & non modo hoſce Canones à quamplurimis iſtorum temporum ſcrip-
toribus memoratos graviffimis ipſorum testimoniis offendimus, verum iſta
etiam testimonia ab omnibus tam Dallæi quam Obſervatoris exceptionibus
vindicavimus. Proinde non opus eſt, ut hiſce argumentis aliud hoc in loco
reſponſum detur.

Finis Libri Secundi.



CODICIS CANONUM ECCLESIAE PRIMITIVÆ

Vindicati ac Illustrati LIBER TERTIUS.

C A P U T I.

Synopsis.

- | | |
|---|---|
| <p>I. <i>Canon Apost. LXIX. de Quadragesimali, necnon quartæ, sextæque feriæ jejunio, hoc libro vindicatur.</i></p> <p>II. <i>Jejunium Quadragesimale ante An. Dom. CCCLXX. passim celebratum fuisse, ipse fatetur Dallæus. Idem ante An. D. CCCLXV. observatum fuisse, è Synodo Laodicensi probatur.</i></p> | <p>III. <i>Synodus Nicæna Quadragesimam, non minus quam Autumni tempus, ubique & omnibus notam supponit.</i></p> <p>IV. <i>Id ipse Dallæus negare nequit. Quod nostræ de Canonum Apostolicorum antiquitate opinioni vindicanda satis est.</i></p> |
|---|---|

I. **E**TIAMSI Dallæus contra totam Canonum Apostolicorum collectionem stylum suum exercuerit, id tamen paucorum tantum gratia fecisse videtur. E quorum numero nonus supra Sexagesimum jure merito censeatur: quippe qui de jejunio Quadragesimali, de quartæ item & sextæ feriæ jejunio agit, quæ primitivæ Ecclesiæ incognita prorsus, vel saltem non religiose observata fuisse, ille in singulari libro demonstrare conatus est. Hanc itaque quæstionem, quatenus Canones Apostolicos attingit, nos summa qua possumus brevitate expedire moliemur. Canon autem de hac re
agens

agens sic jubet, Εἰ τις Ἐπίσκοπος, ἢ πρεσβύτερος, ἢ Διάκονος, ἢ ἀναγνώστης, ἢ ψάλτης, τιτὼ ἀγίαν πεσαραγκοσὴν ἢ πάχα εἰ νηστεύει, ἢ περὶ δα ἢ παρὰ σκόδῳ, καθαιρεῖσθαι ἑαυτὸς εἰ μὴ δι' αἰσθύνειαν σωματικῶν ἐμποδίζοιτο· εἰ δὲ λαϊκὸς εἴη, ἀφορεῖσθαι. *Si quis Episcopus, vel Presbyter, vel Diaconus, vel Lector, vel Canior, Sanctam Pascha Quadragesimam non jejunat, vel quartam vel parasceven, deponatur, praterquam si propter imbecillitatem Corporalem impediatur. Si sit vero Laicus, segregetur.* Can. Apost. 69. Hunc Canonem Ecclesiæ Primitivæ moribus ac institutis per omnia consonare contendimus. Cùm autem duabus constet partibus, quarum una de Quadragesima, altera de quarta & parasceve agit, nos sigillatim de iis disputabimus, à jejunio Quadragesimali, ut prius hic nominato, ordientes.

II. Primo autem jejunium quoddam plurium ante Paschalem festivitatem hebdomadum, ante septuagesimum quarti seculi annum, vulgo, & passim ab Ecclesia celebratum fuisse, ex D. Ambrosii, Basilii M. Cyrilli Hierosolymitani, Epiphani, Gregorii Naziarzeni, & Nysseni, Chrysostomi, Augustini, Hieronymi, Theophili Alexandrini, aliorumque, qui ante prædictum vixerunt annum, opusculis, & commentariis usque adeo constat, ut ipse etiam Dallæus illud negare nequeat, sed tantorum virorum testimoniis victus, ingenuè confessus est, in singulari isto libro, quem *de jejuniiis & quadragesima* edidit, lib. 3. cap. 10. Quo quidem libro cum se totum contra jejunia Ecclesiastica opposuerit, omniaque congesserit argumenta, quæ eorum antiquitatem quovis modo elevare videantur, istum imprimis in hac discutienda controversia conulamur, & objectionibus ibidem allatis respondeamus necesse est, si hunc Apostolicum Canonem ea qua par est fidelitate vindicare velimus. Quæ enim in libro de Pseudepigraphis hucusque citato ad hunc Canonem objecit, pauca, vel potius nulla sunt eorum respectu, quæ in peculiari isto tractatu, toto de jejuniiis conscripto, ex omni antiquitate corradere, omnem pro virili machinam adhibuit. In hoc ipso autem libro, capite supra laudato, ingenuè, ut diximus, confessus est, Quadragesimam ante Annum CCCLXX. passim celebratam fuisse. Ob quam quidem concessionem nullas ei debemus gratias, quandoquidem non modo Patres à nobis recensiti illud sæpenumero asseruerint, verumetiam Synodus Laodicensa extra controversiam posuit; utpote quæ & Quadragesimæ, & plurium è quibus constitit hebdomadum sæpe meminit. Edicit enim ὅτι εἰ δὲ τῇ πεσαραγκοσῇ ἄρτον προσφέρειν, εἰ μὴ ἐν σαββάτῳ καὶ κυριακῇ μόνον. *Quod non oportet in quadragesima panem offerre, nisi Sabbato, & dominica tantum.* Syn. Laod. Can. 59. Item, Ὅτι εἰ δὲ μετὰ δύο ἑβδομάδας τῇ πεσαραγκοσῇ δέχεσθαι εἰς τὸ φώσμα. *Quod non oportet post duas Quadragesima hebdomadas ad baptismum admitti.* Can. XLV. Item, Ὅτι εἰ δὲ ἐν πεσαραγκοσῇ τῇ ὑστερᾷ ἑβδομάδι τιτὼ πέμπτῳ λύειν, ἢ ὅλῳ τιτὼ πεσαραγκοσὴν ἀιμάζειν, αἰδὼ δὲ πᾶσαν πεσαραγκοσὴν νηστεύειν ξηροφαγῶντας. *Quod non oportet in Quadragesima postrema septimana quinta ferie jejunium solvere, & totam quadragesimam dehonestare. Sed oportet totam quadragesimam jejunare aridis vescentes.* Can. L. Ne nuptiæ denique, nec natalitia in quadragesima celebrentur, jubet.

Can.

Can. LI. LII. In quibus, ut videre licet, Canonibus, non tantum Quadragesima in genere, sed & secunda, necnon ultima Quadragesimæ septimana commemoratur. Unde clarissimè conficitur, Quadragesimam in plures septimanas distributam, totamque Synodi istius tempore religiosè admodum observatam fuisse. Habita est autem Synodus ista Laodicensis juxta opinionem nostram in Annotationibus explicatam Anno circiter CCCLXV. Dallæus anteriorem aliquantulum facit, in Annum circiter CCCLX. eam conjiciens. Ac proinde diffiteri non potuit, quin Quadragesima quarto saltem præcipiti seculo passim celebrata fuerit. Quod etiamsi nostræ de Canonibus Apostolicis opinioni confirmandæ non sufficiat, ex eo tamen colligere est, illud quod in præsentī Canone constituitur, in Ecclesia obtinuisse, longe ante quintum aduſtum seculum, quo Dallæus hanc collectionem primo consarcinatam esse contendit.

III. Quod si jejunium Quadragesimale quarto labente seculo, ipso etiam Dallæo judice, usu publico receptum fuerit, vix dubium esse potest, quin eodem ineunte in Ecclesia celebratum esset. Nihil enim in omnibus, quæ habemus, istius seculi monumentis occurrit, unde suspicari licet, hunc ritum isto demum currente, nondumque adulto seculo primum institutum fuisse, & ab Ecclesia susceptum. Si quid enim hujusmodi occurrisset, Dallæus, qui nullum non movit lapidem, quo jejunii hujus antiquitatem everteret, illud procul omni dubio lætus protulisset. Quod tamen nullus fecit. Sed nihilominus *profiteri ausus est*, ut ipse ait, *non videri quadragesimam in publico Christianorum usu ante Synodum Nicenam, hoc est, ante Annum Domini CCCXXV. extitisse.* De jejun. & quadrag. lib. 3. cap. 9. Hoc ille totidem verbis profitetur. Quo tamen nihil inconsideratius, nihil falsius efferri potuit: ut ex ipsa illa Synodo Nicæna videre est: quippe quæ Canone quinto duas quotannis in unaquaque Provincia Synodos ad Ecclesiasticas lites componendas celebrari jubens, tempeſtates quibus celebrandæ sunt, his verbis definit. Αἱ δὲ συνόδοι γινέσθωσαν, μία μὲν πρὸ τῆς πενταετηστείας ἵνα πάσης μισροφυχίας ἀνακαμψύης, τὸ δῶρον καθαρὸν προσφέρῃται τῷ Θεῷ: δὲ δεύτερη δὲ κατὰ τὸν ἔμ μετοπώρα καιρόν. Synodi autem fiant, una quidem ante quadragesimam, ut omnibus animi sordibus sublatis, purum munus Deo offeratur. Secunda autem circiter autumnī tempus. Ex his autem verbis vel cæcus videat, Quadragesimam istis diebus æque cognitam fuisse atque ipsum Autumni tempus, ut cui hic opponitur. Omnes saltem Patres, qui huic Synodo intererant, in hoc primæ anniversariæ Synodi constituendo tempore, non potuissent convenire, nisi Quadragesimam in suis cujusque Provinciis quotannis celebratam fuisse probè nossent. Illi autem ex omnibus promodum, tunc dierum cognitīs terræ Provinciis in hanc Synodum congregati sunt. Ex Ægypto, Thebaide, Libyâ, Palæstinâ, Syriâ, Arabiâ, Mesopotamiâ, Perside, Ciliciâ, Cappadociâ, Armeniâ, minori majorique, Ponto Polemoniaco, Paphlagoniâ, Galatiâ, Asiâ Proconsulari, Lydiâ, Phrygiâ, Pisidiâ, Lyciâ, Pamphylîâ, Insulari, Cariâ, Isauriâ, Cypro, Bithyniâ, Europâ, Daciâ, Mysiâ, Macedoniâ, Achaiâ, Thessaliâ, Calabriâ,

briâ, Africâ, Dardaniâ, Dalmatiâ, Pannoniâ, Galliis, Gothiâ, & Bosphoro, ut ex Actis patet. In omnibus ergo his Provinciis, adeoque per omnem ferè terrarum orbem, ubi Christiana religio colebatur, Quadragesimam cognitam, observatamque fuisse ante hanc Synodum Nicææ coactam, unus hic Canon ab eadem editus fidem plenissimam facit. Et si quæ aliæ essent Provinciæ sive Ecclesiæ, quæ nullos ad hanc Synodum Episcopos miserant, istis etiam Quadragesimæ non minus quam Autumni tempus notum esse Synodus hoc in loco pro concessio sumit. Cavetenim ut hæc duo Concilia dictis temporibus καθ' ἐκάστην ἐπαρχίαν quotannis habeantur. Καλῶς, inquit, ἔχεν ἔδοξεν, ἐκάστη ἐνιαυτῷ καθ' ἐκάστην ἐπαρχίαν δις ἡ ἑτάς σινοδὸς γίνεσθαι. Adeo ut omnes ubicunque constitutæ Ecclesiæ hoc decreto obstringerentur. Quomodo autem hoc fieri potuit, si Quadragesima, ante quam una ex hisce Synodis perpetuo celebranda erat, nondum cognita esset, prius quam prima hæc universalis Synodus Canonem istum divulgaret? Vel quis eo credulitatis pervenit, ut fidem Dallæo habeat, asserenti, profitenti, vel etiam juranti Quadragesimam in publico Christianorum usu ante Synodum Nicænam non extitisse, cum ipsa Synodus Nicæna ejusdem ut certæ anni tempestatis, omnibus & ubique cognitæ mentionem fecerit? Quam ridiculum enim & absurdum fuisset, præcipere, ut Synodus καθ' ἐκάστην ἐπαρχίαν ante Quadragesimam quotannis cogeretur, nisi ipsa etiam Quadragesima καθ' ἐκάστην ἐπαρχίαν celebrata fuisset? Quod si omnes ubicunque Provinciæ Quadragesimam antea celebrassent, atque ita pro comperto habuissent, quo anni tempore prima hæc anniversaria Synodus juxta decretum Nicænum convocanda esset (quod quidem ex hoc ipso Canone certissimum efficitur) cuinam unquam cauto prudentique viro persuadebit Dallæus Quadragesimam ante ipsam hanc Synodum in publico Ecclesiæ usu non extitisse? Si talis quidem tamque diserta universalis Concilii Sanctio, quæ Quadragesimam omnibus notam & percelebratam fuisse pro certissimo sumit, eam nihilominus ante extitisse non probet, de veteris Ecclesiæ moribus frustra contendimus. Prorsus enim impossibile est, ut quivis ritus ab Ecclesia primitiva usitatus, dicam & quodvis antehac actum, dilucidiori, fortiorive argumento adstruatur.

IV. Verum Dallæus etiamsi loco ante citato de Quadragesima in genere tanquam ante Nicænam Synodum prorsus incognita loquatur, se tamen postea recolligens, Canonemque Nicænum attentius, ut opinor, inspiciens, limitationem necessario adhibendam esse vidit. Negare enim non potuit, quin Quadragesima, ut hoc Apostolico Canone memorata, ante extitisset vulgo cognita: Sed negat tantummodo talem antea extitisse Quadragesimam, qualis à Romana, aliisque hodie Ecclesiis celebratur, quadraginta scilicet dierum. Sed neque ipse, inquit ille, *Nicæna Synodi Canon, si penitus inspicatur, ad firmandam istorum quadragesimam sufficere videtur.* Fatetur itaque, *Quadragesimam*, etsi non *istorum* hoc Nicæno Canone firmatam esse. Quod quidem nobis causæque nostræ abunde sufficit. Apostolicus enim, quem defendimus, pariter atque Nicænus Canon de Quadragesima tantum

generatim agit, non de hac vel illa, ut ab Ecclesia aliqua particulari celebrata. Contra quem nihilominus perinde disputat vir doctissimus, ac si illud statuisset quod omni antiquitati incognitum plane esset, & inauditum. *Contra vero inquit, hunc antiquitati ignotum fuisse Canonem rectè ex eo concluditur, quod & vetustissimi Quadragesimam minime observarent tribus prioribus Christianismi seculis.* Dall. de Pseudep. lib. 3. cap. 13. p. 378. Qua ratione hoc affirmarit, non video, cum ipse diffiteri nequeat, Synodum Nicænam quarto ineunte seculo coactam de Quadragesima tanquam omnibus cognita atque observata meminisse, ut illud enim quarto ineunte seculo omnibus observaretur, quod tribus prioribus minime observatum fuerit, sapientis cujusque fides ut incredibile prorsus & absurdum respuit. Adeo ut si aliud non suppeteret argumentum, hoc ipsum à primo generali Concilio editum decretum, aliqualem ante istam Synodum observatam fuisse Quadragesimam luculentissime demonstraret. Quod quidem Apostolicum hunc Canonem à novitatis suspicione est vindicando; quippe qui quadragesimæ eodem plane quo iste Nicænus modo, sub simplici scilicet τῆς πεντηκωστής nomine mentionem faciat. Qualis autem Quadragesima in Canone vel Nicæno, vel Apostolico intelligenda sit, & utrum talis fuerit, qualem Bellarminus, Perronius, alique quos oppugnat Dallæus, defendunt, nihil est quod nos laboremus, qui non de Romana sed Primitiva Ecclesia disputamus.

C A P U T I I.

Synopsis.

I. *Quadragesimam à Syn. Nic. memoratam unius, vel duorum, vel ad summum sex dierum fuisse opinatur Dallæus, eamque opinionem duabus conatur firmare rationibus: quibus respondetur. Quid per purum munus isto tempore oblatum intelligendum sit.*

II. *Eodem quo habita est Synodus Ni-*

cæna seculo, quadragesimam XL. dierum fuisse, ex D. Ambrosio, Gregorio Nazianzeno, aliisque demonstratur.

III. *Exinde Quadragesimam à Synodo Nic. memoratam XL. dierum fuisse legitime concludatur.*

IV. *Idem ex ipsa voce πεντηκωστή à Synodo usitata evincitur.*

I. **A**T Videamus tamen nihilominus qualem in Nicæno Canone Quadragesimam sibi fingat eruditus vir. Fatetur equidem hoc nomine id jejunium intelligi, quod ante Pascha passim omnibus celebrari solebat, quod τῷ νηστειῶν & πέντηκα vocat Clemens, Gangrensis vero Synodus eodem fere quo Nicæna habita tempore, τὰς πεντηκωστήας

νηστίας

νηστίας εἰς τὸ κοινόν, ἢ φυλακασμῆς ὑπὸ τῆ ἐκκλησίας, *Tradita in commune jejunia, & ab Ecclesia observata.* Quæ denique Constantinus apud Socratem τὰς ὁρισμέναις νηστίαις, *Jejunia definita* appellat. An vero hoc jejunium, inquit vir doctus, quod hæcenus unius, vel alterius diei, aut sex ad summum dierum fuerat, tunc temporis quadraginta dierum fuerit, non definit Synodus. Imo non fuisse quadraginta dierum vero propius videtur. Hæc est Dallæi de *Quadragesima* à Canone Nicæno memorata opinio, quod scilicet etiam si vocetur, non tamen erat *Quadragesima*, sive *Quadragesima* dierum jejunium, sed jejunium unius vel alterius, vel ad summum sex dierum. Dall. de jejun. & quadrag. lib. 3. cap. 9. Jejunium igitur antepaschale Synodi Nicænæ tempore celebratum, & ab eadem Canone supra laudato indicatum fuisse fatetur. Sed affirmat tantummodo hoc non quadraginta fuisse dierum, sed incerti, nescit quantilli, sed longe minoris numeri. Cum vero Synodus jejunium istud τὴν πεντηκостὴν dilerte nominet, non sine causa veritus est vir doctus, ut hæc assertio fidem apud lectorem inveniat, nisi certissimis rationibus suffulciatur. Quales tamen ille nullas proferre potuit. Dicit tantum primo, *Si fuisset illud quadraginta dierum jejunium plane incommodum accidisset cogi ante Quadragesimam Provinciales omnes Synodos, quod jubent Patres.* Illæ enim Synodi in medium Februarium plerumque incidissent; *Quod anni tempus ob dierum brevitatem, itinerumque difficultatem parum est, ut liquet, ad habendos hujusmodi conventus opportunum.* Nimirum ac si sanctissimi Patres Nicææ congregati in condendo hoc de Provincialibus Synodis decreto, de dierum quantitate, de qualitate viæ, aliisque istiusmodi minutissimis rebus solliciti fuissent, quæ nullius plane momenti sunt, cum magna Eccl'esiæ negotia tractantur. Si hæc iis curæ fuissent, media potius ætate unam saltem ex anniversariis Synodis celebrari præcepissent. Illud enim anni tempus ob dierum longitudinem itinerumque facilitatem longe opportunius videretur. Sed neutram tamen ætate, sed primam quidem ante Quadragesimam, alteram Autumni tempore habendam esse decernunt. Quin ipsi etiam unam sexcentis istiusmodi argutiis præponderantem rationem reddiderunt, quare unam è Synodis ante Quadragesimam haberi voluerunt, ut *Sublata scilicet omni similitate purum Deo munus offeratur.* E quibus tamen verbis, quod mirum est, Dallæus alterum suum fabricatus est argumentum, quo probaret Quadragesimam hoc loco non esse Quadragesimam sive Quadraginta dierum jejunium. Nicæni enim Patres statuunt unam ante Quadragesimam celebrandam esse Synodum ἵνα πάσης μικροψυχίας ἀναίρεσθῇ τὸ δῶρον καθαρὸν προσφέρηται τῷ Θεῷ, *ut omni similitate ac dissensione sublata, purum munus offeratur Deo.* Id vero, inquit vir doctus, qui fieri potuit non equidem video, si sex septemve hebdomadas Synodi initia à paschali festo absuerint. Quid ita quæso? Annon *purum Deo munus* in Quadragesima æque ac in Paschali festo offeratur? Nicæni profecto Patres hoc in loco non omnino de munere aliquo in Paschali festivitate offerendo, quo tota argumenti Dallæani vis fundatur, sed de ipso jejunio Quadragesimali loquuntur, quod ritè celebratum, *munus Deo oblatum* vocant, eo quod per istud tempus se sinceræ pro peccatis antea actis

contritioni, orationibus, eleemosynis, vigiliis, vel, ut semel dicam, Deo in omnibus, quoad fieri potuit, accuratissime colendo, totos devoverent. Quod quidem Deo gratissimum fuisse munus, nemo, ut opinor, inficias eat. Hoc igitur Canone cautum est, ut una quotannis Synodus Provincialis ad omnes componendas lites ante Quadragesimam habeatur, ne pietatis exercitia per subsequentem quadragesimam obeunda, odio ac mutua inter fratres dissensione contaminentur: Sed sublatis omnibus simulatibus totum ita transigatur jejunium, ut purum sit munus Deo oblatum. Velut Paraphrastes Arabicus hæc Canonis verba explicat, *Et prima quidem tempestas quæ est ante magnam sanctumque jejunium constituitur, ut pax sit atque amicitia inter cœtum, quemadmodum diximus, sintque in cordibus suis à Diabolicis cogitationibus puri, & Angelorum ad instar cordibus purorum sanctificati, & odia in sancto jejunio ex Ecclesia Dei tollantur, & sic puras Deo oblationes offerant.* Joseph. Ægypt. in Syn. Nic. Can. V. Et Patres quidem Nicæni hoc loco aperte adeo de ipso jejunio quadragesimali, totoque per istud constructo operum sacrorum corpore sub muneris Deo oblato nomine loquuntur, ut satis mirari nequeam, quo demum fato in mentem Dallæo venerit, hæc Canonis verba de munere in Paschali celebritate offerendo interpretari, de Eucharistia scilicet tunc temporis celebranda. Præsertim cum si hoc etiam ei demus, munus videlicet Eucharisticum hoc loco intelligendum esse, nihil ex eo consequetur. Hoc enim munus non solum in festo Paschali, sed per totam etiam Quadragesimam, dominicis saltem & forte etiam Sabbatis, istis temporibus offerri solebat: ut è Synodi Laodicensæ Canone LIX. constat.

II. Nihil est ergo quod Quadragesimam, in Canone Nicæno memoratam, paucis tantum ante Pascha diebus inchoatam fuisse arbitremur. Multa potius suadent illud quadraginta fuisse dierum jejunium. Enimvero nihil dubii esse potest, quin Patres Nicæni per *Quadragesimam* tale significant jejunium antepaschale, quod in publico Ecclesiæ usu tunc temporis erat, vulgoque celebrabatur. At eodem quo habita est ista Synodus, labente seculo, antepaschale hoc jejunium quadraginta dies passim vulgoque peragebatur, ut è plurimis ac indubitatis seculi istius monumentis patet. Nam D. Ambrosius paucis post Synodum istam annis natus, & ante elapsum illud seculum denatus, non modo in sermonibus, qui dubiæ nonnullis fidei videntur, verumetiam in genuinis ac indubitatis suis opusculis, quadragesimæ, ut jejunii quadraginta dies celebrati, frequentem mentionem fecit. Ut in libro de Noe & Arca, *Ut nunc jam, inquit, non pœna præscripti sunt dies quadraginta, sed vite: ut hoc numero jejuniis & orationibus crebrioribus nostrorum levemus supplicia peccatorum, atque ad decreta legis inuncti devotione ac fide nostrum corrigamus errorem.* Itaque per Domini resurrectionem quadragesimus dies jam non habetur novissimus sed primus. Ambros. de Noe & Arca cap. 13. Et alibi, de quadraginta diebus tanquam mystico numero loquens ait, *Tot jejunio dierum Domini nobis in Evangelium patefuit ingressus. Unde si quis Evangelii gloriam, fructumque resurrectionis epiat adipisci, mystici jejunii prævaricator esse non debet: quod & in lege Moyses, & in Evangelio suo Christus* utriusque

piriusque Testamenti autoritate præscripsit fidele virtutis esse certamen. Id. in Evangel. Lucæ lib. 4. Iisdem fere diebus Gregorius Nazianzenus se quadraginta jejunasse dies in carminibus suis εἰς τὴν ἐν νηστίας σιωπῇ testatur, sic incipientibus.

Ἰσχεο γλῶσσαι φίλη, σὺ δέ μοι γράφεις ἡγερέφει σῆς
 ῥήματα, καὶ φθέγξῃ ὁμμασι τὰ κρεδῖς.
 Ἦνικα σάρκα ἐδῆσα Θεῷ βροτέοις παθέεσσι
 Μύσῃ ἄγων ἡσίλω, ὡς καὶ ἰάνω βιότῳ.
 Ἦμασι πεσασθέντα νόμοις Χρῆστῷ βασιλῇ,
 Εὐτε καὶ χειρομύθοις σάμασιν ἔσπελ' ἀκῶ.

*Lingua file, mutam at vocem mea penna tabellis
 Scribe, oculisque animi concine sensa tui.
 Cum carnem astringi, cupiensque occumbere mundo,
 Supplicis Christi mystica sacra tuli.
 Vicinis, ut Christi lex fert, totidemque diebus
 Purgata carni cum medicina venit.*

Sanctus quoque Hieronymus, qui eodem labente seculo clauit, jejuniū ante Pascha quadraginta diebus extensum suū fuisse ætate his verbis indicat, Ipse quoque Dominus vernus Jona missus ad predicationem mundi, jejunauit quadraginta dies, & hereditatem nobis jejunii dorelinquens, ad esum corporis sui sub hoc numero nostras animas preparat. Hieron. in Jon. cap. 3. Ut alia, quæ plurima proferri possunt, testimonia hic omittamus. Theophilus Alexandrinus Hieronymo æqualis, hoc luculentissimè demonstrat, in primâ suâ Paschali Epistolâ hæc habens, Si poterimus imminentium jejuniorum iter capere, incipientes Quadragesimam à tricesimâ die mensis Mechir, & hebdomadam salutaris Pasche quintâ die mensis Pharmuthi, finientesque jejunia secundum Evangelicas traditiones vespere Sabbati, decimâ die Pharmuthi, & illucescente statim dominicâ festa celebremus undecimâ die ejusdem mensis. Hic quadraginta Quadragesimæ dies juxta menses Ægyptiacos computantur, qui omnes erant τριακονήμεροι, sive triginta dierum, quibus ad finem anni quinque dies adjecti sunt, ἡμέραι ἐπαρόμυτοι propterea dicti. Dicit itaque Theophilus Quadragesimam isto anno cœpisse à tricesimâ sive ultimâ die mensis Mechir (exclusâ) quem secutus est mensis Phamenoth triginta itidem dierum, quibus additi decem sequentis mensis Pharmuthi dies (quorum ultimo finiendum esse jejuniū asserit) quadraginta accuratè constituunt. Idem colligere licet è secundâ ejusdem Epistolâ Paschali, alio anno conscriptâ, ubi ait, Pascha celebrare habentes, Quadragesima exordium ab octavâ die mensis qui secundum Ægyptios vocatur Phamenoth, & ipso prabente vires, attentius jejunemus hebdomada majoris, i. e. Pasche venerabilis die XIII. mensis Pharmuthi fundamenta jacentes, ita duntaxat ut juxta Evangelicas traditiones finiamus jejunia in tempestâ nocte die XVIII. supradicti mensis Pharmuthi. A mensis itaque

Phamenoth die octavâ (exclusâ itidem) usque ad duodevicesimam Pharamuthi inclusam peragebatur isto anno Quadragesima, in priori scilicet mense viginti duo dies & in posteriori duodeviginti, qui collecti quadraginta præcise efficiunt.

III. Cum pro comperto itaque certoque habeamus, jejunium antepaschale, eodem quo habita est Synodus Nicæna seculo non unam duntaxat hebdomadam, nedum unam alteramve diem, sed quadraginta dies celebratum fuisse, quis sibi persuadeat Quadragesimam ab istâ Synodo memoratam, quod ipse Dallæus jejunium antepaschale fuisse fatetur, non quadraginta, sed unius, vel alterius, vel ad summum sex dierum fuisse jejunium? Anne uno eodemque seculo, imo quidem dimidiâ seculi parte tantum incrementum capere potuit hoc jejunium, ut à sex ad quadraginta dies propagaretur? Si universalis Ecclesia Nicææ congregata Anno Dom. CCCXXV. in talem consenserit Quadragesimam, qualis in somnis, ut opinor, primo visa est Dallæo, paucorum scilicet dierum, statueritque ut Synodus Provincialis ante eam quotannis habeatur, quæ quæso factum est, ut eadem Ecclesia statim postea longe aliam, majoremque Quadragesimam, quadraginta nimirum dierum ubique celebraret? & tamen nulla tantæ in hoc jejunio immutationis vestigia uspiam appareant? Quid etiam quod D. Ambrosius quadraginta dierum jejunium utriusque Testamenti auctoritate, & Gregorius Nazianzenus νόμοις Χριστοῦ βασιλεῦς, præscriptum affirmant, Theophilus etiam Alexandrinus, alique fere omnes quotquot eodem labente seculo de hoc jejunio meminerunt, idem ut à se celebratum, adeo antiquum habuerint, ut ad Evangelicas & Apostolicas traditiones referant? Annon hoc invictissimo est argumento, communem fuisse istius seculi sententiam, antepaschale jejunium quadraginta diebus commensuratum, longe ante Nicænam Synodum, publico Ecclesiæ usu receptum fuisse, & Quadragesimam ab istâ Synodo memoratam, tantam fuisse, quantam ipsi peragebant? Quicquid sane Dallæo, aliisque in ejus sententiam juratis videatur, nemo qui hæc animo præjudicii vinculis liberato expendit, dubitare potest, quin Quadragesima à Patribus Nicænis celebrata, ejusdem fuerit quantitatis atque ea quam alii ejusdem seculi Patres suis diebus celebratam fuisse asseruerunt. Verum post paucos ab isto Concilio elapsos annos, Quadragesimam quadraginta dierum passim obtinuisse, usque adeo palam est & manifestum, ut nec ipse Dallæus illud negare queat: ac proinde eam, cujus istud Concilium mentionem fecit, ut omnibus cognitæ, nec plurimum, nec pauciorum fuisse dierum, necessario concludendum est.

IV. Sed pluribus non opus est argumentis, cum ipsa vox quæ jejunium antepaschale, à Synodo Nicænâ æque ac alibi perpetuo significatur, illud quadraginta fuisse dierum clarissimè eloquatur. Enimvero πεσαρακοστή, *Quadragesima* diserte appellatur. Quid ita quæso, nisi quod *quadraginta* dies peractum esset? Adeone inepti & literarum imperiti fuerint Nicæni Patres, ut jejunium uno, alterove, vel ad summum sex diebus completum & πεσαρακοστής nomine nuncuparent? Illi hoc Canone unam quotannis Synodum

dum in unâquaque per totum terrarum orbem Christianum provinciâ ante jejunium antepaschale habendam esse definiunt, illudque tempus τὸ τεσσαρεσῶνς sive *Quadragesimæ* voce ut omnibus notâ indigitant. Quod si illi per istam vocem non jejunium quadraginta dies, quod ipsa vox denotat, celebratum voluerant, sed aliud nescio quid à vocis istius significatione longissime abhorrens; nemo intelligere potuit quid sibi Patres velint: hæcque ab iis edita sanctio sibi met ipsa contradiceret, illud enim τεσσαρεσῶνς ab eâ appellaretur, quod non esset, imo vero quod cum numero τεσσαρεσῶντα, unde nomen sortitur, nihil commune habet. Nos autem qui sanctissimos illos Patres, ut fidelissimos, strenuissimosque fidei nostræ assertores summâ, quâ possumus, veneratione prosequimur, nefas cogitatu ducimus, eos non modo voce ipsâ, verum universâ etiam Ecclesiâ tam mirum in modum abuti voluisse, ut in decreto ubique observando jejunium istud sub vago, adeoque ridiculo *Quadragesimæ* nomine significarent, quod ultra sex dies nullibi celebratum erat. Quàm impropria, quàm absurda esset hæc loquendi formula? Eam tamen, si Dallæo fides habeatur, ab ipso etiam Concilio Nicæno usurpatam habemus. Sed credat Judæus Apella, non ego, non quivis cordatus Christianus. Et præterea Patres Nicæni hanc vocem ad jejunium quadragesimale denotandum primi non adhibuerunt, sed eâ utuntur tanquam tritâ & vulgari voce, & in isto sensu omnibus Ecclesiis ac provinciis probe cognitâ. Adeo ut cum decretum hoc de Synodo πρὸς τὸ τεσσαρεσῶνς quotannis celebrandâ ad singulas provincias mitteretur, primo statim intuitu Oecumenici Concilii mentem intelligerent. Quod fieri non potuit, nisi certa esset ac determinata vocis hujusce in Ecclesiæ sensu notio. Quomodo autem hæc vox ad jejunium illud antepaschale significandum primum tam publico universæ Ecclesiæ usu recepta fuit? annon ex eo quod quadraginta dies isti jejunio dicati fuerint? Qui aliam sane authenticam vel etiam probabilem hujus nomenclaturæ causam invenire conatur, operam & oleum perdet. Adeo ut si aliis quibuscunque superfederemus argumentis, hæc ipsa vox τεσσαρεσῶνς, quâ jejunium ante Pascha quarto currente sæculo à Nicænis æque ac ab aliis Patribus vulgo indigitatum fuit, manifestissimè demonstret, jejunium illud istis diebus non unius vel alterius, non quinque solummodo, nec ad summum sex dierum, quod vult Dallæus, sed quadraginta præcisè dierum fuisse, quod nos asserimus.

C A P U T I I I.

Synopsis.

I. Ex eo quod alia subinde jejunia Quadragesimæ nomine nuncupentur, opinio illa qua antepaschale XL. dierum fuisse statuit, confirmatur potius quam destruitur.

II. Argumentum ex Hieronymo sum-

ptum, ex eodem eliditur. Vox Quadragesima posterioribus sæculis commune fuit omnium jejuniorum nomen.

III. Palmario è Socrate petito argumento respondetur.

I. **A**RGUMENTUM, quo quadragesimam quadraginta fuisse dierum jejunium demonstratur, ex ipso nomine petitur, ut cuiusvis obvium, Dallæum latere non potuit. Qui propterea omnes experitur machinas, quibus vim illius elidere videatur. Quâ de causâ primo de vocis apud veteres usu, dein de ratione appellationis disputat. De jejun. & quadrag. lib. 3. cap. 9. Quod ad primum spectat, observat vir doctus, S. Hieronymum in Epistolâ ad Marcellum de Montanistis loquentem dicere, *Illi tres in anno faciunt Quadragesimas, quasi tres passi sint salvatores*. Hieron. Epist. ad Marcel. Unde sic disputat eruditus Dallæus, *Putasne Montanistas tria quotannis jejunia celebrasse, quæ singula quadraginta dierum essent? Non puto te (Bellarminum, quem alloquitur) tam stultum esse, ut rem adeo absurdam dicas*. Verum qui hoc dicit, non propterea necesse est, is stultus sit. Nam D. Hieronymus nihil hic affirmat de quantitate trium istarum quadragesimarum, quas à Montanistis celebratas dicit. Nec aliunde haurire licet quantæ illæ fuerint. Eas saltem Dallæus probare non potuit, pauciorum quam quadraginta dierum fuisse. Imo quidem inquit, Tertullianus dicit, *Montanistas duas in anno hebdomadas Xerophagiarum, nec totas, exceptis scilicet dominicis & sabbatis, obtulisse Deo*. Tertull. de jejun. cap. 15. Hic autem Tertullianus de se & suæ ætatis Montanistis loquitur, non de ætate S. Hieronymi, quâ, ut palam est, Montanistæ tres quotannis quadragesimas peragebant, quarum duæ illæ à Tertulliano memoratæ xerophagiarum hebdomades partes esse videntur. Nihil saltem ex hisce vel D. Hieronymi vel Tertulliani verbis elici potest, ad evertendam eorum opinionem, qui quadragesimam quadraginta perpetuo dierum fuisse arbitrantur, idque ex ipsa hac voce probant. Disputatio enim non de vocis abusu, à nonnullis forsitan admissa, sed de proprio & peculiari ejus usu, & præcipuè de origine & ratione instituitur. Quare scilicet jejunium Antepaschale *πρωαγενησι* primo appellatum fuerit. Si demus enim erudito viro, hanc vocem,

vocem, posterioribus saltem seculis, in alienum à nonnullis sensum detortam fuisse, ut alia scilicet præter antepaschale, eaque pauciorum quam quadraginta dierum jejunia designaret. Hoc tamen opinionem nostram usque adeo non destruit, ut confirmet potius. Non destruit quidem. Nos enim non moramur, nec disputamus quo sensu Montanistæ, aliive Synodo Nicænâ postiores vel Catholici vel hæretici, sed quo sensu ipsi Patres Nicæni hanc vocem usurparunt, & quam ob rem hoc nomen jejunio antepaschali primum impositum fuit. Nulla autem vel verisimilis reddi potest ratio, quare jejunium istud *παρασκευαστική* *Quadragesima* primo nuncuparetur, nisi quod *παρασκευαστική* *Quadragesima* dierum esset. Cum publico autem usu semel receptum fuisset, ut magnum illud & præcipuum totius anni jejunium ita diceretur, tandem aliquando evenire potuit, ut alia etiam minora jejunia eodem nomine notarentur. Eo scilicet quod jejunium antepaschale vulgò adeo passimque *Quadragesima* vocaretur, ut progressu deinde temporis *Quadragesima* & jejunium tanquam Synonyma haberentur, idem planè significantia. Unde nostra de jejunio antepaschali opinio quadraginta dies ei adscribens, egregiè confirmatur. Hinc enim conficitur hoc jejunii istius nomen vulgare tritumque fuisse, quo *Quadragesima* scilicet à *Quadragesima* ab omnibus appellaretur. Nihil autem à fide magis atque à ratione alienum est, quam ut omnes simul in tanto errore versarentur, quo jejunium illud *Quadragesimam* vocarent, quod nihil cum *quadragesima* communionis aut commercii habebat: Sive quod idem est, ut omnes jejunium antepaschale præter contraque omnem rationem *Quadragesimam* nominarent.

II. Nihil est ergo quod Dallæus quicquam sibi ex istis D. Hieronymi verbis polliceatur. Præsertim cum si totus inspiciatur locus, ipsum sententiæ ejus jugulum petat. Hæc enim ibi habet sanctissimus Pater, *Nos unam Quadragesimam secundum traditionem Apostolorum toto anno, tempore nobis congruo jejunamus. Illi tres in anno faciunt quadragesimas, quasi tres passi sint Salvatores.* Hieron. Epist. ad Marcell. Hinc enim constat jejunium quadragesimale, hujus etiam Patris ætate, hoc est quarto labente seculo, tantæ antiquitatis habitum fuisse, ut ab ipsis Apostolis traditum videretur: Constat item unum tantummodo jejunium Catholicis tunc temporis fuisse, quod *Quadragesima* vocabatur, quotquot alia sub isto nomine à Montanistis hæreticis observarentur. Quid etiam si Amalarius Fortunatus, Rabanus Maurus, & Durandus Mimatenfis à Dallæo laudati, tres ab Ecclesiâ suis temporibus observatas fuisse quadragesimas, scilicet ante pascha, circa festum S. Johannis, & ante nativitatem Christi, dicant? Isti sane scriptores aliquot post ipsum D. Hieronymum seculis claruerunt, cum vox *Quadragesima* antiquissimum illud Ecclesiæ jejunium antepaschale tot seculorum spatio significarat, ut tandem aliquando commune nonnullis videretur omnium anniversariorum Ecclesiæ jejuniorum nomen. Quapropter etiamsi duo illa ultima jejunia pauciorum fortasse quam quadraginta essent dierum, & *Quadragesima* nihilominus *καταχρηστικῶς* à scriptoribus istis vocentur, nihil tamen vetat, quin jejunium antepaschale, quod primum *Quadragesima* nominatum est, illudque

suum aliis postea jejuniis nomen mutuo dedit, isto propterea nomine indig-
tatum fuerit, quod quadraginta definitè dierum esset.

III. Sed & Socrates, inquit vir doctus, Hieronymo quidem junior, sed Amalario & Rabano multo vetustior, jampridem hunc vocis quadragesimæ usum observaverat & miratus fuerat. Cum enim variam diversorum in observando antepaschali jejunio consuetudinem memorasset, ἡ θαυμάσιον μοι ἔπεισι, inquit, πῶς ἔτοι πρὸς τὸ ἀριθμὸν τῶν ἡμερῶν Ἀλεξανδρῖνες τεσσαρεσκοσὴν αὐτὴν ὀνομάζουσιν. *Ac mihi quidem mirari subit, quâ ratione isti, licet de numero dierum inter se dissentiant, eodem tamen nomine Quadragesimam vocent.* Socrat. Hist. Eccl. lib. 5. cap. 22. Hæc quidem Socratis esse verba fateor. Fateor etiam eum isthoc in loco, dicere Romanos tres continuas hebdomades ante pascha, excepto Sabbato & Dominico die jejunasse: Illyrios autem, Græcos, & Alexandrinos, sex hebdomadas ante pascha, sabbatis itidem & dominicis exceptis observasse: alios denique septimâ ante pascha hebdomade jejunium exorsos esse, sed tres duntaxat septimanas, quinque dierum singulas, per intervalla jejunasse: & omnes tamen hosce ut ut in numero dierum discrepantes, jejunium tamen à se celebratum, *Quadragesima* nomine nuncupasse. Et quod superest, fateor, Socratem aliisque post eum, miratos fuisse, quâ ratione isti jejunium pauciorum quam quadraginta dierum *Quadragesimam* nihilominus appellarent. Hinc autem jejunium antepaschale *Quadragesimam* propterea non appellatum fuisse, quod quadraginta dierum esset, legitime concludi posse, omnino d fiteor. Ut mittam enim Socratem cum hæc scribebat, hærci Novarianorum insectum fuisse, qui omnia festa & jejunia liberæ observationis esse contendebant, vel cupiebant saltem: hoc ipso in loco ait, Οἱ μὲν ἐν Ῥώμῃ τέρας πρὸς τὸ πάρος ἑβδομάδας, πάλιν δὲ σάββατα ἢ κυριακὰς συναγόμενας νηστεύουσιν. *Nam qui Romæ sunt tres continuas hebdomadas ante pascha, exceptis sabbato & dominicâ, jejulant.* Ubi non modo D. Augustino contradicit, qui cum multis aliis Romanos sabbato jejunasse asserit, verum & sibi ipse contradicit; nonnullis enim post verba ante citata interjectis, sui oblitus ait, ἐν Ῥώμῃ πᾶν σάββατον νηστεύουσιν. Quomodo autem Romani omne sabbatum jejunare poterant, si etiam in quadragesimâ sabbata jejunio ab iis eximerentur? Parum itaque fidei in hisce rebus ad historiam suam minime pertinentibus Socrati habendum est. Sed concedamus Dallæo verissima esse quæ Socrates hoc in loco de observationis quadragesimalis diversitate in diversis Ecclesiis scripsit. Nihil tamen hic dicit, quod Dallæus in rem suam vertat, omnia potius nostræ favent opinioni. Ex his enim Socratis verbis videre est, aliquantum ante pascha jejunium ab omnibus tunc temporis Ecclesiis observatum fuisse. Et quidem sub nomine τὴ τεσσαρεσκοσῆς, unde hoc commune fuisse & ubique receptum jejunii istius nomen manifestissimè conficitur. Sed Socrates, inquis, miratus est, ut Ecclesiæ ab ipso memoratæ in numero dierum hujus jejunii dissentirent, & omnes tamen illud τὴν τεσσαρεσκοσίαν nominarent. Esto. Hoccine autem tuæ est opinioni adstruendæ? imo vero funditus eam diruit. Hinc enim necessario consequitur Socratem in nostrâ fuisse sententiâ, quæ jejunium

jejunium antepaschale τεσσαρεκοντων *Quadragesimam* propterea dictam fuisse judicat, quod *quadraginta* esset dierum. Alioquin enim mirari non potuit, ut pauciorum dierum jejunia isthoc nomine indigitarentur. Quod si hoc verum sit, ut nos contendimus, Antepaschale quadraginta dierum jejunium æque antiquum sit necesse est, atque ipsa vox τεσσαρεκοντων ad illud significandum usitata. Si vox enim ista, ut Socrates juxta ac nos volumus, dies quadraginta denotet, jejunium antepaschale propterea tantum isto nomine primo nuncupari potuit, quod quadraginta dies celebraretur. Ita autem ut videmus à Concilio Nicæno vocatur: ac proinde nihil dubii esse potest, quin jejunium hoc ante istum confessum Quadraginta dierum fuerit. Sed miratus est Socrates ut jejunium quindecim aut triginta dierum à singularibus Ecclesiis *Quadragesima* diceretur. Quanto magis miratus fuisset, si ipsi etiam Patres Nicæni ex universa Ecclesia congregati, jejunium unius, vel alterius, vel ad summum sex dierum, isto nomine appellassent? Hoc autem non miratus est, quandoquidem probe novit, Synodum Nicænam proprie locutam esse, & per *Quadragesimam* illud voluisse quod ipsa vox sonat, *quadraginta* scilicet dierum jejunium. Quem quidem primum fuisse ac genuinum vocabuli istius, ut ab Ecclesia usitati, sensum, nemo unquam ante Dallæum vel negavit, vel negare potuit: Saltem non Socrates, qui miratus est ut alio sensu ab ullis unquam acceptum fuerit. Quocirca si quos Dallæus voce ista ita abutentes invenisset, satius fuisset & rationi magis consentaneum, ut illud cum Socrate miraretur, quam ut ex tantâ vocis abusione ab uno vel altero contra communem Ecclesiæ sensum usurpatâ, eam nullibi, nec ab ipsa Synodo Nicænâ proprie usitatam fuisse, probare niteretur. Præsertim cum magno conatu nihil egerit, ut è supradictis patet.

C A P U T I V.

Synopsis.

- | | |
|---|--|
| <p>I. <i>Argumentum è Cassiano peti- tum refellitur, eumque Quadragesimam eo dictam putasse ostenditur, quod quadraginta dierum esset.</i></p> <p>II. <i>Vocis Quadragesimæ ratio à Dal- læo exinde sumpta, quod XL. ho- rarum esset jejunium.</i></p> <p>III. <i>Istam rationem nequaquam ad- mitti posse probatur, ex eo quod istiusmodi jejunii nusquam in omni antiquitate, nedum in Synodo Ni- cæna mentio fiat.</i></p> | <p>IV. <i>Rigaltii de hujus nomenclaturæ ratione conjectura à Dallæo laudata, refellitur. Ea Dallæanam sententiam destruit.</i></p> <p>V. <i>Vera vocis Quadragesimæ ad jeju- nium antepaschale denotandum usita- ta ratio explicatur. πεσσεχοντὴ à quadragesimo die ante pascha vo- catur, ut πεντηχοντὴ à quinquage- simo die post Pascha.</i></p> <p>VI. <i>Quo sensu vox πεσσεχοντὴ à Sy- nodo Nicæna usurpatur.</i></p> |
|---|--|

I. **P**OSTHÆC Dallæus de hujus nominis jejunio Antepaschali impositi ratione disputat. Et primo observat Cassianum rationem hujus rei, quod jejunium scilicet istud *Quadragesima* vocatur, non ex eo repetere, quod quadraginta dierum esset, sed longe aliunde. Is enim præfatus rationem hujus rei humana oblitteratam esse incuria, hæc addit, *Tempus hoc quo anniversaria, ut dictum est, decimæ Deo triginta sex semis jejunii offeruntur, Quadragesimæ nomen accepit, quod fortasse vel propter hoc visum sit hoc vocabulo debere censer, quod Moyses, vel Helias, vel ipse Dominus noster Jesus Christus quadraginta diebus jejunasse traduntur. Ad cujus numeri Sacramentum, illi quoque qua- draginta anni, quibus Israel est in solitudine commoratus & quadraginta similiter mansiones, quibus eam mysticè pertransisse describitur, non incongruè cooptan- tur. Et fortasse ipsa decimatio rectè, quasi ab usu telonei, quadragesimæ nomen accepit. Ita enim illa publica vulgo vocatur exactio, ex qua tanta lucri portio regis commotis deputatur, quantum & a nobis à rege omnium seculorum pro usu vite nostræ legitimum Quadragesimæ vestigial exigitur.* Cassian. Collat. XXI. cap. 28. Hæc fateor, Johannes Cassianus S. Johannis Chrysostomi quon- dam diaconus, loco citato habet. Ut autem exinde sequatur quod vult Dallæus, jejunium scilicet ante pascha Quadragesimam vocari non quod qua- draginta esset dierum, sed ob alias, nescio quas, rationes, me prorsus fugit. Enimvero quæstio, cui hic respondet Cassianus, his verbis ab ipso pro- posita est, *Quid causæ est, ut sex hebdomadibus quadragesima celebretur,*

licet

licet in quibusdam Provinciis, religionis forsitan propensior cura adjecisse hebdomadem etiam septimam videatur, cum neuter numerus die dominico sabbatoque subtrahito quadraginta dierum impleat numerum? Sex enim & triginta dies in ipsis hebdomadibus tantummodo concluduntur. Cassian. ibid. cap. 24. Ex ipsa hac quæstione ita proposita constat, communem istis diebus opinionem fuisse, quadragesimam à quadraginta dierum numero nuncupatam esse, ac propterea Cassianum aliosque æquè ac Socratem miratos esse ut jejunium illud sex tantum & triginta diebus ab Ecclesia Græca celebratum, *quadragesima* nihilominus diceretur. Priusquam porro Cassianus ad hanc respondet quæstionem, rationem reddit, quare jejunium antepaschale triginta sex tantummodo diebus solidis à nonnullis Ecclesiis compleatur, eo scilicet quod triginta sex dies cum dimidio, à nocte sabbatum magnum inter & dominicam fluente & vigiliis peracta, deputato, decima sit pars totius anni, quam Deo è Mosaica de decimis lege offerre tenemur. Ad ipsam autem quæstionem, *quare vocetur Quadragesima cum triginta sex tantummodo diebus jejunetur*, verbis supra laudatis respondet. Quæ quidem longe alia est quæstio atque ea de qua nos disputamus. Nos enim quærimus, annon vox Quadragesima de jejunio antepaschali usurpata, quadraginta dies in eo transactos proprie significet? Hoc nos asserimus, nec dissentit Cassianus, sed sua etiam assensione comprobat: ac propterea aliam istam proponit quæstionem, *quare scilicet, cum vox Quadragesima quadraginta dies propriè denotet, illud tamen jejunium Quadragesima vocetur, quod non quadraginta sed triginta sex tantummodo diebus celebratum est?* Hoc Cassiani diebus plurimi sine dubio mirabantur. Quibus ille nodum solvere conatur; adhibita tamen cautione, ne quid Ecclesiæ, in qua educatus fuerat, cujusque membrum erat, detraheret. Enimvero in promptu erat respondere, Ecclesiam Græcam triginta sex tantummodo dies isti jejunio consecrantem, à prima illius institutione aliquantulum discessisse. Cum primum enim institutum fuit, quadraginta dierum erat: ac eam ob causam *Quadragesima* propriè vocabatur. Quod si ita respondisset Cassianus, suam Ecclesiam condemnasse videretur, ut primitivæ hujus jejunii institutioni non accuratè insistentem. Et etiam si ita directè non respondeat, clare tamen indicat, *Quadragesimam* à *quadraginta* diebus in eâ jejunatis vocatam esse. Prima enim & præcipua, quam affert, hujus nominis ratio est, *quod Moses, vel Helias, vel Dominus noster Jesus Christus quadraginta diebus jejunasse traduntur.* Quod si hoc antepaschale Christianorum jejunium, suum ab istis quadraginta dierum jejuniis nomen acceperit, ipsum procul omni dubio quadraginta etiam dierum primo institutum fuit, & *Quadragesima* propterea dictum. Et hæc quidem vera erat ac genuina nominis ratio. Et licet alias postea rationes longe petat, à numeri scilicet quadragenarii ab Israelitis in solitudine observati mysterio, & à quadragesima lucri portione à regibus sui temporis longe post primam jejunii antepaschalis institutionem, exacta, interim tamen non negat, sed concedit potius veriore rationem ex eo petendam esse, quod primo quadraginta esset dierum, ad imitationem jejunii à Mose, Helia, atque ipso

etiam Servatore nostro celebrati. Quam propterea primo in loco posuit.

II. Cùm ea vero quæ de variis hujus nominis rationibus commentatus est Cassianus, ab ingenio potius quam à re ipsa habuisse, luisseque fortasse verius quam serio philosophatus esse ipsi etiam Dallæo iste videatur, ab eo ad ipsum Dallæum regrediatur oratio, qui longe petitis Cassiani rationibus haud contentus, novam ipse confinxit. Confinxit, inquam, neque enim pliusquam figmentum dici potest. Dicit enimvero Irenæum docuisse sua memoria fuisse, qui paschale jejunium quadraginta diurnis, nocturnisque horis continuarent; quæ jejunandi, inquit, ratio proxime ad ipsius jejunii causam accessisse videtur: quod plerique ideo suscipiendum putabant, quod tunc temporis sponsus ablatuisset. Absuit autem sponsus horas circiter quadraginta, quod ipsi quoque spatium jejunabant. Ergo non à dierum, qui nusquam quadraginta apud Vetustissimos apparent, sed ab harum potius horarum numero, primam manasse putaverim illam Quadragesimæ appellationem. Ut antepaschale jejunium *Quadragesima* dictum fuerit, tum quod ad lugendam ac commemorandam illam Domini Christi quadraginta horarum absentiam susciperetur, tum quod paucis quibusdam initio, mox vero pluribus, totidem ipsum horas continuaretur, hæc Dallæus, de jejun. & quadrag. lib. 3. cap. 9. pag. 492, 493.

III. Hoc eruditi viri commentum infirmo, vel nullo potius innititur fundamento. Fundatur enim, si ullibi fundatum dicatur, in Irenæi verbis falso interpretatis. Irenæus enim nusquam docuit sua quosvis memoria fuisse, qui paschale jejunium quadraginta diurnis nocturnisque horis continuarent, ut paulo post, Deo adstante, ostensuri sumus. Neque ulla extant in omni antiquitate Ecclesiastica prodigiosi istius quadraginta horarum jejunii vestigia. Ac proinde fieri non potuit ut vox *Quadragesima* ab eo quod nullum unquam fuit, jejunio deduceretur. Quid autem si largiamur erudito viro, unum vel alterum fortasse in Ecclesia primitiva solas quadraginta horas, quibus ablatuisset sponsus, jejunos transegisse? Hocine *Quadragesima* vocari potuit? & quidem ab universa Ecclesia in Concilio Nicæno congregata? Sane Patres Nicæni voce ista tanquam omnibus & ubique cognita utuntur; Generales vero ritus vocesque Ecclesiasticæ, non à singularium aut paucorum hominum; sed ab universalis Ecclesiæ usu praxique derivari solent. Quocirca nisi probaverit Dallæus hoc non modo à privatis quibusdam hominibus, sed à majori, vel magna saltem Christianorum parte in more positum fuisse, ut quadraginta præcise horas ante pascha jejunarent, nisi hoc inquam probaverit, nunquam efficiet, Quadragesimam à quadraginta horis nuncupatam fuisse: Illud autem nec ipse probavit, nec unquam probari potest. Adhæc si Quadragesima à quadraginta horis dicatur, quænam obsecro ex istis quadraginta horis *Quadragesima* propriè dicatur? Hoc enim necessarium est quæsitum, quandoquidem nomen illud adjectivum est, quod suum postulat substantivum, quo cum cohæreat: ut hæc vel illa quadragesima dicatur hora, à qua totum illud quadraginta horarum spatium nomen suum

suum mutuetur, ut in vero hujus nominis etymo explicando mox videbimus. Vereor autem ut hora illa vel ratione vel testimonio unquam indicaretur. Nos porro hoc in loco de voce ista ut à Synodo Nicæna usitata disputamus. At Dallæus paulo ante dixerat, imo quidem concluderat, *illam quam Patres Nicæni significant Quadragesimam, non sex septemve hebdomadibus, sed paucis, id est quinque vel sex diebus ante paschæ festum fuisse inchoatam*, pag. 483. Ipsum itaque adversarium testem, vel etiam judicem advocamus, annon vox *quadragesima*, ut à Patribus Nicænis usurpata, plus significet quam quadraginta horas? Nullus dubito, quin si sibi constiterit, hoc concedet. Quæstio itaque recurrit, quo sensu jejunium Antepaschale *quadragesima* vocetur à Concilio Nicæno? sensu quidem Dallæano, qui Quadragesimam à quadraginta horis deducit, ita vocari non potuit, siquidem ipse quinque vel sex dies tunc temporis jejunatos fuisse confitetur. Restat igitur ut nostro vel universalis potius Ecclesiæ sensu, à quadraginta diebus jejunio ante pascha dicari solitis nomen illud acceperit, idque longe ante confessum Nicænum, utpote qui pro concessio sumit, neminem latere, quid sibi velit vox ista *quadragesima*. Quod tamen fieri non potuit, nisi diu ante usitata fuisset.

IV. Veritus autem eruditus vir, ne aliquem incredulum adeo lectorem inveniret, qui nullam huic conjecturæ citra omnem rationem prolatae fidem adhibeat, aliam à Rigaltio excogitatam nomenclaturæ hujus rationem in medium protulit. Post eam enim quam ipse effinxit, explicatam, addit protinus, *Quæ si cui non satisfaciat, est & altera sane elegans & ingeniosa apud Rigaltium*. Enimvero is vero propius esse censet, priscos Christianos divinis & Apostolicis formatos institutis, jejunia sua à Quadragesimali Christi jejunio, Quadragesimam nuncupasse, ut significarent Judaica non esse sed Christiana. Itaque memores adeptæ dominicæ passionis libertatis, quæ in Parasceve diem inciderat, Parascevam quidem jejunio sacravisse, ut esset eo die, quod ait Septimius libro de oratione, communis & quasi publica jejunii religio. Cujusmodi jejunium mox declarandi luctus à dominicæ passionis concepti studio in sabbatum produxisse: Sic tamen ut & jejunia quidem alia commendandis orationibus suis utilia servarent, sed ex arbitrio cujusque diversa, maxime autem ritus illius Sabbatici jugo libera. Adeo ne quid Judaizare videretur Parasceve Christiana seu Paschæ σωπεύουσα & Sabbati sequentis jejunium non Parascevam, neque Sabbatum appellavisse, sed Quadragesimam; ut jam esset Christianum jejunium, non Parasceva, neque Sabbati, sed Quadragesima illius jejunio Christi plane divino transacta Sacramentum. Et mox addit, Apostolis consilium fuisse, ut oblitteratis Judeorum Sabbatis, jejunia sua Christiani, quæ Domino suo tantula pro tantis offerrent, de jejunii Dominici spatio vocitarent, ut qui minus ea quirent assequi reapse, saltem memoriâ venerarentur. Rigalt. ad Tertull. de jejun. p. 118.

Quare Dallæus hoc Rigaltii commentum tanquam elegans atque ingeniosum laudaret, non video, nisi forsitan quod suo sit simile, hoc est, vero dissimilimum. Primo enim dicit Priscos Christianos jejunia sua quadragesimam à qua-

à quadragesimali Christi jejunio nuncupasse, ut significarent Judaica non esse, sed Christiana. Hoc autem ista voce minimè significatur, utpote quæ à quadragesimali Mosis & Helix æque ac Christi jejunio derivata, Judæis saltem, videretur. Deinde innuit hæc conjectura primitivos Christianos ne Judaizare viderentur, ab ipsis etiam Judæorum vocibus abhorruisse; cujus contrarium, è Parasceve, Sabbato, Pascha, Pentecoste, aliisque innumeris à Christianis pariter atque à Judæis semper passimque usitatis vocabulis patet. Adhæc illud sibi hic assumit, quod probare debuit, sed nequaquam potuit, solum Parasceves & Sabbati sequentis jejunium *quadragesimam* dictum esse: idque ex ipso Apostolorum consilio, cujus rei nec in Apostolicis scriptis neque in Ecclesiasticis vel vola extat, vel vestigium: sed omnia potius in contrarium eunt: usque adeo ut ipse etiam Dallæus negare nequeat, quin vox *παρασχολή* in Canone Nicæno quinque saltem vel sex dies ante pascha jejunio dicatos significet. Quid etiam quod dicit jejunium Christianum *quadragesimam* propterea nuncupatum, ut quadragesimæ jejunio Christi (quod tamen *quadragesima* antiquitus nusquam vocatum fuit) transactæ Sacramentum esset? Jejunium duorum dierum Sacramentum jejunii dierum quadraginta? Quale quæso hoc est Sacramentum? Annon nomen illud multo melius mereretur, si, quod nos juxta cum Ecclesia primitiva sentimus, eodem dierum numero, quo ipsum Christi jejunium, perageretur? Secundum istam sane Rigaltii opinionem jejunium Christianum jejunii à Christo celebrati, nomen fortasse habeat, sed præterea nihil, ac proinde Sacramentum illius nulla prorsus ratione dici potest. Præsertim cum nec nomen revera habuerit: Quandoquidem, ut dixi, jejunium Christi *quadragesima* ab antiquis non dicatur. Hoc enim nomine jejunium Christi nunquam indigitatum fuit, nisi postquam commune fuisset jejunii Antepaschalis à Christianis celebrati nomen: à quo ad jejunium Christi significandum à recentioribus transfertur, non è contra è jejunio Christi ad jejunium Christianorum. Quapropter licet dies illi quadraginta Christi jejunio transacti quadragesimæ à Christianis peragendæ occasionem dederint, nomen tamen dare nequicquam potuerunt. Verum ne in his vix dignis quæ recenseantur, refellendis diutius immoremur, Rigaltius hoc in loco concedit, asseritque priscos Christianos divinis ac Apostolicis formatos institutis jejunium suum Antepaschale *quadragesimam* nuncupasse. Quod si verum sit, corruet Dallæi opinio, hanc vocem non nisi longo post Apostolos tempore ad jejunium istud significandum usitatam fuisse contendentis. Quare nihil est quod Dallæus hanc Rigaltii conjecturam *elegantem* adeo atque *ingeniosam* vocet, quæ suam de hac voce sententiam penitus evertit. Quod si sua derelicta opinione Rigaltio concesserit Dallæus, jejunium Antepaschale ab ipsis Apostolorum temporibus *quadragesimam* appellatum fuisse, tota ejus de *quadragesima* disputatio concidet. Nemini enim persuadebit unquam vel Dallæus vel quivis alius, quin jejunium antepaschale quadraginta dierum æque antiquum sit atque vox *quadragesima* de eo usitata.

V. Discussis aliorum conjecturis de ratione quare jejunium antepaschale

τεσσαρεκκοστή quadragesima olim dictum fuerit, tempus & necessitas modo flagitat, ut in verum propriumque hujus vocis etymon inquiramus. Quod quidem persuasissimum habeo non adeo difficile inventu fuisse, si tot eruditi viri, pro sui quisque ingenii acumine, tenebras ei non obduxissent. Plerique enim aliquo in ipsam rem hac voce significatam præjudicio laborantes, & nomenclaturæ propterea hujus rationem suis potius opinionibus quam opinioniones suas ei accommodare studentes, eam non in voce ipsa, ubi quærenda erat, sed in nubibus quæfiverunt, ubi scilicet nulla fuit. Res autem in propatulo ponitur, neque opus est ut ab ipso nomine discedamus, si veram nomenclaturæ hujus rationem deprehendere velimus. Neminem enim latere potest nomen τεσσαρεκκοστή, sive quod idem est latinè quadragesima, etiam si Substantivi naturam induat, & substantivè vulgo usurpetur, revera tamen adjectivum esse, & quidem fœminei generis, cujus propterea generis substantivum ei subintellektum sit, necesse est. Et nonnunquam fateor, in profanis saltem authoribus, ποίεα seu μελὶς subauditur, ut τεσσαρεκκοστή sit quadragesima pars alicujus rei. Quo tamen sensu hoc in loco accipi non potest, siquidem nihil est cujus jejunium antepaschale quadragesima pars dicatur. Aliud itaque quærendum est substantivum; Quod facillimè invenietur, si memoria teneamus nihil Ecclesiasticis pariter ac profanis scriptoribus, tam Græcis quam Latinis, frequentius in more positum esse, quam in hujusmodi ad numerum pertinentibus adjectivis, substantivum ἡμέραν diem subintelligere, ut κυριακή, Dominica, πρῶτη, δέυτερά, τέταρτη, πέμπτη, prima, secunda, quarta, quinta, (hebdomadis) & quod ad rem nostram proximè accedit, πεντηκοστή Quinquagesima, quibus omnibus vox ἡμέρα necessario subintelligitur. Nec aliud subintelligi potest substantivum, quocum cohæreat vox τεσσαρεκκοστή, quæ propterea strictè sumpta diem aliquam quadragesimam significat. Illud autem quod τεσσαρεκκοστή à Nicænis aliisque Patribus vocatur jejunium, ante festum Paschæ, ipso etiam Dallæo judice, celebratum fuit. Quocirca hæc vox aliam proprie significare non potest, quam Quadragesimam ante pascha jejuniis dicatam diem; quemadmodum scilicet πεντηκοστή, quinquagesima est dies post Paschalem istam festivitatem. Quod si quadraginta ante pascha retro numeremus dies, exceptis perpetuo dominicis, quibus nunquam ullibi jejunare licuit, in diem vulgo vocatam Cinerum incidemus, quæ est Quadragesima ante pascha, ac proinde caput jejunii appellari solet. Et hoc proculdubio sensu, qui primi jejunium antepaschale τῇ τεσσαρεκκοστῇ nominabant, vocem istam usurpabant. Sicut enim πεντηκοστή est quinquagesima post festum Paschæ, sic τεσσαρεκκοστή propriè sumpta est Quadragesima dies ante festum Paschæ. Unde & proxima post Dominica nomen suum mutuatur, Quadragesima enim dicitur. Hincetiam tres antecedentes Dominicæ, una quinquagesima, altera sexagesima, tertia septuagesima, vocantur. Ex ordine scilicet numerandi retro à Dominicâ Quadragesimâ. Quod quidem luculento nobis est argumento, dies hujus jejunii retrò à Pascha numeratos esse. Ut directè numerando illa sit prima jejunii, quæ est quadragesima dies ante pascha jejuniis consecrata. Neque enim

Dominica illa *quadagesima* dici potuit (quo nomine antiquitus gavisa est) nisi quod à Pascha retrorsum numerando, ea sit proxima Dominica post *quadagesimam* jejunii antepaschalis diem. Neque Dominicæ antecedentes, *quingagesima*, *sexagesima*, *septuagesima*, retrorsum appellatæ fuissent, nisi solenne fuisset Ecclesiæ, dies ante pascha retrorsum computare. Quo retrogrado numerandi modo, prima jejunii antepaschalis dies est magnum sabbatum paschalem celebritatem immediate præcedens. Ultima autem sive *quadagesima* est quarta septimæ hebdomadis antecedentis feria. Dominicæ enim, ut dixi, jejunio semper exemptæ fuerunt: ac propterea in unaquaque hebdomade sex soli dies jejunari solent, adeoque soli hic computari debent. Verum sexies sex triginta sex efficient, quibus si adjiciantur quatuor præcedentis, sive septimæ hebdomadis dies, *quadraginta* præcise colliguntur: dictaque quarta istius hebdomadis dies, *quadagesima* erit dies totius jejunii. Unde & totum jejunium isto nomine, *quadagesima* scilicet, nuncupatum est, non secus ac in *Pentecoste* videre licet. Namque *πεντηκοστή* strictè sumpta est *quingagesima* dies post Pascha. Ab ipsis tamen Ecclesiæ primordiis consuetudo obtinuit, ut vox ista non modo istam singularem diem, sed & totum temporis spatium, à Pascha ad Pentecosten intercedens, significaret; ut apud Tertullianum, *Excerpe singulas solennitates nationum, & in ordinem texe, Pentecosten implere non poterunt*, id est, non poterunt adimplere solennitatem, qualis à nobis peragitur, *quingaginta* dierum. Tertull. de Idolol. cap. 14. Sic in Canone Apostolico XXXVII. de duabus etiam Synodis quotannis habendis agente, cautum est, ut una sit τῇ τετάρτῃ ἑβδομαδὶ τῇ πεντηκοστῇ. Et in Canone Nicæno XX. legimus ἐν ταῖς τῇ πεντηκοστῇ ἡμέραις. In his & aliis quamplurimis, quæ cuivis veterum monumenta legenti passim occurrunt, locis, vox *πεντηκοστή* non ipsam *quingagesimam* post Pascha diem, sed totum illud *quingaginta* dierum spatium denotat, quod ab uno ad alterum festum labitur, & unam magnam solennitatem constituit. Ad eundem modum vox *τεσσαρεκκοστή*, quæ proprie *quadagesimam* ante Pascha diem jejunio transactam significat, latius sumpta, totum illud *quadraginta* ante pascha dierum spatium notat, quod Ecclesia jejuniis consecrare consueta est, vel ut semel dicam, ut *πεντηκοστή* primo quidem diem *quingagesimam*, deinde & *quingaginta* dies post pascha feriatos; sic *τεσσαρεκκοστή* primò diem *quadagesimam* & deinde *quadraginta* dies ante Pascha jejunos significat. Et ita in veterum pariter atque recentiorum scriptis passim vulgoque usitatur. Quod mirum nemini videatur, cum idem in voce *πεντηκοστή* ex communi publicoque Ecclesiæ usu observare liceat. Hinc itaque clarissime conficitur, quare jejunium antepaschale *τεσσαρεκκοστή* Græcis, Latinis *quadagesima* dicatur, nimirum ex eo quod, exceptis illis, quibus jejunare non licuit, diebus, jejunium illud *quadagesimam* ante festum Paschæ die inceperit, & ab ea usque die ad festum prædictum celebratum fuerit. Inde etiam est, quod totum hoc *quadraginta* dierum jejunium à primâ ipsius die *quadagesima* nuncupetur. Quâ quidem nomenclationis hujus ratione, nulla simplicior, nulla clarior, nulla primitivæ Ecclesiæ moribus magis consentanea reddi, vel inveniri potest.

imo quidem nulla alia, quæ vel probabilis sit, vel ullam rationis speciem præ se ferat.

VI. Qui jejunium igitur antepaschale à Patribus Nicænis, de quibus hucusque diffusius egimus, τ' τεσσαρεσκωστής nomine indigitatum perpendit, veramque appellationis istius rationem, quam explicuimus, perspectam habet, dubitare nequit, quin jejunium istud illis etiam diebus à quadragesimâ ante Pascha die jejuniis dicatâ, inceptum fuerit, & per quadraginta dies usque ad Paschalem festivitatem propagatum. Vox enim τεσσαρεσκωστή ab iis usurpata aliud significare non potest, quam vel ipsam quadragesimam diem ante Pascha, vel totam quadraginta dierum collectionem, quibus ante Pascha jejunatum est. Sive autem stricto, sive latiori intelligatur sensu, quadragesima dies jejunio isti celebrando assignat. Si enim à quadragesimâ ante Pascha die inceperit, nihil dubii esse potest, quin quadraginta dies, usque ad festum scilicet, continuatum fuerit. Ut autem ultimo ipsorum Canone Patres Nicæni totum à Pascha ad Pentecosten intervallum generali τ' πενήκωστής nomine indignant: Eodem etiam modo vocem τεσσαρεσκωστή hoc in loco usurpare videntur: pro toto scilicet temporis illius spatio, quod à quadragesimâ die ante, usque ad ipsum Paschæ festum jejuniis dicatum fuit. Cum edicunt itaque unam quotannis Synodum πρὸ τ' τεσσαρεσκωστής celebrandam esse, nihil aliud sibi volunt, quam eam peragendam esse priusquam antepaschale quadraginta dierum jejunium incipiat. Idque hac ratione ab ipsis reddita, ἵνα πάσης μικροψυχίας ἀναιρεμένης τὸ δῶρον καθαρὸν προσφέρῃται τῇ Θεῷ, ut omnibus animi sordibus sublatis purum munus Deo offeratur. Hoc est, ut sedata omni inter Christianos discordia, sublataque, quæ exinde oriri solet, invidia, malitia, & omni animi pravitate, se totos lachrymis, eleemosynæ, precibus, aliisque Deo gratissimis muneribus per totum jejunium quadragesimale pure offerendis dedicerent, & devoveant. Unde simul colligere est, quanta reverentia, quanta religione sanctissimi illi Patres jejunium istud quadragesimale peragendum esse voluerunt, cum ipsi tanta cautione prospexerint, ut sublata omni lite & discordiâ, per istud saltem tempus, purum ab omnibus Christianis munus Deo omnipotenti offeratur.

C A P U T V.

Synopsis.

- I. Testimonia pro jejuniis Quadragesimali à S. Athanasio petita, ab exceptionibus vindicata.
- II. Eusebii Testimonium de quadragesima, ex eo sumptum, quod is Therapeutarum ritus ut à Philone descriptos, à Christianis sua aetate observatos esse asseruerit.
- III. Therapeutas plerique Essenos fuisse opinantur. Cujus opinionis fundamentum evertitur. Quantum discriminis Essenos inter & Therapeutas fuit.
- IV. Inter Therapeutas & Christianos tanta fuit convenientia, ut Eusebius eos Christianos fuisse putaret. Sic etiam S. Hieronymus, & Epiphanius. Quorum verba vindicantur & explicantur.
- V. Nulla datur ratio, eos non fuisse Christianos evincens. Argumentis ex eo petitis, quod antiquos auctores & allegoricas scripturas habuerint, respondetur.
- VI. Alia contra hanc Patrum opinionem exceptiones diluuntur.
- VII. Haud mirum est quod Therapeutæ Hymnos & Cantica Deo canerent, etsi Christiani fuissent. Ista consuetudo in Ecclesia semper obtinuit. Illi isdem quibus Christiani in canendo ritibus usi sunt, ut antiphonis & ἀποστροφῶν.
- VIII. In jejuniis etiam peragendis, Therapeutis cum Christianis optimè convenit. Nulla secta tot regiones istis diebus peragraverat, quot Philo Therapeutas incoluisse tradit, præter Christianos.
- IX. Quare ea, quæ Therapeutas Christianos fuisse statuit, opinio nobis probabilis videtur. Ex eo saltem quod antiqui Patres ita senserint, jejunii quadragesimalis antiquitas evincitur.

I. **A**DHÆC, ut Ecclesia universa in Synodo Nicæna congregata, sic & singulares ejusdem ætatis Patres de jejuniis antepaschali ut religiose tunc dierum observato, & quidem sub quadragesimæ nomine meminerunt. Athanasius enim, quem istis claruisse diebus nemo nescit, in Epistola ad Orthodoxos, de Persecutione à Georgio Ariano in Ecclesiam Alexandrinam excitata loquens, eandem eo graviolem pejo remque pronunciat, quod in quadragesima, imo mox ante pascha nefarie acta fuerat. ταῦτα δὲ, inquit, ἐρίψατο ἐν αὐτῇ τῇ ἀγίᾳ παρασκευῇ, καὶ τὸ πᾶν, ὅτε οἱ μὲν ἀδελφοὶ ἐνήσειον, Hac autem in ipsa sancta quadragesima sub pascha acta sunt, cum fratres jejuniis dediti erant. Ubi ista verba καὶ τὸ πᾶν

πέγρα propterea, ut palam est, addit, ut ostenderet, hæc non in prima quadragesimæ parte, sed in ultima, proximè ante ipsum Paschæ festum, perpetrata fuisse. Quod si quadragesima paucis tantum ante Pascha diebus, ut opinatus est Dallæus, incepta fuisset, verba ista superflua essent, tota enim quadragesima ἐπὶ τὸ πέγρα esset. Contra quod Athanasii testimonium nihil exceperit eruditus vir, nisi quod Epistola illa non magnæ sit apud ipsum auctoritatis, utpote *quæ ab Athanasiani styli puritate, gravitate, atque simplicitate plurimum abhorrere videtur.* Dall. de jejun. & quad. lib. 3. cap. 9. pag. 496. Ita fortasse illi videatur. Sed is primus est, ni fallor, qui Epistolam illam in dubium vocavit. Sed & eadem fere habentur in Epistola ejusdem Patris, quam ipse Dallæus genuinum esse fatetur, *ad solitariam vitam agentes conscripta, ubi de Secundo & Sociis ejus, qui Presbyterum in ipso mortis articulo dicentem, nemo me apud judicem vindicet, habeo vindicem Dominum Jesum Christum, pro cujus nomine hæc patior, calcibus obtritum interfecerant, loquens ait, οἱ δὲ ἔτε λέγοντο ἡλέων, ἔτε πὸς ἡμέρας ἔδυσωπῶντο, ἐν αὐτῇ γὰρ τῇ τεσσαροκοσῇ λακτίζοντες ἀπέκλειναν τὸ ἄνθρωπον, Illi autem nec hominem ita loquentem miserti sunt, neque dierum ullam reverentiam habuerunt; In ipsa enim quadragesima hominem calcitrando elidebant.* Ubi iterum crimen ex eo aggravatur, quod in ipsa quadragesima perpetratum esset, quodque nullam haberent istorum dierum reverentiam. Unde tempus istud illis diebus summa religione observatum fuisse constat. Quod dilucidius adhuc apparet ex ejusdem Apologia priori ad Imperatorem Constantium, ubi hæc disertè dicit, Πίστευε γὰρ, Βασιλεῦ, ἡ ἐπὶ τότε πάλιν μάρτυρες δέξαι τιμὴν ἀλήθειαν, ὅπῃ ἐν ταῖς συνάξεσι τῇ τεσσαροκοσῇ, Ἀλλὰ τὸ τῶν τόπων σενὸν, ἡ τὸ πολὺ πλῆθος τῶν λαῶν, πλείους παιδία, ἡ σὺν ὀλίγαι νεώτεραι γυναικες, πλείους τε νεώτεροι, ἡ σὺν ὀλίγοι νεανίσκοι θλιβέντες ἀπηνέχθησαν εἰς τὰς οἰκας, ἡ δὲ Θεὸς παρεσχόμην, πέθηκε μὲν ἑδούς. *Crede mihi, Imperator, & in eam rem testem veritatem ipsam accipe.* In Synaxibus quadragesimæ, ob locorum angustiam, & magnam populorum multitudinem, plurimos pueros, nec paucas puellas, & aniculas complures, & adolescentes non paucos, afflictos jacuisse, & domum delatos esse, ita tamen ut, Dei benevolentia, nemo eorum perierit. Athan. Apol. 1. ad Constant. tom. 1. p. 682. Complures sane Alexandria erant Ecclesiæ, quibus Synaxes peragi solebant, ut testatur Epiphanius hæc. LXIX. n. 11. Sed nihilominus Synaxes per quadragesimam in iis omnibus celebratas, tanta hominum frequentia circumfusulas esse, ut in conferta turba plurimi elisi propemodum & præfocati essent, ipse sanctissimus sedis illius Antistes fidem hic plenissimam facit. Tanta istis diebus reverentia observabatur quadragesima. Ut nemini mirum videatur, quod à Patribus Nicænis cautum sit, ut unà quotannis ante istud tempus Synodus habeatur, qua omnes ita componantur lites, ut purissimum, quoad fieri potuit, munus istis saltem diebus Deo offeratur. Idem denique Pater in alterâ etiam ad eundem Imperatorem Apologiâ quadragesimæ mentionem induxit, his verbis, Εἴτ' ἐλθὼν τῇ τεσσαροκοσῇ ὁ παρ' αὐτῶν ὑποταλῆς. Athan. Apol. 11. pag. 704. Quid ad hæc Dallæus? Sed neque ista, inquit, neque alia, siqua sunt similia, nos

cogant fieri, istis, quibus ea scripsit Athanasius, temporibus, hoc est, circiter Annum Domini CCCXLI. vel CCCXLII. jam usitatum fuisse quadraginta dierum apud Christianos ante pascha jejunium; Potest enim quadagesima vox commode & ex usu Patrum de jejunio paschalis hebdomadis intelligi, quod sex ad summum dierum erat. Döll. pag. 497. Egregia sanè disputandi formula, qua omnes ferè controversiæ uno verbo dirimantur. Possibile enim est, ut aliter pleræque res se habeant, quam opinantur adversarii. Nos autem non quid potest fieri, sed quid reapse factum est, inquirimus. S. Athanasius jejunium antepaschale τὴν πασχαγενεσὴν passim appellat. Ea vox proprie diem quadagesimam, & exinde quadraginta dierum jejunium ex communi Ecclesiæ usu notat, ut ante ostendimus. Sed possibile est, nonnulli ea usque adeo abutantur, ut de sex dierum jejunio usurpent. Quis autem præter Dallæum, argumentum ex ista possibilitate formare potuit, vocem istam ab ipso etiam Athanasio καταχρηστικῶς adeo usurpatam fuisse? Sed hoc non dicit: dicit tantummodo fieri posse ut ita intelligatur: hoc est, se victum fatetur & latebras quæritantem. Sed ita, inquit vir doctus, accipiendum suadent ea, quæ paulo post ultimum (penultimum, ut à nobis citatur) locum subjicit Athanasius, cum idem illud tempus quod quadagesimam dixerat, τὰ προτέρᾳ mox vocat. Ei δὲ, ἐν τοῖς προτέροις ποιῶντι γέρονε θλίψις, τί ἂν ἐγγόνει ἐν αὐτῇ τῇ ἑορτῇ. Ubi festum, inquit Dallæus, indubie est Pascha; τὰ προτέρᾳ dies Pascha antecedentes, hoc est hebdomas dominicæ passionis. Nam ut τὰ προτέρᾳ dicantur quæ festum sex septemve hebdomadibus antecedunt, communis sermonis ratio vix patitur. Ubi cautè admodum interseruit dubitandi particulam vix. Neque ipse enim absolutè negare potuit, quin quadraginta jejunii antepaschalis dies festi ipsius Paschalis respectu τὰ προτέρᾳ jure appellentur, æquè ac quinque aut sex. Quod adeo clarum est & omnibus notum, ut non opus sit rationibus asseratur. Præsertim cùm ipse quoque Dallæus illud diserte negare non ausus sit.

II. Ut S. Athanasius Alexandrinus, sic & Eusebius Cæsariensis Synodi Nicænæ tempore florebat, eidemque intererat. Hic vero summæ jejunii quadagesimalis antiquitati adstruendæ præclarum contribuit testimonium, eo quod Therapeutas à Philone Judæo, libro de vitâ contemplativâ, descriptos, Christianos fuisse à Marcó Evangelistâ edoctos, affirmet. Quo hoc autem argumentum manifestius cuivis evadat, inprimis tenendum est, quod doctissimus ille Philo Judæus, dicto περὶ τῶν βίᾳ θεωρητικῇ ἢ ἱερῶν ἀρετῶν libro, hominum quoddam genus in Ægypto alibique degentium, fusè describit, quos, viros quidem Θεραπεύτας, scæminas vero Θεραπεύτιδας, dictos fuisse testatur. Horum ille pietatem erga Deum, abstinentiam, frugalitatem, contemptum mundi, omnes denique virtutes summis laudibus prosequitur. Inter alia de iis dicit, quod ἔτι τὸ μὴ πρῶτον ἀφροΐζονται δι' ἐπταῖς ἑβδομάδων, & μόνον τὴν ἀπλὴν ἑβδομάδα, ἀλλὰ καὶ τὴν διώκαιν τετηπότες· ἀγνῶν ἢ ἢ ἀειπάρθενον αὐτῶν ἴσασιν. ἐστὶ δὲ προτέρᾳ μερίσας ἑορτῆς, ἣν πενήκοντὰς ἔλαχεν, ἀγνώσκει ἢ φυσικώτατος ἀεθμῶν. Hi quidem primo conventus suos celebrant per septem hebdomades, venerant non modo simplicem septenarium, sed & vim

ejus

ejus multiplicem. Castam enim sciunt hebdomada & semper virginem. Tempus istud Profectum est maxime festivitatis, incidentis in numerum quinquagenarium, sanctissimum & summè naturalem. Deinde descriptis eorum publicis conventibus, addit, Οὐκ ἐν ἐκείναις ταῖς ἡμέραις οὐκ εἰσπορίζεται, ἀλλὰ Ἀγυγέστων ὕδωρ, ψυχρὸν μὴ ποῖς πολλοῖς, θερμὸν δὲ τῶν πρεσβυτέρων ποῖς ἀεροδαίτοις, ἢ τεσσάρων καθαροῖ τῶν ἐναίμων, ἐφ' ἧς ἄρτοι μὴ τροφή, πρὸς ψήμα δὲ ἅλεις, οἷς ἐστὶν ὅτε ἢ ὕσσωπον ἢ ἡδυσμα παραρτύεται. Ἀλλὰ τὰς τευφῶντας. Vinum per illos dies non prabetur, sed aqua limpidissima, plurimis frigida, calida vero iis qui inter seniores tractantur delicatius: Mensa pura est à cruentis dapibus; pro cibo panis apponitur, sal pro opsonio, & pro condimento hyssopus nonnunquam in delicatiorum gratiam. Posthæc subjungit, ut sacrae iis literæ prædicatæ sunt, ut ὁ πρέσβυς cæterique congregati hymnos in Dei laudem canant, & τὴν ἱερῶν παννυχίδα Sacrum pervigiliam celebrent.

Hæc à Philone de Therapeutis dicta, de Christianis illius ætatis, hoc est, nonnullis saltem ex Apostolis adhuc superstitis, intelligenda esse contendit Eusebius, idque hac ratione, quod quæ hic de Therapeutis dicuntur, cum Christianorum moribus ac institutis ab ipsis Apostolorum temporibus ad suam ætatem observatis convenire videbat: Cujus rei multa addit specimina, Hist. Eccles. lib. 2. cap. 17. Inter alia autem è Philonis verbis ante laudatis, sic disputat, πῶς δὲ τῶν τοιούτων ἀπὸ τῶν ἀνδρῶν, ἢ τῶν ἱδίων μὴ ἀνδρῶν, ἢ τῶν γυναικῶν ἐν ταύτῃ Ἀγνείᾳ, ἢ τῶν ἐξ ἐθὺς εἰσέτι ἢ νυκτὸς πρὸς ἡμῶν ἀπὸ τῆς ἐκείνης ἀσκήσεως, ὡς ἀφ' ἑαυτῶν τῶν ἐκείνων πατρὸς ἐορτῆς, ἐν ἀσκήσει ἢ ἀγνείᾳ ὡς ἐστὶν, πρὸς τὰς τε τῶν θείων λόγων ἐντελέειν ἐνώπιον, ἀπὸ ἐπαγγελίας τῆς αὐτῆς ὅν ἢ εἰς δοῦρο τετήρηται ὡς μόνος ἡμῖν τῶν, ἀπὸ τῆς ἐκείνης ἀσκήσεως, ἢ τῶν ἐν ταύτῃ ἀσκήσεως, τὰς τε λέγειν ἐνώπιον πρὸς ἡμῶν ἡμῶν ἰσορῶν. Quid præterea hic attinet commemorare & virorum & mulierum scorsim degentium studia atque exercitationes, quæ apud nos etiamnum in usu sunt, præcipuè circa diem festum dominica passionis, quo tempore jejuniis atque vigiliis, & sacrorum librorum lectioni inpenitus vacare consuevimus. Quæ omnia vir ille toties jam nominatus (Philo) eodem plane modo quo à nobis solis hodieque observantur, accuratè notata, scriptis suis tradidit, ac inprimis pervigilia magne solennitatis, piæque in iisdem exercitationes, & hymnos qui à nobis recitari solent, commemoravit. Et paucis interjectis, ὅπως τε ἢ τῶν δεδηλωμένων ἡμέρας ἀπὸ τῆς ἐκείνης χαμδυνῶντες, οἷς μὴ τὸ παρῆναι, ὡς αὐτοῖς ῥήμασι ἀνέγραψεν, οὐκ ἀπογνώσκειν, ἀλλ' ἐδὲ τῶν ἐκείνων πνός. ὕδωρ δὲ μόνον αὐτοῖς ἐστὶ τὸ ποτὸν, ἢ πρὸς ψήμα μετ' ἄρτου, ἅλεις ἢ ὕσσωπον, Uteque per illos dies humi in stramentis recubantes, a vino quidem, ut ejus verbis utar, penitus abstineant, neque carnes ullas degustent, solâ autem aquâ ad potum utantur, neque ad panem aliud quippiam adhibeant, præter Sal & Hyssopum. Euseb. Hist. Eccles. lib. 2. cap. 17. Hæc, licet proluxa, idcirco transcripsimus Eusebii verba, ut facilius clariusque ex iis lectori appareat, Eusebium in ea fuisse opinione, quæ jejunium Antepaschale ab ipsis Ecclesiæ primordiis observatum fuisse statuit, idque eodem modo quo suo & Synodi Nicænæ tempore observa-

batur.

batur. Enimvero quæ Philoni ἡ μεγάλη ἑορτή vocatur, eam Eusebius ἡ τῆς σωτηρίας πύθης ἑορτή, & τῷ μεγάλῳ ἑορτῷ appellat, quo quidem nomine festum Paschæ à Christianis vulgo indigitatum fuisse, cuique notum est. Ante magnam hanc festivitatem Philo septem à Therapeutis celebratas fuisse hebdomadas tanquam περεόπων τῇ μεγάλῃ ἑορτῇ, & in illis diebus publicos frequenter habitos fuisse conventus, & strictissima observata jejunia tradit. Adeo ut nihil potarent præter aquam, nihil ederent præter Panem, Salem & Hyssopum. Hæc Eusebius sua ætate Christianis circa festum dominicæ passionis in usu esse affirmat, *Quo tempore, inquit, jejuniis, vigiliis & sacrorum librorum lectioni impensius vacare consuevimus.* Quapropter etiam si concedamus Therapeutas à Philone descriptos revera non fuisse Christianos, sed hallucinatum esse Eusebium hoc asserentem, ex eo tamen quod is illud asseveravit, & jejunia ista, quæ Philo per septem hebdomades ante magnam festivitatem ab iis peracta describit, à sui temporis Christianis observata esse affirmavit, ex eo, inquam, luculentissime constat, non modo jejunium Antepaschale quadraginta dierum, sive septem ferme, exceptis dominicis, hebdomadam, Concilii Nicæni tempore vulgo obtinuisse, verum & Eusebium sibi persuasum habuisse, quodd idem Quadragesimale jejunium ab ipsis Apostolorum temporibus observatum fuerat. Philo enim, qui hæc de Therapeutis tradidit, nonnullis saltem Apostolorum coætaneus fuit. Quod quidem summæ jejunii istius antiquitatis illustre est documentum. Si vel suo enim vel præcedenti seculo illud institutum fuisse vel novisset Eusebius, vel etiam dubitasset, ipsis Apostolorum temporibus acceptum referre noluisset.

III. Sive itaque Therapeutæ à Philone celebrati Christiani fuerint, sive Judæi, argumentum ex Eusebii de iis testimonio deductum, istud, de quo agimus, jejunium longe ante Synodum Nicænam observatum fuisse evincit. Quod si constaret eos Christianam amplexos esse religionem, jejunium illud multo adhuc antiquius appareret, & ab ipsis Apostolis aliquo modo institutum. Et quidem etiam si illud omni asseveratione cum Eusebio affirmare non ausim, in eam tamen magis propendo sententiam, quæ Therapeutas religione Christianâ instructos judicat. Primo enim qui aliter sentiunt, eos Essenos fuisse, certam quandam Judæorum sectam, plerique contendunt. Dicunt nimirum Philonem de duobus egisse Essenorum, vel Essæorum generibus, quorum illi practicam, hi Theoreticam agebant vitam, de iis quidem in libro præcedenti περὶ τῆς πάντας σπουδαίων εἶναι ἐλεύθερον, de his autem in hoc περὶ βίης θεωρητικῆς, ἡ ἱκετῶν ἀρετῶν inscripto libro. Verumenimvero cùm ipse Philo nullibi dicat, duo fuisse Essenorum genera, mirum est, si alii illud ex ejus libris eliciant. Sed fundamentum hujus opinionis jactum est in primis libri ultimo nominati *de vitâ contemplativâ* verbis, quæ sic habent, Ἑσσαιῶν περὶ ἀφελειῶν, οἱ τὴν περατικὴν ἐξήλωσαν ἢ διεπύνησαν βίον ἐν ἀπασιν, ἡ τὸ γὰρ διφορητότερον εἰπεῖν τοῖς πλείστοις μέρεσι, διανεγκόντες αὐτίκα ἢ περὶ τῶν θεωρίαν ἀπασυμψύων ἀκολυθία τῇ πραγματείᾳ ἐπομύθη, τὰ περὶ σκόντα λέξω. Postquam de Essæis disseruimus, qui vitam activam exercent omnibus, aut quod minus invidiosum dictum est, plerisque felicius: ordo postulat,

postulat, ut deinceps de iis qui contemplationi dediti sunt, dicamus ea quæ dicenda sunt. Quâ autem arte ex his verbis colligatur, Philonem in hoc etiam libro de Essæis loqui, me prorsus fugit. Dicit quidem se in præcedenti libro, quod omnis probus sit liber, de Essæis, qui vitam activam exercebant, disseruisse. Non autem dicit se in hoc etiam libro de Essæis, sed generatim de iis qui contemplationi dediti erant, acturum esse. Quos propterea ab Essæis aperte distinguit. Quod manifestius adhuc exinde apparet, quod per totum hunc librum eos, de quibus agit, Ἑσάαις nulloquam appellet, nec Ἑσάαις sed Θεραπευτὰς appellatos fuisse dicat. Θεραπεύεται γὰρ, inquit, ἡ Θεραπευτική ἐν τῷ καλῷ. Quin hujus etiam nomenclaturæ alias atque τῶν Ἑσάαιων rationes affert. Libro enim præcedente, περὶ τῆς πείρας σωδαιῶν εἶναι ἐλεύθερον, ubi de Essæis agit, eos dicit esse παρωνύμους ὁσιότητι, à sanctitate nominatos, nimirum à voce Syriacâ Hasi, ὁσι, Sanctus, probus, unde Hasiuto, ὁσιότης. Atqui in hoc de vitâ contemplativâ libro, ubi de Therapeutis loquitur, eos ita vult appellatos, ὅτι τῶν θεραπεύειν τοὺς τῆ ψυχῆς νόσους, à curandis animæ morbis, vel ὅτι τῶν θεραπεύειν τὸ ὄν, ὃ ἡ ἀγαθὴ κρείττον ἐστὶν, ἢ ἐνός εἰλικρινέστερον, ἢ μονάδου ἀρχηγινώτερον, A colendo Ente, eo quod bono melius est, & uno sincerius, & unitate in generando antiquius. Si Philo autem Therapeutas eosdem esse ac Essenos putasset, quare eos per diversa nomina à diversis originibus à seipso derivata putasset, quare eos per diversa nomina à diversis originibus à seipso derivata distinguit? Quare etiam Therapeutas nunquam Essenos, nec Essenos Therapeutas vocat? An quia hi contemplativam, illi activam agebant vitam? Atqui hæc nomina nihil plane ad istam distinctionem conducunt: neque enim vox *Essenus* vitam activam innuit, nec contemplativam *Therapeuta*. Sed si eadem fuissent secta, hæc in vitis ipsorum distinctio minime obstaret, quo minus ambo Esseni pariter atque Therapeutæ dicerentur. Philo autem tantum inter eos discriminis observat, ut uno ambos nomine indigitare non potuerit, ac proinde hanc nominum distinctionem accurate admodum observat. Ubi de Essenis loquitur nec verbum habet de Therapeutis; ubi de Therapeutis, nec verbum de Essenis. Sed de istis sigillatim, ut diversis omnimodo sectis agit. Josephus etiam, qui Essenos fusè descripsit, eos Therapeutas nominatos esse nusquam affirmat, neque uspiam observat eos duorum fuisse generum, quorum hi actioni, illi contemplationi dediti erant. Dicit tantummodo alium fuisse Essenorum ordinem, cibos quidem & mores legesque similes habentem, ab aliis vero opinione de conjugio discrepantem. Ἐστὶ γὰρ ἡ ἑτέρα, inquit, Ἑσσηνῶν τάξις, ὃ ἀγαπᾷ μὲν, ἢ ἔθῃ, ἢ νόμῳ τοῖς ἀλλοῖς ὁμοφρονῶν. διεσθὲς γὰρ τῇ κατὰ νόμον δόξῃ. Joseph. de bello Jud. lib. 2. κεφ. 18. pag. 788. Quod si hæc eorum distributio in Activos & Contemplativos ex male intellectis Philonis verbis detorta, Josepho innotuisset, illam proculdubio inprimis adnotasset. Adhæc si ea quæ ipse Philo de Essæis scribit, cum iis conferantur, quæ de Therapeutis tradit, eas diversas omnino sectas fuisse clarissime elucescet. Ex ipsius enim verbis constat, Essenos in Syriâ solâ & Palæstinâ fuisse, Therapeutas autem in multis aliis regionibus, apud Græcos & Barbaros, & præcipue in Ægypto circa Alexandriam. Illi

in vicis, hi in solitudine habitare amabant. Illi ædes suas sacras, Judæorum more, *Synagogas* appellabant, hi suas *συνεῖα ἢ μοναστήρια*. Illi muliebrem sexum averfabantur, hi, *ἑσπεριδίας* suas secum alebant. Ritus denique in sacris obeundis, necnon in civilibus negotiis mores, diversissimos habebant, ut cuilibet ea quæ Philo, Josephus, & Plinius de Essenis tradiderunt, cum iis quæ de Therapeutis à Philone solo dicuntur, conferenti patebit. Adeo ut cujuscunque fuerint sectæ Therapeutæ, Esseni saltem nequaquam dici possunt.

IV. Verumenimvero præter Sadducæos, Pharisæos, & Essenos, alia à Philone & Josepho nulla inter Judæos secta commemoratur. Therapeutas autem à Philone descriptos nec Sadducæos fuisse nec Pharisæos, inter omnes convenit; Essenos etiam eos non fuisse, è supradictis patet. Quocirca haud mirum est, quod Eusebius eos non inter Judæos, sed Christianos potius recensuerit; præsertim, cum etiam si Judæis orti, nonnullos eorum ritus retinuerint, in aliis tamen Christianorum instituta religiose sequerentur. Ut Eusebius enim recte ex Philone observat, simul atque aliquis ad hoc philosophandi genus se contulerit, omnibus suis bonis ad Propinquos transmissis cedebat. Quod etiam de primis Christianis Actus Apostolorum divinitus conscripti testantur, ut ubi scriptum habemus primos Apostolorum discipulos, prædiis ac facultatibus suis venditis, pretium fratribus, prout cujusque necessitas flagitaret, divisisse, adeo ut inter ipsos nemo egenus existeret. Porro Therapeutæ Christianorum ad instar Ecclesias suas variis in locis extructas habebant, quæ Semneæ & Monasteria dicebantur, in quibus sanctioris vitæ mysteria, remotis arbitris, soli peragebant. Nec quicquam profanum eò secum ferebant, sed legem dumtaxat & prophetarum oracula, hymnosque, & alia hujusmodi quibus pietas & scientia augeantur. Apud eos etiam commentaria erant Veterum, quæ Eusebius Evangelia & Apostolorum scripta & expositiones quasdam Veterum prophetarum fuisse opinatur. Ad hæc jejuniis & vigiliis & sacrorum librorum lectioni vacabant toti Therapeutæ, non minus quam Christiani, circa Paschalem festivitatem. Quinetiam *ἐπίσκοπον* suum, sive Episcopum, necnon Diaconos ministrantes Therapeutæ Christianorum more habebant. E quibus colligit Eusebius, Philonem primos Evangelicæ doctrinæ prædicatores, & ab Apostolis traditam Ecclesiæ Christianæ disciplinam in mente habuisse, cum ista de Therapeutis scribebat: eo scilicet quod hæc à Christianis ad suam usque ætatem ubique observata videret. Neque solus fuit in hac opinione Eusebius. Namque S. Hieronymus eum secutus est, in catalogo scriptorum Ecclesiasticorum hæc habens, *Philo Judeus natione Alexandrinus, de genere Sacerdotum, idcirco à nobis inter scriptores Ecclesiasticos ponitur, quia librum de primâ Marci Evangelistæ apud Alexandriam scribens Ecclesiâ, in nostrorum laude versatus est: non solum eos ibi, sed in multis quoque provinciis esse memorans, & habitacula eorum dicens monasteria*. Dallæus autem de jejun. & quadr. lib. 2. cap. 4. dicit Hieronymum parum sibi hic constare, ut qui alibi disertè scripsit, de Essenis Judæorum sectâ Philonem tractatum illum confecisse. Verum nihil est quod

quod Dallæus in D. Hieronymum, ut sibi hic non constantem, inveheretur. Philo enim proprium de Essenis volumen edidit, diversum ab eo quod de Therapeutis conscripsit, ut omnibus notum est. Ac propterea hæc D. Hieronymi verba non de illo Philonis tractatu *de vitâ contemplativâ*, quo de Therapeutis, sed de altero illo cui titulus *quod omnis probus sit liber*, quo diserte de Essenis agitur, intelligenda sunt. Sed Hieronymus, inquit Dallæus, & Epiphanius Eusebii hallucinationem, ut in aliis non paucis solent, ita hic quoque ἀνεξέτητος sequuti sunt. Verum hæc gratis dicta sunt. Neque unquam à quolibet impetrabit Dallæus, ut ipsi fides habeatur nude asserenti, doctissimum illum Patrem D. Hieronymum adeo incautum fuisse & imprudentem, ut Eusebii in omnibus sententiam sine consilio & iudicio sequeretur. Non equidem diffiteor, quin D. Hieronymus in Ecclesiasticâ forsitán Eusebii historiâ legerit Philonem de Christianis locutum esse. Hoc autem ille postea affirmavit, non quod Eusebius idem dixerat, sed quod summis id rationibus adstructum viderat: istiusmodi scilicet, quibus ipse in eandem opinionem fidemque adductus est. Hanc enim Hieronymi æque ac Eusebii sententiam fuisse, pro certissimo habemus. Et quod ad Epiphanium spectat, ille in eadem quoque sententiâ fuit; quam tamen ab Eusebio nullus hausit. Eusebius enim Christianos illos à Philone descriptos *Therapeutas* vocat. Epiphanius autem alio eos nomine indigitat. Nam ἱεσσαίως appellat. Imo quidem ipsum illum Philonis librum quem Eusebius περὶ βίης θεωρητικῆς, ἢ ἱκετῶν ἀρετῶν, Epiphanius eundem περὶ ἱεσσαίων inscriptum ait. Ex quâ etiam inscriptione hic colligit, Christianos primitus ἱεσσαίως nuncupatos esse. Cujus appellationis varias reddit rationes. Ita enim appellatos dicit vel ἀπὸ τοῦ ἱεσσαὶ Davidis Patre, vel potius ab ipso Domini nostri nomine Ἰησοῦ (quemadmodum ab altero ejus nomine Χερσιανοῖ Antiochiæ primo cognominati sunt) idque ἀπὸ τοῦ ἐξ Ἰησοῦ ὁρμαῶς, μαθηταὶ ὄντες αὐτῶν, ἢ ἀπὸ τοῦ ἐπιμολογίας τοῦ ὀνόματος τοῦ κυρίου. Ἰησοῦς γὰρ καὶ τὴν Ἑβραϊκὴν διάλεκτον, θεραπεύτης καλεῖται, ἢ ποι ἰατρὸς, ἢ σωτήρ. Quod à Jesu disciplinâ profecti, ejusdem discipuli essent: vel ex ipsâ Etymologiâ nominis, quo vocatus est Dominus. Jesus enim in dialecto Hebraicâ θεραπεύτης vel Medicus & Servator est. Epiph. hæc. 29. Nazaræor. num. 4. Hic docti, fateor, viri Epiphanio vitio verterunt, quod nomen Ἰησοῦ Græcæ originis esse crediderit, ἀπὸ τοῦ ἰάσαιαι five Ionicè ἰησαῶς curare: sed immerito prorsus. Is enim vocem istam à linguâ Hebraicâ derivatam esse diserte affirmat. Ut quâ Ἰησοῦς ait θεραπεύτης καλεῖται, ἢ ἰατρὸς ἢ σωτήρ. Nec incongruè quidem. Nam ישרא unde ישינ & ישר. Ἰησοῦς, servare generatim significat, & cum de animi aut corporis morbis speciatim usurpatur, idem est atque ἰάσαιαι, & θεραπεύειν. Quod & alii ante observarunt. Epiphanius itaque primos Jesu Christi discipulos à magistri nomine Ἰησοῦ, ἱεσσαίως dictos putavit, hosque eosdem fuisse, quos Philo Judæus alio, Græcæ quidem originis sed ejusdem notionis, nomine θεραπεύτης appellat. Utrum Epiphanius primos Christianos hoc nomine alibi indigitatos repererit, non liquet. Liquet autem eum in Philonis tractatum de Therapeutis incidisse, hunc titulum περὶ ἱεσσαίων præ se ferentem, & persuasum

suasum habuisse, Jessæos illos sive Therapeutas in eo celebratos, inter primos fuisse fidei Christianæ cultores. Ubi enim de nomine isto verbis supra laudatis disputasset, hæc addit, Ἐν τοῖς δὲ ἀν. ὡς φιλόλογος, καὶ τὰς τῶν ὑποφωσμένων βίβλων, ὅς τῶν τῶν πολυτέρων ἢ τῶν ἐγκρίτων διεικνύων, καὶ τῶν αὐτῶν μοναστηρίων ἐν τῇ καὶ τὴν μακρὰν λίμνην ἰσχυρῶν περικυβερτῶν, καὶ τῶν πνύων ἐπὶ τῶν ὁ ἀνὴρ ἰσχυρῶν, ἀλλὰ καὶ Χριστιανῶν, *Quod quidem argumentum uberius pertrahatur, quisquis es studiosus, in Philonis commentariis invenies, in eo libro quem de Jessæis inscripsit. Ubi illorum vitæ disciplinam ac præconia celebrans, eorumque monasteria, quæ ad Marianam paludem circumcirca posita sunt, describens, non de aliis ullis quam de Christianis ista narravit. Epiphanius. ibid. num. 5.* Et mox deinde subjungit Philonem ad Jessæos illos sive Therapeutas accessisse, & ad monasteria eorum divertisse ipsis Paschalibus feriis sive ἐν ἡμέραις, ut ait, τῶν πάσχα, quibus omnem eorum vitam inspiciebat, observabatque nonnullos totam illam sacrosanctam hebdomadam sine ullo cibo transigere, alios alternis illum diebus sumere, quosdam vero sub vesperam. ἢν δὲ, inquit Epiphanius, τῶν ἀνδρῶν πάντα ταῦτα πεπερασμένα εἰς τὴν καὶ πίστεως τε καὶ πολιτείας τῶν Χριστιανῶν ὑποφωσμένων, *Quamobrem quæcunque toto illo libro à Philone tractata sunt, ea Christianorum ad fidem vivendique rationem omnino pertinent.* Unde constat strenuissimum illum hæresicon oppugnatorem firmissime credidisse non modo quod Therapeutæ illi à Philone descripti fidem Christianam amplexi essent, verumetiam quod jejunia & pervigilia quæ Philo ab iis celebrata tradit, ante Paschalem festivitatem peracta fuissent, atque ideo quod jejunia illa antepaschalia, quæ sua ætate, hoc est, quarto labente seculo ab Ecclesia celebrari solebant, ab ipsius Marci Evangelistæ temporibus instituta fuissent ac observata.

V. Tres itaque gravissimos habemus testes Philonem Judæum libro supra laudato de Christianis sub Therapeutarum nomine disseruisse, videlicet, Eusebium, Hieronymum, & Epiphanium, qui omnes quarto claruerunt seculo, ac propterea de nascentis Ecclesiæ, ad quam longe propiores accedebant, disciplinâ multò melius judicare potuerunt, quam nos qui tot, non annorum, imo vero seculorum intervallo ab iis remoti sumus. Quare nihil est, quod nos ab eorum opinione recedamus, nisi validissimis coacti rationibus. Quod si rationes à Dallæo aliisque ad evertendam hanc Veterum Ecclesiæ Patrum sententiam allatas expendamus, tales eas inveniemus, quæ neminem præjudicio non laborantem, in contrariam opinionem inducant. Primo enim Dallæus de jejun. & quadrag. lib. 2. cap. 4. aliique obijciunt Philonem de Therapeutis agentem, dicere παλαιὸς ἀνδρὲς τῆς αἰρέσεως ἀρχηγέτας γενέσθαι viros antiquos sectæ istius autores fuisse, eosque πολλὰ μνημεῖα τῆς ἐν τοῖς ἀποκηρυκμένοις ιδέας ἀπολιπεῖν multa reliquisse monumenta doctrinæ illius quæ in allegorici posita est. Atqui neque Marcus, inquit, neque Apostoli Philoni, qui sub Caio floruit, antiqui dici potuerunt, neque vero ulla allegoricæ, quam dicit, idææ monumenta reliquerunt. Hæc autem objectioni ex parte saltem respondit Eusebius, utpote qui traditum reliquit Philonem etiam Claudii

August,

Augusti, qui Caio successit, temporibus Romæ cum Petro, qui verbum Dei illic prædicabat, familiarem congressum habuisse, & commentarium illum de Therapeutis εἰς ὕπερον ἢ μετὰ χρόνους, multis post annis ab eo elaboratum esse. Hæc Eusebius, Hist. Eccles. lib. 2. cap. 17. Quæ fidei ac rei veritati absona esse, opinionis hujus adversarii, nec probarunt adhuc, nec ut opinor, unquam probare poterunt. His autem positis, objectio ista facile diluatur. Etenim si Philo, non nisi longo post congressum ipsius, quem cum S. Petro Romæ, Claudio imperante, habuit, tempore tractatum illum conscripserit, Therapeutæ, quorum ibi describit disciplinam, nonnulla ex Evangeliiis & Apostolorum scriptis secum prius habere poterant, quàm ab eo celebrati sunt. Quod etiam Eusebio visum est, dicenti, τάχα δὲ εἰκὸς εἶναι φησιν, ἀρχαίων παρ' αὐτοῖς εἶναι συγγραμματα, ταῦτε εὐαγγέλια, ἢ τὰς τῶν ἀποστόλων γραφὰς τυγχάνειν, δηγήσεις δὲ πινὰς καὶ τὸ εἰκὸς τῶν πάλαι προφητῶν ἐρμηνεύειν. Quos autem ait penes illos fuisse, veterum quorundam commentarios, verisimile est ipsa esse Evangelia & Apostolorum scripta, & expositiones quasdam veterum prophetarum. Euseb. ibid. Marcus igitur Evangelista, alii-que ex primis Christi discipulis, qui prima fidei nostræ monumenta Therapeutis tradiderant, Philoni antiqui fortasse viri viderentur, quippe quos primos fuisse istius sectæ, cujus initium ipse ignorabat, autores ab ipsis Therapeutis acceperat. Adhæc Therapeutæ, etiamsi modo Esseni non essent, cum tamen vel ex iis vel ex aliis saltem Judæorum sectis ad religionem Christianam conversi fuissent, vetustiores quasdam prophetarum, ut ait Eusebius, expositiones, aliosque à majoribus acceptos de recta vivendi ratione commentarios penes se etiam tum habere poterant, quorum antiquos autores sectæ illius ἀρχηγέτας fuisse, Philoni proclive esset opinari. Nec difficilior fuit ei suspicari, eosdem Allegoricæ doctrinæ Therapeutis usitatæ monumenta reliquisse. Antiquos enim Judæos & præsertim Essenos, sacras scripturas allegoricè exposuisse, neminem latet. Extant hodieque ipsius Philonis in legem allegoricæ. Aristobolus etiam ante Philonem commentariis suis in Pentateuchum Moïsis allegorias quasdam interfervit. Imo quidem ipse D. Paulus sacras scripturas allegoricè nonnunquam interpretatur, ut quarto capite Epistolæ ad Galatas, de Isaac & Ismaele, illo ex libera, hoc ex ancilla natò: alibique non semel. Quin ipse etiam Dominus omnia propemodum in parabolis vulgo locutus est, quæ aliter quam allegoricè exponi non possunt. Ac propterea non mirum est quod Therapeutæ, licet Christiani, nonnulla allegoricæ doctrinæ monumenta penes se haberent; mirum potius esset si non habuissent.

VI. Sunt & alia nonnulla quæ contra veterum de Therapeutis opinionem objici solent, quæ tamen facile diluantur. Dallæus enim opponit illa Philonis de iis verba, τοῖς ἐβδομαῖς συνέρχονται, ut illos sabbatum observasse indicantia: nimirum ac si Christiani dominicas totius anni observantes ταῖς ἐβδομαῖς συνέρχονται non dicantur, æque ac Judæi qui sabbata. Philo non ait eos sabbatis sed *septimis diebus* convenisse; at nisi longè fallor opinione, qui dominicis conveniunt, septimis quibusque diebus convenire dicantur, non minus quam illi qui sabbatis: verum & si sabbata Judaica hic intelligantur,

nihil exinde proficiet Dallæus, quem latere non potuit, nonnullos è primis Christianis sabbata ista aliquamdiu observasse. Qui propterea, hac tantum nominata, ad aliam protinus objectionem transit, sic habentem, Philo Therapeutas suos *ἐπιχειρονομεῖν ἢ ἐπιχεῖδαι*, variis manuum gesticulationibus uti & saltare sive choreas ducere post cœnam solitos narrat. *Qua inepta sunt*, inquit Dallæus, & Judaica, & à veterum Christianorum religione aliena. De jejuniis & quadrag. lib. 2. cap. 4. Cùm ipse autem fateatur hæc Judaica esse, nec illi nec alii cuiquam mirum videatur, si ii qui à Judaïsimo ad fidem Christianam nuper conversi sunt, ista parumper retinuerint; Nonnullas enim è Judaicis superstitionibus ab aliquibus Judæis Christianis modo factis observatas fuisse, omnibus in antiquitate versatis notissimum est. Dallæum saltem præterire non potuit: qui tamen sese doctissimorum, quos ante laudavimus, Patrum sententiam tenuissimis hisce strophis evertisse putavit. Nihil enim præterea contra eam excepit, & tamen in contrariam totus abiit. Alii autem alias excogitarunt exceptiones. Dicunt enim Therapeutas, ut à Philone descriptos, bis tantum quotidie preces fudisse, Oriente nimirum sole & Occidente. *At primi*, inquit, *Christiani tertiâ, sextâ, nonâ & singulis non diei modo, sed & noctis horis Deum orabant.* Non equidem diffiteor, quin hoc & primis & singulis vere Christianis solenne fuerit, & est, ut singulis propemodum horis Deum prece adorent; nec probari potest quin Therapeutæ idem fecerint. Etiam si enim Philo eos bis quotidie precari solitos dixerit, non tamen dixit eos sæpius non precatos esse. Neque etiam de privatis singulorum, sed de publicis omnium in Semneis congregatorum precibus loquitur, & quamvis bis tantum quotidie publicas & communes preces fecerint, nihil tamen obstat, quo minus singulis noctis pariter ac diei horis Deum privatim oraverint.

VII. At Philo ait Therapeutas hymnos & cantica vario metrorum genere in honorem Dei composuisse, quod cadere, inquit, non potest in primævos illos Christianos, quoniam nostri hymnos serius contexere cœperunt, post Antoninorum scilicet tempora, cum viri docti sese ad religionem nostram applicuissent. Hoc sane dicitur, sed non probatur: nec ipse saltem video quâ ratione probari potest, vel etiam defendi. Primos enim Christianos, Psalmos, Hymnos, & Cantica spiritualia cantare solitos esse, extra dubium est. Id enim ab Apostolo in mandatis datur, Ephes. V. 19. Coloss. 3. 16. ubi etiam si concedamus Psalmos & Hymnos in Dei laudem oratione solutâ compositos & cantatos fuisse, *ὠδαὶ πνευματικαὶ* ab Apostolo memoratæ, artificiosæ videntur Cantiones, & vario metrorum genere contextæ. *ὠδὴ* enim *Carmen*, quod metricè scribi solet, proprie significat. Dionysius Halicarnassæus, *τοὺς μὲν ὠδὰς καλεῖσι Ῥωμαῖοι κάρμινα*. Archæol. Rom. lib. 1. Et quidem ut Apostolus *ὠδὰς ἢ ὕμνους* Carmina, sive Cantica & Hymnos distinguit, sic Philo Therapeutas *ᾠσματα ἢ ὕμνους* Cantica & Hymnos in Dei laudem fecisse narrat; *ὥς* inquit, *ὁ θεὸς μόνον, ὡς δὲ ἢ ποιεῖσιν ᾠσματα ἢ ὕμνους εἰς τὸ θεὸν ἐκ παντοίων μέτρων ἢ μελῶν*. Quod quidem ab Apostolicæ Ecclesiæ institutis usque adeo non abhorret, ut iis summè potius consonet; & ab ipso initio

initio ac deinceps perpetuo usitatum fuit. Hoc enim & è Plinio secundo discimus, in Epistolâ ad Trajanum dicente, *Christianos sui temporis solitos fuisse statò die ante lucem convenire, carmenque Christo quasi Deo dicere secum invicem.* Trajanus autem ante omnes Antoninos imperium Romanum administravit. Adhæc antiqui cujusdam libri adversus Artemonis hæresin conscripti fragmentum apud Eusebium extat, Hist. Eccles. lib. 5. cap. 28. in quo ad demonstrandum Christi divinitatem ab Ecclesiâ perpetuo prædicatam fuisse, inter alia hæc habemus, *Ψαλμοὶ ᾧ ὅσοι καὶ ὡδαὶ ἀδελφῶν ἀπ' ἀρχῆς ἀπὸ πρῶτων γεγεφῶσιν ἃ λόγον ᾧ Θεῷ ἃ Χριστὸν ὑμνοῦσι θεολογῶντες, Psalmi quoque & Cantica fratrum ab initio à fidelibus conscripta Christum verbum Dei concelebrant, divinitatem ei tribuendo.* Unde, non minus quam à Plinio, constat Psalmos & Cantica ab antiquissimis Ecclesiæ temporibus, imo ab initio in Christi honorem composita fuisse, quæ tantæ apud posteriores autoritatis fuerunt, ut autor hic, qui tertio ineunte seculo vixisse videtur, iis ad confirmandam contra hæreticos fidei nostræ doctrinam uteretur. Quæ itaque Philo de Therapeutarum hymnis narrat, veterum de iis opinionem non evertunt, immo vero confirmant. Ut è quibus constat eos iisdem in psallendo usos fuisse ritibus, qui apud Christianos per omnia secula obtinuerunt. Enimvero Antiphonis usi sunt, hymnos suos alternatim sive vicissim Deo canentes. Eĩτ', inquit Philo, *ᾄδουσι πεποιημένους εἰς τὸ Θεὸν ὑμνος πολλοῖς μέτροις καὶ μέλεσι, τῇ μὲν σωτηρῶντες, τῇ δὲ καὶ ἀντιφώνουσι ἀρμονίᾳς ὁππαιχρονόμενους, καὶ ἐπὶ χορῶν, καὶ ὁππαιχρῶντες.* Quod à sua ætatis Christianis factum subindicat Plinius, ubi loco supra laudato, eos *carmen Christo quasi Deo dicere secum invicem* ait. Hunc Antiphonarium canendi modum in vigiliis saltem celebrandis (de quibus etiam Philo loquitur, ubi Therapeutas alternatim cecinisse scribit) in omnibus Ecclesiis suo tempore observatum fuisse, locupletissimum habemus testem S. Basilium in Epistolâ LXIII. ad Clericos Ecclesiæ Neocæsariensis. Socrates eundem ab ipso S. Ignatio Apostolis æquali deducit, Hist. Eccles. lib. 6. cap. 8. Præterea cum Therapeutæ sacra celebrabant, præses hymnum in laudem Dei primus canebat, cæteris quietè auscultantibus, præterquam in fine hymni extremaque clausulâ, tunc autem omnes sine sexus discrimine vocem attollebant, sic enim Philo de iis loquens, *Πάντων καὶ πολλῶν ἡσυχῶν ἀκρωμένων, πολλὰ ὅποτε τὰ ἀκροτελεύτια καὶ ἐφύμνια ἄδον δέουσι τότε γὰρ ἐξηχῶσι πάντες τε καὶ παῖσιν.* Hic autem ritus à veteribus Christianis passim observatus fuit. Cùm Christiani enim reliquias Babylæ martyris à Daphne suburbano Antiochiæ ad alium locum iussu Juliani Apostatæ transferebant, inter eundem Psalmos canebant, ἐξήρχον δ', inquit Sozomenus, *τῶν Ψαλμῶν τοῖς ἄλλοις οἱ τότε ἀκροβύτες, καὶ ξυνεπήχα τὸ πλῆθος ἐν συμφωνίᾳ, καὶ ταύτῃ ἐξῆσαν ἐπὶ ᾧ, ἡχώθησαν πάντες οἱ προσκυνοῦντες τοῖς γλυπτοῖς, οἱ ἐγκαινῶντες τοῖς εἰδώλοις.* Præcinebant autem cæteris si qui Psalmos apprimè callebant, multando deinde respondebat cum concantu, **CONFUSI SUNT OMNES QUI ADORANT SCULPTILIA, QUI GLORIANTUR IN SIMULACRIS.** Sozom. lib. 5. cap. 19. Hæc ultima itaque verba, *Confusi sunt omnes, &c.* à toto Christianorum præsen-

præsentium Choro post Psalmos cantabantur, tanquam ἀκροτελεύτια ἢ ἐφύμνια isti occasione accommodata. Et hujusmodi quidem clausulæ post psalmos hymnosque à totâ multitudine modulatè recitari solitæ, ut à Therapeutis, sic etiam à Sozomeno ἀκροτελεύτια vocantur, qui de Ecclesiasticis Ariano-
rum conventibus agens, hæc habet, & εἰς συστήματα μεριζόμενοι, καὶ τῶν ἀντιφωνῶν τρόπον ἑφαλόν, ἀκροτελεύτια σιωπθέντες πρὸς τὴν αὐτῶν δόξαν πεποιημένα, & in cæcis divisi antiphonatim psallebant, ἀκροτελεύτια sive clausulas quasdam juxta ipsorum Dogma compositas adjicientes. Soz. Hist. Eccl. lib. 8. cap. 8. Ubi iis vitio vertitur, non quod antiphonatim psallebant, neque quod ἀκροτελεύτια subijciebant, sed quod ea ad ipsorum dogma composuerant, hoc scilicet modo, *Gloria Patri per Filium in Spiritu Sancto*. Hoc enim ἀκροτελεύτιον esse quod Ariani post Psalmos canere solebant, testatus est Philostorgius, lib. III. Quin hunc psallendi modum ab Ecclesiâ etiam Catholicâ publico usu receptum fuisse, ex ipso S. Athanasio videre est, qui de seipso ait, καθεοδεῖς ὑπὲρ τοῦ θρόνου, περιέτρεπον τὸ μὲν διάκονον ἀναγινώσκον Ψαλμὸν, τὰς ἡ λαὸς ὑπακύνειν, ὅτι εἰς τὸ αἰῶνα τὸ ἔλεος αὐτῶν, *Sedens in Cathedra mea, Diacono jussi, ut Psalmum recitaret, populus autem responderet, QUONIAM IN SECVLUM MISERICORDIA EJUS*. Athan. Apol. de fugâ. p. 717. Hæc clausula, *Quoniam in secula misericordia ejus*, quam populus post Psalmum recitatum respondebat, (id enim, ut sæpe alibi, sic hoc in loco verbum ὑπακύνειν significat non *auscultare*, ut ab interprete aliud agente vertitur) ἀκροτελεύτιον erat calamitosæ isti tempestati appositum, omnes enim in Ecclesiâ tunc temporis congregati unâ cum S. Athanasio militibus circumdabantur. Unde liquet istam psallendi formulam à Therapeutis in Ægypto usitatam, eandem fuisse quam Christiani postea ibidem vulgo observarunt : quæque apud nostram hucusque Ecclesiam, æque ac apud Primitivam, etiamnum obtinet. Nam Doxologia illa, *Gloria Patri, & Filio, & Spiritui Sancto*, &c. commune est nobis omnium Psalmorum & Hymnorum etiam, excepto, *Te Deum*, (aliisque similibus, quibus comprehenditur & explicatur) ἀκροτελεύτιον, & ἐφύμνιον.

VIII. Ut in hymnis, sic etiam in jejuniis celebrandis, veteris Ecclesiæ ritus à Therapeutis accuratè observati sunt. Hi enim istis, quibus jejunia peragebant, diebus, nihil potabant præter aquam, edebant nihil præter panem & salem, & nonnunquam hyssopum, ut è Philonis verbis supra allatis constat. Hoc autem Ecclesiæ Primitivæ moribus consentaneum esse, nemo, qui eos inspexit, ignorare potest. In Constitutionibus enim Apostolorum dictis, hoc præceptum habemus, *νηστεύετε μόνον ἡμέρηνοι ἄρτων ἢ αἰλὶ ἢ λαχαρίοις, ἢ ποτῇ ὕδατι, Jejunate (sex Antepaschales dies) utentes tantummodo pane, & sale & oleribus, & potu aquæ*. Constit. Apost. lib. 5. cap. 18. Hanc vero antiquam admodum constitutionem fuisse, ex eo patet, quod ab ipso Epiphanio διάταξις τῶν Ἀποστόλων diserte dicatur, & sub eo nomine laudetur. Hær. LXXV. num. 5. Tertullianus etiam jejunia à suæ ætatis Christianis *simplici pabulo, puroque aquæ potu* peracta memorat: de Patient. cap. XIII. Nam *pane & aquâ victisabant*. Id. de jejun. cap. 13. Hæc proprie est ξηροφαγία ista

ista à Tertulliano aliisque antiquissimis Ecclesiæ scriptoribus toties celebrata. Quin & autor libri qui Hermæ Pastor vocatur, ab ipso Tertulliano nonnunquam notatus, pastorem suum introducit dicentem, *Illo die quo jejunabis, nihil omnino gustabis præter panem & aquam.* Herm. past. lib. 3. simil. 5. Iste autem liber primis Christianismi diebus proculdubio scriptus fuit. Adeo ut mirum nemini videatur, quod Therapeutæ à Philone descripti, etiam si Christiani essent, arcta adeo jejunia celebrarint: Neque etiam quod Philo dixerit, nonnullos eorum tribus, alios sex propemodum diebus jejunare solitos. *Ἐνιοὶ δὲ, inquit, ἐν τριῶν ἡμερῶν ὅσῃ ὑπομνήσκονται τροφῆς, οἷς πλείων ὁ πόθος ὑπὸ τῆς ἐπιτήμης ἐνδύεται. πνὲς δὲ ἕως ἐνδουφείνεται ἐν τρυφῇ ὑπὸ σφοδρίας ἐσώμενοι, πλεονέως ἐσθλόνως τὰ δόγματα χορηγῶσι, ὥς ἐπεὶ διπλασίωνα χρόνον ἀντέχον, καὶ μόλις δι' ἐξ ἡμερῶν ἀπογενέσθαι τροφῆς ἀναγκαίως.* Nonnulli ex his toto triduo cibum capere omittunt, dum ardentiori discendi cupiditate rapiuntur. Quidam vero tam incredibili voluptate tantisque deliciis perfunduntur, dum pascuntur epulis sapientiæ, quæ salubria ipsis præcepta tanquam opiparum convivium apponit, ut duplo diutius famem perferant, & vix sexto die necessarium cibum degustent. Phil. de vitâ contempl. & apud Euseb. lib. 2. cap. 17. Hæc enim Philonis verba Eusebius perspicue & absque dubitatione de Christianis dicta esse arbitratur. Et quidem certe quicquid hic de Therapeutarum jejuniis à Philone dicitur, id Epiphanius Christianis, salutaris saltem passionis hebdomade, in more positum fuisse tradidit. Nam varios Ecclesiæ ritus recensens, ait, *ταὶς δὲ ἐξ ἡμέρας ἡ πάχυν ἐν ξηροφάγίᾳ ἀσπλῆστι πάντες οἱ λαοὶ, φημι δὲ ἄρτω, ἐάλι, καὶ ὕδατι ποτε χρώμενοι πρὸς ἐσπέρην, αἰνὰ καὶ οἱ σπαρδαῖοι διπλῶς, καὶ τριπλῶς, καὶ τετραπλῶς ὑπερτίθενται, καὶ ὅλῳ τῷ ἐσδομάδι πνὲς, ἄχρις ἀλεκτρονίων κλαυθῆς, ἡ κυριακῆς ὑπὸ φωσκῆς, Præterea sex illos paschæ dies Xerophagiâ sive arido victu transire omnis populus assuevit, hoc est, panem dumtaxat cum aquâ sub vespertam adhibere. Imo verò nonnulli ad biduum, vel triduum, vel quatrimum usque jejunia prorogant; alii totam hebdomadam ad usque sequentis dominica gallicinium sine cibo transmittunt.* Epiph. in expof. fidei. Eadem fere tradidit ante Epiphanium Dionysius Alexandrinus in Epistolâ Canonicâ ad Basilidem, de quâ postea. Ut è Therapeutis itaque, sic etiam è Christianis nonnulli tres, alii sex dies, totam scilicet hebdomadem Antepaschalem jejuni transegerunt. Quod summum Christianos inter & Therapeutas consensum demonstrat. Quibus ultimo accedit, quod Therapeutæ in multis orbis regionibus, inter Græcos etiam & Barbaros inventi fuerint, ut testatur Philo. Quod etiam à nonnullis ad destruendam Patrum de iis sententiam adducatur, eandem potius adstruit. Hoc enim de Essenis dici non potuit, qui, ipso etiam Philone teste, vix plures erant quam quatuor millia, iique Syriam & Palæstinam incolebant: At Christiani numerosi admodum istis etiam diebus erant. Mox enim post Christi ascensionem tria circiter millia hominum uno die ad eum conversi sunt: & religio ab eo docta indies augefcebat: adeo ut ad omnes imperii Romani, imo totius orbis fines quam citissimè propagaretur. Nec ulla inter Judæos, neque inter Gentiles ulla istis diebus extabat secta, quæ tot orbis re-

giones, quot fides Christiana, peragrabat. Ac proinde quod hic etiam de Therapeutis à Philone dicitur, ad nullos alios tam apte & appositè, quam ad Christianos referri potest.

IX. Re igitur in utramque partem perpensâ, etiamsi omni asseveratione affirmare non ausim Therapeutas à Philone memoratos religionem Christianam amplexos esse, cum tamen tot tantique Patres id asseruerint, cum tot illi instituta Christianis simillima, imo vero eadem inter se habuerint, cum quicquid Philo de iis posteritati tradidit, in Christianos, eosque, quos scimus, solos scitè congruat, cum nihil denique in contrarium adhuc adductum fuerit, nec, quantum conjecturâ assequi possum, unquam adduci possit, ea quæ illud affirmat, probabilior nobis, veroque multo similior videretur opinio, idque jure, ut liquet, meritissimo. Nobis autem in hac controversiâ cum istiusmodi viris instituitur disputatio, qui nihil in antiquitate, quod præsumptis saltem ipsorum opinionibus refragatur, credent, nisi invictissimis nescio quibus rationibus, ad id, ut ipsius Dallæi verbo utar, *cogantur*. Vel quod idem est, nisi probetur impossibile prorsus esse, ut aliter se res haberet. Atqui possibile est, fateor, ut Therapeutæ non essent Christiani. Possibile est ut multos Christianorum ritus imitarentur, & tamen ipsi in Christum non crederent. Possibile est denique ut quasi Apostolicam ac Christianam vitam traducerent, etiamsi nec de Apostolis nec de Christianis unquam audivissent. Et hinc est quod mecum recolens quibuscum disputo, eos revera Christianos fuisse affirmare nolo. Hoc tamen dico, quod si Christiani non essent, Christianis saltem simillimi erant. Nec ad aliam quamcunque sectam revocari possunt. Et mirum cuivis videatur, si talis tantaque in multis orbis regionibus inveniretur hominum secta, quæ à nullo unquam scriptore, præterquam ab uno Philone, nec sub Therapeutarum, nec sub alio quocunque nomine memoriæ proderetur. Quod tamen necessario dicendum est, nisi eos Christianos fuisse dicamus. Et præterea, etiamsi Dallæus suum ipsius ingenium gravissimo Sanctorum Patrum, Eusebii, Hieronymi, & Epiphaniï judicio, unâ cum aliis prætulerit, nobis non licet esse tantâ nostri opinione inflatis. Quippe qui probe novimus, eos non tantum omnimodo eruditiores, verum & fidelissimos fuisse viros, qui nihil literis mandare voluerunt, quod non sibi persuasissimum habebant. Illi autem omnes in Philonis tractatum de *vita contemplativâ* incidentes, uno affirmarunt ore, Therapeutas ibi descriptos verè Christianos fuisse, idque propterea quod eosdem plane ab iis atque à suæ ætatis Christianis observatos fuisse ritus viderent. Quibus proinde major habenda est fides, quam doctissimis quibuscunque viris, qui hoc remotissimo ab iis seculo exorti sunt, vel etiam exoriri possunt. Illi enim Ecclesiasticos suæ ætatis ritus, è quibus iudicium de Therapeutis fecerunt, multo magis sibi perspectos habuerunt, quam ii qui plurimis post seculis nati, & ab ipso natali vel aliis, vel nullis assueti fuerunt ritibus ac cæremoniis: ac propterea vix clarissimis inducantur rationibus, ut credant, alios unquam ab Ecclesiâ receptos fuisse mores, quam quos ipsi observant. Saltem de Ecclesiasticis quarti seculi institutis, æquo propemodum fervore nunc dierum

dierum agitantur controversiæ, ac de ipsis Therapeutis. Adeo ut magna pars eorum, qui de hac re scripserunt, ritus à Therapeutis observatos apud quarti seculi Christianos obtinuisse negarint. Quo occæcati præjudicio, haud mirum est, si nihil religionis Christianæ à Therapeutis excultum videre possint. Hoc autem de Patribus quarti seculi dici non potest: utpote qui de Ecclesiæ moribus suâ ætate usitatis minimè dubitarint: quibus scilicet quotidie se exercebant. Cùm illi itaque tantam inter Therapeuticos & Ecclesiasticos suæ ætatis ritus observarint consonantiam, ut ex eâ Therapeutas Christianos fuisse judicarent, eorum sane iudicium apud cautos prudentesque viros magni habendum est. Nec à memet impetrare possum ut ab eo recedam, usque dum fortiora in contrarium producta fuerint argumenta, quam quæ hætenus videre contigit. Præsertim cùm Sozomenus etiam, Cassianus, alique post eos eruditi viri in eandem sententiam, non sine summâ proculdubio ratione convenerint. Hanc autem sententiam quicumque pro certâ admittunt, dubitare nequeunt, quin jejunium Antepaschale ab ipsis Apostolis institutum fuerit. Cùm hoc autem ita fortasse demonstrari nequeat, ut ii etiam qui doctissimos Ecclesiæ Patres susque deque habent, assensum ei præbere cogantur, hinc est quod ipse hoc adstruendæ jejunii Antepaschalis antiquitati argumentum, non ex Philone sed ex Eusebio petierim. Etiam si autem Therapeutæ isti nec S. Marci discipuli, nec omnino Christiani essent, cùm tamen Eusebius cum aliis antiquis Ecclesiæ Patribus eos Christianos fuisse opinatus sit, & jejunia ab iis septem hebdomades, quæ exceptis dominicis quadraginta circiter dies efficiunt, celebrata, eadem esse judicaverit, quæ suæ ætatis Christiani ante Pascha celebrare solebant, hinc legitimè saltem concludamus jejunium Quadragesimale quarto ineunte seculo, quo vivebat Eusebius, passim à Christianis observatum fuisse, & adeo antiquum habitum, ut ab ipsis Apostolis institutum tunc temporis videretur.

C A P U T V I.

Synopsis.

- | | |
|---|---|
| <p>I. Constantini M. verba de jejunio Antepaschali explicata.</p> <p>II. Dionysii Alexandrini responsio de solutione jejunii Antepaschalis. Quanta religione ultimi sex Quadragesima dies antiquitus observati sunt.</p> <p>III. Non modo parasceve & Sabbato magno, diebus illis quibus ablati sunt sponsus, sed & ante eos celebratum fuisse jejunium ex ipso Tertulliano probatur.</p> | <p>IV. Dies illos jejunio Antepaschali consecratos quadraginta fuisse ex Origene Tertulliano aequali demonstratur. Cujus verba ab exceptionibus vindicantur.</p> <p>V. Illustre pro jejniis Antepaschalibus è Synodis istis, quæ secundo exennie seculo de Paschali festivitate celebranda habitæ fuerunt, argumentum assertum, & explicatum.</p> |
|---|---|

I. **A**D HÆC Constantinus M. qui Anno Domini CCCVI. imperare cœpit, suum de jejunio Quadragesimali, ut istis diebus ubique observato, testimonium haud obscurum tribuit. Enimvero plurimis ante ejus ætatem annis Ecclesia Christiana de Paschalis celebrandæ festivitatis tempore in diversas partes abierat. Alii enim celebritatem istam quarta decima luna primi mensis, in quamcunque hebdomadis feriam inciderit, habendam esse contenderant: quo scilicet die Judæi ex Mosis præscripto agnum immolare solebant. Alii vero omnes Christiani festum illud non alio quam resurrectionis Dominicæ die, sive Dominica quartam decimam illam lunam proximè sequenti, ex Apostolica, ut aiebant, traditione celebrare consueverant. Hæc controversia ab ipsis fere Apostolorum temporibus exorta, non ante Concilium Nicænum à Constantino coactum sedata fuit. Istud autem Concilium ex universa Ecclesia convocatum, decrevit ut festum Paschale uno eodemque die in omnibus Ecclesiis perageretur, Dominico scilicet quartam decimam lunam post æquinoctium vernum ut tum temporis commissum, consequente. Dimisso Concilio, Constantinus Imperiales suas literas ad omnes Ecclesias misit, suadens, ut inter alia Synodi istius decreta, hoc etiam de Paschate, religiose admodum ubique observaretur. Qua de causa multa congestit argumenta; inter alia autem hæc habet, *Λογισάτω δ' ἡ ἑὺμετέρας αἰσιότης ἡ ἀνχίνοια, ὅπως ἐστὶ δεινόν τε καὶ ἀπειρὲς καὶ ταῖς αὐταῖς ἡμέραις, ἑτέρας μὴ ταῖς νηστείαις χολάζειν, ἑτέρας δὲ συμπόσια συντελεῖν, καὶ μετὰ ταῖς ἑπτάγερα ἡμέραις, αἷμας μὲν ἐν ἐορταῖς καὶ ἀνέσπεσιν ἐξετάζειν, αἷμας δὲ ταῖς ἀελομέναις*

πέντε ἐνδεκάδ' ὑπέραις. Consideret queso vestra sanctitatis solertia, quam grave sit & indecorum, iisdem diebus alios quidem jejuniis intentos esse, alios vero convivio celebrare: & post dies Pascha, alios quidem in festivitatibus & animorum remissione versari, alios vero definitis vacare jejuniis, apud Euseb. de vita Constant. lib. 3. cap. 18. & apud Socrat. Hist. Eccl. lib. 1. cap. 9. & Theodoret. Hist. Eccles. lib. 1. cap. 10. Ex his Constantini verbis apparet, primo, omnes ubique tunc temporis Christianos, tam Asianos, qui luna quarta decima, quam alios omnes, qui dominica festum Paschale celebrabant, in definitis jejuniis circa festum istud peragendis consensisse. Deinde apparet etiam Paschalia ista jejunia definita fuisse & ejusdem ubique dierum numeri. Nisi enim Asiani eundem dierum numerum ante suum Pascha jejunarent, quem ante suum Catholici, haud necesse esset, ut ea cujus meminit Constantinus, differentia inter ipsorum jejunia oriretur. Supponamus enim Quartam decimam lunam incidisse in feriam tertiam, inter quam & dominicam sequentem quatuor solidi dies intersunt; adeo ut quartadecimani Pascha suum quatuor solidos dies prius observarent, quam Catholici: Si illi nihilominus totidem pauciores quam hi jejunarent dies, ambo jejunia sua antepaschalia eodem die exordiri poterant. Quod si ambo eundem dierum numerum jejuniis transigerent, necesse erat, ut illi citius quam hi jejunia sua inciperent pariter ac finirent, juxta quod à Constantino M. hic asseritur: qui hic & de capite & de fine jejunii antepaschalis loquitur. De capite quidem, ubi ait, *grave & indecorum esse*, ut alii (quartadecimani scilicet, qui quadragesimam suam citius quam Catholici incipiebant) *jejuniis intenti essent*, alii autem sive Catholici *convivia adhuc celebrarent*: De fine autem ubi addit, *quam absurdum esset*, ut etiam post Pascha dies, illi sive Quartadecimani iterum, Paschate suo ex. gr. tertia feria celebrato, *in festivitatibus postea versarentur*, Catholici autem *usque ad sequentem dominicam definitis adhuc jejunis vacarent*. Sed dicat forsitan nonnemo, verum quidem esse, quod Quartadecimani jejunium suum antepaschale aliquot subinde diebus citius quam Catholici auspicati fuerint, hinc tamen minime sequi, jejunium istud, ut ab utraque parte observatum, quadraginta fuisse dierum. Potuit enim sex esse, vel quindecim, vel alius cujusvis numeri dierum. Respondeo primo, Quartadecimanos non potuisse sex continuos jejunare dies immediate ante suum Pascha, nisi forsitan, quod rarissime accidit, quarta decima luna in ipsam Dominicam incideret. Quacunque enim alia incidebat feria, præcedens Dominica sex dierum jejunium interrumperet: utpote qua jejunare omnibus semper illicitum fuit. Qui vero de sex dierum jejunio loquuntur, de sex istis continuis ante Pascha ἀναστάσιμον diebus intelligendi sunt, ut à Catholicis perpetuo jejunatis: & ipsos autem Quartadecimanos sex ante suum Pascha continuos dies arctioribus dicasse vel dicare potuisse jejuniis, nunquam audivimus. Respondeo secundo, quod Constantinus Magnus, hoc in loco ex universæ Ecclesiæ in Concilio Nicæno, cujus decreta hic confirmat, congregatæ mente procul omni dubio locutus est. At Synodus ista antepaschale illud, cujus meminit Imperator, jejunium *παρασκευῆν* diserte vocat, quod nomen, ut ante ostendimus, qua-

draginta dierum jejunium indicat. Quin eodem etiam currente seculo definitum illud jejunium quadraginta dies celebratum fuisse, usque adeo in istorum temporum monumentis patet, ut ipse Dallæus id negare nequeat. Ac proinde de tali tantoque jejunio Imperator hoc in loco necessario intelligendus est. Omnem enim fidem superat, ut Constantinus M. Ecclesiam universam, quam hîc alloquitur, jejunium pauciorum dierum juxta universalis Concilii decretum observare suaderet, & tamen illa statim postea, idem jejunium sine ulla universalis Concilii autoritate quadraginta dies prorogaret.

II. Hæcenus de jejunio Quadragesimali, ut à quarti ineuntis seculi scriptoribus memorato egimus. Videamus modo annon ii etiam, qui anterioribus claruerunt seculis, adeoque Apostolis propinquire fuerunt, ejusdem meminerint. Sane Dionysius Alexandrinus, S. Cypriani æqualis, qui tertio scripsit seculo nondum adulto, Canonicam suam ad Basilidem Epistolam his verbis exorsus est, ἀπέστειλός μοι, πρὸς τὰτε ἢ λογιώτερε ἢ ἐμὲ, πτωχόνόμιμον καὶ ἦν ὡρην ἀπονησίζουσι δὲ τὸ ἔσπερον πάχα ἡμέραν, *Misisti ad me, fidelissime & sapientissime fili, interrogans, qua diei hora Paschæ jejunium solvendum sit?* Unde liquet istius ætatis Christianos jejunium antepaschale tanta religione celebrasse, ut scrupulosè percontarentur, qua diei hora jejunium illud solvere liceat? Scrupulum hunc Basilidæ injecit varietas illa, quam in hac re observarat. Hi enim vespere, alii non ante galli cantum jejunium istud solvendum esse contendebant. Is autem veritus, ne in re tanti, ut ipsi visa est, momenti, per errorem laberetur, à Dionysio Alexandrino enixe flagitavit, ut exactam ei horam exponeret, qua jejunium solvere, & celebritatem Paschalem exordiri liberum esset. Cui primo generatim respondet Dionysius, τὸ μὲν γὰρ ὅτι μετὰ τὸ ἀναστάσις ἡ κυρία ἡμῶν καιρὸν ἔχει τὸ ἑορτῆς ἢ τὸ διφροσυνῆς ἐνάρχεσθαι μέχρις ὅτι τὰς ψυχὰς τὰς νηστείας ταπεινῶντας, ὑπὸ πάντων ὁμοίως ὁμολογησέσθαι. *Quod enim post resurrectionis Domini nostri tempus oportet eos festum, lætitiæque inchoare, qui ad illud usque animas jejuniis humiliant, erit apud omnes similiter in confesso.* Inter omnes ergo istis diebus conveniebat, jejunia antepaschalia celebranda esse, nec prius solvenda, quam hora illa advenerit, qua Christus resurrexit. Verum hæc, inquit Dionysius, hora, ex Evangelistis vix determinari potest. Quibus sic positis, speciatim respondet, eos qui nimium festinant, & ante mediam noctem surgunt, ὡς ὀλιγώρως καὶ ἀκρατεῖς ab Ecclesia reprehensos esse, ut qui propemodum antequam par sit, cursum abruperint: eos autem qui differunt, & plurimum perferunt, & ad quartam usque vigiliam fortiter abstinent, ὡς γενναίως ἢ φιλοπόνως ut generosos & laborum tolerantes susceptos esse. τὸς δὲ μετὰ, inquit, ὡς ἐκινήθησαν, ἢ ὡς ἡδυνήθησαν ἀναπαυομένοις, μὴ πάνυ δοχλῶμεν, ἐπεὶ μηδὲ τὰς ἐξ τῶν νηστειῶν ἡμέρας ἴσως, μηδὲ ὁμοίως πάντες ἀφαιρούμεν, ἀλλ' οἱ μὲν καὶ πόσους ὑπερπλήσιν ἄσαιοι ἀφαιρούμεντες, οἱ δὲ δύο, οἱ δὲ τρεῖς, οἱ δὲ πέντε, οἱ δὲ ἑδερμίαν. *Iis autem qui interea vel ut mori sunt, vel ut potuerunt, quiescunt, non valde molesti sumus: quandoquidem nec sex jejuniorum dies æqualiter, nec similiter omnes expectant, sed alii quidem etiam omnes transmittunt jejunia permanentes, alii duos, alii tres, alii quatuor, alii nullum.* Per τὰς ἐξ τῶν νηστειῶν

νησιῶν ἡμέρας hebdomadem antepaschalem hic intelligendam esse inter omnes constat. Eam scilicet quam veteres τῷ μεγάλῳ ἑβδομάδῃ, quamque Epiphanius hæc. LXX. ἑβδομάδῃ τῇ ξηροφαγίας, & ἑβδομάδῃ τῇ πάσχῃ, & τὴν ἀγίαν ἑβδομάδῃ, necnon in expositione fidei, τὰς ἐξ ἡμέρας τῇ πάσχῃ, alibique absolute τὰς ἡμέρας τῇ πάσχῃ vocat. Sex enim istius hebdomadis dies, dominica scilicet, excepta, arctioribus perpetuo jejuniis dicati fuerunt. Adeo ut isti etiam qui carni & palato plus nimio indulgentes, priorem quadragesimæ partem qua par est religione non observant, hos ultimos illius dies non jejunare nefas ducerent: quique priorem itidem partem stricte, hanc longe strictius peragerent. Hinc inter Constitutiones Apostolorum vulgo dictas, legimus, ἐν ταῖς ἡμέραις ἔν τῇ πάσχῃ νηστεύετε, ἀρχομένου δὲ τοῦ δαΐτερος μέχρι τῆ παρασκευῆς, καὶ σαββάτου, ἐξ ἡμέρας, μόνῳ χρώμῳ ἄρτῳ, ἢ ὀλίγῳ, καὶ λαχάνοις, ἢ ποτῶ ὕδατι οἶνον δὲ ἢ κρεῶν ἀπέχεσθε ἐν ταύταις ἡμέραις γὰρ εἰς πένθος, ἀλλ' ἐχ' εὐοχίας. In diebus igitur Pasche jejunate, incipientes a feria secunda usque ad parasceven & sabbatum, per sex dies solo utentes pane & sale, & oleribus, & aqua poti. Abstinete autem vino & carne istis diebus. Dies enim sunt luctus & non festi. Constit. Apost. lib. 5. cap. 18. Quam religiose autem hanc antiquitus hebdomadem observant, ex nemine melius, quam ex Epiphanio discamus, qui de Aerianis hæc habet, Ἐν δὲ ταῖς ἡμέραις τῇ πάσχῃ, ὅτε παρ' ἡμῶν χαμευνία ἀγνέσκει, κακοπαθεῖται, ξηροφαγία, δίχαι, ἀγρυπνία τε ἢ νηστεία, ἢ πάσαι τῶν ψυχῶν αἰσωτηλαί τῶν ἀγίων πατέρων, αὐτοὶ ἀπέωθεν ὡφυνῶσι κρέα τε ἢ οἶνον, ἑαυτῶν τὸς φλεβὰς γμιζοντες ἀνακαλχάζουσι, γελῶντες, χλευάζοντες τὰς τὴν ἀγίαν ταύτῃ λατρείαν τῇ ἑβδομάδῃ τῇ πάσχῃ ὑπελελθόντας. Præterea ipsius diebus paschatis, quod tempus nos (Catholici) humi cubando, castimoniam servando, afflictandoque corpore, necnon & aridorum ciborum usu, precibus, vigiliis, jejuniis ac reliquis id genus saluberrimis animarum cruciatibus celebrare solemus, illi (Aeriani) è contrario jam tum diluculo obsonari solent, & carnibus, vinoque distenti, cachinnari, ridere, eosque, qui illam paschatis hebdomadem sanctissimis illis religionibus traducunt, ludibrio habere. Epiph. hæc. LXXV. n. 3. Quinetiam in expositione fidei Catholicæ, ubi ex professo agit de jejuniis ab Ecclesia Catholica observatis, totam quidem Quadragesimam religiose, paschalem vero hebdomadem sive sex, ut vocantur, paschatis dies quam religiosissimè celebratos fuisse docet. Dicit enim τὴν ἡ πενταετησίαν τὴν περὶ τῆς ἐπὶ τῶν ἡμερῶν τῇ ἀγίᾳ πάσχῃ ὡσούτως φυλάττειν εἶωθεν ἡ αὐτὴ ἐκκλησία, ἐν νηστείαις ἀσπελῶσιν τὰς δὲ κυριακάς ἐδ' ὅλως, ἔτε ἐν αὐτῇ τῇ πενταετησίᾳ, τὰς δὲ ἐξ ἡμέρας τῇ πάσχῃ ἐν ξηροφαγίᾳ ἀσπελῶσι πάσας οἱ λαοί. Φημι δὲ ἄρτῳ, ἢ ὀλίγῳ, ἢ ὕδατι τότε χρώμενοι πρὸς ἐσπεραν. ἀλλὰ καὶ οἱ σπευδαῖοι, διπλᾶς, καὶ τετραπλᾶς ὑπερίθηνται, καὶ ὅλλω τὴν ἑβδομάδῃ πνὺς ἀχρεὶς ἀλεκτρυόνων κλαγγῆς, τῇ κυριακῇ ὑπερφωσκῆς. Ceterum ante septem paschatis (ἀνασάμους) dies quadragesimam observare, atque in jejuniis perseverare eadem consuevit Ecclesia, Dominicis vero nullis omnino, adeoque nec ipsius Quadragesimæ, jejunare solet. Præterea sex paschatis dies xerophagiis sive arido victu transire populus omnis consuevit, hoc est panem duntaxat, & salem cum aqua.

aqua sub vesperam adbibere. Imo vero nonnulli ad biduum, vel triduum, vel quatrimum usque jejunia prorogant. Alii totam hebdomadem ad usque sequentis Dominica gallicinium sine cibo transmittunt. Epiph. expof. fid. num. 22. Ex his inter se collatis patet, quo sensu verba Dionysii Alexandrini supra allata intelligenda sint. Hic enim eandem in sex jejuniorum diebus, quam Epiphanius in sex paschatis diebus celebrandis varietatem observat. Quod alii scilicet duos, alii tres, alii quatuor, alii omnes istos sex dies jejunare solebant, nisi quod Dionysius addat, alios etiam *nullum* observasse, eos scilicet qui vel hæretici erant, vel nullius prorsus religionis. Ut igitur Epiphanius, sic etiam Dionysius hebdomadem Antepaschalem, sive sex istos dies qui paschalem festivitatem immediate præcedunt, arctissimis omnium jejuniis dicatos fuisse asserit. Ac proinde licet ipse eodem quo Epiphanius modo disertam Quadragesimæ mentionem non induxerit, haudquaquam tamen sequitur, quin jejunium Quadragesimale æque ac sex istorum, quos ille memorat, dierum tunc temporis observatum fuerit. Et ipse enim Epiphanius etiam, ubi de Quadragesima agit, de istis sex jejuniorum diebus speciatim loquitur. Neque opus erat ut Dionysius alios memoraret, siquidem hi soli ad rem ipsius plenissimè faciebant. Quod ad Antepaschale vero jejunium in commune spectat, ut istis diebus celebratum, illud luculenter adeo ex hisce Dionysii verbis patet, ut ipse Dallæus, etiam invitus fateri cogatur, nonnullos saltem ante festum paschale dies ab Ecclesia primitiva jejuniis consecratos fuisse. Qui vero Quadragesimale cum nostra Ecclesia jejunium hisce diebus celebrare recusant, iidem, quantum ipse quidem vel videre unquam vel audire potui, nullum omnino antepaschale jejunium celebrare solent. Qui propterea, ipso etiam Dallæo, validissimo ipsorum patrono, iudice, cum primitivis Ecclesiis non consentiunt, nec si reviviscerent, Ecclesiasticam cum iis communionem haberent.

III. Sed altius adhuc ascendamus, & videamus annon secundo etiam exeunte vel tertio ineunte seculo jejunium ante festum paschale ab Ecclesiâ Catholicâ celebratum fuerit. Qui vero Tertulliani legit opuscula, de hoc dubitare nequit. Is enim, cum adhuc Catholicus esset, hæc scripsit; *Sic & die Paschæ, quo communis & quasi publica jejunii religio est, merito deponimus osculum, nihil curantes de occultando quod cum omnibus facimus.* Tertul. de Orat. cap. 14. Istis nimirum diebus solenne erat Christianis in sacris ipsorum conventibus mutuam inter se invicem pacem ac charitatem sancto osculo testari. Qui vero jejunabant istam cæremoniā omittere solebant (eo scilicet, ut videtur, quod Judas Christum osculo tradiderat) adeo ut qui osculum illud pacis subtrahebant, eo se jejunare proderent. Præcepit autem Dominus ut jejunia nostra occultemus. Disputat ergo hoc in loco Tertullianus contra eos, *qui jejunantes habitâ oratione cum fratribus subtrahunt osculum pacis, quod est signaculum orationis*, ut ipse loquitur, & isthoc modo jejunium suum produunt. Dicit autem quod die paschatis (*συνρωτις* scilicet, ut inter omnes convenit) osculum illud merito deponebatur, ob hanc rationem, quod *isto die communis & quasi publica jejunii religio est*, quo pro-

pterea

pterea jejunium celare nihil intererat : cùm omnes tunc temporis jejunare , cuius notum esset. Unde isto saltem die , quo Passio Christi commemoratur , commune & publicum jejunium ab Ecclesiâ celebratum fuisse extra dubium est. Alibi autem proximum etiam diem , sive Sabbatum magnum à Catholicis jejunatum esse notat. In Montani enim hæresin modo delapsus adversus Psychicos (quo nomine Catholicos invidiose indigitat) sic disputat , *Quaquam vos etiam Sabbatum , si quando continuatis , nunquam nisi in Pascha jejunandum , secundum rationem alibi redditam.* Tertul. advers. Psych. c. 14. In Pascha itaque Sabbatum æque ac parasceve (ut ipse diem Paschæ sive sextam hebdomadis Paschalis feriam ibidem vocat) à Catholicis istius seculi jejunio dicatum est , *secundum rationem* , inquit , *alibi redditam* , eam scilicet quam ipse in secundo ejusdem libri capite his verbis reddit , *Certe in Evangelio illos dies jejunii determinatos putant* (Psychici sive Catholici) *in quibus ablati sunt sponsus , & hos esse jam solos legitimos jejuniorum Christianorum , abolitis legalibus & propheticiis vetustatibus.* Tertul. ibid. cap. 2. Enimvero cum nonnulli Dominum nostrum interrogassent , *Quare discipuli Johannis & Phariseorum jejunant , tui autem discipuli non jejunant ?* Respondit Jesus , *non possunt filii thalami , quamdiu cum ipsis est sponsus , jejunare* , ἐλθέσονται ἡ ἡμέραι ὅταν ἀπαρθῇ ἀπ' αὐτῶν ὁ νυμφίος , καὶ τότε νηστεύσουσιν ἐν ἐκείναις ταῖς ἡμέραις , *Venient autem dies cum auferetur ab iis sponsus , & tunc jejunabunt in illis diebus.* Marc. cap. II. Luc. cap. V. Ex hisce Domini verbis persuasum habuerunt Primitivi Christiani , sive , ut Tertulliani verbo utar , *putarant* illos dies , quibus ablati sunt sponsus , jejunii in Evangelio determinatos esse , eos scilicet quibus sponsus sive Christus crucifixus est , & in sepulchro conditus , hoc est Parasceven & Sabbatum hebdomadis Paschalis , quibus sponsus à discipulis ablati sunt , nec ante proximum diem sive dominicum iis restitutus. Tertulliani itaque ætate Catholici , abolitis omnibus legalibus , hos solos legitimos , ab ipso scilicet Christo constitutos fuisse jejuniorum dies arbitrati sunt. *De cetero autem indifferenter jejunandum , ex arbitrio , non ex imperio novæ disciplinæ , pro temporibus , & causis uniuscujusque , sic & Apostolos observasse , nullum aliud imponentes jugum certorum & in commune omnibus obeundorum jejuniorum* , ut ibidem loquitur Tertullianus. Inter omnes igitur istius seculi Catholicos convenit , hos duos , eosque solos dies in ipso Evangelio jejunii determinatos esse , & ab ipsis Apostolis observatos. Alios autem dies licet non quidem ex imperio novæ disciplinæ , nec *ex lege precepti* , ut idem paulo post se exprimit , veruntamen ex arbitrio jejunare solebant. Hoc enim ex eodem etiam scriptore liquet , Catholicos postea sic alloquente , *Ecce enim convenio vos & præter Pascha jejunantes , citra illos dies quibus ablati sunt sponsus.* Ibid. cap. 13. Præter Pascha igitur jejunabant , nec præter tantum , sed & citra sive ante illos dies quibus ablati sunt sponsus. Nam citra & ultra sibi invicem opponuntur , & citra calendas idem est ac ante calendas apud Aulum Gellium , qui iisdem , quibus Tertullianus , diebus vixit , lib. 12. cap. 13. Constat itaque Catholicos istis temporibus , non modo ipsos dies quibus ablati sunt sponsus , sed & ante eos jejunasse :

jejunasse: cum hoc tamen discrimine, quod illos quidem dies ex ipsius Christi præcepto, anteriores vero ex arbitrio, vel ex antiquâ consuetudine, vel ex traditione potius, si non institutione, Apostolicâ jejuni transigebant. Nisi enim solenne iis fuisset anteriores illos dies quotannis jejunare, hoc iis Tertullianus, jam Montanista non objectasset, quo statâ jejunia à Montano instituta ab eorum objectionibus vindicaret.

IV. Alios itaque nonnullos ante illos quibus ablati sunt dies tertio ineunte seculo solennibus dicatos fuisse jejuniis ab Ecclesiâ Catholicâ, ex ipso Tertulliano satis abunde constat. Numerum autem istorum dierum ille silentio prætermisit: qui tamen ex æquali ejus Origene facillime eliciatur. Hic enim non tantum de Parascevis, tanquam de diebus illis quibus ablati sunt dies sponsum, à Christianis suæ ætatis sollemniter jejunatis meminit, dicens, Ἐὼν δὲ πρὸς τοὺς ταῦτα ἀνθυποφέρῃ τὰ πρὸ τῶν παρ' ἡμῶν κυριακῶν, ἢ παρασκευῶν, ἢ τὰ πάχα, ἢ τὴ πεντηκοστὴς δι' ἡμερῶν γινόμενα. Quod si quis nobis ex adverso regerat, nostras dominicas, vel Parascevas, aut Pascha, & Pentecosten sollemniter recurrentes. Orig. contra Cels. lib. 8. pag. 392. Verumetiam alibi de abstinentiâ Christianâ loquens, ait, *Habemus enim Quadragesimæ dies jejunii consecratos.* Id. in Levit. hom. X. Cum vox enim Quadragesima quadraginta dierum spatium significet, eademque Antepaschale quadraginta dierum jejunium quarto currente seculo, ut ostendimus, indigitatum fuerit, nemini dubium esse potest, quin eodem sensu hoc etiam Origenico loco usurpetur, quo de iisdem jejuniis à Christianis celebrari solitis agitur. Quid è contra Dallæus? Has quidem in Leviticum homilias Origene esse, & vel ab Hieronymo, vel à Rufino latinè versas, non negat. Sed fieri, inquit, potest, ut quod ille græcè dixerat πεντηκοντα νηστειῶν, illi sui sæculi usum ac loquendi morem sequentes, Quadragesimam appellaverint. Dall. de jej. & quadrag. lib. 3. cap. 4. pag. 427. Egregius quidem disputandi modus, quo semel admisso nullus erit disputandi finis, nullus scribendi usus. Fieri potest ut Origene hoc in loco græcè dixerit πεντηκοντα νηστειῶν, ergo non dixit τεσσαρεσκωστήν. Mira sane consequentia, præfertim ubi de facto quæritur, non quid fieri potest. Quid autem si fieri non potest, ut Origene πεντηκοντα νηστειῶν diceret? Alibi profecto non πεντηκοντα, nedum πεντηκοντα νηστειῶν occurrit. Occurrit fateor apud Greg. Nazianzenum τεσσαρεσκωστήν καθαρισ, & τεσσαρεσκωστήν εὐφροσύνης, necnon apud Philonem Judæum de Therapeutis loquentem τεσσαρεσκωστήν μέγιστος ἑορτή. Sed ubi quæro πεντηκοντα, vel etiam τεσσαρεσκωστήν νηστειῶν. Quid etiam si fieri possit ut τεσσαρεσκωστήν νηστειῶν alicubi legatur? Fieri tamen non potest, ut ita in citato Origene loco legatur. Si loco enim vocis τεσσαρεσκωστής, quam interpretes Quadragesimam verterunt, ex Dallæi mente substituamus πεντηκοντα νηστειῶν, verba ista sic haberent, *Habemus enim τὰς τεσσαρεσκωστής νηστειῶν ἡμέρας jejunii festum præcedentis dies jejunii consecratos.* Quæ adeo impropria & ridicula est loquendi formula, ut nemo præter Dallæum Origeni eam attribueret. Quinetiam si Origene πεντηκοντα vel τεσσαρεσκωστήν νηστειῶν dixisset, interpretes Quadragesimam non vertissent, sed jejunium præcedens festivitatem vel aliquid simile, quod vox Quadragesima haudquaquam denotat. Cum

itaque

Quid causæ enim erat, vel esse poterat, cur finem jejunii, quod uno vel altero duntaxat die peragebatur, in quæstionem vocarent, & acriter inter se certarent, quonam illud die finiendum sit? De die enim, quo illa ante Pascha jejunia solvenda erant, tota instituta est controversia. Quid ita quæso, si non aliquammulti dies ante Pascha jejuniis consecrati fuissent? Qui istam sane controversiam, quâ Ecclesia Christiana proximo post ipsos Apostolos seculo exercitata fuit, maturo liberoque præjudicii animo perpendit, nullus dubitabit, quin istius ætatis Christiani quam plurimos ante festum paschale dies jejuniis se exercere consueti fuerint: idque adeo religiose, ut licet de die quo jejunia ista solvenda erant, & festum paschale celebrandum, in diversas partes abierint, & ultro citroque disputarint, jejunia tamen ista ex Apostolicâ traditione castè strictèque observanda esse, conjunctis sententiis omnes consenserint. Quod quidem summam hujus jejunii antiquitatem usque adeo evincit, confirmatque, ut satis mirari nequeam, quâ tandem fronte quispian novitium illud institutum esse affirmare ausus sit.

C A P U T VII.

Synopsis.

- | | |
|---|--|
| <p>I. Irenæi verba de diversis jejunii Antepaschalis formis. Ea nonnulli ita interpretantur, ac si quadraginta hora antiquitus à nonnullis jejunata essent.</p> <p>II. Ista interpretatio refellitur, ex eo quod talis jejunii nulla in antiquitate occurrat mentio, quodque verba Irenæi istum sensum non ferent.</p> <p>III. Vera eorum verborum interpretatio explicatur & defenditur. Quid sit per horas diurnas nocturnasque jejunare?</p> | <p>IV. Ex illis verbis evincitur accuratam esse jejunandi formam, qua XL. dies jejunati sunt. Quod etiam è proximis ejusdem verbis fusè explicatis confirmatur.</p> <p>V. Ex istis Irenæi verbis probatur accuratam jejunandi ante Pascha formam ipso Irenæo judice eam esse, qua XL. dies jejunio isti consecrantur.</p> <p>VI. E præmissis Irenæi verbis & illis quæ ea sequuntur, jejunium Quadragesimale ab ipsis Apostolorum diebus religiose observatum fuisse demonstratur.</p> |
|---|--|

I. SECUNDUM hæc, fervente ista de paschate celebrando controversia, doctissimi quique Ecclesiæ Christianæ præsules & Synodicas & privatas suas de ea Epistolas conscribebant, quibus morem quisque suum, ut à majoribus traditum, tueri conatus est. Ex una quidem parte Theophilus Cæsariensis & Narcissus Hierosolymitanus, Victor Romæ, Palmas

mas in Ponto, Irenæus Lugdunensis & Bæchyllus Corinthiorum Episcopus, jejunia Antepaschalia ex Apostolica traditione non ante resurrectionis Dominicæ diem solvenda esse scriptis contendebant. Ex altera autem parte Polycrates Ephesi Episcopus, qui omnibus in Asia Episcopis tanquam Metropolitanus eorum præerat, finem Antepaschalibus istis jejniis quartadecima luna, in quamcunque hebdomadis feriam inciderit, ex Philippi & Johannis Apostoli, aliorumque Apostolicorum in Asia virorum traditione imponendum esse scriptis ad Victorem & Romanam Ecclesiam literis afferebat. Quibus permotus Victor Romanus, Asiaticas Ecclesias, ut contraria fidei sentientes, à communione abscindere molitus est. Verum alii se prudentes interposuerunt Episcopi, & Victorem decenter admonuerunt, ne tale quid attentaret: sed ea potius vellet, quæ ad pacem & unitatem Ecclesiæ conducerent. Inter alios Irenæus Lugdunensis, fratrum, quibus præerat in Gallia, nomine, prolixam satis ad Victorem Epistolam conscripsit, qua eum ab incepto revocare hoc inter alia argumento conatus est, ἡ δὲ ὃ μόνον, inquit, καὶ τὴν ἡμέραν ἐστὶν ἡ ἀμφισβήτησις, ἀλλὰ καὶ καὶ τῆς εἰδὸς αὐτῆς τὴν νηστείας, *Neque enim de die solo controversia est, sed etiam de ipsa forma jejunii.* Iren. apud Euseb. Hist. Eccl. lib. 5. cap. 24. E quibus verbis observare licet controversiam istam non de ipso jejunio, sed de die quo solvendum esset, institutam fuisse, adeo ut ista, de qua nos modo disputamus, quæstio, utrum scilicet jejunium ante Pascha celebrandum sit, istis diebus in controversiam nulla veniret, cum nemo esset qui illud negaret. Verum etiamsi de ipso jejunio ante Pascha peragendo summa tunc dierum concordia esset, ut de die tamen, sic & de ipsa jejunii forma, ut inquit Irenæus, controversum erat. Quod ut Victori probatum daret, hæc protinus subdit, Οἱ μὲν γὰρ, inquit, οἰοῦνται μίαν ἡμέραν δεῖν αὐτὰς νηστεύειν, οἱ δὲ δύο, οἱ δὲ καὶ πλείονας, οἱ δὲ πεσασσέγονται, ὥρας ἡμερανὰς τε καὶ νυκτερανὰς ἀντιμετρεῖσι τὴν ἡμέραν αὐτῶν. Hæc illa sunt verba, quæ doctorum ingenia tamdiu exercuerunt. Nonnulli enim delendum esse punctum post vocem πεσασσέγονται, adeoque totam sententiam hoc modo latine reddendam esse tanquam pro aris & focis contendunt, *Quidam enim existimant unico die sibi esse jejunandum, alii duobus, alii etiam pluribus. Nonnulli vero quadraginta horis diurnis ac nocturnis computatis diem suum commetiuntur.* Hanc istorum Irenæi verborum expositionem plurimi, fateor, eruditi viri secuti sunt: Quos inter Dallæus, qui quadraginta horas, ut putat ille, hic memoratas, eas esse opinatus est quibus ablatas est sponsus: siquidem à Domini passione usque ad ipsius resurrectionem, quadraginta plus minus horæ elapsæ videntur. Et quidem si Irenæi verba hoc modo intelligantur, probabunt saltem omnes tunc temporis Christianos in ea fuisse opinione, quod ante Pascha eos necessario jejunare oporteret. Alii enim unum, alii duos, alii plures, ut sex vel etiam quadraginta dies, nulli vero nullum omnino diem ante Pascha jejunandum esse, existimabant. Et qui unicum diem jejunabant, illum juxta hanc expositionem quadraginta horas continuabant. Verum multa sunt quæ hanc interpretationem funditus evertunt.

II. Primo enim, in omni antiquitate Ecclesiastica nec vola extat, nec vestigium

stigma jejunii à crucifixione Christi incepti, & resurrectione ipsius terminati, nec absolute jejunii cujuspiam quadraginta præcise horas celebrati. Dies, fa-
 teor, quibus ablatus est sponfus, strictioribus quam alii jejuniis perpetuo
 dicati fuerunt, sed toti, non partim jejuniis & conviviis partim, juxta
 hanc Dallæi conjecturam; qui parasceves, qua crucifixus est Dominus, jeju-
 nium non ante ipsum crucifixionis tempus à nonnullis inchoatum esse arbitra-
 tur. Quæ quidem opinio ab ipso Tertulliano funditus destruitur, ipsos dies,
 quibus ablatus est sponfus, à Catholicis jejunatos esse asserente, non tan-
 tum aliquam vel prioris vel utriusvis partem. Si Irenæus itaque nonnullos
 quadraginta horas jejunasse velit, quid factum est, ut talis jejunii vestigia alibi
 nulla appareant? Quod dicit, nonnullos unum, alios duos, alios plures ante
 Pascha jejunasse dies, illud à Dionysio Alexandrino, Epiphanio, aliisque
 affirmatur. De quadraginta etiam dierum jejunio frequentissima occurrit men-
 tio. At de jejunio quadraginta horarum, altissimum ubique silentium: præ-
 terquam in hoc unico controverso Irenæi loco, ad illum sensum, quem ne-
 quaquam ferat, violenter detorto. Quod vix, vel ne vix quidem fieri po-
 tuit, si ulli unquam Christiani tale jejunium observassent, vel etiam si Irenæus
 illud asseruisset. Ex quo enim Eusebius hæc Irenæi verba in historiam suam
 transcripsit, omnium manibus trita fuerunt, oculisque subjecta. Adeo ut
 vix unus sit è Patribus Græcis post Eusebium, vel etiam è Latinis post Ruf-
 finum ejus interpretem, qui hæc Irenæi verba non legerit. Sed tamen ex
 omnibus tam Latinis quam Græcis quos scimus Patribus nullus unquam hu-
 jusmodi jejunii vel tenuissimam mentionem fecit; etiamsi alios omnes jejunii
 Antepaschalis observandi modos sæpenumero commemorent. Hujus autem
 silentii alia dici non potest causa, quam quod hæc Irenæi verba antiquitus eo
 quem Dallæus, aliique volunt modo nec lecta fuerunt, nec intellecta: vel
 (quod idem est) quòd Irenæus quovis quadraginta horas jejunasse nunquam
 dixit. Deinde si Irenæus significare voluerit, nonnullos quadraginta continen-
 ter horas jejunasse, quid opus erat addere horas illas *diurnas ac nocturnas*
 fuisse? Ex hac sane expositione vocabula ista *ἡμερανός τε καὶ νυκτερανός* su-
 pervacanea prorsus essent, nihil amplius significantia, quam quod in qua-
 draginta horis jejunatis necessario includitur. Nemo enim quadraginta, secun-
 dum hanc opinionem, horas continuo jejunare potest, quin idem horas no-
 cturnas pariter ac diurnas jejunet necesse sit. Vero autem dissimillimum
 est, ut Irenæus, qui contractè adeo strictimque loqui solet, verba ista hoc in
 loco incassum & superflue interfereret. Postremo, hæc expositio sensum
 verborum perturbat, imo nullum facit. Quis enim horum verborum sensus
 esse potest? *Nonnulli etiam quadraginta horis diurnis & nocturnis commetun-
 tur diem suum?* Ullusne unquam *dies* quadraginta horis constitit, vel com-
 menfuratus fuit? *Dies* quadraginta horarum? Quis credat Irenæum, vel
 quempiam mentis compotem ineptè adeo & ridicule unquam locutum esse?
 Quis credat ullos unquam extitisse homines, qui contra unanimem omnium
 gentium consensum, quadraginta horarum spatium *diem* vocarent? Hanc
 egregiam istius expositionis absurditatem clarissimus Vir H. Valesius, ejusdem
 nihilo-

nihilominus propugnator, vidit, ac proinde, ut eam defenderet, vocem *ἡμέραν* delere, ejusque loco *νηστίαν* substituere coactus est. Ut scilicet non dies, sed jejunium quadraginta horis commensuratum dicatur. Verum ex hac violenta verborum commutatione, contra constantem omnium Codicum, ipso etiam Valesio judice, consensum, eo tantum nomine, ut hæc eorum expositio absurda non videretur, excogitata, nihil aliud sequitur, quam eandem adeo absurdam esse expositionem, ut nulla legitima ratione defendi possit, nec ullo propterea modo ferenda sit.

III. Quæ cum ita sint, miror equidem tot eruditos viros alienam illam & detortam Irenæi interpretationem sua unquam assensione comprobasse. Præsertim cum eadem illa verba, ut in aliis Codicibus lecta ac interpuncta, planissima sint, sibi que pariter atque Ecclesiasticæ antiquitati optimè cohæreant. Doctissimi enim viri Johannes Christophorus, & Henricus Savilius hæc Irenæi verba ex antiquis suis MSS. Codicibus legunt distinguuntque hunc in modum, *Οἱ μὲν γὰρ οἴονται μίαν ἡμέραν εἶναι αὐτὸς νηστεύειν· οἱ δὲ δύο, οἱ δὲ ἢ πλείονας, οἱ δὲ τεσσαράκοντα· ὥστε τε ἡμερινὰς ἢ νυκτερινὰς συμμετρῶσι τὴν ἡμέραν αὐτῶν.* Sic etiam legit Codex ille omnibus, qui hisce diebus extant, longe vetustior, quo scilicet ipse Rufinus in transferenda Eusebii Historia usus est. Ejus enim latina horum verborum versio, ex isto Codice elaborata, sic habet, *Quidam enim putant uno tantum die observari debere jejunium, alii duobus; alii vero pluribus; nonnulli etiam quadraginta; ita ut horas diurnas, nocturnasque computantes diem stantur.* Verbis hoc modo intellectis, quid clarius, quid verius, quid certius esse potest? nihil hic inauditum, nihil coactum, nihil superfluum, nihil à notis Ecclesiæ primitivæ moribus, nihil à communibus loquendi formulis alienum. Dicit enim nonnullos existimasse jejunium ante Pascha uno die observandum esse, alios duobus, alios pluribus. Quod Dionysius Alexandrinus, Epiphanius, alique pariter tradiderunt. Dicit etiam alios non modo pluribus quam uno aut duobus jejunasse diebus, sed quadraginta solidos in jejniis istis celebrandis dies transegisse, & transigendos existimasse. Quod cum publicâ Ecclesiæ disciplinâ proximis post Irenæum seculis ubique receptâ ac usitatâ convenire extra dubium est. Dicit denique, quotquot ab ullis Christianis ante Pascha dies jejniis deputati sunt, eos omnes horis diurnis nocturnisque commensuratos esse, hoc est, dies eos non artificiales fuisse, sed naturales, ut vocant, sive civiles, *νυχθήμερον* nimirum sive *ἡμερο-νύκτια*, quibus scilicet noctes æque ac dies continentur. Quod quidem necessario adjiciendum erat: ne quis eos die quidem jejunia, noctu autem Judæorum ad instar, convivia celebrasse existimaret. Hoc, inquit Irenæus, nemo facit, sed quotcunque dies quispiam jejniis dicat, per nocturnas æque ac diurnas horas jejunandi leges observat, *ξηροφαγῶν* scilicet, sive aridis vescens, hoc est, pane duntaxat, cum sale & nonnunquam oleribus, & aquæ potu utens. Hunc enim antiquum fuisse jejunandi ritum ex Epiphanio, de exposit. fid. ex Constitut. Apost. lib. 5. cap. 18. ex Euseb. Hist. Eccles. lib. 2. cap. 17. ex Tertulliano, adv. Pſych. cap. 13. necnon ex Canone constat Laodiceno quinquagesimo, dicente, *Δεῖ πάντων τὴν τεσσαρεσθῆν νηστεύειν ξηροφαγῶντας,*
Oportet

Oportet totam Quadragesimam (adeoque nocturnas æque ac diurnas horas) jejunare aridis vefcentes. Hoc itaque modo interpuncta & cum Ruffino exposita Irenæi verba, nihil difficultatis, obscuritatis nihil habent. Ac propterea nihil est quod ad alteram illam perabsurdam expositionem confugiamus, ut Patris mentem assequamur. Ex hâc enim antiquissimâ, verâque verborum interpretatione, primo cuivis intuitu clarissima patet.

IV. Ex his igitur Irenæi verbis sic intellectis, constat, omnes ejus ætate Christianos existimasse, quod ante Pascha δὲ αὐτὰς νηστεύειν, *jejunare eos oporteret.* Et licet nonnulli pauciores hisce jejuniis consecrandos esse censerent, non deerant tamen qui quadraginta solidos dies sibi jejunandos esse crederent: Quem quidem non modo maximum, sed & accuratissimum fuisse dierum jejuniis ante Pascha dicatorum numerum, Irenæus hoc in loco innuit, eo quod cum dixisset, nonnullos quidem uno, alios duobus, alios autem pluribus jejunasse diebus, addat postea, alios etiam quadraginta dies jejuniis istis consecrandos esse existimasse. οἱ γὰρ πεσσεύοντο. Ac si dixisset, alii non tantum plures quam unum duosve, sed usque ad quadraginta dies jejunia sua protrahenda esse affirmant. Quare autem hunc solum dierum numerum duobus majorem particulariter memoraret, non video, nisi quod ille eos omnium accuratissime fecisse judicaret, qui quadraginta solidos dies jejuniis transigebant. Quod ut manifestius evadat, tenendum est insuper, Irenæum post verba illa, de variâ jejunii Antepaschalis observatione, supra allata, antiquitatem pariter atque causam istius varietatis, his protinus verbis explicare. Καὶ πιαύτη μὲν, inquit, ποικιλία τῶν ἐπιτηρέωντων, ὅτι νῦν ἐφ' ἡμῶν γιγνῆσθαι, ἀλλὰ ἢ πρὶν τὸ πρῶτον ἐπὶ τῶν πρὸ ἡμῶν, τῶν πρὸ τοῦ ἀκριβοῦς, ὡς εἰχὸς, κερτέωντων, τὴν κατὰ ἀπλοσύτην ἢ ἰδιωτισμὸν σωθήειαν, εἰς τὸ μετέπειτα πεποιηκότων. Hæc etiam verba intricata sunt, fateor, & à doctis varie exposita. Nos genuinum eorum sensum hoc modo latinè reddimus, *Et hac quidem (in observando jejunio isto) varietas non nostrâ primum ætate nata est, sed multo prius apud majores nostros cæpit, qui non accurate, ut verisimile est, retinentes (jejunii formam) eam quæ ex simplicitate & imperitiâ ortum habuit, consuetudinem in posterum fecerunt.* Qui Græca Irenæi verba paulo attentius inspicit, sensum eorum hâc nostrâ, ut ut ab aliis diversâ, versione fideliter expressum videbit. Innuit enim his verbis doctissimus Pater, fuisse quidem accuratam jejunandi formam in Ecclesiâ primo institutam: nonnullos autem eam non accurate observasse. Hoc enim clarissimè exprimit, dicendo τῶν πρὸ τοῦ ἀκριβοῦς κερτέωντων. Ut enim παρ' αἰτίαν, est indignè, πρὸ νόμον prater legem, sive illegitimè, πρὸ φύσιν contra naturam, sive contra quàm naturâ comparatum est, sic hoc in loco πρὸ τοῦ ἀκριβοῦς est non accurate, contra quàm accurata jejunandi forma requirit. Vocem κερτέωντων H. Valesius hoc loco reddit per *Præsidentes*, ut ante eum Musculus, per *rerum habenis potitos*: pessimè. Præterquam enim quod verbum κερτέω, nunquam *præsidere* significet, nec *dominari*, nisi in rebus civilibus, & in iis duntaxat cum res ista adjicitur, cui quis dominatur, ut κερτεῖν τῆς βασιλείας, κερτεῖν τῶν θηρίων. Apud Homerum πάντων μὲν κερτέων, πάντας δὲ ἀνάσσειν: Irenæus hoc in loco non de Præsidentibus, vel præ-

fulibus

fulibus Ecclesiæ (qui nunquam κερτέντες vocantur) sed πρὸς τὸ εἶδος τῆς νη-
στείας, de formâ jejunii loquitur : quam dicit nonnullos πρὸς τὸ ἀκρίβες κερ-
τῆσαι accuratè non observasse, vel retinuisse. Eodem nempe sensu, quo vox
istâ in ipso Evangelio usitatur, ut ubi dicitur, Κερτέντες τὴν παράδοσιν τῶν
προσφύγων, Marc. VII. 3. & passim alibi. Qui porro primò traditam jeju-
nii formam non accuratè observarunt, hi, inquit Irenæus ἡ καθ' ἀπλότητα ἡ
ιδιωπισμὸν σωθήειαν εἰς τὸ μετέπειτα πεποιήκασι, hoc est, *Eam quæ secundum sim-
plicitatem & imperitiâ erat*, sive, ut vertit H. Valesius, *quæ ex simplici-
tate & imperitiâ orta est, consuetudinem in posterum fecerunt*. Hic enim ἡ καθ'
ἀπλότητα ἡ ιδιωπισμὸν σωθήειαν opponitur accuratæ illi jejunandi formæ cujus
antea meminit. Ἀπλότης enim & ἀκρίβεια sibi invicem hic opponuntur, non
secus ac ἀπλῶς & ἀκριβῶς apud Isocratem dicentem, εἰ διεξέλθοιμι μὴτε παν-
τάπασιν ἀπλῶς, μὴτε λίαν ἀκριβῶς, ἀλλὰ τὰ μέγιστα τῶν παρόντων αὐταῖς, Si
neque simpliciter prorsus, neque accuratè admodum, sed maxima quæque de his
earum statim percensuerimus. Isocrat. ad Philip. Quod autem hæc consuetudo
non modo καθ' ἀπλότητα sed & κατ' ιδιωπισμὸν esse dicatur, eo quidem osten-
ditur, illam non ἀπὸ τῶν δρχόντων, quibus οἱ ιδιώται opponuntur, sed ab indo-
cto vulgo, & à privatis hominibus, ιδιώταις passim & proprie dictis, ortum
habuisse. Quibus sic expositis, genuinus horum verborum, quæ alias ob-
scura sunt & intricata, sensus clarissimè eliciatur. Vult enim Irenæus miram
illam, quam ante memoravit, in jejunio Paschali celebrando varietatem, ex
eo ortam esse, quod nonnulli è majoribus ipsius accuratam jejunandi formam
primitus traditam non accurate observantes, sed hi unum, illi duos, alii
plures quidem quam duos, sed pauciores quam par erat, dies quotannis jeju-
nantes, simplicem illam rudemque induxerunt consuetudinem, quæ postea
apud alios eorum exemplo ductos obtinuit. Hunc sane sensum optimè ferent
Irenæi verba, & præterea nullum. Nec nova quidem est hæc eorum ex-
positio, sed antiquissimus doctissimusque eorum interpres, Rufinus eun-
dem fere expressit, ultima illa τὸ πρὸς τὸ ἀκρίβες, &c. verba, hoc modo Latine
vertens, *Qui non simpliciter quod ab initio traditum est tenentes, in alium mo-
rem, vel per negligentiam, vel per imperitiâ postmodum decidere.*

V. Hæc antiquissimi Patris verba nos fusius explicare & ipsissimum eo-
rum sensum indagare, operæ pretium duximus, quoniam luculentissimum
jejunii Quadragesimalis antiquitati testimonium perhibent. Enimvero ex iis
constat, aliquam ipsius etiam Irenæi diebus accuratam fuisse jejunii ante Pascha
celebrandi formam. Hoc enim verba illa πρὸς τὸ ἀκρίβες clare satis indicant.
Verum nemini dubium esse potest, quin Irenæus in variis recensendis jeju-
nandi formis ipsam etiam suo judicio accuratam non præteriret. Eum enim
prætermittâ rectâ, obliquas solas enumerasse incredibile est. Tres porro for-
mulas nominatim memorat, quæ in hanc controversiam veniant, primam
eorum qui unum, alteram eorum qui duos, & ultimam eorum qui quadragin-
ta ante Pascha dies jejunio peragendos esse existimabant. Quod enim non-
nullos dicit credidisse pluribus quam duobus diebus sibi jejunandum esse, cum
nullum singularem dierum numerum ab iis observatum nominet, quæcun-

que demum fuerit eorum forma, accurata haberi nequit, utpote quam Irenæus recensione indignam judicaverit. De tribus autem reliquis insignitè ab eo memoratis, quæstio moveatur, quamnam earum ille accuratam fuisse crederet? Hoc autem nobis nullo præjudicio, nullo partium studio occæcatis, adeo extra controversiam videtur, ut indignum plane sit quod in contentionem vocetur. Nullus enim dubito, quin & B. Irenæi, & totius Ecclesiæ primitivæ judicio, ea accuratissima omnium habita fuerit jejunandi forma, quâ Christiani summâ præ aliis religione Christum colerent, ac pœnitentiæ, precibus, eleemosynæ, & sacris bonisque omnium generum operibus agendis diutius fortiùsque toti vacarent. Quapropter qui duobus jejunabant diebus, parasceve scilicet & sabbato magno, accuratiores procul omni dubio judicati erant, quam illi qui uno duntaxat, parasceve scilicet solâ, vel solo Sabbato magno jejunare solebant. Et ob eandem etiam rationem, qui plures jejunabant dies, puta quatuor, vel sex, hi religiosiores & accuratiores merito habiti fuerunt, quam illi qui duos. Qui autem eundem dierum numerum, quem Servator, Dominusque noster jejunus transegit, pro virili observabant, quadraginta scilicet, horum forma omnium accuratissima erat, quippe quæ alias omnes sub se comprehendit, & aliquid præterea amplius. Et hi enim parasceven & Sabbatum magnum æque strictis consecrabant jejuniiis, ac illi qui unum tantum eorum, vel qui ambos, sed solos illos dies jejunabant. Ac proinde si unum jejunasse diem, parasceven puta, accurata dicatur forma, illi etiam qui quadraginta dies jejuniiis peragebant, accuratam observabant formam, utpote qui inter alios illum etiam diem jejunabant. Imo quidem si ista accurata fuisset jejunandi forma, nemo erat qui *κατὰ τὸ ἀνεκὲς* agebat, nemo enim istum saltem unum diem non observabat. At Irenæus disertè affirmat nonnullos *κατὰ τὸ ἀνεκὲς* egisse: ac propterea ejus judicio, unum istum jejunare diem *τὸ ἀνεκὲς* esse non potuit. Idem fere dicatur & de illis qui duos jejunabant dies. Si ista enim accurata esset jejunii forma, ab Irenæo commemorata, nemo *κατὰ τὸ ἀνεκὲς* agebat, nisi qui unicum diem jejuniiis consecrabat. Qui enim plures celebrabant dies, istos imprimis duos religiosissimè observabant. Ac propterea, si judice Irenæo, duos ante Pascha dies jejunare, esset *κατὰ τὸ ἀνεκὲς* jejunare, nihil opus erat quod adderet, nonnullos plures quam duos jejunasse, nisi forsitan in animo haberet Victorem certiore facere, nonnullos plus satis jejunasse, accuratam jejunii formam supergredientes. Atqui nihil fidei magis absonum videtur, quam Irenæum in eâ fuisse opinione, quòd ulli religiosiores essent quam par erat, aut jejunia sua longius protraherent, quam oportuit. Si in hâc enim fuisset sententiâ, eam aliquo saltem modo subindicasset. Quod tamen nullus fecit: sed contrarium potius, eo quod asserat nonnullos *κατὰ τὸ ἀνεκὲς*, contra, non *supra* quam accurata jejunandi forma postulabat, jejunasse. Quod quidem de iis dici non potuit, qui quatuor vel sex jejunabant dies, etiamsi accurata forma plures quam duos non exegisset, siquidem duos illos ab istâ formâ postulatos jejunare satagerent, non minus quam si alios non adjecissent. Sed quid verbis opus est cum res ipsa loquatur? Quamobrem enim Irenæus

hoc

hoc in loco, *unum* quidem *duosque* definitè, & postea indefinitè *plures*, atque ultimo definitè iterum *quadraginta* dies jejuniis dicatos commemorarit? Annon ut omnibus significaret, hunc maximum ultimoque definitè nominatum, ipsissimum esse dierum numerum, quem accurata jejunii Antepaschalis celebrandi forma flagitabat? Sane qui hæc verba maturè & deliberatè expendit, hanc ex iis conclusionem inferat, necesse habet. Varias enim ac diversas jejunandi formas recensens Irenæus, à minimâ quidem incipit, eorum scilicet, qui unicum ante Pascha diem sibi jejunandum esse existimabant. Deinde gradatim ascendens, alios dicit esse qui duos jejunarent dies, parasceven puta ac Sabbatum magnum. *Οἱ δὲ, inquit, ἢ πλείονας, alii autem & plures, & istos scilicet duos & iis plures, quatuor fortasse, vel sex, vel quindecim, vel alius cujuscvis numeri citra quadraginta.* Inter eos enim, ut videtur, qui ultra duos, citraque quadraginta jejunabant dies, minime conveniebat, his plures, illis pauciores ultra duos jejunandos esse dies contendentibus. Et hinc fuit, quod Irenæus ambiguas eorum formas indefinite proposuerit: nihil aliud de iis dicens, quam in genere, *οἱ δὲ ἢ πλείονας.* Postremo autem alium definitum dierum numerum ab aliis jejunatum addit, dicens, *οἱ δὲ πεσσεγκοντι.* Quid autem causæ fuit vel esse potuit, cur cum *plures* dixisset, sub quibus quadraginta etiam comprehenduntur, seorsim postea & singulariter *quadraginta* memoraret? Hujus quidem rei causa alia non fuit, quam quod is maximus esset & accuratissimus dierum jejuniis ante Pascha consecratorum numerus, qui propterea necessario præcise ac definite nominandus erat, æque ac minimus. Cum enim in variis percensendis formis, à minimo sive unius diei jejunio incesperit, ratio postulabat ut in maximo, sive quadraginta dierum jejunio desineret: quod ii etiam qui plures quam duos jejunabant dies, nunquam excedebant, quodque omnes observare debent, si accuratam jejunii hujus formam tenere velint. Cùm inter omnes enim in confesso esset, aliquam ab Apostolis jejunandi formam traditam fuisse, controversum autem esset, quot dies jejunandi sint, cum hi unicum, illi duos, nonnulli plures, alii quadraginta jejunarent, nulli autem ulterius progredierentur, ille qui accurate jejunandi certus esse voluit, quadraginta dies jejunare necesse habuit: quandoquidem hæc forma reliquas omnes sub se complectatur, at non è contra. Qui enim unum, vel duos, vel quatuor, vel quindecim dies jejuniis deputabat, certus esse non potuit se accurate jejunare, siquidem alii affirmabant se ab Apostolicâ traditione accepisse, quadraginta dies jejunio ante Pascha transigendos esse. At qui omnes quadraginta dies celebrabat, ille primo traditam jejunii istius formam accurate observandi certissimus fuit, quoniam omnes ille observabat formas, quas quispiam vel primo traditas, vel observandas esse existimavit.

VI. Quadraginta igitur dies ante Pascha quotannis jejunio consecratos, hancque accuratam fuisse jejunii istius formam Irenæi ætate, ex ipsius verbis satis aperte constat. Sed observandum præterea est, quod quicquid ille de jejunio Antepaschali & variis ejusdem celebrandi formis scripsit, multis ante annis in Ecclesiâ obtinuerat. Istam enim à se memoratam in jejunio observando

varietatem, non suâ demum ætate, sed πολὺ πρῶτον apud majores suos cœ-
pisse affirmat. Καὶ ποιαύτη μὲν, inquit, ποικιλία τῶν ὑπὸ τῶν πατέρων, ἡ νῦν ἐφ'
ἡμῶν γενοῖσα, αἰτία ἢ πολὺ πρῶτον ὅτι τῶν πρὸ ἡμῶν. Irenæus autem hæc
ante secundum à nativitate Christi elapsum seculum scripsit, ac proinde proxi-
mo post ipsos Domini Apostolos seculo, centum à S. Johanne, ultimo Apo-
stolorum, annis nondum completis. Quocirca istud quod ille πολὺ πρῶτον
appellat tempus, cum ipso Apostolico coincidat, vel ei saltem propinquissi-
mum fit necesse est. Et quidem cum Polycarpus, qui cum S. Johanne aliis-
que Apostolis conversatus est, aliter atque Anicetus Romæ Episcopus, Pascha
celebraverit, ut ex eadem Irenæi ad Victorem Epistolâ constat, haud dubi-
tare licet, quin aliqua in Antepaschali etiam jejunio observando varietas istis
etiam diebus extiterit. Quæcunque autem varietas in formâ saltem jejunii, de
quâ loquitur Irenæus, deprehensa est, ista ex eo ortum habuit, quod non-
nulli πρὸ τοῦ ἀπελθεῖς minus accurate jejunium illud peregissent, ut idem anti-
quissimus Pater disertè affirmat. Qui propterea pro concessio sumit, accura-
tam jejunii istius formam prius constitutam fuisse, quam ista varietas exorta
esset. Cum ipsa itaque varietas paucis saltem post Apostolos annis exorta
fuerit, nihil dubii superest, quin accurata illa, de quâ loquitur, jejunandi
forma nonnullis S. Apostolorum adhuc superstitionibus, & Ecclesiam summâ,
quam ab ipso Christo acceperant, autoritate administrantibus, instituta
fuerit. Cùmque accurata ista forma quadraginta, ut ostendimus, dierum
esset, è præmissis legitimè concludamus, non modo Antepaschale genera-
tim, verum & Quadragesimale sive quadraginta dierum ante Pascha jeju-
nium, ab ipsis Apostolorum diebus in Ecclesiâ observatum fuisse, tan-
quam Apostolicâ autoritate traditum atque aliquò saltem modo institutum.

C A P U T V I I I.

Synopsis.

I. D. Hieronymi, jejunium Quadragesimale ad Apostolicam traditionem referentis, verba ab exceptionibus defenduntur.

II. Illam Quadragesimam credidisse etque antiquam fuisse et ab Apostolis institutam atque ipsam diem Dominicam, ex ejus verbis demonstratur.

III. Idem aliique jejunium Quadragesimale necessario observandum esse

statuerunt. Unde Apostolica ejusdem institutio evincitur.

IV. Argumento è S. Augustino contra Apostolicam hujus jejunii institutionem petito respondetur, cumque nobis consensisse ostenditur.

V. Ea sententia, quæ hoc jejunium ab Apostolis traditum statuit, aliis veterum tam Latinorum quam Græcorum Patrum testimoniis confirmatur.

I. **E**T quidem si veteres Ecclesiæ Patres hâc in re consulamus, eos etiam qui labente quarto, quintoque currente seculo claruerunt, Quadragesimale ante Pascha jejunium non Synodicis, non Ecclesiasticis quibuscunque constitutionibus, sed Evangelicis ac Apostolicis traditionibus acceptum referentes inveniemus. In percensendis vero Patrum de hâc causâ testimoniis, ab istis ordiemur quæ Dallæus evertere, vel elevare conatus est. Primo itaque D. Hieronymus in Epistolâ ad Marcellam adversus Montanum, hæc habet, *Nos unam Quadragesimam secundum traditionem Apostolorum, toto anno, tempore nobis congruo jejunamus. Illi, Montanistæ, tres in anno faciunt quadragesimas, quasi tres passi sint Salvatores. Non quo et per totum annum, exceptâ Pentecoste, jejunare non liceat, sed quod aliud sit necessitate, aliud voluntate munus offerre.* Mirum est, ut quispiam hæc sanctissimi Patris verba legens, affirmet nihilominus D. Hieronymum nec dixisse nec credidisse, Quadragesimam necessario quotannis jejunandam esse secundum traditionem Apostolorum. Quid enim hisce verbis disertius esse potest? At Hieronymus, inquit Dallæus, hic loquitur de Quadragesima, non jejunio sed unitate. Itane vero? Annon conceptis verbis dicit, *Nos unam quadragesimam jejunamus?* Annon itaque de utroque, de jejunio scilicet æque ac de unitate Quadragesimæ apertissime loquitur? Quin etiam cum dicit *unam Quadragesimam jejunatam* esse secundum traditionem Apostolorum, Annon eodem affirmat habitu *Quadragesimam jejunatam* esse secundum traditionem Apostolorum? Qui hoc sane negat, is unam idem atque nullam significare affirmet necesse est.

At cum ait D. Hieronymus Catholicos unam Quadragesimam jejunare secundum traditionem Apostolorum, *Hoc vult*, inquit Dallæus, *quod unam in anno Quadragesimam, non autem plures, ut Montaniste, observant, id Apostolorum traditioni esse consentaneum, qui scilicet & scripto & vivâ voce constanter docuerunt, unum esse salvatorem, non plures, eumque semel non sapius passum.* Dall. de jejun. & quadrag. lib. 3. cap. 2. hoc est, etiamsi dicat Hieronymus unam quadragesimam jejunatam esse secundum traditionem Apostolorum, non tamen id voluit, sed voluit tantummodo doctrinam illam, quæ unum Salvatorem, eumque semel passum prædicat, secundum Apostolorum esse traditionem, vel ut ipse Patris verba pro libitu suo mutat, *Apostolorum traditioni consentaneam esse.* Verumenimvero præterquam quod hoc, *unum esse Salvatorem*, aliaque istiusmodi, quæ totidem fere verbis in Sacrosanctis scripturis continentur, religionis Christianæ dogmata, *traditiones Apostolorum* vix unquam dicantur, Nemini unquam persuadebit Dallæus D. Hieronymum aliud dixisse, & aliud in animo habuisse. Dicit enim, & quantum fieri potest, disertissime dicit, *Nos unam Quadragesimam secundum traditionem Apostolorum jejunamus.* Non dicit, nos unam Quadragesimam quæ doctrinæ Apostolorum unum Salvatorem prædicanti, consentanea est, sed absolutè ac simpliciter, nos unam Quadragesimam secundum traditionem Apostolorum jejunamus. Quod si una Quadragesima, ea sane de quâ Pater ibi loquitur, & nos hic contendimus, secundum traditionem Apostolorum jejunata est. Nec ipse quidem video quibus verbis illud à doctissimo Patre disertius affirmari potuit. Sed dato ipsum Quadragesimæ jejunium *Apostolicam traditionem* ab Hieronymo vocatum esse, Ast idem alibi, in Epistolâ scilicet ad Lucinium dicit, *Unaquæque Provincia abundet in suo sensu, & præcepta majorum leges Apostolicas arbitretur.* Decernit itaque & unicuique concedit, inquit Dallæus, *ut Provincia suæ instituta, tamen localia, & ab aliis quam ab Apostolis tradita, pro legibus sive traditionibus Apostolicis habeat.* Primo autem non decernit, nec concedit B. Hieronymus, ut unusquisque Provinciæ suæ instituta, sed ut unaquæque Provincia præcepta majorum *leges* (non *traditiones*) Apostolicas arbitretur. Ubi per *præcepta majorum*, ea vult, non quæ in unâ quaque Provinciâ instituta, sed quæ à majoribus suis ante hominum memoriam tradita fuerunt, adeo ut non constet annon ab ipsis Apostolis præcepta fuerint. Qualia fuerunt ea de quibus ibi agit B. Hieronymus, Sabbati scilicet jejunium, & quotidiana Eucharistiæ participatio: Quæ in nonnullis Provinciis à præcis temporibus & ab ipsis Ecclesiæ primordiis obtinuerant, non item in aliis. Vult itaque B. Hieronymus, ut unaquæque Provincia antiqua hujusmodi præcepta à majoribus suis tradita, *leges Apostolicas* arbitretur, hoc est, eodem numero habeat ac observet, ac si ab ipsis Apostolis instituta fuissent. Ea vero ipsorum Apostolorum traditiones non vocat, neque *secundum traditionem Apostolorum* observanda dicit. Quod tamen de jejunio Quadragesimæ, non in unâ aliquâ sed in omnibus Provinciis istis diebus obtinente, affirmat. Ac propterea hæc verba, *nos unam Quadragesimam secundum traditionem Apostolorum jejunamus*, isto sensu, quo præcepta majorum

majorum leges Apostolicas arbitrari concedit, accipi non possunt. Quin & si ita accipiantur, Dallæanam de jejunio isto sententiam evertent. Si enim jejunium Quadragesimale D. Hieronymi ætate, hoc est, quarto labente seculo, *majorum præceptum* fuisset, atque adeo juxta D. Hieronymi sententiam, *pro lege Apostolica* haberetur, concideret simul ista Dallæi opinio, quæ jejunium istud non ante quartum, illudque ad ultimum, seculum in usu fuisse statuit.

II. At D. Hieronymus, inquit clarissimus Dallæus, *diserte professus est, jejunia non ab Apostolis, sed à viris prudentibus propter eos constituta fuisse, qui magis seculo vacant quam Deo.* Quod quidem apertissime falsum est. Nunquam enim professus est, nedum diserte professus est D. Hieronymus, jejunia ab Apostolis non constituta fuisse. Dicit, fateor, *ea inter dies esse à viris prudentibus constitutos.* Hoccine vero idem est atque ab Apostolis ea non constituta fuisse? Sed audiamus ipsa Patris verba, quæ in secundo libro commentariorum ejus in Epistolam ad Galatas, sive in quartum caput ejusdem Epistolæ, sic habent, *Jejunia autem & congregationes inter dies propter eos à viris prudentibus constitutos, qui magis seculo vacant quam Deo.* E quibus sane verbis nemo jejunia ab Apostolis non constituta fuisse probare potest, nisi qui Apostolos viros prudentes fuisse negat. Adhæc hic ipse D. Hieronymi locus si paulo penitiùs inspiciatur, sanctissimum illum Patrem jejunium Quadragesimale, non modo antiquum admodum, sed & ab ipsis Apostolis traditum credidisse evincet. Verba nimirum Apostoli, quæ hoc in loco explicat, hæc sunt, *Dies observatis, & menses, & tempora, & annos, &c.* In quæ verba inter alia hæc habet D. Hieronymus, *Dicat aliquis, si dies observare non licet, & menses, & tempora, & annos, nos quoque simile crimen incurrimus, quartam Sabbati observantes, & parasceven, & diem Dominicam, & jejunium Quadragesimæ, & Paschæ festivitatem, & Pentecostes lætitiæ, & pro varietate regionum, diversa in honore martyrum tempora constituta.* Quibus ultimis verbis, Tempora quidem in honore martyrum pro varietate regionum constituta, reliqua autem prius memorata ubique locorum similiter observata indicat, videlicet, *Quartam Sabbati parasceven, diem dominicam, Quadragesimam, Paschæ & Pentecosten.* Quæ omnia, ut videre licet, unà recenset, & in eodem numero habet: nihil inter ea discriminis, quantum ad antiquitatem, institutionem, vel generalem observationem, admittens. Sed observat tantummodo quid ex istis D. Pauli verbis dicat aliquis, quod Ecclesia nempe Catholica simile crimen ab Apostolo notatum incurrat, eo quod hæc tempora observat. Hunc scrupulum à se objectum duplici modo amoveri posse affirmat doctissimus Pater, *simpliciter, & acutiùs.* Qui *simpliciter* inquit, huic objectioni respondet, dicet, *non eosdem Judaicæ observationis dies esse quos nostros.* Qui *acutiùs* autem respondet, *illud, inquit, affirmat, omnes dies æquales esse, nec per parasceven tantum Christum crucifigi, & diem dominicam resurgere, sed semper sanctum resurrectionis esse diem; & semper eum carne vesci dominicæ: jejunia autem & congregationes inter dies propter eos à viris prudentibus constitutos, qui magis seculo vacant quam Deo.* Ubi per jejunia aliud

aliud intelligere non potest, quam dies jejuniis consecratos, nimirum Quartam Sabbati, Parasceven & Quadragesimam; per *congregationes* autem dies quibus fideles unà congregari & dominica carne vesci solebant, dominicam puta, Pascha, & Pentecosten. Ista itaque *jejunia*, hasque *congregationes* inter dies esse dicit, *propter eos à viris prudentibus constitutos, qui seculo magis quam Deo vacant.* Quicquid igitur hic asseritur, vel de quarta Sabbati, vel de Parasceve, vel de Pascha, vel de Pentecoste, vel denique de Quadragesima, sive ut ipse vocat, de *jejuniis Quadragesimæ*, idem & de die Dominica asseritur: quippe quæ unà cum iis in objectione recensetur. Diem autem Dominicam ab aliis viris prudentibus quam ab ipsis Domini Apostolis constitutam fuisse, ipse, ut opinor, Dallæus nunquam affirmavit, nec cum ratione affirmare potuit. Nec dubium esse potest, quin D. Hieronymus istam diem ab ipsis Apostolis constitutam fuisse crediderit. Quam nihilo minus ipse hoc in loco inter dies à viris prudentibus constitutos numerat. Viri itaque prudentes hic memorati, vel Apostoli erant, vel non erant. Si prius, habemus quod volumus. Quadragesima enim, D. Hieronymo iudice, ab ipsis Apostolis constituta est: Sin posterius dicatur, ipsa etiam dies Dominica ab Apostolis non est constituta: quod communi omnium Christianorum sententiæ repugnat. Idem etiam dicendum est de jejuniis quartæ & parasceves, necnon de festis Paschæ & Pentecostes: utpote quæ omnia pariter atque Quadragesima eodem, quo dies Dominica, ordine hic collocantur. Adeo ut nemo contra antiquitatem aut Apostolicam eorum institutionem ex Hieronymo disputare possit, quin idem, quod abest, contra Apostolicam diei dominicæ institutionem ex eodem, simul disputet, necesse habeat. Quod quidem nobilissimum est statorum horum Ecclesiæ jejuniorum simul ac festorum antiquitati adstruendæ argumentum. Siquidem ea omnia ante quartum elapsam seculum ab ipso D. Hieronymo antiqua adeo habita fuerunt, ut hoc saltem respectu, unà cum die dominica semper & ubique à Christianis celebrata, recenseri mererentur. Quæ cum ita sint, nemini mirum videatur, quod D. Hieronymus *Quadragesimam secundum traditionem Apostolorum jejunatam esse* asseruerit, quandoquidem eam cum ipsa die Dominica conjungit, quam ab ipsis Domini Apostolis traditam ac institutam fuisse inter omnes constat.

III. Aliud adhuc restat, in D. Hieronymi verbis primo laudatis, dignissimum quod in hac causa observetur. Postquam enim dixisset Ecclesiam Catholicam unam Quadragesimam secundum Apostolorum traditionem in toto anno jejunare, Montanistas autem hæreticos tres in anno habere Quadragesimas, quasi tres passi sint Salvatores, protinus hæc subjungit, *Non quo & per totum annum, excepta Pentecoste, jejunare non liceat, sed quod aliud sit necessitate, aliud voluntate munus offerre.* Ex his enim verbis luculente patet, D. Hieronymum ea ductum fuisse sententia, quæ jejunium Quadragesimale non pro suo cuiusque arbitrio, sed necessario ab omnibus quotannis observandum esse pronunciat. Quæ quidem opinio etiam à Cæsario Arelatenfi his verbis aperte concipitur. *Aliis diebus jejunare, aut remedium, aut præmium est,*

in quadragesima non jejunare peccatum est. Alio tempore qui jejunat, accipiet indulgentiam, in his diebus qui potest, & non jejunat, sentiet pœnam. Cæsar. Arel. hom. 2. Imo quidem Quadragesimale hoc jejunium in totum non observare Sacrilegium est, ex parte violare peccatum est. Ambros. Serm. 37. Hæc autem Quadragesimam jejunandi necessitas, qua D. Hieronymus cum aliis, omnes constrictos esse Christianos arbitratus est, aliunde quam à traditione Apostolica ortum habere non potuit. Istud enim ab universali aliquo Concilio, cujus solius decretis omnes tenentur, constitutum fuisse, nec alius quilibet, nec ipse D. Hieronymus unquam affirmavit. At propterea eo tantum nomine illud ex necessitate observandum dicere potuit, quod ab ipsis Apostolis traditum existimaret.

IV. Sanctum Augustinum Hieronymo æqualem, quadragesimam Apostolicæ traditioni non attribuisse, ex eo probare nititur Dallæus, quod is in Epistola LXXXVI. quæ est ad Casulanum, hæc habeat, *Ego in Evangelicis & Apostolicis literis, totoque instrumento quod appellatur Testamentum novum, animo id revolvens, video præceptum esse jejunium, quibus autem diebus non oporteat jejunare & quibus oporteat, præcepto Domini vel Apostolorum non invenio definitum.* Præterquam vero quod sanctissimus Pater hoc in loco non de Quadragesimæ sed Sabbati jejunió agat, nihil ex his verbis legitime concludi potest, nisi jejuniorum dies in Evangelicis aut Apostolicis scriptis non inveniri definitos. Quod etiam & nos profitemur. Cum vero D. Augustinus totum, ut ipse ait, instrumentum novum animo revolverit, ut si fieri potuit, aliquid de hac re præceptum ibi inveniret, necessario quidem certe ex eo conficitur, illum stata Ecclesiæ jejunia sua ætate observata, adeo antiqua habuisse, ut ille nesciret, vel dubius saltem aliquandiu hæsitaret, annon ab ipsis Apostolis tradita fuissent, & in eorum scriptis instituta. Et quidem etiamsi neget se aliquod de hac re præceptum in Sacrosanctis scripturis invenisse, jejuniorum tamen dies ab orali sive non scripta Apostolorum traditione determinatos fuisse non negat. Sed in eam potius, quæ illud affirmat, sententiam alibi inclinasse videtur. Ubi scilicet de ipso Quadragesimæ jejunió hæc dicit, *Nam ut quadraginta illi dies ante Pascha observentur, Ecclesiæ consuetudo* (vel ut alii Codices legunt, *Consensio*) *roboravit.* Aug. Epist. CXIX. ad Januar. cap. 17. Hic enim Quadragesimæ observationem Ecclesiæ consuetudine, sive consensione *roboratam* quidem affirmat, sed non *institutam*. Si Ecclesia vero eam tantummodo roboravit, Unde quæso originem traxerit? Enimvero eam prius institutam fuisse, quam roboratam, nemo dubitare potest. Si Ecclesia itaque eam tantum roboravit, ab aliis quam Ecclesiæ fundatoribus institui non potuit: nec aliunde originem trahere, quam unde suam ipsa traxit Ecclesia.

V. Præter hos, D. Hieronymum scilicet & Augustinum, quos Dallæus vel invitos, ut ostendimus, suas ad partes trahere conatus est, alii complures è vetustis doctissimisque Ecclesiæ Patribus Quadragesimale illud, de quo contendimus, jejunium ab Apostolis traditum, & divinitus institutum prædicarunt. E multis, quæ produci possunt, nos pauca eorum testimonia seligimus.

gemus. Leo M. Romæ Episcopus, *Magna*, inquit, *Divine institutionis salubritate provisum est, ut ad reparandam mentium puritatem, quadraginta nobis dierum exercitatio mederetur, in quibus aliorum temporum culpas & pia opera redimerent, & jejunia casta decoquerent.* Leo Serm. 4. de Quadrag. Et alibi, *Quod ergo, dilectissimi, in omni tempore unumquemque facere convenit Christianum, id nunc sollicitius & devotius est exequendum, ut Apostolica institutio quadraginta dierum jejuniis impleatur.* Id. Serm. 6. de Quadrag. Alibi iterum, *In quibus (quadagesimæ diebus) merito à sanctis Apostolis per doctrinam Spiritus Sancti majora sunt instituta jejunia, ut per commune consortium Crucis Christi, etiam nos aliquid in eo quod propter nos gessit, ageremus.* Id. Serm. 9. de Quadrag. Petrus Chrysologus Leoni *κύριον*, & anno circiter CCCCXXXIII. Episcopus Ravennæ factus, *Videtur, inquit, Fratres, quia quod Quadragesimam jejunamus, non est humana inventio, autoritas est divina: & est mysticum, non presumptum: nec est de terreno usu, sed de cœlestibus est secretis.* Chrysol. Serm. 11. *Si ergo quadraginta dierum simplex, purum, aequale tantis testimoniis sub tanti numero Sacramenti traditum nobis à Domino jejunium perdocetur; unde novitas ista, unde hebdomada nunc resoluta, nunc rigida, nunc indulgentes, nimium nunc severa? Id. Serm. 166. Isidorus Hispalensis, Quadragesima in universo orbe institutione Apostolica observatur, circa confinium dominica passionis.* Id. Hispal. Orig. lib. 6. cap. 19.

E Græcis porro Patribus, Eusebius Cæsariensis, Epiphanius, alique quicquid de Therapeuris à Philone Judæo dicitur, de primis Christianis intelligentes, eo se jejunium Quadragesimale ab Apostolis traditum credidisse declararunt, ut ante ostendimus. Quibus adjungatur S. Basilii, qui sermonem de hoc ipso jejuniio habuit, in quo disertè ait, jejunii hujus præconium per universum terrarum orbem denunciatum esse, adeo ut nulla esset insula, nec ulla terra continens, non civitas, non gens ulla, non extremus mundi angulus, ubi non auditum sit: ac propterea hortatus est, ne quis semet excludat è numero jejunantium, in quo omne genus hominum, omnis ætas, omnes dignitatum formæ censentur: & divitem postea admonet jejunium hoc observare, ne forte reus peragatur apud jejuniorum legislatorem, *μή ποτέ σε, inquit, κατέβλη ὁ θεὸς ὁ νομοθέτης τῶν νηστειῶν.* Basil. Hom. II. de jejun. ubi *ὁ νομοθέτης τῶν νηστειῶν* alius esse non potest, quam ipse Deus, qui proinde istorum, de quibus hic agitur, jejuniorum legem tulisse à S. Basilio perhibetur. Iisdem fere diebus Theophilus Alexandrinus tres suas Paschales Epistolas, quas S. Hieronymus æqualis ejus latinas fecit, in lucem edidit, in quibus passim asserit, jejunium hoc Quadragesimale, *secundum Evangelicas, & Apostolicas traditiones observandum esse.* Et exiguo post eum tempore, Cyrillus, Alexandrinæ itidem Ecclesiæ Antistes, in Paschalibus homiliis à se conscriptis sæpe inculcat hoc jejunium ab omnibus celebrandum esse *καὶ τὰς Ἀποστολικὰς παραδόσεις*, & nonnunquam *καὶ τὴν ὁμοῦς ἐκκλησίαν παραδοσιν.* Ut alios in præsentī omittam, Dorotheus Archimandrita, qui anno circiter DLX. floruit, jejunium Quadragesimale *decimationem* vocat totius anni, quam nobis in pœnitentiam & purgationem peccatorum nostrorum Sancti Apostoli consecrarunt.

Αὐτὴ ἐστὶν ἡ δεκάτια, ὡς ἂν εἴπῃ τις, παντὸς ἡ ἐνιαυτοῦ, ἣν ὑγείασαν ἡμεῖς
εἰς μετάνοιαν οἱ Ἅγιοι Ἀπόστολοι, καθάρσιον ἔσαν τῶν ἁμαρτιῶν. Dorothe. Doctr.

XV. E quibus patet hanc, quæ jejunium Quadragesimale ab ipsis Domini Apostolis traditum fuisse statuit, non novam esse aut nudiustertius susceptam opinionem, sed eandem, qua antiqui Ecclesiæ Patres tam Græci quam Latini, ducti fuerunt. Quod, si non extra controversiam ponat quadraginta ante Pascha dierum jejunium ab ipsis Apostolis diserte institutum fuisse, plenissimam saltem fidem facit, illud longe ante quartum, idque, quod vult Dallæus, fere finitum seculum, publico Ecclesiæ usu receptum esse, atque isto proximoque currente seculo tantæ antiquitatis habitum, ut Apostolicæ institutionis fuisse crederetur, & quidem à sanctissimis clarissimisque istorum seculorum Patribus. Quibus, an Dallæo, major habeatur fides, isti viderint, qui cæco partium studio magis quam sincero veritatis amore controversias Ecclesiasticas agitantes, suo, & eorum quos creduli sequuntur, ingenio & præsumptis cujuscunque generis opinionibus plus nimio indulgere solent.

C A P U T I X.

Synopsis.

- | | |
|---|---|
| <p>I. Ἀνακεφαλαιώσεις eorum que de jejunio Quadragesimali hæcenus dicta sunt. E quibus Apostolica ejusdem institutio inferitur.</p> <p>II. Idem ex eo probatur, quod etiamsi ubique observatum, Ecclesiastica tamen autoritate nunquam institutum fuit. Juxta auroam D. Augustini regulam, que defenditur & explicatur.</p> <p>III. Nostra de Apostolica hujus jejunii institutione opinio explicata. Dies quibus ablati sunt sponsum, ipsi Apostoli jejunio transgisse, aliisque jejunandos tradidisse videntur.</p> | <p>IV. Quadragesima dierum jejunium ab aliis primo susceptum videtur, sed ab Apostolis postea traditum ab iis, qui illud ferre poterant, suscipiendum.</p> <p>V. Ex hac hypothesi, quicquid in antiquitate de hoc jejunio dictum fuit & clarum est, & sibi constans.</p> <p>VI. Prudentis est Christiani, hoc jejunium religiose quotannis observare: ut è quo nihil incommodi, sed multum utilitatis emergat.</p> <p>VII. Quo modo hoc jejunium antiquitus observatum fuit, & adhuc observari debet.</p> |
|---|---|

I. **U**T Rem autem in pauca conferam, nostramque de eâ opinionem breviter exponam: Cùm (ut ex iis quæ hucusque differuimus abunde satis, ut opinor, constat) jejunium Quadragesimale quarto saltem præcipiti seculo passim in Ecclesia celebratum fuisse inter omnes conveniat. Cùm eodem ineunte seculo Synodus Nicæna τὴν πεντηκστήν, ut universæ Ecclesiæ cognitam atque observatam memorarit. Cùm ista vox ex communi istis diebus Ecclesiæ usu, necnon ex propria nominis ratione quadraginta dierum spatium significet. Cùm isto sensu etiam ab Athanasio usurpetur. Cùm Eusebius Cæsariensis eodem ineunte seculo, Therapeutas à Philone Judæo descriptos qui septem hebdomadam ante Pascha jejunium celebrarunt, Christianos fuisse opinatus sit, & S. Hieronymus, Epiphanius, alique idem tradiderint, nihilque in contrarium adductum sit, quod opinionem istam evertat. Cùm Constantinus M. de definitis ante Pascha jejniis ut ubique cognitis meminerit. Cùm Dionysius Alexandrinus propositæ de jejunii Antepaschalis solutione quæstioni tertio vix dum adulto seculo responsum dederit. Cùm eodem ineunte seculo Tertullianus Ecclesiam Catholicam non modo dies illos *quibus ablatas est sponsus*, verumetiam alios citra sive ante eos jejunasse asseruerit, & æqualis ejus Origenes *quadagesima* dies sua ætate jejunio consecratos esse dixerit. Cùm aliquammultos ante festum Paschale dies ex Apostolica traditione jejunio dicatos fuisse, controversia de festo isto secundo labente seculo agitata fidem faciat. Cùm istis etiam diebus Irenæus Lugdunensis varias jejunii Antepaschalis celebrandi formas recensens, eam accuratam esse dixerit, quæ quadraginta dies isti jejunio deputavit, eandemque longo ante suam ætatem tempore observatam fuisse affirmarit. Cùm longum istud ab eo designatum tempus de alio vix intelligi possit, quam quo nonnulli ex ipsis Domini Apostolis Ecclesiæ superstites erant. Cùm plerique denique & doctissimis quarti, quintique seculi Patribus, ut D. Hieronymus, Augustinus, Leo M. Petrus Chrysologus, Isidorus Hispalensis; necnon Eusebius Cæsariensis, Basilius M. Theophilus, & Cyrillus Ecclesiæ Alexandrinæ præsules, & mox postea Dorotheus Archimandrita, jejunium Quadragesimale, nunc divinitus institutum, nunc ab Apostolis traditum, & necessario ab omnibus observandum esse consenserint. Cùm hæc, inquam, ita sint, haud ausus sum dubitare quin Quadragesimale ante Pascha jejunium, ab ipsis Apostolorum temporibus in Ecclesia obtinuerit, adeoque aliquali ipsorum traditioni jure meritissimo acceptum referatur.

II. Et in hanc quidem sententiam eò ipse magis propendo, quòd quarto saltem seculo hoc jejunium ab universa Ecclesia observatum fuisse, adeo manifestum certumque sit, ut ipsi etiam adversarii illud diffiteri nequeant. Qui tamen primæ istius originis atque institutionis nulla uspiam in omni antiquitate vestigia deprehendere potuerunt. Nulla enim extant. Verùm & ante prædictum seculum, ut nos ostendimus, & post, ut consentitur adversarii, miro ubique consensu celebratum est. Etiam si à nullo singulari Patre, à nullo, quod scimus, Concilio vel generali vel provinciali institutum fuerit.

Sed

Sed ipsa prima ac celeberrima ex omnibus Oecumenicis Synodis Nicææ quarto ineunte seculo congregata illud ut omnibus ubique Christianis, non minus quàm ipsum Autumni tempus, cognitum memoravit. Quo autem pacto hoc fieri potuit, nisi ab ipsis Apostolis aliquo saktẽ modo traditum fuisset, me prorsus nescire fateor. Nec ipse quidem video quid rationi magis consentaneum esse potest, quàm quod B. Augustinus olim asseruit, dicens, *Quod universa tenet Ecclesia, nec Conciliis institutum, sed semper retentum est, non nisi auctoritate Apostolica traditum rectissime creditur.* Aug. de baptismo cont. Donat. lib. 4. cap. 24. Omnem enim fidem excedit, ut universa Ecclesia proximis post ipsos Apostolos seculis in unum aliquem ritum aut modum disciplinæ consentiret, qui nec ab universali Concilio, quo solo universa Ecclesia tenetur, institutus, nec Apostolica auctoritate traditus fuit. Universam autem Ecclesiam quarto ineunte seculo in hoc jejunium consensisse, ex ipsa in universali Concilio tunc temporis Nicææ congregata, & hujus jejunii ut omnibus & singulis Ecclesiis cogniti mentionem faciente patet. Ista vero Synodus, ut inter omnes constat, hoc jejunium non instituit, quippe quæ illud prius institutum & ubique observatum supponit. Neque in aliquo è provincialibus Conciliis ante celebratis institutum legitur. A quibus etiam si institutum fuisset, in universam exinde Ecclesiam manare non potuit. Restat igitur, ut hoc jejunium juxta auream illam doctissimi Patris regulam, *auctoritate Apostolica traditum rectissime credatur.* At at, ipse Augustinus, inquit Dallæus, qui hanc regulam fixit, non ideo putavit, *Quadragesimam ab Apostolis fuisse institutam, quam diserte profitemur Ecclesiæ consuetudini originem ac robur suum debere.* Hoc, fateor, dicit clarissimus Dallæus, pag. 409. sed fui procul omni dubio oblitus. D. Augustinus enim nullibi profitemur Quadragesimam Ecclesiæ consuetudini originem suam debere. Dicit tantummodo, quod & ante observatum est, *Nam ut quadraginta illi dies ante Pascha observentur, Ecclesiæ consuetudo roboravit.* Hocine vero idem est atque *Quadragesimam Ecclesiæ consuetudini originem suam debere?* Nihilne inter institutionem rei atque ejusdem roborationem interest? Sane ex his ipsis D. Augustini verbis satis liquet, eum juxta suam ipsius regulam credidisse, Quadragesimam auctoritate Apostolica traditam fuisse. Cùm nihil enim in Quadragesimæ negotio Ecclesiæ adscribat, præterquam ejusdem roborationem, per constantem scilicet illius observationem, eo sane profitemur, hoc jejunium Ecclesiastica auctoritate non institutum fuisse. Quod si auctoritate Ecclesiastica non institutum fuerit, originem ejus aliunde quam ab Apostolica traditione petere nequimus: unde scilicet & alia quamplurima, quæ etiamnum, & semper, & ubique observata fuerunt, petamus necesse est. Et quidem D. Augustinus loco supra laudato, generalem istam regulam eo tantum nomine proponit, ut baptismum infantium auctoritate Apostolica traditum ostendat. Alibi autem eandem ad anniversarias Ecclesiæ celebritates adhibet. Illa, inquit, *quæ non scripta, sed tradita custodimus, quæ quidem toto terrarum orbe observantur, datur intelligi, vel ab ipsis Apostolis vel plenariis Conciliis, quorum est in Ecclesiâ saluberrima auctoritas, commendata atque statuta retineri.*

Sicuti quod Domini passio, & resurrectio, & ascensio in Cælum, & adventus de Cælo Spiritus Sancti, anniversaria sollemnitate celebrantur. Et si quid aliud tale occurrerit, quod servatur ab universis, quacunque se diffundat Ecclesia. Aug. Epist. CXVIII. ad Januar. cap. 1. E quibus sanctissimi Patris verbis sic argumentari licet, Quæ ab universa Ecclesia observantur, vel ab ipsis Apostolis, vel à plenariis Conciliis statuta sunt: At anniversaria istæ sollemnitates, quibus Domini passio, resurrectio, & ascensio, necnon adventus Sancti Spiritus celebrantur, à plenariis Conciliis non sunt statutz. Ergo statutz sunt ab ipsis Apostolis. Porro Domini passio hic commemorata, non nisi jejunio Antepaschali quotannis celebrata est. Jejunium istud D. Augustini diebus quadraginta dies observatum fuisse inter omnes convenit. Unde consequitur, jejunium Quadragesimale ab ipsis Apostolis traditum fuisse, si vel S. Augustino, vel regulæ ab eo præpositæ fides habeatur. Verum annon in re adeo antiqua major D. Augustino, quam cuilibet hisce diebus prognato fides debeatur, docti judicent. Qui vero regulam ab eo fixam falsitatis arguunt, vereor ut Ecclesiam universalem à perpetuis & gravissimis erroribus defendant: Imo quidem vereor, ut necessariam diei Dominicæ observationem, ut infantium baptismum, ut Canonicorum librorum numerum, aliaque istiusmodi, quæ summi sunt in religione nostra momenti, ab ipsis Domini nostri Apostolis tradita atque instituta fuisse vel sibi persuasum habeant, vel aliis persuadeant: utpote quæ in Sacrosanctis scripturis disertè præcepta ac definita non habeamus.

III. Hæc maturè, diuque perpenſa, haud dubitare sinunt, quin jejunium Quadragesimale ab ipsis Apostolis quodammodo traditum fuerit. Quandoquidem autem in genuinis eorum scriptis præceptum non invenitur, quoniam ab iis modo traditum fuerit, non adeo facile est conjecturâ assequi. Nostram vero de eâ re sententiam, è primis ac indubitatis Ecclesiæ monumentis erutam, paucis explicare non pigebit. Primo itaque Sanctos Apostolos istum, quo cruci affixus est Christus, diem jejunos quotannis tranſegisse, nemo, ut opinor, inficiari potest. Cùm omnibus enim, ut notum est, Judæis solenne esset, ut quisque diem, quo pater ipsius mortuus est, in singulis postea vitæ suæ annis jejunio consecraret, nihil rationi, fideique magis absoum videtur, quam ut Apostoli diem illum, quo charissimus ipsorum magister, quo unicus humani generis servator, quo æternus Dei Filius gravissimos pro ipsorum, aliorumque peccatis cruciatus, ipsamque mortem pati dignatus est, quotannis non jejunarent. Quis ex infimis ejus discipulis hoc non faceret? Quis anniversario isto redeunte die secum non reputaret, Hoc die unigenitus Dei Filius pro meis ipsius peccatis ludibrio habitus est; verberibus laceratus est; spineâ coronâ redimitus est; in crucem, infandum! à suis ipsius creaturis actus est; meique loco, pro me infelicem! ignominiosissimo isto asperissimoque mortis genere sublatus est. Ipseque hunc diem lætus, carnique indulgens tranſigam? Hoc saltem die jejuniis lachrymisque ob ista quæ Dominum meum cruci affixerunt peccata me non affligam? Absit, longe, longeque absit. Sane si quis nostrum vel illorum etiam qui
statâ

stata Ecclesiæ jejunia tantopere oppugnant, ineffabiles istas, quas nostri loco suscepit Dominus, passionibus animo maturo agitarer, non difficile dico, sed impossibile esset, ut istum saltem quo passus est, diem jejunare dedignaretur. Quanto magis impossibile fuit, ut sanctissimi illius discipuli, ac Apostoli, qui aliquot cum eo annos conversati fuerant, qui miracula ejus viderant, qui doctrinam audierant, qui divinâ ejus præsentiam ac favore tamdiu beati fuerant, summo animi angore non afficerentur, quoties anniversarius ille rediret dies, quo dilectissimus ipsorum Dominus impiâ Judæorum manu iis ablatu est? Quonam autem modo hunc suum ob Domini passiones dolorem manifestum reddere, vel etiam exercere potuerunt, si istum saltem diem quo eas pertulit, jejunio stetitibusque non devoverent? hoc est, si illud pro Christo facere recusarent, quod alios pro patribus amiculisque suis mortuis quotannis peragentes videbant? Qui sinceram profecto Apostolorum pietatem, summumque in Christum amorem contemplatur, dubitare nequit, quin istum quotannis strictissime jejunarint diem quo crucifixus est Christus; imo vero atque proximum etiam, quo in sepulchro jacuit, idque non eo tantum quod per istum etiam diem divinâ ejus, ut in mortuorum statu adhuc manentis, præsentiam privati fuerant, verumetiam eo præsertim quod ipse Dominus de illis prædixerat, *Venient dies cum auferetur ab iis sponsus, & tunc jejunabunt* ἐν ἐνέλαις τοῖς ἡμέραις in illis diebus. Ex his enim verbis Apostoli intellexisse videntur, Domini mandatum ac voluntatem esse, ut ipsi omnesque alii postea Christiani, duos illos quotannis dies, pasceven scilicet & sabbatum magnum, quibus sponsus sive Dominus ipsis sublatus est, jejniis consecrarent. Hoc enim, quem optime ferent, sensu verba ista proximo post Apostolos seculo ab Ecclesiâ Catholicâ intellecta fuisse, ex Tertuliano constat, dicente, *Certe in Evangelio illos dies jejniis determinatos putant* Catholici, *in quibus ablatu est sponsus*. Tertull. de jejun. adv. Psychic. cap. 2. Hanc autem istorum Domini verborum interpretationem Ecclesia Catholica istis saltem diebus aliunde quam ab Apostolis habere non poterat, ut à quibus & ipsum Evangelium, & genuinas verasque ejusdem expositiones traditas acceperat. Quod si Apostoli verba ista ita intellexerint, dubitare nefas est, quin dies illos æctissime quotannis jejunarint ipsi, & in mandatis dederint, ut alii etiam eodem, ut in Evangelio jejniis determinatos, in singulis vitæ suæ annis observarent. Neque enim hoc illorum tantum, sed ipsius Domini præceptum erat. Unde persuasissimum habeo, quod sicut Johannis discipuli ac Pharisei (qui Christum tunc temporis interrogabant, quare ejus discipuli non jejunarent) stata sua jejunia habuerunt, & quemadmodum Judæi nonnullos quotannis dies jejniis deputare lege divinâ constricti fuerunt, sic etiam Apostoli, cæterique istius ætatis Christiani, illos saltem dies *quibus ablatu est sponsus*, annuâ vice jejunabant, & ab aliis jejunandos esse tradiderunt. Alioquin enim fieri non potuit, ut Ecclesia ab iis recens fundata, illos dies *in Evangelio jejniis determinatos* putaret.

IV. Nullus itaque dubito, quin ab ipsis Apostolis traditum fuerit, ut aliquot ante Paschalem festivitatem, sive dominicæ resurrectionis commemorationem

tionem dies, illi minimum, quibus Christus passus est, & in sepulchro detentus, luctui, jejunio & pœnitentiæ agendæ inprimis designarentur. Alii autem, viri saltem Apostolici, si non & ipsi Apostoli, ut verisimile est, quot & quanta Christus ipsorum causâ locoque passus est, secum revolventes, pro summo quo in eum flagrabant zelo, non solum duos illos in Evangelio determinatos dies, verum & alios citra illos jejunio deputabant. Usque adeo ut nonnulli ipsum quadraginta dierum jejunium à Christo celebratum aliquo modo adumbrare conarentur. Quod eorum studium piumque zelum ut nulli reprehensioni obnoxium, Apostoli condemnare non potuerunt. Siquidem etiam si dies quibus ablati sunt sponsus jejuniis determinati essent, nullibi tamen scriptum fuit, ne plures præter, citra illos jejunarentur. Imo potius cum & signum esset, & adjutorium pietatis tale jejunium, ab Apostolis non potuit non summe approbari: quippe qui virtutis studium, vitæque sanctimoniam, omniaque quæ in Dei gloriam tendere videbantur, omnibus modis promoveri studerent. Ac propterea, etiam si tot dierum jejunium omnibus imponere noluerunt, quoniam ab omnibus æqualiter observari non potuit, illud nihilominus ut carni subjugandæ, & provehendæ sanctitati aptum iis peragendum tradiderunt & commendarunt, quibus longioribus opus esset jejuniis, eaque ferre poterant. Quo factum est, ut plurimi postea Antepaschale jejunium quadraginta solidos dies continuerint, idemque tanquam ab Apostolis traditum aliis commendarint. Usque adeo ut hoc jejunandi genus tanquam ad pietatem cultumque Christi plurimum conducent, ab universis propemodum Christianis tandem aliquando susceptum fuerit, &, si cum D. Augustino loquar, *Ecclesiæ consuetudine roboratum.*

V. Hæc fateor, totidem verbis in Sacrosanctis Scripturis non continentur, ac proinde invictis istiusmodi argumentis demonstrari nequeunt, quibus quispian assensum iis præbere vel invitatus cogatur. Verumenimvero præterquam quod scriptis Apostolicis in nihilo sint dissimilanea, sed cum iis potius optime consentiant, Ecclesiasticâ etiam antiquitate ita muniuntur, ut salvâ ejus auctoritate, nunquam diluantur. Quin his etiam positis, quicquid de jejunio Antepaschali variaque ejusdem observatione in antiquis Ecclesiæ commentariis occurrit, clarissime enodetur. Hinc enim constat, quare Ecclesia Catholica apud Tertullianum de jejun. adv. Psych. cap. 2. illos dies quibus ablati sunt sponsus *solos legitimos jejuniorum Christianorum dies* putarit, eo scilicet quod illi soli in Evangelio tanquam lege scriptâ jejunio determinati sint. Constat etiam quare eadem Ecclesia apud eundem ibidemque dixerit, *aliis citra illos dies indifferenter jejunandum esse ex arbitrio, non ex imperio novæ disciplinæ, pro temporibus & causis uniuscujusque*, quoniam utique tot dierum jejunium Apostoli non absolute omnibus mandarunt, sed tradiderunt tantummodo ab iis suscipiendum, quorum facultates id ferrent, & conditio postulare. Et hinc est quod in Ecclesiæ potestate semper situm fuit, observationem illius nonnullis in casibus relaxare, sive ut vulgo loquuntur, *dispensationem indulgere*: quod in præceptum divinum non cadit. Constat insuper ex hac hypothesi, quare jejunium Antepaschale Irenæi diebus tantâ varietate

varietate observatum esset, ut cum omnes unum saltem diem jejunarent, eum scilicet quo Christi passio commemoratur; alii duobus, alii pluribus, alii etiam quadraginta diebus sibi jejunandum esse existimarent, eo nimirum quòd nonnulli sibi non necesse esse crederent, ut plures quam unum vel duos saltem illos in Evangelio determinatos dies jejunarent: alii vero plurium, alii ipsum quadraginta dierum jejunium sibi peragendum esse censerent, quandoquidem illud perutile ipsis & summe ex Apostolicâ traditione necessarium videretur. Ex his denique positis constat, quare Irenæus istam accuratam esse formam judicavit, quâ quadraginta solidi ante Pascha dies jejunio consecrantur, propterea utique quod hæc ab Apostolis modo supra exposito tradita fuerit, quodque si omnes Christiani salutis suæ quâ par est diligentia ac fidelitate consulerent, nemo esset vel saltem paucissimi, qui illâ jejunii formâ sibi opus esse non viderent, ut quâ carnalis appetitus melius compesceretur, omnesque virtutes tam piis exercitiis auferentur. Quibus etiam de causis universa Ecclesia in hanc jejunii Antepaschalis formam cito consensit. Adeo ut etiam si à nullo universali Concilio definita aut mandata fuerit, ubique nihilominus sola obtinuerit; neque unquam, præterquam ab hæreticis, ante nostram ætatem in quæstionem vocata fuit. Sed omnes potius Catholici Quadragesimam *ex necessitate*, ut loquitur D. Hieronymus, jejunio peragendam esse uno ore affirmarunt, ut ipsis ab Apostolis primo traditam, & universalis Ecclesiæ consensu ac consuetudine postea confirmatam. Cum ex his itaque positis antiquitas Ecclesiastica accurate adeo sibi constet, nemo ea vero saltem simillima esse dubitabit, qui ullam antiquitati vel fidem habet vel reverentiam. Quod si quis in re adeo vetustâ, probabiliora in medium proferet, non sum adeo propriis cogitationibus mancipatus, quin melioribus lubens gratusque acquiescam.

VI. Sed utcunque se res habeat, constat saltem aliquot ante Pascha dies ab ipsis Ecclesiæ primordiis jejunio dicatos fuisse. Constat etiam Antepaschale illud jejunium proximo post Apostolos seculo quadraginta dies à nonnullis celebratum fuisse. Constat denique probabiles saltem dari causas, quibus etiam Quadragesimalis illius jejunii observationem Apostolicæ traditioni acceptam ferre inducamur. Quicunque ergo hoc jejunium vel ipsi non observant, vel ab aliis non observandum esse contendunt, ab iis sciscitari vellem, annon in re dubiâ, tutiorem, melioremque partem eligere sapientis sit, præsertim si ea probabilibus etiam rationibus adstruatur? Hoc nemo, ut opinor, negabit. Demus itaque dubium adhuc esse, utrum hoc jejunium ab Apostolis institutum fuerit, vel quovis modo traditum, si tamen vel probabile sit, illi haud dubie, qui istud observant, sibi melius prospiciunt, quam isti qui negligunt & condemnant. Quid enim si quod plurimi, nec sine ratione antiquitus crediderunt, alique etiamnum nobiscum credunt, ab ipsis Domini Apostolis revera traditum fuerit, etiam si ita demonstrari nequeat, ut omnes illud credere cogantur? Sane si ita esset, parum solatii, ne amplius dicam, iis erit, qui illud despectui habent. Quid è contra mali, quid incommodi ex sincerâ hujus jejunii, piâque cum primitivis Christianis ob-

servatione cuius emergat? Quid ei vitio vertatur? Quòd jejumat? vix credo. Jejunium enim in utroque Testamento præcipitur. Ipse Christus jejunium celebravit, regulasque nobis reliquit juxta quas rectè à nobis celebretur. Illius etiam Apostoli in jejuniis frequentes fuerunt. Quanam itaque culpa in jejunio Quadragesimali residet, quo minus observetur? Anne quod statum sit jejunium, & quotannis celebratum? Hoc nefas dictum est, quandoquidem ipse Deus statum atque anniversarium jejunium Ecclesiæ Israeliticæ ab ipso formatæ instituit, decimâ nimirum die mensis septimi quotannis celebrandum, Lev. XVI. 29. Quid itaque in hoc jejunio reprehendi potest? quod ante Pascha celebratur? Nihil minus. *In quâ enim parte anni congruentius observatio Quadragesimæ constitueretur, nisi confinis atque contigua Dominicæ passioni?* ut recte olim observavit D. Augustinus Epist. 119. ad Januar. cap. 15. Restat igitur, ut hoc jejunium nullo infimuletur crimine, nisi forsitan quod quadraginta dies celebretur. Verumenimvero cùm jejunium & licitum sit & à Deo præceptum, plures continuos jejunare dies malum esse nequit. Quin potius quo longius, eo melius est jejunium. Et quod ad definitum quadraginta dierum spatium spectat, idem profecto est quod Moses, quod Helias, quod ipse Christus jejunavit. Cùm hoc autem illis criminis loco objici non possit, quare nobis objiceretur, qui tantorum virorum, imo qui ipsius Domini jejunium nostri causâ celebratum pro virili parte imitari & semel quotannis commemorare studemus? Cùm igitur in anniversariâ hujus jejunii observatione nihil mali hæreat, quin potius magnum, quâ par est religione observetur, utilitatis fructum præbeat, etiamsi dubium esset, utrum ab ipsis Apostolis traditum fuerit, nemini tamen dubium esse potest, quin plus periculi ex ejus neglectu, quam ex observatione metuendum sit. Ac propterea illi sane vero Dei cultui, suæque adeo salutis magis intenti sunt, meliusque consulunt, qui se primitivæ ac universæ Ecclesiæ moribus hac in re conformes gerunt, quam isti, qui nescio quo præjudicio impulsî, in hoc jejunium, utcunque celebratum, debacchantur.

VII. Summâ jejunii Quadragesimalis antiquitate assertâ & explicatâ reliquum est, ut modum etiam, quo ab Ecclesiâ Primitivâ celebratum fuit, paucis expediamus. Totum igitur hoc jejunio sacratum tempus veteres Christiani tantâ religione observarunt, ut unicam quotidie refectiorem haberent, eaque non prandium esset sed cœna, adeo ut nemo ante vesperam quodvis cibi genus gustaret. S. Basilii enim Quadragesimam jejunanti dicit, *τὴν ἐσπέρην ἀναμάρτους εἰς μετόληψιν*, *Vesperam expectas ut cibum capias*, Basil. hom. 1. de jejun. D. Ambrosius, *Indictum est jejunium, cave ne negligas. Etsi te fames quotidianum cogit ad prandium, ut intemperantia declinet jejunium, tamen cœlesti magis te servato convivio. Non epula parata extorqueant, ut cœlestibus sis vacuus Sacramentis. Differ aliquantulum, non longe est finis diei*, Ambros. in Psal. CXVIII. Serm. 8. Ut alia quæ passim occurrunt, testimonia missa in præsentem faciam, apud D. Augustinum in Epistola LXXXVI. ad Casulanum, alibique *prandere*, & *jejunare*, sibi invicem sæpe opponuntur. Adeo ut nemo *jejunare* dicatur qui *prandet*, nemo *prandere* qui

jejunat.

jejunat. Quisquis ergo pisces, vel aliud quodlibet ex innumeris ciborum generibus prandet, is profecto Quadragesimam cum primitivis Christianis neutiquam jejunat, nec nisi pessimâ vocis abusione *jejunare* dicatur. Jejunium enim in Veteris Ecclesiæ notitiâ religiosa fuit ab omni ciborum genere per totam diem abstinencia, ut ita, neglecto corpore, meditationi, resipiscentiæ, precibus, vel ut semel dicam Deo animisque nostris à mane ad vesperam usque toti vacemus. Hujusmodi fuerunt jejunia ab antiquis Christianis celebrata. Quotiescunque enim jejunio operam darent, præsertim per totam Quadragesimam, nullum nisi vesperscente die cibum capere solebant. Quin cibus etiam, quo sub noctem vescabantur, frugi fuit, castus, temperatus, & plerunque siccus, juxta quinquagesimum illum Concilii Laodicensi Canonem, *Δεῖ πᾶσιν τῶν προσερχομένων νηστὲν ξηροφαγῶντας*, *Oportet totam Quadragesimam jejunare aridis vespentes*, sub vesperam scilicet, non ante. Jejunium enim aridis non propriè celebratum fuit, sed solutum. Hujusmodi autem jejuniorum solutio à primitivis Christianis usitata est, ut in iis solvendis pariter atque celebrandis abstinentiam suam atque moderationem probarent, atque ita verum jejunandi finem assequerentur, qui est, carnis concupiscentias edomare, vel, si Apostoli verbis utar, *ὑποπαύειν τὸ σῶμα καὶ διαλαγῶναι*, corpus scilicet in talem servitutem redigere, ut rationis imperio in omnibus obsequatur. Qui vero jejunia quidem diurno, nocturno autem tempore convivia celebrat, is sane hoc nunquam efficiet. Quod cum Veteres Christiani satis perspectum haberent, illi per totam Quadragesimam à vino æque ac à carnibus abstinebant. Ipseque cibus, quo sub vesperam cujusque diei jejunium solvebant, vilis fuit, & parvus, ab omni luxuriâ & deliciis alienus. Unde D. Hieronymus in eos gravissimus invehitur, qui ab oleo quidem per istud tempus se abstinebant, at delicatioribus nihilominus dapibus fruebantur. *Quid prodest, inquit, oleo non vesci, & molestias quasdam difficultatesque ciborum querere? Carycas, piper, palmarum fructus, similam, pistacia? Tota hortorum cultura vexatur, ut cibario non vescamur pane, & dum delicias sectamur, à regno cælorum retrahimur.* Hieron. de vitâ Cleric. ad Nepotian. Ubi etiam mox subjungit, *Fortissimum jejunium est aqua & panis.* Et paulo antea, generalem proponit regulam, ab omnibus, ut nobis videtur, in hoc negotio diligenter observandam. *Tantum, inquit, tibi jejuniorum modum impone, quantum ferre potes. Sint tibi pura, casta, simplicia, moderata & non superstitiosa jejunia.* Hieron. ibid. Qui huic regulæ religiose insistit, nihil est quod de ciborum, quibus jejunia sua solvat, genere scrupulosè nimis laboret, vel sollicito, anxioque sit animo, utrum ichthyophagiâ an xerophagiâ id fiat. Sed in rebus adeo adiaphoris satius erit nosmet Ecclesiæ, in quâ versamur, accommodare, moremque gerere, & inprimis cavere, ut pro suâ quisque naturâ, ac potestate, ea ciborum quantitate pariter ac qualitate jejunia nostra solvamus, quâ veros jejunandi fines certius assequamur, *puriusque*, ut loquitur Synodus Nicæna, *minus Deo offeramus.*

CAPUT X.

Synopsis.

- I. *Jejunium quartæ sextæque feriæ in Canone Apost. LXIX. memoratur & injungitur. Unum sine altero in antiquitate nusquam occurrit.*
- II. *Has duas ferias antiquitus religiose observatas fuisse, & jejunio dicatas è Basilio M. Hieronymo, Epiphanio & Constitutionibus Apost. probatur.*
- III. *Idem è S. Augustino & Petro Alexandrino demonstratur.*
- IV. *Easdem ferias etiam tertio incunte seculo jejunio consecratas fuisse ex Origene & Clemente Alexandrino evincitur.*
- V. *Tertullianus has duas ferias stationibus dicatas asserit.*
- VI. *Vera Stationum notio inquiritur. Tertullianus stationes & jejunia nonnunquam distinguit. Alibi jejunia stationum nomine appellat. Quo sensu vox statio & ante & post Tertullianum usitata est.*
- VII. *Stationes breviora erant jejunia, horâ nonâ terminata. Et quartæ sextæque feriis peculiaria.*
- VIII. *Exceptiones contra argumentum pro his jejniis è Tertulliano petitis diluuntur.*
- IX. *Hæc jejunia longe ante Tertullianum observata fuisse ex Hermæ Pastore ostenditur. Unde ab ipsis Apostolis instituta videntur.*

I. **H**UCUSQUE de eâ Canonis Apostolici LXIX. parte, quâ cautum est, ut Clericus deponatur & segregetur Laicus qui *Quadragesimam* non jejunat, egimus, ostendimusque Quadragesimale sive jejunium quadraginta ante Pascha dierum ab ipsis Ecclesiæ primordiis religiose admodum observatum fuisse, ac proinde haud mirum esse, quod hoc Canone commemoretur ac fanciatur, etiamsi tota hæc Canonum Apostolicorum sylloge tertio vel etiam secundo à Christi nativitate seculo facta fuerit ac divulgata. Restat modo, ut idem de Quartæ, Sextæque feriæ jejniis, in eodem etiam Canone memoratis, demonstremus. Dicit itaque Canon, *Εἰ πρὸς τὴν ἑορτήν, ἢ πρὸς ἑνὴν ἡμέραν, ἢ διὰ τὴν ἡμέραν, ἢ ἀναγνώστης, ἢ ψάλλων τὴν ἀγίαν παρασκευὴν ἢ πάλιν ἐν ἡμέρᾳ, ἢ περὶ ἡμέραν, ἢ παρασκευὴν, καὶ σαββάτων. Si quis Episcopus, vel Presbyter, vel Diaconus, vel Lector, vel Cantor sanctam Pascha Quadragesimam non jejunat, vel Quartam, vel Parasceven, deponatur. Ubi per Quartam & Parasceven duas illas in singulis septimanis ferias, quos Mercurii ac Veneris dies vulgo nuncupamus, intelligendas esse, nemo unquam dubitavit. Et quidem Quartæ jejunium, etiamsi ab hodiernâ Ecclesiâ Romanâ pluri-*

plurimum abrogetur, antiquitus tamen eadem, atque sextæ, religione observatum fuit. Hæc enim duo hebdomadica, ut ita loquar, jejunia, in antiquis Ecclesiæ commentariis perpetuo conjunguntur, & simul nominantur. Adeo ut unum absque altero in omni, quantum memini, antiquitate nusquam occurrat. Utrumque autem per singulas anni cujusque currentis hebdomadas ab Ecclesiâ Primitivâ celebratum fuisse, nullo negotio conficiatur.

II. Ne longius autem ab ipsis Apostolorum diebus abeamus, quarto currente seculo has duas, quartam puta sextamque, ferias peculiari præ aliis modo observatas fuisse, locupletissimos habemus testes S. Basilium & Hieronymum. S. Basilus enim, ille scilicet, qui *Magnus* merito cognominatur, se suamque Ecclesiam *quartâ & parasceve* sive *sextâ*, non minus quam *sabbato* ac *dominicâ* in singulis septimanis communicare solitum testatur, dicens, Ἡμεῖς μὲν ποιεῖμεν τὸ καθ' ἐκείνῳ ἐβδομάδα κεινωνῶμεν, ἐν τῇ κυριακῇ, ἐν τῇ πετράδι, ἢ ἐν τῇ παρασκευῇ, ἢ τῷ σαββάτῳ. Nos igitur quater singulis septimanis communicamus, *dominicâ*, *feriâ quartâ*, in *parasceve* & *sabbato*. Basil. Epist. CCLXXXIX. ad Cæsar. D. Hieronymi hæc sunt verba, Si dies observare non licet, & menses, & tempora, & annos; nos quoque simile crimen incurrimus, *Quartam sabbati observantes, & Parasceven, & diem dominicam, & jejunium Quadragesimæ, & Pasche festivitatem, & Pentecostes lætitiâ*. Hieron. in Epist. ad Galat. cap. IV. Ubi, ut videre licet, *Quarta sabbati & Parasceve* unâ cum *Dominicâ* inter dies recensentur ab Ecclesiâ istis temporibus religiose observatos. Quomodo autem hæ duæ ferias antiquitus observatæ fuerint, ex Epiphanio ejusdem ætatis scriptore constat: Hic enim dilerte ait, Συναΐξεις ἡ ὀπιπλέονται ταχθεῖσά ἐστιν ὁπὸ τῶν Ἀποστόλων, πετράδι, ἢ παρασκευάτῳ, ἢ κυριακῇ, πετράδι ἢ ἢ ἐν παρασκευάτῳ ἐν νηστείᾳ ἕως ὥρας ἑνάτης· ἐπειδὴ περ ὀπιπλέοντος πετράδι σωελήθη ὁ κύριος, ἢ τῷ παρασκευάτῳ ἐσαυρώθη· ἢ παρέδωκαν οἱ Ἀπόστολοι ἐν ταύταις νηστείαις ὀπιπλέοντες, πληρεῖς ἔργῳ, ὅτι ὅταν ἀπαρθῇ ἀπ' αὐτῶν ὁ κυμφίος, τότε νηστίασιν, ἐν ἐκείναις ταῖς ἡμέραις. Synaxes porro celebrate ab Apostolis institutæ sunt, his potissimum diebus, *quartâ, sextâque feriâ & dominicâ*. Item *quarta sextâque feriâ jejunium ad horam usque nonam indictum*, propterea quod *quartâ feriâ comprehensus sit Dominus, & sextâ crucifixus*. Ideo per illos dies jejunandum esse decreverunt Apostoli, ne impleatur illud quod scriptum est, Cum auferetur ab iis sponsus, tunc jejunabunt in illis diebus. Epiph. expof. fid. E quibus verbis constat primo, synaxes isto seculo non modo *Dominicis*, sed & *quartis sextisque feriis* celebrari solitas fuisse. Constat insuper duas istas ferias non synaxibus duntaxat, sed & *jejuniis* consecratas esse, ad horam saltem nonam celebrandis. Constat præterea hunc *quartæ sextæque feriæ* jejunandi ritum antiquum adeo istis temporibus habitum fuisse, ut ab ipsis Apostolis institutus crederetur. Hoc enim Epiphanius verbis conceptis asserit, dicendo, Καὶ παρέδωκαν αἱ Ἀπόστολοι ἐν ταύταις νηστείαις ὀπιπλέοντες. Quin idem etiam alibi hæc ferias ubique terrarum, sive ab universâ Ecclesiâ jejunatas affirmat. Τίνι ἡ, inquit, & συμπεφώνηται ἐν πᾶσι κλίμασι τὸ οὐκ ἐμνήσθαι, ὅτι πετράδι, ἢ παρασκευάτῳ νηστία ἐστὶν ἐν τῇ ἐκκλησίᾳ ὁρισμένη; Εἰ ἡ ἢ ἢ τὸ τὸ Ἀφρατίως τῶν Ἀποστόλων λέγειν, πῶς ἐκεῖ ὁρίζοντο

τετράδα ἢ περσέβειον νηστειῶν Δὲ παντὸς χωρὶς πεντηκοστῆς. *Quis est usquam terrarum qui non in eo consentiat, quartam sextamque feriam solenni in Ecclesiâ jejuniis consecratam? Quod si ex Apostolorum constitutione petenda nobis sit auctoritas, cur ibi quarta sextæque ferie jejunium perpetuâ lege sancitur, exceptâ Pentecoste?* Epiph. hæ. 75. n. 6. Hæc sane sunt verba viri minime dubitantis, quin hæ duæ feriæ semper & ubique ab Ecclesiâ Christianâ jejunio dicatæ fuerint, idque ex aliquâ Apostolorum constitutione. Et quidem inter Constitutiones Apostolorum vulgo dictas, quas Epiphanius aliquoties laudat, & hoc ipso in loco respicit, unam de hæc re habemus, his verbis conceptam. Αἱ δὲ νηστειῶν ὑμῶν μὴ ἔσωσιν μὴ τῶν ὑποκριτῶν νηστύοσι τὸ δούτερον περσέβαιον, ἢ πέμπτην. ὑμεῖς δὲ ἢ πέντε νηστύοσθε ἡμέρας, ἢ τετράδα ἢ παρεσχιδίῳ, ὅπ τῇ μὲν τετράδι περισσὸς ἐξῆλθεν ἢ καὶ ἡ κυρία, ἴδα χρέμασιν ἐπαγγελ- λαμένοις τῷ περσοσίαν. τῷ δὲ παρεσχιδίῳ, ὅπ ἐπαθεν ὁ κύριος ἐν αὐτῇ πάθῃ τὸ Δὲ σαυρὲς ὑπὸ Παντίᾳ Πιλάτῃ. *Jejunia vero vestra ne sint cum hypocritis. Illi enim secundâ & quintâ sabbatorum jejunant. Vos vero aut quinque diebus jejunate, aut quartâ feriâ & parasceve. Quoniam quartâ quidem judicium contra Dominum prodit, cum Judas pecuniâ prodicionem esset pollicitus. Parasceve autem, quia eo die Dominus mortem Crucis passus est sub Pontio Pilato.* Constit. Apost. lib. 7. cap. 23. Et alibi τετράδα δὲ ἢ παρεσχιδίῳ προσέταξεν ἡμῖν νηστύειν, τῷ μὲν Δὲ τῷ περσοσίαν, τῷ δὲ Δὲ τὸ πάθῃ. *In quartâ vero feriâ & parasceve, jussit Dominus nos jejunare. In illâ quidem propter prodicionem, in hac vero propter passionem.* Ibid. lib. 5. cap. 15. Unde liquet, eum, quicunque demum fuerit qui has constitutiones collegit, idem atque Epiphanium de quartæ, sextæque feriæ jejuniiis censuisse, quod ab ipsis scilicet Apostolis tradita fuerant. Has autem Constitutiones longe ante Epiphanium extitisse, ex eo satis patet, quod ab ipso sub Apostolorum nomine laudentur. Quin imo hanc ipsam de hisce jejuniiis Constitutionem citat, tanquam ab Apostolis traditam. E quibus intelligi datur, quartæ & parasceves jejunium non modo Epiphanii memoriâ antiquius, verum adeo etiam antiquum fuisse, ut longe ante eum ipsis Domini Apostolis adscriptum esset.

III. Præter eos quos hæcenus citavimus, alium ejusdem seculi, eumque gravissimum hac in causa testem advocare licet, Divum scilicet Augustinum, qui & ipsa de quibus agimus jejunia ab Ecclesia observata asserit, & utriusque etiam rationem fuse explicat his verbis. *Cur autem quarta & sexta maxime jejunet Ecclesia, illa ratio reddi videtur, quod considerato Evangelio, ipsa quarta sabbati, quam vulgo quartam feriam vocant, consilium reperiuntur ad occidendum Dominum fecisse Judei. Intermissio autem uno die, cujus vespera Dominus Pascha cum discipulis manducavit, qui finis fuit ejus diei quem vocamus quintam sabbati, deinde traditus est ea nocte, quæ jam ad sextam sabbati, qui dies passionis ejus manifestus est, pertinebat — Hoc ergo die intermisso, passus est Dominus (quod nullus ambigit) sexta sabbati: Quapropter & ipsa sexta recte jejunio deputatur.* August. Epist. 86. ad Casulan. Quibus verbis nihil disertius esse potest, nihil fortius ad evincendum quemlibet ritum quarto labente æræ Christianæ seculo ab Ecclesia observatum fuisse. Quinetiam eodem

ineunte

ineunte seculo Petrus Alexandrinus suum huic jejunio testimonium tribuit, & ejusdem pariter ac dominicæ celebrandæ rationem reddidit, his verbis, οὐκ ἐγκαλέσθης ἡμῖν παρεπιγεμεῖς τετράδα ἢ παρεσχιδὼν, ἐν αἷς ἢ νηστεύειν ἡμῖν καὶ παρεσχιδόν διόλογως προσετέτυκτο· τὴν μὲν γὰρ τετράδα διὰ τὸ γενόμενον συμβέβηκτον ὑπὸ τῶν Ἰουδαίων ὅτι τῇ προσδοσίᾳ ἔκκεινται· τὴν δὲ παρεσχιδὼν, ὅτι αὐτὸς ὑπὲρ ἡμῶν ἔπαθε. Κυριακῇ δὲ χαρμοσύνης ἡμέραν ἄγομεν, διὰ τὸν ἀναστάντα ἐν αὐτῇ, ἐν ᾗ ἔδεδονατο κλίνειν παρεπιθήφαμεν. *Non reprehendet nos quisiptam quartam & parasceven observantes, in quibus nobis jejunare secundum traditionem cum ratione preceptum est. Quartam quidem propter initium à Judeis consilium de proditiōe Domini: Parasceven autem, quod ipse pro nobis passus est. Dominicam autem lætitiæ diem agimus, quod in ea resurrexerit. In quo nec genua quidem flectere recepimus.* Petr. Alex. Can. XV. Quæ quidem doctissimi Patris verba manifestum faciunt tres in singulis septimanis ferias, unam, nempe Dominicam, festivitatem, duas vero, quartam scilicet sextamque, jejuniis, à Primitiva Ecclesia celebratas fuisse, ob rationes hic alibique allatas. Et observandum præterea est, etiam Petrum Alexandrinum hebdomadica ista jejunia ad traditionem referre, καὶ παρεσχιδόν, inquit, διόλογως προσετέτυκτο. Et quarto igitur ineunte seculo origo, & prima horum jejuniorum institutio viros etiam doctissimos latebat, usque adeo ut non nisi ad traditionem Apostolicam ea referre potuerint. Quod nunquam fecissent, nisi ea multis ante annis, imo quidem ante omnium tunc viventium memoriam publico Ecclesiæ usu recepta fuisse ac observata, pro certissimo habuissent.

IV. Quin quarto saltem æræ Dionysianæ seculo, quarta sextaque hebdomadis cujusque feriæ jejunio dicatæ fuerint, nemo luculentissima illa quæ hucusque adduximus testimonia sine præjudicio legens dubitare potest. Sed dicat forsitan nonnemo, hæc neminem cogunt fateri duas istas ferias ante quartum illud seculum isthuc modo celebratas fuisse. Fieri enim potest, ut hic ritus ipso istius seculi initio inductus esset, vel saltem paucissimis ante annis. Et fateor equidem difficile admodum esse fidem in hujusmodi rebus à quopiam extorquere, qui se totum iis interponit, nihilque credet nisi quod totidem verbis assertum est. Ac proinde bene est, quod satis idonei & omni exceptione majores hujus rei testes præstet sint, qui non modo tertio verum etiam isto vixdum incepto, atque ideo proximo post Apostolos seculo claruerunt. Alioquin verendum esset, ne ipse quoque annus quarti ineuntis seculi determinaretur, forte etiam & ipse dies, quo hæc jejunia primo conficta erant. Ut omnis autem cavillandi occasio præcidatur, Origenes suam de his jejuniis testimonium perhibuit, dicens, *Habemus enim Quadragesimæ dies jejuniis consecratos. Habemus quartam & sextam septimanae dies, quibus solemniter jejunamus.* Orig. in Levit. hom. 10. Quin ipsum quoque Clementem Alexandrinum, qui secundo pariter atque tertio seculo vixit, ad partes nostras vocare licet. Hic enim de vero Gnostico à se descripto, hæc disertè dicit, οἶδεν αὐτὸς καὶ τῆς νηστείας τοῦ αἰνίγματος, τῶν ἡμερῶν τῶν, τῇ τετράδι καὶ τῇ παρεσχιδῇ λέγω. ὅτι φημίζονται γὰρ ἡ μὲν Ἑρμῆς, ἡ δὲ Ἀφροδίτης. Αὐτὰ νηστεύει τὸν βίον φιλαργυρίας. περὶ ὧν καὶ φιληδονίας. *Novit ipse jejunii quoque anigmata horum*

horum dierum, quarti inquam & sexti. Dicitur autem ille quidem Mercurii, hic Veneris. Jejunat itaque per vitam ab avaritia & libidine. Clem. Alex. Strom. lib. 7. pag. 744. Quid his verbis clarius, quid causæ nostræ accommodatius esse potest? Clemens hoc in loco verum describit Gnosticum, hoc est, hominem verè sanctum, perfectum Christianum: eumque dicit intelligere jejunii quartæ sextæque feriæ ænigmata, quod scilicet illa sit dies Mercurii, hæc Veneris, atque ideo non tantum à cibis jejunat, verumetiam ab avaritia & libidine, Mercurii nimirum Venerisque vitiis. Quantum autem ad rem nostram spectat, quartæ & parasceves, sive dierum Mercurii Venerisque jejunium disertissimè, si quis unquam, commemorat. Adeo ut duas has ferias istis diebus solenni jejunio consecratas fuisse, omnes vel inviti fateantur necesse sit.

V. Idem porro ex Tertulliano etiam Clementis æquali certissimè evincatur: dicente scilicet, *Quod si nova conditio, & in Christo sepultri perseverant, jam nova & solennia esse debebunt, aut si omnem in totum devotionem temporum & dierum, & mensium & annorum erasit Apostolus, cur Pascha celebramus in annuo circulo, in mense primo? cur quinquaginta exinde diebus in omni exultatione decurrimus? cur stationibus quartam & sextam Sabbati dicamus, & jejuniis parasceven?* Tertull. de jejun. cap. 14. Ut Pascha igitur & Pentecosten, sic & quartam sextamque hebdomadis cujusque feriam celebrabant istis diebus Christiani, Catholici nimirum, quos hic intelligendos esse inter omnes convenit. In controversiam autem venit, quid per *Stationes*, quibus quartam sextamque dicatas asserit, hoc in loco intelligat Tertullianus? Ex eo enim quod mox addit & *jejuniis parasceven*, stationes à jejuniis distinguere videtur. Nos nostram, vel Tertulliani potius hac in re sententiam paucis expediemus.

VI. Primo itaque negari non potest, hoc aliisque nonnullis Tertulliani locis, aliquid discriminis *stationes* inter & *jejunia* poni, ut ubi ait, *Arguunt nos quod jejunia propria custodiamus, quod stationes plerumque in vesperam producamus.* Tertull. de jejun. cap. 1. Et postea, *Propterea per singulas direximus species jejunationum, xerophagiarum, stationum.* Ibid. cap. 7. Et alibi, *ut si statio facienda sit, maritus de die condicat ad balneas: si jejunia observanda sint, maritus eadem die convivium exerceat.* Id. ad uxor. lib. 2. cap. 4. Et iterum, *Tunc fides in expeditione sollicitior & disciplinator in jejuniis & stationibus, & orationibus, & humilitate.* Id. de fuga in persecut. cap. 1. In his inquam, aliisque forsitan nonnullis locis Tertullianus *stationes* & *jejunia* aliquantulum distinguit. Alibi tamen nihilominus *jejunia stationum* nomine appellat, ac si *statio* idem esset atque *jejunium*, ut ubi ait, *Jam & stationes aut alii magis faciet quam Christo? aut in dominico die quando nec Christo?* Id. de corona milit. cap. 11. quoniam scilicet, ut ibidem cap. 3. ait, *die dominico jejunium nefas ducimus.* Et alibi de jejuniis verba habens, *Quia & Daniel, inquit, rursus trium hebdomadarum statione aruit victum.* Id. de anima cap. 49. Multo autem manifestius libro de jejuniis, ubi plurima ex Veteri Testamento de jejuniis exempla profert, ut *stationes* ad vesperam usque producendas esse probet. Inter alia de jejunio à Saule indicto loquens ait, *Tantam autem Deus præstitit*

præstitit auctoritatem edicto stationis illius, ut Jonathan filius Saulis, quanquam ignarus jejunationis in serum desinit, gustum mellis admiserat, & sorte mox de delicto sit traductus & vix per precem populi periculo sit exemptus. Id. de jejun. cap. 10. ubi statio aliud quam jejunium significare nequit. Eadem notione usitatum est hoc vocabulum & ante & post Tertullianum; ante quidem in Hermæ Pastore, Quid est inquit statio? & dixi jejunium. Herm. past. lib. 3. sim. 5. Et post in Sermonibus D. Ambrosio attributis, Castra enim nobis sunt nostra jejunia, quæ nos à diabolica oppugnatione defendunt. Denique stationes vocantur, quod stantes ac commorantes in iis inimicos insidiantes repellimus. Ambros. Serm. 25.

VII. Qui hæc legit, & diligenter inter sese confert, dubitare nequit, quin in Ecclesiæ Primitivæ atque ipsius etiam Tertulliani notitia statio jejunium esset, ita tamen ut ab aliis Ecclesiæ jejuniis aliquo modo discreparet. Nimirum duplex jejunium ab Ecclesiâ primitiva observatum fuit. Unum longius, usque ad vesperam productum; alterum brevius, ut hora nona ab exortu solis, hoc est tertia pomeridiana solutum. Hoc posterius stationis etiam nomine indigitatum fuit, eo quod per totum istud tempus ab exortu scilicet solis usque ad horam nonam, in sacris obeundis persistere, seque jejunos exercere consueti essent. Quale fere exercitium Judæi etiam *סעודת סטיון* stationem appellarunt. Ac propterea vox ista è synagoga Judaica in Ecclesiâ Christianam translata videtur. Hoc vero jejunii genus apud primitivos Christianos quartæ sextæque feriæ peculiare fuit. Quadragesimale enim aliaque, Ecclesiastica auctoritate indicta, jejunia usque ad vesperam producta sunt. Hæc autem quartæ sextæque per singulas septimanas redeuntia jejunia, hora nona solvere solenne fuit. Epiphanius, *περὶ δὲ τῆς ἐν περσέβῳ ἐν νηστείᾳ ἕως ὧρας ἐνάτης, Quarta autem sextaque feria jejunium usque ad horam nonam celebratum.* Et paulo post, *τῆς δὲ ὁλῆς μὲν ἔτις ἡ νηστεία φυλάττεται ἐν τῇ αὐτῇ ἀγίᾳ καθολικῇ ἐκκλησίᾳ, Φησὶ δὲ περὶ δὲ τῆς περσέβῳ ἕως ὧρας ἐνάτης, δίχα μόνης τῆς πεντηκοστῆς ὅλης τῶν πεντήκοντα ἡμερῶν.* Porro istiusmodi jejunium per totum annum in sancta Catholica Ecclesia diligenter observatur, quarta, dico, sextaque feria usque ad horam nonam, exceptis quinquaginta Pentecostes diebus. Epiph. expof. fid. Et ne plura in re adeo luculenta congeram testimonia, idem ex ipso Tertulliano constat dicente, *Æque stationes nostras, ut indignas, quasdam vero & in serum constitutas, novitatis nomine incusant. Hoc quoque munus & ex arbitrio obeundum esse dicentes, & non ultra nonam detinendum, de suo (Catholicorum) scilicet more.* Et paulo post, *Non quasi respuamus nonam, cui & quarta sabbati & sexta plurimum fungimur.* Et mox rationem reddit quare ad istam horam dictis feriis jejunatum est, *Itaque in eam, inquit, usque horam celebranda pressura est, in qua à sexta contenebratus orbis, defuncto Domino, lugubre fecit officium, ut tunc & nos revertamur ad jucunditatem, cum & mundus recepit claritatem,* Tertull. de jejun. cap. 10. Hinc itaque ratio constat, quare Tertullianus stationes & jejunia alias distinguat, alias autem eadem faciat. Eadem nimirum facit, quoniam in utrisque jejunatum est. Distinguit autem quod alia jejunia non nisi vespere, stationes vero

hora nona solverentur. Unde & *stationum semijejunia* ab eodem appellentur, ibid. cap. 3. Hinc etiam constat, quare idem in verbis primo citatis dicat, *Quartam sextamque sabbati stationibus dicatam esse, parasceven autem jejuniis.* Eo scilicet quod quarta sextaque feria ad horam duntaxat nonam, Parasceve autem, hoc est, Tertulliani notione, sexta festum paschale antecedente, usque ad vesperam jejunatum est. Hinc denique constat Ecclesiam primitivam quarta sextaque hebdomadis cujusque feria per totum annum, excepta Pentecoste, religiose jejunasse, si vel Origeni, vel Clementi Alexandrino, vel Tertulliano ulla habeatur fides, hoc est, si quid in omni antiquitate Ecclesiastica pro certo habeatur.

VIII. Quid contra hæc gravissima veterum testimonia excipi potest, ipse quidem non video. Nec vidit quicquam Cl. vir Joh. Dallæus, utpote qui contra Clementis Alexandrini testimonium nihil omnino objecit, nihil etiam contra ea quæ ex Tertulliano adduximus, nisi quod dicat proprium & præcipuum stationum ac conventuum finem fuisse orationem, atque deprecationem, *Quod vero*, inquit, *in iis jejuni ad nonam perstabant, id non per se (quasi in eum proprie finem conveniretur ut jejunaretur) sed per accidens, ut loquuntur, ac præter rei ipsius naturam fiebat.* Nimirum cum isti conventus quarta sextaque feria celebrati, ante nonam non solverentur, & plerique imo omnes qui convenerant, non ante discederent, quam sumpta Eucharistia, eo accideret, ut jejuni ad nonam perstarent, quod scilicet nisi a jejuniis Eucharistia sumi non soleret. Dall. de jejun. & quadrag. lib. 4. cap. 5. Verumenimvero quicquid fere ab erudito viro hic opponitur, nos ei ultro largimur; quippe qui persuasissimum habemus neminem unquam jejunasse, eo tantum fine, ut jejunaret, nec ullos unquam Ecclesiasticos celebratos fuisse conventus, in eum proprie finem ut jejunaretur. Quinetiam Primitivi, fateor, Christiani quartis sextisque feriis ad nonam usque perstiterunt jejuni, non eo nomine ut jejunarent, sed ut publicis precibus, sacrisque lectionibus attentius vacarent, ut impetuosum carnis appetitum, & concupiscentiam fortius compescerent, ut omnibus pietatis officiis accuratius fungerentur, ut paratiores denique dignioresque redderentur, qui nona circiter hora stationem suam sacrosanctæ Eucharistiæ participatione solverent. Et quidem si hujusmodi jejunium *per accidens* celebratum dicatur, nullum unquam *per se* religiose celebratum fuit. Quicquid igitur hic opponitur nos haudquaquam ferit, sed ipsum potius opponentem. Cum fateatur enim Primitivos Christianos quarta sextaque per singulas septimanas feria publicos suos conventus usque ad horam nonam celebrasse, & cò usque etiam jeunos perstitisse, eò sanè causa sua cadit, & in nostras partes descendit. Dat enim quicquid nos postulamus, vel etiam in hac controversia postulare possumus. Neque enim de jejunandi fine, sed de ipso jejunio disputamus. Quod si duabus illis feriis Tertulliani ætate jejunatum fuerit, ut ille fatetur, nemo dubitare potest, quin jejunia in illis celebrata fuerint, sive quod idem est, quin habeamus, quicquid in hac causa volumus. Nec moramur alteram illam rationem qua probare nititur vir eruditus, stationem jejunio minimè eo ævo deputatam fuisse, *quod illius scilicet*

licet ævi Christiani jejunium non dicerent nisi quod ad vesperam continuabatur, cum stationes nona, tribus ante vesperam horis, solverentur. Itane vero? Unde quæso intelligamus quid istius ævi Christiani jejunium dicerent certius, quam ex Tertulliano & Clemente Alexandrino, qui isto ævo unà ambo claruerunt? At ipse Tertullianus stationes jejunia sæpe vocavit, ut ante demonstratum est. Imo quidem per totum ipsius librum, de jejniis adversus Psychicos inscriptum, de stationibus agitur. Et in eodem diserte ait, *Possū aq̃e sera stationis ex eodem rei ordine statum figere, ut jejunemus ad serum.* cap. 10. Et paulo post, *Hac erit statio sera, quæ ad vesperam jejunans pinguiore orationem Deo immolat.* Ibid. Hæcine verba hominis stationes & jejunia ubique distinguentis? vel in stationibus saltem celebrandis jejunatum esse denegantis? Quid etiam si stationes postea *semijejunia* appellet? ideoque nulla prorsus jejunia erant? *semijejunia* quidem vocat, ut à majoribus ea distingueret jejniis, quæ ad vesperam usque continuabantur. Minimè tamen exinde sequitur, quin & ipsa jejunia, licet breviora, essent. Imo quidem jejunia proprie dicta, quandoquidem Prandium istis diebus non caperetur, neque ante horam nonam, sive tertiam promeridianam solveretur jejunium. Unde etiam quas Tertullianus stationibus, eisdem Clemens Alexandrinus ferias τῆς νηστείας jejunio deputatas, loco supra laudato, asserit. Sed nihil est quod hisce diutius immoremur. Cum enim extra dubium sit, & inter omnes conveniat, quarta sextaque feriis Tertulliani ætate usque ad nonam ab exortu solis horam jejunatum fuisse, sive stationes, sive *semijejunia*, sive quocunque demum nomine istiusmodi jejunia vocitentur, eodem res redit. Neque Dallæo vel cuilibet alii litem de nomine unquam movebimus, modo cum primitiva nostraque Ecclesia, quarta sextaque feriis, usque ad nonam jejunandum esse consenserit. Hoc enim totum est, de quo nos contendimus.

IX. Quartam itaque sextamque, per singulas septimanas, ferias initio tertii, imo ante finem secundi seculi, hoc est centum ab ultimo Apostolorum annis nondum elapsis, jejunio dicatas fuisse ex Clemente Alexandrino & Tertulliano, qui istis diebus scripserunt, satis abunde constat. Hi vero de hebdomadicis hisce, ut ita loquar, jejniis, non ut sua ætate, nec ut paulo ante in Ecclesiam introductis, sed ut cuique notis, ut ubique & ab universa Ecclesia Catholica celebratis meminerunt. Quocirca nemini dubium esse potest, quin multis ante eorum ætatem annis, publico Ecclesiæ usu recepta fuissent, atque observata. Adeo ut si quis alius, hic sane ritus Ecclesiasticus Apostolicam sibi traditionem merito vindicare possit. Præsertim cum multo etiam ante Tertulliani ætatem haud obscura ejusdem vestigia extent: In Hermæ scilicet Pastore, ab ipso Tertulliano, necnon à Clemente Alexandrino aliquoties laudato, tanquam antiquo Ecclesiæ commentario: atque etiam ante eos ab Irenæo, & quidem sub nomine *scripturæ*, ut observat Eusebius Hist. Eccl. lib. 5. cap. 8. quique ab Herma, quem D. Paulus in fine Epistolæ ad Romanos salutari jubet, conscriptus perhibetur. In hoc autem antiquissimo sane monumento hæc legimus, *Cum jejunarem, & sederem in monte quodam & gratias agerem*

Deo pro omnibus quæ fecerat mecum, video Pastorem illum sedentem juxta me; ac dicentem mihi, Quid tam mane huc venisti? Respondi, quoniam, Domine, stationem habeo. Quid est, inquit? Jejunio? Et dixi, Jejunium. Et dixit, Quid est illud jejunium? Sicut solebam, inquam, sic jejuno. Herm. Past. lib. 3. simil. 5. Et paucis deinde de recto jejunandi modo interjectis, Pastor ille qui Hermæ apparebat, dicebat ei, Igitur si custodieris mandata Domini, & adjeceris etiam ad ea stationes has, gaudebis, maxime si secundum mandatum meum servaveris ea. Et paulo post, Si igitur sic consummaveris jejunium tuum, quemadmodum præcipio tibi, erit hostia tua accepta Domino, & scribetur hoc jejunium tuum. Hæc statio sic acta, est bona, hilari, & accepta à Domino. Ibid. Ex hisce verbis observare licet, stationem ab Hermæ celebratam, eamque stationem jejunium dictam. At vero nullum unquam jejunium à Christianis stationem appellatum legimus, præter ea, quæ quarta sextaque feria observata sunt. Ac proinde veri plusquam simillimum est, Hermam tunc temporis unam ex istis feriis jejunasse, sicut solebat, ut ipse dicit. Ad quam quidem opinionem eo magis propendo, quod jejunium illud summo mane ab eo incæptum esset, quo scilicet tempore quartæ sextæque feriæ jejunia incipere solebant. Atque ex eo denique quod proximo post seculo, istiusmodi sola jejunia stationes à Tertulliano, qui Hermæ Pastorem legerat, appellata sunt. A fide autem alienum est, ut Tertullianus stationis vocabulum alia notione usurparet, quam qua à majoribus suis usitatum fuisse viderat. Quod si ipse Hermas hæc jejunia observavit, haud dubitare fas est, quin ab ipsis Apostolis, quibuscum ille versatus est, tradita atque instituta fuerint. Satis saltem superque ex iis quæ de hisce jejuniis hucusque differuimus, liquet, ea longe ante tempus Apostolicorum Canonum editioni à nobis assignatum, à Christianis Catholicis observata fuisse. Ac proinde haud mirum esse, quod in istis Canonibus commemorentur, quodque in iis sub pœna sanciantur, ut Clerici saltem qui in omnibus religionis officiis exemplum aliis præbere debent, ea religiose observent.

Finis Libri Tertii.



CODEx CANONUM ECCLESIAE PRIMITIVÆ,

QUI VULGO

Canones SS. Apostolorum

APPELLANTUR.

Unà cum Libro & Capite, quibus in hoc
Tractatu vindicantur aut illustran-
tur, subindicatis.

Κανὼν α΄.

I.

Ἐπίσκοπος χειροτονείτω ὑπὸ ἑπτά
ἐπίσκοπων δύο ἢ τεσσάρων.

Episcopus à duobus vel tribus Epi-
scopis ordinetur. *Lib. 2. cap. 2.*

β΄.

II.

Πρεσβύτερος ὑπὸ ἐνὸς Ἐπισκόπου χει-
ροτονείτω, ἢ Διάκονος, ἢ οἱ λοιποὶ
Κληρικοί.

Presbyter ab uno Episcopo ordi-
netur, & Diaconus, & reliqui Cle-
rici. *Lib. 2. c. 2, 10, 11.*

γ.

Εἴ τις Ἐπίσκοπος, ἢ Πρεσβύτερος, πρὸς τὴν τοῦ Κυρίου Διέξιν τὴν ἐπὶ τῇ ἑστίᾳ, προσενέγκῃ ἐπεὶ πᾶσα ἐπὶ τὸ ἑσθιόν, ἢ μέλι, ἢ γάλα, ἢ ἀντὶ οἴνου σίκερς ἐπιτηδούσῃ, ἢ ὄρνεις, ἢ ζῴα πᾶσα, ἢ ὄσπερα, πρὸς τὴν Διέξιν, καθαιρείσθω. πλὴν νέων χόρων, ἢ σφυλῆς τῷ καιρῷ τῷ δεόντι. μὴ ἐξόν τῷ ἔσω προσάγεσθαι πᾶν ἔτερον εἰς τὸ ἑσθιόν ἢ ἔλαιον εἰς τὴν λυχνίαν, καὶ θυμίαμα, τῷ καιρῷ τῇ ἀγίᾳ προσφορῇ.

δ.

Ἡ ἄλλη πᾶσι ὁπίωρς εἰς οἶκον ἀποστέλλεσθω, ἀπὸ τῆς τῷ ἐπισκόπῳ καὶ τοῖς πρεσβυτέροις, ἀλλὰ μὴ πρὸς τὸ ἑσθιόν. Ἄλλον δὲ, ὡς ὁ Ἐπίσκοπος καὶ οἱ Πρεσβύτεροι ἐπιμερίζουσι τοῖς Διέκονοις, καὶ τοῖς λοιποῖς κληρικοῖς.

ε.

Ἐπίσκοπος ἢ Πρεσβύτερος, ἢ Διάκονος τὴν ἑαυτοῦ γυναῖκα μὴ ἐκβαλέτω, περὶ ἧς διελθείας. εἰ δὲ ἐκβάλλῃ, ἀφορίζεσθω. ἐπιμύων δὲ καθαιρείσθω.

ς.

Ἐπίσκοπος ἢ Πρεσβύτερος ἢ Διάκονος κοσμικὰς φροντίδας μὴ ἀναλαμβάνετω· εἰ δὲ μὴ, καθαιρείσθω.

ζ.

Εἴ τις Ἐπίσκοπος ἢ Πρεσβύτερος ἢ Διάκονος, τὴν ἀγίαν τοῦ πάσχα ἡμέραν πρὶν τῇ ἑαρινῇ ἰσημερίᾳ μὴ Ἰουδαίων ἐπιπέσῃ, καθαιρείσθω.

η.

Εἴ τις Ἐπίσκοπος ἢ Πρεσβύτερος ἢ Διάκονος, ἢ ὅς τις κατὰ λόγους ἢ ἱερουργίας

III.

Si quis Episcopus, vel Presbyter, præter Domini de Sacrificio ordinationem, alia quædam ad altare attulerit, vel mel, vel lac, vel pro vino ficeram facitiam, vel aves, vel aliqua animalia, vel legumina, præter ordinationem, deponatur: præterquam novas spicas vel uvam tempore opportuno. Ne liceat autem aliquid aliud ad altare offerre, quàm oleum ad luminare & incensum tempore sanctæ oblationis. *Lib. 2. c. 2, 10.*

IV.

Omnis alius fructus domum mittatur, primitiæ Episcopo & Presbyteris, sed non super altare. Clarum vero est, quòd Episcopus & Presbyteri Diaconis, & reliquis Clericis distribuunt. *Lib. 2. cap. 2, 10.*

V.

Episcopus, vel Presbyter, vel Diaconus uxorem suam ne ejiciat religionis prætextu: Sin autem ejecerit, segregetur: Et si perseveret, deponatur.

VI.

Episcopus, vel Presbyter, vel Diaconus, seculares curas non suscipiat. Alioqui deponatur.

VII.

Si quis Episcopus, vel Presbyter, vel Diaconus, sanctum Paschæ diem ante verum Æquinoctium cum Judæis celebraverit, deponatur. *Lib. 2. c. 3.*

VIII.

Si quis Episcopus, vel Presbyter, vel Diaconus, vel ex Sacerdotali catalogo

κατὰ

πρεσβυτέρους ἡγουμένους μὴ μετ' αὐτοῖς,
τιμὴ αἰτίαν εἰπάτω, καὶ εἰ μὴ ἔνδοξον,
συγγνώμης τυγχάνετω· εἰ δὲ μὴ λόγος,
ἀφορίζεσθω, ὡς αἰπὸν βλάβος ἡγο-
μένου τῷ λαῷ, καὶ ἐκπύοντων ἐμπειρήσας
καὶ δὲ πρεσβυτέρων, ὡς μὴ ὑγιᾶν ἀνε-
κείκασιν.

θ.

Πάντας τὰς εἰσόντας πρεσβ. καὶ τῶν
γεφυγῶν ἀκούοντας, μὴ παρεμύχοντας ἢ
τῇ πρεσβυτερίᾳ καὶ τῇ ἀγίᾳ μετ' αὐτῶν,
ὡς ἀξίαν ἐμποδίζοντας τῇ ἐκκλησίᾳ,
ἀφορίζεσθω καὶ.

ι.

Εἴ τις ἀκοινωνήτω καὶ ἐν οἴκῳ συνδι-
ξῆται, ἔσθω ἀφορίζεσθω.

ια.

Εἴ τις καθ' ἡμετέραν κληρικὸς ὢν κλη-
ρικῶ συνδιξῆται, καθαιρεῖσθω καὶ αὐ-
τός.

ιβ.

Εἴ τις Κληρικὸς, ἢ Λαϊκὸς ἀφωρεσ-
μένη, ἤτοι ἀδεκία, ἀπελθὼν ἐν
ἐτέρᾳ πόλει δεχθῇ ἀντὶ γεφυμάτων συ-
σπικῶν, ἀφορίζεσθω καὶ ὁ δεξάμενος,
καὶ ὁ δεχθεὶς.

ιγ.

Εἴ δὲ ἀφωρεσμένη εἴη, ὀπιτηνέσθω
αὐτῷ ὁ ἀφωρεσμένος.

ιδ.

Ἐπίσκοπον μὴ ἐξεῖναι κατ' αὐτοῦσαν
ἢ αὐτὸν παροικίαν, ἐτέρᾳ ὀπιτηδάν,
καὶ ἐπὶ πλείονων ἀναγκάσει· εἰ μὴ τις
ἐνδοξὸν αἰτίαν ἢ τὰ τοιαῦτα βίαζομένη αὐτὸν
ποιῇ, ὡς πλείον π κέρδιον διωκόμενος
αὐτὸν πῶς ἐκείσε λόγῳ ὁσέβειας συμβάλλει.

factâ oblatione non communicaverit,
causam dicat : & si probabilis fuerit,
veniam consequatur. Si autem non
dicat, segregetur, ut qui populo of-
fensionis causa sit, & suspicionem de-
derit, adversus eum qui obtulit, tan-
quam non rectè obtulerit. *Lib. 2. c. 3.*
10.

IX.

Omnes fideles qui ingrediuntur, &
scripturas audiunt, in precatione au-
tem & sacrâ communione non perma-
nent, ut Ecclesiæ confusionem affe-
rentes, segregari oportet. *Lib. 2. c. 3.*

X.

Si quis cum excommunicato vel in
domo unâ precatus fuerit, is segrege-
tur.

XI.

Si quis, cum sit Clericus, unâ cum
deposito Clerico oraverit, deponatur
& ipse.

XII.

Si quis Clericus vel Laicus segrega-
tus, sive non recipiendus, discedens
in aliâ urbe receptus fuerit, absque li-
teris commendatitiis, segregetur &
qui recepit, & qui receptus est.

XIII.

Si vero excommunicatus fuerit,
aggravetur ei excommunicatio.

XIV.

Episcopo non liceat suâ relictâ pa-
rochiâ ad aliam transilire, etiam si à
pluribus cogatur ; nisi sit aliqua cau-
sa rationi consentanea, quæ eum co-
gat hoc facere, utpote cum possit ipse
majus lucrum iis qui illic habitant pie-
læd.

λεοδῶ· καὶ τῷ τῷ ὅσον ἀφ' ἑαυτῶ, ἀλλὰ
κεῖσε πολλῶν ἐπισκόπων, καὶ παρεκλήσθ
μερίση.

ιέ.

Εἴ τις Πρεσβύτερος ἢ Διάκονος, ἢ
ὅλως ὁ κατὰ λόγον τῶν κληρικῶν ἀπολεί-
ψας τὴν ἑαυτοῦ παροικίαν, εἰς ἑτέραν
ἀπέλθῃ, καὶ παντελῶς μεταστὰς ἀφαιρέσθαι
ἐν ἄλλῃ παροικίᾳ πῶτα γνώμην ὁ ἴδιος
Ἐπισκόπος· τῶτον κελόομεν μηκέτι λει-
τεργεῖν· εἰ μάλιστα περισκαλεμένη αὐτὸν
ὁ Ἐπίσκοπος αὐτῷ ἐπιειληθεῖν, ὅσον
ἡρώηκεσεν, ὑπαγμένων τῇ ἀξίᾳ· ὥς
λαϊκὸς μὲν πῶς ἐκείσε κοινωνεῖτω.

ις'.

Εἴ τις ὁ Ἐπίσκοπος παρ' ᾧ πυχάνε-
σιν, παρ' ὧν λογιζόμενοι τὴν κατ'
αὐτῶν ὀρεοῦσιν ἁγίαν, δεξιῇ αὐτῶν
ὥς κληρικῶν, ἀφορεῖσθω, ὥς διδάσ-
καλος αὐτῶν.

ιζ'.

Ὁ δὲ ἑκὼς γάμοις συμπλακεῖς μὴ τὸ
βάπτισμα, ἢ παλλακὴν κτησάμενος, καὶ
διώκει εἶναι Ἐπίσκοπος, ἢ Πρεσβύτερος,
ἢ Διάκονος, ἢ ὅλως τὸ κατὰ λόγον τῶν
ιερέων.

ιη'.

Ὁ χήρον λαβὼν, ἢ ἐκβεβλημένον,
ἢ ἐταίρον, ἢ οἰκέτην, ἢ τῶν ἐπὶ σκηνῆς,
καὶ διώκει εἶναι Ἐπίσκοπος, ἢ Πρεσβύ-
τερος, ἢ Διάκονος, ἢ ὅλως ὁ κατὰ λό-
γον τῶν ιερέων.

ιβ'.

Ὁ δὲ δύο ἀδελφὰς ἀγαγόμενος, ἢ
ἀδελφιδῶν, καὶ διώκει εἶναι κληρικός.

tatis verbo conferre; idque non ex
se, sed multorum Episcoporum judi-
cio & maximâ exhortatione.

XV.

Si quis Presbyter, vel Diaconus,
vel omnino ex Clericorum catalogo,
relictâ suâ parochiâ ad aliam discesse-
rit, & cum penitus transferit, præter
sui Episcopi sententiam in aliâ paro-
chiâ manserit, eum non amplius cele-
brare jubemus: maximè si eum ad-
hortante Episcopo suo ut rediret, non
paruerit, in contumaciâ perseverans.
Is autem ibi ut Laicus communicet.

XVI.

Quod si Episcopus, apud quem
sunt, nihili faciens decretam adversus
eos à munere cessationem, eos ut
Clericos receperit, segregetur, ut
confusionis magister.

XVII.

Qui post baptismum duobus con-
jugiis fuit implicitus, vel concubinam
habuit, non potest esse Episcopus,
vel Presbyter, vel Diaconus, vel om-
nino ex numero Sacerdotali. *Lib. 2.*
c. 4.

XVIII.

Qui viduam accepit, vel ejectam,
vel meretricem, vel servam, vel sce-
nicam, non potest esse Episcopus,
vel Presbyter, vel Diaconus, vel om-
nino ex numero Sacerdotali.

XIX.

Qui duas sorores duxit vel conso-
brinam, non potest esse Clericus.

κ'.

Κληρικὸς ἐγγύας διδὼς, καθαιρεῖσθω.

κα'.

Ἐυνῦχ^Θ, εἰ μὲν ἐξ ἐπιρσίας ἀνδρῶπων ἐγγετό τις, ἢ ἐν διωσμῷ ἀφῆρεθῇ τῷ τῶν ἀνδρῶν, ἢ ὅπως ἐφυ, καὶ ἐσιν ἄξι^Θ, Ἐπίσκοπ^Θ γινέσθω.

κε'.

Ὁ ἀκρωτηριάσας ἑαυτὸν, μὴ γινέσθω Κληρικὸς· αὐτοφονότης γάρ ἐστιν ἑαυτοῦ, καὶ τὸ Θεὸς δημικεργίας ἐχθρός.

κγ'.

Εἴ τις Κληρικὸς ὢν, ἑαυτὸν ἀκρωτηριάσῃ, καθαιρεῖσθω· φονὸς γάρ ἐστιν ἑαυτοῦ.

κε'.

Λαϊκὸς ἑαυτὸν ἀκρωτηριάσας ἀφορίζεσθω ἐπὶ τρία ἔτη· ἐπεὶ γὰρ ἐστιν τὸ ἑαυτοῦ ζῶης.

κε'.

Ἐπίσκοπ^Θ, ἢ Πρεσβύτερ^Θ, ἢ Διάκον^Θ ὅπῃ πνευρία, ἢ ὁπορσία, ἢ ὅπῃ κλοπῇ ἄλλος, καθαιρεῖσθω, καὶ μὴ ἀφορίζεσθω. λέγει γὰρ ἡ γραφή, σὺ ἐκδικήσεις δις ὅπῃ τὸ αὐτό. ὡσαύτως καὶ οἱ λοιποὶ κληρικοί.

κε'.

Τῶν εἰς Κλῆρον περσεληόντων ἀγάμων, κελεύομεν βελομένους χαμεῖν, ἀναγνώτας καὶ ψάλλας μόνους.

κε'.

Ἐπίσκοπον, ἢ Πρεσβύτερον, ἢ Διάκονον, τύπλον^Θ πᾶς ἀμαρτανόνας, ἢ ὁπῶς ἀδικήσαντας, καὶ ἀπὸ τῶν φο-

XX.

Clericus fidejubens, deponatur.

XXI.

Eunuchus, si ex hominum quidem injuriâ factus sit quispiam, vel in persecutione virilibus sit privatus, vel sic natus, & dignus sit, fiat Episcopus. *Lib. 2. c. 4.*

XXII.

Qui seipsum mutilavit, ne sit Clericus: est enim sui homicida, & Dei officii hostis. *Lib. 2. c. 4.*

XXIII.

Si quis, cum sit Clericus, seipsum mutilaverit, deponatur: est enim sui homicida. *Lib. 2. c. 4.*

XXIV.

Laicus qui seipsum mutilavit, tribus annis segregetur. Est enim sui ipsius vitæ insidiator. *Lib. 2. cap. 4.*

XXV.

Episcopus, vel Presbyter, vel Diaconus fornicationis, vel perjurii, vel furti convictus, deponatur, & non segregetur. Dicit enim scriptura, non vindicabis bis in id ipsum. Similiter reliqui quoque Clerici.

XXVI.

Ex iis qui non ducta uxore ad Clerum promoti sunt, jubemus, si velint, uxores ducere, Lectores, & Cantores solos. *Lib. 2. c. 10.*

XXVII.

Episcopum, vel Presbyterum, vel Diaconum, qui verberat fideles qui peccant, vel infideles qui injuriam

B b b

6688

εἰδὼς θέλοντα, καθαιρεῖται παρὰ τοῦ
 μέν. ἔδαμῃ γὰρ ὁ Κύριος τὸ πρὸς ἡμᾶς
 ἐδίδαξε· τὸναντίον δὲ, αὐτὸς τυπώ-
 μεν, ὅτε ἀντέτυπε· λοιδορέμεν, ὅτε
 ἀντελοιδορεῖ· πάχων ὅτε ἠπέλθῃ.

κγ.

Εἴ τις Ἐπίσκοπος, ἢ Πρεσβύτερος,
 ἢ Διάκονος, καθαιρεθεὶς δικαίως ὑπὲρ
 ἐκκλημασίαν φανεροῦς, πλημύσειεν ἄφωτος
 ἢ ποτὲ ἐχειροθεΐσης αὐτῷ λειτουργίας,
 παντάπασιν ἐκκοπέσθω ἢ ἐκκλησίας.

κδ.

Εἴ τις Ἐπίσκοπος ἢ χερμάτων τῆς
 ἀξίας ταύτης ἐκχευθῇ γλῆνῃ, ἢ Πρεσ-
 βύτερος, ἢ Διάκονος, καθαιρεῖσθω καὶ
 αὐτὸς ἢ ὁ χειροτονήσας· ἢ ἐκκοπέσθω
 ἢ τῇ κοινωνίᾳ παντάπασιν· ὡς Σίμων ὁ
 Μάγος ὑπὸ ἐμῷ Πέτρῳ.

λε.

Εἴ τις Ἐπίσκοπος κοσμικοῖς ἀρχαῖς
 χρησάμενος, δι' αὐτῶν ἐκχευθῇ ἐκκλη-
 σίας γλῆνῃ, καθαιρεῖσθω ἢ ἀφορρίζεσθω,
 ἢ οἱ κοινωνήσαντες αὐτῷ ἅπαντες·

λα.

Εἴ τις Πρεσβύτερος καταφρονήσας τῆς
 ἰδίας Ἐπισκόπου, χωρὶς συναγάγῃ, καὶ
 θυσιαστήριον ἔπερον πύξῃ, μηδὲν κατε-
 γνωκῶς τῇ Ἐπισκόπῳ ἐν ὁμοσεβείᾳ καὶ δι-
 καιοσύνῃ, καθαιρεῖσθω ὡς Φίλαρχος·
 πύξην γὰρ ἐστὶν ὡσαύτως ἢ καὶ οἱ
 λοιποὶ κληρικοὶ, καὶ ὅσοι ἀν' αὐτῷ προ-
 στώσιν. Οἱ δὲ λαϊκοὶ ἀφορρίζεσθωσαν.
 ταῦτα δὲ μὴ μίαν καὶ δευτέραν, καὶ τρίτην
 περὶ ἐκκλησίαν τῇ Ἐπισκόπῳ γινέσθω.

λε'.

Εἴ τις Πρεσβύτερος ἢ Διάκονος ὑπὸ
 Ἐπισκόπου γλῆνῃ ἀφορρισμένῳ, τῷ πεν

Ecclesiae primitivae.

fecerunt, & per hæc vult perterrefa-
 cere, deponi jubemus. Dominus enim
 nos nequaquam hoc docuit: Contra
 autem ipse verberatus non percussit;
 maledictis petitus, maledicta non retu-
 lit; patiens non minatus est. *Lib. 2. c. 4.*

XXVIII.

Si quis Episcopus, vel Presbyter,
 vel Diaconus justè ob manifesta crimi-
 na depositus, sibi aliquando concre-
 ditum ministerium attingere audeat,
 ab Ecclesia omnino abscindatur.

XXIX.

Si quis Episcopus per pecuniam hanc
 fit dignitatem assecutus, vel Presbyter,
 vel Diaconus, deponatur & ipse &
 qui eum ordinavit, & à communione
 etiam omnino excindatur, ut Simon
 Magus à me Petro. *Lib. 1. c. 17.*

XXX.

Si quis Episcopus secularibus Prin-
 cipibus usus, per eos Ecclesiam adep-
 tus sit, deponatur & segregetur, &
 omnes qui illi communicant. *Lib. 2. c. 4.*

XXXI.

Si quis Presbyter contempto pro-
 prio Episcopo, seorsim collectas egerit,
 & alterum altare fixerit, Episcopo suo
 in religione & justitia nulla in re à se
 condemnato, deponatur, ut ambitio-
 sus: est enim Tyrannus. Similiter etiam
 & reliqui Clerici, & quotquot ei ac-
 cesserunt. Laici autem segregentur.
 Hæc vero post unam, alteramque &
 tertiam Episcopi admonitionem fiant.
Lib. 2. c. 10.

XXXII.

Si quis Presbyter vel Diaconus ab
 Episcopo sit segregatus, non licet alii
 μὴ

μη ἐξῆναι παρ' ἑτέρω δεχθῆναι, αἰτ' ἢ
 πρὸς τὸ ἀφορίσασθαι αὐτὸν, εἰ μὴ ἀν-
 τὶ συνουρίαν τελούσῃ οὐ ἀφορίσας αὐ-
 τὸν Ἐπίσκοπος.

λγ'.

Μηδὲνα τῶν ξένων Ἐπισκόπων, ἢ
 Πρεσβυτέρων, ἢ Διακόνων, ἀνδρὶ συπα-
 πικῶν προσδέχεσθαι, ἢ ὑποφερομένων
 αὐτῶν, ἀνακρινέσθωσαν. ἢ εἰ μὴ
 ὧσιν κήρυκες τὸ δόσεύειας, προσδέχε-
 σθωσαν. Εἰ δὲ μή γε, τὰ πρὸς χρείαν
 αὐτῶν ὑποχρηγησάντες, εἰς κοινωνίαν
 αὐτῶν μὴ προσδέξωσθε. πολλὰ γὰρ καὶ
 σωμαργαλῶ γίνεσθαι.

λδ'.

Τὰς Ἐπισκόπους ἐκάστος ἔθνος εἰδέναι
 χρὴ τὸ ἐν αὐτοῖς πρῶτον, ἢ ἡγεῖσθαι
 αὐτὸν ὡς κεφαλὴν, ἢ μηδὲν πρῶτ-
 τειν πεποιητὸν ἀνδρὶ τὸ ἐκείνῃ γνώμῃ
 ἐκείνῃ δὲ μόνῃ πρῶτῃ ἐκαστον, ὅσα
 τῇ αὐτῇ παροικίᾳ ἐπιβάλλει, καὶ ταῖς
 ἐπ' αὐτὴν χώραις. Ἀλλὰ μηδὲ ἐκεῖν
 ἀνδρὶ τὸ πάντων γνώμῃ ποιῆτω π. ἔτω
 γὰρ ὁμόνοια εἶναι, ἢ δοξασθῆσθαι ὅτι Θεὸς
 διὰ κυρίᾳ Ἰησοῦ Χριστοῦ, ἢ ὁ Πατὴρ διὰ
 κυρίᾳ ἐν ἀγάπῃ πνέματι. Ὁ πατὴρ,
 ἢ ὁ υἱός, ἢ τὸ πνέμα τὸ ἅγιον.

λε'.

Ἐπίσκοπον μὴ πολυῶν ἔξω τῶν αὐτῶν
 ὄρων χειροτονίας ποιῆσθαι, εἰς τὰς μὴ
 ὑποκειμένας αὐτῷ πόλεις ἢ χώρας· εἰ
 δὲ ἐλεγχθῇ τῷτο πεποιηκὼς πρὸς τὴν τῶν
 κατεχόντων τὰς πόλεις ἐκείνας ἢ χώρας
 γνώμην, καθαιρεῖσθαι καὶ αὐτὸς καὶ ἐκ
 χειροτονήσεν.

λς'.

Εἰ τις χειροτονηθεὶς Ἐπίσκοπος μὴ
 κατὰ δέχοιτο τὴν λειτουργίαν καὶ τὴν φρου-
 ρίαν τῆς λαοῦ ἐκχειροστούσαν αὐτῷ,

eum fuscipere, quàm qui ipsum se-
 gregavit : nisi forte mortuus sit Epi-
 scopus, qui eum segregavit.

XXXIII.

Nullus externorum Episcoporum, vel Presbyterorum, vel Diaconorum sine commendatitiis recipiatur. His vero allatis, examinentur : & si fuerint præcones pietatis, recipiantur. Sin minus, iis quæ sunt necessaria illis exhibitis, ad communionem eos ne admittatis. Multa enim per sur-reptionem fiunt.

XXXIV.

Episcopus uniuscujusque gentis nosse oportet illum qui in eis est primus, & existimare eum ut caput, & nihil facere quod sit magni momenti præter illius sententiam; illa autem sola facere unumquemque, quæ ad suam parochiam pertinent, & pagos qui ei subsunt. Sed nec ille absque omnium sententiâ aliquid agat. Sic enim erit concordia, & glorificabitur Deus per Dominum Jesum Christum ; & Pater per Dominum in Spiritu Sancto. Pater, & Filius, & Spiritus Sanctus. *Lib. 2. c. 5. Lib. 1. c. 4. p. 28.*

XXXV.

Episcopus ne audeat extra suos fines ordinationes facere in urbibus aut pagis ei non subiectis. Sin autem hoc fecisse convictus fuerit, præter eorum sententiam qui tenent urbes illas vel pagos, deponatur & ipse & quos ordinavit.

XXXVI.

Si quis ordinatus Episcopus non fuscipiat ministerium & curam populi sibi commissam, sit segregatus, do-

τῶν ἀφωρισμῶν πλῆραν, ἕως ἀν-
καταδέξῃ. ὡσούτως ἔ Presbύter & ἔ
Διάκονοι. Εἰ δὲ ἀπελθὼν, μὴ δεχθῇ,
ἔπειτα τὴν ἐκκλησίαν γνώμῃ, ἀλλὰ ὡς
τὴν ἑαυτοῦ μοχθηρίαν, αὐτὸς μενέτω
Ἐπίσκοπος, ὃ δὲ κληρὸς τὴ πόλεως
ἀφωρίσει, ὅπως πῶς λαὸς ἀνυπατάτως
παύσεται ὅπως ἐγένετο.

λζ'.

Δύπερον δὲ ἔτος σύνοδος γινέσθω τῶν
Ἐπισκόπων, ἔπειτα ἀνακρινέτωσαν ἀλλήλους
τὰ δόγματα τῆς πίστεως, ἔπειτα ἑμπ-
τάς ἐκκλησιαστικὰς ἀντιπολίτιστας ἀφελ-
τῶσαν. ἅπασι μὲν, τῇ τεταρτῇ ἑβδομά-
δι, τῇ πεντηκοστῇ, δύνπερον δὲ ὑπερβερ-
ταῖς δωδεκάτῃ.

λη'.

Πάντων τῶν ἐκκλησιαστικῶν πραγμά-
των ὁ Ἐπίσκοπος ἐχέτω τὴν φροντίδα,
ἔπειτα διοικέτω αὐτὸς ὡς τῷ Θεῷ ἐφορῶντι.
μὴ ἐξῆναι δὲ αὐτῷ σφετερίζεσθαι πρὸς
αὐτῶν, ἢ συγγένεσιν ἰδίῳις τὰς τῷ Θεῷ
χαρίζεσθαι. εἰ δὲ πένητες εἶεν, ἐπιχορη-
γεῖται ὡς πένησιν, ἀλλὰ μὴ προφάσι
τέτων. τὰς ἐκκλησίας ἀπεμπωλείται.

λθ'.

Οἱ Presbύteroi & Διάκονοι ἀνδρὶ γνώ-
μης δὲ Ἐπισκόπου μηδὲν ἐπιτελείτωσαν.
αὐτὸς γάρ ἐστιν ὁ πεπιστευμένος τῷ λαῷ δὲ
Κυρίῳ, καὶ τῷ ὑπὲρ τῶν ψυχῶν αὐτῶν
λόγον ἀποκρινόμενος.

μ'.

Ἐξω φανερά τὰ ἴδια δὲ Ἐπισκόπου
πράγματα (εἰ δὲ ἴδια ἔχῃ) ἔπειτα φανερά
τὰ κυριακά. ἢ ἐξουσίαν ἔχῃ τὰ ἴδια πε-
λάτων ὁ Ἐπίσκοπος, οἷς βύλεται, ἔπειτα
ὡς βύλεται, καταλείψαι, καὶ μὴ προφά-
σι τῶν ἐκκλησιαστικῶν πραγμάτων.

nec eam susceperit. Similiter etiam
Presbyter & Diaconus. Sin autem pro-
fectus non susceptus fuerit, non sua
quidem voluntate, sed propter populi
improbritatem, ipse maneat Episco-
pus: Clerus autem civitatis segrege-
tur, quod ejusmodi insolentis populi
correctores non fuerunt.

XXXVII.

Bis in anno fiat Episcoporum Sy-
nodus, & inter se examinent dogma-
ta religionis, & incidentes Ecclesia-
sticas controversias dirimant: Semel
quidem quartâ hebdomade Penteco-
stes, secundò autem Hyperberetæi
duodecimo. *Lib. 2. c. 10.*

XXXVIII.

Omnium rerum Ecclesiasticarum
Episcopus curam gerat, & eas admi-
nistret tanquam Deo intuente. Ne
liceat autem ex iis aliquid sibi vindic-
care, vel propriis cognatis quæ Dei
sunt largiri. Si autem sint pauperes, ut
pauperibus suppeditet, sed non eorum
prætextu vendat quæ sunt Ecclesiæ.

XXXIX.

Presbyteri & Diaconi sine sententiâ
Episcopi nihil perficiant, ipse enim
est cujus fidei populus Domini con-
creditus est, & à quo pro animabus
eorum ratio exigetur.

XL.

Manifestæ sint Episcopi res propriæ
(siquidem res habet proprias) & ma-
nifestæ res Dominicæ. Ut sit in pote-
state morientis Episcopi propriæ, qui-
bus vult, & ut vult, relinquere, & non
rerum Ecclesiasticarum occasione res

πίπλιν

πίπην τὰ τῷ Ἐπισκόπῳ, ἐὼς ὅτε γυναικὰ ἢ παῖδας κεντημένους, ἢ συγγενεῖς ἢ οἰκέτας. δίκαιον γὰρ τοῦ Θεοῦ ἢ ἀνθρώπων, ἢ μήτε τὴν ἐκκλησίαν ζημίαν πινὰ ὑπομείναι ἀγνοία τῶν τῷ Ἐπισκόπῳ πραγμάτων, μήτε τῷ Ἐπίσκοπον ἢ τὰς αὐτῶν συγγενεῖς περιφάσθαι τὴν ἐκκλησίας δημόσιας, ἢ καὶ εἰς πράγματ' ἐμπίπην αὐτὰς τῷ Διακόνῳ, ἢ τῷ αὐτῷ ἵνατον δυσφημίας περιελάττω.

μεα

Προσάσκει τῷ Ἐπίσκοπον ἐξοσίαν ἔχειν τῶν τῷ ἐκκλησίας πραγμάτων. εἰ γὰρ τὰς πμίας τῷ ἀνθρώπων ψυχᾷ αὐτῷ πιδύον, ποτὶ αὐτὸν δέοι περὶ τῶν χρημάτων ἐντέλειαν, ὥστε καὶ τὴν ἐαυτοῦ ἐξοσίαν πάντῃ διακείσθαι, καὶ τοῖς δεομένοις Διακόνους καὶ πρεσβυτέρους καὶ Διακόνους ἐπιχορηγεῖσθαι μὴ φόβῳ Θεοῦ, καὶ πίστεως βλάβειαν μεταλαμβάνειν, ἢ καὶ αὐτὸν τῶν δεόντων (εἰ γὰρ δέοιτο) εἰς τὴν ἀναγκαίαν αὐτῷ χρείαν καὶ τῶν ἐπιτελεσμένων ἀδελφῶν, ὥς καὶ μηδένα τρέπον αὐτὸν ὑπερεῖδαι. Ὁ γὰρ νόμος τῷ Θεῷ διετάξατο, τῶν τῷ ὑποτασσέντων περισσεύοντων ἐκ τῶν ὑποτασσέντων τρέφειν. ἐπεὶ περὶ εὐδὲ σφαπώτης ποτὲ ἰδίῳις ὀψωνίοις ὅπλα καὶ πολεμίων ἐπιφέρει.

μεβ.

Ἐπίσκοπος, ἢ Πρεσβύτερος, ἢ Διάκονος κύβοις ἀκολάζων, καὶ μέθαις, ἢ πανυπόθῳ, ἢ καθαιρεθῳ.

μεγ.

ὑποΔιάκονος, ἢ ἀναγνώστης, ἢ ψάλτης, τὰ ὅμοια ποιῶν, ἢ πανυπόθῳ, ἢ ἀφορεθῳ ὡσαύτως καὶ λαϊκοί.

μεδ.

Ἐπίσκοπος, ἢ Πρεσβύτερος, ἢ Διάκονος, τὰς ἀπαιτῶν τὰς δανειζόμενας, ἢ πανυπόθῳ, ἢ καθαιρεθῳ.

Episcopi interdicant, qui nonnunquam uxorem habet, & liberos, vel cognatos, vel famulos. Est enim justum apud Deum, & homines, ut nec Ecclesia damnum aliquod accipiat propter rerum Episcopi ignorationem, nec Episcopus vel ejus cognati Ecclesiæ occasione proscribantur, vel in negotia litese incidant qui ad eum attinent, & ejus mortem maledictis prosequantur. *Lib. I. c. 4. p. 33.*

XLI.

Jubemus Episcopum rerum Ecclesiæ potestatem habere, si enim pretiosæ hominum animæ sunt ei credendæ, multò magis committendæ sunt pecuniæ, ut in ejus sit potestate omnia administrare, & iis, qui egent, per Presbyteros & Diaconos subministrare, cum Dei timore, & omni religione: Quinetiam (si sit opus) in necessarium suum usum accipere, & fratrum qui hospitio excipiuntur, ita ut ipse nullo modo egeat. Lex enim Dei statuit, ut qui altari assident, ex altari alantur; quandoquidem nec miles unquam suo viatico adversus hostes progreditur. *Lib. I. c. 4. p. 33.*

XLII.

Episcopus, vel Presbyter, vel Diaconus, aleis & ebrietatibus vacans, vel desistat, vel deponatur.

XLIII.

Hypodiaconus, vel Lector, vel Cantor, similia faciens, vel desistat, vel segregetur. Simi iter & Laici.

XLIV.

Episcopus, vel Presbyter, vel Diaconus usuras exigens à debitoribus, vel desistat, vel deponatur.

Bbb 3.

με. Ἐπί-

νς'.

Εἴ τις Κληρικὸς ὑβρίσῃ Πρεσβύτερον,
ἢ Διάκονον, ἀφοριζέσθω.

νζ'.

Εἴ τις Κληρικὸς χωλὸν, ἢ κωφὸν, ἢ
τυφλὸν, ἢ τὰς βάσεις πεπληρωμένον
χλιδάσθ, ἀφοριζέσθω ὡσαύτως καὶ
Λαϊκός.

νη'.

Ἐπίσκοπος ἢ Πρεσβύτερος ἀμελῶν
τῆ κλήρου, ἢ τῆ λαοῦ, καὶ μὴ παιδύων
αὐτὰς τὴν ἀσέβειαν, ἀφοριζέσθω. ὁπι-
μύων ἢ τῇ ἀμελείᾳ καὶ ῥαθυμίᾳ, κα-
ταίρεισθω.

νθ'.

Εἴ τις Ἐπίσκοπος, ἢ Πρεσβύτερος,
ἢ Διάκονος, πνὸς τῶν Κληρικῶν ἐνδεῶς
ὄντι, μὴ ἐπιχορηγεῖ τὰ δέοντα, ἀφο-
ριζέσθω. ὁπιμένων ἢ, καταιρεῖσθω, ὡς
φονδύσας ἢ ἀδελφὸν αὐτοῦ.

ξ'.

Εἴ τις τὰ ψευδεπίγραφα τῶν ἀσεβῶν
βιβλία, ὡς ἄγρια, ὅτι τὸ ῥηκκησίαις
δημοσιεύῃ, ὅτι λύμη τῆ λαοῦ καὶ τῆ κλή-
ρου, καταιρεῖσθω.

ξά'.

Εἴ τις κατηγορεῖ ἄλλου καὶ πνὸς, πο-
νείας, ἢ μοιχείας, ἢ ἄλλης πνὸς ἀπη-
γορευμένης πράξεως, καὶ ἐλεγχθεὶς, εἰς
κλῆρον μὴ προσκαλέσθω.

ξβ'.

Εἴ τις Κληρικὸς ἄφ' φόβου ἀνθρώπι-
νον Ἰουδαίου, ἢ Ἑλλήνου, ἢ αἵρετικῶν,
ἄρνήσῃ, εἰ μὲν τὸ ὄνομα τῶ Χριστοῦ,
ἀποβαλλέσθω· εἰ δὲ τὸ ὄνομα τῶ Κληρικῶν,

LVI.

Si quis Clericus contumelia affe-
rit Presbyterum, vel Diaconum, se-
gregetur.

LVII.

Si quis Clericus claudum, vel fur-
dum, vel cæcum, vel eum cui vi-
tiosus est incessus, irriferit, segrege-
tur. Similiter & Laicus.

LVIII.

Episcopus, vel Presbyter qui Cleri
vel populi curam non gerit, & eos
pietatem non docet, segregetur: &
si negligentia & socordia perseveret,
deponatur.

LIX.

Si quis Episcopus, vel Presbyter,
vel Diaconus, cum sit aliquis ex Cle-
ricis egenus, ea quæ sunt necessaria
non suppeditat, segregetur: Perseve-
rans autem deponatur, ut qui fratrem
suum interfecerit.

LX.

Si quis falsò inscriptos impiorum
libros tanquam sanctos, in Ecclesia
publicat, ad populi & cleri perniciem,
deponatur. *Lib. 2. c. 7.*

LXI.

Si adversus fidelem aliqua accusatio
intendatur, fornicationis, vel adul-
terii, vel alicujus alius prohibitæ
actionis, & convictus fuerit, ad Cle-
rum ne provehatur.

LXII.

Si quis Clericus propter metum
humanum Judæi, vel Græci, vel
hæretici, negaverit, si quidem no-
men Christi, ejiciatur: sin nomen
κατα-
κατα-

καθαιρείτω. Μετανοήσας ὃ, ὡς Λαϊκὸς δεχθήτω.

ξγ'.

Εἴ τις Ἐπίσκοπος, ἢ Πρεσβύτερος, ἢ Διάκονος, ἢ ὅλως ὁ καταλόγος ὁ ἱερατικὸς Φάγῃ κρέας ἐν αἵματι ψυχῆς αὐτοῦ, ἢ θηριαλώτον, ἢ θνησιμαῖον, καθαιρείτω. Τὸ τοῦ νόμου ἀπέπειν· Εἰ ὁ Λαϊκὸς εἴη, ἀφοριζέτω.

ξδ'.

Εἴ τις Κληρικὸς ἢ Λαϊκὸς εἰσέλθῃ εἰς συναγωγὴν Ἰουδαίων, ἢ αἱρετικῶν πρὸς εὐχαιρῶν, ἢ καθαιρείτω, ἢ ἀφοριζέτω.

ξε'.

Εἴ τις Κληρικὸς ἐν μάχῃ πινὰ κρέας λατρεῖ ἑνὸς κρέσματος ὑποκρίνη, καθαιρείτω διὰ τὴν περὶ τὴν αὐτοῦ.

Εἰ ὁ Λαϊκὸς, ἀφοριζέτω.

ξς'.

Εἴ τις Κληρικὸς εὐρεθῇ $\frac{1}{2}$ κυριακὴν ἡμέραν νηστεύων, ἢ τὸ σάββατον (πλὴν τῶ ἑνὸς μόνου) καθαιρείτω. Εἰ ὁ Λαϊκός, ἀφοριζέτω.

ξζ'.

Εἴ τις παρθένον ἀμνήσθῃ βιασάμενος ἔχει, ἀφοριζέτω· μὴ ἐξεῖναι ὃ αὐτῷ ἐπὶ λαβάνῃ, ἀλλ' ἐκείνῃ κατέχειν ἢν ἡρεπίστω, καὶ πενιχρὰ τυχάνῃ.

Clerici, deponatur. Pœnitentiam vero agens, ut Laicus recipiatur. *Lib. 2. c. 7.*

LXIII.

Si quis Episcopus, vel Presbyter, vel Diaconus, vel omnino ex numero Sacerdotali, comederit carnem in sanguine animæ suæ, vel quid à feris captum, vel morticinum, deponatur. Hoc enim lex prohibet. Si autem sit Laicus, segregetur. *Lib. 2. c. 7.*

LXIV.

Si quis Clericus vel Laicus in Synagoga Judæorum, vel hæreticorum introierit ad orandum, & deponatur, & segregetur.

LXV.

Si quis Clericus in jurgio quempiam pulsans, uno ictu interemerit, ob impotentis animi sui effrænationem, deponatur : Laicus vero si fuerit, segregetur.

LXVI.

Si quis Clericus deprehendatur die dominico jejunans, vel sabbato (præter unum solum) deponatur. Si vero Laicus, segregetur. *Lib. 2. c. 7.*

LXVII.

Si quis virginem non desponsam vi allatâ habet, segregetur : ei autem aliam accipere non liceat ; sed illam retinere quam elegit, etiamsi pauper sit.

ξή.

Εἴ τις Ἐπίσκοπος, ἢ Πρεσβύτερος,
ἢ Διάκονος, δούτερον χειροτονίαν δέ-
ξει, παρὰ πιν, καθαιρεῖται ἢ αὐτὸς
ἢ ὁ χειροτονήσας· εἰ μὴ γε ἄρα συαίη,
ὅπῃ παρὰ αἱρετικῶν ἔχει τὴν χειροτονίαν.
Τὰς γὰρ παρὰ τῶν ποιστῶν βαπτισθέντας,
ἢ χειροτονηθέντας, ἔτε πυσας, ἔτε Κλη-
ρικὸς εἶναι δυνατόν.

ξθ'.

Εἴ τις Ἐπίσκοπος, ἢ Πρεσβύτερος,
ἢ Διάκονος, ἢ Αναγνώστης, ἢ Ψάλτης,
τὴν ἀγίαν πασχαλὴν ἢ πύχα ε-
νησάδ, ἢ περσάδα, ἢ παρσάδων,
καθαίρεται, ἐκτός εἰ μὴ δι' ἀδένειαν
σωματικὴν ἐμποδίζοιτο. Εἰ δὲ Λαϊκὸς
εἴη, ἀφορεῖται.

ο.

Εἴ τις Ἐπίσκοπος, ἢ Πρεσβύτερος,
ἢ Διάκονος, ἢ ὅπως τὸ κατὰ τὸν τῶν
Κληρικῶν, νησάδ μετὰ Ἰουδαίων, ἢ
ἐορτάδ μετ' αὐτῶν ἢ δέχεται παρ' αὐτῶν
τὰ τῆς ἐορτῆς ξένια (οἷον ἄζυμα ἢ π-
πιστον) καθαίρεται. Εἰ δὲ Λαϊκὸς εἴη,
ἀφορεῖται.

οα'.

Εἴ τις Χριστιανὸς ἔλαιον ἀπενέγκῃ εἰς
ιερόν ἐθνῶν, ἢ εἰς σιναγωγὴν Ἰουδαίων,
ἐν ταῖς ἐορταῖς αὐτῶν, ἢ λύχνους ἀπείδ,
ἀφορεῖται.

οβ'.

Εἴ τις Κληρικὸς ἢ Λαϊκὸς ἀπὸ τῆς ἀγίας
Ἐκκλησίας ἀφέλῃ κηρὸν, ἢ ἔλαιον,
ἀφορεῖται.

LXVIII.

Si quis Episcopus, vel Presbyter,
vel Diaconus, secundam ordinatio-
nem ab aliquo susceperit, deponatur
& ipse, & qui ordinavit : nisi utique
constiterit, quod ab hæreticis ordina-
tionem habeat. Qui enim ab eis
baptizati vel ordinati sunt, ut fideles,
vel Clerici sint, fieri non potest.

LXIX.

Si quis Episcopus, vel Presbyter,
vel Diaconus, vel Lector, vel Cantor,
sanctam Paschæ Quadragesimam non
jejunat, vel quartam feriam, vel Pa-
rasceven, præterquam si propter im-
becillitatem corporalem impediatur,
deponatur. Si vero Laicus, segregetur.

LXX.

Si quis Episcopus, vel Presbyter, vel
Diaconus, vel omnino ex Clericorum
catalogo, jejunat cum Judæis, vel cum
ipsis festos dies agit, vel ab ipsis festi-
xenia accipit (ut verbi gratiâ azyma
vel quid tale) deponatur. Si vero
fit Laicus, segregetur.

LXXI.

Si quis Christianus oleum deferat
in templum gentium, vel in Synago-
gam Judæorum, in eorum festis, vel
lucernam accendit, segregetur.

LXXII.

Si quis Clericus vel Laicus à sanctâ
Ecclesiâ ceram vel oleum auferat, de-
ponatur. *Lib. 2. c. 8.*

ογ'. Σκθ

ογ'.

Σιδῶν χρυσὸν ἢ ἀργυρὸν ἀγιάζον, ἢ ὁρόνιν, μηδεὶς ἐπὶ εἰς οἰκείαν χρῆσιν σφετερίζεσθω παρ' ἑνομήν. γὰρ. Εἰ δέ τις φαρσείῃ, ὀπιπμάσθω ἀφορισμῷ.

οδ'.

Ἐπίσκοπον κατηγορηθέντα ὅτι πνιπῶτα ἀξιοπίστων ἀνθρώπων, καλεῖσθαι αὐτὸν ἀναγκαῖον ὑπὸ τῶν Ἐπισκόπων. Καὶ μὴ ἀπαντήσῃ, καὶ ὁμολογήσῃ, ἢ ἐλεγχθεῖ, ὁρίζεσθαι τὸ ὀπιπίμιον· εἰ ἂν ᾗ καλὸς μὴ ὑπακούσῃ, καλεῖσθαι ἢ δούτερον, ὑποσεκομῶν ἐπ' αὐτὸν δύο Ἐπισκόπων· εἰ ἂν ᾗ ἢ ἔτω μὴ ὑπακούσῃ, καλεῖσθαι ἢ τρίτον, δύο πάλιν Ἐπισκόπων ὑποσεκομῶν παρὰ αὐτόν. εἰ ἂν ᾗ ἢ ἔτι κατὰ φρονήσας μὴ ἀπαντήσῃ, ἢ σιωποῖ, ὑποφαινεῖσθαι καὶ αὐτὸς τὰ δοκῶντα, ὅπως μὴ δόξῃ κερδαίνειν φυρομένων.

οε'.

Εἰς μαρτυρίαν τὸν ἔξ Ἐπισκόπου αἰρετικὸν μὴ παρ' ὁμοφρονούντων, ἀλλὰ μὴδὲ πρὸς ἕνα μόνον. Ἐπὶ τόματι γὰρ δύο ἢ τριῶν μαρτύρων τελέσεται πᾶν ῥήμα.

ος'.

Ὅτι ἢ χρῆ Ἐπίσκοπον τῷ ἀδελφῷ ἢ τῷ υἱῷ, ἢ ἐτέρῳ συγγενεῖ χαρίζεσθαι, εἰς τὸ ἀξίωμα τῷ ὀπισκοπῆς χειροτονεῖν ὃν βέλεται. Κληρονόμους γὰρ τῷ ὀπισκοπῆς ποιῆσθαι εἰ δίκαιον, τὰ δὲ Θεῷ χαρίζεσθαι πάθει ἀνθρώπων· ἢ γὰρ τὸν Θεῷ Ἐκκλησίαν ὑπὸ κληρονόμους ὀφείλει πρῆναι· εἰ δέ τις τῷ ποιήσῃ, ἀκυροῦται μὴ ἔσω ἢ χειροτονία, αὐτὸς δὲ ὀπιπμάσθω ἀφορισμῷ.

LXXIII.

Vas aureum, vel argenteum sanctificatum, vel velum, nemo amplius in suum usum convertat : Injustum enim est. Si quis autem deprehensus fuerit, multetur segregatione. *Lib. 2. c. 8.*

LXXIV.

Episcopum à viris fide dignis ob aliquid accusatum, ipsum ab Episcopis vocari necesse est : & si se quidem stiterit, & confessus vel convictus fuerit, statuatur poena. Si autem vocatus non paruerit, secundo etiam vocetur, missis ad eum Episcopis duobus : si autem sic etiam non obedierit, vocetur & tertio, duobus ad eum rursus missis Episcopis. Si autem vel sic aspernans se non stiterit, Synodus ea quæ videntur adversus eum pronunciet, ne lucrifacere videatur, dum judicium subterfugit. *Lib. 1. c. 5. p. 44.*

LXXV.

In testimonium adversus Episcopum hæreticus ne admittatur : sed nec unus solus fidelis. In ore enim duorum vel trium testium stabit omne verbum.

LXXVI.

Quod non oportet Episcopum fratri, vel filio, vel alii cognato gratificantem, ad Episcopatus dignitatem quem vult ordinare. Episcopatus enim hæredes facere justum non est, ea quæ Dei sunt, humano affectu largientem. Non enim licet Ecclesiam Dei in hæredes conferre. Si quis autem hoc fecerit, irrita quidem sit ordinatio, ipse autem segregatione multetur.

C c c 2

οζ'. Ε'

οζ'.

Εἰ τις ἀνάπηρ ᾗ ἢ ὀφθαλμὸν, ἢ πὸ σκέλῳ πεπληγμένῳ, ἄξιῳ δέ ἐστιν ὁπισκοπῆς, γινέσθω. εἰ γὰρ λάβῃ σώματ' αὐτὸν μιάνει, ἀλλὰ ψυχῆς μολυσμός.

οή'.

Κωφὸς ὃ ἂν ἢ τυφλὸς, μὴ γινέσθω Ἐπίσκοπ'· εἴχ' ὡς μεμιασμένῳ, ἀλλ' ἵνα μὴ τὰ ἐκκλησιαστικά παρεμποδί-
ζοιτο.

οθ'.

Ἐάν τις δαίμονα ἔχῃ, Κληρικὸς μὴ γινέσθω· ἀλλὰ μηδὲ πῶς πῶς σιωδ' ἔσθω. Καθαρθεὶς δ', πρὸς δεχέσθω, ἢ εἰ ἂν ἢ ἄξιῳ, γινέσθω.

π'.

Τὸν ἐξ ἐθνικῆ βίᾳ προσελθόντα, ἢ βαπτισθέντα, ἢ ἐκ φαύλης ἀγωγῆς, εἰ δίκαιόν ἐστι περ' αὐτὸν προχειρίζεσθαι Ἐπίσκοπον. Ἄδικον γὰρ, ἢ μηδέπω πείραν ἐνδείξιόντων, ἐτέρων εἶναι διδάσκαλον εἰ μήπω αὐτὸν θεῖαν χάριν τῷ ᾧ ᾗ.

πα'.

Εἴπομεν ὅτι εἰ χρεὶ Ἐπίσκοπον, ἢ Πρεσ-
βύτερον καθίσταται αὐτὸν εἰς δημοσίας διοι-
κήσεις, ἀλλὰ προσδουλεῖν ταῖς ἐκκλη-
σιαστικαῖς χρεῖαις· ἢ πείθεσθαι ἐν τῷ
μὴ ποιεῖν, ἢ καθαιρεῖσθαι· εἰ δὲ τις γὰρ
δυῶνται δυοὶ κυρίοις διαλέγειν, αὐτὸν τὴν
κυριακὴν παρεκκλίσσει.

LXXVII.

Si quis oculo orbatus, vel femore oblæsus sit, Episcopatu autem dignus est, fiat. Non enim corporis damnum eum polluit, sed animæ inqui-
natio.

LXXVIII.

Qui vero surdus est & cæcus, ne fiat Episcopus : non ut pollutus, sed ne Ecclesiastica impediuntur.

LXXIX.

Si quis dæmonem habeat, ne fiat Clericus, sed neque cum fidelibus precetur. Purgatus autem recipiatur, & si sit dignus, fiat.

LXXX.

Eum qui ex vitâ Gentili accesserit, & baptizatus fuerit, vel ex improbâ vivendi ratione, non est æquum protinus Episcopum fieri. Iniquum enim est, ut qui sui nondum experientiam ostenderit, aliorum sit magister : nisi forte hoc divinâ gratiâ fiat.

LXXXI.

Diximus non oportere Episcopum, vel Presbyterum seipsum ad publicas administrationes demittere, sed in Ecclesiasticis negotiis versari : vel ergo ita non facere persuadeatur, vel deponatur. Nemo enim potest duobus Dominis servire, secundum Domini præceptum.
Lib. 2. c. 8.

πς'.

Οἰκέτας εἰς κλῆρον παρεχέμενοι
ἀντὶ τῶν δεωτοῦν συγνώμης, σὺν
ἐπιτερομῇ, ἐπὶ λύπῃ τῶν κεκτημένων·
οἰκὼν γὰρ ἀνατροπὴν τὸ τοῦτον ἐργάζετο).
Εἰ δὲ ποτε ἢ ἄξιον φανείη ὁ οἰκέτης
πρὸς χειροτονίαν βαθμῇ, οἷον ἢ ὁ
ἡμέτερος· Οὐνισμὸς ἐφάνη, ἢ συλ-
χῶσιν οἱ δεωτοί, ἢ ἐλδοφρώσων,
ἐξ οὗκ ἐξαποσίλωσι, γινέσθω.

πγ'.

Ἐπίσκοπος, ἢ Πρεσβύτερος, ἢ
Διάκονος στρατεία χολάζων, ἢ βελο-
μῇ ἀμφοτέρω κατέχων, Ῥωμαϊκῇ
στρατῇ ἢ ἱεροπικῇ διοίκησιν, κατα-
λείδω. Τὰ γὰρ Καίσαρος, Καίσαρι,
ἢ τὰ θεῷ Θεῷ Θεῷ.

πδ'.

Ὅς πρὸς ὑβρίσιν Βασιλεία, ἢ ἄρ-
χοντα πρὸς τὸ δίκαιον, πτωχεύαν
πνύτω. Καὶ εἰ μὴ Κληρικὸς, κα-
ταλείδω· εἰ δὲ Λαϊκὸς, ἀφορρίσθω.

πε'.

Ἔσω ὑμῖν πᾶσι Κληρικοῖς καὶ Λαϊ-
κοῖς βιβλία σπουδαῖα καὶ ἁγία. Ἐ
μὴ παλαιᾶς ἀρχαίας, Μωυσέως
πέντε, Γένεσις, Ἐξοδος, Λευιτι-
κόν, Ἀριθμοί, Δευτερονόμιον. Ἰησοῦ
ἐν Ναυῇ, ἐν Κελτῶν ἐν, Ῥαθ ἐν.
Βασιλειῶν τέσσαρες. Παραλειπομένων
τρεῖς βίβλαι τῶν ἡμερῶν, δύο. Ἐσδρας,
δύο. Ἐσθέρ, ἐν. Μακκαβαίων,
τέσσαρες. Ἰωάννης, ἐν. Ψαλμοί, ἐν.
Σαλμοὶ, τέσσαρες, Παροιμίαι, Ἐκ-
κλησιαστής, Ἄσμα ἁσμάτων. Προ-

LXXXII.

Servos in clerum provehi sine venia
Dominorum non permittimus in pos-
sessorum molestiam. Domorum enim
everfionem illud efficit. Si quando au-
tem etiam dignus servus visus sit, qui
ad gradum eligatur, qualis noster
quoque visus est Onesimus, ac Do-
mini concefferint & liberaverint, &
ædibus emisierint, fiat. *Lib. 2. c. 17.*

LXXXIII.

Episcopus, vel Presbyter, vel Dia-
conus exercitui vacans, & utraque re-
tinere volens, Romanum scilicet ma-
gistratum, & Sacerdotalem admini-
strationem, deponatur. Quæ enim
sunt Cæsaris, Cæsari; & quæ Dei sunt
Deo. *Lib. 2. c. 8.*

LXXXIV.

Quisquis Regem vel Principem præ-
ter jus contumeliâ affecerit, pœnas
luat. Et si sit quidem Clericus, de-
ponatur: si vero Laicus, segregetur.

LXXXV.

Sint vobis omnibus Clericis & Lai-
cis libri venerandi & sancti, Veteris
quidem Testamenti, Moysis quinque,
Genesis, Exodus, Leviticus, Nu-
meri, Deuteronomium. Jesu filii
Nave unus. Judicum unus. Ruth
unus. Regnorum quatuor. Paralipomenon, id est, derelictorum libri
dierum, duo. Esdræ duo. Esther
unus. Maccabæorum tres. Job unus.
Psalterii unus. Solomonis tres, Pro-
verbia, Ecclesiastes, Canticum Can-

C c c 3;

φητῶν,

Φητῶν, δεκαδύο. Ἡσαΐας, ἑν. Ἰη-
ρημίας, ἑν. Ἰεζεκιήλ, ἑν. ἐν Δα-
νιήλ. Ἐξώθεν δὲ ὑμῖν προσσυνείδω,
μανθάνειν ὑμῶν τὰς νέας τὴν σοφίαν
δὲ πολυμαθῆς Σιραχ. Ἡμεῖς δὲ,
τῶν ἐστὶ, τὴ καὶ νῆς Ἀφθάρτης, Ἐν-
αγγέλια τέσσαρες, Ματθαῖος, Μάρ-
κος, Λουκᾶ, Ἰωάννης. Παῦλος ὁπ-
τολαὶ δεκατέσσαρες. Πέτρος ὁπτολαὶ
δύο. Ἰωάννης τρεῖς. Ἰακώβος, μία.
Ἰσίδωρος, μία. Κλήμησις ὁπτολαὶ
δύο. καὶ αἱ Ἀφθάρται ὑμῖν πῶς Ἐπι-
κόποις, δι' ἐμὲ Κλήμησις, ἐν οὐκτῶ
βιβλίοις προσπεφωνημένοι, ὥς ἔχει
δημοσιεύειν ὑπὲρ πάντων, Ἀφθάρται ἐν
αὐταῖς μυστικά. Καὶ αἱ προφῆται ἡμῶν
τῶν Ἀποστόλων.

ticorum. Prophetarum XII. Esaiæ
unus. Jeremiæ unus. Iezechielis
unus. Danielis unus. Extrinsecus
autem à vobis intelligatur, debere ve-
stros adolescentes discere sapientiam
eruditissimi Sirach. Nostri autem,
id est, novi Testamenti, Evangelia
quatuor, Matthæi, Marci, Lucæ,
Joannis. Pauli Epistolæ quatuorde-
cim. Petri Epistolæ duæ. Joannis
tres. Jacobi una. Judæ una. Cle-
mentis Epistolæ duæ; & Constitu-
tiones vobis Episcopis per me Cle-
mentem in octo libris editæ, quæ non
sunt omnibus divulgandæ, propter ea
quæ sunt in eis mystica. Et Actus
nostri Apostolorum. *Lib. 2. c. 9.*
Lib. 1. c. 17.





ELENCHUS CAPITULI.

LIB. I. CAP. I.

I. *ECCLESIA* Christiana quare à Domino instituta. **II.** Eadem hodie in schismata & controversias discerpta, quæ ortum plerumque habent ex humani ingenii imbecillitate, quæ ad extrema ruere proclives sumus. **III.** Clarissimum hujus rei documentum in controversiâ de Canonibus Apostolorum. Turriani & Dallæi extrema de iis sententia. **IV.** Nostra inter eas media, ab Anonymo Observatore, eò tantùm quòd in Dallæanam non ad amissim quadret, impugnata. **V.** Temeraria Observatoris assertio, Episcopalem auctoritatem Ignatii Epistolis & Canonibus Apostolorum præcipue inniti. Eam aliunde quam ex Ignatii Epistolis satis constare paucis indicatur. **VI.** Eandem auctoritatem ante Canones Apostolorum juxta nostram sententiam conditos obtinuisse, ipse Observator aliique ejusdem oppugnatores concedunt. Quam propterea illis inniti inconsideratissimâ temeritate affirmatur. **VII.** Occasio hujus scribendi tractatus ab Observatore data. **VIII.** Ejusdem scopus ac divisio.

Pag. 14

CAP. II.

I. Nostra de Canonibus Apostolorum sententia, eos à Catholicis secundi æviique sæculi Synodis sancitos statuens. **II.** Hæc sententia duabus observationibus explicatur: quarum prima est, frequentes istis etiam sæculis, æque ac postea, habitas fuisse Synodos, quibus altiora quæque tractata sunt: Quod probatur. **III.** Altera observatio est, nihil in Canonibus Apostolorum haberi, quod Ecclesiastica istorum temporum disciplina non exactè respondet. **IV.** Hinc hi Canones nihil aliud nobis videntur, quam primitivarum Synodorum decreta. Quod

de

de nonnullis eorum certò constat. V. Non ab uno sed à pluribus Conciliis conditi fuerunt. Et à diversis etiam viris collecti. Unde orta est in numero eorum diversitas. Ecclesiastici enim à nonnullis vocantur, ab aliis Apostolici & Apostolorum. Utriusque nomenclaturæ ratio. VI. Synodi Primitiva ex Apostolorum traditionibus controversias determinare, legesque ferre solebant. Hinc Canonibus hisce, ab iis sancitis, Apostolorum nomen inscriptum. VII. Nostra de horum Canonum antiquitate, quæ sola controvertitur, sententia. Hincmarus Rhemensis eandem olim tenuit. Sed Joannes Dallæus aliter sensit: cujus opinio hic discutitur.

p. 21

CAP. III.

I. Canonum Apostolorum antiquitas à nobis asserta, ex quarti quintique seculi nondum adulti testimoniis satis probetur. Ea in duas classes reducuntur. II. Egregium S. Athanasii de antiquis Ecclesiæ Canonibus testimonium. Quod de aliis quam Apostolicis intelligi non posse ostenditur. III. Aliud ex ejusdem Patris operibus pro Canonibus Apostolicis petittum argumentum. IV. S. Basilii suum etiam testimonium hisce Canonibus Apostolorum tribuit, in Canonicâ suâ ad Amphilochoium Epistolâ, Canone III, XII, necnon primo.

p. 26

CAP. IV.

I. Synodus Nicæna Canones Apost. vidit: quod probatur è Can. Nic. 1. 2. 5. Nonnullos etiam è Canonibus Apost. explicat, & confirmat: ut patet è Canonibus Nicænis 9 & 10. cum Apostolicis 61 & 62. necnon ex Apostolicis 14 & 15. cum Nicænis 15 & 16. collatis. II. Canones Antiocheni eadem præcipiunt, quæ Apostolici: Eodem etiam ordine plerumque observato: ut è collatione utriusque collectionis liquet. III. Canones Antiochenos ex Apostolicis formatos esse, probatur, primo è stylo, qui in Apostolicis simplex est, in Antiochenis copiosus & paraphrasticus. IV. Idem probatur è Canone Antiocheno 9. Primus gentis cujusque Episcopus non ante quartum seculum dictus est vulgo Metropolitanus. V. Probatur etiam è Can. Antiocheno 20. Mendum, in dicto Canone deprehenditur, & emendatur. Quare Synodus Antiochena primam quotannis Synodum alio peragendam tempore, quam Nicæna, decrevit. VI. Idem probatur è duobus ultimis Canonibus Antiochenis, de bonis Ecclesiæ. Primitiva Ecclesiæ nullos nisi ex fidelium oblationibus redditus habuit. Latifundia ei non nisi post Constantinum M. concessa. VII. Idem denique probatur ex eo quod Canones Apostolici aliorum Canonum nunquam mentionem faciant, Antiocheni sæpe. VIII. Quo hæc omnia clarius elucescant, inquiritur in Canonum Antiochenorum occasionem. Synodus ista ex Arianis constabat. Baronii aliorumque error ex Julii verbis male intellectis. Paulò ante hanc Synodum S. Athanasius Ecclesiæ Alexandrinæ restitutus, & Paulus CP. Episcopus creatus est. IX. Synodus Antiochena Canones suos contra Catholicos designavit. Quod ut occultius fieret,

antiguos

antiquos Canones renovavit, iisque novos, contra S. Athanasium & Paulum CP. interfervit, ut ejus restitutio, & hujus creatio invalida redderetur. X. Hinc tota Canonum Antiochenorum occasio & historia eruitur. p. 30

C A P. V.

I. Synodus Gangrena Ecclesiasticos Canones ab Eustathianis violatos asserit. Quos eosdem esse atque Apostolicos probatur. II. Synodum Constantinopolitanam An. D. 382. habitam, Canones Apostolorum vidisse ac citasse ostenditur. III. Eisdem à Synodo Carthagenensi iisdem fere diebus celebratâ laudatos esse probatur. IV. Canones Apostolici præcipiunt Episcopum tertio citandum esse, priusquam à Synodo judicetur. Hinc probatur dictos Canones tertio generali Concilio cognitos fuisse, utpote à quo Nestorius tertio citatus est. Et Canones Ecclesiastici id præcepisse ab eodem perhibentur. V. Eodem argumento probatur hosce Canones notos fuisse Synodo CP. Eutychen, & quarta generali Dioscorum tertio citanti. VI. Aliis argumentis hos Canones Synodo Chalcedonenfi visos & confirmatos fuisse demonstratur. p. 46

C A P. V I.

I. Canones Apostolicos eosdem esse atque Ecclesiasticos à Patribus laudatos, è summâ inter eos convenientiâ satis constat. II. Hi Canones nonnunquam sub ipso Apostolorum & Apostolicorum nomine laudati sunt. Quod probatur primo Alexandri Alexandrini testimonio. III. Constantinus M. Imp. Canonem Apostolicum ab Eusebio servatum laudat, eundemque & à mandatis Dei & à Canonibus Ecclesiasticis distinguit. IV. Julius P. R. Canones Apostolorum in Gregorii ordinatione in sedem Alexandrinam violatos asserit. V. Canones Apostolici à Concilio Constantinopoli An. D. 394. habito verbis conceptis laudati sunt. VI. Idem in Actis Concilii Ephesini, Apostolici etiam disertè vocati sunt. VII. Egregium Theodosii Imp. hisce Canonibus, Apostolicis ab eo dictis, redditum testimonium. p. 54

C A P. V I I.

I. Testimonia hæcenus allata Canonum Apostolorum antiquitatem satis probant: utpote quibus nihil desideratur. Etiam si unus & alter sufficerent, nos plurimos testes adduximus. II. Testes à nobis adducti, non obscuri fuerunt viri, sed celeberrimi ex Imperatoribus, Patribus, Conciliis. III. Omnia ex iis recitata de antiquis Canonibus testimonia, in Apostolicis unâ perspicuè inveniuntur. IV. Nonnulli ex antiquis à nobis adductis testibus Canones hosce Apostolicos & Apostolorum disertè vocarunt. Quod summam eorum antiquitatem evincit. p. 61

nibus, quarum prima nihil est quam vel concessio, vel petitio principii. VI. Secunda exceptio de dissonantiâ inter canones Apost. & CP. refellitur. Ut & Tertia de Balsamone, Zonarâ & Aristeno, canones Apostolorum hic non citantibus. Synodus Carthagenensis nec canonibus Apostolicis nec decreto CP. adversatur. VII. Ad quartam exceptionem saepe responsum est: & quinta τὸ ἐν δεξιῇ postulat. VIII. Ultima exceptio diluitur. Patres CP. nec ad canones Antiochenos respexerunt, nec ad Nicenos. S. Hieronymi locus explicatur. IX. Testimonium Synodi Ephesinæ defenditur. In eo nec Nicænus nec CP. canon indicatur, sed Apostolicus. X. Contra illustre Theodosii Imp. testimonium à nobis adductum, nihil ab adversariis exceptum est.

p. 106

CAP. XIV.

I. Justiniani Imp. & Joh. Antiocheni testimonia vindicanda restant. II. Licet Justinianus post An. D. 451. imperare coeperit, ejus tamen testimonium summo jure in hac causa admittendum est, ut doctissimorum istius ætatis virorum sententia innixum. III. Qualem exceptionem contra Imp. testimonium ex Oraculis Sibyllinis formavit Observator. Quantum sit discriminis inter Justinianum de canonibus Apostolorum, & Justinum de Sibyllarum carminibus differentem? IV. Sibyllina Oracula quæ hodie circumferuntur, longe alia sunt atque ea quæ à Justino M. aliisque antiquis Patribus laudata fuerunt. Proinde ex iis contra hæc disputare iniquum est. V. Carmina Sibyllina à Justino M. citata, ante An. D. 138. facta fuisse, ex eo satis constat, quod ab ipso tanta confidentia citentur, & in toto terrarum orbe extare dicantur. VI. Alii ejusdem ætatis scriptores præter Justinum M. oracula Sibyllina laudarunt. Insigne de iis testimonium ex Origene petitur. VII. Clementis Alexandrini, de S. Paulo Sibyllam citante, verba, ab alieno in ea nuper conjecto sensu vindicata. VIII. Clementem Romanum Sibyllæ oracula vidisse ac citasse probabile est. IX. Eadem ante An. D. 138. extitisse, ex Josepho, Strabone, aliisque probatur. X. Antiqua Sibyllæ oracula igne in Capitolio absumpta sunt, aliæque variis à locis illuc postea transportata, quæ in Christianorum manus venire potuerunt. XI. Vera de istis sententia contra Blondellum explicata & asserta. XII. Quam futilis sit Observatoris responsio ex Carminibus Sibyllinis sumpta, è præmissis evincitur. XIII. Constantinum M. de Sibyllarum oraculis, & Justinianum de Apostolorum Canonibus magnifice locutum esse, mirum nemini videatur. XIV. Justinianus Imp. hos Canones ipsis Apostolis ascribens, non elevat, sed confirmat nostram de iis opinionem.

p. 122

CAP. XV.

I. Joh. Antiocheni Testimonium ab Observatoris exceptionibus defenditur. Canones Apostolorum nomocanoni ante eum inserti fuerunt. II. Nomocanon quid proprie vulgoque significet. Joh. Antiochenus nomocanonem componere non potuit, nec quosvis ei canones inferere. Neque hoc ille in se suscepit. III. Etsi Justinianus

Justinianus & Joh. Antiochenus hos canones ipsis Apostolis adscripserint, nostra tamen ex eorum testimonio sententia clare satis evincitur: Dalleana autem penitus evertitur. IV. Inter Gelasii P. R. nostramque de canonibus Apostolorum sententiam nulla est discordia.

P. 139

CAP. XVI.

I. Quare Canones Apostolorum Codici canonum Ecclesiæ universæ non sunt inserti? II. Eum qui Codicem istum composuit, illos tantum canones, quos Synodus Nicæna edidit vel recepit, quique postea sanciti sunt, colligere, in animo habuisse probatur. III. Canones Ancyrani & Neocæsarienses Codici propterea inserti sunt, quod à Syn. Nic. recepti. Idem dici nequit de Sardicenfibus à secundâ Synodo, ut Patribus Florentinis visum est, receptis. Ipsi secunda generalis Synodi canones Codici non sunt inserti ante quartam Chalcedone habitam. Synodi Florentinæ testimonium in hac causa vindicatur. IV. Etsi canones Ancyrani & Neocæsarienses non fuissent à Syn. Nic. confirmati, Codici tamen inserendi erant, ut iisdem diebus editi. V. Canones Apost. primitive ante Syn. Nic. Ecclesiæ disciplinam exhibere asseritur. Collectores canonum Ecclesiæ universæ nullam Apostolicos memorandi occasionem habuerunt. VI. Nullum ex antiquis istius Ecclesiæ decretis Codici Ecclesiæ Africanæ insertum est. D. Cyprianus nihil de transmarinis appellationibus statuit. Non opus erat, ut antiquior istius Ecclesiæ Codex novo conjungeretur, vel in eo commemoraretur. VII. Ex eo quod Synodi antiquæ canones Apost. non nominatim memorarint, non sequitur eos tunc non extitisse. VIII. Canones Apost. Patribus Nicænis, Antiochenis, &c. incognitos fuisse, nequaquam ex eo sequitur, quod ab illis indicato numero non laudentur. Omnia antiquiorum conciliorum Acta interciderunt.

P. 144

CAP. XVII.

I. Ex eo quod Eusebius & Hieronymus horum canonum non meminervnt, nihil contra eorum antiquitatem concludi posse, exinde evincitur, quod nec alios antiquos Canones memorarunt. II. Canones Apostolorum post Synodum Nicænam in desuetudinem abire cœperunt, aliis eorum loco substitutis. Ita tamen ut eorum memoria non penitus interciderit. III. Hi Canones antiquitus Ecclesiastici sæpius vocati sunt. IV. Primi eorum conditores in animo non habuerunt, ut hi canones ab ipsis Apostolis sanciti crederentur. Canones XXIX. L. LXXXII. & LXXXV. quibus Apostolorum nomen subindicatur, corruptos, ac interpolatos esse ostenditur. V. Quatuor illegitimis, quas Observator è præmissis suis infert, consequentiis breviter respondetur. VI. Libri primi Epilogus.

P. 156

gitur tribus primis seculis Metropolitanos in universa Ecclesia constitutos esse, quorum jura à Syn. Nic. asseruntur. XII. Romanum Imperium initio Evangelii in provincias distributum fuit, quæ singula singulos habebant Praefides. Ad hanc Imperii dispositionem Apostolos in Ecclesia propaganda respexisse, è variis scriptura locis probatur. XIII. Idem ex Epistolis D. Pauli ad Provincias, Metropoles, aut Metropolitanos omnibus missis demonstratur. XIV. Item è Synodo Hierosolymitanâ ab Apostolis habitâ: necnon ex Actis Apostolorum & D. Johannis Apocalypsi. XV. Quare Apostoli summam Metropoleon curam habuerint? Hinc Metropolitanorum primatum ab Apostolis manasse asseritur: licet non particularia eorundem Privilegia. XVI. Nonnulla Ecclesia honorem præ aliis habuerunt, ut ab ipsis Apostolis fundata. Sed illæ nisi Metropoles essent, aliis subiectæ sunt. Quod è Synodis Nicænâ, Antiochenâ & Taurinenfi probatur. E præmissis canon Apost. XXXIV. vindicatur. XVII. Metropolitanus jure primus est ubique gentium Episcopus, & speciatim in Anglia. Ut cujus Metropolis erat Cantuaria cùm primò ad fidem conversus est. XVIII. Metropoles in Ecclesia notitiâ semper eadem: Imperii mutationibus non subiectæ. Quod è canonibus & Actis Syn. Chalcedonenfis probatur. XIX. In Ecclesia Anglicana Cantuaria juxta Synodi Chalced. decretum primatum semper obtinuit: Licet Lichfelda, & Londinum eum sibi nonnunquam vindicarint. De Archidiaconibus nihil in antiquitate occurrit. Hodie non constat quamam olim fuerit Britannorum Metropolis. XX. Controversia inter Archiepiscopum Cantuariensem & Eboracensem alius erat generis, & citò sedata. XXI. Hujus dissertationis Epilogus.

P. 187

C A P. V I.

I. Canon Apost. L. de trinâ mersione in baptismo. Quam antiquus fuerit iste ritus. A Patribus inter Apostolicas traditiones recensetur. II. Nihil est ineptiæ, nedum vitii in hac sanctione: per quam deponuntur illi soli qui unâ mersione in mortem Domini datâ baptizant. III. Objectio contra hujus Canonis antiquitatem ex eo petita, quod Eunomiani quarto seculo exorti, non trinâ sed unâ mersione in mortem Domini, primi baptizasse perhibeantur. IV. Huic objectioni respondetur. Nec Socrates, nec Sozomenus Eunomium dixit in mortem Domini primum baptizasse. Alii longe ante Eunomium in nomine solius Christi baptizantes heretici, amplam satis huic condendo canonem occasionem præbuerunt. V. Eunomii historiam, ut à Theodoro traditam, antiquitatem hujus canonis confirmare potius quam elevare ostenditur. VI. Traditiones non scriptæ Patribus ea dicuntur, quæ in S. scripturis non continentur: non ista quæ nec in scriptis Ecclesiast. habentur. Cujus rei specimen è S. Basilio datur.

P. 219

C A P. V I I.

I. Quid contra Canones Apost. LII. & LXXII. de pœnitentibus recipiendis objectum est? II. Pœnitentes secundo tertioque seculo ab Ecclesiâ receptos esse proba-

proba-

probatur. Quod si Clerici essent, ad Laicam tantum communionem admissi sunt. III. Quicquid his canonibus decernitur, Apostolorum doctrina convenit. IV. Canon LX. de libris hæreticis. Multi hujusmodi libri istis diebus editi sunt: A Valentino, Marcione, & aliis. Evangelium secundum Ægyptios, secundum Hebræos, Judæ, Veritatis. V. Canon Apostolorum LXIII. Apostolorum doctrina & decreto consonat. Lex Mosaica de sanguine & suffocatis non edendis necessaria judicata est observatu aliquandiu post Apostolos. Ab Ecclesiâ Occidentali diu observata fuit, ab Orientali ad hunc usque diem. VI. Canon LXVI. defenditur. Primitiva Ecclesia die dominico non jejunabat, neque Sabbato, nisi magno. Hæresis Marcionis huic de Sabbato non jejunando sanctioni materiam dedit. VII. Post extinctam istam hæresin, nonnullis in locis Sabbato jejunatum est, aliis non. D. Ambrosii de hujusmodi rebus consilium. p. 227

CAP. VIII.

I. Canon Apost. LXIX. de Quadragesimâ & quartâ sextâque feriis jejunandis, in proximo libro seorsim vindicatur. II. Canon LXXII. defenditur. Cera & Oleum ab Ecclesiâ primitivâ quamobrem usitata? III. Canon LXXIII. vindicatur. Apostolos ades Dei cultui consecratos habuisse plusquam verisimile est: Vasa & aurea & argentea proximis post eos seculis in usu fuisse, certissimum. IV. Canones LXXXI. & LXXXIII. de iis qui civiles una cum Ecclesiasticis dignitatibus obtinebant, defenduntur. Paulus Samosatenus & Episcopus fuit & Ducenarius. p. 235

CAP. IX.

I. Ultimus Canon Apostolorum. Quot & quales contra eum objectiones edidit Dallæus? Qua tamen Turrianicam magis quam nostram opinionem perstringunt. II. Libros Maccabæorum antiquitus in hoc canone non recensitos esse, Joh. Antiocheni collectio, & Ecclesia Græca usus fidem faciunt. III. Libri illi inter Canonicos S. scriptura libros ante Syn. Nicænam numerati sunt: nec duo tantum sed tres. IV. Constitutiones Apostolorum, ut hodie in hoc Canone lectæ. Has easdem esse quas διδασκαλίας seu διδασκῶν τῶν Ἀποστόλων ab Eusebio & Athanasio memoratas, nonnulli judicarunt. V. Quare ista opinio nobis etiam venalisio videatur. Constitutionum opus Doctrina sæpe appellatur. VI. Constitutiones Apost. Epiphanio visa sunt, laudatæ, ac perinde habitæ ac si ab ipsis Apostolis editæ fuissent. VII. Haud mirum est, si Constitutiones istæ inter sacros scripturæ libros numeratæ essent ante Syn. Nicænam. VIII. Verum istæ hoc ultimo Canone Apost. inter Canonicos libros non recensentur, sed ab iis aperte distinguuntur. IX. Earum mentio aliâ ac primi conditoris manu huic canoni inserta est. Inter Canones Apost. & Constitutiones antiquitus disconvenit. X. Clementis Epistola, ut hic memorata. Dne ab antiquis patribus celebrata, ab ipso etiam Dionysio Corinthiorum Episcopo: cujus verba explicantur. Que

THE UNIVERSITY OF CHICAGO
LIBRARY
1100 EAST 58TH STREET
CHICAGO, ILL. 60637
U.S.A.
1941




93-614323

ES

432

060

- de



103

BEA
REGII